

1

D

# LUWAWANU LUAMONA

LUASEKULWA MU KIFIOTI

KWA

N. WESTLIND.



SWEDISH MISSIONARY SOCIETY,  
ETAT INDEPENDANT DU CONGO.  
1897.

## MINKANDA:

	luse
Nsamu wambote waMateosi . . . . .	1
Nsamu wambote waMalakosi . . . . .	63
Nsamu wambote waLukasi . . . . .	103
Nsamu wambote waYoane . . . . .	171
Mavanga mazintumwa . . . . .	224
Nkanda waPauli kwa bisi Loma . . . . .	239
Nkanda wantete waPauli kwa bisi Kolinto . . . . .	320
Nkanda wanzole waPauli kwa bisi Kolinto . . . . .	347
Nkanda waPauli kwa bisi Ngalatia . . . . .	365
Nkanda waPauli kwa bisi Efeso . . . . .	374
Nkanda waPauli kwa bisi Filipo . . . . .	384
Nkanda waPauli kwa bisi Kolose . . . . .	391
Nkanda wantete waPauli kwa bisi Tesalonika . . . . .	397
Nkanda wanzole waPauli kwa bisi Tesalonika . . . . .	403
Nkanda wantete waPauli kwa Timoteo . . . . .	406
Nkanda wanzole waPauli kwa Timoteo . . . . .	414
Nkanda waPauli kwa Tito . . . . .	419
Nkanda waPauli kwa Filemoni . . . . .	422
Nkanda kwa baebeleo . . . . .	424
Nkanda wantete waPetolo . . . . .	444
Nkanda wanzole waPetolo . . . . .	451
Nkanda wantete waYoane . . . . .	456
Nkanda wanzole waYoane . . . . .	463
Nkanda wantatu waYoane . . . . .	464
Nkanda waYakobi . . . . .	465
Nkanda waYuda . . . . .	472
Nzaikusu aYoane . . . . .	474
MINKUNGA MIADAVIDI . . . . .	1



# Nsamü wambote waMateosi.

## Kapu 1.

*Mase ye ngiakulu ye nküngii ye mbutukulu bia Yesu.*

Nkanda wabutukulwa Yesu Kilisto, imwana aDavidi ye Davidi imwana waAbalami.

2. Abalami wabuta Isaki, Isaki wabuta Yakobi, Yakobi wabuta Yuda ye zimpangi zandi.

3. Yuda ye Tamali babutana Falesi ye Zala, Falesi wabuta Esolomi, Esolomi wabuta Alami.

4. Alami wabuta Aminadabi, Aminadabi wabuta Nasoni, Nasoni wabuta Salamoni.

5. Salamoni ye Lakabi babutana Boesi, Boesi ye Luti babutana Yobedi, Yobedi wabuta Yese.

6. Yese wabuta mfumu Davidi, Davidi ye nkento aUlia babutana Salomoni.

7. Salomoni wabuta Loboami, Loboami wabuta Abia, Abia wabuta Asafi.

8. Asafi wabuta Yosafati, Yosafati wabuta Yolami, Yolami wabuta Ozia.

9. Ozia wabuta Yoatami,

Yoatami wabuta Akazi, Akazi wabuta Ezekia.

10. Ezekia wabuta Manase, Manase wabuta Amosi, Amosi wabuta Yosia.

11. Yosia wabuta Yekonia ye zimpangi zandi, bubamana natuka kuna Babeloni.

12. Bubakinatukina kuna Babeloni, Yekonia wabuta Zalatieti, Zalatieti wabuta Zolobabeli.

13. Zolobabeli wabuta Abiudi, Abiudi wabuta Eleakimi, Eleakimi wabuta Azoli.

14. Azoli wabuta Sadoki, Sadoki wabuta Akimi, Akimi wabuta Eliudi.

15. Eliudi wabuta Eliezali, Eliezali wabuta Matani, Matani wabuta Yakobi.

16. Kansi Yakobi wabuta Yosefi ibakala diaMalia imbuti aYesu ubikwanga Kilisto.

17. Nkiangunu zimbandu zazonsono zatuka mu Abalami nate ye Davidi ikümi ye zimbandu zia; ye zimbandu zatuka mu Davidi nate ye bamana natuka kuna Babeloni ikümi ye zimbandu zia; ye zimbandu za-

tuka mu banatuka kuna Babe-loni nate ye Kilisto ikũmi ye zimbandu zia.

18. Kansi Yesu Kilisto wabutukulwa ena: mbuti 'ndi Ma-lia wakambana ye Yosefi, Malia wateka bakulwa vo vũmũ kiena yandi kiatukidi kwa Mpeve ya-nlongo bukababundana ye bakala diandiko.

19. Kansi Yosefi, bakala di-andi, imuntu wamfonga kazola kuntungũdila mu nsoniko, nkia-ngunu kambanzila: sia kunya-mbula mu nsweki.

20. Bukayindulawo, tala, mpofi yaMfumu yamonika kwa yandi mu ntu atulu ye yavova: kutinani bundana ye nkento aku Maliako, kadi yina yandi yatu-kidi kwa Mpeve yanlongo.

21. Yandi una buta mwana wabakala uwuna kumbika nkũmbũ Yesu, kadi waũ una lalula bantu bandi mu masumũ maũ.

22. Momo manonsonono ma-vangwa, kidi mambu mavova Mfumu mu nkambi makwenda detila:

23. Tala, ndumba yina kala vũmũ ye yina buta mwana wa-bakala. Yaũ bana kumbika nkũmbũ Emanueli, imbangu-dulu: Nzambi wena yeto.

24. Yosefi wasikama kuni atulu ya wasa bonso bwakamba mpofi aMfumu ya wabundana ye nkento andi.

25. Yandi kanzayako nate ya kamana buta mwana. Yandi wabika nkũmbũ andi Yesu.

## Kapu 2.

*Bantu banduka, Elodesi wavonda bana, Yesu wanatwa kuna Ngipiti ye wavutuka.*

Kansi Yesu bukabutukulwa muna Beteleni mu nsi aYudaya mu lumbu biamfumu Elodesi, tala, bantu banduka batuka muselũkilanga ntangu baluaka ku Yelusalemi.

2. Yaũ bavova: mfumu aba-yudayo yanswa kwe yena? 'Kadi yeto tuamweni mbwetete yandi muselũkilanga ntangu ye tui-zidi kunsambila.

3. Kansi mfumu Elodesi bu-kawawo, kiadi kiakingi kiakala yandi ye divata diamvimba dia-Yelusalemi.

4. Yandi wakutikisa bangũdi zanganga ye minsoniki miabantu ya wabayuvula: Kilisto kwe kana butwa?

5. Yaũ bavova kwa yandi: muna Beteleni mwamũ nsi aYudaya, kadi bobo bwasonika nkambi:

6. Ngeye Beteleni mu nsi aYudaya kunleke abakuhuntu baYudako, kadi mu Ngeye mu-na tuka ndiona una vũnganga bantu bami baIsaleli.

7. Buna Elodesi watedisa bantu banduka mbila mu nsweki



ya watoma kubayuvuzula lumbu kiamonckene mbwetete.

8. Yandi wabayendisira kuna Betelemi ya wavova: luenda tomi fwandi finwana mwana, kansi bulunafio mona, lunkamba, kidi ngienda kumsambila mpe.

9. Kansi bubamana wa mfumu bobo, bayenda kwaü ya tala, mbwetete yibamona muselüki-langa ntangu yabavitila kuntu nate ya yaluaka ya yasimpama vana mbata vakadila finwana mwana.

10. Bubamona mbwetete, bakala mbidi akiese.

11. Yaü bakota mu nzo ya bamona finwana mwana ye mbuta 'ndi Malia ya bafukama ya basambilafio ya babündümüna bikebolo biambongo zaü ya banatinafio minkaylu: wola ye libanosi ye similana.

12. Mboki yaü bakambwa mu ntu atulu: kaluvutukani kwa Elodesiko. Yaü bayendila nyila yankaka kuna nsi aü.

13. Kansi bubakivutukila, tala, mpofi aMfumu yamonika kwa Yosefi mu ntu atulu ya yavova: natelemi wabonga finwana mwana ye mbuta 'ndi ya natinino kuna nsi aNgipiti ya nakadi kuna nate ye ngina kukamba, kadi Elodesi una fwanda finwana mwana mu vondafio.

14. Yandi watehana va wa-

bonga finwana mwana ye mbuta 'ndi mu fükü ya wayenda kuna nsi aNgipiti.

15. Yandi wakala kuna nate ye Elodesi wasuka, kidi mambu mavova Mfumu mu nkambi makwenda defila, bukavova: mono yatela mwana 'mi mbila mu nsi aNgipiti.

16. Elodesi bukamona vo bantu bauduka bantungüdidi, yandi wakala mbidi anganzi ya wafidikisa ya wavondisa bana babonsono bababakala muna Betelemi ya vana nsi yakimfini bakala mimvu miole ya bazimünina, bonso bukayuvuzula bilumbu kwa bantu banduka.

17. Buna mambu makamba Yelemia inkambi mayenda defila, bonso bukavova:

18. Mbembo yawakana muna Lania: dilu ye udingi wawingi. Lakeli udilanga mu bana bandi ye kazolele bombwako, kadi bana kwanana.

19. Elodesi bukasuka, tala, mpofi aMfumu yamonika kwa Yosefi mu ntu atulu mu nsi aNgipiti.

20. Yaü yavova: nanangüki wabonga finwana mwana ye mbuta 'ndi ye wenda kuna nsi aIsaleli, kadi batomba moyo afimwana mwana bafwidi kwaü.

21. Yandi wanangüka ya wabonga mwana ya mbuta 'ndi ya wayenda kuna nsi aIsaleli.

22. Kansi bukawa vo Alekelao weti yala mu sandi Elo-desi mu nsi aYudaya, buna watina vutuka koko, kansi yandi wakambwa mu ntu atulu: wenda kuna nsi aNgalilea.

23. Yandi wayenda kala mu divata diabikwa Nazaleti, kidi mambu mavova nkambi makwenda detila: yandi una bi-kwanga mwisi Nazaleti.

### Kapu 3.

*Yoane Mbotiki wakamba nsamü mu nsi yankatu, Yesu wabotukwa.*

Yina lumbu Yoane Mbotiki wayiza kamba nsamü mu nsi yankatu yaYudaya.

2. Yandi wavova: luvilula madiela, kadi kimfumu kiamazulu kifinangene.

3. Kadi ndiena wabikwa kwa Esaya nkambi, bukavova: mbe-mbo yibokanga mu nsi yankatu: lukübika nyila yaMfumu, lusungika bipmambu mpambu bi-andi.

4. Kansi Yoane wakala mwatu wamika miakamela ye nkiti wankanda mu luketo luan-di ye dia kwandi imakonko ye niosi.

5. Buna Yelusalemi ye nsi yamvimba yaYudaya ye nsi yamvimba yakimfini kiaYolodani bavayka kwa yandi.

6. Yaü babotukwa kwa yandi mu Yolodani bubakamba masumü maü.

7. Kansi bukamona bafalisea babingi ya basadukaya bayiza botukwa, yandi wavova kwa yaü: lubana banioka zambalu, nani waluluengese vo luna taba mu nganzi yina kwiza?

8. Nkiangunu navangino kweno bilekwa bifwanane mu mvilulu adiola.

9. Kalubanzani mu vovasanako, vo tuena dise iAbalami kwandi, kadi mono ngina kulukamba, vo Nzambi lenda fulukisa bana mu matadi momo kwa Abalami.

10. Bwabü kiubi kialambudukulu mu mianzi miaminti. Wonso kanti kaubutanga bana babizako una kwangwa ye tubwa ku tia.

11. Mono ikulubotikanga mu nlangu mu mvilulu adiola, kansi ndiena una kwiza ku manima mami undutidi mu zingolo. Mono kifweni mu nata zinsampatu zandiko. Yandi una kulubotika mu Mpeve yanlongo ye mu tia.

12. Yandi wena ye kivevomonono mu koko kwandi ye una toma vedisa kianu kiandi, buna sika yonzika mbongo andi mu kebolo, kansi mvümvünia sika yokisa mu tia tukatuzimi.

13. Buna Yesu watuka mu nsi aNgalilea ya wayenda kwa

Yoane kuna Yolodani mu botukwa kwa yandi.

14. Kansi yandi watina ya wavova: mono vele ngiena nsatu abotukwa kwa Ngeye, kansi Ngeye vele siukwiza kwa monoe?

15. Yesu wavutula ya wavova kwa yandi: nasebo, kadi bobo bufweni vo tuna mana mfonga zazonsono. Buna kansabo.

16. Kansi Yesu bukabotukwa intumbü tombüka mu nlangu, ya tala, mazulu mazibüka ya yandi wamona Mpeve aNzambi yakülümüka nkievo bembe ye yayiza mu yandi.

17. Ya tala, ndinga mu mazulu yavova: ndieyo imwana 'mi watondwa unzolele kwami.

#### Kapu 4.

*Yesu wasindusulwa kwa Satana, wabadika kamba mambu, wasola mionlongiki, waniakisa bayela.*

Mboki Yesu wanatwa kwa Mpeve kuna nsi yankatu mu sindusulwa kwa Satana.

2. Bukamana mina nsoki makümaya mabilumbu ye makümaya mamafukü, nsatu yeka yandi.

3. Buna nsindisidi wayenda ya wavova kwa yandi: Ngeye vo umwana aNzambi, seti vo matadi momo makituka mampa.

4. Yandi wavutula ya wavova: mwasonukwa: muntu ka-

vümünanga mu mampa ya mampako kansi mu zinküngü zazonsono zivaykanga mu nwa aNzambi.

5. Mboki Satana wanata kuna divata dianlongo ya wantula vantumba anzo aNzambi

6. Ya wavova kwa yandi: Ngeye vo umwana aNzambi, dumüketi, kadi mwasonukwa: yandi una kukambila kwa zim-pofi zandi, kidi zakunata mu moko maü kwidi ta nsaküba mu külü kwaku mu ditadi.

7. Yandi wavutulakwa yandi: mwasonukwa diaka: kuna tonta Nzambi iMfumu akuko.

8. Satana wavutuka nata yandi vana mongo wanda beni ya wansonga zinsi zamfumu zazo ye ntoko zaü

9. Ya wavova kwa yandi: mono ngina kuvana yoyo ya-yonsono vo siwa fukama ye kunsambila.

10. Buna Yesu wavova kwa yandi: Satana, nakatuki kwaku, kadi mwasonukwa: Nzambi iMfumu aku siwa sambila ye yandi kaka siwa sadila.

11. Buna Satana wanyambula, ye tala, mpofi zayenda kunsadila.

12. Kansi bukawa vo Yoane wayekolo, yandi wavutuka kuna nsi aNgalilea.

13. Yandi wasisa Nazaleti ya wayenda kala mu Kapale

namu mu mbela ambu mu zinsi zaSebuloni ye Nafatali,

14. Kidi mambu mavova Esaya, nkambi, makwenda detila, bonso bukavova:

15. Nsi aSebuloni ye nsi aNafatali, nyila yambu kuna simũ diaYolodani, iNgalilea abankwa miambũmbũ;

16. Bantu bavwandanga mu tombe bamweni kia kwakũnene ya bavwandanga mu nsi ye bini bialufwa bakienzelo kwa kia.

17. Buna Yesu watukidila kamba nsamũ ya wavova: luvilula madiela, kadi kimfumu kiamazulu kifinangene.

18. Kansi bukadiata mu nseko amwanza waNgalilea, yandi wamona mpangi zole: Simona ubikwanga Petolo ya Andela mpangi andi batamba makonde maũ mu mbu, kadi yaũ imintambi.

19. Yandi wavova kwa yaũ: lundana ku manima!

20. Yaũ intumbu sisa makonde maũ ye nama yandi.

21. Bukasisa vũma voyo ku manima, yandi wamona zimpangi zole zankaka: Yakobi imwana aZebede ye Yoane mpangi andi bakala mu bota ye saũ Zebede ya basukũla makonde maũ. Yandi wabata mbila.

22. Yaũ intumbu sisa bota ye nama vandi

23. Yandi wazenzila mu nsi yamvimba yaNgalilea ya walonganga mu zinzo zaũ zatusutukununu ya wakambanga nsamũ wambote wakimfumu ya waniakisanga yela kwakonsono ye kindakana kwakonsono mu bantu.

24. Yandi wawakana muna nsi yamvimba yaSilia. Yaũ banata kwa yandi babonsono bakala yela kwampila mu mpila ya balungwa kwa miangala ya babakama kwa mpeve zambi ya bambikulu zangonda ya batila mianzi. Yandi wamana kubaniakisa.

25. Bantu babingi batuka mu nsi aNgalilea ye mu Dekapoli ye mu Yelusalemi ye muna simũ diaYolodani banama yandi.

## Kapu 5.

*Yesu wakamba nsamũ vana mungo.*

Bukamona bantu, yandi wamaka mungo ye bukamana zakala, miulongũki miandi miayenda kwa yandi.

2. Yandi wabandula nwa ya wabalonga ya wavova:

3. Kiese kiena ya bankwa miabumputu mu mpeve, kadi kimfumu kiamazulu kina yaũ.

4. Kiese kiena ya bankwa mianlebami, kadi yaũ bava vingila nsi.

5. Kiese kiena ya badilanga, kadi yaü bana bombwa.

6. Kiese kiena ya bafwanga nsatu ye mpwila zamfonga, kadi yaü bana yuküta.

7. Kiese kiena ya bafwilanga kiadi, kadi yaü bana fwilwa kiadi.

8. Kiese kiena ya bavelele mu mintima, kadi yaü bana mona Nzambi.

9. Kiese kiena ya havangikisanga yenge, kadi yaü bana bikwa vo bana baNzambi.

10. Kiese kiena ya bazomwanga mu diambu diamfonga, kadi kimfumu kiamazulu kina yaü.

11. Kiese kiena yeno bu-bana kulutiakanga ye kuluzomanga ye vovanga yonso yonso yambi mu zinitu zeno ye vunanga mu diambu diani.

12. Lukala kiese ye luyangalala, kadi nsendo eno mu mazulu wena waünene, kadi bobo yaü bazomina minkambi miatekidila mu yeno.

13. Yeno lunüngwa ansi; kansi vo müngwa una kituka natimpükutu, mu nki tuna ludisilawo? Waü kauvutukidi fwanana mu lekwako, kansi mu loswa ye diatwa kwa bantu.

14. Yeno lukia kwanza. Di-vata diena vana mongo kadile-ndi swamako.

15. Bantu kabakwikanga

mwinda ye tulatinga kansi akizongoloko, kansi batulangawo va kebolo kiamwinda, kidi wawangüdila babonsoo bena mu nzo.

16. Ibobò luwangüsila kia kweno kwa bantu, kidi bamona mavanga meno mabiza, mpasi basika seno diena mu mazulu.

17. Kalubanzaniko vo yayizi fükisa mina vo minkambi. Kiayizi fükisako kansi mu lungisa.

18. Kadi mu kedika mono ngina kulukamba: nate ye dizulu ye ntoto bina fuka, widi yota kimosi vo dinotika kadina katulwa mu minako nate ye dina vanga.

19. Nkiangunu mina mio-mio miamizio, wonso una zezisa umosi nkutu ye longanga bantu keti kabobo, buna yandi sika bikwa vo muntu waüke mu kimfumu kiamazulu, kansi wonso una vanganga mwina ye longangawo, buna yandi unabikwa vo muntu waünene mu kimfumu kiamazulu.

20. Kadi mono ngina kulukamba: vo mfonga zeno kazina lutila mu zimfonga zaminsonikiko ye mu zimfonga zabafaliscako, buna kaluna kota nkutu mu kimfumu kiamazuluko.

21. Yeno luawilu vo bakülü bakambwa: kuvondaniko, kansi wonso una vonda una fwanana mu kongüdulwa.

22. Kansi mono ngina kulu-kamba: vo wonso una vwa mpangi andi nganzi, buna una fwanana mu kongüdulwa, kansi wonso una vova kwa mpangi andi: unkwa akifutu, buna yandi una fwanana mu kongüdulwa kwa bangüdi zaminkongüdididi, kansi wonso una vova: ukilaü, buna yandi una fwanana mu tia tuankadi ampemba.

23. Nkiangunu vo una nata nkaylu aku va disalu ye vana una bambüka moyo, vo mpangi aku yikuvwidi mambu,

24. Buna sisa nkaylu aku vana va mbela adisalu ye teka kwenda luawawana ye mpangi aku, mboki wiza nati nkaylu aku.

25. Kala ngünda zawawana ye ntantu aku, buluakidi yandi mu nyila, ntantu aku kawidi kuyeküla kwa nkongüdididi ye nkongüdididi kwa nkebi akeholo kuwidi tubwa mu ke-bolo.

26. Mu kedika mono ngina kukamba: kunamo vaykako, nate ye una mana futa vanza kina zimünina.

27. Yeno luawilu vo mwa-kambwa: kuyanganiko.

28. Kansi mono ngina kulukamba: vo wonso una tala nkento mu bikisa yandi, ukiyangidi ye nkento mu ntima 'ndi.

29. Vo disu diaku dialuba-

kala dina kufwemisa, nakodidio ye losadio, kadi buna siwa toma nitu, kiela kiaku kimosi bukina fuka, kansi nitu yamvimba kayina tubwa ku nkadi ampe-mbako.

30. Vo koko kwaku kwalu-bakala kuna kufwemisa, naza-kiko ye losako, kadi buna siwa toma nitu, kiela kiaku kimosi bukina fuka, kansi nitu yamvimba kayina tubwa ku nkadi ampembako.

31. Mwavovwa: wonso una vambana ye nkento andi, yandi una kumvana nkanda aluva-mbunu.

32. Kansi mono ngina kulukamba: wonso una vambana ye nkento andi, vo waü kawayengiko, buna yandi una kunyangisa ye wonso una kwela nkento wasisulu, yandi uyanganga.

33. Diaka luawilu vo bakülü bakambwa: kudiani zindezi zamakutuko, kansi kuvana kwa Nzambi biluandila ndefi.

34. Kansi mono ngina kulukamba: kudiani ndefi nkutu mu dizuluko, kadi ikiandu kiaz-Nzambi.

35. Kudiani ndefi mu ntoto-ko, kadi imfiduku amaluma-ndi, kamu Yelusalemiko, kadi idivata diaMfumu yayinene.

36. Kudiani ndefi mu ntu akuko, kadi kulendi kitula lu-

suki lumosi vo luampembe vo luampiukiko.

37. Bika mambu meno makala: inga, inga, aa, aa, mana lutila mu momo matukidi mu nkwa wambi.

38. Yeno luawilu vo mwa-vovwa: disu mu disu ye dinu mu dinu.

39. Kansi mono ngina kulukamba: kukakilani nkwa wambiko, kansi vo muntu una kubanda va mpükünia yalubakala, buna umbangümükina yankaka mpe.

40. Vo muntu una zola kuvwa mambu mu tambula kinukuti kiaku, buna unyambudila vünga mpe.

41. Vo muntu una kutatimisa mu kwenda yandi kombe dimosi, buna wenda yandi makombe mole.

42. Vana una kulomba yekufilani uzolele kusompa nimako.

43. Yeno luawilu, vo mwa-vovwa: tonda nzika 'ku ye belantantu aku.

44. Kansi mono ngina kulukamba: lutondanga mintantu mino ye ludilanga bakuluzomanga mvutu,

45. Kidi luakala bana baseno mu mazulu, kadi diaü diselükisanga ntangu andi ye kwa bambote ye kwa bambi ye dinokisanga zimvula va bantu bamfonga ye va balembolo fonga.

46. Kadi vo luna tondasana nga ye bakulutondanga nki ansendo luna tambula? Kadi mimvakusi kamivangangabokoe?

47. Vo luna kambasananga mavimpi ye zimpangi zeno kaka, buna nki amangu kiokio, kadi bankwa miambümbümbü kabasangabokoe?

48. Nkiangunu lumana fongabonso bufongele seno mu mazulu.

## Kapu 6.

*Nsamii vana mongo.*

Lutina kaluidi vanga mfongazeno kwa bantu mu monika kwa yaü, kadi vo lusa bobo, kaluna tambula nsendo kwa seno mu mazuluko.

2. Nkiangunu buuna vanga bunkete, kusikisani mpüangi kuntuala 'kuko bonso bweti sa bankwa miameso kungsi alukaya mu zinzo zatukutukunu ye mu zinzila mu zituswa kwa bantu. Kedika mono ikuluvovele: bakitambudidi nsendo aü.

3. Kansi Ngeye buuna vanga bunkete, kuzaykisani koko kwa-ku kwalumosoko yeti vanga koko kwalubakala,

4. Kidi bunkete bwaku bwakala mu nsweki, ye saku dimonanga mu nsweki sidia kuisenda.

5. Bulusambilanga, kalusani nkievo bankwa miameso kungsi

alukayako, kadi bazolele telama mu sambila mu zinzo zaturutukunu ye mu bifüma biazinzi, kidi bamonika kwa bantu. Kedika mono ikuluvovele: bakitambudidi nsendo aü.

6. Kansi Ngeye buuna sambila, kota mu vinga kiaku ye buukibindikidi kielo, sambila saku mu nsweki, ye saku dimonanga mu nsweki sidia kusenda.

7. Kansi bulusambilanga, kalubölümükani nkievo bankwa miambümbümbüko, kadi beti banza, vo bana wilwa mu diambu diamambu maü mamingi.

8. Nkiangunu kaludedakanani ye yaüko, kadi seno dikizabidi nsatu zilüena buluna kunlomba.

9. Nkiangunu silua sambila kwenö ebü: Useto mu mazulu, bika nkümbü aku yavangulwa!

10. Bika kimfumu kiaku kiza ye luzolo luaku luavangwa va ntoto mpe nkievo mu dizulu!

11. Lumbuki utuvana dia ye mbazi!

12. Utuyambudila mfuka zeto, bonso yeto mpe tuayambudidi batuavwidi mfuka!

13. Kututuadikisani mu vükümünwako, kansi ututanina mu nkwa wambi!

14. Kadi vo luna yambudila bantu kūsukūsü biaü, seno diamazulu dina kuluyambudila mpe.

15. Kansi vo kaluna yambudila bantuko, buna seno kadina kuluyambudila kūsukūsü bienoko.

16. Kansi buluna minansoki, kalukalani nayembele nkievo bankwa miameso kansi alukayako, kadi baviulunga bizizi biaü kidi bamonika kwa bantu, vo beti mina nsoki. Kedika mono ikuluvovele: bakitambudidi nsendo aü.

17. Kansi Ngeye buuna mina nsoki, loba ntu aku ye suküla zizi kiaku,

18. Kwidi monika kwa bantu vo weti mina nsoki, kansi kwa saku dia mu nsweki, ye saku dimonanga mu nsweki sidia kusenda.

19. Kalukiyudikilani zimbo ngo va ntotoke vazifükuswanga kwa zinkinia ye nkazunkazu ye vakakünanga ye valabulanga mivi.

20. Kansi lukiyudikila zimbo ngo mu dizulu muzina lembwa fükuswa kwa zinkinia ye nkazunkazu. Muna mivi kamina kaküna ye labulako.

21. Kadi kwenä mbongo zaku ikuna ntima 'ku mpe.

22. Kia kwanitu idisu. Vo disu diaku diena diakedika, buna nitu aku yamvimba yena kia.

23. Kansi vo disu diaku diena diambi, buna nitu aku yamvimba yena tombe, kansi vo



kia kwena mu Ngeye itombe, buna tombe kiakingi.

24. Muntu kalendi sadila mfumu zoleko,- kadi buna sika bela yimosi ye tonda yankaka, vo sika nanamana yimosi ye vweza yankaka. Kalulendi sadila Nzambi ye Nsondeko.

25. Nkiangunu mono ikulu-voevele: kalubanzani mu miela mieno kiluna diako ye kiluna nwako ye mu zinitu zeno kiluna vwatako, kadi mwela vele ima kiakinene ye dia ima kikiye ye nitu vele ima kiakinene ye mvwatu ima kiakikie?

26. Lutala zinuni zadizulu, kadi zaü kazikünangako ye kazi-yonzikangako ye kazitulanga mu lunduluko, ye seno diadizulu diyundulangazo, kadi yeno kalulutidizokoe?

27. Buna luena, nani lenda yikikisa ntela 'ndi nkwanga yimosi mu kiadi kiandi?

28. Ye mu mvwatu munki luena kiadi? Lutonwa bifulu biatiti bonso bubimenanga. Bi-aü kabisalangako ye kabizietangako.

29. Kansi mono ikuluvoevele vo Salomoni mu nzitusu andi wamvimba kafwanana mvwatu ye fulu kimosiko.

30. Kansi vo bobo Nzambi uvwikanga bititi biansi biena bwabü ye bina tubwa va tia

mbazi, buna vele sika kuluvwika lubankwa mifiminu minu.

31. Nkiangunu kalukalani kiadiko ye kaluvovaniko: nki tuadia, vo nki tuanwa, vo nki tuavwata?

32. Kadi bankwa miambümbümbü mitombanga yina yayonsono, kadi seno diadizulu dizebi vo luena nsatu abina bionsonono.

33. Kansi luteka tomba kimfumu ye mfonga zandi, ye yeno luna küdukülwa yina yayonsono.

34. Nkiangunu kalufwani kiadi mu lumbu kiambaziko, kadi lumbu ye kwandi kwama bina dedakama.

## Kapu 7.

*Yesu wamana nsamii vana mongo.*

Kalukongüdilaniko, kaluidi kongüdulwa!

2. Kadi lukongodolo luluna kongüdila lunalo kongüdulwa, ye tezo kiluna tezila lunakio tezulwa.

3. Bwe mweni mfümfüta mu disu diampangi aku, kansi kumweni mvwambu mu diaku disuko?

4. Vo bwe vovele kwa mpangi aku: yambula yakola mfümfüta mu disu diaku, ye tala mvwambu mu diaku disu.

5. Udisu kungsi alukaya, teka kola mvwambu mu diaku disu,

ye mboki siwa tonwa mu kola mfümfüta mu disu diampangi aku.

6. Kaluvanani biena nlongo kwa zimbwako, ye kalutubani nzimbü zeno kwa zinguluko, kazidi díatilazo ye bangümüka kuluyanzuna.

7. Lulomba ye yeno luna vewa, lutomba ye yeno luna mona, lukünküta ye yeno luna zibüdulwa!

8. Kadi wonso una lomba, sika vewa ye una tomba, sika mona ye una künküta, sika zibüdulwa.

9. Buna luena, nki amuntu una vana mwana 'ndi tadi, vo waü una lomba dimpa?

10. Ye vo waü una lomba mbizi, kadi nioka sika kumvane?

11. Kansi vo yeno luena bambi luzaydi vana bana beno minkaylu miabiza, buna seno mu mazulu vele dina vana bana kunlomba bilekwa biabiza.

12. Nkiangunu yonso yiluzolele vo bantu bana kuluvangila, yina luna kubavangila kweno mpe, kadi bobo bwenina mina ye minkambi.

13. Lukota mu mwelo wafietama, kadi mwelo wena wasadila ye nzila yena yayalumüka yitualanga ku mbüngülü, ye babingi bena bakotanga mu waü.

14. Kansi mwelo wena wafietama ye nzila yena yamfi-nangani yitualanga ku moyo, ye bafiuma beña bamonangayo.

15. Lutinanga minkambimiamakutu miluakanga kwa yeno ye mímvwatu miamameme, kadi mungüdi miaü ibimbüngü bitananga.

16. Yeno luna kubazaya mu ndandu zaü, kadi bana bavinia, kabavelwanga mu zimpangako ye bana bakuyu kabavelwanga mu nsolokotoko.

17. Ibobo mpeminti miamionsono miabiza mibutanga bana babiza, kansi nti wambi ubutanga bana bambi.

18. Nti wabiza kaulendi buta bana bambiko, ye nti wambi kaulendi buta bana babizako.

19. Minti miamionsono mikamibutanga bana babizako mina kwangwa ye tubwa va tia.

20. Nkiangunu siluamio zaya mu ndandu zaü.

21. Wonso wonso una kumbika Mfumu, Mfumu, kana kota mu kimfumu kiamazuluko, kansi una vanga luzolo luasami diena mu mazulu.

22. Kina lumbu bantu babingi bana vova kwa mono: Mfumu, Mfumu, kadi katua-kembi lekwa yina kwiza mu nkümbü akukoe, kadi katua-vaykisi mpeve zambi mu nkümbü akukoe, kadi katuavengi

tulendo tuatuingi mu nkümbü akukoe?

23. Buna sia vutula kwa yaü: kasi kiluzaydiko, lunkatukila, lumimvondi miamina.

24. Nkiangunu wonso uwilu nküngü zami zazi ye unazo vanga, una fwanukuswa ye muntu wanduka watunga nzo andi va tadi,

25. Ye mvula zabwa ye nküka zakümba ye tembo biakima ye bianiekama mu nzo yina, kansi yaü kayabwako, kadi yatulwa lufulu va tadi.

26. Ye wonso uwilu nküngü zami zazi, kansi kanazo vangako una fwanukuswa ye nkwa abuzengi watunga nzo andi va nienge,

27. Ye mvula zabwa ye nküka zakümba ye tembo biakima ye bianiekama mu nzo yina ye yaü yabwa, ye mbwilu andi yakala yayinene.

28. Ibobu bwakala, Yesu bukamana zinküngü zandi zozo vo bantu bayitukulwa ndogolo zandi,

29. Kadi yandi wabalonga bonso muntu wena zingolo, kansi kabonso minsoniki miaüko.

### Kapu 8.

*Yesu waniakisa nkwa abwazi, mwana anküluntu abinwani, ko waPetolo ye bankaka, wadingimisa tembo, wavayikisa mpeve zambi.*

Kansi bantu babingi banama yandi bukakülümüka mongo.

2. Ye tala, nkwa abwazi wayenda ye wansambila ye wavova: Mfumu, vo zolele, lenda kumpedisa.

3. Yandi walambüla koko ye wamvalakana ye wavova: nzolele, navedila kwaku. Yandi intumbu vedila mu bwazi bwandi.

4. Yesu wavova kwa yandi: tina kwidi kamba muntu, kansi wenda wakisonga kwa nganga ye nata nkaylu wakamba Mose mu kimbangi kwa yaü.

5. Kansi bukakota mu Kapalenamu, buna nkuluntu abinwani wayenda kwa yandi ye wantela mbila

6. Ye wavova: mfumu, mwana 'mi lambalele mu nzo mu yela kwatila mianzi. Waü weti lungwa beni.

7. Yandi wavova kwa yandi: mono ngina kwendawo niakisa.

8. Kansi nkuluntu abinwani wavutula ye wavova: Mfumu kifweni vo wakota yani kuni anludi amiko, kansi nate diambu dimosi kaka, ye mwana 'mi una niaka.

9. Kadi mono mpe imuntu utunwanga kwa zingolo. Mono mbakidi binwani bikuntumamanga, ye mpovele kwa kiaki: wenda, ye kiaü kiele, ye kwa, kiankaka: wiza, ye kiaü kiizidi, ye kwa sielo kiami: vangakio, ye kiaü kivengikio.

10. Kansi Yesu bukawawo, yandi wayitukwa ye wavova kwa banama yandi: kedika mono ikuluvovele: kasi kimweni minu kiokio mu Isaleliko.

11. Kansi mono ikuluvovele, vo bantu babingi bana tuka muselükilanga ntangu ye mudiminanga ntangu ye bana vwanda ye Abalami ye Isaki ye Yakobi mu kimfumu kiamazulu,

12. Kansi bana bakimfumu bana kübwa ku tombe kia kumbazi kwenä dilu ye nkwetoso ameno.

13. Yesu wavova kwa nkuluntu abinwani: wenda, bonso buulekele minu siwabo mona, ye mwana 'ndi waniaka yina ntangu.

14. Yesu wayenda ku nzo aPetolo ye wamona ko wandi lambalele ye nitu nabazibazi.

15. Yandi wasimba koko kwandi ye yuküyükü diansisa. Yandi watelama ye wansadila.

16. Kansi nkokila buyabwa, yaü banata kwa yandi babingi babakama kwa zimpeve zambi, ye yandi wavaykisa zimpeve mu diambu ye waniakisa babo bakala yela,

17. Kidi manibu matewa kwa Isaya, nkambi, makwenda dela, bukavova: yandi watambula kindakana kweto ye wanata biana bieto.

18. Kansi Yesu bukamona

bantu babingi bananamana yandi, yandi wakamba: tusabükeno kuna simü.

19. Ye nsoniki wayenda ye wavova kwa yandi: nlongi ngina kunama kuuna kwenda.

20. Yesu wavova kwa yandi: mbulu zena minlungü ye zinu ni zadizulu zena mazanza, kansi mwana amuntu kabeki kikanä yekika ntuko.

21. Kansi nlongüki wankaka wavova kwa yandi: Mfumu, umvutusa yateka kwenda zika sami.

22. Kansi yandi wavova kwa yandi: undama ye yambula bafwa bazika bafwa yaü.

23. Yandi bukakülümüka mu bota, minlongüki miandi mianama yandi.

24. Ye tala mansampa manene mayiza mu mbu ye bota kiafukwa kwa zimbüla kansi yandi waleka.

25. Miaü miayenda kunsikimisa ye miavova: Mfumu, utulalula, situa vila!

26. Yandi wavova kwamiaü: mu nki luena wonga, lubankwa miafiminu minu. Mboki katelama ye wavümisa tembo ye mbu, ye mwakala mbidi anapi.

27. Kansi bantu bayitukwa ye bavova: nki amuntu waü, tembo ye mbu bieti kuntumamana?

28. Ye bukaluaka kuna simü kuna nsi abisi Ngadalena, buna

bantu bole babakama kwa mpeve zambi batuka mu zindiamu ye bankika. Yaü bakala mbidi ansisi, nkiangunu muntu kalenda kwendila nzila yinako.

29. Ye tala, yaü baboka ye bavova: Ngeye umwana aNzambi, nki amambu mena beto yeno? Wizidi vava watukwamisa ntangu buyilembolo fwane?

30. Kansi nlaka wakala dikabü diazingulu zazingi zakala dianga.

31. Kansi mpeve zambi zandleba ye zavova: vo una kutuvaykisa, utufidisa ku dikabü dianzingulu.

32. Yandi wavova kwa zaü: luenda! Kansi zaü zavayka ye zayenda ku zingulu. Ye tala, dikabü diamvimba diapasumüka mwabetamana mongo ku mbu ye diafwa mu nlangu.

33. Kansi bavüngazo bataba ye bayenda ku vata ye bakamba yayo ye bonso bwamona babakama kwa mpeve zambi.

34. Ye tala, babonsono bakala mu vata bayenda kika Yesu ye bubamona yandi, yaü banleba kakatuka mu nzaku zansi aü.

### Kapu 9.

*Yesu waniakisa muntu watila mianzi, wabokila Mateosi, wakamba bonso buminunwanga nsoki, waniakisa nkento wakala nkübü, wafulukisa mwana waYayilo, wamwesa bantu bole bafwa meso, waniakisa baba.*

Yandi wakülümüka mu bota ye wasabüka kuna simü ye waluaka ku diandi divata.

2. Ye tala, yaü banata kwa yandi muntu watila mianzi wambalala va ntanda. Yesu bukamona minu kiaü, yandi wavova kwa watila mianzi: mwana, yangalala, masümü maku mayambulu.

3. Ye tala, minsoniki miangkaka miavovasana: ndieu tieki.

4. Yesu wamona mabanza maü ye wavova: mu nki lueti banza yambi mu ntima mieno?

5. Kadi nkiana kilutidi nayakiyaki mu vova: masümü maku mayambulu, vo telama ye diata.

6. Kansi kidi luazaya, vo mwana amuntu wena ye zingolo zayambudila masümü va ntoto, buna kavova kwa watila mianzi: telama wabonga ntanda 'ku ye wenda ku nzo aku.

7. Ye yandi watelama ye wayenda ku nzo andi.

8. Kansi bantu bubamonabo, bayitukwa ye basika Nzambi waveni zingolo zozo kwa bantu.

9. Yesu bukakatuka kuna, yandi wamona muntu vwendi vakana vakuswanga, nkümbü andi Mateosi. Yandi wavova kwa yandi: undama! Yandi watelama wanama yandi.

10. Ye bwakala bukavwanda va meza mu nzo, tala mimvakusi miamingi ye bankwa mia-

masumü miayiza miavwanda ye Yesu ye minlongüki miandi.

11. Ye bafalisea bamonabo ye bavova kwa minlongüki miandi: nlongi eno nki keti dila ye mimvakusi ye bankwa miamasumü?

12. Kansi yandi wawabo ye wavova: bena mavimpi kabena nsatu ambükiko kansi bena yela.

13. Kansi luenda lualongüka bonso bwenina: nzolele nlemvo, kizolele kwami nkaylu adisaluko, kadi kiayiza bokila bamfongako, kansi bankwa miamasumü.

14. BunaminlongükimiamiaYoa-ne miayenda kwa yandi ye mavova: mu nki beto ye bafalisea tuminanga nsoki, kansi minlongüki miaku kamiminanga nso-kiko?

15. Yesu wavova kwa yaü: bana bandambisa kabalendi kala kiadiko, ditoko diandambisa budiena yaü, kansi lumbu kina kwiza, ditoko diandambisa budina katulwa mu yaü, buna bana mina nsoki.

16. Tetila kianlele ulembolo kütama kakitulwanga va mvwatu wanküluko, kadi tetila kina lungila sikia tiasuna mvwatu ye vulu dina neniva.

17. Yaü kabatulanga vinia kiamona mu maküba manküluko, kadi vo banabo sa, buna maküba mana büka ye vinia kina bülümüka, kansi batulanga

vinia kiamona mu maküba mamonona, ye vinia ye maküba bina kütwa.

18. Bukamana vova momo kwa yaü, tala nkuluntu wayiza ye wansambila ye wavova: mwana 'mi wankento bübü ufwidi, kansi wizeti watula koko kwaku va waü, kidi wavümuna.

19. Yesu wanangüka ye minlongüki miandi ye mianama yandi.

20. Ye tala, nkento wakala nkübü kümü ye mvu miole wayiza kumanima ye wavalakana nsuka amvwatu andi.

21. Kadi waü wavüngüta: vongina valakana nlele andi kaka, sia niaka.

22. Kansi yandi wabangümüka ye wamona nkento ye wavova: mwana, yangalala, minu kiaku kikuniakisi, ye nkento waniaka mu ntangu yina.

23. Ye Yesu waluaka ku nzo ankuluntu ye wamona basika bipitulu ye bantu baboma ye wavova:

24. Lukatuka, kadi fimwana mwana kafifwidiko, kansi filele, ye yaü bambeka nkiadi.

25. Kansi bantu bubavayku-swa yandi wakota ye wasimba koko kwandi ye fimwana mwana fiafuluka.

26. Ye kümü kiandi kiayenda mu nsi yina yamvimba.

27. Yesu bukatuka kuna, buna bantu bole bafwa meso banama yandi ye baboka ye bavova: mwana aDavidi, utufwila kiadi!

28. Kansi bukaluaka mu nzo, buna bafwa meso bayenda kwa yandi, ye Yesu wavova kwa yaü: lulekele minu, vo ngina lendabo vange? Yaü bavova kwa yandi: ngeta, Mfumu.

29. Buna kavalakana meso maü ye wavova: bika luakala bonso bululekele minu!

30. Ye meso maü mazibüka. Yesu wabakanikina ye wavova: lutina kidi muntu kanabo zayako.

31. Kansi yaü bavayka ye banyendisa kümü mu nsi yina yamvimba.

32. Kansi bubakivaykila, tala batuala kwa yandi baba diabakama kwa mpeve yambi.

33. Ye bukavaykisa mpeve yambi, buna baba diavova, ye bantu bayitukwa ye bavova: kasi kabwamonekene mu Isaleliko.

34. Kansi bafalisea bavova: mu nkuluntu ampeve zambi kavaykisanga mpeve zambi.

35. Kansi Yesu wazenzila mu mavata mamonsoho ye bimpata mpata ye walonga mu zinzo zaü zatukutukunu ye wakamba nsamü wambote wakimfumu ye waniakisa yela kwakonsono ye biana biabionsono.

36. Kansi bukamona bantu, yandi wabafwila kiadi, kadi ba-

kwamuswa ye basansukuswankie-vo mameme makondolo mvüangi.

37. Buna kavova kwa minlongüki miandi: mbongo yayingi, kansi bisadi biafiuma.

38. Nkiangunu luyuvula mfu-mu ambongo kafidisa bisadi mu mbongo andi.

### Kapu 10.

*Yesu wafidisa kümi ye nlongüki miandi miole.*

Yandi wabokila kümi ye nlongüki miandi miole ye wabavana zingolo mu mpeve zansobo mu vaykisazo ye mu niakisa yela kwakonsono ye biana biabionsono.

2. Kansi nkümbü zakümi ye ntumwa zole zazi: Simona, ubikwanga Petolo, wavita ye Andela impangi andi ye Yakobi imwana aZebede ye Yoane impangi andi,

3. Filipino ye Balotolomeo, Tomasi ye Mateosi imvakusi, Yakobi imwana aAlafeo ye Lebeo,

4. Simona watuka mu Kana ye Yuda Iskalioti wanyekülampe.

5. Kümi ye bantu bole bobo Yesu wafidisa ye wabakamba ye wavova: kaluendani mu nzila yabankwa miambümbümbuko ye kalukotani mu vata diabisi Samaliako,

6. Kansi luenda ye kiese kwa mameme maziimbala manzo aIsaleli.

7. Luenda luakamba ye lu-

vova, vo kimfumu kiamazulu kifinangene.

8. Luniakisa bena nakindakani, lufulukisa bafwa, luvedisa bankwa miabwazi, luvaykisa mpeve zambi. Luatambudi mu kalekwa-ko, luvana mu kalekwako.

9. Kalukalani wola vo palata vo nsongo mu mponda zenoko,

10. Vo nkutu mu nzila, vo binkuti biole, vo zinsampatu, vo nkawako, kadi kisadi kifweni ye dia kwandi.

11. Kansi dionso vata vo kimkata mpata kiluna kotila, luyuvula vo ufwanane wena momo, ye lukalamo nate ye luna katuka.

12. Kansi buluna luaka ku nzo, lukamba malembe.

13. Ye vo nzo yifwanane, buna malembe meno mana kala mu yaü, kansi vo kayifwanane-ko, buna malembe meno mana vutuka kwa yeno.

14. Ye wonso una lembwa kulutambula vo kuluwa, buluna vayka mu nzo yina vo mu vata dina, lukübula fundufundu mu malu meno.

15. Kedika mono ikuluvo vele: vata dina dina vioka Sodoma ye Ngomola mu lumbu kina kongūdulwa.

16. Tala, mono ngina kulufidisa nkievo mameme mu monakanda diabimbüngü, nkiangunu luluka bonso zinioka ye lukondwa bungübi bonso mabembe.

17. Kansi lutina bantu, kadi yaü bana kuluyeküla mu lukongodolo luabangüdi zabantu ye bana kulubüfa nate ye nkanda una bünuka mu zinzo zaü zatukutunu.

18. Kansi mu diambu diamiluna natwa mpe kwena minyadi ye zimfumu mu kimbangi kwa yaü ye kwa bankwa miambümbümbü.

19. Kansi bubana kuluyeküla, kalukalani kiadiko, bonso buluna vovila ye kiluna vova, kadi yiluna vova, yeno lunayo vewa yina ntangu.

20. Kadi kayeno luna vovako, kansi mpeve yaseno yina vova mu yeno.

21. Kansi mpangi yina yeküla mpangi andi mu vondwa ye se mwana, ye bana bana nangüka mu mase ye zingüdi zaü ye bana kubavonda.

22. Ye yeno luna belwa kwa babonso mu diambu diami, kansi una vekamana nate ye nsukulu una lalulwa.

23. Kansi bubana kuluzoma mu vata dimosi, lutinina ku vata diakaka. Kedika mono ikuluvo vele: yeno kaluna mana mavata maIsaleliko nate ye mwana amuntu una kwiza.

24. Nlongüki kaviokele nlongi andiko, ye nanga kaviokele mfumu andiko.

25. Nlongüki una lunga bukana kala bonso nlongi andi ye



nanga bonso mfumu andi. Vo babikidi mfumu anzo Belezebulu, buna vele bana luta bika bantu banzo andi.

26. Nkiangunu kalubatinaniko, kadi kakwena lekwa yaswekwa yina lembwa monikako ye yansweki yina lembwa zayakanako.

27. Yimpovele kwa yeno mu tombe luvovayo mu mwini, ye yiluwilu mu kutu lukambayo vana ntandu anludi.

28. Kalutinani bavondanga nituko, kansi kabalendi vonda mwelako, kansi lutina beni ulenda bunga ye mwela ye nitu ku nkadi ampemba.

29. Kadi nsokusa zole kazitaykidi mu vanza kimosikoe, ye buna zena, yimosi nkutu kayina sotuka va ntotoko, vo seno ngodi andi.

30. Kansi nsuki zeno zazonsono zamintu zatengo mpe.

31. Nkiangunu kalutinani, kadi luviokele nsokusa zazingi.

32. Nkiangunu wonso una kunta kwa bantu, mono mpe ngina kunta kwa sami mu mazulu,

33. Kansi wonso una kunkadila kwa bantu, mono mpe ngina kunkadila kwa sami mu mazulu.

34. Kalubanzaniko vo yayizi sa yenge va ntoto, kiayizidi mu sa yengeko, kansi mu sa sabala.

35. Kadi yayizidi mu swaswasa muntu ye sandi, ye mwana wankento ye mbuta 'ndi, ye nzitu wankento ye ko wandi wankento,

36. Ye mintantu miamuntu ibantu banzo andi.

37. Wonso utondele se vo ngüdi kwakwingi ye mono safiuma kafwanane mu monoko, ye utondele mwana wabakala vo wankento kwakwingi ye mono kwafiuma kafwanane mu monoko.

38. Ye wonso ulembolo tambula kulunsi diandi ye nama ku nima 'mi kafwanane mu monoko.

39. Una mona mwela 'ndi unawo vidisa, ye una vidisa mwela 'ndi mu diambu diani unawo mona.

40. Una kulutambula untambudi, ye una kuntambula untambudi wamfidisa.

41. Una tambula ankambi mu nkumbü ankambi una tambula nsendo ankambi, ye una tambula muntu wamfonga mu nkumbü amuntu wamfonga una tambula nsendo amuntu wamfonga.

42. Bimbana mbana biobio, wonso una nweka kimosi kompe kimosi kianlangu wakiosi mu nkumbü anlongüki, kedika mono ikuluvovele: yandi kana kondwa nsendo andiko.

## Kapu 11.

Yoane wafidisa nsamü kwa Yesu (1—6), Yesu wata kimbangi mu Yoa-ne (7—15), walonga badimbula minu (16—19), watumba Kapelenamu ye mavata mankaka (20—25), wazitisa sandi ye watela bantu bakiadi mbila (25—30).

Bwakala Yesu bukamana kamba kümi ye minlongüki miandi miole, yandi wakatuka kuna ye walonga ye wakamba nsamü wambote mu mavata mai.

2. Kansi Yoane bukawa mu kebolo mavanga maKilisto, buna yandi wafidikisa nsamü mu minlongüki miandi,

3. Ye wavova kwa yandi: iNgeye yoyo una kwize, vo tuna vingila wankake?

4. Yesu wavutula ye wavova kwa yaü: luenda luakamba Yoane yiluwilu ye yilumweni:

5. Bafwa meso bamonanga, batembila batoma diatanga, bankwa miabwazi bavedilanga, bafwa matu bawanga, ye bafwa bafulukanga, ye bankwa miabumputu bakambwanga nsamü wambote.

6. Ye kiese kiena ye wonso kafwemene monoko.

7. Kansi miaü bumiyenda, buna Yesu wabadika bika Yoane kwa bantu: nki luayendila ku nsi yankatu mu mona? Kani diadiadinikuswanga kwa mpevie?

8. Kadi nki luayenda mona? Kani muntu wavwata nlele wena

nalengwalengwe? Tala, bavwatannga minlele miena nalengwale-ngwa bena mu zinzo zazimfumu.

9. Kadi nki luayendila? Mu mona nkambie? Inga, mono ikuluvovele: uviokele nkambi.

10. Iyandi wasonukunwa: tala, mono ngina fidisa mpofi ami kuntuala 'ku yina kübika nzila kuntuala 'ku.

11. Kedika mono ikuluvovele: buna bena babutwa kwa bake-nto Yoane Mbotiki waünene, kansi waüke mu kimfumu kiamazulu viokele Yoane mu nene.

12. Kansi kasi ye lumbu biaYoane Mbotiki ye nate ye bwabü kimfumu kiamazulu kitanwanga, ye bankwa miazingolo batanangakio.

13. Kadi minkambi miamionsono ye mina mikambanga nate ye Yoane.

14. Vo luzolele tambudila, vo yandi iElaya una kwiza.

15. Wena matu bika kawal!

16. Kansi nani ngina fwankisa ye mbandu yayi? Yaü yifwanane ye zintaudi zivwendi va mazandu ye zibokele kwa zankaka,

17. Ye zivovele: tuasikidi bipitulu kansi kaluakininiko, tuadididi kansi yeno kaluabundidi zintuluko.

18. Yoane wayiza ye kadiangako ye kanwangako ye bavu-vele: yandi wena mpeye yambi,

19. Mwana amuntu wayizidi ye udianga ye unwanga ye bavovele: tala, imuntu wakindiafu ye kinduvu kiavinia, inkundi amimvakusi ye bankwa miamasumu. Induka zifonguswanga kwa mavanga maũ.

20. Buna kabadika tondula mavata makavangila mavanga mandi mamingi, kadi kabavilula madielako.

21. Engwa, Ngeye Kolazini, engwa, Betesayda, kadi vo mu Tilo ye Sidoni mwavangwa tulendo tuavangulwa mu yeno, nga ntama baviludi madiela mu kuba ye ntoto wampolo.

22. Kansi mono ikuluvovele mpe: Tilo ye Sidoni mana mona kwamakwafiuma ye yeno kwakwingi mu lumbu kina kongudulwa.

23. Ye Ngeye Kapalenamu, kadi kwabalulu nate ye dizulukoe? Ngeye una kululwa nate ye kuma kwena bafwa, kadi vo mu Sodoma mwavangwa tulendo tuavangulwa mu Ngeye, nga diena nate ye bwabũ.

24. Mono ikuluvovele mpe, vo Sodoma dina kala kwama kwafiuma ye Ngeye kwakwingi mu lumbu kina kongudulwa.

25. Yina ntangu Yesu wavutula ye wavova: mono ikuzitisa se, Mfumu adizulu ye ntoto, kadi waswekele yina kwa bantu banduka ye banduenga ye wamonekeseyo kwa bana.

26. Inga, tata, kadi bobo bwatondolo kwa Ngeye.

27. Mono yavewa yoyo kwa sami, ye muntu kazaydi mwanako kansi dise, ye muntu kazaydi diseko kansi mwana, ye wonso una zolwa kwa mwana mu zaykuswa.

28. Luiza kwa mono babo lueti sala ye luena mbidi azitu, ye mono ngina kuluvundisal

29. Lukituika mwangu la wami ye longuka kwa mono, kadi mono ngiena wanlembami ye kimpombo mu ntima, ye yeno luna mona luvundulu mu miela mieno.

30. Kadi mwangu la wami wena wabiza ye zitu kiami kiena nayakiyaki.

## Kapu 12.

*Minlongiki miakola masangũ mu lumingũ (1—8), Yesu waniakisa muntu wakala koko kwasioka (9—14), watina mpaka zabafalisea (15—21), waniakisa baba (22—23), bafalisea bavola masumũ kwa mpeve Yanlongo ye balongwa kwa Yesu (24—37), minsoniki mialomba mangu kwa Yesu (38—45), mbuta aYesu ye mpangi zandi.*

Bina lumbu Yesu wavioka mu mavia mu lumingũ, kansi minlongiki miandi miakwa nsatu yemiabadika kola masangũ yedia.

2. Kansi bafalisea bamonabo ye bavova kwa yandi: tala, minlogiki miaku mivengi biakanukunwa vanga mu lumingũ.

3. Kansi yandi wavova kwa yaũ: kadi kaluatengikoe biava-

nga Davidi ye bayandi buka-fwa nsatu?

4. Bonso bukakota mu nzo aNzambi, ye yaü badia mampa matensukuswa makanukunwa mu yandi ye bayandi, kansi zinganga kaka.

5. Kaluatengi mu minakoe, vo mu lumingü zinganga zisumünanga lumingu mu nzo aNzambi ye kazena nkanuko?

6. Kansi mono ikuluvovele, vo viokele lumingü wena vava.

7. Kansi vo luzaydi bonso bwenina: nzolele nlemvo, kan kaylu adisaluko, nga kalukongodele bakembo nkanuko,

8. Kadi mwana amuntu imfu mu alumingü mpe.

9. Ye bukakatuka kuna, yandi wayenda ku nzo aü alukutukunu,

10. Ye tala, muntu wakala koko kwasioka. Yaü banyuvula ye bavova: bufwanane mu nia-kisa mu lumingü, kidi bamfunda.

11. Kansi yandi wavova kwa yaü: buna luena, nki amuntu wena meme dimosi, vo diaü dina sotuka mu bulu mu lumingü, kadi kanadio simba ye tombülakoe?

12. Kansi muntu vele viokele meme, iküma bufwanane mu vanga bunkete mu lumingü.

13. Buna kavova kwa muntu: lambüla koko kwaku. Ya-

ndi walambülako ye kwaü kwadedakana ye kwankaka.

14. Kansi bafalisea bavayka ye bawawasana bonso bubakana kumbunga.

15. Kansi Yesu bukazayawo, yandi wakatuka kuna, ye bantu babingi banama yandi, ye waniakisa babo.

16. Yandi wabakanikina kabidi kunzaykisako,

17. Kidi mambu mavovwa kwa Esaya nkambi makwenda detila bukavova:

18. Tala, sielo kiami kiyazolele, intondolo ami; kizolele mwe-la 'mi. Mono ngina kunsila mpeve ami, yandi una kamba bankwa miambümbümbü nkongodolo.

19. Yandi kana zonzako vo bokako ye ndinga 'ndi kayina wakana mu zinzilako.

20. Yandi kana yanzuna dikolokolo diatiabüzukako, ye nsinga wamwinda weti fwita mwisi kanawo zimako nate ye kana kitula nkongodolo mu bedisa.

21. Bankwa miambümbümbü bana sa vüvü mu nkümbü andi.

22. Buna muntu wabakama kwa mpeve yambi ye wafwa meso, ibaba, wanatwakukakala, ye yandi waniakisa yandi, buna wafwa meso wavova ye wamona,

23. Ye bantu babo bayitukwa ye bavova: kadi ndioyo kamwana aDavidikoe?

24. Kansi bafalisea bubawa-wo bavova: ndieyu kavaykisanga mpeve zambiko vo kamu Belezebulo, inkuluntu ampeve zambi.

25. Kansi bukazaba mabanza maü, yandi wavova kwa yaü: kionso kimfumu kina kabana kina fuka, ye dionso vata vo nzo yina kabana kayina sikilako.

26. Vo Satana una vaykisa Satana buna kakabana, nkianguku kimfumu kiandi bwe kina sikila?

27. Vo mono ivaykisanga mpeve zambi mu Belezebulo, buna bana beno mu nki bavaykisangazo, nkianguku yaü iminkongüdidi mieno.

28. Kansi vo mono ivaykisanga mpeve zambi mu Mpeve aNzambi, buna kimfumu kina Nzambi kialueki kwa yeno.

29. Muntu bwe kana lenda kotila mu nzo ankwa azingolo ye tana bilekwa biandi, vo kana teka kanga nkwa azingoloko, ye mboki sika tana nzo andi.

30. Wonso kena yamiko ukunakilanga, ye kayonzikanga yamiko umwangisanga.

31. Nkianguku mono ikuluvo-vele: bantu bana yambudulwa masumü mamonsono ye lutiakulu, kansi utieki Mpeve kana yambudulwako.

32. Wonso una tesa mwana

amuntu diambu una yambudulwa, kansi wonso una bangisa Mpeve yanlongo kana yambudulwa mu mvu mianza yayiko ye mimvu mina landako.

33. Luvanga nti wabiza, buna bana bandi babiza, vo luvanga nti wambi, buna bana bandi bambi. Nti una zayakana mu bana bandi.

34. Lubana banioka zambalu, bwe lulenda vova yambote buluena bambi? Kadi nwa uvovanga yizedi mu ntima.

35. Muntu wabiza uvaykisanga yabiza mu lundulu kiandi kiabiza, ye muntu wambi uvaykisanga yambi mu lundulu kiandi kiambi.

36. Kansi mono ikuluvo-vele, vo bantu bana dedisa mambu mu mambu mamonsono manana mabavovele mu lumbu kina kongüdulwa.

37. Kadi Ngeye una fonguswa mu mambu maku, ye Ngeye una kongüdulwa nkanu mu mambu maku.

38. Buna minsoniki miankaka ye bafalisea bavutula kwa yandi ye bavova: nlongi, tuzolele mweswa mangu kwa Ngeye.

39. Kansi yandi wavutula ye wavova kwa yaü: lumbandu yambi ye mbidi ayanga, yifwanda-nga mangu, kansi kayina vewa manguko, kansi mangu kina Yona inkambi **kaka**.

40. Kadi bonso bwakala Yona mu vümü kiambizi yambafu, lumbu tatu ye mafukü matatu ibuna buna kala mwanamuntu kungsi autoto lumbu tatu ye mafukü matatu.

41. Bisi Nineve bana fuluka ye mbandu yayi mu nkongodolo ye banayo kongüdila nkanu, kadi yaü babilula madiela mu lukambulu luaYona, ye tala, viokele Yona wena vava.

42. Nkama wayala ntini zalubakala yina fuluka ye mbandu yayi mu nkongodolo ye kongüdilayo nkanu, kadi yaü yataka mu nsukulu zansi mu wanda zaSalomoni, ye tala, viokele Salomoni wena vava.

43. Kansi mpeve yansobo buyavaykidi mu muntu yizietanga mu müma mwena nayokoso ye yitombanga mvundulu ye kayimonangayoko.

44. Buna yaü yivovele: ngina vutuka ku nzo ami yiya-vaykidi, ye buyina kwenda, yaü yinayo mona vo yanana ye yakombolo ye yatemoso.

45. Buna yaü yina kwenda ye nata mpeve nsambodia zankaka zinlutidi mu bi ye zina kota ye kala momo, buna mambu mazimünini manuntu mana lutila mantete mu bi. Ibobo buna kala mbandu yayi yambi.

46. Buketi vova kwa bantu, buna mbuta 'ndi ye mpangi

zandi batelama kumbazi ye batonta kumbudisa mbembo.

47. Kansi muntu wavova kwa yandi: tala, mbuta 'ku ye mpangi zaku beti telama kumbazi ye tonta kubudisa mbembo.

48. Kansi yandi wavutula ye wavova kwa wambudisa mbembo: nani imbuta 'mi ye nani impangi zami?

49. Yandi wazangüla koko kwandi va minlongüki miandi ye wavova: tala mbuta 'mi ye mpangi zami.

50. Kadi wonso uvanganga luzolo luasami mu mazulu, yandi imbuta 'mi ye busi kiami ye mpangi ami.

### Kapu 13.

*Ngana mu mambu maNzambi (1—23), ngana zakimfumu kiamazulu (24—52), bantu bayitukwa (53—58).*

Kina lumbu Yesu wavayka mu nzo ye wazakala mu nzengo ambu.

2. Ye mbidi abantu baku-takana kwa yandi, buna kakota mu bota ye wazakala, ye bantu babonsono batelama va simü.

3. Yandi wabamokisa beni mu zingana ye wavova: tala, nküni wayele küni.

4. Ye buketi küna, yankaka yabwidi va sambwa nzila ye zinuni zaluekiyo dia.

5. Kansi yankaka yabwidi va tadi diansenzebele vakondolo ntoto wawingi ye intumbu somba, kadi kayakedi ntoto wansinako.

6. Kansi ntangu buyatubuki-di, yaü yalendokele ye yayumi-ni, kadi kayakedi mianziko.

7. Kansi yankaka yabwidi mu zimpanga ye mpanga zame-nene ye zafübisio.

8. Kansi yankaka yabwidi mu ntoto wena navüdudu ye yabutidi mbongo, yankaka nkama nkama, yankaka maküma-sambanu masambanu, yankaka makümatatu matatu.

9. Wena matu bika kawa.

10. Minlongüki miayenda ye miavova kwa yandi: mu nki we-ti kubamokisina mu zingana?

11. Yandi wavutula ye wavo-va: yeno luaveno luazaya nam-bu mansweki makimfumu kiamazulu, kansi yaü kabaveno-moko.

12. Kadi wonso bakidi una vewa ye una lunga, kansi wonso kabakidiko una zionwa yena yandi mpe,

13. Nkiangunu mono ikubamokisanga mu zingana, kadi bubeti mona ye kabamweniko, ye beti wa kabawiluko ye kabavisidiko.

14. Mu yaü muna kwenda detila lukambulu luaEsaya luavovele: luna wa mu matu ye kaluna visako, ye bulueti mo-

na luna mona, kansi kaluna zayako.

15. Kadi ntima miabantu baba miavwidi viba, ye mu matu bawilu fuma ye bazimini meso, kabidi mona mu meso ye wa mu matu ye visa mu mintima ye bangümüka, kidi yabania-kisa.

16. Kansi kiese kiena ye meso meno, kadi mamonanga, ye matu meno, kadi mawanga.

17. Kadi mono iluvovele, vo minkambi mianingi ye bankwa miamfonga bazina ntima mu mona yilumweni, kansi kabamonayoko, ye mu wa yiluwilu, kansi kabawayoko.

18. Nkiangunu luwa kweno ngana anküni.

19. Babonsoo bubawilu nküngü zakimfumu ye kabavisidizoko, buna nkwa akimfunia una kwiza ye tana yakünunu mu ntima miaü. Ibobo yakünunu vasambwa nzila.

20. Kansi yabwidi va tadi diansenzebele, iyandi uwanga mambu ye intumbu tambulamo mu kiese.

21. Kansi kayena mianziko mu yandi kibeni, kansi muna kala mu lumbu yafiuma, kansi kiadi ye luzomono bubina kala mu diambu diamambu, buna yandi intumbu fwema.

22. Kansi yakünunu mu mpanga iyandi uwilu mambu, ye

kiadi kianza yayi ye mampiaka makimvwama bifubisanga mambu, ye maü mana kondwa ndandu.

23. Kansi yakünunu mu nto to wena navüdudu iyandi wilu mambu ye visidimo ye vengi ndandu, mbatu nkama nkama, mbatu makümasambanu masambanu, mbatu makümatatu matatu.

24. Yandi wabatela ngana yankaka ye wavova: kimfumu kiamazulu kifwanane ye muntu waküna mbongo yabiza mu via diandi.

25. Kansi bantu bubaleka, ntantu andi wayiza küni masangü munkuyu mu mbongo yabiza ye wakatuka.

26. Kansi mbongo buyame na ye yabuta bana, masangü mamonika mpe.

27. Kansi minanga miamfumu anzo miayenda ye miavova kwa yandi: mfumu, kadi kwaküniini aku mbongo yabiza mu via diakukoe, kansi masangü munkuyu kwe matukidi?

28. Yandi wavova kwa miaü: ntantu wasidibo. Kansi minanga miavova kwa yandi: zolele tuendamo vüze?

29. Yandi wavova: aa, luyambula kaluidi vüza mbongo buluma vüza masangü munkuyu.

30. Luyambula biabirole bia-

menina va mosi nate ye vula kina yonzukwa, ye mu vula kina yonzukwa ngina kaamba biyonziki biateka yonzika masangü munkuyu ye kangamo mu mita mu yokamo, kansi mbongo bina yonzika mu lundulu kiami.

31. Yandi wabatela ngana yankaka ye wavova: kimfumu kiamazulu kifwanane ye mwingidi wasinapi wabonga muntu ye wakünawo mu via diandi.

32. Waü ulutidi mingidi miankaka mu ke, kansi buuna mena, buna una vioka mbongo yankaka mu nene ye una kala nti una luakila nuni zadizulu ye tunga mazanza maü mu mavalala mandi.

33. Yandi wabamokisa mu ngana yankaka: kimfumu kiamazulu kifwanane ye vümvü diabonga nkento ye waswekadio mu tezo bitatu biamfümfüta nate ye yayonsoo yamana funa.

34. Yina yayonsoo Yesu wavova mu zingana kwa bantu ye kavova büma kwa yaüko kansi mu zingana,

35. Kidi mambu mavova Esaya nkambi makwenda detila bukavova: ngina bandula nwa 'ni mu ngana, ngina kamba yaswekolo kasi ye luvangulu luanza.

36. Buna kasindika bantu ye wayenda ku nzo, ye nlongüki miandi miayenda kwa yandi ye



miavova: utubangüdila masangü  
mankuyu madivia.

37. Kansi yandi wavutula  
ye wavova: wakünini mbongo  
yabiza imwana amuntu.

38. Kansi via inza, mbongo  
yabiza ibana bakimfumu, kansi  
masangü mankuyu ibana bankwa  
akimfunia.

39. Kansi ntantu wakünini-  
mo iSatana, ye vula kiambongo  
insukulu anza, ye biyonziki izi-  
mpofi.

40. Nkiangunu masangü ma-  
nkuyu bonso bumayonzokolo ye  
mayokolo, ibuna buna kala mu  
nsukulu anza.

41. Mwana amuntu una fidi-  
sa mpofi zandi, ye zaü zina  
yonzika mfwemoso zazonsono  
ye bavondanga mina mu ki-  
mfumu kiandi

42. Ye zina kubatuba ku  
zikwa diatia. Kuna kuna kala  
dilu ye nkwetoso ameno.

43. Buna bamfonga bana tenti-  
na nkievo ntangu mu kimfumu  
kiasaü. Wena matu bika kawa.

44. Kimfumu kiamazulu ki-  
fwanane ye mbongo zaswekwa  
mu via zamona muntu ye wa-  
swekazo, ye mu kiese yandi  
wayenda teka yayandi yayonso-  
no ye wasumba via diadina.

45. Diaka kimfumu kiamaz-  
ulu kifwanane ye muntu wa-  
nkiti watomba uzimbu zabiza.

46. Ye bukamona lumosi

luantalu beni, buna kayenda  
teka yayandi yayonso no ye ka-  
sumbalo.

47. Diaka kimfumu kiamaz-  
ulu kiasfwanane ye konde diatu-  
bwa mu mbu ye diayonzika  
mbizi zampila mu mpila.

48. Diaü budiazala batunta-  
dio va simü ye bavwanda mu  
tula zabiza mu bisulu, kansi  
balosa zambi kumbazi.

49. Ibuna buna kala mu  
nsukulu anza. Mpofi zina kwe-  
nda mu vambisa bambi mu  
monakanda diabamfonga

50. Ye zina kubatuba ku  
zikwa diatia, kuna kala dilu ye  
nkwetoso ameno.

51. Luvisidi yayi yayonso-  
noe? Bavova kwa yandi: inga!

52. Kansi yandi wavova kwa  
yaü: nkiangunu minsoniki mia-  
mionsono mialongolo mu kimfu-  
mu kiamazulu mifwanane ye  
muntu imfumu anzo, uvaykisanga  
mu lundulu kiandi ye yamona  
ye yankulu.

53. Bobo bwakala, Yesu bu-  
kamana ngana zazina, kakatuka  
kuna.

54. Yandi wayenda ku nsi  
amase mande ye wabalonga mu nzo  
aü yalukutukunu ye bayitukwa  
ye bavova: nduka zozo ye tu-  
lendo kwe kabakidibio?

55. Kadi yandi kamwana  
anketi antikoe, kadi mbuta ndi  
kabikwanga Maliakoe, ye mpangi

zandi kaYakobi ye Yosefi ye Simona ye Yudakoe?

56. Ye bibusi biandi biabionsono kadi kabiena yetokoe, kansi kwe kabakidi yina yayonsono?

57. Yaü bamfwemina. Kansi Yesu wavova kwa yaü: kadi nkambi kavwezwangako, kansi mu nsi amase mandi ye mu nzo andi.

58. Vana kavanga tulendo tuatuingiko mu diambu dialu-dimbulu luaü luaminu.

#### Kapu 14.

*Yoane Mbotiki wazakwa ntu (1—12), Yesu wadikila mafunda matanu mabantu (13—21), wadiatava ntangu (22—33), waniakisa bayela (34—36).*

Bina lumbu Elodesi, inyadi andambu ansi, wawa kümü kiayendila Yesu

2. Ye wavova kwa bisicilo biandi: ndiena iYoane Mbotiki. Yandi wafulukidi mu bafwa, iküma tulendo toto tusadilanga mu yandi.

3. Kadi Elodesi wabakisa Yoane ye wankangisa ye wantudisa mu keholo mu diambu diaElodia, inkento aFilipo impangi andi.

4. Kadi Yoane wakivovila kwa yandi: nkanu wenayaku mu keba nkento wowo.

5. Yandi wazola kumvonda kansi watina bantu, kadi bambanzila vo inkambi kwandi.

6. Kansi lumbu kiakembila

Elodesi mbutulu andi, buna mwana aElodia wankento wakina mu monakanda diaü, ye Elodesi wazolabo.

7. Buna kansila mu ndefi mu vana kionso kikana lomba.

8. Kansi waü walongusulwa kwa ngüdi andi ye wavova: vava umpana ntu aYoane Mbotiki va lubaki.

9. Ye mfunu wakala kiadi mu diambu diandefi ye bavwanda yandi va meza ye wakamba: namvanawo.

10. Yandi wafidisa ye wazakisa ntu aYoane mu keholo.

11. Ye ntu andi wanatwa va lubaki ye wavewa mwana wankento, ye waü wanatawo kwa mbuta 'ndi.

12. Nlongüki miandi miayenda ye miabonga kindibidi kiandi ye miazikakio ye miayendawo kamba kwa Yesu.

13. Kansi Yesu bukawawo, wakatukakuna mu bota ye walua-ka ye bayandi kuna nsi yankatu. Bantu mu mavata bubawawo banama yandi mu malu.

14. Bukavayka kamona bantubabingi ye wabafwila kiadi ye waniakisa mbevo zaü.

15. Kansi nkokila buyabwa, minlongüki miayenda kwa yandi ye miavova: vüma vena vankatu ye ntangu yikiyendele, nkiangunu sindika bantu, kidi bakwenda ku mavata bakisumbila dia.

16. Kansi yandi wavova kwa miaü: kabena nsatu akwendako, lubavana kwenö dia.

17. Kansi miaü miavova kwa yandi: vava katubakidi lekwako, kansi mampa matanu ye mbizi zole.

18. Yandi wavova: santuadi-lenobio vava.

19. Yandi wakamba bantu bavwanda va ntoto ye wabonga mampa matanu ye mbizi zole ye wasendula meso ku zulu ye wasakümüna ye wabüküna ye wavana minlongüki mampa, kansi minlongüki miavana bantu.

20. Babonsono badia ye bayuküta, mboki bayonzika mansadusulwa kümi ye mpidi zole.

21. Kansi badia imafunda matanu mababakala ye mboki bakento ye baria.

22. Yandi watatimisa nlongüki miandi miakülümüka mu bota ye miatekila kuna simü, bukasindika bantu.

23. Bukamana sindika bantu, yandi wanaka mongo yandi kaka mu sambila, kansi nokokila buyabwa, kakala kuna yandi kaka.

24. Kansi bota kiakiluakila ku monakanda diambu ye kankuswa kwa zimbüla, kadi tembo kiakübama.

25. Kansi mu nkübü yandi wayiza kwa miaü ye wadiata va mbu.

26. Kansi bumiamona yandi, vo keti diata va mbu, miaü miatina ye miavova: wauna inku-yu ye miaboka mu wonga.

27. Yandi intumbu kubabudisa mbembo ye vova: luyangalala, imono kwami, kalutinaniko!

28. Petolo wavutula kwa yandi ye wavova: Mfumu, vo Ngeye, unkamba ngiiza kwa Ngeye va nlangu!

29. Yandi wavova: wiza. Petolo wavayka mu bota ye wadiata va nlangu ye waluaka kwa Yesu.

30. Kansi bukamona tembo, katina ye bukabadika sinda, kaboka ye kavova: Mfumu, undalula!

31. Kansi Yesu intumbu lanbüla koko ye kunsimba ye vova kwa yandi: nkwa afiminu minu, mu nki weti zietisa mabanza?

32. Ye bubumana kota mu bota, buna tembo kiadingama.

33. Kansi bakala mu bota bansambila ye bavova: kedika, Ngeye imwana aNzambi.

34. Ye bubumana sabüka, bayenda kuna nsi aNgenesaleti.

35. Kansi babakala bansi yina banzaya ye bafidisa nsamü mu nsi zakimfini, ye yaü banata babo bakala yela kwa yandi,

36. Ye banleba bavalakana nsuka anelele andi kaka, ye babo bavalakanayo bamana niaka.

## Kapu 15.

Yesu walonga bafalisea ye minsoniki (1—20), wasadisa nkento aKanaana (21—28), waviakisa mbero zazingi (29—31), vadikila mafunda maya mabantu (32—39).

Buna bafalisea ye minsoniki batuka mu Yelusalemi bayenda kwa Yesu ye bavova:

2. Nlongüki miaku mu nki mividingisanga mina miabakülu, kadi kamisukülanga mokoko, bumidianga mampa?

3. Kansi yandi wavutula ye wavova kwa yaü: kansi yeno mpe mu nki luvidingisanga mina miaNzambi mu diambu diankondo mieno?

4. Kadi Nzambi wakamba ye wavova: vümina saku ye ngüdi aku; ye wonso una vova mambu mambi mu se vo ngüdi una sukila mu lufwa.

5. Kansi yeno luvovele: wonso uvovele kwa se vo ngüdi: inkaylu uyakutu kusadila. Yandi kavümini sandi yengüdi andiko.

6. Yeno lukatulanga mina miaNzambi mu diambu diankondo mieno.

7. Luneso kungsi alukaya, Esaya watoma kamba mu yeno bukavova:

8. Bantu baba bakunvüninanga mu bikoba, kansi mintima miaü miantatukidi beni.

9. Mu nkatu bakunsambilanga, bubeti longanga ndongolo zamina miabantu.

10. Yandi watela bantu mbila ye wavova kwa yaü: luwa ye luvisa!

11. Yikotele mu nwa kayisu-münanga muntuko, kansi yivaykidi mu nwa yisumünanga muntu.

12. Buna milongüki miayenda ye miavova kwa yandi: zaydie vo bafalisea bafwemene bubawilu mambu momo?

13. Kansi yandi wavutula ye wavova: yonso nkünunu yilembolo küna sami diadzulu yina vüzwa ye mianzi.

14. Lubayambula. Yaü izintungi zanzila zafwa meso kwa bafwa meso. Kansi vo fwidi meso una songa wafwa meso nzila, buna babole bana sotuka mu lubulu.

15. Kansi Petolo wavutula ye wavova kwa yandi: utubangudila ngana yoyo.

16. Kansi yandi wavova: kadi ye mu bwabü kaluvisidikoe?

17. Kadi kaluvisidikoe, vo yayonso yikotanga mu nwayikwendanga ku vümü ye yivaykanga muvaykilanga dia,

18. Kansi yivaykanga mu nwa yitukidi mu ntima. Yina yisumünanga muntu.

19. Kadi mu ntima muvaykanga mabanza mambi, zimpondolo, kinsuza, luyangulu, wivi, kimbangi kiamakutu, zintiakulu.

20. Yina kwandi yisumünanga muntu, kansi dia ye mo-

ko malembolo sukulwa kaku-sumunanga muntuko.

21. Yesu wakatuka kuna ye waluaka kuna nsi aTilo ye Sidoni,

22. Ye tala, nkento imwisi Kanana watuka mu nsi yina. Waü waluaka ye waboka ye wavova: mwana aDavidi, umfwila kiadi, mwana 'mi wankento wabakama beni kwa mpeve yambi.

23. Kansi yandi kamvutula diambuko. Buna minlongüki miandi miayenda ye mianyuvula ye miavova: unsindika, kadi weti bokila ku manina meto.

24. Kansi yandi wavutula ye wavova: kiafiduswako kansi kwa mameme mazimbala manzo aIsaleli.

25. Kansi waü wayiza ye wansambila ye wavova: Mfumu, unsadisa!

26. Yandi wavutula ye wavova: kabufweniko mu bonga mampa mabana ye losamo kwa bimbwa mbwa.

27. Kansi waü wavova: nge-ta, Mfumu, kadi bimbwa mbwa mpe bidiana mansadusulwa manengümükanga va meza mazi-mfumu zaü.

28. Buna Yesu wavutula ye wavova kwa waü: unkento, minu kiaku kiena kiakinene. Bika wakala bonso buuzolele, ye mwana 'ndi waniaka mu yela yina ntangu.

29. Yesu wakatuka kuna ye wayenda ku nibu aNgalilea ye wamaka mongo ye wavwanda.

30. Bantu bubingi baluaka kwa yandi ye banata batembila ye bafwa meso ye mababa ye batila mianzi ye babatula va malu mandi, ye yandi wabania-kisa.

31. Ye bantu bayitukwa bubamona, vo mababa mavova, ye batila mianzi baniaka, ye batembila batoma diata, ye bafwa meso bamona, ye yaü bazitisa Nzambi aIsaleli.

32. Kansi Yesu watela nlongüki miandi mbila ye wavova: mono mfwididi bantu kiadi, kadi bakikadidi yami lumbu tatu ye kababakidi kiandiako, ye kizolele kubasindika ye nsatuko, kabidi noka nitu mu nzila.

33. Minlongüki miavova kwa yandi: kwempi tuabaka mampa momo mu yukütisa bantu baba?

34. Yesu wavova kwa miaü: mampa makwa mena yeno? Miaü miavova: nsambodia ye himbizi mbizi biafiuna.

35. Yandi wakamba bantu bavwanda va ntoto,

36. Ye wabonga mampa nsambodia ye zimbizi ye watonda ye wabüküna ye wavana kwa minlongüki, ye minlongüki miavana kwa bantu.

37. Babousono badia ye bayuküta, ye mansadusulwa ma-

youzukwa mpidi nsambodia zafuluka.

38. Badia imafunda maya mababakala, mboki bana ye bakeno.

39. Bukasindika bantu, yandi wakülünuka mu bota ye waluaka kuna nsi aMangäda.

### Kapu 16.

*Bafalisea ye basadukaya balomba mangu mu dizulu (1—4), Yesu walubula minlongüki mu tina ndongolo zabafalisea ye basadukaya (5—12), kimbangi kiaPetolo (13—39), Yesu wasamüna kwama kukana lungwa (21—25) ye walonga nlongüki miandi (24—28).*

Bafalisea ye basadukaya bayenda ye bamvükümüna ye banlomba kabasonga mangu kia-dizulu,

2. Kansi yandi wavutula ye wavova kwa yaü: nkokila buyibwidi luvovele: mini mina teka, kadi dizulu dibweki,

3. Mu nsuka vo: bwabü mvula, kadi dizulu dibweki ye dilombele. Yeno luzaydi kongudila luse luadizulu, kansi kalulendi dimbu kiamimvuko.

4. Mbandu yambi yena mbidi ayanga yifwandanga mangu, kansi kayina vewa manguko kansi mangu kiaYona. Yandi wabasisa ye wayenda.

5. Minlongüki bumialuaka

kuna simü, miavilakana vitika mampa.

6. Kansi Yesu wavova kwa miaü: luluenga luatina vümvä diabafalisea ye basadukaya.

7. Kansi miaü miabanzasana ye miavova: katuvitikidi mampako.

8. Kansi Yesu bukazayabo, wavova: lubankwa miafiminu minu, mu nki lueti kukibanzila: katuvitikidi mampako?

9. Ye mu bwabü kaluvisidikoe ye kalubambükidi moyoko mu mampa matanu ye mafunda matanu mabantu ye mpidi ziluyonzikidi?

10. Vo kamu mampa nsambodia ye mafunda maya mabantu yempidi ziluyonzikidikoe?

11. Mu nkiamu kaluzaydiko, vo kibikidi mampa kwa yenko? Kansi lutina vümvä diabafalisea ye basadukaya.

12. Buna miaü miazaya, vo kavovako, vo lutina vümvä diabafalisea ye basadukaya kansi ndongolo zabafalisea ye basadukaya.

13. Kansi Yesu bukaluaka kuna nsi aSesalea Filipi, buna kayuvula nlongüki miandi ye wavova: bantu bavovele, vo mwana amuntu inani?

14. Miaü miavova: bankaka vo Yoane Mbotiki, bankaka vo Elaya, bankaka vo Yelemia vo nkambi wankaka.

15. Yandi wavova kwa miati: kansi yeno vo inani kwami?

16. Simona Petolo wavutula ye wavova: Ngeye iKilisto kwa-ku, imwana aNzambi amoyo.

17. Kansi Yesu wavutula ye wavova kwa yandi: Simona, mwana aYona, kiese kiena yaku, kadi nsuni ye menga kabiakuza-ykisiboko, kansi sami mu dizulu.

18. Kansi mono ivovele mpe, vo Ngeye iPetolo ye va tadi diodio ngina tunga dibundu diami, ye mielo miankadi ampemba kaminadio vingisa kunsiko.

19. Mono ngina kuvana nsabi zakimfumu kiamazulu, ye yonso yiuna kanga va ntoto yina kangwa mu mazulu, ye yonso yiuna kutula va ntoto yina kutulwa mu mazulu.

20. Buna kakanikina minlongüki mu vova kwa muntu, vo yandi iKilisto.

21. Buna Yesu watukidila kamba nlongüki miandi vo kana kwenda kuna Yelusalemi ye lungwa beni kwa baküluntu ye bangüdi zanganga ye minsoniki ye vondwa ye fuluka mu lumbu kiantatu.

22. Petolo wanata yandi ku nenga ye wabadika kunlongidika ye wavova: ukilemvükila, Mfumu, kunabo monako!

23. Kansi yandi wabangümuka ye wavova kwa Petolo: Satana, wenda ku nima 'mi, Nge-

ye imbwise ami, kadi kuvisidi biaNzambiko kansi biabantu.

24. Buna Yesu wavova kwa nlongüki miandi: vo muntu zolele nama ku nima 'mi, buna kana kukikadila ye bonga kulunsi diandi ye kundama,

25. Kadi zolele lalula mwela 'ndi, unawo vidisa, kansi una vidisa mwela 'ndi mu diambu diami, unawo mona.

26. Kadi muntu nki una tomina nitu vo vengi nza yamvimba ndandu, kansi kana büngisa mwela 'ndi, vo muntu nki kana vena mwela 'ndi nküdulu?

27. Kadi mwana amuntu una kwiza mu nzitusu asandi ye zimpori zandi, buna sika vana muntu muntu bonso bwenina mavanga maü.

28. Kedika mono ikuluvo-vele, vo bankaka beti telama vava kabana bimba lufwako, nate ye banamonamwana amuntu una kwiza mu kimfumu kiandi.

## Kapu 17.

*Yesu wazituswa (1—8), wabika Yoane Mbotiki Elaya (9—13), wania-kisa muntu wakala mbikulu angonda (14—21), wakamba kwama kwandi (22—23), wafuta mpaku (24—27).*

Lumbu sambanu mboki Yesu wanata Petolo ye Yakobi ye Yoane ye wabatuala va mongo waüla mu kinsona.

2. Yandi wakituka bubantala ye zizi kiandi kiatentina bo-

nso ntangu, ye minlele miandi miavembuka nkievo kia.

3. Ye tala, Mose ye Elaya bamonika kwa yaü ye bamokisa yandi.

4. Kansi Petolo wavutula ye wavova kwa Yesu: Mfumu, vambote vena butuena vava. Vo zolele, sia tunga mafwokula matatu vava, dimosi kwa Ngeye ye dimosi kwa Mose ye dimosi kwa Elaya.

5. Bukavova, tala dituti diawanguka diabafuka, ye tala, ndinga mu dituti yavova: yandiyo inwana 'mi, intondolo, yinzolele kwami, lunwa.

6. Minlongüki bumiawayo, miabunda zizi biaü va ntoto ye matina beni.

7. Yesu wayenda ye wabalakana ye wavova: lutelama, kalutinaniko!

8. Kansi bumiavumbula meso, miaü kamiamona muntuko, kansi Yesu kaka.

9. Bubakülümuka va mongo, Yesu wabakanikina ye wavova: kalukambani muntu mbona yilumweniko, nate ye mwana amuntu una fuluka mu bafwa.

10. Ye minlongüki mianyu-vula ye miavova: kansi minsoniki, mu nki mivovanga, vo Elaya una tekila?

11. Kansi yandi wavutula ye wavova: Elaya una kwiza ye kübika yayonso.

12. Kansi mono ikuluvovele, vo Elaya wakiyizila ye kabanayako, kansi bansila yonso yibazola. Ibobu mwana amuntu mpe una kwamuswa kwa yaü.

13. Buna minlongüki miazaya, vo kabayikila Yoane Mbotiki.

14. Bubaluaka kwa bantu, muntu wayiza kwa yandi ye wafukama kwa yandi

15. Ye wavova: Mfumu, fwila mwana 'mi kiadi, kadi imbi-kulu angonda ye ulungwanga beni, kadi fintama ntama bwidi va tia, ye fintama ntama bwidi mu nlangu,

16. Ye mono intuedi kwa nlongüki miaku, ye miaü milembane kuniakisa.

17. Kansi Yesu wavutula ye wavova: umbandu yadimbüdi minu ye yilembolo songa, lumbu kwa ngina kala yeno, lumbu kwa ngina kuluvibidila? Lutualawo vava.

18. Yesu wamvümisa, ye mpeve yambi yavayka muyandi, ye mwana waniaka yinantangu.

19. Buna minlongüki miayenda kwa Yesu mu kinsona ye miavova: yeto mu nki tulembanayo vaykisa?

20. Kansi yandi wavova kwa miaü: mu dianbu diafininu minu fieno, kadi mu kedika mono ikuluvovele: vo luena minu nkievo mwingidi wasinapi, buna wavova kwa mongo wauna: katu-



ka vava, wafinketi kuna, ye waü una katuka, ye yeno kaluna lembana lekwako.

21. Kansi bubakala mu Ngalilea, buna Yesu wavova kwa yaü: mwana amuntu una ye-külwa mu moko mabantu.

22. Yaü bana kumvonda, ye lumbu kiantatu kana fuluka. Yaü bakala mbidi akiadi.

23. Kansi bubaluaka ku Kapalenamu, buna bavakusa bayenda kwa Petoloye bavova: nlongi eno kafutanga mpakukoe?

24. Yandi wavova: ufutanga kwandi. Bukaluaka mu nzo, buna Yesu wantekila ye wavova: Simona, bwe weti banza? Mfumu zansi kwa nani zitambulanga mpaku ye mfutu, kwa bana baü vo kwa banzenze?

25. Kansi bukavova: kwa banzenza, buna Yesu wavova kwa yandi: kiongo bana balembolo kwaü.

26. Kansi katuna kubafwemisako, wenda ku mbu watamba luvaku, ye mbizi yiuna teka vüza, bongayo, ye buuna yasula nwa 'ndi una mona kivanza, bonga kiokio ye vana kwa yaü mu beto yaku.

### Kapu 18.

Yesu walonga mu nene kwakedikaka (1—4), ntalu abindende mu Nzambi (5—14), ndubudulu ampangi zarola masumii (15—17), ngolo zakutudila ye zankangila (18), luta-

mbudulu luasambila (19—20), ngiambudulu amasumii (21—35).

Yina ntangu minlongüki miayenda kwa Yesu ye miavova: buna nani waünene mu kimfumu kiamazulu?

2. Ye bukatela mwana mbila, yandi watulawo mu monakanda diaü,

3. Ye wavova kwa miaü: kedika mono ikuluvovele: vo kaluna bangümüka ye kala bonso banako, kaluna kota mu kimfumu kiamazuluko.

4. Nkiangunu wonso una kukiya bonso fimwana mwana fiofio, yandi waünene mu kimfumu kiamazulu.

5. Wonso una tambula mwana mosi wena bobo mu nkümbü ami, yandi untambudi.

6. Kansi buna bena babake, wonso una fwemisa umosi undekele minu, yandi ukutu toma nitu, vo tadi dinikunwanga mfümfüta dikengo mu laka diandi, ye yandi sindusu mu nsinaambu.

7. Engwa nza mu diambu diafwema. Kadi fwema kuna katwa kwiza, kansi engwa muntu una tukisa fwema.

8. Kansi vo koko kwaku vo külu kwaku kuna kufwemisa, zakako ye losa, kadi una toma nitu, vo una kota mu moyo ye kieta ye tembila, ye una biva nitu, vo wena moko mole ye

malu mole, kansi una tubwa wa tia tukatulembwa.

9. Ye vo disu diaku dina kufwemisa, koladio ye losa. Ngeye una toma nitu, vo una kota mu moyo ye disu dimosi, ye una biva nitu, buwena ye meso mole ye una tubwa va tia tuankadi ampemba.

10. Buna bena babake, lutala kaluidi vweza imosi nkutu, kadi mono ikuluvovele, vo mpofi zaü mu mazulu lumbu kalumbu zimonanga zizi kiasami mu mazulu.

11. Bwe lueti banza? Vo muntu wena nkama amameme ye dimosi dina zimbala, kadi kana sisa luvwa ye vwa va miongokoe ye kwenda tomba diazimbala?

12. Ye vo kanadio mona, kedika mono ikuluvovele, vo sika yangalala beni mu diaü ye safiuma mu luvwa ye vwa malembolo zimbala.

13. Ibobo buna bena babake, kabwena luzolo luasami mu mazuluko, vo mosi nkutu una zimbala.

14. Kansi vo mpangi aku yina vola masümü, wenda walonga beno yandi. Vo sika kuwa, buna vengi mpangi aku ndandu.

15. Kansi vo kana kuwako, nata mosi vo bole kidi mambu

mamonsono mazengwa mu minwa miazimbangi zole vo zitatu.

16. Kansi vo sika kubawidikila, kamba kwa dibundu, kansi vo sika widikila dibundu mpe, buna Ngeye una kunsu, vo inkwa ambümbümbü ye mva-kusi.

17. Kedika mono ikuluvovele: yonso yiluna kanga va ntoto yina kangwa mu dizulu, ye yonso yiluna kutula va ntoto yina kutulwa mu dizulu.

18. Diaka mono ikuluvovele: buna lueni, vo bole bana wawana va ntoto mu kionso lekwa kibana lomba, yaü banakio vewa kwa sami mu mazulu,

19. Kadi konso kuna kutakana bantu bole vo batatu mu nkümbü ami, ikoko ngiena mu monakanda diaü.

20. Buna Petolo wayenda ye wavova kwa yandi: Mfumu, mpangi ami, mpodila kwa sika kumpodila masümü, ye mono ngina kunyambudila? Nanga nsambodia zilungidie?

21. Yesu wavova kwa yandi: mono kikembi nsambodiako, kansi tusambodia tuansambodia.

22. Nkiangunu kimfumu kiamazulu kifwanane ye muntu wamfumu wazola dedisa ntalu ye minanga miandi.

23. Kansi bukabadika dedisayo, buna muntu wandia mfuka

mu kûmi diamafunda matala-nta watualwa.

24. Kansi bukakondwa lekwa kiamfutîla, buna mfumu wakamba: una tekwa ye nkento andi ye bana bandi ye yonso yena yandi mu diambu diafuta.

25. Buna nanga una wafukama ye wansambila ye wavova: umbwisila ntima, buna sia kufuta yayonso.

26. Mfumu wamfwila kiadi ye wansindika ye wanyambudila mfuka.

27. Kansi nanga una bukavayka, kamona nanga wankaka wamfumu andi wadia nkama mosi abivanza. Yandi wamfika ye wavova: futa mfuka 'mi.

28. Buna nanga wafukama ye wanleba ye wavova: umbwisila ntima, buna sia kufuta.

29. Yandi ngodi andi. Buna kayenda kuntula mu kebolo nate ye kafuta mfuka.

30. Kansi minanga miankaka bumiamona bûma bobo, miakala mbidi akiadi ye miayenda kamba mfumu aû buvengo.

31. Buna mfumu andi wantela mbila ye wavova kwa yandi: nanga wambi, mfuka yina yamvimba yayambudidi, kadi wandebele.

32. Kadi kabwafwenikoe, vo Ngeye wafwididi nanga wankaka iadi, bonso buyafwididi kiadi?

33. Ye mfumu andi wafwema ye wanyekûla kwa bakeba kebolo, nate ye kana mana futa mfuka yamvimba.

34. Sami diadizulu ibobo dina kuluvangila, vo kaluna yambudila muntu ye mpangi andi mu mintima mienoko.

## Kapu 19.

*Yesu walonga bantu mu nkwedolo (1—12), wasakûmiina bana (13—15), walonga toko diamwama nzila yamoyo (16—26), nsendo wabanamanga Yesu (27—30).*

Bwakala vo Yesu wamaua mambu momo ye wakatuka mu Ngalilea ye waluaka ku miongo miaYuda ye kuna simû diaYolodani.

2. Bantu babingi banama yandi ye wabaniakisa kuna.

3. Bafalisea bayenda kwa yandi ye bamvûkûmûna ye bavova: keti bufweni vo muntu una sisa nkento andi mu dionso dionso hûngûe?

4. Kansi yandi wavutula ye wavova: kadi kaluatengikoe, vo wavanga vana kintete ntete kabavanga bakala ye nkento?

5. Ye wavova: mu diambu diodio muntu una sisa se ye ngûdi ye tatamana ye nkento andi, ye baû bole bana kala nsuni umosi.

6. Ibuna kabena boleko, ka-

nsi nsuni umosi. Nkiangunu yabamungisa Nzambi kayina vambuswa kwa bantuko.

7. Yäü bavova kwa yandi: buna Mose mu nki kakaniba, vo tuna vana nkatunda aluvambunu ye kunsisa?

8. Yandi wavova kwa yäü: Mose waluyambula luasisa bakento beno mu diambu dialubadusu luamintina mieno, kansi mu mbadukulu kamwakala boboko.

9. Kansi mono ikuluvovele: vo wonso una sisa nkento andi ulembolo yanga ye kwela wanaka, yandi yengi.

10. Minlongüki miavova kwa yandi: vo mwina wenina bobo ye bakala ye nkento, buna kabutomene mu kwelako.

11. Kansi yandi wavova kwa miaü: babonsono kabadezakana ye mamibu mamako, kansi bavewamo.

12. Kadi bena ntuka vümü babutwa bobo mu vümü kiangüdi, ye bena ntuka vümü basiwa bobo kwa bantu, ye bena ntuka vümü bakisila bobo mu diambu diakimfumu kiamazulu. Ulenda dezakana ye mamibu momo, bika kadezakana.

13. Buna banata bana kwa yandi, kidi kabasa moko ye sambila, kansi minlongüki miabakanikina.

14. Kansi Yesu wavova kwa miaü: lubika bana ye kalubakani-

kinani biiza kwa monoko, kadi kimfumu kiamazulu kiena yäü.

15. Yandi wabasa moko ye wakatuka kuna.

16. Ye tala, muntu wayenda kwa yandi ye wavova: nlongi, nki alekwa kiabiza ngina vanga, kidi yakala moyo ukaumani?

17. Kansi yandi wavova kwa yandi: mu nki weti kungiuwula mu nkwa wambote? Mosi wena wambote, kansi vo zolele kota mu moyo, keba mina.

18. Yandi wayuvula: nki amina? Kansi Yesu wavova: kuvondaniko, kuyanganiko, kutani kimbangi kiamakutuko,

19. Vünina saku ye mbuta 'ku, tondanzika 'ku nkievo Ngeye kibeni.

20. Ditoko diavova kwa yandi: yina yayonsono yakebele kwami. Nki nkondolo diaka?

21. Yesu wavova kwa yandi: vo zolele lunga, wenda wateka yena yaku ye vana bankwa miabumputu, ye mbongo zina kala yaku mu dizulu, ye wiza wandama.

22. Kansi ditoko budliawabo, diayenda ye kiadi, kadi mbongo zazingi zakala yandi.

23. Yesu wavova kwa nlongüki miandi: kedika mono ikuluvovele, vo nkwa akimywama wena mbidi ampasi mu kota mu kimfumu kiamazulu.

24. Kansi mono ikuluvovele

diaka, vo kamela kuna fionu-  
nuka nswalu mu disu diansoma,  
ye muntu wamvwama una suta  
kota mu kimfumu kiamazulu.

25. Kansi ninlongüki bumia-  
wawo miayitukwa beni ye mia-  
vova: buna nani una lalulwa?

26. Kansi Yesu wabatala ye  
wavova kwa miaü: büma bobo  
kabulendolo kwa bantuko, ka-  
nsi Nzambi lenda yayonso.

27. Buna Petolo wavutula ye  
wavova kwa yandi: tala, yeto  
tuasisidi yayonso ye tukuna-  
manga, buna nki situa tambula?

28. Kansi Yesu wavova kwa  
miaü: kedika mono ikuluvovele,  
vo yeno luandemi, yeno kibeni  
luna vwanda va kümi ye biandu  
biole, ye luna kongüdila kümi  
ye makanda mole maIsaleli mu  
mbutukulu yamona, mwana amun-  
tu bukana vwanda va kiandu  
kiandi kianzitusu.

29. Bonso bana sisa zimpang-  
ngi vo bibusi vo se vo ngüdi  
vo bana vo mavia vo zinzo mu  
diambu diankümbü ami, bana  
tambula biabingi beni ye vingi-  
la moyo ukaumani.

30. Kansi babingi batekila  
bana zimünina, ye bazimünina  
bana tekila.

### Kapu 20.

*Ngana yabisadi biavia diavinia*  
(1—16), *Yesu wavutuka samüna kwa-*  
*ma kukana lungwa* (17—19), *bana*

*bole baZebede balomba bifulu bianzi-*  
*tusu mu kimfumu kiaNzambi* (20—  
28), *Yesu watemusa bantu bole ba-*  
*fwa meso* (29—34).

Kadi kimfumu kiamazulu ki-  
fwanane ye muntu imfumu anzo  
wayenda nsuka nabu mu tomba  
bisadi biavia diandi diavinia.

2. Kansi bukawawasana ye  
bisadi mu vanza kimosi kimosi  
mu lumbu lumbu, yandi wafidi-  
sabio ku via diandi.

3. Yandi wayenda diaka, nta-  
ngu buyasanana, ye wamona  
biantaka bitelamene va boko ye  
bidingalale.

4. Yandi wavova kwa biaü:  
luenda kweno mpe ku via, ye  
mono ngina kulufuta kionso ki-  
songele.

5. Biaü biayenda. Kansi ya-  
ndi wayenda diaka ye nsinza  
ye ntangu buyabendüka ye wa-  
sa büma bumosi.

6. Kansi kümi ye loküla kia-  
ntete yandi wayenda ye wamo-  
na biantaka bitelamene ye wavo-  
va kwa biaü: mu nki lutelamene  
lumbu kiamvimba yeludingalale?

7. Biaü biavova kwa yandi:  
kadi muntu katusadisiko. Ya-  
ndi wavova kwa biaü: luenda  
kweno mpe ku via.

8. Kansi nkokila buyabwa,  
mfumu avia wavova kwa nke-  
ngi alekwa biandi: tela bisadi  
mbila wabafuta.

9. Bisadi bialuaka kümi ye

loküla kiantete biayendatambu-  
la vanza kimosi kimosi.

10. Kansi biatekila biayenda  
ye biabanza, vo bina lutila, ka-  
nsi biatambula kwaü mpe va-  
nza kimosi kimosi.

11. Kansi bubiatabulabio,  
biaü biabamina mfumu anzo

12. Ye biavova: baba bazi-  
münini basedi loküla kimosi  
ye ubafwanikisi ye yeto, ye  
yeto tumweni mpasi zalumbu  
ye mwini.

13. Buna bakala, yandi wa-  
vutula kwa umosi ye wavova:  
nkündi, kibebiko. Kadi katu-  
wawasene mu vanza kimosikoe?

14. Bonga kiaku ye wenda.  
Kansi nzolele vana uzimünini  
bonso buiveni.

15. Kadi kilendi sa bonso bu-  
nzolele mu biamikoe? Kani di-  
su diaku diambi diena, bungie-  
na wabize?

16. Ibuna bazimünina bana  
tekila, ye batekila bana zimünina.

17. Yesu bukabalüka kuna  
Yelusalemi, yandi watela kümi  
ye nlongüki miole mbila ku nenga  
mu nzila ye wavova kwa miaü:

18. Tala, tueti balüka ku Ye-  
lusalemi, ye mwana amuntu  
una yekülwa mu moko mangüdi  
zanganga ye minsoniki. Yaü bana  
kunkongüdila nkanu afwa.

19. Bana kunyeküla kwa ba-  
nkwa miambümbümbü mu dia-  
mbu diatiakwa ye büfwa nate

ye nkanda una bünüka ye ko-  
mwa va kulunsi, ye lumbu kia-  
ntatu sika fuluka.

20. Buna mbuta abana baZe-  
bede yayenda ye bana bandi kwa  
yandi ye wafukama ye wanlo-  
mba lekwa.

21. Kansi yandi wavova kwa  
yandi: nki zolele? Yandi wavo-  
va kwa yandi: kamba, kidi bana  
bami baba babole bana vwanda  
umosi va lubakala luaku, wa-  
nkaka va lumoso luaku mu ki-  
mfumu kiaku.

22. Kansi Yesu wavutula ye  
wavova: kaluzaydi yilulombe-  
ko. Lulenda nwa kompe kingi-  
na nwe? Yaü bavova kwa ya-  
ndi: tulenda.

23. Yandi wavova kwa yaü:  
luna nwa kompe kiami, kansi  
vwanda va lubakala luami ye  
va lumoso luami mono kilendibo  
kwami vanako, kansi kwa yaü  
batotolobo kwa sami.

24. Kansi kümi diaminlongü-  
ki bumiaawawo, miafwemina mpa-  
ngi zozo zazole.

25. Kansi Yesu wabatelambi-  
la ye wavova: luzaydi vo bakü-  
luntu babantu bakubayalanga,  
ye babanene babavwidi mu zi-  
ngolo.

26. Kansi mu yeno kamuna  
kala boboko, kansi wonso wena  
yeno uzolele kala waünene, ya-  
ndi una sadila babonsono.

27. Ye wonso wena yeno uzo-

lele tekila yandi una kala sie-lo kieno.

28. Ibobo mwana amunta kazyizi mu sadulwako, kansi mu sadila ye vana mwela 'ndi mu kula babingi.

29. Bubavayka mu Yeliko, bantu babingi banama yandi.

30. Ye tala, bantu bole bafwa meso bavwanda va mbela anzila ye bubawa, vo Yesu weti vioka, yaü baboka ye bavova: mwana aDavidi, utufwila kiadi!

31. Kansi bantu babakani-kina, kidi badingalala, kansi yaü baluta boka ye bavova: Mfumu, mwana aDavidi, utufwila kiadi!

32. Yesu wasimpama ye wabatela mbila ye wavova: nki luzolele vo ngina kulusa?

33. Yaü bavova kwa yandi: Mfumu, mpasi meso meto mazi-buka.

34. Ye Yesu wabafwila kiadi ye wavalakana meso maü. Yaü intumbu mona ye nama yandi.

## Kapu 21.

*Yesu wakota mu Yelusalemi (1—11), waredisa nzo aNzambi (12—17), watumba nti wakuyu (18—22), wazikwa biuvu kwa ngüdi zamindiki (23—27), wata ngana mu bana hote batumwa ku salu kwa saü (28—32) ye ngana mu muntu watuidisa via diandi diavinia (33—46).*

Bubafinangana ye Yelusalemi ye baluaka ku Betefange, ku Mongo wamazi, buna Yesu wafidisa nlongüki miöle.

2. Ye wavova kwa miaü: luenda ku vata dilutudisi, yeno intumbu mona mpünda ye mwana wambakala wena yandi, lukutula ye lutualazo kwa mono.

3. Vo muntu una vova: nkia-ma, buna luvova: Mfumu wenzazo nsatu, buna yandi intumbu fidisazo.

4. Kansi ibuna bwakala, kidi mambu makamba nkambi mayenda detila bukavova:

5. Luvova kwa Zioni imwana wankento: tala, mfumu aku weti kwiza kwa Ngeye mu nlembani. Yandi tentamene va mpünda ye va mwana wampünda imwana wabulu kiazitu.

6. Kansi minlongüki miaye-nda vangi bonso bwabakamba Yesu.

7. Miaü miatuala mpünda ye mwana ye miatula nlele miaü vana ntandu abibulu.

8. Kansi bantu babingi bayala nlele miaü va nzila, bankaka bazaka mavala manti ye basamo va nzila.

9. Kansi batekila ye banama baboka ye bavova: Osana kwa mwana aDavidi! Wizidi mu nkümbü aMfumu bika kasakümü-nwa, Osana vana kayengele!

10. Ye bukaluaka ku Yelu-

salemi, buna vata diamvimba diakala, viongolo viongolo ye bavova: ndiewo inani?

11. Kansi bantu bavova: yandi iYesu nkambi mu Nazaleti mu Ngalilea.

12. Yesu wayenda ku nzo aNzambi ye waluanzula babo bateka ye basumba mu nzo ye watengüla meza mababudisa bi-vanza ye biandu biabateka mabembe

13. Ye wavova: bwasonoko-no: nzo ami yina bikwa nzo yisambulwanga, kansi yeno lua-sidiyo nlungü abitani.

14. Bantu bafwa meso ye batembila bayenda kwa yandi mu nzo aNzambi, ye yandi wabaniakisa.

15. Kansi bangüdi zanganga ye minsoniki, bubamona bimangu bikavanga ye zintaudi zaboka mu nzo aNzambi ye zavova: Osana, mwana aDavidi, buna bafuta ntima

16. Ye bavova kwa yandi: wilu bubeti te? Kansi Yesu wavova kwa yaü: inga, kadi kasi kaluatengikoe, vo mu minwa miabana ye bana banswa Ngeye wakübika nzitusu?

17. Yandi wabasisa ye wavayka mu vata ye wayenda kuna Betania ye wakieludulwa kuna.

18. Kansinsuka nabu bukavutuka ku vata, yandi wamona nsatu.

19. Ye bukamona nti wakuyu va nzila, yandi wayenda kwa waü, kansi kamona lekwa mu waüko, kansi makaya ye makaya ye wavova kwa waü: kasi kuna buta bana diakako mimvu mikamimani, ye kuyu intumbu yuna.

20 Minlongüki miamonabo ye miayitukwa ye miavova: kuyu bwe kiyumini?

21. Kansi Yesu wavutula ye wavova kwa miaü: kedika mono ikuluvovele: vo luena minu ye kaluna zietisa mabanzako, kaluna vanga bonso busilulu kuyu kakako, kansi vo luna vova kwa mongo wauna: nangüka wadumüketi mu mbu, buna buna vangwa.

22. Ye yayonsono yiluna lomba, vo lulekele minu bulusanibilanga, siluayo tambula.

23. Bukaluaka ku nzo aNzambi, buna bangüdi zanganga ye baküluntu babantu bayenda kwa yandi bukalonga ye bavova: mu nki angolo uvanganga bobo ye nani wakuveni ngolo zozo?

24. Kansi Yesu wavutula ye wavova kwa yaü: mono mpe ngina kuluyuvula diambu dimosi. Vo luna kunkamba, buna mono mpe ngina kulukamba ngolo ziivangilanga bobo.

25. Lubotokolo luaYoane kwe luatuka? Mu dizulu vo mu bantu? Kansi yaü bayindula ye bavovasana:

26. Vo tuna vova: mu di-



zulu, sika vova kwa yeto: buna mu nki kaluanlekele minuko? Kansi vo tuna vova: mu bantu, buna tuna tina bantu, kadi babonsoo basa Yoane nkambi.

27. Yaü bavutula kwa Yesu ye bavova: katuzebiko. Yandi wavova kwa yaü: mono mpe kina kulukamba ngolo ziivangilanga boboko.

28. Kansi bwe lueti banza? Muntu wakala bana bole babakala wayenda kwa umosi ye wavova: mwana, wenda bwabü wasala mu via diami.

29. Kansi waü wavutula ye wavova: ngodi ami, mboki waningüluka ye wayenda.

30. Kansi yandi wayenda kwa wankaka ye wavova bumosi. Waü wavutula ye wavova: ngeta mfumu, kansi kayendako.

31. Babole, nani wavanga luzolo luasandi? Bavova: wantete. Yesu wavova kwa yaü: kedika mono ikuluvovele, vo mivakusi ye bankwa abunsuza bana kulutekila mu kimfumu kiaNzambi.

32. Kadi Yoane wayiza kwa yeno mu nzila yamfonga ye kaluanlekila minuko, kansi mivakusi ye bankwa abunsuza banlekila minu, kansi yeno buluamonabo kaluaniongüluka vazimüninako ye kaluanlekila minuko.

33. Luwa ngana yankaka: muntu infumu anzo wakünisa via

diavinia ye wasadio lumbu ye watimisa lekwa kikamunwanga vinia ye watungisa nzo yayi-ngudulwanga via ye watambikadio kwa bisadi ye wayenda zenzila.

34. Kansi vula kiavinia bukialuaka, yandi wafidisa nanga miandi mu tambula bana.

35. Bisadi biasimba nanga miandi, umosi biambüfa nate ye nkanda wabünuka, umosi biamvonda, umosi biamvonda mu matadi tuba.

36. Mboki kafidisa nanga miankaka miamingi. Biaü biasila bobo mpe.

37. Vazimünina kafidisa mwana 'ndi kwa biaü ye wavova: bina vümina mwana 'mi.

38. Kansi bisadi bubiamona mwana, biavovasana: yandi una vingila via, ntolono tuamvonda tuadia difwa diandi.

39. Biaü biansimba ye biantuba kumbazi avia ye biamvonda.

40. Kansi mfumu avia bukana kwiza, bwe kana sa bisadi biobio?

41. Yaü bavova kwa yandi: bubena bambi, yandi una kubabünga beni ye tambika via kwa bisadi biankaka bina kumvana bana bavinia mu vula kina songa.

42. Yesu wavova kwa yaü: kadi kasi kaluatengi mu maso-nukwakoe, vo tadi diavweza

mintungi, diaü beni diakituka tadi diantu afüma. Bobo bwa-vangwa kwa Mfumu ye bwena bwanzenza mu meso meto.

43. Nkiangunu mono ikulu-voevele, vo kimfumu kiaNzambi kina katulwa mu yeno ye kina vewa bankwa miambümbümbü bana sa ndandu zandi.

44. Bangüdi zanganga ye bafalisea bawa ngana zandi ye bazaya vo kababika.

45. Yäu batonta kunsimba, kansi batina bantu kadi bansa, vo inkambi.

## Kapu 22.

*Yesu wakamba ngana mu mivwatu miandambisa (1—14), wayuvulwa kwa bafalisea mu diambu diampaku antinu (15—22) ye kwa basadukaya mu mfulukulu (23—33), wakamba mwina walutula wäinene mu mina (34—40), wayuvula bafalisea mu mwila aMesia (41—46).*

Diaka Yesu wavutula ye wabamokisa mu zingana ye wavova:

2. Kimfumu kiamazulu ki-fwanane ye muntu wamfumu walambila mwana üdi wabakala ndambisa.

3. Yandi wafidisa nangamia-ndi mu landa bakambwa biiza ku ndambisa, kansi yäu ngodi aü kwiza.

4. Diaka kafidisa nanga mia-nkaka ye wavova: luvova kwa bakambwa: tala, mbuluku ami

ansuka mvwidi kübika, ye zingo-mbe zami ye bibulu biena nitu bivondolongo, ye yayo yitotolo, luiza ku ndambisa!

5. Kansi yäu bavüna kwe-nda. Umosi wayenda ku via dia-ndi, wankaka mu kiba.

6. Kansi bankaka basimba nanga miandi ye basilamio ma-yama ye bavondamio.

7. Kansi mfumu wafwema ye wafidisa hibüka biabinwani biandi mu vonda mvondi mio-mio ye yoka vata diaü.

8. Buna kavova kwa nanga miandi: ndambisa yikübulungu, kansi bakambwa kabafweniko.

9. Nkiangunu luenda mu zimpanbu ye lutuala babo balu-na mona ku ndambisa.

10. Ye nanga mina miayenda mu zinzila ye mianata babo ba-bamona ye bambi ye bambote, ye nzo yazala ye bantu bavwa-nda va meza.

11. Kansi mfumu wakota mu tala bavwanda ye wamona mu-tu walembea vwata mvwatu wandambisa

12. Ye wavova kwa yandi: nkündi, bwe kotele mwamü, bu-kwena mvwatu wandambisako? Kansi yandi wadingama.

13. Buna mfumu wavova kwa bisielo: lukanga malu nandi ye moko ye huntuba ku tombe kie-na kumbazi. Kuna kuna kala

dilu ye nkwetoso ameno.

14. Kadi babingi batelwa mbila, kansi bafiuma basolwa.

15. Buna bafalisea bayenda wawasana bonso bubakana kumbaka mu mambu.

16. Yaü bafidisa nlongüki miaü ye bantu baElodesi ye bavova: nlongi, tuzaydi, vo wena wakedika ye ulonganga nzila ya-Nzambi mu kedika yekumona nga muntu vümiko, kadi kutalanga zizi kiamuntuko.

17. Nkiangunu utukamba bonso buweti banza, busongele mu vana ntinu mpaku, vo kabwakoc?

18. Kansi Yesu wazaya kimumfunia kiaü ye wavova: luban kwa miameso kungsi alukaya, mu nki lueti kumpükunünina?

19. Lunsonga vanza kiampakku. Yaü banata vanza kwa yandi.

20. Yesu wavova kwa yaü: zizi kianani kiaki ye bisono?

21. Yaü bavova: biantinu. Buna kavova kwa yaü: luvana biantinu kwa ntinu ye biaNzambi kwa Nzambi.

22. Bubawawo, yaü bayitukwa ye bansisa ye bayenda.

23. Kina lumbu basadukaya bavovanga, vo mfulukulu kwanana, bayenda kwa yandi ye banyuvula

24. Ye bavova: nlongi, Mose wavova, vo muntu una kondwa bana bukana fwa, bana mpangi audi una vingila nkento

andi ye butila mpangi andi bana.

25. Kansi mpangi nsambodia zakala yeto, ye mpangi yantete yakwela ye yafwa, ye bukakondwa bana kayambudila mpangi andi nkento.

26. Ibobo bwakala yanzole ye yantatu nate ye yansambodia.

27. Buna bakala nkento wazimünina fwa.

28. Kansi bansambodia bubana fuluka, buna bena, nani una tambula nkento?

29. Kansi Yesu wavutula ye wavova kwa yaü: yeno lua-vidungusu, kaluzaydi masonukwako ye lulendo luaNzambiko.

30. Kadi mu mfulukulu kabana kwelako ye kabana kwelwako, kansi bana kala bonso mpofi zaNzambi zena mu dizulu.

31. Kansi kaluatengi lufulukulu luabafwa mu mambu natewa kwa Nzambikoe bukavova:

32. Mono iNzambi aAbalani ye Nzambi aIsaki ye Nzambi aYakobi, Nzambi kaNzambi abafwako kansi bavümuna.

33. Bantu bawawo ye bayitukwa mu ndongolo zandi.

34. Kansi bafalisea bubawa vo kadingimisa basadukaya, yaü bakutakana,

35. Ye umosi wayaü insoniki wamvükümuna ye wayuvula:

36. Mina buna miena, nki amwina wena waünene?

37. Kansi Yesu wavova kwa

yandi: una tonda Nzambi iMfu-mu aku mu ntima 'ku wamvimba ye mu mwela 'ku wamvimba ye mu zingolo zaku zazonsono.

38. Wowo imwina waünene ye wantete.

39. Mwina wanzoleufwanane ye waü: una tonda nzika 'ku nkievo Ngeye kibeni.

40. Mu mina miamionio miamiole mwena mina miamio ye minkanbi.

41. Kansi bafalisea bubakutakana, buna Yesu wabayuvula

42. Ye wavova: bwe lueti banzila Kilisto? Yandi imwana anani? Yaü bavova kwa yandi: imwana aDavidi.

43. Yandi wavova kwa yaü: buna Davidi bwe kambika mfumu mu mpeve, bukavova:

44. Mfumu wavova kwa mfumu ami: vwanda va lubakala luani, nate ye ngina tula mintantu miaku kuni amalu maku?

45. Buna Davidi bukambika mfumu, bwe kana kala mwana 'ndi?

46. Muntu nkutu kalenda kumvutula diambuko, ye kina lumbu bantu bakala wonga mu kunyuvula lekwa diaka.

### Kapu 23.

*Yesu walonga bantu batina maranga mabafalisea (1-7), walubula minlongiki miandi (8-12), waboka*

*»engwa» kwa minsoniki ye bafalisea (13-36) ye wasamiina nkongodolo aYehusalemi (37-39).*

Buna Yesu wamokisa bantu ye nlongiki miandi

2. Ye wavova: minsoniki ye bafalisea beti vwanda va kiandu kiaMose.

3. Nkiangunu yonso yibeti kulukamba, luvangeti ye lukebeti, kansi mavanga maü kaluvükümükinaniko, kadi bavovanga kansi kabavangangako.

4. Yaü bakanganga bizitu biangolo ye batuikangabio va mavembo mabantu, kansi yaü kibeni kabazolelebio finkisa mu nlembo nkutuko.

5. Kansi yaü bavanganga mavanga maü mamonso mu monika kwa bantu, kadi yaü basadisanga minkanda miambambukulu amoyo ye banenivisanga zinsoso zanlele.

6. Bazolele büka kianzitusu va meza mu mimbuluku ye biandu bianzitusu mu zinzo zaturkutukunu

7. Ye kambwa malembe mu mazandu ye bikwa labi kwa bantu.

8. Kansi yeno kaluna bikwa labiko, kadi nlongi mosi wena yeno, kansi beno babo luzimpangi,

9. Buna luena, kaluna bikwa se va ntotoke, kadi seno dimosi diena diadizulu.

10. Kaluna kukibika bakü-

luntuko, kadi nküluntu umosi wena yeno iKilisto.

11. Kansi wena waünene mu yeno, yandi isielo kieno.

12. Kansi wonso una kuki-balula una külulwa, ye una kuki-yina una balulwa.

13. Engwa yeno minsoniki ye bafalisea, lumeso kungsi alukaya, kadi lubindikanga kimfumu kiamazulu kwa bantu, kadi yeno kalukotangako, ye kaluyambulanga beti kotako.

(14. Engwa yeno minsoniki ye bafalisea, lumeso kungsi alukaya, vo lukenkanga zinzo zamafwola, ye mu mana lusambilanga kwakwingi! Nkiangunu luna kongödulwa nkongodolo yangolo.)

15. Engwa yeno minsoniki ye bafalisea, lumeso kungsi alukaya, vo luzenzilanga mumbu ye mu nsi kidi luavanga nseküdi aminu, ye bukakivangulu, yeno luamvengi mwana ankadi ampemba beni ye yeno büke.

16. Engwa yeno zintungi zafwa meso luvovanga: didi ndefi mu nzo aNzambi kalekwako, kansi didi ndefi mu wola wanzo aNzambi, yandi wena nkanu.

17. Lumazengi ye bafwa meso, kadi nkiaama kiakinene vo wola vo nzo aNzambi yivangüdi wole?

18. Ye vo: didi ndefi mu disalu kalekwako, kansi didi

ndefi mu nkaylu va disalu, yandi wena nkanu.

19. Lubafwa meso, nkiaama kiakinene vo nkaylu vo disalu divangüdi nkaylue?

20. Nkiangunu didi ndefi mu disalu, didi ndefi mu diaü ye mu yilekwa yayonsoyena va diaü.

21. Didi ndefi mu nzo aNzambi, didi ndefi mu yaü ye mu ndiena wena mu yaü.

22. Ye didi ndefi mu dizulu, didi ndefi mu kiandu kiaNzambi ye mu uvwandanga va kiaü.

23. Engwa yeno minsoniki ye bafalisea, lumeso kungsi alukaya, luvananga бүкү kiakümi kümü kiafuka ye mangwanzia ye ndungü ye luyambulanga yena zitu mu mina: nkongodolo ye nlemvo ye mina. Yayi yina vangwa, ye yina kayina yambulwako.

24. Luzintungi zafwa meso, lukelanga zimbu ye luminanga kamela.

25. Engwa yeno minsoniki ye bafalisea, lumeso kungsi alukaya, vo luvedisanga kompe ye lubaki kumbazi, kansi mu ngüdi mwazedi kwa lekwa yatanwa ye kindiafu.

26. Falisea wafwa meso, teka vedisa mu ngüdi akompe, kidi kumbazi kwavedila mpe.

27. Engwa yeno minsoniki ye bafalisea, lumeso kungsi alu-

kaya, kadi lufwanane ye ndiamũ zasiwa mpemba kumbazi, kansi mu ngũdi mwazedi kwa bivisi biabafwa ye yansobo yayo.

28. Iboho yeno mpe lunonikanga bamfonga kwa bantu, kansi mu ngũdi luazedi kwa disu kansi alukaya ye mpondo-lo amina.

29. Engwa yeno minsoniki ye bafalisea, lumeso kansi alukaya, kadi lutunganga ndiamũ zaminkambi ye lusanga ukala miabamfonga zintoko

30. Ye luvovanga: vo tuakala mu lumbu biamase meto, nga katuakala sulu kiantuadi ye maũ mu menga maminkambiko.

31. Kiongo luatambudidi, vo lubana babantu bayonda minkambi.

32. Yeno lufuluzanga tezo kiamase meno.

33. Luzinioka ye bana banioka zambalu, bwe luna taba mu nkongodolo yankadi ampemba?

34. Yikũma tala, mono ngieti fidisa kwa yeno minkambi ye banduka ye minsoniki. Bankaka luna vonda, bankaka luna koma va kulunsi, bankaka luna bũfa nate ye nkanda una bũnũka mu zinzo zeno zatukutukunu ye kubazoma mu vata ye ku vata.

35. Kadi menga mamonso-no mamfonga mana luaka va yeno, kasi ye menga maAbeli

mamfonga ye nate ye menga maZakalia imwana aBalakia wavondwa muna nkati anzo aNzambi ye disalu.

36. Kedika mono ikuluvo-vele: yina yayonso-no yina bwila mbandu yayi.

37. Yelusalemi, Yelusalemi, uvondanga minkambi ye utubanga bafiduswa kwa Ngeye matadi mu vonda! Nkutikisa zazingi yazola kwami kutikisa bana baku, bonso bukutikisanga nuni bana bandi kansi amaveve mandli, kansi yeno ngodi eno.

38. Tala yeno luna yambu-lwa nzo eno yanana.

39. Kadi mono ikuluvo-vele: kaluna kumbona diakako ye mu bwabũ ye nate ye luna vova: wizidi mu ukũmbũ aMfumu, bika kasakũmũnwa!

## Kapu 24.

*Yesu wasamũna nsukulu aYelusalemi (1—28) ye ngizulu andi yanzole (29—31), wakamba bimanga bina vangwa mu lumbu bina (32—41) ye waluengisa bantu kidi bakubama (42—51).*

Yesu wavayka mu nzo aNzambi ye wayenda, ye nlongũki miandi miayenda kwa yandi mu kunsonga lutungulu luanzo aNzambi.

2. Kansi yandi wavutula ye wavova kwa miaũ: kadi kalu-mweni yina yayonso-nokoe? Kedika mono ikuluvo-vele: vava

kavana yambulwa tadi va ntandu atadi dina lembwa tululwako.

3. Kansi bukazakala va Mongo, wamazi, buna minlongüki miayenda kwa yandi ku nenga ye miavova: utukamba lumbu kina vangwa yina, ye dimbu kiangiizulu aku, ye nsukulu anza nani?

4. Yesu wavutula ye wavova kwa miaü: lutina kaluidi vidunguswa.

5. Kadi babingi bana kwiza mu nkümbü ami ye vova: monokwami iKilisto. Yaü bana vidingisa bantu babingi.

6. Kansi yeno luna wa vo zimvita ye kümü kiazinvita. Lutala kaluidi bwilwa wonga, kadi yina yina kala, kansi ye mu bwabü nsukulu kayizidiko.

7. Kadi bantu bana wonzama mu bantu ye kimfunu mu kimfumu, ye malema mana kala ye lunikunu luantoto mu müma mwamwingi.

8. Kansi yina yayonso imbadukulu aminsongo.

9. Buna bana kuluyeküla mu kwama ye kuluvonda, ye yeno luna belwa kwa bantu babonso mu diambu diami.

10. Buna babingi bana fwe ma ye yekasana ye belasana,

11. Ye minkambi miamakutu mina kala ye mina vidingisa bantu babingi.

12. Ye mu diambu dialufu-luzu luavonda mina, tonda kuna vola ye bantu babingi.

13. Kansi una vekamana nate ye nsukulu una lalulwa.

14. Ye nsamü waü wambote wakimfumu una kambwa mu nza yamvimba mu kimbangi kwa bantu babonso, ye buna nsukulu yina kwiza.

15. Nkiangunu buluna mona lukankümükü luambüngulu lukambwa kwa Danieli inkambi, vo luna telana va vüma vanlongo. Utengimo katonwamo.

16. Buna bena mu Yudaya bika batinina vana miongo.

17. Wena va nludi kana kü-lümüka mu bonga yena mu nzo andiko.

18. Wena mu via kana bangümüka mu bonga dizwele andiko.

19. Kansi engwa bena vümü ye bayemikanga mu lumbu yina.

20. Kansi ludila, kaluidi taba mu zimvula ye mu lumingü.

21. Kadi buna buna kala kwana kwakwingi, ikwama kwalembwa dedakana kasi ye mpangulu anza ye bwabü, ye kakuna dedakanako.

22. Vo lumbu yayina kaya-küfukwako, nga nsuni nkutu kawalaluluko, kansi mu dia-

mbu diabasolwa lumbu yoyo yakufukulu.

23. Buna vo muntu una vo-va kwa yeno: tala, vava vena Kilisto, vo vana, kalulekani minuko.

24. Kadi baKilisto banakutu ye minkambi mianakutu bana kwiza ye songa mangu ye lekwa bianzenza, kidi bayidingisa basolwa vo bana lenda.

25. Tala mono ikikambidiwo kwa yeno.

26. Nkianguu vo bana vo-va kwa yeno: tala, wena mu nsi yankatu, kaluendaniko, tala, wena mu bivinga, kalulekani minuko.

27. Kadi bonso butubükanga luvezomo muselükilanga ntangu ye lumonikanga nate ye kudi-mininanga ntangu, ibobo buna kala ngiizulu amwana amuntu.

28. Kwena nkülu kukutakanga zingo zazulu.

29. Kansi kwama kwabilumbu bina, buna ntangu intumbu lombaa, ye ngonda kayina vana ntentina kwandiko, ye mbwetete zina sotuka mu dizulu, ye tule-ndo tuadizulu tuna fwambama.

30. Buna dimbu kiamwana amuntu kina monika mu dizulu, ye makanda mamonsoo mansi mana banda zintulu ye mona mwana amuntu una kwiza mu matuti madizulu ye ngolo ye nzitusu biabingi.

31. Yandi una fidisa mpofi zandi ye mpüngi yayinene. Zau zina tota basolwa handi mu utini zia zampeve, ye mu nsukulu azulu ye mu nsukulu azulu.

32. Kansi lulongüka ngana mu kuyu. Mavala mandi bu-mana kala nayululu ye makaya mana somba, buna luzebi vo nsungi amvula yena mu kwiza.

33. Ibobo yeno mpe luzebi, buluma mona yina yayonsoo, vo yoyo yena va mielo.

34. Kedika mono ikuluvo-vele: vo nibandu yayi kayina lalako nate ye yina yayo yina vangwa.

35. Dizulu ye ntoto bina lala, kansi mambu mami kama-na lalako.

36. Kansi kina lumbu ye kina loküla muntu kazaydibio-ko, kampofi zadizulukoo, kamwanako, kansi se kaka.

37. Kansi bonso bwakala lumbu biaNoa, ibuna buna kala ngiizulu amwana amuntu.

38. Kadi bonso bwakala mu lumbu biatekila nküka, badi-nga, banwanga, bakwelanga, bakwelwanga nate ye lumbu kiakota Noa mu nzaza.

39. Yaü kabazaya bümako nate ye nküka yayiza ye yakatula babo. Ibuna buna kala ngiizulu amwana amuntu.

40. Buna bantu bole bana



kala mu via, umosi una balulwa, umosi una siswa.

41. Bakento bole bana nika mfumfuta va tadi, umosi una balulwa, umosi una siswa.

42. Nkiangunu lukaya meso, kadi kaluzaydi lumbu kina luaka mfumu enoko.

43. Kansi nazayieno bwabü, vo mfumu anzo zaydi loküla kina luaka mwivi, nga katemone ye kayambudi nzo andi yakakunwako.

44. Nkiangunu beno mpe lukubama, kadi lumbu kiluna lembwa zaya kina kwiza mwana amuntu.

45. Kansi nani iuanga wawkwikama ye wanduenga wayaduswa kwa mfumu andi mu bantu banzo andi, kidi kabavana dia mu yandi ntangu?

46. Kiese kiena ye nanga wowo una mouwa kwa mfumu andi vo uvanganga bobo!

47. Kedika mono ikuluyovele: yandi una yaduswa kwa mfumu andi mu mbongo zandi zazonsono.

48. Kansi vo nanga wambi una vova mu ntima 'ndi: mfumu ami una zingila,

49. Ye una badika büfa minanga miena yandi ye diaye nwa bena basansala.

50. Buna mfumu ananga wama una kwiza lumbu kikana

vingilako ye loküla kikana zayako,

51. Ye una kunzenguzula ye sa künkü kiandi vena bankwa ameso kungsi alukaya. Kuna kwena dilu ye nkwetoso ameno.

## Kapu 25.

*Yesu wafwanikisa kimfumu kiamazulu ye kumi diazindumba (1—13) ye muntu wavana mu nkita alalanta kwa minanga miandi (14—30), wasamiina lukongodolo luna zimüina (31—46).*

Buna kimfumu kiamazulu kina fwanana ye kumi diazindumba zabonga kebolo biaü biaminda zayenda kiki toko diandamdisa.

2. Kansi ndumba zitanu zakala mazengi ye zitanu zakala nduenga.

3. Kadi zakala zamazengi zamata bikebolo, kansi kazavitika maziko.

4. Kansi zakala zanduenga zavitika mazi mu mimvüngü ye bikebolo biaü biaminda.

5. Kansi toko diandambisa budiazingila, buna zaü zazo zanningina ye zaleka.

6. Kansi mu ndingü ansi mwabokulwa: tala, toko diandambisa! Luvayka luankika!

7. Buna ndumba zozo zazo zatelama ye zakübika minda miaü.

8. Kansi zakala zamazengi

zavova kwa ndumba zanduka: lutuvana mazi mena yeno, kadi minda mieto mieti zima.

9. Kansi zanduka zavutula ye zavova: kasi, luenda vele kwa batekangamo luasumba, katuidi kondwamo beto yeno.

10. Kansi buzayenda sumbi, buna toko diandambisa dialuaka, ye bakubama bayenda yandi ku nzo andambisa ye babinika kielo.

11. Kansi ndumba zanka ka zazimünina luaka ye zavova: Mfumu, Mfumu, utuzibüdila!

12. Kansi yandi wavutula ye wavova: kedika mono ikuluvoele: kiluzaydiko.

13. Nkianguu lukaya meso, kadi kaluzaydi lumbu ye lokülako.

14. Kadi bonso bwakala muntu bukayenda zenzila, yandi watela nanga miandi mbila ye wabatambika mbongo zandi.

15. Yandi watambika talanta bitanu kwa umosi, ye biole kwa wankaka, ye kimosi kwa wankaka, bonso bwakala muntu ye luandi lulendo, ye wayenda.

16. Watambula talanta bitanu intumbu kwendabio kitila ye wavanga talanta bitanu ndandu.

17. Ibobo mpe watambula

biole wavanga biole ndandu.

18. Kansi watambula kimosi wayenda tima mu ntoto ye wasweka talanta kiamfumu andi.

19. Kansi lumbu yayingi mboki mfumu ananga miomio wayiza ye wadedisa ntalu ye miaü.

20. Ye watambula talanta bitanu wayiza ye wanata talanta bitanu biankaka ye wavova: Mfumu, wantambika talanta bitanu, tala, talanta bitanu biankaka yavengi ndandu.

21. Mfumu andi wavova kwa yandi: mbote, unanga wabiza ye wakwikama; Ngeye wakwikamene mu safiuma, ngina kuyadisa mu yayingi; kota mu kiesse kiamfumu aku.

22. Watambula talanta biole wayiza mpe ye wavova: Ngeye wantambika talanta biole, tala, talanta biole biankaka yavengi ndandu.

23. Mfumu andi wavova kwa yandi: mbote, unanga wabiza ye wakwikama; Ngeye wakwikamene mu safiuma, ngina kuyadisa mu yayingi; kota mu kiesse kiamfumu aku.

24. Kansi watambula talanta kimosi wayiza mpe ye wavova: Mfumu, nzaydi vo Ngeye imuntu wambalu, uyonzikanga vawkwüniniko ye utotanga vawkwanwangisiko.

25. Mono yatina ye yayenda sweka talanta kiaku muntoto, tala, kiaku ikiaki.

26. Kansi mfumu andi wavutula ye wavova kwa yandi: unanga wambi ye umfuwa kiela, zaydi vo iyonzikanga vakiaküniniko ye itotanga vakiamwanngisikoe?

27. Buna wakutwa tambika palata biami kwa babudisanga bivanza, nga buyavutukidi yatambudi biami ye ndandu.

28. Nkianguu lunziona talanta ye luvana kwa wena kümi diabitalanta.

29. Kadi wonso wena ye lekwa una vewa ye una lunga, kansi kena lekwa una \*zio-nwa yena yandi.

30. Luluanzula nanga wena mfuwa kiela ku tombe kia kumbazi; kuna kuna kala dilu ye nkwetoso ameno.

31. Kansi mwana amuntu buuna kwiza mu nzitusu andi ye mpofo zandi zazonsono ye yandi, buna sika vwanda va kiandu kiandi kianzitusu.

32. Ye bantu babonsono bana yonzama va luse luandi, buna yandi una kubavambisa bonso buvambisanga mvüngi mame ye binkombo nkombo.

33. Yandi una tula mame va lubakala luandi, kansi binkombo nkombo va lumoso.

34. Buna Mfumu una vova: kwa bena va lubakala luandi: beno basami basakümünwa, liza luatambula kimfumu kilua-kübukulwa kasi ye mbadukulu anza.

35. Kadi yafwa nsatu ye luampana dia, yafwa mpwila anangu ye luandwikawo, inzenza ye luandikila,

36. Yakala mpene ye luamvika, yakindakana ye luambedis, yakala mu keholo ye luayiza kwa mono.

37. Bamfonga buna bana vutula ye vova: Mfumu, nki alumbu tuamweni Ngeye, vo fwidi nsatu ye tuaveni dia, vo fwidi mpwila anangu ye tuawikiniwoe?

38. Kadi nki alumbu tuamweni vo unzenza ye tuadikididi ye mpene ye tuavwikidi?

39. Kadi nki alumbu tuamweni vo wena kindakana vo mu keholo ye tuayizidi kwa Ngeye?

40. Ye Mfumu una vutula ye vova kwa yaü: kedika mono ikuluvovele: mpangi zami zazi zazike buna zena, kadi vo luavengibo kwa yimosi, buna luampengibo.

41. Mboki una vova kwa bena va lumoso: luatumbulu, lunkatukila ye luenda ku tia tukatunani, tuakübukwa mu Satana ye mpofo zandi.

42. Kadi yafwa nsatu ye kaluampana diako, yafwa mpwila anangu ye kaluandwikawoko,

43. Inzenza ye kaluandikilako, yakala mpene ye kaluamwikako, kindakana ye mu kebolo ye kaluabūmina kwa monoko.

44. Buna yaū mpe bana vutula ye vova: Mfumu, nki alumbu tuamweni Ngeye vo fwidi nsatu adia vo nangu vo unzenza vo mpene vo kindakana vo mu kebolo ye katuasadidi Ngeyekoe?

45. Buna una vutula ye vova kwa yaū: kodika mono ikulovovele: mpangi zani zazi zazi-ke buna zena, kadi vo kaluavengibo kwa yimosiko, buna kaluavengibo kwa monoko.

46. Buna yaū bana kwenda ku nibūngulu yikayimani, kansi bamfonga ku moyo ukamani.

## Kapu 26.

*Bunganga ye bakuluntu babantu ba wawasa mu vonda Yesu (1-5), Yesu wakusira (6-13), wafukubwa (14-16), wadia dimene diampiokolo (17-25), wasaka abubuku ankoloto (26-28), wayenda ku Munga Bwana (29-33), wasandika na Nyelesimwa (34-46), wakangara (47-49), wawura ku nzo eKayfa (50-53), wafukubwa kwa Pasa (54-58).*

Buna bwakala vo Yesu wamama mambu momo mamonsono

ye wavova kwa nlongūki miandi:

2. Luzaydi vo lumbu biolenboki lumbu kiampiokolo kina bwa ye mwana amuntu una yekūlwa mu komwa va kaluusi.

3. Buna bangūdi zanganga ye bakuluntu babantu bakutakana ku vula diangūdi azinganga, nkūmbū andi Kayfa,

4. Ye bawawasana, kidi babaka Yesu mu bungūbi ye bamvonda.

5. Kansi bavova: kamu bilumbu biampioloko, kayidi bwa nkindū mu bantu.

6. Kansi Yesu bukakala mu Betania mu nzo aSimona wabwazi,

7. Buna nkento wakala foya diamwazu wansunga wantalu beni, wayenda kwa yandi ye wadukūlawo va ntu andi bukazakala va meza.

8. Kansi minlongūki bumiamonabo mifwema ye miavova: kadi nki alubūngulu lolo?

9. Kadi ukutu lenda tayka mu ntalu yayimene ye vova bena bumputu.

10. Kansi Yesu wazayabo ye wavova kwa miaū: munki ludi yamisa nkento? Kadi waū uvengi salu kiabiza mu mono.

11. Kadi lumbu yayonsono bankwa abumiputu bena yeno, kansi mono kienya yeno lumbu yayononoko.

12. Kadi waū bundakūdi

mwazu wau va nitu ami, buna uvengibo mu kunkubika na dia-mu-swa.

13. Kedika mono ikuluyovele: kouso kuna kambwa nsamu wau wambote mu nza yanyimba, kuna kuna kambwa bukavengi mu lubambukulu luandi luamoyo.

14. Buna mosi wakumi ye nlongiki miote, nkumbi andi Yuda Iskalio, wayenda kwa bangidi zangua.

15. Ye wavova: nki luzolele kumpana, ye mono ngina kunyekudila kwa yeno? Kansi yai bantezika makumatatu mabiya nza biapalata.

16. Buna kabadika yindula lumbu kikakumyekula.

17. Kansi lumbu kiantete kalembe diwa mampa mafu-nu-swa, buna minlongiki miayenda kwa Yesu ye miavova: kwempi zolele, vo tuna kubika, kidi wadia meme diampiokolo.

18. Kansi yandi wavova: lue-nda ku vata kwakifau ye luvo-va kwa yandi: nlongi vovele: ntangu ami yifuangene. Ngina kenbila mpiokolo mu nzo aku ye nlongiki miami.

19. Ye minlongiki miavanga bonso bwabakamba Yesu ye miakubika meme diampiokolo.

20. Kansi nkokila buyabwa, yandi wavwanda ye nlongiki miandi va meza.

21. Babadia yandi wavova kwa miu: kedika mono ikuluyovele: buna luena, mosi una kungiekula.

22. Miu miakala kiadi beni ye miabadika vova kwa yandi muntu mosi mosi: Mfumu, kadi imono?

23. Kansi yandi wavutula ye wavova: uvwengi yami koko na lubaki una kungiekula.

24. Mwana amuntu una katuka bonso bwasonukunwa. Kansi engwa muntu una, una yekubi mwana amuntu. Muntu una maweni buna bwambote vo kabatwa nkutuko.

25. Kansi Yuda wanyekula wavutula ye wavova: nlongi, kadi imono? Yandi wavova kwa yandi: Ngeye telebo.

26. Kansi lubadia Yesu wabonga dimpa ye wasakumuna ye wabukunadio ye wavana minlongiki ye wavova: lutambula luadia, diodio initu ami.

27. Ye wabonga kompe ye watonda ye wabavanakio yewavova: lunwakio beno babo.

28. Kadi kiokio imenga mami maluwawanu, makelwa mu babin-gi mu luyambudulu luamasumu.

29. Kansi mono ikuluyovele: kina vutuka nwa yitukidi mu nti wavinako nate ye lumbu kinginayo nwa yamona ye yeno mu kinfumu kiasani.

30. Bubamana yimbila, ba-

yenda ku Mongo Wamazi.

31. Buna Yesu wavova kwa miaü: mu fukü diadi beno babonsono luna kumfwemina, kadi kwasonukwa: ngina banda mvü-  
ngi ye mameme madikabü mana sansukuswa.

32. Kansi bungina fuluka, buna ngina kulutekila kuna Ngalilea.

33. Kansi Petolo wavutula ye wavova: vo babonsono bana kufwemina, nga mono kina kufweminako.

34. Yesu wavova kwa yandi: kedika mono ivovele, vo mu fukü diadi Ngeye una teka kunkadila nkadila zitatu, mboki dikoko dina küba.

35. Petolo wavova kwa yandi: vo ngina fwa yaku, kina kukadilako. Ibobo bwavova minlongüki mianio mpe.

36. Buna Yesu waluaka yaü ku via, nkümbü avia Ngetesemanene, ye wavova kwa minlongüki: luvwanda vava, bungina kwenda kuna ye sambila.

37. Yandi wanata Petolo ye bana bole baZebede ye wabadika kala kiadi ye ncita.

38. Buna kavova kwa yaü: mwela 'mi wena kiadi nate ye fwa. Lusala vava ye lukaya meso ye mono.

39. Yandi wayenda fintama ntama ye wabunda zizi va ntoto ye wasambila ye wavova: se,

vo sibwa lendwa, katula kompe kiaki mu mono, kansi kabuna kala bonso bunzoleleko, kansi bonso buuzolele.

40. Yandi wayenda kwa minlongüki ye wamona vo milele ye wavova kwa Petolo: kiongo kalulendi kaya meso ye mono loküla kimosikoe?

41. Lukaya meso ye lusambila, kaluidi bwa mu vükümü-nwa. Mpeve yizolele, kansi nsuni wena kindakana.

42. Diaka wayenda ngienda yanzole ye wasambila ye wavova: usami, vo kilendi katudulwa kompeko, vo ngina lembwa nwa, buna luzolo luaku luna vangwa.

43. Yandi wayiza diaka ye wabamona balele, kadi meso maü makala nandende.

44. Yandi wabasisa ye wayenda ye wasambila nsambila yantatu ye wavova diaka mambu mamosi.

45. Buna wayiza kwa minlongüki ye wavova kwa miaü: luleketi bwabü ye luvunda. Tala, ntangu yina yekülwa mwana amuntu mu moko mabankwa amasümü yena mu luaka.

46. Lutelama tuenda. Tala, una kungieküla weti finangana.

47. Bukavova, tala, Yuda wakala ye kümi ye nlongüki miole waluaka, ye bantu ba-

bingi bakala yandi, banata bisabala ye minkawa, bafiduswa kwa bangüdi zanganga ye baküluntu babantu.

48. Kansi wanyeküla wabasila dimbu ye wavova: wonso ungina fiba, iyandi, lunsimba.

49. Yandi intumbu kwenda kwa Yesu ye vova: malembe, nlongi, ye wamfibuzula.

50. Kansi Yesu wavova kwa yandi: nküdi, kwe tukidi? Buna bayenda samoko mu Yesu ye bansimba.

51. Ye tala, umosi wakala ye Yesu walambüla koko ye wavola sabala kiandi ye wabanda nanga wangüdi azinganga ye wazaka kutu kwandi.

52. Buna Yesu wavova kwa yandi: vutula sabala mukikedi, kadi babonsono basimbanga sabala bana büngwa mu sabala.

53. Kani benzi, vo kilendi lombwa kwa saniko, vo kana lutisila kümi ye lengio biole biazimpofi mu kunsadise?

54. Buna masonukwa bwe mana kwenda detila vo bobo sibwa vangwa?

55. Yina ntangu Yesu wavova kwa bantu: yeno luizidi nkievo kwa ntani mu bisabala ye minkawa mu kunsimba. Lumbu kalumbu yazakale mu nzo aNzambi mu longa, ye kaluansimbidiko.

56. Kansi yina yivengo, kidi

masonukwa maminkambi makwenda detila. Buna minlongüki miamionsono miansisa ye miataba.

57. Kansi basimba Yesu bantuala kwa Kayfa, ingüdi azinganga, kwakutakana minsoniki ye baküluntu.

58. Kansi Petolo wanama yandi nseke nate ye vula diangüdi azinganga ye wakota muna ye wavwanda ye bisielo mu tala nsukulu.

59. Kansi bangüdi zanganga ye minkongüdidi miamio bafwanda mbangi zamakutu mu nitu aYesu, kidi bamvonda,

60. Ye kabamonaboko, babingi bubayiza ta kimbangi kiamakutu. Kansi vazimünina bole baluaka

61. Ye bavova: nduna wavovele: mono lenda tulula nzo aNzambi, ye mu lumbu bitatu nginayo tungudila.

62. Ngüdi azinganga watelama ye wavova kwa yandi: kuna vutula diambu mu mambu meti ta baba mu nitu akukoe?

63. Kansi Yesu wadingama. Ngüdi azinganga wavutula ye wavova kwa yandi: ngieti kudikisa ndefi mu Nzambi amoyo, kidi watukamba voNgeye iKilisto mwana aNzambi.

64. Yesu wavova kwa yandi: Ngeye telebo. Diaka mono ikuluvovele, vo mboki luna mona mwana amuntu una vwa-

nda va lubakala luatulendo ye kwiza mu matuti madizulu.

65. Buna ngüdi azinganga watiasuna nlele miandi ye wavova: yandi tieki. Nki ansatu akimbangi tuna vutuka kala? Tala, bwabü luwilu ntia-kulu zandi.

66. Nki lueti banza? Kansi yaü bavutula ye bavova: yandi wena nkanu avondwa.

67. Buna banlobüdila mante va zizi kiandi ye bambanda zinkome, kansi bankaka bambanda mu nzamvüla

68. Ye bavova: Kilisto, utukamba lekwa yina kwiza. Nani ubendi?

69. Kansi Petolo wavwanda va kianzala kiavula, ye sielo kiankento kiayenda kwa yandi ye kiavova: Ngeye mpe ukedi ye Yesu, imwisi Ngalilea.

70. Kansi yandi wakala kwa babonsono ye wavova: kizaydi diuvoveleko.

71. Kansi yandi bukayenda ku mwelo, buna sielo kiankaka kiamona yandi ye kiavova kwa bakala vana: ndieu uke-di ye Yesu, imwisi Nazaleti.

72. Diaka kakadila mu ndefi, vo kazaydi muntu wowoko.

73. Kansi fintama ntama mboki batelama vana bayenda ye bavova kwa Petolo: kedika, Ngeye wena yaü, kadi luvovo-lo luaku mpe lueti kuzaykisa.

74. Buna kabadika kukidila ndefi ye wavova mu ndefi: kizaydi muntu wowoko. Koko intumbu küba.

75. Ye Petolo wabambüka moyo mu mambu mavova Yesu, vo una kunkadila nkadila zitatu, mboki koko dina küba. Yandi wavayka ye wadila beni.

## Kapu 27.

*Yesu wanatwa kwa Pilato (1—2), Yuda Iskalio wakironda (3—10), Yesu wakongüdulwa kwa Pilato (11—26), wavwezwa kwa binwani (27—31), wakomwa va kulusi (32—38), watiakwa (39—44), wafwa (45—56), wadiamuswa (57—66).*

Kansi mvüngütutu bangüdi zanganga ye baküluntu babantu bawawasana mu nitu aYesu mu vonda yandi.

2. Yaü bankanga ye banviti-tika ye banyeküla kwa nyadi Pilato.

3. Yuda wanyeküla bukamona, vo weti kongüdulwa nkanu, yandi waniongüluka ye wavutula makümatatu mabivanza biapalata kwa bangüdi zanganga ye minsoniki,

4. Ye wavova: mpoletenge masümü bungiekolenge menga makondolo nkanu. Kansi yaü bavova: kadi mambu meto momoe? Ngeye vwidimo.

5. Yandi watuba bivanza mu nzo aNzambi ye wakatuka ye wayenda kukiketika.



6. Kansi bangüdi zanganga batota bivanza ye bavova: kabufweni mu tulabio mulunduluko, kadi intalu amenga.

7. Yaü bawawasana ye basumbilabio via diambümbi mu zika banzenza.

8. Yiküma via diodio dibikwanga via diamenga nate ye bwabü.

9. Buna mambu mavova Yelemia inkambi mayenda detila bukavova: ye yaü babonga makümatatu mabivanza biapalata, intalu yadeduswa mu nitu andiena ubadedisila ntalu mu bana baIsaleli,

10. Ye bavana mu via diambümbi bonso bwankamba mfumu.

11. Kansi Yesu watelama va luse luanyadi, ye nyadi wanyuvula ye wavova: Ngeye imfumu abayudayoe? Yesu wavova: Ngeye telebo.

12. Ye bukafunduswa beni kwa bangüdi zanganga ye baküluntu, kavutula diambuko.

13. Buna Pilato wavutula kwa yandi: kadi kuwilu bonso bubeti ta kimbangi mu nitu akukoe?

14. Ye yandi kavutula diambu mu mambu momoko, nkiangunu nyadi wayitukwa beni.

15. Kansi mu lunibu kiampiokolo, nyadi wavulusanga nkole kwa bantu wonso ubazola.

16. Yaü bakalankoleyayenda

kümü, nkümbü andi Balaba.

17. Kansi bubakutakana, Pilato wavova kwa yaü: nani luzolele vo ngina kuluvulusila, Balaba vo Yesu, ubikwanga Kilisto?

18. Kadi wazaya vo banyeküla mu diambu diansoki.

19. Kansi bukazakala va kiandu kiankongüdidi, buna nkento andi wafidikisa kwa yandi mu vova: kuvangani büma kwa muntu wowo wamfongako, kadi mbweni mpasi beni bwabü ku ntu atulu mu diambu diandi.

20. Kansi bangüdi zanganga ye baküluntu bakwika bantu balomba Balaba kansi babünga Yesu.

21. Kansi nyadi wavutula ye wavova kwa yaü: babole, nani luzolele vo ngina kuluvulusila? Kansi yaü bavova: Balaba.

22. Pilato wavova kwa yaü: buna hwe yasa Yesu, ubikwanga Kilisto? Babo bavova: bika kakomwa va kulunsi.

23. Kansi yandi wavova: kadi nki kiambi kavengi? Kansi yaü baluta boka ye bavova: bika kakomwa va kulunsi.

24. Kansi Pilato bukamona, vo walembana zezisa mambu, kansi mazua maluta, buna kabonga nlangu ye wasuküla moko mandi vabana tala bantu ye wavova: mono kivwidi nkanu mu

menga momoko. Yeno lunamo tala.

25. Bantu bavutula ye bavova: bika menga mandi makala va yeto ye va bana beto.

26. Buna kabavulusila Balaba, kansi yandi wabūfisa Yesu nate ye nkanda wabūnūka ye wanyekūla mu komwa va kulunsi.

27. Buna binwani bianyadi bianata Yesu ku divula, ye kabū diamvimba diakutakana.

28. Biaū biamvula nlele ye biamvwika yunga diambwaki

29. Ye biavanda mpu anse-nde ye biatula va ntu andi ye nkawa mu koko kwandi kwalubakala ye bīafūkama kwa yandi ye biamvweza ye biavova: mfumu abayudayo, tuawa binga!

30. Biaū bianlobūdila mante ye biasimba nkawa ye biamba-nda mu ntu.

31. Ye bubiamvweza biamvū-  
la yunga ye biamvwika nlele miandi ye bianata yandi nu komwa va kulunsi.

32. Kansi bubavayka, yaū bamona mwisi Kilene, nkūmbū andi Simona, ye bantatimisa kanata kulunsi diandi.

33. Bubaluaka ku vūma kibikwanga Ngolongata, ivūma kiavisi kiantu kwandi,

34. Buna bamvana kanwa vinia kiasangwa nlangu andū-

mbū andudi, ye bukalevitakio, ngodi andi nwa.

35. Kansi bubankoma va kulunsi, yaū bakaba nlele miandi ye batamio wadi,

36. Ye bavwanda mu kunke-nga kuna.

37. Yaū batula mambu vantandu antu andi masonukwa: ndieu iYesu, mfumu abayudayo.

38. Buna mintani miole miakomwa yandi va makulunsi, umosi va lubakala, umosi va lumoso.

39. Kansi bavioka bamvweza ye banzikūna

40. Ye bavova: una tulula nzo aNzambi ye tungūdilayo mu lumbu bitatu, bika kakilalula; vo mwana aNzambi bika kakū-lūmūka mu kulunsi.

41. Ibobo mpe bangūdi zanganga ye minsoniki ye bakū-luntu bamvweza ye bavova:

42. Yandi walaludi banka-ka, kalendi kukilalulako. Yandi imfumu aIsaleli, bika kakū-lū-mūka bwabū mu kulunsi, buna situa kunlekila minu.

43. Yandi sidi vūvū mu Nzambi, bika kantanina, vo unzolele, kadi kavovele, vo mono imwana aNzambi.

44. Mintani miakomwa yandi va makulunsi miamvweza bonso babana mpe.

45. Kansi ntangu va mbata tombe kiabwa mu nsi yamvinba

nate ye ntangu yabendüka.

46. Kansi loküla kiavwa Yesu waboka mu ndinga yayinene ye wavova: Eli, Eli, luna sabakatani, imbangüdulu: Nzambi ami, Nzambi ami, mu nki unsisidi?

47. Bankaka batelama vana bubawawo bavova: Elaya katelele mbila.

48. Muntu wakala yaü intumbu yungüsa ye simba pongo ye fuluzakio vinia kiandeki ye tulakio mu nkawa ye kunwikakio.

49. Kansi bankaka bavova: bika tuamona, vo Elaya una kwiza kunlalula.

50. Kansi Yesu waboka diaka mu ndinga yayinene ye watabüla vümünü.

51. Ye tala, ngümbü anzo aNzambi yatiasuka ye vantage ye kungsi mu бүкү biole, ye ntoto waniküka ye matadi mabasuka,

52. Ye ndiamü zazibüka, ye nitu zazingi zabantu bamfonga zafuluka,

53. Ye bukafuluka, zaü zavayka mu zindiamü ye zakota mu vata dianlongo ye zamoni-ka kwa bantu babingi.

54. Kansi nküluntu abinwani ye bakala yandi mu kenga Yesu, bubamona lunikunu luantoto ye yayo yavangwa, batina

beni ye bavova: kedika, yandi imwana aNzambi.

55. Kansi kuna kwakala bakento babingi batadilabio nseke. Yaü banama Yesu bukataka mu Ngalilea ye bansadisa.

56. Mu yaü mwakala Malia Mangadalela ye Malia, imbuta aYakobi, ye Yosefi ye mbuta abana baZebede.

57. Kansi nkokila buyabwa, buna muntu wamvwama watuka mu Alimatia, nkümbü andi Yosefi inlongüki aYesu mpe, wayiza.

58. Yandi wayenda kwa Pilato ye walomba nitu aYesu. Buna Pilato wakamba: lumvanayo.

59. Yandi wabonga nitu aYesu ye wazingayo nlele miampe-mbe miavedila,

60. Ye watulayo mu ndiamü yamona yakwempwa mu tadi ye wanengümünina tadi diadinene mu nwa andiamü ye wayenda.

61. Kansi Malia Mangadalela ye Malia mankaka bakala vana ye bazakala mu tala ndiamü.

62. Kansi vana kiasuka, ilumbu kialanda lumbu kiantotila, buna bangüdi zanganga ye bafalisea bakutakana kwa Pilato

63. Ye bavova: mfumu, tubambükidi moyo, vo mvidingisi wowo wavova bukavümuna: lumbu bitatu mboki ngina fuluka.

64. Nkiangunu kamba, vo

ndiamü yina kengwa nate ye lumbu kiantatu, minlongüki kamidi kwiza kunlabula ye vova kwa bantu: wafulukidi mu bafwa, buna luvunu luna zimünina luna luta luatekila.

65. Pilato wavova kwa yaü: lutambula bana kenga ye lunda luakenga bonso buluzaydi.

66. Kansi yaü bayenda sa dimbu va tadi ye bakengisa ndiamü.

### Kapu 28.

*Yesu wafuluka mu bafwa (1—7), wamonika kwa baMalia (8—10), minkengi miandiamü miatambula bivanza musweka nsamü (11—15), minlongüki miayenda kiki Yesu ku Ngali-lea ye miakambwa kwa yandi mu vanga bantu babonsono minlongüki miandi (16—20).*

Kansi lumingü buluasuka, ye kia kwatendüka mu lumbu kiantete mu lumingü, buna Malia Mangadalena ye Malia maukaka bayenda tala ndiamü.

2. Ye tala lunikunu lualunene luantoto luakala, kadi mpo-fi aMfumu yakülümüka mu dizulu ye yayenda ye yanengümüna tadi ye yawwandadio.

3. Kansi nakadulu andi yafwanana ye luvézomo, ye mywatu andi wakala nkievo nyula yampembe.

4. Kansi mu diambu diawonga bakenga bazakana yebakala nkievo bafwa.

5. Kansi mpofo yavutula ye yavova kwa bakento: kalutinani kwenoko, kadi nzaydi volutombelle Yesu, wakomono va kulunsi.

6. Kenavoko, kadi fulukidi bonso bukatele. Luiza tala vüma vakatululu.

7. Luenda nswalu luakamba nlongüki miandi, vo fulukidi mu bafwa, kansi tala, yandi una kulutekila kuna Ngali-lea. Kuna silua mona yandi. Tala, mono ikuluvovelewo.

8. Ye yaü bakatuka nswalu ku ndiamü ye wonga yekiese kiakingi ye bayungüsa mu samüna kwa nlongüki miandi.

9. Ye tala, Yesu wabwabana ye bakento ye wavova: malembe. Kansi yaü bayenda simba malu mandi ye bansambila.

10. Buna Yesu wavova kwa yaü: kalutinaniko, luenda luakamba mpangi zami, vo zina kwenda kuna Ngali-lea. Kuna zaü zina kumbona.

11. Kansi bubayenda, tala, bakaka bakenga bayenda ku vata mu kamba kwa bangüdi zanganga yayo yavengo.

12. Yaü bakutakana ye baküluntu ye bawawasana ye babonga biyanza biabingi ye bavava binwani.

13. Ye bavova: luvoya, vo nlongüki miandi müzidi mu fukü ye minlabudi butulêle.

14. Ye vo nyadi unawo wa,

buna yeto tuna kumbwisa nti-  
ma ye tuna kulukatudila nkanu.

15. Kansi yaü batambula bi-  
vanza ye bayanga bonso bubalo-  
ngwa, ye mambu momo matengü-  
ka mu bayudayo nate ye bwabü.

16. Kansi kümi ye nlongü-  
ki umosi miayenda kuna Nga-  
lilea, kuna mongo wabakamba  
Yesu.

17. Ye bubamona yandi, yaü  
bansambila, kansi bankaka ba-  
zietisa mabanza.

18. Yesu wayenda ye waba-  
mokisa ye wavova: mono yave-  
no ngolo zazonsono mu dizulu  
ye ntoto.

19. Luenda luavanga bantu  
babonsono nlongüki miami, luba-  
botika mu nkumbü aSe ye Mwa-  
na ye Mpeve yanlongo.

20. Lubalonga bakaba ya-  
yonsono yiyalukembi, ye tala,  
mono ngiena yeno lumbu yayon-  
sono nate ye nsukulu aminyu.

## Nsamü wambote waMalakosi.

### Kapu 1.

*Salu kiaYoane Mbotiki (1--8),  
Yesu wabotukwa (9--11), wasindu-  
sulwa (12--16), wabadika kamba  
nsamü (14--15), watela nlongüki  
miandi miia miantete mbila (16--  
20), walonga mu Kapalenamu (21--  
22), waniakisa muntu wakala mpeve  
yansobo (23--28), waniakisa nzitu  
aPetolo ye bankaka (29--39), wa-  
zieta mu Ngabila (35--39), wania-  
kisa nkwa abwazi (40--45).*

Imbadukulu ansanü wambo-  
te waYesu Kilisto,

2. Bonso bwasonwa mu Esa-  
ya, inkambi: tala, mono ngina  
filisa mpofi ani kuntuala azizi  
kiaku. Yaü yina kübika nzila'ku.

3. Ndinga yibokanga mu nsi

yankatu: lukübika nzila yaMfu-  
mu, lusadisa nzila zandi zafi-  
nangana!

4. Vakala Yoane wabotiki-  
langa mu nsi yankatu ye wa-  
kambanga lubotokolo luampilu-  
lu amadiela mu luyambudulu  
luamasamü.

5. Bisi Yudaya babo ye bisi  
Yelusalemi babo bayenda kwa  
yandi ye babotukwa kwa yandi  
mu Yolodani, inwila, bubaka-  
mba masumü maü.

6. Yoane wavwatanga mwawa  
tu wamika miakamela ye nkiti wa-  
nkanda mu luketo luandi ye wa-  
dianga makonko ye niosi yansi.

7. Yandi wakamba ye wavova: undutidi mu ngolo una kwiza kunima 'mi. Mono kifwanane mu yinama ye kutula nsinga miansampatu zandiko.

8. Mõno yalubotekele mu nlangu, kansi yandi una kulubotika mu Mpeve yänlongo.

9. Vakala bina lumbu, Yesu watuka mu Nazaleti mu Ngalilea ye wabotukwa mu Yolandani kwa Yoane.

10. Ye bukatombüka mu nlangu, yandi intumbu mona mazulu matendokele ye Mpeve yikülümükini va yandi nkievo bembe.

11. Ye ndinga yatuka mu mazulu vo: Ngeye imwana 'mi, yintondolo ami, yanzolele kwami.

12. Ye Mpeve intumbu kunküba ku nsi yankatu.

13. Yandi wakala mu nsi yankatu makümayä malumbu ye wasindusulwa kwa Satana, ye wakala ye bibulu biatiti ye mpofi zansadila.

14. Kansi Yoane bukayekülwa, buna Yesu wayenda ku Ngalilea ye wakamba nsamü wambote waNzambi,

15. Vo ntangu yalueki ye kimfumu kiaNzambi kiasinangene, luvilula madiela ye luleka minu mu nsamü wambote.

16. Kansi bukazieta mu nseko ambu waNgalilea, wamona Simona ye Andela impangi aSimona, vo batamba makonde mu

mbu, kadi yaü imintambi miazimbizi.

17. Yesu wavova kwa yaü: lunama kunima 'mi, ye ngina kuluvanga mintambi miabantu.

18. Yaü intumbu sisa makonde ye nama yandi.

19. Mboki kayenda finseke diaka ye wamona Yakobi, imwana aZebede, ye Yoane impangi andi. Yaü mpe bakala mu bota ye bakübika makonde maü.

20. Yandi intumbu kubatela mbila. Yaü basisa saü Zebede mu bota ye hisielo biandi ye bayenda nama yandi.

21. Yaü bakota mu Kapalenamu. Yandi intumbu longa mu kialumingü mu nzo aü yalukutukunu.

22. Yaü bayitukwa mu ndongi zandi, kadi yandi wabalonga bonso muntu wena zingolo, kansi kabonso m nsonikiko.

23. Buna mu nzo yalukutukunu mwakala muntu wakala mpeve yansobo. Yandi waboka

24. Ye wavova: nki amambu mena beto yaku, Yesu, umwisi Nazaleti? Ngeye wizidi kutubünge? Tuzaydi, vo unkwa wamfonga aNzambi.

25. Yesu wamvümisa, vo yadingama ye yavayka mu yandi.

26. Ye mpeve yansobo yantuntumüna ye yaboka mu ndinga yayinene ye yavayka mu yandi.

27. Babonsono bayitukwa ye bayuvasana ye bavova: nki kio-kio, nki andongolo yamona yangolo? Yandi ukambanga kwa zimpeve zansobo ye zitumamanga kwa yandi.

28. Yandi intumbu kwenda kümü mwamonsono mu nsi yamvimba yaNgalilea.

29. Yaü intumbu vayka mu nzo yalukutukunu ye kwenda ye Yakobi ye Yoane ku nzo aSimona ye Andela.

30. Kansi ko waSimona walambala ye nita nabazibazi. Yaü intumbu kunamba mu yandi.

31. Yandi wayenda ye wasimba koko kwandi ye wantedimisa, ye nlemo wansisa ye yandi wabasalila.

32. Kansi nkokila buyabwa ye ntangu yakidiminina, buna banata kwa yandi babo bakala yela ye mpeve zansobo,

33. Ye divata diamvimba diakutakana ku mwelo.

34. Yandi waniakisa babingi bakala yela kwampila mu mpila ye waküba mpeve zansobo ye kayambula mpeve zansobo zavovako, kadi zanzaya.

35. Ye mvüngütutu yandi wateluma ye wayenda ku nsi yankatu kukasambila.

36. Simona ye bayandi bayenda kunlandi.

37. Yaü bubamona yandi,

bavova kwa yandi: babo beti kutomba.

38. Yandi wavova kwa yaü: bika tuenda mwankaka ku bipata mpata biakimfini, kidi yakamba nsamü, kadi mu diodio mpaykidingi.

39. Yandi wayenda kambingi nsamü mu zinzo zaü zaturkutukunu mu nsi yamvimba yaNgalilea ye waküba mpeve zansobo.

40. Ye nkwa abwazi wayiza kwa yandi ye wanleba ye wafukama ye wavova kwa yandi: vo zolele, lenda kumpedisa.

41. Yandi wamfwila kiadi ye walambüla koko ye wamvalakana ye wavova: nzolele, navelila kwaku.

42. Ye bwazi intumbu katuka mu yandi ye wavelila.

43. Yandi wankanikina ye intumbu kunyendisa

44. Ye wavova kwa yandi: tina kuwidiwo kamba muntu, kansi nayendi wakisonga kwa nganga ye nata biakamba Mose mu kimbangi kwa yaü mu luvadosolo luaku.

45. Kansi bukayenda, yandi wabadika kaniba biabionsono ye kunyendisa kümü mu diambu diodio, nkiangunu kalenda kota mu vata va yutiko, kansi wakala müma mwankatu, ye bantubayiza kwa yandi mwamonsono.

## Kapu 2.

*Yesu waniakisa muntu watilamianzi (1—12), watela Matcosi mbila (13—17), walonga buminunwanga nsoki (18—22). Minlongiki miakola masangii mu lumingii (23—28).*

Lumbu bikwa mboki kavutuka kota mu Kapalenamu, ye kümü kiayenda vo wena mu nzo,

2. Ye babingi bakutakana nate ye kabafwana nkutu va kianzala kianzoko. Yandi wabakamba mambu.

3. Yaü bayiza tuadi kwa yandi muntu watila mianzi wamatwa kwa bantu baya.

4. Yaü kabalenda luaka kwa yandi mu diambu diabantuko, kansi bafukula nludimukakala ye bavavila ye bakülümuna ntanda walambalala muntu watila mianzi.

5. Yesu bukamona minu kiaü, buna wavova kwa watila mianzi: mwana, masumü maku mayambudulu!

6. Kansi muna mwavwanda minsoniki miankaka miabanza mu ntima miaü:

7. Ndieu bwe katelele bobo? Tieki kwandi. Nani lenda yambudila masumü kansi umosi, iNzambi?

8. Yesu intumbu zaya mu mpeve andi, vo mieti banza bobo, ye wavova kwa miaü: mu

nki lueti banzasana bobo mu ntima mieno?

9. Nki kilutidi nayakiyaki, vo vova: masumü maku mayambudulu, vo vova: telama, wabonga ntanda 'ku ye wenda?

10. Kansi kidi luzaya vo ngolo zena ye mwana amuntu va ntoto mu yambudila masumü, yiküma kavova kwa watila mianzi:

11. Mono ivovele: telama, bonga ntanda 'ku, wenda ku nzo aku!

12. Yandi watelama ye intumbu bonga ntanda ye vayka babo bubatala, nkianguu babo bayitukwa ye bazitisa Nzambi ye bavova: kasi katuumweni boboko.

13. Yandi wavutuka kwenda ku mbu, ye bantu babonso bayiza kwa yandi ye wabalonga.

14. Bukavioka kamona Levi, imwana aAlafei, wendi vabakana vakusa. Yandi wavova kwa yandi: undama! Yandi watelama ye wanama yandi.

15. Vakala bukavwanda va meza mu nzo andi, buna mimvakusi miamingi ye bankwa miamasumü baywanda ye Yesu ye nlongiki miandi va meza, kadi miamingi mianama yandi ye minsoniki miabafalisea.

16. Miaü bumiamona vo weti dia ye mimvakusi ye bankwa miamasumü, buna miavova kwa



nlongüki miandi: mu nki ka-  
dianga ye kanwanga ye mimva-  
kusi ye bankwa miamasumü?

17. Yesu bukawawo, wavova  
kwa yaü: bena mavimpi kabe-  
na nsatu aniakisiko, kansi bena  
yela. Kiayizidi tela bamfonga  
mbilako kansi bankwa miamasumü.

18. Nlongüki miaYoane ye  
bafalisea bamina nsoki. Yaü  
bayiza ye bavova kwa yandi:  
nlongüki miaYoane ye nlongüki  
miabafalisea mu nki miminanga  
nsoki, kansi nlongüki miaku  
kamiminanga nsokiko?

19. Yesu wavova kwa yaü:  
bana bandambisa. kabalendi  
mina nsokiko, toko diandambi-  
sa budiena yaü. Lumbu bibe-  
nina ye toko diandambisa ka-  
balendi mina nsokiko.

20. Kansi lumbu bina kwi-  
za hibana katudulwa toko dia-  
ndambisa, buna bana mina  
nsoki kina lumbu.

21. Muntu kabatikanga te-  
tila kianlele walembe kutama  
va mwatu wanküluko, kadi vo  
unabo sa, buna tetila kiamona  
kina tiasuna nlele wankülü ye  
vulu dina neniva.

22. Muntu katulanga vinia  
kiamona mu maküba mankü-  
luko, kadi vo unabo sa, buna  
vinia kiamona kina bukisama-  
küba, ye vinia ye maküba bina  
fuka.

23. Vakala yandi wavioka  
mu mavia kialumingü, ye nlo-  
ngüki miandi miabadika kola  
masangü ye dia bumiayenda.

24. Bafalisea bavova kwa  
yandi: tala, mu nki beti vanga  
bwakanukunwa mu lumingü?

25. Yandi wavova kwa yaü:  
kadi kasi kaluatengikoe bwa-  
sa Davidi ye bakala yandi, bu-  
bakondwa lekwa ye bafwa nsa-  
tu?

26. Bonso bukakota mu nzo  
aNzambi, Abiatali bukakala  
ngüdi azinganga, ye wadia ma-  
mpa makembukuswa, maka-  
nukunwa diwa kansi kwa zi-  
nganga kaka, ye wavana baya-  
ndi mpe.

27. Yandi wavova kwa yaü:  
lumingü luena mu diambu dia-  
muntu, kansi muntu kena mu  
diambu dialumingüko.

28. Nkiangünü mwana amu-  
ntu infumu alumingü mpe.

### Kapu 3.

*Yesu waniakisa wakala koko kwa-  
sioka (1—6), waniakisa babingi (7—  
12), wavangila kiimi ye nlongüki mio-  
le (13—19). Masumii kwa Mpcve ya-  
nlongo (20—30). Mbuta aYesu ye  
mpangi zandi (31—35).*

Yandi wakota diaka mu nzo  
yalukutukunu, ye muna mwa-  
kala muntu wakala koko kwa-  
sioka.

2. Bankenga vo kakana nia-

kisa mu kialumingü, mpasi bamfunda.

3. Yandi wavova kwa muntu wakala koko kwasioka: telama va monakanda!

4. Yandi wavova kwa yaü: bufweni mu vanga biambote mu lumingü vo mu vanga biambie, mu lalula mwela vo mu vonde? Kansi yaü badingama.

5. Yandi wabatala mu nganzi ye wakala kiadi mu lubadu-u luantima miaü ye wavova kwa muntu: lambula koko! Yandi walambulako, ye koko kwandi kwamana niaka.

6. Bafalisea intumbu vayka ye bantu baElodesi ye bawawasana mu yandi, bonso bubakana kumbüngila.

7. Yandi wavutuka ye nlongüki miandi ku mbu, ye kabü diangolo diaNgalilea ye Yudaya dianama yandi,

8. Ye mu Yelusalemi ye Idumaya ye muna simü diaYolodani ye mu Tilo ye Sidoni kabü diangolo, bubawa lekwa yikavengi.

9. Yandi wavova kwa nlongüki miandi, vo miakübika bota kwa yandi mu diambu diabantu kabidi kumfietikisa.

10. Kadi waniakisa babingi, nkianguu babo bakala yela bambwila, kidi bamvalakana.

11. Ye mpeve zansobo buzamona yandi zafukama kwa

yandi ye zaboka ye zavova: Ngeye umwana aNzambi!

12. Yandi wakanikinazo beni kazidi kunzaykisa.

13. Yandi wamaka mongo ye watela bonso bakazola mbi-la, buna bayenda kwa yandi.

14. Yandi wavangüla künü ye nlongüki miole, kidi miakala yandi ye kidi kafidisamio mu kamba nsamü

15. Ye kala ngolo mu vaykisa mpeve zambi.

16. Yandi wavangüla künü ye nlongüki miole ye wayika Simona Petolo

17. Ye Yakobi, imwana aZebede, ye Yoane, impangi aYakobi. Yandi wabayika nkümbü Bwanelenge, imbangudulu ankümbü aü: bana bambandanu.

18. Ye Andela ye Filipino ye Balotolomeo ye Mateosi ye Tomasi ye Yakobi, imwana aAlafei, ye Tadeo ye Simona, imwisi Kana,

19. Ye Yuda Iskalio wanyekula.

20. Yandi wayenda ku nzo, ye bantu bavutuka kutakana kwa yandi, nkianguu kabalenda dia nkutuko.

21. Bayandi bubawawo, bayenda kunsimba, kadi bavova: yandi walaukidi.

22. Minsoniki miakülümuka mu Yelusalemi miavova: Belezbulu kiena yandi, ye yandi

uvaykisanga mpeve zambi mu nkuluntu ampeve zambi.

23. Yandi wabatela mbila ye wavova mu zingana kwa yaü: Satana bwe kalenda Satana vaykisa?

24. Vo kimfumu kina kabana, buna kimfumu kiokio kakilendi sikilako.

25. Vo nzo yina kabana, buna nzo yoyo kayilendi sikilako.

26. Vo Satana una kukizoma kakabana ye kalendi sikilako, kansi una suka.

27. Kansi muntu kalendi kota mu nzo amuntu wangolo ye tana bilekwa biandiko, kansi kana teka kangamuntu wangolo, buna sika tana nzo andi.

28. Kedika mono ikuluvo-vele, vo bana babantu bana yambudulwa masumü mamonsono ye zintiakulu zibatiakilinga.

29. Kansi wonso una tiaka Mpeve yanlongo kana tambula luyambuduluko mimvu mikanimani, kansi una vwanakanu amasumü makamamani.

30. Kadi bavova: yandi wena mpeve yansobo.

31. Ye mbuta 'ndi ye mpangi zandi bayiza ye batelama kumbazi ye bafidisa mpofi kwa yandi mu kuntela mbila.

32. Ye bantu bavwanda yandi ye bavova kwa yandi:

tala, mbuta 'ku ye mpangi zaku ye bibusi biaku beti kuto-mba kumbazi.

33. Yesu wavutula kwa yaü: nani imbuta 'mi ye zimpangi zami?

34. Yandi watala bazakala yandi ye wavova: tala, mbuta 'mi ye mpangi zami.

35. Wonso weti vanga luzolo luaNzambi, yandi impangi ami ye busi kiami ye mbuta 'mi.

#### Kapu 4.

*Ngana zamambu maNzambi (1—9), mbangudulu zaü (10—20), Mambru maNzambi ikia (21—25), Kimfumu kiaNzambi kiaswanukuswa ye zintombo (26—29) ye mwingidi vasinapi (30—32), Yesu wata ngana zankaka zazingi (33—34), wadlingimisa tembo (35—41).*

Yandi wabadika diaka longva va nseko ambu. Bantu babingi bakutakana kwa yandi, nkiangunu wakulümuka mu bota ye wavwanda va mbu ye bantu babonsono batelama va uzengo ambu.

2. Yandi wabalonga beni mu zingana ye wavova kwa yaü bukalonga:

3. Luwa, tala nküni wayele küningi.

4. Vakala buketi küna, yankaka yabwidi vasambwa uzila ye zinuni zayizidiyo dia.

5. Yankaka yabwidi va ta-

di diansenzebele vakondolo nto-to wawingi ye intumbu somba, kadi kayakedi ntoto wansinako.

6. Ntangu buyatubukidi, yaü yalendokele, ye buyakondolo mianzi yaü yayumini.

7. Yankaka yabwidi mu zim-panga, ye zimpanga zamene-ne ye zafubisiyo. Yaü kaya-butidi mbongoko.

8. Yankaka yabwidi va nto-to wena navüdü ye yabutidi mbongo zasombe ye zamene-ne ye zabutidi, zankaka makumatatu matatu, zankaka makumasambanu masambanu, zankaka nkama nkama.

9. Yandi wavova: wena mata bika kawa.

10. Bukakala yandi kaka, buna bakala yandi ye küni ye nlongüki miole banyuvula ngana yoyo.

11. Yandi wavova kwayaü: yeno luaveno kidi luazaya mambu mansweki makinfumu kiana-Nzambi, kansi bena kumbazi bana kala yoyo mu zingana.

12. Kadi bamona bubetimo-na ye kabana visako, ye bawa bubeti wa ye kabana zayako, kabidi bangümüka ye yambudulwa masumü.

13. Yandi wavova kwayaü: kaluzaydi ngana yoyokoe, buna bwe silua zaya ngana zazonono?

14. Nküni ukünanga mambu.

15. Kansi bakünunu vasa-mbwa nzila ibaba: vakünunu mambu bubanamo wa, Satana intumbu kwiza ye katula mambu makünunu mu yaü.

16. Bakünunu va tadi diansenzebele ibobo mpe: iyaü bubawilu mambu intumbu tambulamo mu kiese.

17. Kabena mianzi mu yaüko, kansi bena kwaü lumbu yafiuma, mboki kiadi vo luzo-mono buluna kala mu diambu diamambu buna intumbu fwe-ma.

18. Bakünunu mu zimpanga ibaba: yaü bawanga mambu,

19. Buna kiadi kianza yayi ye mampia makimvwama ye ngünda zabilekwa biankaka bina kwiza ye fubisa mambu, ye kamana sandanduko.

20. Bakünunu mu ntoto wena navüdudu ibaba: iyaü bawanga mambu ye batambulangamo ye basanga ndandu, bankaka makumatatu matatu, bankaka makumasambanu masambanu, bankaka nkama nkama.

21. Yandi wavova kwayaü: kadi mwinda wizidi mu tulwa kansi akizongolo vo kialutue? Mwanki kamu tulwa va kebo-lo kiamindakoe?

22. Kadi kakwenani lekwa yaswekwako, kansi kidi yamo-

nika, ye lekwa kayiswekwanga-ko kansi kidi yazayakana dia-ka.

23. Vo muntu wena matu bika kawa.

24. Yandi wavova kwa yaü: lutala biluwanga! Yeno luna tezulwa tezo kilutezilanga ye luna küdukulwa.

25. Kadi wena lekwa una vewa, ye kena lekwa una zionwa kiena yandi mpe.

26. Yandi wavova: kimfumu kiaNzambi bonso bukünanga muntu ntombo mu ntoto,

27. Ye ulekanga ye usikamanga fukü ye mwini ye mbongo zisombanga ye zimenanga ye kazaydiboko.

28. Ntoto waü kibeni ume-nisanga mbongo vantete titi, mboki mpavi, mboki ntombo zayela mu mvindi.

29. Kansi mbongo buzina yela, buna kanazo zakisa, kadi ivula kina yonzukwa.

30. Yandi wavova: bwe tuna fwanikisa kimfumu kiaNzambi vo mu nki angana tunakio dedikisa?

31. Kiaü kifwanane ye mwingidi wasinapi ulutidi mingidi miamionsono miena va ntoto mu ke buuna künwa.

32. Waü buuna künwa una mena ye lutila mbongo zanka-ka mu nene ye una mena mavalala mamanene, nkiangu nu-

ni zadizulu zina lenda tunga mazanza maü mu mpozi andi.

33. Mu ngana zazingi zozo kavova mambu kwa yaü, bonso bubalendamo wa.

34. Yandi kabamokisako kansi mu zingana, ye kunenga yandi wabangüdila nlongüki miandi zazonsono.

35. Kina lumbu nokila buyabwa, yandi wavova kwa yaü: bika tuasabüka kuna simü.

36. Bukakisindikila bantu, yaü banata yandi mu bota bonso bukakadila, kansi bota biankaka mpe biakala yandi.

37. Ye tembo kiangolo kia-yiza ye mbüla zakota mu bota nate ye bota kiabadika fuluka.

38. Yandi waleka va mfi-ka mu vongo diabota. Yaü bansikimisa ye bavova kwa yandi: nlongi, una vibidila vo tua-büngane?

39. Bukatelama yandi wakanikina tembo ye wavova kwa mbu: dingana, nakadi napi, ye mpeve yavonga ye mbu wakala napi beni.

40. Yandi wavova kwa yaü: kadi mu nki luena wonga wo-wo? Kadi mu nki kaluena minuko?

41. Yaü bakala wonga beni ye bavovasana: buna ndieu inani, mpeve ye mbu bubieti kunwila?

## Kapu 5.

*Yesu waraykisa mpeve zansobo (1 - 20), waniakisa akento wakala nkūbū ye wafukukisa mwana wanke-ato wa Yailo (21 - 43).*

Yaū baluaka kuna simū diambu kuna nsi abisi Ngelasene.

2. Yandi bukatombūka mu bota, buna muntu wabakama kwa mpeve yansobo watuka mu zindiamū intumbu kunkika.

3. Yandi walekanga mu zindiamū ye kalendi kangwa mu huvambu nkutuko.

4. Kansi yandi wakangwa nkangwa zazingi mu zimbunga ye huvambu ye huvambu tua-dukya ye zimbunga zabūkuzuka ye yandi kalenda tolulwa kwa muntuko.

5. Lumbu yayonsoho ye fukū ye mwini yandi wakala mu zindiamū ye va miongo ye waboka ye wakibanda mu matadi.

6. Bukamona Yesu nseke, yandi wayungūsa ye wafukama kwa yandi,

7. Ye waboka mu ndinga yayinene ye wavova: Yesu, umwana aNzambi vana kayengele, nki amambu mena beto yaku? Ngina kudikisa ndefi mu Nzambi kwidi kunkwamisa.

8. Kadi Yesu wakivovila kwa yandi: mpeve yansobo navayki mu muntu!

9. Yandi wanyuvula: nkūmbū aku nani? Yandi wavova

kwa yandi: nkūmbū aui Lengio, kadi babingi tūena.

10. Yandi wanleba beni kidi kakūbani zimpeve mu nsiko.

11. Kansi vana mongo vakala kabū diadinene diazingulu diakala dianga.

12. Zaū zanleba ye zavova: utusindika mu zingulu, kidi tuakotazo.

13. Yandi wasindikazo. Mpeve zansobo zavayka ye zakota mu zingulu ye kabū diapasumūka mwabetumūka mongo ku mbu, kanivo mazunda mole ye diafwa mu mbu.

14. Bavūngazo batina ye basamūnawo ku vata ye mu nsi. Yaū bayiza tadi yivengo.

15. Yaū bayiza kwa Yesu ye bamona wabakama kwa mpeve yakala nkūmbū Lengio, vo vwendu ye vwetu minlele ye luengele, buna batina.

16. Bamona bonso bwavangwa zingulu ye muntu wabakama mpeve yambi bakamba-wo kwa yaū.

17. Yaū babadika kunleba kakatuka mu ndambu ansi aū.

18. Bukakūlūmūka mu bota, buna wabakama mpeve yambi wanleba, kidi kakala yandi.

19. Yandi kanyambudilabo-ko, kansi wavova kwa yandi: wenda ku nzo aku kwa bayaku ye kamba kwa yaū bonso

buvangidi Nzambi ye ulemvo-kele.

20. Yandi wayenda ye wabadika kanba mu Dekapoli bonso bwamvangila Yesu ye babonsono bayitukwa.

21. Yesu bukasabũka kuna sinũ diaka mu bota, buna bantu babingi bakutakana kwa yandi, ye yandi wakala va nseko ambu.

22. Nkũluntu mosi wanzo yalukutukunu, nkũmbũ andi Yailo, wayiza ye bukamona Yesu, yandi wafukama va malu mandu,

23. Ye wanleba beni ye wavova: mwana ũni wankento weka mu fwa, wiza wasa moko mu waũ, kidi waniaka ye wavũmũna.

24. Yandi wayenda yandi, ye bantu babingi banama ye bamfietikisa.

25. Ye mwakala nkento wakala nkũbũ amenga kũmi ye mvu miote.

26. Waũ wakwamuswa beni kwa bibũki ye wafũkisa mbongo zandi zazo ye kavonga nkutuko, kansi yela kwakoba beni.

27. Buwawa mu Yesu waũ wayiza kumanima ye bantu ye wavalakana nlele miandi.

28. Kadi waũ wavova: vo ngina valakana nlele miandi kaka, ngina niaka.

29. Nto amenga mandi intu-

mbu yumina ye waũ wazaya mu nitu andi, vo nieki mu kiana kiandi.

30. Yesu intumbu zaya mu nitu andi vo ngolo zavayka mu yandi ye wabangũmũka mu bantu ye wavova: nani valakene nlele miami?

31. Nlongũki miandi miavova kwa yandi: Ngeye umweni, vo bantu beti kufietikisa ye uvovele: nani umpalakene?

32. Yandi wavengũzuka mu tala nkento wasabo.

33. Kansi nkento watina ye wazakana, kadi wazaya bonso bukavangulwa ye wayiza ye wafukama kwa yandi ye wankamba kiedika kiamvimba.

34. Kansi yandi wavova kwa waũ: mwana, minu kiaku kiku-niakisi wenda malembe ye kala mavimpi mu kiana kiaku.

35. Bukakana vova, bantu batuka mu ũzo ankũluntu anzo yalukutukunu ye bavova: mwana ũku wankento ufwidu, mu nki una vutuka vnzila nlongi?

36. Kansi Yesu wawa mambu mavovwa ye wavova kwa nkũluntu anzo yalukutukunu: kutinani, leka minu kaka!

37. Yandi kayambula muti kanama yandiko kansi Petolo ye Yakobi ye Yoane impangi aYakobi.

38. Yaũ baluaka ku nzo ankũluntu anzo yalukutukunu

ye yandi wamona babingi basa mazu ye badila ye basanzana.

39. Yandi wakota ye wavova kwa yaü: mu nki lueti sa mazu ye ludila? Mwana kaufwidiko, kansi ulele.

40. Yaü bambeka nkiadi, kansi yandi waküba babonsono ye wanata se diamwana ye ngüdi ye bakala yandi ye wakota mwakala mwana.

41. Yandi wasimba koko kwamwana ye wavova kwa waü: talita kumi, imbangüdulu amambu: mwana, mono ikamba, telama!

42. Mwana intumbu telama ye diata, kadi waü wakala kûmi ye mvu miole. Yaü intumbu yitukwa mu ngitukulu yayinene.

43. Yandi wabakanikina beni kabidi kunzaykisa ye wavova: luvana mwana dia.

## Kapu 6.

*Yesu wawwezwa mu Nazaleti (1—6), wafidisa nlongüki miandi (7—13), Elodesi wawa kûmü kiaYesu ye wabanza vo yandi iYoane Mbotiki (17—29). Minlongiki miarutuka kwa Yesu (30—33). Yesu wadikila mafunda matanu mababakala (34—44), wadiata va nlangu (45—52), waniakisa zimbevo (53—56).*

Yandi wakatuka kuna ye waluaka ku vata diamase mandi ye nlongüki miandi mianama yandi.

2. Vakala lumingü yandi

wabadika longa mu nzo yalu-kutukunu ye babingi banwa ye bayitukwa ye bavova: biobio kwe kabekibio ye nki anduka zozo kaveno, ye tulendo toto tuvangwanga mu moko mandi?

3. Kadi yandi kanketi anti-koe, imwana aMalia ye mpangri aYakobi ye Yoseto ye Yula ye Simona? Ye busi biandi kadi kabiena vava ye yetokoe? Yaü bamfwemina.

4. Yesu wavova kwa yaü: nkambi kauvwezwangako kansi mu vata diamase mandi ye kwa bibutu biandi ye mu nzo andi.

5. Kuna kalenda vanga tulendo tuankakako kansi wasa moko va buntu bafiuma bakala yela ye wabaniakisa.

6. Yandi wayitukwa mu ludimbulu luaü luaminu ye wazieta mu mavata makimfini ye walonga.

7. Yandi watela kûmi ye nlongüki miole mbila ye wabadikamio fidisa miole miole ye wavanamio zingolo mu mpeye zansobo,

8. Ye wakambamio kamidi nata lekwa mu nzila kansi nkawa kaka, kadiako, kankutuko, kabivanza mu mpondako.

9. Miaü miakana nata bibada kansi kamimvwatu mioleko.

10. Yandi wavova kwa miaü: konso kuluna kota, kuna



lukala nate ye luna katuka kuna.

11. Vonso vüma vabana lembwa kulutambula ye kuluwa, lukatuka kuna ye lukübüla zimfümfüta zena kungsi atambi bieno mu kimbangi kwa yaü.

12. Miaü miayenda kambingi vo bantu bana vilula madiela.

13. Miaü miavaykisa mpeve zazingi zambi ye miaküsa badingi bakala yela mazi ye miabaniakisa.

14. Elodesi imfumu wawawo, kadi nkümbü aYesu yazayakana, ye yandi wavova: Yoane Mbotiki wafulukidi mu bafwa, inkiangunu tulendo toto tusadilanga mu yandi.

15. Kansi bankaka bavova: Elaya kwandi ye bankaka vo: inkambi nkievo nkambi wankaka.

16. Kansi Elodesi wawawo ye wavova: iYoane uyazakisa ntu. Yandi wafulukidi.

17. Kadi yandi Elodesi wafilisa wabaka Yoane ye wankangisa mu kebolo mu diambu diaElodia inkento aFilipo impangi andi, kadi yandi wankwela.

18. Kadi Yoane wakivovila kwa Elodesi: Ngeye wakanukunwa kala ye nkento ampangi aku.

19. Kansi Elodia wambela

ye wazola kumvonda kansi kalendako,

20. Kadi Elodesi watina Yoane kadi wazaya, vo yandi imuntu wamfonga ye wavangulwa. Yandi wantabila mpe ye bukanwa, buna kanwila mu lekwa yayingi ye wazola kunwa.

21. Lumbu bukiawfanana buna Elodesi bukakembila lumbu kiambutulu andi, yandi walambisila madingizi mandi ye baküluntu babinwani biandi ye baküluntu mu Ngalilea lambu.

22. Buna mwana waElodia wankento wakota ye wakina. Elodesi ye bazakala yandi va meza bazolabo. Kansi mfumu wavova kwa mwana wankento: undomba kionso kiuzolele, ye ngina kuvana.

23. Yandi wandila ndefi, vo kionso kiuna kundomba nginakio kumvana nate ye ndambu akimfumu kiami.

24. Waü wakota ye wavova kwa ngüdi andi: nki ngina lombamba? Buna ngüdi wavova: ntu aYoane Mbotiki.

25. Mwana intumbu kota nswalu kwa mfumu ye waloomba ye wavova: nzolele vo una kumpana ntu aYoane Mbotiki va lubaki bwabü.

26. Buna mfumu wakala mbidi akiadi, kansi kazola kuniofünako mu diambu diandefi

ye bazakala yandi va meza.

27. Mfumu intumbu fidisa nkuluntu abinwani ye wankamba katuala ntu aYoane.

28. Yandi wayenda ye wazaka ntu mu kebole ye watuala ntu andi va lubaki ye wavanawo kwa mwana wankento, ye mwana wavanawo kwa ngüdi andi.

29. Nlongüki miandi bumia-wawo miayenda ye miabonga kindibidi kiandi ye miazikakio.

30. Ntumwa zakutakana kwa Yesu ye zankamba yayonso yizavanga ye yizalonga.

31. Yandi wavova kwa yaü: luendeti kunenga ku nsi yankatu ye luvundeti safiuma, kadi babingi bayizanga ye bayenda-nga ye kababaka ntangu yadia nkutuko.

32. Buna yaü bayenda mu hota ku nsi yankatu yaü ye yaü kaka.

33. Yaü babamona hubayenda ye bantu babingi babazaya, ye mu mavata mamonso bayungüsa kuna mu malu ye malu ye babatekila.

34. Yesu wavayka ye wamona bantu babingi ye wabafwila kiadi, kadi bakala nkivo mameme makondolo mvüngi. Yandi wabadika kubalongo yayingi.

35. Ntangu buyakiviokila beni, buna nlongüki miandi miayenda ye miavova: vüma

vena vankatu ye ntangu yiki-viokele beni.

36. Ubasindika kidi benda ku zinzo ye mavata makinifi-ni mu kukisumbila kiandia.

37. Kansi yandi wavutula ye wavova kwa miaü: lubavana kwenö dia. Miaü miavova kwa yandi: tuna kwenda sumba mampa mu nkama zole zabivanza ye kubavana die?

38. Kansi Yesu wavova kwa miaü: mampa makwa mena yeno? Luendeti luatala. Bumiazayamo, miaü miavova: matanu ye mbizi zole.

39. Yandi wakambanio miakabisa bantu mabudi va titi biankünzu.

40. Yaü bavwanda mu makabü makabü, mankaka nkama nkama, mankaka makümatanu matanu.

41. Yandi wabonga mampa matanu ye mbizi zole ye wasendula meso ku zulu ye wasakümünabio ye wabüküna mampa ye wavana kwa nlongüki, kidi miabavana, ye wakaba mbizi zole kwa babonso.

42. Babonso badia ye bayuküta

43. Yaü bayonzika mansadusulwa kümi ye mpidi zole ye zimbizi mpe.

44. Badia mampa imafunda matanu mababakala.

45. Yandi intumbu tatimisa nlongüki miandi miakülümüka mu bota ye miatekila kuna simü kuna Betezayda, yandi bukasindika bantu.

46. Bukasindika bantu mu malembe, yandi wamaka mingo mu sambila.

47. Nkokila buyabwa, buna bota kiakala va monakanda diambu ye yandi kaka va nseke.

48. Yandi wabamona vo beti mona mpasi mu sabüka, kadi tembo kiakubama yaü. Nkübü ansusu yandi wayiza kwa yaü ye wadiata va mbu ye wakana kubavioka.

49. Kansi yaü bamona yandi vo weti diata va mbu ye babanza, nkuyu wauna ye baboka.

50. Kadi babonsono bamona yandi ye batina. Kansi yandi intumbu kubabudisa mbe-mbo ye vova kwa yaü: lukala kibakala, imono kwani, kalutinaniko.

51. Yandi wamaka mu bota mubakala ye tembo kiavonga. Yaü batina beni ye bayitukwa.

52. Kadi yaü kabavisa kiavangwa mu mampako, kansi mintima miaü miaviba.

53. Kansi bubasabüka kuna simü, yaü baluaka ku Ngesaleti ye bakanga bota.

54. Bubatombüka mu bota yaü intumbu kunzaya.

55. Ye mu nsi yina yamvimba bayungüsa ye babadika tuala zimbevo va mintanda kubawa vo kena.

56. Konso kukakota vo mu bimpata mpata vo mavata vo mu zinzo, buna batula zimbevo va maboko ye banleba, kidi bavalakana usoso anelele andi kaka, ye babo bavalakanayo baniaka.

## Kapu 7.

*Yesu walonga bafalisea ye minsoniki mu diambu diadisu kansi uhukaya (1--23), wasadisa nkento wa Kanana (24--30), waniakisa baba (31--37).*

Bafalisea ye nsoniki miankaka batuka mu Yelusalemi bakutakana kwa yandi.

2. Yaü bamona nlongüki miandi miankaka vo miadia mampa, moko bumasumünwa, imoko malembolo sukülwa momo.

3. Kadi bafalisea ye bayu-dayo babo bavükümükinaanga mina miabakülu ye kabadianga mampako, vo kabatomene sukülako.

4. Bubatukanga mu mazandu kabadiangako, vo kabakiyobedeleko, ye yilekwa yankaka yayingi babongedele vükümükina, bonso suküla biko-

mpe ye mimvüngü ye mafoya mansongo.

5. Bafalisea ye minsoniki banyuvula: nlongüki miaku mu nki kamivükümükinanga mina miabaküluko, kansi midianga mampa moko bumasumünwa?

6. Kansi yandi wavova kwa yaü: Esaya watoma kamba mu beno, lubankwa mameso kansi alukaya, bonso bwasonwa: bantu baba bakumvüminanga mu koba biaü, kansi ntima miaü miantatukidi beni.

7. Mu nkatu bakumsambilanga bubalonganga ndongi zamina miabantu.

8. Yeno lusisanga mina miaNzambi ye luvükümükina ngamina miabantu.

9. Yandi wavova kwa yaü: kiongo mbote buluvondanga mina miaNzambi, kidi luavükümükina mina mienoe?

10. Kadi Mose wavova: vümina saku ye mbuta 'ku, ye, una finga se vo ngüdi fwa sika fwa.

11. Kansi yeno luvovele: vo muntu una vova kwa se vo ngüdi: ikoloba, inkaylu adisalu, ima kiwakutu saduswa kwa mono,

12. Buna kalukunyambudianga diakako kasa büma kwa se vo ngüdi.

13. Yeno luvidingisanga mambu maNzambi mu diambu diamina mieno miluavanga ye lusinga yoyo yayingi.

14. Yandi wavutuka tela bantu mbila ye wavova kwa yaü: lungwa babo ye luvisa.

15. Kakwenau lekwa kumbazi amuntuko kikitanga mu yandi kina lenda kunsu-müna, kansi bivaykanga mu muntu, ibiobio bisumünanga muntu.

16. Ye bubasisa bantu ye bakota mu nzo, buna nlongüki mianyuva ngana yoyo.

17. Yandi wavova kwa miaü: buna yeno mpe lulembolo vise? Kaluzaydikoe, vo yoyo yena kumbazi yina kota mu muntu kayilendi kunsümünako.

18. Kadi yaü kayikotanga mu ntima 'ndiko, kansi mu vümü ye yivaykanga vavaykanga dia kwakonsono kwameni yeduswa.

19. Kansi yandi wavova: yivaykanga mu muntu yoyo yisumünanga muntu,

20. Kadi mu ngüdi antima miabantu muvaykanga mabanza mambi, yanga, yiba, vonda,

21. Kinsuza, wimi, yayibi, mampia, kindiafu, disu diambi, zintiakulu, minza, buzengi.

22. Yoyo yayo yambi yitukanga mu ngüdi ye yisumünanga muntu.

23. Yandi wanangika ye wayenda kuna nsi aTilo, ye bukakota mu nzo, kazola vo muntu unabo zayako, kansi kalenda swamako.

24. Kadi nkento wakala mwana wankento wabakama mpeve yansobo, bukawa mu yandi intumbu kwiza fukama va malu mandi.

25. Nkento inkento waElene, imvila 'ndi Silia Finisia, wambomba kavaykisa mpeve yambi mu mwana 'ndi.

26. Yandi wavova kwa nkeno: bika bana bateka yukuta, kadi kabusongeleko mu bonga mampa mabana ye losamo kwa zimba.

27. Nkento wavutula ye wavova: ngeta, Mfumu, kadi zimba zidianga mansadusulwa mabana kuni ameza.

28. Yandi wavova kwa nkeno: mu diambu diodio wenda, mpeve yambi yivaykidi mu mwana ku.

29. Buwaluaka ku nzo andi wau wamona mwana ulamba-lele va ntanda, ye mpeve yambi yivaykidi.

30. Bukakatuka diaka mu nsi aTilo wavioka mu Sidoni kuna mbu waNgalilea mu monakanda diansi aDekapoli.

31. Yau banata baba diafwa matu kwa yandi ye banleba kantula koko.

32. Yandi wankatula mu bantu ye wantuala kunenga ye wantula minlembo mu matu mandi ye walobula mante ye wavalakana ludimi luandi

33. Ye wasendula meso ku zulu ye wavumika ye wavova kwa yandi: Efata, imbangudulu: zibuka kwaku.

34. Matu mandi mazibuka ye lubombumunu lualudimi luandi intumbu katuka, ye yandi watoma vova.

35. Yandi wabakanikinawo kamba kwa muntu, kansi bukakanikina beni, buna yau bankamba beni.

36. Yau bayitukwa beni beni ye bavova: yandi watoma kubika yayonso, yandi uwisanga bafwa matu ye ubudisanga mababa mbembo.

## Kapu 8.

*Yesu radikila mafunda maya mabakala (1—10), bafalisa balomba mangu mu zulu (11—13), Yesu ratinisa bantu mu diambu diacimri diabafalisa (14—21), wamusa matu wafwa meso (22—26). Kimbani kiaPetolo (27—30), Yesu wasamuna kwama kukana lungwa (31—33) ye wakamba nlongiki miandi bonso bubana mona mu nama yandi (34—38).*

Bina lumbu bantu babingi buhakutakana ye kabakala kiandia-ko, buna watela nlongiki miandi mbila ye wavova kwa mau:

2. Mfwididi bantu kiadi, kadi bakikadidi yami lumbu tatu ye kababakidi kiandiako.

3. Vo ngina kubasindika ye nsatu kuna zinzo zaü, buna siba noka nitu mu nzila, kadi bankaka batukidi nseke.

4. Nlongüki miandi miavutula kwa yandi: kwempi tuna lenda baka mampa mwamu nsi yankatu mu yukiitisa baba?

5. Yandi wayuvulunio: mampa makwa mena yeno? Miaü miavova: nsambodia.

6. Yandi wakamba bantu bavwanda va nsi ye wabonga mampa nsambodia ye wato-nda ye wabüküna ye wavana kwa nlongüki miandi kidi mia-kaba, ye miaü miavana bantu.

7. Miaü miakala bimbizi mbizi biafiuna, ye bukasakümü-nabio wakababio.

8. Yaü badia ye bayukuta ye bayonzika mansadusulwa mpidi nsambodia.

9. Kansi yaü bakala kani-vo mafunda maya. Yandi wa-basindika.

10. Yesu intumbu külümü-ka mu bota ye nlongüki mi-ndi ye wasabüka kuna nsi aDalamanuta.

11. Bafalisea bayenda ye babadika kumbindisa mpaka ye banlomba mangu kiadzulu ye bamvükümüna.

12. Yandi wavümüka mu

mpeve andi ye wavova: mban-du yayi mu nki yitombanga mangu? Kedika mono ikuluvovele, vo mbandu yayi kayina vewa manguko.

13. Yandi wabasisa ye wäkülümüka diaka mu bota ye wasabüka kuna simü.

14. Yaü bavilakana nata mampa ye bakala dimpa dimosi kaka ye yaü mu bota.

15. Yandi wabakamba ye wavova: tala, lutina vümvü dia-bafalisea ye vümvü diaElodesi.

16. Yaü bakambasana: ka-tuena ye mampako.

17. Bukazayawo, yandi wavova kwa yaü: mu nki lueti kambasana vo kaluena ye mampako? Kadi ye mu bwabü kaluzaydikoe ye kaluvisidikoe? Kadi ye mu bwabü luena ye ntima mieno miavibe?

18. Buluena ye meso kalu-monangakoe, ye buluena ye matu kaluwangakoe ye kalu-bambükanga moyokoe?

19. Buyabüküna mampa matanu kwa mafunda matanu, mpidi zikwa zafuluka mu mansadusulwa maluayonzika? Yaü bavova: kümi ye mpidi zole.

20. Buyabüküna mampa nsambodia kwa mafunda maya, mpidi zikwa zafuluka mu mansadusulwa maluayonzika? Yaü bavova: mpidi nsambodia.

21. Yandi wavova kwa yaü:

kadi buna mu nkiana kaluvisi-  
sidiko?

22. Bayenda ku Betezayda.  
Kuna banata wafwa meso kwa  
yandi ye banleba kidi kamwe-  
sa yandi.

23. Ye bukasimba koko kwa-  
wafwa meso, yandi wantuala  
kumbazi avata ye walobūla  
mante va meso mandi ye wa-  
tula moko va yandi ye wanyu-  
vula, vo mweni lekwa.

24. Yandi wavūmbūla meso  
ye wavova: mbweni bantu, iba-  
mweni nkievo minti bubeti diata.

25. Mboki katula moko ma-  
ndi diaka va meso mandi, ye ya-  
ndi wavūmbūla meso ye waniaka  
ye wamona yayonsoo nadede.

26. Yandi wansindika ku  
nzo andi ye wavova: kukota-  
ni mu vatako.

27. Yesu ye nlongūki mia-  
ndi bayenda ku mavata ma-  
Sesalia Filipi, ye mu nzila wa-  
yuvula nlongūki miandi ye wa-  
vova kwa miaū: bantu bavovele  
vo mono inani?

28. Kansi miaū miavova kwa  
yandi: bavovanga vo iYoane  
Mbotiki, bankaka vo Elaya,  
bankaka vo nkambi wankaka.

29. Yandi wayuvulamio: kan-  
si yeno lumbikidi vo mono  
inani kwami? Petolo wavutula  
ye wavova kwa yandi: Ngeye  
iKilisto kwaku.

30. Yandi wakanikunamio ka-  
miliwo vova kwa muntu mu  
yandi.

31. Yandi wabadika long-  
amio vo mwana amuntu una  
lungwa kwama beni ye nioku-  
nwa kwa bakūluntu ye bangū-  
di zanganga ye minsoniki ye vo-  
ndwa ye lumbu kiantatu una  
fuluka.

32. Yandi wavova nambu  
mazayakana kwa miaū. Petolo  
wantuala ku nenga ye wabadika  
kunlonga?

33. Kansi yandi wabangū-  
mūka ye watala nlongūki mia-  
ndi ye walonga Petolo ye wavova:  
Satana, wenda ku manima 'mi,  
kadi kuvisidi biaNzambiko ka-  
nsi biabantu.

34. Yandi watela bantu ye  
nlongūki miandi mbila ye wa-  
vova kwa yaū: wonso uzolele  
nama kunima 'mi, bika kakika-  
dila ye kabonga kulunsi diandi  
ye kandama.

35. Kadi wonso uzolele kū-  
ta mwela 'ndi unawo vidisa,  
kansi una zimbisa mwela 'ndi  
mu diambu diani ye nsanū  
wambote yandi unawo kūta.

36. Kadi muntu nki sika  
tomina nitu vo vengi nza ya-  
mvimba ndandu kansi vidisi  
mwela 'ndi?

37. Kadi muntu nki kafwiti  
vana mu kūla mwela 'ndi?

38. Kadi wonso una kumfwila zinsoni ye mambu mami mu mbandu yayanga ye nrasumū, yandi una fwilwa zinsoni kwa mwana amuntu buwuna kwiza mu nzitusu asandi ye zimpofi zaulongo ye yandi.

39. Yandi wavova kwa yaū: kedika mono ikuluvovele, vo bankaka beti telama vava kabana bimba lufwako nate ye bana mona kinfumu kiaNzambi kina kwiza mu zingolo.

### Kapu 9.

*Yesu wazituswa (1--8), wabika Yoane Mbotiki Elaya (9--13), waniakisa muntu wakala mbikulu angonda (14--29), wasamūina kwama kwandi (30--32), wasonga wonso wena waiinene (33--37), wakanikina mfremoso (38--50).*

Lumbu bisambanu mboki Yesu wanata Petolo ye Yakobi ye Yoane ye wabatuala ku nenga va mongo wanda ye wakituka bubantala.

2. Ye minlele miandi miakala nacemicemi ye miampembe beni. Nlengi anelele nkutu kalendimio vembūkisa boboko.

3. Ye Elaya ye Mose bamonika kwa yaū ye bamoka ye Yesu.

4. Petolo wavutula ye wavova kwa Yesu: vambote vena butuena vava; situa vanga mafwokūla matatu, dimosi kwa

Ngeye, dimosi kwa Mose, dimosi kwa Elaya.

5. Kadi kazaya bonso bukavutulako, kadi bakala wonga.

6. Ye tuti diayiza kubafūka, ye ndinga yaŭtuka mu tuti ve: ndiewo imwana 'mi wato-ndwa, lunwa!

7. Kansi buna bubatala kabamona muntu diakako, kansi Yesu kaka wakala yaū.

8. Kansi bukakūlūmūka va mongo yandi wabakamba kabidi kaumba yibamona kwa muntu nate ye buna mwana amuntu una fuluka mu bafwa.

9. Yaū basimba diambu dio-dio ye babindasana mpaka: fuluka mu bafwa inki kwandi?

10. Yaū banyuvula ye bavova: bafalisea ye minsoniki bavovanga vo Elaya una tekila.

11. Kansi yandi wavova kwa yaū: Elaya una tekila ye kūbika yayonsono. Kansi bwe bwasonono mu mwana amuntu? Yandi una kwamuswa beni ye vwezwa.

12. Kansi mono ikuluvovele, vo Elaya wakiyizila ye bamvanguila bonso bubazola, bonso bwasonukwa mu yandi.

13. Bubaluaka kwa minlongūki bamona bantu babingi ye miaū, ye minsoniki miabindisamio mpaka.

14. Bantu babonsono bubamona yandi yaū intumbu kala



wonga ye hayungüsa mu kunkamba malembe.

15. Yandi wabayuvula: mu nki lubindisimio mpaka?

16. Muntu wakala mu kabü wavutula kwa yandi: nlongi, ntuedi mwana 'mi kwa Ngeye. Waü wena ye mpeve yababa.

17. Mpeve buyibakangawo yaü yituntumünangawo, buna waü utubisanga mafulufulu ye ukwetanga meno ye utandanga. Mpokele kwa nlongüki miaku vo mina vaykisayo. kansi kamilendiko.

18. Yandi wavutula ye wavova kwa yaü: mbandu yikondolo minu, lumbu kwa ngina kala yeno, lumbu kwa ngina kulubibidila? Lutualawo kwa mono.

19. Yaü batualawo kwa yandi. Mpeve buyamona yandi, yaü intumbu tuntumünawo ye waü wabwa va ntoto ye wavindumüka ye watubisa mafulufulu.

20. Yandi wayuvula se diamwana: nki alumbu wabakamene bobo? Kansi diaü diavova: küdulu kiandi.

21. Yaü yibonduzulangawo mu tia ye mu nangu mpe, kidi yabüngawo, kansi vo lenda sa büma, utusadisa ye utufwila kiadi.

22. Kansi Yesu wavova kwa yandi: vo lenda, lekele minu lenda yayonso.

23. Se diamwana intumbu boka ye vova: ndekele minu,

unsadisa kina dimbula minuko.

24. Yesu bukamona vo bantu betiwo kutakana, yandi wakanikina mpeve yansobo ye wavova kwa yaü: mpeve yababa ye yafwa matu, mono ikamba Ngeye, vayka mu waü ye kukotani diakako!

25. Buna mpeve yaboka ye yatuntumünawo ye yavayka. Mwana wakala nkatia vo wafwa, nkiangunu babingi bavova: ufwid kwandi.

26. Kansi Yesu wasimba koko kwandi ye watedimisawo, ye waü watelama.

27. Bukakota mu nzo, buna nlongüki miandi mianyuwula kunnenga: kadi yeto mu nki tulembaneneyo vaykisa?

28. Yesu wavova kwa miaü: mpila yoyo kayilendi vaykuswa mu lekwako kansi mu sambila kaka.

29. Yaü bakatuka kuna ye bavioka mu Ngalilea ye kazola vo muntu una zayako,

30. Kadi yandi walonga nlongüki miandi ye wavova kwa miaü, vo mwana amuntu una yekulwa mu moko mabantu. Yaü banawo vonda ye buwana vondwa mboki una fuluka mu lumbu kiantatu.

31. Kansi miaü kamiazaya mambu momoko ye miatina kunyuwula.

32. Yaü baluaka kuKapa-

lenamu, ye bukakala mu nzo, yandi wayuvulamio: nki lubi-ndasanene mpaka mun zila?

33. Kansi miaü miadingama, kadi miaü miabindasama mpaka mu nzila mu wonso waünene.

34. Bukazakala yandi wate-la kûmi ye nlongûki miöle mbi-la ye wavova kwa miaü: vo muntu zolele kala waünene, yandi una zimûnina ye una kala sielo kiabantu babo.

35. Yandi wabonga fimwana mwana ye watulafio mu monakanda diaü ye wabûmbikilafio ye wavova kwa miaü:

36. Wonso una tambula mwana umosi wena bwabü mu nkûmbü ami, yandi untambudi, ye wonso una kuntambula, katambudi monoko, kansi tambudi wamfidisa.

37. Yoane wavova kwa yandi: nlongi, tuamweni muntu uvaykisi mpeve zambi mu nkûmbü aku, kansi kanamanga yetoko. Yeto tuankanikini bukalembolo kutunama.

38. Kansi Yesu wavova: kalunkanikaniko, kadi kakwenani muntu uvanganga lulendo mu nkûmbü ami una lenda vova mambu mambi nswalu mu monoko,

39. Kadi wonso ulembolo kutukakidila, yandi wena yeto.

40. Kadi wonso una kulunwika kompe kianlangu mu nkûmbü ami, kadi lucna ye

Kilisto, kedika mono ikuluvo-vele, vo kana zimbisa nsendo andiko.

41. Buna bena babake bandedekele minu, wonso una fwe-misa mwana umosi, yandi kutu toma nitu votadi diadinene dinikunwanga mfûmfûta dina kangwa mu laka diandi ye yandi una tubwa mu mbu.

42. Vo koko kwaku kuna kufwemisa, zakako. Ngeye una toma nitu vo una kota mu moyo ye kieta, ye una biva nitu, vo una kwenda ye moko mole ku nkadi ampemba ku tia tukatuzimi.

43. Vo külu kwaku kuna kufwemisa, zakako. Ngeye una toma nitu vo una kota mu moyo ye kieta kiatembila, ye una biva nitu vo una tubwa ye malu mole ku nkadi ampemba.

44. Vo disu diaku dina kufwemisa, koladio. Ngeye una toma nitu, vo una kota mu kimfumu kiaNzambi ye disu dimosi, ye una biva nitu vo una tubwa ye meso mole ku nkadi ampemba,

45. Kulembolo suka kimpia-tu ye tia zima.

46. Kadi babonsoho bana luduswa kwa tia.

47. Mûngwa wambote kwandi, kansi vo mûngwa una ka-

tuka ndudi andi, bwe siluayo rutula? Lukala mungwa mu yeno ye lukalasana yenge.

### Kapu 10.

*Yesu walonga mu nkvedolo (1—12), wasakiumina bana (13—16), walonga muntu wamwama (17—22), Bamwama bema mpasi mu kota mu kimfunu kiaNzambi (23—27), Nsando wabanamanga Yesu (28—31), Yesu wavutuka samuina mpirilu andi (32—34), Yakobi ye Yoane balomba bifulu bianzitusu mu kimfunu kiaNzambi (35—45), Yesu waniakisa Balatimeo (46—52).*

Yandi wananguka kuna ye wayenda ku Yudaya ye kuna simu. diaYolodani, ye bantu bavutuka kutakana kwa yandi, ye yandi wavutuka kubalanga bonso hwakala fu kiandi.

2. Bafalisea bayenda ye banyuvula, vo bakala dilenda vambana ye nkento andi, mu kuntonta.

3. Yandi wavutula ye wavova kwa yaü: Mose bwe kalukamba?

4. Kansi yaü bavova: Mose wasa vo nkanda wampambunu nu una vewa ye mboki vambana ye nkento.

5. Kansi Yesu wavova kwa yaü: yandi wasonika mwina wowo kwa yeno mu diambu dialubadusu luantima mieno.

6. Kansi kasi kiabadukulwa yilekwa vangwa, Nzambi wabavanga bakala ye nkento.

7. Mu diambu diodio muntu una sisa sandi ye ngüdi andi.

8. Baü bole bana kala nsuni umosi. Nkiangunu kabena boleko, kansi nsuni umosi.

9. Yiküna muntu kana vambisa babamunguswa kwa Nzambiko.

10. Mu nzo minlongüki mia-vutuka kunyuvula mu mambu momo.

11. Yandi wavova kwa miaü: wonso una vambana ye nke-nto andi ye kwela wankaka, yandi ukunyangisanga.

12. Ye vo nkento una vambana ye nlumi andi ye kwela bakala diankaka, waü uyanganga.

13. Yaü banata bana kwa yandi, kidi kabavalakana, kansi minlongüki miakanikina batuala bana.

14. Yesu bukamonabo kazo-laboko ye wavova kwa miaü: lubika bimbana mbana biiza kwa mono ye kalukanikinani-bioko, kadi kimfunu kiaNzambi kiena ye bana bobo.

15. Kedika mono ikuluvo-vele: wonso una lembwa tambula kimfunu kiaNzambi bonso bwe-ti tambula mwana, kanakio kotako.

16. Yandi wabümbikilabio ye watulabio moko ye wasakü-münabio.

17. Ye bukadiata mu nzila,

buna muntu wayiza yungüsi ye wafukama kwa yandi ye wanyupula: nlongi wabiza, nki ngina sa, kidi yavingila moyo ukaumani?

18. Kansi Yesu wavova kwa yandi: munki weti kumbikawambote? Umosi kaka wambote, iNzambi kwandi.

19. Ngeye zaydi mina: kuyanganiko, kubemaniko, kuyibaniko, kutani kimbangi kiamakutuko, kubabaniko, vümina saku ye mbuta ku.

20. Kansi yandi wavova kwa yandi: nlongi, kasi nküdila ikebanga mina miomio miamionono.

21. Yesu wantala ye wantonla ye wavova kwa yandi: Ngeye ukondolo lekwa kimosi. Wenda wateka mbongo zaku ye vana zo kwa bana bumputu ye una kala mbongo mu dizulu ye wiza wandama.

22. Yandi wakanga mbulu mu diambu diodio ye wayenda ye kiadi, kadi mbongo zazingi zakala yandi.

23. Yesu wavengüzuka ye wavova kwa nlongüki miandi: mwanki mpasi beni yena ye bana zimbongo mu kota mu kimfumu kiaNzambi.

24. Kansi minlongüki miayitukwa mu mambu mandi mo mo. Kansi Yesu wavutula ye wavova kwa miaü: lubana, mwa-

nki mpasi beni zena mu kota mu kimfumu kiaNzambi.

25. Kamela kuna fionunuka nswalu mu disu diansoma, ye nkwa akimvwama una suta kota mu kimfumu kiaNzambi.

26. Miaü miayitukwa beni beni ye miavovasana, buna nani lenda lalulwa?

27. Yesu watalamio ye wavova: muntu unabo lembana, kansi Nzambi lenda, kadi Nzambi lenda lekwa yayonso.

28. Petolo wabadika vova kwa yandi: tala, yeto tuasisidi yayonso ye tukunamanga.

29. Yesu wavova: kedika mono ikuluvovele: kakwenani muntuko wasisidi nzo vo zimpangi vo bibusi vo ngudi vo se vo bana vo mavia mu diambu diansamü wambote,

30. Kansi yandi una tambula nkama nkama mu nza yayi. zinzo ye zimpangi ye bibusi ye zingüdi ye bana ye mavia bubeti zomwa, ye nyu mina kwiza moyo ukaumani.

31. Kansi babingi batekila bana zimünina ye bazimünina bana tekila.

32. Kansi bubakala mu nzila ye babaluka ku Yelusalemi, buna Yesu watekila kuntu kansi miaü miayitukwa ye mianama ye wonga. Yandi wateka kumi ye nlongüki miote mbila

diaka ye wabadika kambanio yikana vangwa.

33. Tala, tuna baluka kuna Yelusalemi ye mwana amuntu una yekulwa mu moko mazingudi zanganga ye minsoniki. Yaü bana kunkongudila nkanu afwa ye kunyekula kwa banakwa miambumbumbü.

34. Yaü bana kumvweza ye kunlobudila mante ye kumbüfa nate ye nkanda una bünuka ye kumvonda, ye lumbu kiantatu sika fuluka.

35. Yakobi ye Yoane ibana baZebede bayenda kwa yandi ye bavova kwa yandi: nlongi, tuzolele vo una kutuvangila yonso yituna kulomba.

36. Kansi yandi wavova kwa yaü: nki luzolele vo ngina kutuvangila?

37. Yaü bavova kwa yandi: utubika tuavwanda umosi va lubakala luaku ye wankaka va lumoso luaku mu nzitusu aku.

38. Kansi Yesu wavova kwa yaü: kaluzaydi kilulombeleko. Lulenda nwa kompe kingina nwa ye botukulwa lubotokolo lungina botukulwe?

39. Yaü bavova kwa yandi: tulenda. Yesu wavova kwa yaü: yeno luna nwa kompe kingina nwa ye botukulwa lubotokolo lungina botukulwa.

40. Kansi vwanda va lubakala luami vo va lumoso ka-

biena yani mu vanako, kansi bakubukulwabo bana vewa.

41. Kansi kumi diaminlongüki budiwawo diabadika fwemina Yakobi ye Yoane.

42. Yesu watelanio mbila ye wavova kwa miaü: luzaydi vo babanzwanga bakuluntu babantu bakubayalanga ye madingizi maü makubakebanga mu zingolo,

43. Kansi yeno kaluna kala boboko, kansi wonso wena yeno uzolele kala waünene, yandi una kala sielo kieno.

44. Ye wonso wena yeno uzolele kala wantete, yandi una kala sielo kiababonso.

45. Kadi mwana amuntu mpe kawayiza mu sadulwako kansi mu sadila ye mu vana moyo andi munkudulu abantu babingi.

46. Yaü baluaka ku Yeliko ye nlongüki miandi ye bantu babingi, buna Balatimeo mwana aTamayo wavwanda mu mbela anzila ye walomba. Yandi wafwa meso.

47. Bukawa vo Yesu imwisi Nazareti kwandi, yandi wabadika boka ye vova: Yesu mwana aDavidi, umfwila kiadi!

48. Babingi bankanikina kiadi kadinguma, kansi yandi waluta boka, mwana aDavidi umfwila kiadi!

49. Yesu wasimpama ye wavova: untela mbila. Yaü batela

wafwa meso mbila ye bavova kwa yandi: kala kiese, telama, weti kutela mbila.

50. Yandi walosa mwatu andi ye watelama ye wayiza kwa Yesu.

51. Yesu wavutula kwa yandi ye wavova: nki zolele vo ngina kuvangila? Wafwa meso wavova kwa yandi: nlongi, kidi yamona.

52. Kansi Yesu wavova kwa yandi: wenda, minu kiaku kikiuniakisi. Yandi intumbu mona ye wanama yandi mu nzila.

### Kapu 11.

*Yesu wakota mu Yelusalemi (1—11), watumba nti wakuyu (12—14), wamedisa nzo aNzambi (15—19). Nti wakuyu wanana lengila (20—25). Yesu wavutuka kota mu nzo aNzambi ye wasindusulwa kwa bafalisca. (27—33).*

Bubafinangana ye Yelusalemi ye Betania va Mongo wamazi, buna yandi wafidisa nlongüki miandi miole

2. Ye wavova kwa miaü: luenda ku vata dilutadisi. Bulunadio kota, buna luna mona mwana wampünda ukengo ulembolo tantanana muntu, luku-tulawo ye lutualawo.

3. Vo muntu una kuluyuvula: nkiama lueti sila bobo, buna luvova: Mfumu wenawo nsatu, buna yandi una fidisawo vava.

4. Miaü miayenda ye mia-mona mwana wampünda wakangwa kumbazi va mwelo mu nzila. Miaü miakutulawo.

5. Bankaka batelama vana bavova kwa miaü: nkiama lueti sila bobo, lueti kutula mwana wampünde?

6. Kansi miaü miavova kwa yaü bonso bwakamba Yesu, buna yaü bayambulamio.

7. Miaü miatuala mwana wampünda kwa Yesu ye miatula nlele miaü va waü, ye Yesu watentama va ntandu.

8. Babingi bayalümüna nlele miaü mu nzila, kansi bankaka batolula lekwa biankünzu mu mavia ye basa mu nzila.

9. Ye batekila ye balanda baboka: Osana, wizidi mu nkümbü aMfumu, bika kasakümü-nwa!

10. Kimfumu kiaseto Davidi kiizidi, bika kiasakümünwa! Osana vana kayengele!

11. Yandi wakota mu Yelusalemi ye mu nzo aNzambi ye bukatala biabionsono ye nkokila yakibwila, yandi wavayka ye wayenda ye kümi ye nlongüki miole ku Betania.

12. Lumbu kiansuka bubavayka mu Betania yandi wafwa nsatu.

13. Bukamona kuyu nseke wakala makaya, yandi wayenda vana kidi katombawo lekwa. Ye

bukaluaka kwa waü, kamonawo lekwa kansi makaya ye makaya, kadi vula kikalanga bana bakuyu kakialuakako.

14. Yandi wavutula ye wavova kwa nti: kwele mvu kuvutukidi mvu muntu kana dia bana bakuko. Nlongüki miandi miawawo.

15. Yaü baluaka kuYelusalemi ye bukakota mu nzo aNzambi, yandi wabadika küba hateka ye basumba mu nzo aNzambi ye wanengüna meza mababudisa bivanza ye biandu biabateka mabembe.

16. Yandi kayambula muntu kanata mbungu mu nzo aNzambiko.

17. Yandi walonga ye wavova kwa yaü: kadi kabwasonukwakoe, vo nzo asami yina bikwa nzo yalusambulu kwa bantu babonsono, kansi yeno luavengiyo nluka amintani?

18. Bangüdi zanganga ye minsoniki bawawo ye batomba bonso bubana kumbunga, kadi batina kadi bantu babonsonobayitukwa mu ndongi zandi.

19. Nkokila buyabwa yandi wavayka mu vata.

20. Nsuka bubavioka bamona kuyu vo wayumini nate ye mu mianzi.

21. Buna Petolo wabambükilawo moyo ye wavova kwa

yandi: nlongi, tala, kuyu uwasembele wameni yuma.

22. Yesu wavutula ye wavova kwa yaü: lukala minu mu Nzambi!

23. Kedika mono ikuluvovele vo wonso una vova kwa mongo wauna: tombüka ye demüka muna mbu, vo kana sa mabanza mole mu ntimako, kansi lekele minu vo yikavoveleyina vangwa, buna buna kala bobo.

24. Nkiangumu mono ikuluvovele: yonso yiluna lomba buluna sambila, luleka minu vo lunayo tambula, ye yeno lunayo vewa.

25. Bulueti telama ye sambila, lubikila wonso uluvwididi nkanu, kidi seno mu mazulu dialubikila küküküsü bieno.

26. Yaü baluaka diaka kuYelusalemi ye bukazieta mu nzo aNzambi, buna bangüdi zanganga ye minsoniki ye baküluntu bayenda kwa yandi

27. Ye bavova kwa yandi: mu nki azingolo weti silanga bobo, ye nani waveni Ngeye ngolo zozo kidi wasila bobo?

28. Kansi Yesu wavova kwa yaü: ngina kuluyuvula diambu dimosi mpe, lumvutudiladio ye mono mpe ngina kulukamba zingolo ziivangilanga bobo.

29. Lubotokolo luaYoane luatuka mu zulu vo mu bantue? Lunkamba.

30. Yaü bayindula ye bavovasana: vo tuna vova mu dizulu, sika vova: buna mu nki kaluanlekele minuko.

31. Kansi tuna vova mu bantue? Yaü batina bantu, kadi babonsoo basa Yoane vo nkambi mu kedika.

32. Yaü bavutula kwa Yesu ye bavova: katusaydiko. Yesu wavova kwa yaü: mono mpe kia 'mi kulukaniba zingolo zii-vangilanga hoboko.

### Kapu 12.

*Yesu wata ngana avia diavinia (1—12, wayurukwa kwa bafalisea mu mpaku antini (13—17) ye kwa basadukaya mu mfulukulu abafwa (18—27) ye kwa nsoniki mu mwina ulutila waiinene (28—34), wayurula bantu mu mwila aMesia (35—37), watinisa bantu mu bafalisea (38—40), wavwanda va lundulu kiaminkaylu (41—44).*

Yandi wabadika kubamokisa mu zingana. Muntu waküna via diavinia ye wasalumbu ye watimisa lekwa kikamunwanga vinia ye watungisa nzo yayingudulwanga via ye watabikadio kwa bisadi ye wayenda ku nsi yankaka.

2. Vula kiavinia bukialuaka, yandi wafidisa nanga kwa bisadi, kidi katambula bana bavinia kwa bisadi.

3. Biaü biansimba ye biambüfa nate ye nkanda wabü-

nüka ye bianyendisa moko ye moko.

4. Yandi wafidisa diaka nanga wankaka kwa biaü. Biaü biatuba ndiena matadi mu ntu ye biamvweza.

5. Yandi wafidisa nanga wankaka. Biaü biamvonda. Yandi wafidisa miankaka mianingi mpe. Biaü biabüfa miankaka nate ye nkanda wabünüka ye biavonda miankaka.

6. Mwana mosi wabakala ukatonda beni wasala yandi. Vazimünina yandi wafidisawo kwa biaü ye wavova: sibia vümina mwana 'mi.

7. Kansi bisadi biavovasana: yandi una vingila via, ntuendino tuamvonda, kidi yeto tuadia difwa.

8. Biaü biansimba ye biamvonda ye biantuba kumbazi avia.

9. Mfumu avia bwe una sa? Yandi una kwiza mu bünga bisadi ye vana via kwa bisadi biankaka.

10. Kaluatengi masonukwa mamakoe: tadi diatiaka mintungi diakituka tadi diafüma kianzo?

11. Diaü diavangwa bobo kwa Mfumu, ye diena diangitukulu beni mu meso meto.

12. Yaü batonta kunsimba, kansi batina bantu, kadi bazaya, vo kavova ngana yoyo mu



yaü. Yaü bansisa ye bayenda.

13. Yaü bafidisa bafalisea bankaka ye bantu baElodesi kwa yandi mu neka yandi diambu.

14. Bubaluaka yaü bavova kwa yandi: nlongi, tuzaydi vo wena wakedika ye kumonanga muntu vümiko, kadi kutalanga zizi kiamuntuko, kansi ulonganga nzila aNzambi mu kedika. Busongele vo tuna vana ntinu mfutu vo kabwako? Situvana vo kutuna vanakoe?

15. Kansi yandi wamona vo disu kungsi alukaya diakala yaü ye wavova kwa yaü: munki lueti kunsindisila? Tualano vana kidi yataletikio.

16. Yaü batualakio. Yandi wavova kwa yaü: zizi kianani kiaki ye bisono? Yaü bavova kwa yandi: biantinu.

17. Yesu wavova kwa yaü: luvana biantinu kwa ntinu ye biaNzambi kwa Nzambi. Yaü bayitukwa mu yandi.

18. Basadukaya bakana vovanga vo lufulukulu luankatu bayenda kwa yandi ye banyuvula ye bavova:

19. Nlongi, Mose watusonikina, vo muntu una fwilwa mpangi ye yina sisa fwola, kansi kayena ye mwanako, buna sika vingila nkento ampangi andi ye butila mpangi andi bana.

20. Vakala mpangi nsambo-

dia, ye kota diakwela nkento ye budiafwa kadiasisa mwanako.

21. Mpangi yanzole yavingila fwola ye bukafwa kasisa mwanako, mboki yantatur yasa bobo mpe.

22. Yaü nsambodi basa bobo ye kabasisa mwanako. Buna bakala, nkento wazimünina fwa mpe.

23. Mu lufulukulu bubana fuluka, buna bona nani una vwa nkento, kadi yaü nsambodia bankwela?

24. Yesu wavova kwa yaü: mwanki yeno luavidungusue, kadi kaluzaydi masonukwako ye lulendo luaNzambiko?

25. Kadi bubana fuluka mu bafwa, buna kabana kwelako ye kabana kwelwako, kansi bana kala nkatiavo zimpofi mu mazulu.

26. Kansi vo bafwa bana fuluka, kadi kaluatengi eno mu nkanda waMosekoc, bonso wavova Nzambi kwa yandi vana finti nti: Mono iNzambia aAbalami ye Nzambi aIsaki ye Nzambi aYakobi?

27. Nzambi kaiNzambi abafwako kansi Nzambi abavümüna. Yeno luavidungu beni.

28. Buna nsoniki wawa bubabindasana mpaka ye wazaya, vo kavutula diambu diabiza kwa yaü. Yandi wayenda ye

wanyuvula: mina huna miena nki amwina waünene?

29. Yesu wavutula: mwina waünene waü: Isaleli, dimba Mfumu Nzambi eto iMfumu yimosi kwandi.

30. Ngeye una tonda Nzambi imfumu aku mu ntima 'ku wamvimba ye mu mwela 'ku wamvimba ye mu diela diaku diamvimba ye mu zingolo zaku zazonsono.

31. Mwina walandila ye waü: tonda nzika 'ku nkievo Ngeye kibeni. Kakwenani mwina wankaka ulutidimio mu neneko.

32. Nsoniki wavova kwa yandi: mbote nlongi, Ngeye tele kedika, vo Nzambi yimosi ye vo kakwenani wankaka ye yandiko,

33. Ye vo tonda yandi mu ntima wamvimba ye mu ndue nga zazonsono ye mu zingolo zazonsono ye tonda nzika bonso yandi kibeni bilutidi min kaylu miamionsono miyokwana va disalu ye miankaka mpe.

34. Yesu wamona vo nsoniki wavutula mambu manduka ye wavova kwa yandi: kwena nseke ye kimfumu kiaNzambiko. Ye bantu batina mu vutuka yuvula yandi kiuvu.

35. Yesu wavutula ye wavova bukalonga mu nzo aNza-

mbi: minsoniki bwe mivovanga, vo Kilisto imwana aDavidi?

36. Yandi Davidi wavova mu Mpeve yanlongo: Mfumu yavovele kwa Mfumu ami: vwa-nda va lubakala luami nate ye ngina tula ntantu miaku mfiduku amalulu maku.

37. Yandi kibeni Davidi ukumbikanga Mfumu, buna bwe kalenda kala mwana 'ndi? Ye bantu babingi bazola beni kunwa.

38. Yandi wabalonga ye wavova: lutina minsoniki mizolele zietila mu maswele ye kambwa malembe mu mazandu.

39. Miaü mizolele biandu bianzitusu mu zinzo zatukutukunu ye biandu bianzitusu mu malambu.

40. Ye midianza zinzo zamafwola ye mu mana midilanga tusambulu tuatula. Miaü mina tambula nkongodolo yangolo.

41. Yesu wavwanda ye wata disa lundulu kiaminkaylu ye watala, bonso bwatula bantu minkaylu mu lundulu, ye bantu babingi bamvwama batula miamingi.

42. Ye fwola diamputu dia yiza ye diatula bimpanza npanza biole biafwanana ye sentima.

43. Yesu watela nlongüki miandi mbila ye wavova kwa miaü: kedika mono ikuluvovele

vo buna bena batudidi mu luridulu fwola diadi dilutidi mu tula kwakwingi,

44. Kadi babonsono beti tula minkaylu miakimvwana kiaü, kansi fwola diadi ditudidi yayonsono yikakutu kebila moyo andi mu bumputu bwandi.

### Kapu 13.

*Yesu wasamiina nsukulu aYelusalemi ye mpasi zalumbu bina zimminina (1—23) ye ngizulu andi yanzole (24—27), wata ngana mu lekwa bina kwiza (28—31), walubula bantuku kidi bakubama kwaii (32—37).*

Bukavayka munzo aNzambi, buna nlongüki andi umosi wavova kwa yandi: tala, matadi bonso bumenina ye bonso bwenina lutungulu.

2. Yesu wavova kwa yandi: mweni ntungulu zozo zazinenie? Kakuna siswa tadi va tadi dina lembwa tululwako.

3. Bukazakala va Mongo wamazi ye watadisa nzo aNzambi, buna Petolo ye Yakobi ye Yoane ye Andela banyuvula kunenga:

4. Utukamba lumbu kina vangwa yoyo ye dimbu kina kwizila yoyo yayonsono detila.

5. Kansi Yesu wabadika vova kwa miaü: lutina kidi muntu kana kuluvindingisako.

6. Babingi bana kwiza mu nkumbü ami ye vova: imono

kwami, ye bana vidingisa babingi.

7. Kansi buluna wa zimvita ye kümü kiazimvita, kalutinani-ko, kadi yina yina vangwa, kansi nsukulu kayena ye biaüko.

8. Kadi bantu bana wonzama mu bantu ye kimfumu mu kimfumu, ye tunikunu tuantoto tuna kala müma kamüma ye malema.

9. Yoyo imbadukulu anso-ngo, kansi lutina kweni. Yaü bana kuluyeküla kwa minko-ngüdidi, ye luna büfwa mu zinzo zatukutukunu nate ye nkanda una bünüka. Yaü bana kulunata kwa minyadi ye zimfumu mu diambu diani mu kimbangi kwa yaü.

10. Kansi nsamü wambote una teka kambwa mu bantu babonsono.

11. Kansi bubana kulunata mu kuluyeküla, kalukalani kadi mu mambu maluna vovako, kansi maluna vewa yina ntangu, luvovamo, kadi kabeno luvovangako, kansi Mpeve yanolongo.

12. Mpangi yina yeküla mpangi mu vondwa, ye se dina yeküla mwana, ye bana bana wonzama mu mase ye zingüdi, ye bana kubavonda.

13. Yeno luna belwa kwa babonsono mu diambu diantkümbü ami, kansi una vekamiana

nate ye nsukulu una lalulwa.

14. Kansi buluna mona lukankümükü luambüngulu, vo luna telama valuakanukunu; tengimo, bika kavisamo, buna bena mu Yudaya bika batini-na va miongo.

15. Kansi wena va nludi kana külümüka mu bonga lekwa mu nzoandiko.

16. Wena mu via kana bangümüka mu bonga nlele miandiko.

17. Kansi bina lumbu, engwa bena vümü ye bayemikanga.

18. Kansi lulomba kaluidi taba mu zimvula.

19. Kadi bina lumbu bina kala kwama kukakukedi kasi ye mbadukulu alekwa yavanga Nzambi ye mu hwabü, ye kaku-na **kala** diakako.

20. Vo Mfumu kaküfika lumbu biobioko, nga mosi nkutu kauna lalulwako, kansi biaü biaküfukwa mu diambu diabasolwa bakasola.

21. Buna vo muntu una vo-va kwa yeno: tala, Kilisto wena vava, tala, wena vana, **kalelekani minuko.**

22. Kadi bakilisto bamakutu ye minkambi miamakutu bana kwiza ye bana vanga bimangu ye lekwa bianzenza mu diambu diavidingisa basolwa vo sibalenda.

23. Kansi lutina kweni. Mono yakikambidi yeno yayonsoni.

24. Kansi bina lumbu neita buyina vioka, buna ntangu yina lomba, ye ngonda kayina vana tentina kwandiko.

25. Ye mbwetete zina sotuka mu dizulu, ye tulendo tua mu mazulu tuna niküka.

26. Buna siba mona mwana amuntu, vo weti kwiza mu matuti ye lulendo lualuingi ye nzitusu.

27. Buna sika fidisa zimpo-fi mu tota basolwa mu ntini zia zampeve ye mu nsukulu yantoto ye mu nsukulu yadizulu.

28. Lulongüka ngana mu nkaya. Mavala mandi humana zeza ye makaya mana somba, luzaydi vo nsungi amvula yeka luküfi.

29. Ibobo yeno nipe buluna mona yina yina vangwa, buna luzaydi vo yina yeka luküfi.

30. Kedika mono ikuluvovele, vo mbandu yayi kayina lalako nate ye yina yayonsoni yina vangwa.

31. Dizulu ye ntoto bina fuka, kansi mambu mami kamana fukako.

32. Kansi kina lumbu ye kina lokula muntu kazaydibioko,

kazimpofi mu dizuluko, kamwanako, kansi dise kaka.

33. Lutala ye lukaya meso, kadi kaluzaydi buna kala ntanguko.

34. Bonso muntu wayenda kuna nsi yankaka, bukasisa nzo andi ve wavana nanga miandi ngolo muntu ye kiandi salu, buna kakamba nkengi amwelo mpe, kidi kakaya meso.

35. Nkianguu lukaya meso, kadi kaluzaydi ntangu yina luaka mfumu anzoko vo nkokila vo ndingü ansi vo nkübü ansusu vo nsuka,

36. Kidi bukana kwiza nswalu, kana kulubwana lualekako.

37. Kansi yiilukenibi, nke-mbi kwa babo, lukaya meso.

### Kapu 14.

*Mintantu miawawasana mu kanga Yesu (1—2). Yesu wakuswa mazi mu Betania (3—9). Yuda Iskalio wawawana ye bafalisea mu yekiila Yesu (10—11). Nlongüki miole miatotila meme diampikolo (12—16). Yesu vadia meme diampikolo (17—21), wawoka mbuluku ankokila (22—25), wayenda ku Mongo wamazi (26—31), wasambila mu Ngetesemane (32—42), wayekiilwa ye wakangwa (43—52), wamatwa kwa ngüdi anganga (53—54), wakongudulwa (55—65), wakakudulwa kwa Petolo (66—72).*

Kansi lumbu biole mboki lumbu kiampikolo kiakala ye lumbu kialembwa diwa mampa mafunuswa, ye bangüdi zanganga

ye minsoniki batomba bambaka mu mampia, kidi bamvonda.

2. Kansi bavova: katunabosa mu lumbu kiampikoloko, nkindu kayidi bwa mu bantu.

3. Bukakala mu Betania mu-na nzo aSimona nkwa abwazi ye wavwanda va meza, buna nken-to wakala luengwa luamvwazu, inalodo kayasangwa lekwa yankakako, intalu beni kwandi. Nkento wabula luengwa ye waduküla mvwazu va ntu andi.

4. Kansi bankaka bafwema ye bavovasana: mu nki büngidi mvwazu wowo?

5. Kadi mvwazu wowo ukutu lenda tayka mu nkama zitatatu zabivanza zike ye vewa bena bumputu, ye yaü bantesa mambu mangolo.

6. Kansi Yesu wavova: lubika nkento, nkiaama lueti kunsila kiadi? Yandi umpangidi büma bwabiza.

7. Kadi lumbu yayonsono bena bumputu bena yeno, ye yonso ntangu yiluzolele lulenda kubasila bunkete, kansi mono kienayeno lumbu yayonsonoko.

8. Nkento vengi yikalendele. Yandi wakiküsidi nitu amimu nzikulu ami.

9. Kedika mono ikuluvovele: vonso vonso vana kambwa nsamü wambote mu nza yamvimba, vana vana kambwa yikavengi mu bambukila yandi moyo.

10. Yuda Iskalio, nlongüki wakala ye kûmi ye nlongüki miole, wayenda kwa bangüdi zanga-nga kidi kanyekûla kwa yaü.

11. Kansi yaü bubawawo bayangalala ye bansila nu vana vanza biapalata. Yandi watomba lumbu kikakana kunyekûla.

12. Lumbu kiantete kialembwa diwa mampa mafunuswa bubavonda meme diampikolo, buna nlongüki miandi miavova kwa yandi: kwe zolele, vo tunda totila, kidi wadia meme diampikolo.

13. Yandi wafidisa nlongüki miandi miole ye wavova kwa miaü: luenda ku vata ye muntu neti mvüngü wanlangu una bwabana yeno, lunama yandi.

14. Kukana kota, luvova kwa mfumu anzo: nlongi tele: nzo kwe yena yingina dila meme diampikolo ye nlongüki miami?

15. Yandi una kulusonga seka diadinene va ntandu dikombolo ye ditomoso. Muna lututotiladio.

16. Minlongüki miavayka ye miayenda ku vata ye miamona, bonso bumiakambwa kwa Yesu ye miatotila meme diampikolo.

17. Nkokila buyabwa, yandi waluaka ye kûmi ye nlongüki miandi miole.

18. Bubavwanda va meza ye badia, Yesu wavova: kedika mono ikuluvovele: buna luena, umosi weti dia yami una kungiekûla.

19. Miaü miabadika kala kiadi ye miavova kwa yandi mosi mosi: kadi imonoe?

20. Kansi yandi wavova kwa miaü: umosi wena ye kûmi ye nlongüki miole weti vwanga yami mu lubaki una kungiekûla.

21. Kadi mwana amuntu una katuka bonso bwasonwa mu waü, kansi engwa muntu wowo una yekûla mwana amuntu! Vo kabutwa nkutuko, nga bwabiza mu yandi.

22. Bubadia yandi wabonga dimpa ye wasakûmûna ye wabükünadio ye wavana kwa miaü ye wavova: lubonga, diodio iritu ami.

23. Yandi wabonga kompe ye watonda ye wavana kwa miaü, ye miamionsono miawnakio.

24. Yandi wavova kwa miaü: kiokio imenga mami maluwawanu matengulwa mu babingi.

25. Kedika mono ikuluvovele, vo kina nwa nlangu abana bavinia diakako nate ye kina lumbu kinginawo nwa wamona mu kinfumu kiaNzambi.

26. Bubamana yimbila bayenda ku Mongo wamazi.

27. Yesu wavova kwa yaü:

yeno babonsono luna fwema, kadi kwasonwa: ngina dita mvü-  
ngi, ye mameme mana mwangu-  
swa.

28. Kansi bungina fuluka,  
ngina kulutekila kuna Ngalilea.

29. Kansi Petolo wavova  
kwa yandi: vo babonsono mpe  
bana fwema, kina kwami fwe-  
mako.

30. Yesu wavova kwa yandi:  
kelika mono ivovele, vo Nge-  
ye bwabü mu fukü diadi una  
kunkadila nkadila zitatu, mbo-  
ki koko dina küba nküba zole.

31. Buna wakanda: vo fwa  
sia fwa yaku, kina kwami ku-  
kadila nkutuko. Babonsono bata  
mambu momo mpe.

32. Yaü baluaka ku via,  
nkümbü avia Ngetesemane, ye  
yandi wavova kwa nlongüki  
miandi: luvwanda vava bungi-  
na sambila.

33. Yandi wanata Petolo  
ye Yakobi ye Yoane ye wabadi-  
ka zakama ntima ye wakala  
kiadi.

34. Yandi wavova kwa yaü:  
mwela 'wi wena kiadi beni na-  
te ye mu fwa, lusala vava ye  
lukaya meso.

35. Yandi wavioka finseke  
nseke ye wafukama va ntoto  
ye wadila, kidi vo buna lendwa  
ntangu yoyo yakatulwa mu  
yandi.

36. Yandi wavova: Aba ta-

ta, Ngeye lenda yayonsono,  
unkatudila kompe kiaki, kansi  
kusani bonso bunzoleleko, ka-  
nsi bonso buzolele.

37. Yandi wayiza ye wa-  
mona vo balele ye wavova  
kwa Petolo: Simona ulelie? Kule-  
ndi kaya meso loküla kimosikoe?

38. Lukaya meso ye lusa-  
mbila kaluidi bwa mu mpükümü-  
ni, mpeve muzolwa, kansi nsuni  
wena kindakana.

39. Yandi wayenda diaka  
mu sambila ye wavova mambu  
mamosi.

40. Bukavutuka yandi wa-  
bamonaka diaka vo balele, kadi  
meso maü makala nandende  
ye kabazaya yibakana kumvu-  
tulako.

41. Yandi wavutuka mvu-  
tuka yantatu ye wavova kwa  
yaü: luleka bwabü ye luvunda,  
fweni kwandi, loküla kilueki,  
tala, mwana amuntu uyekolo mu  
moko mabankwa miamasümü.

42. Lutelama tuenda, tala,  
ungiekole weka luküfi.

43. Yina ntangu bukavova,  
buna Yuda, Iskalio wakala ye  
kümi ye nlongüki nirole walua-  
ka ye bantu banata bisabala  
ye minkawa batuka kwa bangü-  
di zanganga ye minsoniki ye  
baküluntu bayiza yandi.

44. Wanyeküla wabakamba  
dimbu ye wavova: wonso ungina

fiba iyandi kwandi, lunsimba ye lutoma kunata.

45. Bukaluaka yandi intumbu kwenda kwa yandi ye wavova: nlongi, ye wamfibuzula.

46. Kansi yaü basa moko mu Yesu ye bansimba.

47. Kansi umosi watelama vana wavola sabala kiandi ye wabanda nanga wangüdi azinganga ye wazaka kutu kwandi.

48. Yesu wavutula ye wavova kwa yaü: yeno luizidi ye bisabala ye minkawa mu simba mono nkievo intani.

49. Lumbu kalumbu mono yakedi yeno mu nzo aNzambi ye yalongele ye kaluambekiko, kansi kidi masonukwa makwenda detila.

50. Buna babonsono bansisa ye bataba.

51. Ye toko dimosi dianama yandi. Diaü diavwata nlele miampembe kaka ye yaü basimba-dio,

52. Kansi diaü diasisa nlele ye diataba mpene.

53. Yaü banata Yesu kwa ngüdi azinganga ye minsoniki ye baküluntu bakutakana.

54. Petolo wanama yandi nseke nate ye va kianzala kiovula diangüdi azinganga ye wazakala ye bisielo ye wayotila va tia.

55. Kansi bangüdi zanganga

ye minkongüdidi miamio batomba kimbangi mu nitu aYesu. kidi hamvonda, kansi kabamonakioko.

56. Kadi babingi bata kimbangi kiamakutu mu yandi, kansi kimbangi kiaü kakiadedakanako.

57. Bankaka batelama ye bata kimbangi kiamakutu mu yandi ye bavova:

58. Yeto tuawilu bukatele: mono ngina tulula nzo yayi yaNzambi yatungwa mu moko ye mu lumbu bitatu ngina tunga yankaka yikayitungulu mu moko.

59. Ye buna mpe kimbangi kiaü kakiadedakanako.

60. Buna ngüdi anganga watelama mu monakanda ye wayuvula Yesu ye wavova: kadi kuna vutula büngü mu mambu mabatelele kimbangi mu Ngeyekoe?

61. Kansi yandi wadingama ye kavutula diambuko. Ngüdi azinganga wanyuvula diaka ye wavova kwa yandi: kadi Ngeye iKilisto, mwana wandiena wasakümunwe?

62. Yesu wavova: ngiena kwami, ye yeno luna mona mwana amuntu wendi va lubakala luatulendo ye una kwi-za mu matuti madzilulu.

63. Kansi ngüdi azinganga watiasuna nlele miandi ye wavo-



va: nki ansatu akimbangi situa vutuka kala?

64. Luwilu ntiakulu zandi, bwe lueti banza? Kansi babonso bankongüdila nkanu avondwa.

65. Bankaka babadika kunlobüdila mante ye fuka zizi kiandi ye vova kwa yandi: utukamba yilekwa yina kwiza, ye bisielo biansimba ye biambanda zinkome.

66. Petolo bukakala va kianzala, buna sielo kimosi kiangüdi anganga kiankento kiayiza,

67. Ye kiamona Petolo vo weti yotila ye kiantala ye kiovova: Ngeye mpe ukedingi ye Yesu imwisi Nazaleti.

68. Kansi yandi wakala ye wavova: kizayidiko ye kivisidi yiuoveleko. Yandi wavayka kumbazi va kianzala, ye koko diaküba.

69. Ye sielo kiankento bukiamona yandi, kiaü kiabadika vova diaka kwa batelama vana: ndiewo wena yaü.

70. Kansi yandi wakala diaka. Fintama ntama diaka batelama vana bavova kwa Petolo: ta kedika, Ngeye wena yaü, kadi Ngeye imwisi Ngaleila.

71. Kansi yandi wabadika kukitumba ye kukidila ndefi vo kazaya nkutu muntu ubabikako.

72. Buna koko diaküba nküba yanzole ye Petolo wabambüka moyo mu mambu mankamba Yesu, vo Ngeye una kunkadila nkadila zitatu, mboki koko dina küba nküba zole ye yandi wanifüka kwa dila.

### Kapu 15.

*Yesu wayuruzulwa kuna Pilato (1—5), Pilato watonta kunirulusa (6—15), Yesu warwezwa (16—22), wakomwa va kulusi (23—26), walevüüwa (27—32), waboka (33—37). Bimangu biarangwa bukafwa (38—39), bakento bantala (40—41), Yesu wadiamuswa (42—46).*

Buna nsuka nale bangüdi zanganga ye baküluntu ye misoniki ye minkongüdidi miamionsono bakübama ye bawawasana ye bakanga Yesu ye banata ye banyeküla kwa Pilato.

2. Pilato wanyuvula: Ngeye imfunu abayudayoe? Yandi wavutula ye wavova kwa yandi: Ngeye telewo.

3. Bangüdi zanganga hamfunda beni.

4. Kansi Pilato wayuvula diaka: kadi kuna yutula diambukoe? Tala, bonso bubeti kufunda.

5. Kansi Yesu kavutula diambu nkutuko, nkiangunu Pilato wayitukwa.

6. Kansi mu lumbu kiampio-kolo yandi wavulusanga nkole yonso yibalombanga.

7. Kwakala nkole, nkümbü andi Balaba, wakangwa ye bavola yandi nkanu mu nkindu. Yaü bavonda bantu mpe mu nkindu.

8. Bukabalüka, buna bantu babadika kunlomba kabavangila bonso bwakala fu kiandi.

9. Pilato wavutula ye wavova kwa yaü: luzolele vo ngina kuluvulusila mfumu abayudayo?

10. Kadi yandi wazaya vo bangüdi zanganga banyeküla mu dianbu diansoki.

11. Kansi bangüdi zanganga basindisila bantu, kidi kabavulusila Balaba.

12. Kansi Pilato wavutula diaka ye wavova kwa yaü: buna bwe luzolele vo ngina vanga ndiena ulubikidi mfumu abayudayo?

13. Kansi yaü baboka diaka: unkoma va kulunsi!

14. Pilato wavova kwa yaü: kansi nkiana kiambi kavengi? Kansi yaü baboka: unkoma va kulunsi!

15. Pilato wazola vanga bonso bwazola bantu ye wabavulusila Balaba ye wayeküla Yesu mu büfwa nate ye nkanda wabünüka, kidi kakomwa va kulunsi.

16. Kansi binwani biantuala va kanzala kiavula ye biatela kabü diamvimba mbila,

17. Ye biamvwika mwatu wambwaki ye biavanda mpu ya-

nsende ye biatulayo va ntu,

18. Ye biabadika kunkamba mavimpi: tuawa binga, mfumu abayudayo!

19. Biaü biambanda nkawa mu ntu ye bianlobüdila mante ye bialükama ye biansambila.

20. Bubianlevüla, biaü biamvüla mwatu wambwaki ye biamvwika nlele miandi ye biamvaykisa, kidi biankoma va kulunsi.

21. Biaü biatatimisa muntu wavioka, nkümbü andi Simona, mwisi Silene, se diaAlesandelo ye Lufi, kidi kanata kulunsi diandi. Simona watuka ku via.

22. Biaü biantuala ku vüma, Ngolongata, mbangudulu ankümbü, konzongolo kiantu.

23. Biaü biamvana vinia kiasangwa mila, kansi katambulakioko.

24. Bubiankoma va kulunsi ye biakaba nlele miandi, buna biaü biata wadi, kidi biazaya kina tambula muntu muntu.

25. Loküla kiantatu biaü biankoma va kulunsi.

26. Nkanda wamambu mandi wasonukunwa bwabü: mfumu abayudayo.

27. Biaü biakoma ntani mirole ye yandi va makulunsi, umosi va lubakala luandi, umosi va lumoso.

28. Bavioka banlevüla ye banziküna ye bavova: sia, Nge-

ye una tulula nzo aNzambi ye twayo mu lumbu bitatu.

29. Nakisadisa ye külümüka mu kulunsi!

30. Bangüdi zanganga ye minsoniki banlevüla kwaü hobo mpe ye bavova: yandi wasadisa bankaka. kansi kalendi kukisadisako.

31. Kilisto mfumu aIsaleli, nakülümükieti bwabü mu kulunsi, kidi tuamona ye tualoka minu, ye bakomwa yandi va makulunsi banlevüla mpe.

32. Mu loküla kiansambanu tombe kiabwa mu nsi yamvimba nate ye loküla kiavwa.

33. Mu loküla kiavwa Yesu waboka mu ndinga yayinene: eloi, eloi lama sabakatani, imbangudulu amambu yayi: Nzambi ami, Nzambi ami, mu nki unsisidi?

34. Bankaka batelama vana bubawawo bavova: tala. yandi telele Elaya mbila.

35. Muntu wayungüsa ye wafuluza pongo mu vinya kiandeki ye watulakio va nkawa ye wanwikakio kwa yandi ye wavova: bika tuamona vo Elaya una kwiza kunkola.

36. Yesu waboka mu ndinga yayinene ye watabüla vümünü.

37. Buna ngümbü yanzo aNzambi yatendüka mu ndambu zole ye kuntandu ye kunsi.

38. Kansi nküluntu abinwa-

ni watelama ye wantadisa. Bukamona vo Yesu watabüla vümünü hobo, buna wavova: kedika muntu waü imwana aNzambi.

39. Bakento mpe bakala vana bantala nseke. Mu baü mwakala Malia Mangadalene ye Malia imbuta aYakobi waüke ye Yoseto mboki Salome.

40. Yaü banama yandi bukakala muna Ngalela ye bansadila ye bakento babingi bankaka mpe babalüka yandi ku Yelusalemi.

41. Nkokila buyabwa, ilumbu kiantotila kiatekila lumingü,

42. Buna Yosefi imwisi Alimatia, nkongüdididi wadanuswa wavingila kimumu kiana Nzambi mpe wasa kibakala ye wayenda kwa Pilato ye waloimba nitu aYesu.

43. Kansi Pilato wayitukwa vo Yesu ukifwididi ye watela nküluntu abinwani mbila ye wanyuvula vo ntama kafwidi.

44. Bukawawo kwa nküluntu abinwani, buna wakayla nitu aYesu kwa Yosefi.

45. Yandi wasumba nlele wampembe ye wankola mu kulunsi ye wanzinga nlele wampembe ye wantula mu ndiamü yakwempwa mu tadi ye wane ngümüna tadi mu nwa andiamü.

46. Kansi Malia Mangadalene ye Malia imbuta aYoseto bamona mukatulwa.

## Kapu 16.

*Bakento bayenda ku ndiamü* (1—8), *Yesu wamonika kwa Malia* (9—11) *ye lava nlongiki miole* (12—13) *ye kwa küni ye mosi* (14—18), *wabaluka ku zulu* (19—20).

Lumingü buluamana vioka, buna Malia Mangadalene ye Malia imbuta aYakobi ye Salome basumba mwazu wansunga, kidi benda kunküsa.

2. Nsuka nabu mu lumbu kiavita mu lumingü yaü baluaka ku ndiamü ntangu buyatubüka.

3. Yaü bavovasana; nani una kutukatudila tadi mu nwa andiamü?

4. Kansi bubavümbüla meso yaü bamona vo tadi dinengomonono, kadi tadi diakala mbidi anene beni.

5. Bubakota mu ndiamü yaü bamona toko vo diavwanda va lubakala ye diavwata diswele diampembe, ye yaü bakala wonga.

6. Diaü diavova kwa yaü: kalukalani wongako, yeno lueti tomba Yesu mwisi Nazaleti wakomonono va kulunsi. Fulukidi, kenavoko, lutala vüma vabantudidi.

7. Kansi luenda luavova kwa nlongüki miandi ye kwa Peto-lo, vo yandi una kubatekila kuna Ngalilea. Kuna silua kumona bonso bukalukamba.

8. Yaü bavayka ye bataba mu ndiamü, kadi luzakumu ye

wonga biababwila. Yaü kabakamba muntu diambukö, kadi bakala wonga.

9. Kansi bukafuluka mu nsuka mu lumbu kiavita mu lumingü, yandi wateka monika kwa Malia Mangadalene ukavaykisila mpeve nsambodia zambi.

10. Yandi wayendawo samüna kwa bateka kala yandi ye bakala kiadi ye badila.

11. Yaü bubawa vo Yesu wena moyo ye umonekene kwa nkento, yaü kabalekilawo minuko.

12. Mboki bantu bole bakala yaü bubazietä ye bayenda ku mavia, yandi wamonika kwa yaü mu kifwani kiankaka.

13. Yaü bayendawo kamba kwa bankaka, kansi yaü kabalekila minuko.

14. Mboki yandi wamonika kwa küni ye nlongüki mosi bumiavwanda va meza ye walongidikamio mu ludimbulu luaü luaminu ye mintima miaü miambalu bumialebwa lekila bamona yandi minu vo wafuluka.

15. Yandi wavova kwa miaü: luenda mu nza yamvimba ye lukamba nsamü wambote kwa bionso biavangwa.

16. Wonso una leka minu ye botukwa una lalulwa, kansi una lembwa leka minu una kongüdlulwa nkanu.

17. Kansi bimangu biabi bi-na nama ye balekele minu: mu nkũmbũ ami bana vaykisa mpeve zambi ye yaũ bana vo-va mu tudimi tuamona.

18. Yaũ bana nata zinioka ye vo bana nwa bilekwa bile-nda vonda muntu kabana mo-na bũmako, yaũ bana tula mo-ko kwa bena yela, ye yaũ ba-na niaka.

19. Mfumu bukamoka ye miaũ, buna wabalulwa kuna dizulu ye uvwandanga va lu-bakala luaNzambi.

20. Kansi miaũ miayenda ye miakamba nsamü wambote mu mũma mwamonsono ye Mfumu wasala ye miaũ ye wa-siamisa mambu mu bimangu bianamamo.

## Nsamü wambote waLukasi.

### Kapu 1.

*Mambu mambadukulu (1—4), mbutulu aYoane Mbotiki yasamü-ura (5—25), mbutulu aYesu yasa-münwa (26—38), Malia wabumina kwa Elisabeti (39—56), Yoane Mbo-tiki wabutwa (57—58), wazabulwa (59—79), wakũdila mu nsi yankatu (80).*

Kadi bantu babingi babongi-dila kũbika lukambulu luama-vanga manana kwenda mu yeto,

2. Bonso butuakambwa kwa bakala ye vana mbadukulu, izimbangi zamona meso ye bi-sielo biamambu.

3. Nkiangunu mono mpe, bu-yatomene bakũla yayonsono na-dede kasi ye mbadukulu, mbe-nzi mu sonikina Ngeye nkũndi

Teofilo mambu bonso bumala-ndanana,

4. Kidi wazaya kedika kia-mambu mawakilongolo.

5. Mu lumbu biaElodesi imfumu mu nsi aYudaya mwa-kala kisadi kiadisalu, nkũmbũ andi Zakalia, mu kũnkũ kia-Abia ye nkento andi mwana aAloni, nkũmbũ andi Elisabeti.

6. Baũ bole balonga mu Nza-mbi ye banama mu mina mia-mionsono ye zimfonga zaMfu-mu ye bakondwa nkanu.

7. Yaũ kabakala banako, kadi Elisabeti wakala sita ye baũ bole banuna,

8. Kansi bwakala bukasa-la vana disalu mu Nzambi

mu lulandu luakünkü kiandi,

9. Yandi wakala muna ngüdi anzo aNzambi, bonso bwena fu kiabisadi biadisalu mu fwitisa mwisi wansunga.

10. Ye kabü diamvimba diabantu diasambila kumbazi mu loküla kiafwitila mwisi wansunga.

11. Kansi mpofi aMfumu yamonika kwa yandi. Yaü yatelama va lubakala luadisalu diamwisi wansunga.

12. Zakalia watina bukamonayo ye wonga wambwila.

13. Kansi mpofi yavova kwa yandi: Zakalia, kutinaniko, kadi lusambulu luaku luameni wakana ye Elisabeti, nkento aku, una buta mwana wabakala, ye Ngeye una bika nkümbü andi Yoane.

14. Ngeye una yangalala ye kala kiese, ye babingi bana kala kiese mu mbutulu andi.

15. Kadi yandi una kala waünene mu Mfumu ye kana nwa vinia ye bilekwa biangolo, ye yandi una fuluka kwa Mpeve Yanlongo kasi ye mu vümü kiambuta ndi.

16. Yandi una vutula bana baIsaleli babingi kwa Mfumu Nzambi aü.

17. Yandi una kuntekila mu mpeve ye zingolo biaElaya ye vutula mintima miamase kwa bana ye mintima miabakolama

mu madiela mabamfonga ye kübika bantu bakübama kwa Nzambi.

18. Zakalia wavova kwa mpofi: bwe nginabo zayila, kadi mono yameni nuna ye nkeno ami wanunini.

19. Mpofi yavutula ye yavova kwa yandi: mono iNgabileli itelunanga va luse luaNzambi ye mfidusu mu moka yaku ye mu kukambawo.

20. Tala, Ngeye una kala baba ye kuna lenda vovako nate ye lumbu kina yangwa yoyo, kadi kulekele minu mu mambu mami mana kwenda detila mu biaü lumbuko.

21. Ye bantu bavingila Zakalia ye bayitukwa vo weti zingila muna ngüdi anzo aNzambi.

22. Kansi bukavayka, kalendaru moka yaüko, ye yaü bazaya vo kamweni mona meso muna ngüdi anzo aNzambi, ye yandi wabalabikisa ye wakala baba.

23. Vakala lumbu kiasalu biandi bubiamanwa, yandi wayenda kuna nzo andi.

24. Kansi bina lumbu mboki Elisabeti nkento andi wayaka ye waswama ngonda zitanu ye wavova:

25. Mfumu bobo kampangila bina lumbu bikantala mu katula luvwezolo luani mu bantu.

26. Kansi ngonda yansambanu Ngabileli impofi wafiduswa kwa Nzambi kuna vata dia Ngabilela, nkumbü avata Nazaleti,

27. Kwa ndumba bakamba-na ye bakala, nkumbü abakala Yosefi mu kanda dia Davidi, ye nkumbü andumba Malia.

28. Mpofi yakota kwa yandi ye yavova: malembe, Ngeye wasakümünu; Mfumu wena yakul!

29. Kansi yandi wakala wonga mu mambu mandi ye wayindula lukambulu luandi lololuamalemba.

30. Mpofi yavova kwa yandi: Malia, kutinaniko, kadi wamweni nlenvo kwa Nzambi.

31. Tala, una yaka ye buta mwana wabakala ye una bika nkumbü andi Yesu.

32. Yandi una kala waünene ye una bikwa mwana wandiena muna kayengele, ye Mfumu Nzambi una kumvana kiandu kiasandi Davidi.

33. Yandi una yala nzo a Yakobi kwele mvu kuvutukidi mvu, ye kimfumu kiandi kakina sukako.

34. Kansi Malia wavova kwa mpofi: büma bobo bwe buna kadila, kadi kizaydi bakalako?

35. Mpofi yavutula ye yavova kwa yandi: Mpeve yanlongo yina luaka va Ngeye ye zingolo zandiena muna kayengele zina

kufuka, nkiangunu ndiena yanlongo uuna buta una bikwa mwana a Nzambi.

36. Tala, Elisabeti ibutu kia ku yandi mpe wayeki mwana wabakala mu ndununu andi, ngonda zisambanu kasi kabikuliwa sita.

37. Kadi Nzambi kalembananga mambu nkutuko.

38. Kansi Malia wavova: tala, sielo kia Mfumu! Bika yakala bonso buutele mu mambu maku, ye mpofi yakatuka kwa yandi.

39. Mu lumbu bina Malia wanangüka ye wayenda nswalu kuna nsi yamiongo kuna vata dia Yuda

40. Ye wakota mu nzo a Zakalia ye wakamba Elisabeti malembe.

41. Bwakala Elisabeti bukawa Malia wankamba malembe, buna mwana wavinduzuka mu vümü kiandi ye Elisabeti wazala kwa Mpeve yanlongo

42. Ye waboka mu mbokolo yayinene ye wavova: Ngeye wasakümünu mu bakento, ye mwana wena mu vümü kiaku wasakümünu.

43. Bwe mbwenini vo mbuta amfumu ami wizidi kwa mono?

44. Kadi tala, ndinga ku yiunkambidi malembe buyikotele mu matu mami, buna

mwana uvinduzukidi kwa kiese mu vümü kiami.

45. Kiese kiena yaku ulekele minu, kadi yonso yakambwa kwa Mfumu yina kwenda detila.

46. Malia wavova: mwela 'mi weti sika Mfumu,

47. Ye mpeve ami yeti yangalala mu Nzambi inaludi ami,

48. Kadi yandi wamweni luyinunu luasielo kiandi kiankento, kadi tala bwabu mboke zimbandu zazonsono zina kumbika vo kiese,

49. Kadi nkwa angolo wampangidi bilekwa biabinene. Nkümbü andi yena yanlongo.

50. Nlemvo andi usikilanga mu mbandu ye mbandu mu yaü bakumvüminanga.

51. Yandi wavengi lulendo mu koko kwandi; yandi wasansikisi bankwa mianza mu madiela mamintima miaü.

52. Yandi watuludi bena ngolo mu biandu ye wabaludi bakukiyinanga.

53. Bafwa nsatu, yandi wabayukütisi nu yilekwa yambote, ye bamvwama, yandi wabayendese moko ye moko.

54. Yandi walemvokele Isaleli isielo kiandi ye wabambükidi nlemvo andi moyo,

55. Bonso bukavova kwa mase meto, kwa Abalami ye

bana bandi kwele mvu kuvutukidi mvu.

56. Kansi Malia wasala yandi kanivo ngonda zitatu ye wavutuka kuna nzo andi.

57. Kansi lumbu bia Elisabeti bikabutilla biafwanana, ye yandi wabuta mwana wabakala.

58. Bazika bandi ye bibutu biandi bawa, vo Mfumu waneveese nlemvo andi mu yandi, ye yaü bayangalala yandi.

59. Vakala lumbu kianani yaü bayiza mu zabüla mwana ye babikawo nkümbü asandi Zakalia.

60. Mbuta 'ndi yavutula: kayako, kansi yandi una bikwa Yoane.

61. Yaü bavova kwa yandi: mu kanda diaku kamwenani muntu wena nkümbü yoyoko.

62. Kansi yaü balabikisa sandi mu yuvula nkümbü yikazola kumbika.

63. Yandi walomba tadi ye wasonika ye wavova: Yoane inkümbü andi, buna babonsono bayitukwa.

64. Kansi nwa 'ndi intumbu zibüka ye ludimi luandi, ye yandi wavova ye wasakümüna Nzambi.

65. Wonga wabwila bazika baü babonsono, ye mambu mana mamonsono mayenda kümü mu nsi yamvimba yamiongo mia Yudaya.



66. Babonsono bawawo bakebawo mu ntima miaü ye bavova: kadi mwana wowo hwe una kadila, kadi koko kwa Mfumu kwena ye wau?

67. Zakalia isandi wafuluka kwa Mpeve yanlongo ye wakamba yilekwa yina kwiza ye wavova:

68. Bika Mfumu Nzambi aIsaleli kasakümünwa, kadi yandi wabümini ye wavangidi bantu bandi nküduhu.

69. Yandi watudidi mpoka yandalulu mu nzo aDavidi isielo kiandi,

70. Bonso bukavova mu mvu miankülü mu nwa miamin-kambi mianlongo,

71. Lutanunu mu mintantu mieto ye mu moko mababonsonobakutubelanga,

72. Kidi kalemvükila mase meto ye kabambükila luwawanu luandi luanlongo moyo,

73. Indefi yikadila Abalami iseto mu kutuvana,

74. Kidi tuakondwa wonga ye tuansadila butuna tanunwa mu moko mamintantu mieto,

75. Mu ludede ye mfonga mu yandi lumbu bieto biabionsono.

76. Kansi Ngeye mwana una bikwa nkambi andiena muna kayengele, kadi una tekila ku zizi kiaMfumu mu kübika nzi-la zandi,

77. Kidi kavana bantu ba-

ndi nzayilu andalulu mu nkatudulu amasümü

78. Mu diambu dianlemvo beni waNzambi eto biayizidintubukulu antangu kwa yeto mu kayengele

79. Mu wangüsila bavwanda nga mu tombe ye kini kialufwa mu vünga malu meto mu nzila ayenge.

80. Kansi mwana waküla ye wasiama mu Mpeve ye wakala mu nsi yankatu nate ye lumbu bikasala monika kwa Isaleli.

## Kapu 2.

*Yesu wabutwa (1—20), wazabülwa (21), wanatwa ku nzo aNzambi (22—24). Simona wasakümiina Yesu (25—35), Ana wakamba nsamü mu Yesu (36—38). Yosefi ye Malia bavutuka ku Nazaleti (39—40). Yesu mu nzo aNzambi bukakala kümi ye mvu müole (41—52).*

Kansi vakala bina lumbu ntinu Augusto wafidisa nkanda, vo nsi yamvimba bana sonukwa.

2. Nsonokono yoyo yakala yantete yasonukwa, Kilinio bukakala nküluntu mu Silia.

3. Baü babonsono bayenda sonukwa muntu ye diandi vata muntu ye diandi vata.

4. Kansi Yosefi watuka mu Ngalilea mu vata, nkümbü avata Nazaleti, ye wayenda mpe ku Yudaya ku vata diaDavidi dibikwanga Betelemi, kadi yandi

watuka mu nzo aDavidi ye kanda diaDavidi.

5. Yandi wasonukwa ye Malia bakambana wakala vümü.

6. Kansi bwakala bubakala muna, buna lumbu biandi bafwanana mu buta.

7. Yandi wasemükina mwana 'ndi wabakala ye wazingawo nlele ye walambidikawo vabatulanga dia kwa bibulu, kadi kababaka nzo yilekilanga zinzenzako.

8. Mu nsi yina mwakala mimvüngi miatemüna ye miakenga bibulu biaü mu fükü.

9. Mpofi aMfumu yatelama ye miaü, ye nzitusu aMfumu watentina va miaü, ye miaü miakala wonga wangolo.

10. Mpofi yavova kwa miaü: kalutinaniko, kadi tala mono ikulusamünini kiesekiakingi kina kala ye bantu babonsono,

11. Kadi lumbu kiaki yeno lubutulu nlaludi iKilisto Mfumu mu vata diaDavidi.

12. Ye dimbu kieno kiaki: yeno luna mona mwana uzingulu nlele vabatulanga dia kwa bibulu.

13. Ye kabü beni diadizulu intumbu kala ye mpofi ye yimbila kwa Nzambi ye vova:

14. Nzitusu kwa Nzambi muna kayengele ye yenge vava nto mu bantu bazolwa.

15. Bwakala zimpofi buza-

sis mimvüngi ye zayenda ku zulu, buna miaü miavovasana: tuendeno ku Betelemi tuamona mambu mavengo matukembo kwa Mfumu.

16. Miaü miayenda nswalu ye miamona Malia ye Yosefi ye mwana ulambalele vabatulanga dia kwa bibulu.

17. Kansi bumiamonawo, miaü miakamba mambu mamiakamlwa mu mwana wowo.

18. Babonsono bawawo bayitukwa mu lekwa yibakambwa kwa mimvüngi,

19. Kansi Malia wakeba mambu momo mamonsono ye waindulamo mu ntima 'ndi.

20. Mimvüngi miavutuka ye miazitisa ye miayimbila kwa Nzambi mu yayonsono yimiawa ye yiniamona bonso bumiakambwa.

21. Nani dialumbu budiamana ye mwana wazabülwa, buna babika nkümbü andi Yesu, bonso bwakibikila mpofi, mwana bukawayakwa mu vümüko.

22. Lumbu biampedoso aü hubiamanwa, bonso bwenina mina miaMose, buna banata mwana ku Yelusalemi mu kuntuala kwa Mfumu,

23. Bonso bwasonwa mu mina miaMfumu, vo babakala babonsono basemükunwanga bana bikwa bankwa mianlongo mu Mfumu,

24. Ye minkaylu mina ve-wa bonso bwakambwa mu mina miaMfumu: biduka biele vo bana bole bamabembe.

25. Ye tala, mu Yelusalemi mwakala muntu, nkümbü andi Simoni, imuntu wamfonga ye nduenga. Yandi wavingila mbombolo aIsaleli ye Mpeve yanlongo yakala yandi.

26. Yandi wasilwa kwa Mpeve yanlongo, vo sika kimwena Kilisto waNzambi, mboki kana fwa.

27. Yandi watualwa kwa Mpeve mu nzo aNzambi. So ye ngüdi bubakotisa Yesu inwana, kidi bavangilawo bonso bwakambwa mu mina,

28. Buna yandi mpe wakambikawo mu moko ye wasika Nzambi ye wavova:

29. Mfumu, bika wayendisasielo kiaku mu yenge bonso buwavova,

30. Kadi meso mami mawweni ndalulu aku

31. Yiwakübika mu meso mabantu babonsono,

32. Ikia mu wangüsila bakwa niambümbümbü ye nzitusu kwa bantu baku baIsaleli.

33. Sandi ye ngüdi andi bayitukwa mu mambu makambwa mu mwana.

34. Simoni wabasakümüna ye wavova kwa Malia, ingüdi amwana: tala, ndiowo wavengo

mbwisi ye ntedimisi abantu babingi mu Isaleli ye dimbu kina banguswa.

35. Kansi mu waku mwela mpe muna zokwa sabala, kidi mabanza mabantu babingi mana fukulwa.

36. Kwakala Ana, inkambi wankento mwana aFanueli mu mvila aAseli. Yandi wamana nuna ye wakala ye nlumi andi mimvu nsambodia kasi kakadila ndumba.

37. Yandi ifwola walunga lunani ye mvu miia ye kasisa nzo aNzambiko, kansi wasadila Nzambi mu mina nsoki ye sambila fukü ye mwini.

38. Yina ntangu yandi watelama vana ye wasika Nzambi ye wambika kwa babonsono bavingila nküdulu aYelusalemi.

39. Bubamana biabionsono bonso bwenina mina miaMfumu, buna bavutuka ku Ngallelea ku Nazaleti ivata diaü.

40. Mwana waküla ye wasiama ye wafuluzwa kwa zinduka, ye nlenvo waNzambi wakala mu waü.

41. Sandi ye ngüdi andi bayendanga mvu kamvu ku Yelusalemi mu lumbu kiampio-kolo.

42. Bukakala kümi ye mvu miole babaluka kwaü, bonso bwakala fu kialumbu biampio-kolo.

43. Bubamana lumbu ye bavutuka, buna Yesu imwana wasala mu Yelusalemi, ye sandi ye ngüdi andi kabazayaboko.

44. Kansi yaü babanza: yandi wena mu huka kieto ye bayenda nzila yalumbu kiamvimba ye bamfwandila kwa bi-butu biaü ye bazika baü.

45. Kansi bubalembana mona yandi, yaü bavutuka ku Yelusalemi ye bamfwanda.

46. Lumbu bitatu mboki bamona yandi mu nzo aNzambi mukavwanda mu monakanda diaminlongi ye wadimbamio ye wayuvulamio.

47. Kansi babonsono banwa bayitukwa mu nduka zandi ye mvutudulu zandi.

48. Bubamona yandi, yaü bayitukwa, ye ngüdi andi wavova kwa yandi: mwana, mu nki watusididi bobo? Tala, beto ye saku tueti kufwanda mu kiadi.

49. Yandi wavova kwa yaü: mu nki lueti kumfwanda? Kadikaluzaydikoe, vo ngina kalavena biasami?

50. Yaü kabavisa mambu makavova kwa yaüko.

51. Yandi wakülümüka yaü ye wayenda ku Nazaleti ye wabatumamana. Ngüdi andi wakeba mambu mamonsono mu ntima 'ndi.

52. Yesu wanieka zinduka ye mimvu ye nlemvo kwa Nzambi ye bantu.

### Kapu 3.

*Yoane Mbotiki wabadika kamba nsamii (1—14), wazibula biwubantu (15—18), watubwa mu kikebobo (19—20). Yesu wabotukwa (21—22), mwila aYesu (23—38).*

Kansi mu kumi ye mvu wantanu kasi kiabadikila Tibe-lilio intinu yala, Pontio Pilato bukayala mu Yudaya, ye Elo-desi wayala mu Ngalilea, ye Filipino impangi andi wayala mu Itulia ye mu nsi aTalakoniti, ye Lisania wayala mu nsi a-Abilene,

2. Ana ye Kayfa bubakala bangüdi zanganga, buna mambu maNzambi mayiza kwa Yoane imwana aZakalia mu nsi yankatu.

3. Yandi wayenda mu nsi yamvimba yaYolodani ye wakamba mbotokolo ampilulu adielu mu nkatudulu amasümü,

4. Bonso bwasonwa mu nkanda ankambulu zaEsaya inkambi: ndinga yibokanga mu nsi yankatu: nakübikeno nzila yaMfumu, nasungikeno nzila zandi.

5. Tumpoboko tuatonsono tuna fuluzwa, ye miongo miamionsono ye bintuntubulu bina betumunwa, ye yonso yena ya-

tekalakana yina sungama, ye yilembolo lengũka yina lengwa,

6. Ye nsuni miamionsono mina mona lulalulu luaNzambi.

7. Buna yandi wavova kwa bantu babũka mu botukwa kwa yandi: lumbandu zanioka zambalu, nani waluluengese mu taba mu nganzi zina kwiza?

8. Nkiangunu navangieno ndandu zampilulu adielä. Kalubadikani mu vova mu ntima mienoko vo tuena seiAbalami, kadi mono ikuluvovele: Nzambi lenda fulukisa bana mu mata-di momo kwa Abalami.

9. Kansi bwabũ kiubi kilambudukulu mu mianzi mianti, nkiangunu wonso nti ulembolo buta bana babiza una kwangwa ye tubwa va tia.

10. Bantu banyuvula ye bavova: bwe tuna sa?

11. Yandi wavutula ye wavova kwa yaũ: wonso wena mwatu miole una kaba kwa kondolo mwatu ye wena dia bika kasabo mpe.

12. Kansi mimvakusi miyenda mpe mu botukwa ye miavova kwa yandi: nlongi, bwe tuna sa?

13. Yandi wavova kwa miaũ: vo ntalu yayike yazengwa kalulombani yayingiko.

14. Binwani mpe bianyuvula ye biavova: kansi yeto, bwe tuna sa? Yandi wavova kwa biaũ: kalutanani muntuko, ka-

lunekinani muntu mu lumongo-ko, lutambula nkuta zeno kaka.

15. Kansi bantu bubavingila ye babonso babanza mu ntima miaũ mu Yoane: kadi yandi kaKilistokoe?

16. Buna Yoane wavutula ye wavova kwa babonso: mono ikulubotikanga mu nlangi, kansi undutidi mu zingolo una kwiza, mono kifweni mu kutula minsinga miabibada biandiko; yandi una kulubotika mu Mpeve yanlongo ye mu tia.

17. Yandi wena kivevomo no mu koko kwandi, kidi wavedisa ntombo zandi. Yandi una sa ntombo mu lundulu kiandi, kansi mvũmvũnia unazo yuyisa va tia tukatuzimi.

18. Yandi walubũla bantu mu mambu mankaka mamingi mpe ye wakamba nsanũ wambote.

19. Kansi yandi walonga Elodesi inyadi mu diambu dia-Elodia inkento ampangi andi ye mu yayonso yankaka yambi yavanga Elodesi.

20. Kansi yandi watudisa Yoane mu kebolo ye wakũdika nkanu wowo mpe mu mambu mandi.

21. Kansi kwakala Yoane bukabotika bantu babonso, buna Yesu mpe wabotukwa ye bukasambila, buna zulu diazibũka.

22. Ye Mpeve yanlongo ya-

külümüka mu lunitu luabembe va yandi ye mu zulu mwakula ndinga: Ngeye imwana 'mi intondolo ami yiizolele kwami.

23. Yandi Yesu wabadika lunga makumatatu mamimvu, bukabadika lunga ye wabanzwa vo imwana aYosefi imwana aEli,

24. Imwana aMatati, imwana aLevi, imwana aMeleki, imwana aYanai, imwana aYosefi,

25. Imwana aMatatio, imwana aAmosi, imwana aNaumi, imwana aEseli, imwana aNangai,

26. Imwana aMata, imwana aMalatio, imwana aSemic, imwana aYosefi, imwana aYuda,

27. Imwana aYoanani, imwana aLesi, imwana aZolobabeli, imwana aSalatieli, imwana aNeli,

28. Imwana aMeleki, imwana aAdi, imwana aKosami, imwana aElodami, imwana aEli,

29. Imwana aYose, imwana aEliezeli, imwana aYolemi, imwana aMatati, imwana aLevi,

30. Imwana aSimoni, imwana aYuda, imwana aYosefi, imwana aYonami, imwana aElia-kimi,

31. Imwana aMelea, imwana aMena, imwana aMatata, imwana aNatami, imwana aDavidi,

32. Imwana aYese, imwana aYobedi, imwana aBosi, imwana aSala, imwana aNasoni,

33. Imwana aAminadabi, imwana aAdemini, imwana aAleni, imwana aEsolomi, imwana aFalesi, imwana aYuda,

34. Imwana aYakobi, imwana aIsaki, imwana aAbalami, imwana aTala, imwana aNakoli,

35. Imwana aSeluki, imwana aLanga, imwana aFalake, imwana aEbeli, imwana aSala,

36. Imwana aKainami, imwana aAlafazadi, imwana aSemi, imwana aNoa, imwana aLameki,

37. Imwana aMatusala, imwana aEnoki, imwana aYaleti, imwana aMeleleli, imwana aKainami,

38. Imwana aEnosi, imwana aSeti, imwana aAdami, imwana aNzambi.

#### Kapu 4.

*Yesu wasindusulwa kwa Satana (1—13), wavutuka ku Ngaliila (14—15), walonga mu Nazaleti (16—30), wayenda ku Kapalencamu (31—32), waniakisa muntu wakala mpeve yansobo (33—37), waniakisa ko wa Petoto ye bankuka (38—41), wazieta mu mwata (42—44).*

Yesu wazala kwa Mpeve yalongo ye wakatuka mu Yolodani ye watulwa kwa Mpeve ku nsi yankatu.

2. Yandi wasindusulwa makūmaya mabilumbu kwa Satana. Yandi kadia lekwako, kansilumbu bubiamana, yandi wafwa nsatu.

3. Satana wavova kwa yandi: vo Ngeye imwana aNzambi, vova kwa tadi diodio, kidi diakituka dimpa.

4. Yesu wavutula kwa yandi: kwasonwa kwandi, muntu kavūmūnanga mu mampa kakako.

5. Yandi wanata Yesu ye wansonga zinsi zamfumu zazonsono mu nza mu nsonga yimosi.

6. Ye Satana wavova kwa yandi: mono ngina kuvana zingolo zina zazonsono ye nzitusu miaū, kadi mono yavewabio ye mono lendabio vana kwa wonso unzolele.

7. Nkianguu vo una sambila kwa mono, buna biabionsono sibia kala biaku.

8. Yesu wavutula ye wavova kwa yandi: kwasonwa: una sambila Mfumu iNzambi aku, ye yandi kaka siwa sadila.

9. Yandi wantuala ku Yelusalemi ye wantula va ntumba anzo aNzambi ye wavova kwa yandi: vo Ngeye imwana aNzambi demūketi vava,

10. Kadi kwasonwa: yandi una kamba mpofi zandi mu Ngeye kidi zakukeba,

11. Ye kidi zakunata mu mo-

ko, kwidi ta sakūba mu kuli kwaku va tadi.

12. Yesu wavutula ye wavova kwa yandi: bwatelo: kuna sindisila Mfumu iNzambi akuko.

13. Satana bukamana usindusulu zazonsono, yandi wanyambula mu lumbu bikwa.

14. Yesu wavutula mu zingolo zaMpeve ku Ngalika, ye kumu kiandi kiawakana mu nsiyina yamvimba.

15. Yandi walonga mu zinzo zaū zatukutukunu ye wazituswa kwa babonsono.

16. Yandi waluka ku Nazareti kukakūdila ye wakota mu nzo aū yalukutukunu bonso bwakala fu kiandi mu lumbu kialumingū ye watelama mu tanga.

17. Yaū bamvama nkanda aEsaya inkambi. Bukabengula nkanda, yandi wamona vumavasonwa:

18. Mpeve yanlongo yeha va mono, kadi yandi wankusa mu kamba nsanti wambote kwa bantu bamputu.

19. Yandi wamfidisa mu kamba mpulusu kwa zinkole ye kwa bafwa meso bana mona ye mu vulusa baluekwa ye mu kamba mvu waMfumu wabiza.

20. Yandi wabundika nkanda ye wavanawo kwa sielo ye wavwanda, ye meso mabantu ba-

bonsono mu nzo yalukutukunu mansungamana.

21. Yandi wabadika vova kwa yaü: kiki lumbu masonu-kwa mama mele detila mu matumeno.

22. Babonsono banungisa yandi ye bayitukwa mu mambu manlemvo mavayka mu nwa 'ndi ye bavova: kadi yandiena kamwana aYosefikoe?

23. Yandi wavova kwa yaü: kedika yeno lulenda vovangana yayi kwa mono: mbüki ukibüka! Mavanga mamanene tuawilu vo mavengo mu Kapalenamu, navangietimo mwamü nsi aku mpe!

24. Kansi yandi wavova: kedika mono ikuluvovele: nkambi nkutu katondwanga mu nsi amase mandiko.

25. Mu kedika mono ikuluvovele: mu Isaleli mwakala mafwola mamingi mu lumbu biaElaya, dizulu budiakandama mu mvu mintatu ye ngonda zisambanu, yemu nsi yamvimba mwakala nsatu yayingi.

26. Mafwola buna makala, Elaya kafiduswa kwa dimosi nkutuko, kansi wafiduswa kwa fwola mu Salefata mu Sidoni.

27. Mu Isaleli mwakala ban kwa miabwazi miamingi mu lumbu biaElisa inkambi, ye buna bakala widi mosi nkutu kave-

duswako kansi Namani watuka mu Silia.

28. Buna bakala mu nzo alukutukunu bamana kala zinganzi bubawabo.

29. Yaü banangüka mu kunküba kumbazi avata ye banata yandi nate ye vana luzuba luamongo watungulwa vata diaü, kidi banwolumüna.

30. Kansi yandi wavioka mu monakanda diaü ye wakatuka.

31. Yandi wakülümüka ku Kapalenamu vata diaNgalilea ye wabalonga mu lumingü.

32. Yaü bayitukwa ndongolozandi, kadi mambu mandi makala mangolo.

33. Mu nzo yalukutukunu mwakala muntu wabakama kwa mpeve yambi yansobo. Yandi waboka mu ndinga yayinene:

34. Engwa Yesu mu Nazaleti, nki amambu mantuadi tuena betoyaku? Wizidi kutubünge? Izaydi vo unkwa amfonga waNzambi.

35. Yesu wavümisayo ye wavova: dingama ye vayka mu muntu, mpeve yambi yaniküzuna muntu ye yavayka ye kayamvanga diambuko.

36. Babonsono bakala wonga ye bamokasana ye bavova: nki adiambu diodio, kadi mu zingolo ye tulendo weti kamba mpeve zansobo ye zivaykanga?

37. Ye kümü kiandi kiawakana mu nsi yina yamvimba.



38. Yandi wanangūka mu nzo yalukutukunu ye wayenda ku nzo aSimona. Ko waSimona wankento wakala nitu nayukū-yukū beni. Yaū banyuvudila kwa yandi.

39. Yandi wayinama vakala nkento ye wakanikina yela kwa-yukūyukū ye kwaū kwansisa. Nkento intumbu telama ye wabasadila.

40. Kansi ntangu buyadimina, buna bantu babonsono bakala zimbevo zakindakana ye biana biampila mu mpila babanata kwa yandi. Yandi watula moko va muntu ye muntu ye wabaniakisa.

41. Mpeve zambi mpe zavayka mu bantu babingi ye zaboka ye zavova: Ngeye imwana aNzambi. Yandi wadingimisazo ye kayambulazo zavovako, kadi zanzaya vo yandi iKilisto.

42. Kansi kia bukwatendūka, yandi wayenda ku nsi yankatu, ye bantu bantomba ye bayenda kwa yandi ye bansimba, kidi katuka mu yaūko.

43. Yandi wavova kwa yaū: mavata mankaka mena mpe manginga kambila nsamū wambote wakimfumu kianaNzambi, kadi mu diodio yafidusu.

44. Yandi wakamba nsamū mu zinzozatukutukunu zaNgalilea.

## Kapu 5.

*Ntambulu azimbizi (1—11), Yesu waniakisa nkwa abwazi (12—16) ye muntu watila mianzi (17—26), wabokila Levi (27—32), walonga buminunwanga nsoki (33—39).*

Kwakala bantu babingi bamfiningisa mu wa mambu maNzambi. Yandi watelama va nzengo ambu aNgenesaleti.

2. Yandi wamona bota birole biakala va nzengo, kansi mintambi miambizi miakatuka mu sukūla makonde maū.

3. Yandi wakūlūmūka mu bota kimosi kiavwa Simona ye wanyuvula katatula bota finseke nseke. Yandi wavwanda mu bota ye walonga bantu.

4. Kansi bukalembwa vova, yandi wavova kwa Simona: lutuala bota vena nsina ye lutamba makonde meno mu baka mbizi.

5. Simona wavutula: tusedingi fukū diamvimba ye katu-beki lekwako, kansi mu diambu diaku situtamba makonde.

6. Bubavangabo, yaū babaka zimbizi zazingi beni ye makonde maū matiazuka.

7. Yaū balabikisa bayaū mu bota kiankaka, kidi biiza kuba-sadisa. Yaū baluaka ye bafuluza bota biabiole nate ye biabadika dimina.

8. Simona Petolo bukamonabo, yandi wafukama va ma-

lu maYesu ye wavova: Mfumu, katuka kwa mono, kadi mono inkwa, wamasumü.

9. Kadi wonga wambwila ye babonsoo bakala vana mu diambu diambakulu azimbizi ziba-baka.

10. Wonga wabwila Yakobi ye Yoane ibana baZebede ye ibazika baSimona. Yesu wavova kwa Simona: kutiniano, mboki siwa tamba bantu.

11. Yaü batuala hibota ku simü ye basisa yayonsoo ye banama yandi.

12. Bwakala, bukakala mu vata dimosi, tala, buna muntu wavwa kwa bwazi wakala mu na. Bukamona Yesu, yandi wafukama va zizi ye wailomba ye wavova: Mfumu, vo zolele, lenda kumpedisa.

13. Yandi walambüla koko ye wamvalakana ye wavova: nzolele, navedila kwaku. Bwazi intumbu kunsisa.

14. Yandi wankanikina kukambaniyo kwa muntuko, kansi wenda kukisonga kwa nganga ye nata nkaylu mu mpedolo aku, bonso bwakamba Mose mu kimbangi kwa yaü.

15. Kansi kümü kiandi kialuta wakana ye bantu babingi bakutakana, mu wa ye mu nia kuswa mu kindakana kwaü.

16. Kansi yandi wavengümüka mu nsi yankatu ye wasambila.

17. Kiakala lumbu kimosi bukalonga, buna bafalisea ye minlongi miamina bavwanda vana. Yaü batuka mu mavata mansonsoo maNgalilea ye Yudaya ye Yelusalemi, ye tulendo tua Mfumu tuakala yandi mu nia kisa.

18. Tala, yaü banata muntu watila mianzi va ntanda kwa yandi ye batonta kuntula vakala Yesu.

19. Bubalembana bakula bonso bubakutwa kuntadila mu diambu diabantu, yaü bamaka va pludi, ye mu vulu dianludi yaü bankülümuna ye ntanda mwakala Yesu.

20. Bukamona miu kiaü, yandi wavova: muntu, masumü maku mayambulu!

21. Bafalisea ye misoniki babadika banza ye bavova: ndieu weti ta zintiakulu inani? Nani lenda yambudila masumü, kansi umosi kaka, yandi iNzambi?

22. Kansi Yesu wazaya mabanza maü ye wavutula ye wavova kwa yaü: nki lueti banza mu ntima mieno?

23. Nki kilutidi nayakiyaki mu vova, masumü maku mayambulu, vo mu vova, telama wadiata?

24. Kansi kidi luazaya vo mwana amuntu wena zingolo mu yambudila masumü va ntoto, yandi wavova kwa watila mia-

nzi: mono ivovele, telama bonga ntanda 'ku, wenda ku nzo aku!

25. Yandi intumbu telama vabakala ye wabonga ntanda 'ndi ye wayenda ku nzo andi ye wazitisa Nzambi.

26. Ngitukulu yabwila va babonso. Yaü bazitisa Nzambi ye babwilwa kwa wonga ye bavova: lumbu kiaki tumweni le kwa kianzenza.

27. Mboki yandi wavayka ye wamona mvakusi, nkumbü andi Levi. Yandi wavwanda vakana vakuswanga. Yesu wavova kwa yandi: undama!

28. Yandi wasisa yayonso no ye watelamaye wanama Yesu.

29. Levi walambisa mbuluku waünene kwa yandi mu nzo andi. Muna mwakala kabü diamimvakusi ye bantu bankaka bavwanda yandi va meza.

30. Bafalisea ye minsoniki miaü bakaüla minlongüki miandi ye bavova: mu nki ludianga ye lurwanga ye mimvakusi ye bankwa miamasümü?

31. Yesu wavutula ye wavova kwa yaü: bena mavimpi kabena nsatu ambükiko kansi bena yela.

32. Kiayiza mu bokila bankwa miamfonga mu vilula madielako, kansi bankwa miamasümü.

33. Kansi yaü bavova kwa yandi: minlongüki mia Yoane mi-

minanga nsoki beni ye misambilanga, ibobo minlogüki miabafalisea mpe, kansi miaku midianga ye minwanga.

34. Yesu wavova kwa yaü: kadi luna lenda minisa bana bandambisa nsoki, toko diandambisa budiena yaüe?

35. Kansi lumbu bina kwi-za, toko diandambisa budina katulwa mu yaü, buna bina lumbu bana mina nsoki.

36. Yandi wata ngana mpe kwa yaü: muntu kutulanga tetila kianlele wamona va mvwatu wanküluko, kadi vo unakio tula buna una vonda nlele wamona, ye tetila kiamona kakifwanane va mvwatu wanküluko.

37. Muntu katulanga vinia kiamona mu maküba manküluko, kadi vo unakio tula, buna vinia kiamona kina dukisa maküba, ye vinia kina tengüka ye maküba mana fuka

38. Kansi vinia kiamona kina tulwa mu maküba mamona.

39. Nwini vinia kiankülu kazolele kiamonako, kadi una vova: kiankülu kilutidi kiabiza.

## Kapu 6.

*Minlongüki miakola masangü mu lumingü (1--5), Yesu waniakisa koko kwasioka (6--11) warangula minlongüki ye waniakisa babingi (12--19), wakamba nsami va mongo (20--49).*

Kiakala lumbu kialumingü

lualanda luantete, yandi wavio-  
ka mu yinza, ye minlongüki  
miandi miabadika kola masangü  
ye miazokunamo mu moko ye  
miadia.

2. Bafalisea bankaka bavo-  
va: mu nki lueti vanga yaka-  
nukunu vanga mu lumingü?

3. Yesu wavutula ye wavo-  
va kwa yaü: kadi kaluatengi  
bwavanga Davidikoe, bukafwa  
nsatu ye bakala yandi?

4. Bonso bukakota mu nzo  
aNzambi ye wabonga mampa  
matensukwa ye wadia ye wa-  
vanamo kwa bakala yandi. Ma-  
mpa momo malenda diwa  
kwa zinganga kaka.

5. Yandi wavova kwa yaü:  
mwana amuntu imfumu alumi-  
ngü mpe.

6. Kiakala lumbu kialumingü  
luankaka yandi wakota mu nzo  
yalukutukunu ye walonga. Muna  
mwakala muntu wakala koko  
kwalubakala kwasioka.

7. Kansi minsoniki ye bafa-  
lisea bankenga, vo kaniakisa mu  
lumingü, kidi babaka büngü  
diakumfundila.

8. Yandi wazaya mabanza  
maü ye wavova kwa muntu  
wakala koko kwasioka: nangüka  
watelama mu monakanda! Ya-  
ndi wanangüka ye watelama.

9. Yesu wavova kwa yaü:  
mono ngina kuluyuvula vo bwe-  
na bwabiza mu vanga lekwa

kiambote vo lekwa kiambie, vo  
vükisa mwela vo mu büngisa-  
wo mu lumingü?

10. Yandi watala babonso-  
no ye wavova kwa muntu: lambü-  
la koko kwaku. Yandi wala-  
mbülako, ye koko kwandi kwa-  
niaka.

11. Kansi yaü bakala nga-  
nzi beni ye bamokasana mu  
lekwa kibakana vanga kwa Yesu.

12. Bwakala lumbu biabina  
yandi wabalüka mongo mu sa-  
mbila ye wäkieludulwa mu sa-  
mbila Nzambi.

13. Bukwa kia buna yandi  
watela nlongüki miandi mbila  
ye wasola kümi ye miole mi-  
bikwanga zintumwa mpe:

14. Simona ubikwanga Peto-  
lo ye Andela, impangi andi, ye  
Yakobi ye Yoane ye Filipino ye  
Balotolomeo

15. Ye Mateosi ye Tomasi ye  
Yakobi Alafei ye Simona ubi-  
kwanga Mavema

16. Ye Yuda, imwana aYa-  
kobi, ye Yuda imwisi Iskalio  
wanyeküla.

17. Yandi wakülümüka yaü  
ye watelama vakala nalengwa-  
lengwa. Vana vatelama kabü  
diaminlongüki miandi ye kabü  
diabantu diatuka mu nsi yamvi-  
mba yaYudaya ye mu Yelusa-  
lemi ye mu simü diaTilio ye  
Sidoni, ye bayiza mu wa yandi  
ye mu niakuswa kwa yandi.

18. Bakwamuswa kwa mpeve zansobo baniakuswa mpe.

19. Bantu babonsono batonta kumvalakana, kadi zingolo zavayka mu yandi ye zaniakisa babonsono.

20. Yandi wavümbüla meso kwa nlongüki miandi ye wavova: kiese kiena ye bantu bamputu, kadi kimfumu kiaNzambi kiena yaü.

21. Kiese kiena bafwanga nsatu bwabü, kadi yaü bana yuküta; kiese kiena ye badilanga bwabü, kadi yaü bana yangalala.

22. Kiese kiena yeno bantu bubakulubelanga ye bakuluvesunanga ye bakuludevanga ye bakübanga zinkümbü zeno nkievo zambi mu diambu diamwana amuntu.

23. Kina lumbu lukala kiese ye luyangalala, kadi tala, mu zulu mwena nsendo eno waiü-nene, kadi ibobo bwavanga mase maü kwa minkambi.

24. Kansi engwa yeno lubankwa miakimvwama, kadi lua-kitambudidi mbombolo eno.

25. Engwa yeno luena navavala bwabü, kadi luna fwa nsatu; engwa yeno luyangalanga bwabü, kadi luna kala kiadi ye dila.

26. Engwa yeno, bantu babonsono bubana kulusikanga, kadi bobo mpe bwavanga mase maü

kwa minkambi miamakutu.

27. Kansi beno luwanga mono ikuluvovele: lutondanga mintantu mieno, luvangila bakulubelanga bwambote!

28. Lusakümünanga bakulufinganga ye ludilanga bakuluwwezanga mvutu!

29. Ubendi nkome va mpükünia yimosi umbangümunina yankaka, vo muntu una kulomba dizwele unyambudila kinkuti mpe.

30. Wonso ukulombe umvana, ye bongele biaku kunlombani-bioko.

31. Bonso buluzolele vo bantu bana kuluvangila ibuna lubavangila mpe,

32. Vo lutondanga bakulutondanga, nki amatondo mena yeno? Kadi bankwa miamasümü mitondanga bakubatondanga mpe.

33. Vo luvanganga bwabiza kwa bakuluvangilanga bwabiza, nki amatondo mena yeno? Bankwa miamasümü mivanganga bobo mpe.

34. Vo lusompisanga kwa bantu balubanzilanga, vo bana futa, buna nki amatondo mena yeno? Bankwa miamasümü misompisanga kwa bankwa miamasümü mpe, kidi banabio vutudulwa.

35. Kansi lutondanga mintantu mieno ye luvanga bwambote ye lusompisanga kwa baluba-

nzilanga, vo kabanabio vutulako, ye nsendo waünene una kala yeno, ye luna kala bana bankwa akayengele, kadi yandi wena wanlembani kwa batondulanga ye bantu bambi.

36. Lufwilanga kiadi bonso bufwilanga seno kiadi.

37. Kalukongüdilaniko, kaluidi kongüdulwa, ye kalukongüdilani nkanuko, kaluidi kongüdulwa nkanu, luyambudila, ye yeno luna yambudulwa.

38. Luvana, silua vewa, tezo kiabiza kiakomwa ye kiazala beni siba kuluvana mu nkata zeno, kadi tezo kilutezilanga lunakio tezulwa.

39. Yandi wata ngana kwa yaü: nkwa afwa meso kalendi songa nkwa afwa meso nzilako, kadi babole kabana sotuka mu bulukoe?

40. Nlongüki kalutidi nlongi andiko, kansi babonsono bama-na longüka bafwanane ye nlongi aü.

41. Kansi bwe weti mona lufümfüta mu disu diampangi aku, kansi luvwambu mu diaku disu kumweniloko?

42. Bwe lenda vova kwa mpangi aku: yambula yakola lufümfüta mu disu diaku, kansi Ngeye kibeni kumweni luvwambu mu diaku disuko? Udisu kansi alukaya, teka kola luvwambu mu disu diaku mbo-

ki tala mu kola lufümfüta mu disu diampangi aku.

43. Kadi kamwenani nti wabiza ubutanga bana bambiko, ye kamwenani nti wambi ubutanga bana bamboteko.

44. Kadi minti miamionsono mina zayakana mu bana baü. Kabavelanga bana bakuyu mu zimpangako, ye kabavelanga bana bavinia mu nsolokotoko.

45. Muntu wabiza uvaykisinga lekwa biabiza mu lundulu kiabiza kiantima, ye muntu wambi uvaykisinga lekwa biambi mu lundulu kiambi, kadi nwa uvovanga yizedi mu ntima.

46. Kansi mu nki lukumbikanga mfumu, mfumu, kansi kaluvanganga yiivovangako?

47. Wonso una kwiza kwa mono ye wa mambu mami ye vangamo ngina kulusonga muntu ukafwanane.

48. Yandi fwanane ye muntu watima bulu diampinda ye wasa lufulu va tadi bukatunga, kansi nküka buyayiza ye mwila wakakama mu nzo, buna bialembana nzo, kadi yaü yato-ma tungwa.

49. Kansi uwanga ye kavanngamoko fwanane ye muntu watunga nzo andi vantoto ye katima lufulukoko, ye nküka yayiza mu yaü. Yaü intumbu tuluka ye ntulukulu anzo yoyo yayiniene.

## Kapu 7.

*Yesu waniakisa sielo kianküluntu abinwani (1—10), wafulukisa ditoko mu Naini (11—17), Yoane Mbotiki wafidikisa nsamii kwa Yesu (18—23), Yesu wata Yoane kwa bantu (24—30), walubula bantu badimbu-la minu (31—35), wakota mu nzo amfalisea (36—50).*

Bukamana zinküngü zandi zazonsono kwa bantu badimba, yandi wayenda ku Kapalenamu.

2. Nküluntu abinwani wakala sielo kikatonda beni. Kiaü kiakala yela ye kiakatwa fwa.

3. Bukawa mu Yesu, yandi wafidisa baküluntu babayudayo kwa yandi mu yuvula yandi kiiiza niakisa sielo kiandi.

4. Kansi bubaluaka, yaü bandleba mu nswalu ye bavova: yandi fwanane mu vangulwa bobo,

5. Kadi yandi tondele bantu beto ye watutungisidi nzo yalukutukunu.

6. Yesu wayenda yaü. Kansi bukakiluakila lukufi ye nzo, buna nküluntu abinwani wafidisa baküdi mu vova: Mfumu, kuvivangani mpasiko, kadi kifwaniko vo Ngeye una kota kunsianludi ami.

7. Nkiangunu mono kiele mono kibeni kwa Ngeyeko, kansi vova diambu ye sielo kiamikina niaka.

8. Kadi mono mpe imuntu utumamananga zingolo zangana ye ngiena binwani. Bumpovele

kwa kimosi: wenda, kiaü kiele, ye bumpovele kwa kiankaka: wiza, kiaü kiizidi, ye bumpovele kwa sielo kiami: vangakio, kiaü kivengikio.

9. Yesu bukawa bobo yandi wayitukwa mu yandi ye wabangümüka kwa bantu banama ye wavova: mono ikuluvovele kiamweni minu kiokio nkutu mu Isaleliko.

10. Bafiduswa bavutuka ku nzo ye bamona sielo kiniekl.

11. Kiakala lumbu kialanda, yandi wayenda ku vata, nkümbü avata Naini, ye bayenda yandi, minlongüki miandi miamingi ye bantu babingi.

12. Kansi bubafinangana ye mwelo avata, tala, mvümbi yanatwa, imwana umosi ye ngüdi andi ifwola, ye bisi vata babingi banama yandi.

13. Mfumu bukamona fwola, yandi wafwiladio kiadi ye wavova kwa diaü: kudilaniko!

14. Yandi wavioka ye wavalakana kibanatina mvümbi, ye banata basimpama. Yandi wavova kwa toko: mono ivovele: telama!

15. Wafwa wavümbüka ye wabadika vova. Yesu wamvana kwa ngüdi andi.

16. Wonga wabwila babonso-no, ye yaü bazitisa Nzambi ye bavova: nkambi waünene walueki kwa yeto, ye Nzambi wabümini kwa bantu bandi.

17. Diambu diodio diatengü-ka mu yandi mu nsi yamvimba yaYudaya ye mu nsi yakimfini.

18. Nlongüki miaYoane mi-nkamba yina yayonsono.

19. Yoane watela nlongüki miandi miole mbila ye wafidisamio kwa Mfumu mu vova: Ngeye indiena una kwiza, vo tuna vingila wankake?

20. Kansi bantu bubaluaka kwa yandi, yaü bavova: Yoane Mbotiki utufidisi kwa Ngeye mu vova: Ngeye indiena una kwiza, vo tuna vingila wankake?

21. Yina ntangu yandi waniakisa babingi mu biana ye miangala ye mpeve zambi, ye babingi hafwa meso bamweswa kwa yandi.

22. Yandi wavutula ye wavova kwa yaü: luenda luakam-ba Yoane yilumweni ye yiluwilu: bafwa meso bamonanga, bafwa malu badiatanga, bankwa miabwazi beveduswanga, bafwa matu bawiswanga, bafwa bafulukanga, bantu bamputu bakambwanga nsamü wambote.

23. Kiese kiena muntu ulembolo kumfwemina.

24. Kansi ntumwa zaYoane buzayenda, buna yandi wabadika bika Yoane kwa bantu: nki luayenda tala mu nsi yankatu? Kani nkawa utembuswanga kwa mpevie?

25. Kansi nki luayenda mo-

na? Muntu uvwatanga nlele mia-bize? Tala, bavwatanga nlele mia-biza ye batanga kindiafu bena mu zinzo zamfumu.

26. Kansi nki luayenda mona? Nkambie? Inga, mono ikuluvovele: lutidi mu nkambi mpe.

27. Yandi endiowo wasonukunwa: tala, mono ngina fidisa mpofi ami kuntuala azizi kiaku. Yaü yina kubika nzila 'ku kuntuala 'ku.

28. Mono ikuluvovele: mu bana babutwa kwa bakento kamwenani nkambi ulutidi Yoane mu neneko. Kansi wena waüke mu kimfumu kiaNzambi lutidi yandi.

29. Bantu babonsono banwa ye mimvaküsi mianungisa Nzambi ye babotukwa mu mbotokolo aYoane.

30. Kansi bafalisea ye minlongi miamina bavweza ndubudulu zaNzambi kwa yaü ye kabotukwa kwa yandiko.

31. Kansi mu nani ngina fwanikisa bantu bena mbandu yayi? Yaü hafwanane ye nani?

32. Yaü hafwanane ye zintaudi zivwandanga va zandu ye zibokasananga ye zivovanga: tusikidi mpüngi akulumeta kwa yeno, kansi kalukininiko, tudididi kansi kalutambudidiko.

33. Kadi Yoane Mbotiki wazizidi ye kadianga mampako yekanwanga viniako; kansi luvo-



vele: mpeve yambi yena yandi.

34. Mwana amuntu wayizidi ye udianga ye unwanga, kansi luvovele: tala, nkwa akindiafu, nwe avinia, nkūdi amimvakūsi ye bankwa miamasumū.

35. Nduka zinunguswanga kwa bana baū babonso.

36. Mfalisea wanyuvula kenda yandi mu dia. Bukaluaka ku nzo andi, yandi wavwanda ye meza.

37. Tala nkento, inkwa amasumū wakala mu vata. Nkento bukazaya, vo Yesu vwendi va meza mu nzo amfalisea, waū wabonga bwelo kiamila,

38. Ye watelama kunima amalu mandi ye wadila ye wabadika bodisa malu mandi mu mansangasa ye wakūngūnamo mu nsuki zandi ye wafibuzula malu mandi ye wakūsamo mila.

39. Kansi mfalisea wanlanda bukamonabo, yandi wavova mu ntima 'ndi: ndieu vo inkambi, nga zaydi kwandi mu kedika, vo nkento una weti kumvalakana inkwa amasumū.

40. Yesu wavutula ye wavova kwa yandi. Simona, diambu diena yami mu kambakwa Ngeye. Yandi wavova: nlongi, na-te kwaku.

41. Muntu wavwa bantu bole mfuka. Yandi wavwa umosi mfuka nkama zitanu zabivanza, ka-

nsi wankaka makumatanu.

42. Kansi bubakondwa kiamfutula, yandi wabayambudila babole, buna nani una luta kuntonda?

43. Simona wavutula ye wavova: nanga ndiena wayambudulwa mfuka yayinene. Yandi wavova kwa yandi: Ngeye to-mene zenga mambu.

44. Buna yandi wabangūmūka kwa nkento ye wavova kwa Simona: tala nkento waū. Mono nkotele mu nzo aku, kumpeni nlangi mu malu mamiko, kansi waū ubodese malu mami mu mansangasa ye kūngūnimo mu nsuki zandi.

45. Ngeye kumfibidiko, kansi waū kasi nkotele kayambudi fibuzula malu mamiko.

46. Ngeye kumpeni mazi mu kūsa ntu amiko, kansi waū kūsidi malu mami mu mila.

47. Nkiangunu mono ivovele: waū uyambudulu masumū mamingi, kadi utondele kwakwingi, kansi yambudulu mafiuma tondele safiuma.

48. Yandi wavova kwa nkento: masumū maku mayambulu.

49. Bavwanda vana babadika vovasana: ndieu inani uyambudilanga masumū mpe.

50. Kansi yandi wavova kwa nkento: minu kiaku kikulaludi, wenda mu yenge!

## Kapu 8.

*Yesu wazieta mu Ngakilea (1—3), wata ngana mu mambu maNzambi (4—15), mambu maNzambi ikia (16—18), mbuta ye mpangi zaYesu (19—21), Yesu wadingimisa tembo (22—25), wavaykisa mpeve zansobo (26—39), waniakisa nkento wakala nkiübi ye wafulukisa mwana waYailo (40—56).*

Buna bwakala Yesu wazieta mu mavata ye bimpata mpata ye wakamba nsamü wambote wakimfumu kiaNzambi. Kümü ye minlongüki miole miakala yandi.

2. Bakento bankaka bania-kuswa mu zimpeve zambi ye kindakana. Malia ubikwanga Mangadalene wavaykusulwa mpeve nsambodia.

3. Ye Yohana, inkento aKusa, inküluntu alekwa biaElodesi, mboki Susana ye bakento bankaka babingi bansadila mu zimbongo zaü.

4. Bantu babingi bubakutakana ye bantu mu mavata mamonsoo bubayenda kwa yandi, yandi wata ngana:

5. Nküni wayenda küna ntombo zandi. Bukakana küna, buna zankaka zasotuka vasambwa nzila ye zadiatwa ye zinuni zazulu zadiazo.

6. Zankaka zasotuka va tadi ye buzasomba, buna zayuma, kadi kazakala nlanguko.

7. Zankaka zasotuka mu zi-

mpanga, ye zimpanga zamena ye zaü zavondazo.

8. Zankaka zasotuka mu ntoto wena navüdudu ye zasomba ye zabuta mbongo nkama nkama. Bukamanawo vova, yandi waboka: wena matu bika kawa!

9. Kansi minlongüki miandi mianyuwula bonso bwenina ngana yoyo.

10. Yandi wavova: yeno lua-vewa, kidi luazaya mambu mansweki makimfumu kiaNzambi, kansi bankaka mu zingana kabidi mona bubeti mona, kabidi visa bubeti wa.

11. Kansi ngana iyayi: zintombo imambu maNzambi.

12. Zasotuka vasambwa nzila iyaü hawanga, buna Satana ukwizanga mu katula mambu mu mintima miaü, kabidi leka minu ye lalulwa.

13. Zasotuka va tadi iyaü batambulanga mambu mu kiese bubawangamo. Yaü kabena mianziko, kansi balekanga minu lumbu bikwa, buna mu lumbu biavükümünwa bayambulangamo.

14. Zasotuka mu zimpanga iyaü bakiwilanga, mboki bakatukanga ye babüngwanga kwa kiadi ye kimvwama ye luyangu-lu luamoyo ye bafühisa ndandu.

15. Zasotuka mu ntoto wena navüdudu iyaü bakiwilanga mambu, buna bakebangamo mu mintima miabiza ye mianbote ye

bavangana ndandu mu luvibudulu.

16. Kansi muntu ukikwikidi mwinda, kanawo sweka kansi afoyako ye kanawo tula kansi akialutuko, kansi unawo tula mu kebolo kiamwinda, kidi bana kota bamona kia.

17. Kadi kamwenani lekwa kiaswekwa kina lembwa monika-ko, ye kamwenani lekwa kiazimbakana kina lembwa zayakana ye kwiza mu kiako.

18. Nkiangunu lutala bulueti wa, kadi wonso bakidi una vewa, ye lembolo baka una zionwa mpe yiketi banza, vo yena yandi..

19. Mbuta 'ndi ye zimpangi zandi bayenda kwa yandi, kansi balembana luaka kwa yandi mu diambu diabantu.

20. Kansi yandi wakambwa: mbuta 'ku ye mpangi zaku hatelamene kumbazi ye bazolele kumona.

21. Yandi wavutula ye wawova kwa yaü: mbuta 'mi ye mpangi zami iyaü bawanga mambu maNzambi ye bavanganga-mo."

22. Kiakala lumbu kimosi, yandi wakülümüka mu bota ye minlongüki miandi ye wavova kwa miaü: bika tuasabüka ku-na simü. Miaü miabadika sabüka.

23. Bumiasabüla, yandi waleka. Tembo kiayiza mu zanga

ye bota kiafuluka kwa nlangu, ye miaü miamona nsisi.

24. Miaü miayenda kunsikimisa ye miavova: Mfumu, Mfumu, situa büngana. Kansi yandi watelama ye wavümisa tembo ye zimbüla zanlangu, ye biaü biavonga ye mwakala napi.

25. Kansi yandi wavova kwa miaü: minu kieno kwe kiena? Miaü miatina ye miayitukwa ye miavovasana: kadi ndieu inani ukambanga bitembo ye nlangu, ye biaü bikuntumamananga?

26. Yaü basabüka ku nsi aNgeleseno yitalane ye Ngalilea.

27. Bukatombüka va nseke, buna muntu wankika. Muntu wowo watuka mu vata ye wakala mpeve zambí ye lumbu yayingi kavwata nleleko ye kakala mu nzoko kansi mu zindiamu.

28. Bukamona Yesu, yandi waboka ye wafukama kwa yandi ye wavova mu ndinga yayinene: Yesu mwana aNzambi vana kayengele, beto yaku nki kiantuadi tuena, ilebele kunkwamisaniko.

29. Kadi yandi wakamba mpeve yansobo yavayka mu muntu, kadi yaü yanzietisa ntangu zazingi. Yandi wakangwa mu luvambu ye mbienga ye wake-ngwa, kansi yandi wadaüna bikakangulwa ye wakübwa kwa

mpeve yambi ku nsi yankatu.

30. Yesu wanyuvula ye wavova: nkümbü aku nani: yandi wavova: Lengio, kadi mpeve zazingi zambi zakota mu yandi.

31. Zau zanleba, kidi kafidisazo ku nkadi ampembako.

32. Kansi vana mongo vakala kabü beni diazingulu diadila vana. Zau zanleba kidi kafidisazo zakota mu zingulu. Yandi wayambulazo.

33. Zimpeve zambi zavayka mu muntu ye zakota mu zingulu. Kabü diazingulu diahianzuka va luzuba luamongo ku zanga ye diafwa mu nlangu.

34. Kansi bavungazo hubamona buvengo, batinina ku vata ye bakambawo mu vata ye mu mavia.

35. Yau bayenda mu mona buvengo ye bayenda kwa Yesu ye bamona muntu uvaykusulu mpeve zambi vo uvweti minlele ye ulukidi ye uvwendi va malu ma Yesu, buna yau bakala wonga.

36. Bamonabo bahakamba, bonso bwaniakuswa muntu wakala mpeve zambi.

37. Bantu babonsono bansi angeleseno banleba kakatuka mu yau, kadi yau babwilwa wonga wangolo. Yandi wakota mu bota ye wavutuka.

38. Kansi muntu wavaykusulwa mpeve zambi wanlomba

kanyambula kakala yandi, kansi yandi wavova:

39. Vutuka ku nzo aku ye kamba bonso buvangidi Nzambi. Yandi wayenda samuna bwamvangila Yesu mu vata diamvimba.

40. Bwakala Yesu bukavutuka, bantu bantambula, kadi babonsono bamvingila.

41. Tala, muntu, nkümbü andi Yailo, inkuluntu anzo yalukutukunu, wayiza ye wafukama va malu ma Yesu ye wanleba kenda ku nzo andi;

42. Kadi yandi wakala mwana umosi wankento wakala kümi ye mvu miele, ye wau wakala mu fwa. Kansi bubayenda bantu bamfietikisa.

43. Mwakala nkent owakala nkübü kümi ye mvu miele. Yandi wafükisa mbongo zandi zazonsono mu mimbüki, kansi kaniakuswa kwa muntuko.

44. Yandi wayiza kumanima ye wavalakana nsoso anlele andi, buna nkübü intumbu lembwa.

45. Yesu wavova: umpalakene inani? Bahonsono bubakala, buna Petolo ye bayandi bavova: nlongi, bantu bafietekese ye bananamene.

46. Kansi Yesu wavova: muntu umpalakene, kadi nzaydi vo ngolo zivaykidi mu mono.

47. Nkento bukamona vo walemkana swama, buna wau wayiza ye wazakama ye wafukama

ya yandi ye wakamba kwa ba-  
u babonsono bila kikamvala-  
anana, ye bonso bukaniakina  
wawalu.

48. Yandi wavova kwa nke-  
nto: mwana, minu kiaku kiku-  
niakisi, wenda mu yenge.

49. Bukavova, buna muntu  
wanküluntu anzo yalukutukunu  
wayiza ye wavova: mwana ku  
ufwidi, kukwamisani nlongi dia-  
kako.

50. Kansi Yesu bukawawo,  
yandi wavutula kwa yandi: ku-  
tinaniko, leka minu kaka, wau  
una vüka.

51. Bukakota mu nzo, yandi  
kayambula muntu kenda yandi-  
ko, kansi Petolo ye Yoane ye Ya-  
kobi ye se diamwana ye ngüdi.

52. Babonsono badila ye ba-  
banda zintulu mu mwana. Ka-  
nsi yandi wavova: kaludilaniko;  
wau kaufwidiko kansi ulele.

53. Yau bambeka nkiadi ka-  
di bazaya vo ufwidi.

54. Kansi yandi wasimba ko-  
ko kwamwana ye waboka ye  
wavova: mwana, telama!

55. Mpeve andi yavutuka, ye  
wau intumbu telama. Yandi wa-  
kamba bamvana dia.

56. Sandi ye ngüdi andi ba-  
yitukwa beni. Kansi yandi wa-  
bakamba: kalukambani buvengo  
kwa muntuko.

## Kapu 9.

Yesu wafidisa nlongiki miandi  
(1—6), *Elodesi wakala nayedyedi*  
*mu Yesu* (7—9), *Yesu wadikila ma-*  
*funda matanu mababakala* (10—17),  
*Petolo wata kimbangi mu Yesu* (18—  
22), *mpasi zabanamanga Yesu* (23—  
27), *Yesu wazituswa* (28—36), *wa-*  
*niakisa muntu wakala mbikulu anga-*  
*nda* (37—42), *wakamba kwama kwa-*  
*ndi* (43—45), *wasonga wonso wena*  
*waiine* (46—50), *divata dia Sama-*  
*lia kadiazole tambula Yesuko* (51—  
56), *ndamunu a Yesu* (57—62).

Yandi watela kümi ye nlo-  
ngiki miele mbila ye wavana-  
mio zingolo ye tulendo mu mpe-  
ve zazonsono zambi ye mu nia-  
kisa biana.

2. Yandi wasindikamio mu  
samüna kinfumu kia Nzambi  
ye mu niakisa.

3. Yandi wavova kwa miaü:  
kalunatani kiuma mu nzilako,  
kankawako, kankutuko, kadiako,  
kabivanzako, kalukalani mvwa-  
tu mieleko.

4. Yonso nzo yiluna kota, lu-  
kala muna ye muna lunangüki-  
na.

5. Bonso bana lembwa kulu-  
tambula, lukatuka mu vata dina  
ye lukübula mfümfuta mu malu  
meno mu kimbangi kwa yau.

6. Miaü miayenda ye miazie-  
ta mu mavata ye mavata ye  
miakamba nsamü wambote ye  
mianiakisa mwamonsono.

7. Kansi Elodesi inyadi wa-

wa yayonsono yawangwa ye wakala nayedyedi, kadi bantu bankaka bavova: Yoane wafulukidi mu bafwa,

8. Kansi bankaka vo: Elaya wamonekene; bankaka vo: nkambi wankülu wafulukidi.

9. Kansi Elodesi wavova: mono yazakisa kwami ntu a Yoane, kansi ndiowo uyawilu yina yayonsono inani? Yandi wato-nta mona yandi.

10. Kümü ye zintunwa zole zavutuka ye zankamba yonso yizavanga. Buna yandi wanatazo ye wayenda ku nenga ku vata dibikwanga Betesaida.

11. Bantu bubazayabo, buna banama yandi. Yandi wabatambula ye wabamokina mu kimfumu kia Nzambi ye waniakisa bakala nsatu aniakuswa.

12. Kansi lumbu kiabadika mana ye kümi ye nlongüki miole miayenda ye miavova kwa yandi: sindika bantu, kidi benda ku mavata mena kimfini ye kuna zinzo mu leka ye baka dia, kadi mwanü mu nsi yankatu tuena.

13. Yandi wavova kwa miaü: lubavana kwenö dia! Miaü miavova: tubakidi mampa matanu ye mbizi zole zanlangu kaka, nanga situenda sumbila bantu baba babonsono dia.

14. Yaü balunga kanivo mufunda matanu mababakala. Kansi yandi wavova kwa minlongü-

ki miandi: lubavwandisa mabudi makümatanu matanu.

15. Miaü miavangabo ye miavwandisa babonsono.

16. Yandi wabonga mampa matanu ye mbizi zole zanlangu ye wasendula meso ku zulu ye wasakümünabio ye wabüküna ye wavana kwa minlongüki, kidi miavana bantu.

17. Babonsono badia ye bayuküta, ye mansadusulwa mabasisa mayonzukwa kümiyempidi zole.

18. Vakala bukasambila yandi kwandi kaka, minlongüki miandi miakala yandi, buna yandi wayuvulamio ye wavova: bantu bavovele vo mono inani?

19. Miaü miavutula ye miavova: Yoane Mbotiki, kansi bankaka vo: Elaya, bankaka vo: nkambi wankülu wafulukidi.

20. Yandi wavova kwa miaü: kansi yeno luvovele, vo mono inani? Petolo wavutula ye wavova: Kilisto inkwa wa Nzambi.

21. Kansi yandi wakanikinamio beni, kamidiwo kamba kwa muntu.

22. Kansi yandi wavova: mwana amuntu una lungwa kwäkwingi ye kübwa kwa bangüdi zabantu ye kwa bangüdi zanga-nga ye minsoniki ye vondwa, ye mu lumbu kiantatu una fuluka.

23. Kansi yandi wavova kwa babonsono: vo muntu zolele nama

ku nima 'mi bika kakikadila ye kabonga kulunsi diandi lumbu kalumbu ye kundama,

24. Kadi wonso uzolele vū-kisa mwela 'ndi unawo vidisa, kansi uvidisa mwela 'ndi mu diambu diami yandi unawo vūkisa.

25. Kadi muntu bwe sika toma nitu, vo vengi nza yamvimba ndandu, kansi sika kuki-būnga vo kukividisa?

26. Kadi wonso ufwidi nsoni mu mono ye mu mambu mami, yandi una fwa nsoni kwa mwana amuntu, buuna kwiza mu nzi-tusu andi ye dise ye zimpofi zanlongo.

27. Kansi mu kedika mono ikuluvovele: bankaka bena yeno batelamene vava kabana bimba lufwako nate ye bana mona kimfumu kiaNzambi.

28. Vakala bukamana mambu mana, mboki kani nani dialumbu, buna yandi wanata Petolo ye Yakobi ye Yoane ye wabaluka vana mongo mu sambila.

29. Kansi vakala bukasambila, buna ntadulu azizi kianti yaviluka, ye mivwatu wandi wacema ye wampembe.

30. Tala, bantu bole bamoka yandi, iMose ye Elaya.

31. Yaū bamonika mu nzi-tusu ye bamoka yandi mu lukatukulu luandi lukakana katukila mu Yelusalemi.

32. Kansi Petolo ye bayandi bavwenzila kwa tulu, kansi bubamana sikama, bamona nzi-tusu andi, ye babakala bole batelamene yandi.

33. Bubavambana ye yandi, buna Petolo wavova kwa Yesu: nlongi, vambote vena vo tuena vava. Yeto tuna tunga mafwokula matatu, dimosi kwa Ngeye, dimosi kwa Mose, dimosi kwa Elaya. Yandi kazaya bikavovako.

34. Kansi bukavovawo, buna dituti diayiza ye diabafūka. Yaū bakala wonga, bubamona vo bakotele mu dituti.

35. Mu tuti mwakala ndinga yavova: wowo imwana 'mi wazolwa, ludimbawo.

36. Ndinga buyayiza, buna bamona Yesu kwandi kaka. Yaū badingama, ye bina lumbu kabakamba muntu lekwa kibamonako.

37. Kiakala lumbu kialanda, bubakūlūmūka mu mongo, bantu babingi bankika.

38. Tala, muntu wakala mu kabū waboka ye wavova: nlongi, ilombele, tala mwana 'mi wabakala, kadi imwana 'mi umosi kwandi.

39. Tala, mpeve yisimbangawo, buna intumbu bokanga ye yituntumūnangawo nate ye mafufufulu mavaykanga ye yika.

tukilanga mu mpasi ye yitukuzuaangawo.

40. Mono ngiuvudingi nlongiki miaku, kidi miavaykisayo, kansi milembanengeyo.

41. Yesu wavutula ye wavova: mbandu yikondolo minu ye yaviluzuka; lumbu kwa ngina kala yeno ye kuluvibidila? Tuala mwana ku vava.

42. Kansi bukayiza mpe, buna mpeve yambi yantuntumuna ye yankoninika. Yesu wakanikina mpeve yansobo ye waniakisa mwana ye wavutulawo kwa sandi.

43. Babonso bakala wonga mu nzitusu aNzambi. Babonso bubayitukwa mu yayonso yavanga Yesu, buna yandi wavova kwa nlongiki miandi:

44. Lulokisa mambu momo mu matu meno, kadi mwana amuntu una yekulwa mu moko mabantu.

45. Kansi miau kamiavisa nkungu zozoko, kadi zau zakala zansweki kwa miau kamidizo zaya, ye miau matina kunyuvula.

46. Mabanza makala yau: buna tuena wonso walutidi mu nene.

47. Yesu wamona mabanza mantima miau ye watela mwana mbila ye watulawo va lueka

48. Ye wavova kwa miau: wonso utambudi mwana wau

mu nkumbu ami, yandi untambudi, ye untambudi tambudi wamfidisa, kadi wonso ulutidi mu yeno mu ke, yandi una kala wainene.

49. Yoane wavutula ye wavova: nlongi, tuamweni muntu wavaykisi mpeve zambi mu nkumbu aku. Yeto tuankanikini, kadi kakutunamangako.

50. Kansi Yesu wavova kwa yandi: kalukanikinaniko, kadi wonso ulembolo kulukakila wena yeno.

51. Vakala lumbu biambalukulu andi bubiamana, yandi watilama mu kwenda ku Yelusalemi.

52. Yandi wafidisa ntumwa kuntuala. Zau zayenda ye zalua-ka ku vata diabisi Samalia, kidi zantombila nzo.

53. Yau kabantambulako, kadi wayenda kuna Yelusalemi.

54. Minlongiki Yakobi ye Yoane bumiamonabo, miau mavova: Mfumu, vo zolele, situa sotukisa tiya mu zulu mu kubabunga?

55. Yandi wabangumuka ye wakanikinamio.

56. Yau bayenda ku vata diankaka.

57. Bubayenda mu nzila, buna muntu wavova kwa yandi: ngina kunama konso kuuna kwenda.

58. Yesu wavova kwa yandi:



zimbulu zena mabulu ye zinuni zena mazanza, kansi mwana amuntu kabakidi kikana yekika ntu andiko.

59. Yandi wavova kwa muntu wankaka: undama! Kansi yandi wavova: ungiambula yateka kwenda diamisa sami.

60. Yandi wavova kwa yandi: bika bafwa bazika bayaü bafwa, kansi Ngeye, wenda kwaku mu samüna kimfumu kiaNzambi.

61. Muntu wankaka wavova mpe: Mfumu, sia kunama, kansi ungiambula yakamba malembe kwa bena mu nzo ami.

62. Yesu wavova kwa yandi: wonso usimbidi nsengo ye mboki tedi kumanima, kafwanane mu kimfumu kiaNzambiko.

### Kapu 10.

*Yesu wafidisa lusambodia luamilonküki (1—16), miaü miavutuka (17—20), Yesu wazitisa sandi (21—24), mvisi. Samalia wanlemro (25—37), Yesu wabumina mu nzo aMalata ye Malia (38—42).*

Mboki Mfumu wasola lusambodia luamilonküki diaka ye wafidisamio miale miale kuntuala ku mavata mamonsoyo ye müma mwamonsoyo mukakana kwenda.

2. Yandi wavova kwa miaü: mbongo yena yayinene, kansi bisadi biafiuma, nkiangunu luyuvula kwa mfumu ambongo kafidisa bisadi mu mbongo andi.

3. Luenda! Tala, mono ilufidisi nkievo mameme mu nkati abimbüngü.

4. Kalunatani lukobe luabivanzako, kankutuko, kansampatuko, kalukambani malembe kwa muntu mu nzilako.

5. Kansi yonso nzo yiluna kota luteka vova: yenge kwa nzo yayi.

6. Vo muna mwena mwana ayenge, buna yenge kieno kina kalamu waü, kansi vo mwankatu, kiaü kina vutuka kwa yeno.

7. Lukala mu nzo yoyo ye ludia ye lunwa biena yaü, kadi sadi kifwanane ye mfutu andi. Kaluendani mu zinzo ye zinzo ko.

8. Dionso vata diluna kota ye tambulwa kwa yaü, ludia biluna vewa.

9. Luniakisa bena yela mu na ye luvova kwa yaü: kimfumu kiaNzambi kifinangene ye yeno.

10. Kansi dionso vata diluna kota ye lembwa tambulwa, luvayaka mu nzila zavata diodio ye luvova:

11. Mfümfüta nkutu zinanamene mu malu meto mu vata diono tulukübüdidizo, kansi nazayino kweno, vo kimfumu kiaNzambi kifinangene.

12. Kansi mono ikuluvovele, vo Sodoma dina kala diabiza

mu kina lumbu ye vata diodio diambi.

13. Engwa, Ngeye Kolazini, engwa, Ngeye Betesayda, kadi vo mu Tilo ye Sidoni mwavangwa tulendo tuavengo mu yeno, nga maũ ntama bavwendi mu makũba ye ntoto ampolo ye bavi-luti madiela.

14. Kansi bukina kongũdu-lwa, buna Tilo ye Sidoni mana kala mabiza ye yeno mambi.

15. Ngeye Kapelenamu wabalulu nate ye dizulu, Ngeye una kululwa nate ye nkadi ampe-mba.

16. Wonso una kuluwaungwi-lu, una kulutungũdila untungũdidi, kansi untungũdidi tungũdidi wamfidisa.

17. Lusambodia luaminlongũki luavutuka ye kiese ye luavova: Mfumu, zimpeve zambi nkutu zikututumamananga mu nkũmbũ aku.

18. Yandi wavova kwa miaũ: yamweni Satana wasotokene mu zulu nkievo luvezomo.

19. Tala, mono yaluvani zingolo zadiatila zinioka ye zinkutu ye tulendo tuatonsono tuantantu ye lekwa nkutu kakina kuluva-nga bũmako.

20. Kansi kaluyangalalani mu diambu diodioko, kansi luyangalala, kadi zinkũmbũ zeno zasonwa zena muzulu.

21. Yina ntangu Yesu wayangalala mu Mpeve Yanlongo ye wavova: se, mono ikusikanga, uMfumu azulu ye ntoto, kadi Ngeye waswekeleyoyo kwa bantu banduka ye baluenga ye wazay-kisiyo kwa bana, inga se, kadi bobo bwenina luzolo luaku lubiza.

22. Yandi wabangũmũka kwa minlongũki miandi ye wavova: mono yavewa yayonso-sona kwa sami, ye muntu kazaydi wonso imwanako, kansi se kaka, ye wonso iseko, kansi mwana kaka. Mwana uzaykisangabo kwa wonso ukazolele.

23. Yandi wabangũmũka kwa minlongũki ku nenga ye wavova: kiese kiena ye meso mamonanga yilumonanga.

24. Kadi mono ikuluvovele, vo minkambi miamingi ye zimfumu bazola mona yilumonanga, kansi kabamonayoko, ye bazola wa yiluwanga, kansi kabawayoko.

25. Tala, nlongi amina watelama mu kumvũkũmũna ye wavova: nlongi, nki ngina vanga, kidi yavingila moyo ukamani?

26. Yandi wavova kwa yandi: mu mina nki mwasonono, ye bwe utangangamio?

27. Yandi wavutula ye wavova: Ngeye siwa tonda Mfumu

iNzambi aku muntima 'ku wamvimba ye mu mwela 'ku wamvimba ye mu zingolo zaku zazonsono ye mu diela diaku diamvimba ye tonda nzika 'ku bonso Ngeye kibeni.

28. Yandi wavova kwa yandi: Ngeye tomene vutula. Vanguabo, siwa vümuna mpe.

29. Kansi yandi wazola kufongisa ye wavova kwa Yesu: kadi nzika 'mi yinani?

30. Yesu wata ngana: muntu wakülümükini mu Yelusalemi ye wayele kuna Yeliko ye wabwilulu kwa mintani. Miaü miamvudidi nlele ye miambendi ye miaye ye miansisidi, buka-kedi luküfi ye fwa.

31. Vakala nganga yakülümükini nzila yina, ye buhayitukulu muntu, yandi waviokele.

32. Levayta mpe wavingane vana ye wayele kuntala ye waviokele.

33. Kansi mwisi Samalia wanyendekele nzila yina ye wayele kwa yandi. Bukamweni muntu, yandi wamfwididi kiadi

34. Ye wayele viaka biwa biandi ye wambüküdidi mazi ye vinia ye wanzangikidi va ntandu ampünda 'ndi ye waneti yandi ku nzo azinzenzaye wambedese.

35. Lumbu kialendi yandi wahongele vanza birole ye wavenibio kwa mfumu anzo ye wa-

vovele: umbedisa! Kionso kiankaka kiuna kumfutila nginakio kuvutudila.

36. Baü batatu, nani weti bänza vo inzika amuntu wowo wabwilulu kwa mintani?

37. Yandi wavova: ndiena wanlemvokele. Yesu wavova kwa yandi: wenda kwaku mpe wavanga bobo.

38. Bwakala bukakangala, yandi waluaka mu vata. Muna nkento, nkümbü andi Malata, wantambula mu nzo andi.

39. Malata wakala mpangi, nkümbü andi Malia. Yandi mpe wavwanda va mbela amaluma-Yesu ye wawa mambu mandi.

40. Kansi Malata watatamana mu kbasadila. Yandi wayenda ye wavova: Mfumu, siwa vibidila, vo mpangi ami yina kungiambudila salu kiamvinbe? Unkamba kansadisa!

41. Mfumu yavutula ye yavova: Malata, Malata, Ngeye wena kiadi ye weka ntelantela mu lekwa yayingi.

42. Kansi lekwa kimosi kina kiakinene. Malia solele ndambu yabiza yikana lembwa zionwa.

## Kapu 11.

Yesu walanga nlongiki miandi zamhila (1-13), wawankisa mpere yambi (14-26), wasikwa kwa nkento

(27—28), *wayimina bantu mangu*  
(29—36), *wadia mu nzo amfalisea*  
(37—53).

Vakala bukakala vūma mu sambila, buna nlongūki andi mosi wavova kwa yandi, bukalem-bwa: Mfumu, utulonga sambila, bonso bwalonga Yoane minlongūki miandi sambila.

2. Yandi wavova kwa miaū: bulusambilanga luvova bwabū: Se, bika nkūmbū aku yavangūlwa ye kimfumu kiaku kiiza!

3. Utuvana dia kweto lumbu kalumbu.

4. Utubikila masumū meto, kadi yeto mpe tubikilanga baktuvodilanga diambu. Kututua dikisani mu vūkūmūnwako.

5. Yandi wavova kwa yaū: buna luena, vo muntu wena nkūndi ye una kwenda kwa yandi mu ndingu ansi ye vova kwa yandi: unsompisa mampa mata-tu,

6. Kadi nkūndi ami tukidi mu nzila ye wizidi kwa mono, ye kibakidi kingina kundikilako;

7. Kansi ndiena wena mu ngūdi una vutula ye vova: kuntedimisaniko, mwelo ukibindukulu, ye bana bami bena yami va ntanda, kilendi telama mu kuvanamoko.

8. Mono ikuluvovele: vo kana telama mu kumvanamo mu diambu diakikūndiko, yandi una telama mu kumvana yonso yi-

kena nsatu mu diambu diakondwa kwa nsoni.

9. Nkiangunu mono ikuluvovele mpe: lulomba, ye yeno luna vewa; lutomba, ye yeno luna mona; lukūnkūta, ye yeno luna zibūdulwa.

10. Kadi wonso ulombanga una tambula, ye utombanga una mōna, ye ukūnkūtanga una zibūdulwa.

11. Buna luena, nki ase dina vana mwana 'ndi tadi, vo waū una lomba dimpa? Vo una lomba mbizi anlangu, kadi si-dia lendawo vana nioke?

12. Vo waū una lomba diaki, kadi dina vanawo nkutue?

13. Nkiangunu vo yeno lue-na bambi luzaydi vana bana beno lekwa yabiza, buna vele se diadizulu dina luta mu vana Mpeve Yanlongo kwa banayo kunlomba.

14. Yandi wavaykisa mpeve yambi. Yaū yakala baba, kansi mpeve buyavayka, baba diavova ye bantu bayitukwa.

15. Kansi bankaka bavova: yandi uvaykisanga mpeve zambi mu Bezebulu, inkūluntu ampe-ve zambi.

16. Bankaka bansindisila ye banyuvula mangu mu dizulu.

17. Kansi yandi wazaya mabanza maū ye wavova kwa yaū: kionso kimfumu kina kabana kina fūka, ye nzo yina vitula va nzo.

18. Kansi vo yandi Satana mpe weti kabana, buna kimfumu kiandi bwe kina sikila, kadi luvovele, vo ivaykisanga mpeve zambi mu Bezebulu?

19. Kansi vo mono ivaykisanga mpeve zambi mu Bezebulu, buna bana beno mu nki bavaykisilangazo? Nkiangunu baü bana kala zimbangi zeno.

20. Kansi vo ivaykisanga mpeve zambi mu nlembo wa Nzambi, buna kimfumu kia Nzambi kiakiluakidi kwa yeno.

21. Muntu wangolo bukayi-ngilanga nzo andi mu biluazu, buna mbongo zandi zina yambu-lwa.

22. Kansi unlutidi mu ngolo bukana kwiza kumbedisa, buna kana kunziona biluazu biandi bikasilanga vüvü ye kaba lekwa biandi.

23. Wonso ulembolo kala yami ukunkakilanga, ye lembo-lo yonzika yami usansikisanga.

24. Mpeve yansobo buyivaykidi mu muntu, buna yikangalanga mu müma mwena nayo-koso ye yitombanga mvundulu, kansi bukayimonangayoko, yaü yivovele: bika yavutuka ku nzo ami yiyatukidi.

25. Yaü buyina kwiza, yina-yo mona vo yakombolo ye yatomo.

26. Buna yaü yina kwenda landa mpeve nsambodia zankaka

zilitidiyo mu bi. Zaü zina kota ye kala muna, ye mavanga mamuntu wowo wazimünina manalutila mavanga matekila mu bi.

27. Vakala bukavova wowo, buna nkento wakala ye bantu wasasula ndinga ye wavova kwa yandi: kiese kiena ye vümü kiakubuta, ye kiese kiena ye mabene mawayema!

28. Kansi yandi wavova: inga, bawanga mambu ma Nzambi ye bakebangamo, kiése kiena yaü.

29. Makabü bumakutakana, yandi wabadika vova: mbandu yayi yimbandu yambi. Yaü batombanga mangu ye kabana vewa manguko, kansi mangu kia Yona kaka.

30. Kadi bonso bwakala Yona mangu kwa bisi Nineve, ibuna buna kala mwana amuntu mu mbandu yayi.

31. Nkama ansi yandambu yalubakala yina telama mu lumbu kina kongüdulwa ye babakala bambandu yayi. Yaü yina kubakongüdila nkanu, kadi yaü yatuka mu nsukulu ansi mu wa zinduka za Salomoni, ye mwamü mwena ulutidi Salomoni.

32. Babakala mu Nineve bana telama mu lumbu kina kongüdulwa ye mbandu yayi, ye banayo kongüdila nkanu, kadi baü bavi-lula madiela mu lukambulu lua-Yona, ye tala, mwamü mwena ulutidi Yona.

33. Muntu kwikidi mwinda katulangawo mu nswekiko ye kansi azongoloko kansi mu ke-bolo kiamwinda, kidi bana kota bamona kia.

34. Kia kwanitu idisu diaku. Disu diaku budiena diabiza, buna nitu aku yamvimba yiwangükidi, kansi vo diambi, buna nitu aku yena tombe.

35. Nkiangunu tala kia kwe-na mu Ngeye kakwidi kala tombe.

36. Nkiangunu vo nitu aku kayena ndambu ye tombeko, kansi yena kia kaka, buna nitu yamvimba yina kala kia kaka, bonso kia bukukiesilanga mu tentina kwandi.

37. Kansi bukavova, mfalisea wanyuvula kadia yandi. Yandi wayenda ye wavwanda va meza.

38. Mfalisea bukamona, vo Yesu walemwa tekeyobila, bubadia buna yandi wayitukwa.

39. Kansi Mfumu wavova kwa yandi: yeno bafalisea luvedisanga vele mbüngü ye longa kumbazi, kansi mu ngüdi eno muzedi lutanu ye luyangulu.

40. Lubankwa miabuzengi, kadi ndiena wavanga kumbazi, kadi kavanga mungüdi mpekoe?

41. Yiküma luvana yena mungüdi mu bunkete, tala, buna luvdililanga mu yayonso.

42. Kansi engwa yeno, luba-

falisea luvananga bukü kiakümi kümi mu fuka ye dingwanzia ye nzunga zazonsono, kansi luviokanga nkongodolo ye tonda kwaNzambi. Yina silua vanga, kansi kaluna yambula yankakako.

43. Engwa yeno, lubafalisea, kadi luzolanga büka biandanusu mu zinzo zatukutukunu ye kambwa mavimpi mu mazandu.

44. Engwa yeno, kadi lufwanane ye ndiamü zilembolo monika, ye bantu badiatanga vantandu, kansi kabazaydiboko.

45. Nlongi amina wavutula ye wavova kwa yandi: nlongi, buuvovele bobo, Ngeye weti kututiaka mpe.

46. Kansi yandi wavova: engwa yeno, luminlongi miamina mpe, kadi lutuikisanga bantu zitu biabinene, kansi yeno kibeni kaluvalakananga bizitu mu nlembo umosi nkutuko.

47. Engwa yeno, kadi lukübikanga zindiamü zaminkambi, kansi mase meno mavondamio.

48. Kiongono lueti ta kimbingi ye lunungisanga mavanga mamase meno, kadi maü mavondamio, kansi yeno lukübikanga zindiamu zaü.

49. Nkiangunu nduka zaNzambi zavova: mono ngina fidi-sa kwa yaü minkambi ye zintumwa. Yaü bana vonda bankaka ye kubazoma.

50. Kidi mbandu yayi yina tombwa menga mamonsono masonika nkambi makelolo kasi kiavangulwanza,

51. Kasi ye menga maAbeli ye nate ye menga maZakalia wavondolo vana kati ye disalu ye nzo. Inga, mono ikuluvovele: mbandu yayi yinamo tombwa.

52. Engwa yeno luminlongi miamina, kadi yeno luakatuti nsabi aluzaylu. Yeno kibeni kaluakoteleko ye bakutu kota luabakanikini.

53. Bukavayka buna minsoniki ye bafalisea babadika kuntatimisa beni ye kunyuvuzula mu lekwa yayingi,

54. Ye bamoka yandi mu lumongo, kidi bambaka büngü mu nwa 'ndi.

## Kapu 12.

*Yesu walonga mu toma ta kimbangi (1—12), wakanikina luzolo luzimbongo (13—21), walonga bayandi, kidi bayambula wonga, kansi basila wuvu mu Nzambi (22—48), wasamiina mpasi zina kwiza (49—59).*

Kansi bantu balembana tangakana bakutakana nate ye badiatasana, buna yandi wabadika vova kwa minlongüki miandi: luluta tina vumvü diabafalisea, kadi diaü idisu kunsialukaya.

2. Kakwenani lekwa kiaswama kina lembwa monikako, ye

kakwenani lekwa kiaswekwa kina lembwa zayakanako.

3. Yiküma yiluvovanga mu tombe, yina wakana mu mwini, ye yonso yiluatele mu matu muna ngüdi anzo yina kambwa vana nludi.

4. Kansi mono ikuluvovele, lubakündi bami: kalutinani bavondanga nituko ye mboki balembana vanga lekwa biankaka.

5. Kansi mono ngina kulusonga uluna tina. Lutina ndiena ulenda tuba kunkadi ampemba, bukameni vonda. Inga, mono ikuluvovele, ndiena lutina!

6. Kadi nsokusa zitanu kadi kazitaykanga mu bimpanza mpanza biolecoe, kansi nsokusa buna zena widi yimosi nkutu kayivilukunu kwa Nzambiko.

7. Kansi nsuki zazonsono zantu mieno zatengo mpe. Kalutinaniko; yeno lulutidi nsokusa zazingi mu utalu.

8. Kansi mono ikuluvovele: wonso una kunta kwa bantu, mwana amuntu una kunta mpe kwa zimpofi za Nzambi.

9. Kansi wonso una kunkadi la kwa bantu, yandi una kadulwa vena zimpofi za Nzambi.

10. Wonso una bangisamwana amuntu unaboyambudulwa, kansi wonso una tiaka Mpeve Yaulongo kauboyambudulwako.

11. Kansi bubana kulunata

ku zinzo zatukutukunu ye kwa minyadi ye kwa bankwa miazingolo, kalutinani buluna vutula ye biluna vovako.

12. Kadi Mpeve Yanlongo yina kululonga yina yiluna vova yina ntangu.

13. Muntu wakala ye bantu wavova kwa yandi: nlongi, kamba mpangi ami kampana yami ndambu yadifwa.

14. Kansi yandi wavova kwa yandi: umuntu, nani wampengi nkongüdidi vo nkabi eno?

15. Yandi wavova kwa yaü: lutala ye lutina tuzinunu tuatonsono zakimvwama, kadi moyo amuntu kawena mu zimbongo zandiko, vo zazingi mpe.

16. Yandi wata ngana kwa yaü ye wavova: muntu wamvwama wakala via diabuta mbongo yayingi.

17. Yandi wabanza mu ntima 'ndi ye wavova: bwe sia sa, kadi kibakidi mungina tula mbongo amiko?

18. Yandi wavova: bwabü sia sa: ngina tulula bianu biami ye tunga biabinene ye yonzika mbongo ami yayonsoho ye bilekwa biami biabiza mu bianu.

19. Ngina vova kwa mwela 'mi: mwela, Ngeye wena bilekwa biabingi biabiza bialundulu mu mvu miamingi, vunda, dia, nwa, yangalala!

20. Kansi Nzambi wavova

kwa yandi: unkwa abuzengi, diadi fukü mwela 'ku unatonibwa mu Ngeye. Nani una vingila biwato-tele?

21. Ibobo buna kala wonso ukukiyonzikilanga zimbongo, kansi lembolo baka kinuvwama mu Nzambi.

22. Yandi wavovakwa minlongüki mianidi: yiküma mono ikuluvovele: kalukalani kiadi mu miela mieno mu lekwa biluna diako, ye kalukalani kiadi mu zinitu zeno mu lekwa biluna vwatako.

23. Kadi mwela ulutidi dia, ye nitu yilutidi mvwatu.

24. Lutonwa minganga. Miaü kamikünangako ye kamiyonzikangako. Miaü kamiena lunduluko ye bianuko, kansi Nzambi uyundulangamio! Yeno vele lututidi kwakwingi ye minganga?

25. Buna lueña nani lenda yika ntela 'ndi nkwinga yimosi mu la?

26. Buna vo luna lembana lekwa yayike, mu nkiana lueña lekwa yankaka kiadi?

27. Lutonwa zimvüma bonso buzilembolo zieta ye bwanga nlele, kansi mono ikuluvovele: Salomoni nkutu mu nzitusu andi wawonsoho kafwanana mu mvwatu ye mvüma yimosiko.

28. Kansi vo Nzambi ibobo kavwikanga bititi biansi biena bwabü, ye mbazi bina tubwa va



tiya, buna yeno bankwa miafiminu minu vele luna luta.

29. Yeno mpe kalutombani yiluna dia ye yiluna nwako, kalukalani kiadiko.

30. Kadi bankwa miambümbümbü mu nza mitombanga yina yayonso, kansi seno dizulu dizaydi vo luenabio nsatu.

31. Luteka tomba kimfumu kiandi, ye yeno luna kudukulwa yina yayonso.

32. Fikabü kabü kalubatina niko, kadi seno dizolele kulwana kimfumu.

33. Luteka biena yeno ye lusila hunkete. Lukivanga tukobe tubivanza tulembolo nuna ye mbongo zalundwa mu dizulu, mulembolo luaka mwivi ye mulembolo zinkinia bünga.

34. Kadi mwena mbongo zeno, imuna mwena ntima mieno mpe.

35. Bika tuketo tueno tuazingwa ye minda mieno mialema.

36. Lukala nkievo bantu beti vingila mfumu aü, bukana tuka mu ndambisa, kidi bazibula nswalu kwa yandi, bukana kwiza ye künküta.

37. Kiese kiena ye minanga miomio mina bwanwa kwa mfumu aü vo mitemone, bukana kwiza. Kedika mono ikuluvovele: yandi una vwata mponda ye

vwandisamio va meza ye kwendamio sadila.

38. Vo una luaka mu ndingu ansi vo mu nkübü ansusu ye monamio bobo, kiese kiena ye miaü.

39. Luzaya bwabü, vo mfumu anzo wazaydi ntangu yayizidi mwivi, nga kayambudi nzo andi yakakunwako.

40. Yeno mpe lukübana, kadi ntangu yilulembolo banza yina kwiza mwana amuntu.

41. Kansi Petolo wavova kwa yandi: Mfumu, utele ngana yoyo kwa yeto vo kwa bantu babonsohoe?

42. Mfumu wavova: nkebi anzo wena minu ye luengele inani. Yandi una vangulwa kwa mfumu andi mu keba bantu bandi mu kubavana dia mu ntangu yifwanane.

43. Kiese kiena ye nanga wowo una bwanwa kwa mfumu, vo weti vanga bobo, bukana kwiza.

44. Kedika mono ikuluvovele: yandi una kunyadisa mu mbongo zandi zazonsono.

45. Kansi vo 'nanga wowo una vova mu ntima 'ndi: mfumu ami una zingila mu kwiza, ye nanga una badika büfa bisielo biababakala ye biabakento ye dia ye nwa ye bwa malavü.

46. Buna mfumu ananga wowo una kwiza lumbu kikana

lembwa kumvingila ye ntangu yikana lembwa. zaya ye una kunzenguzula ye vana yandi kunkũ ye bakondolo minu.

47. Kansi nanga wowo uzayidi luzolo luamfumu andi ye kakũbameneko ye kavengi buzolele mfumuko una bũfwa mbũfwa zazingi.

48. Kansi wonso ulembolo zaya, vo vengi lekwa kifwanane mu bũfwa yandi una bũfwa safiuma. Wonso waveno yayingi una tombwa yayingi, ye watabudi yayingi una luta mu lombwa yayingi.

49. Mono yayizidi mu tuba tiya va ntoto. Nzolele beni vo tukikwamini.

50. Ngiena mbotokolo yingina botukwa, ye kiadi kiena yami nate ye yaũ yina mauwa.

51. Lueti banza vo yayizi sa yenge va ntotoe? Mono ikulovovele: ve kwandi, kansi mu tengotengo.

52. Bwabũ ye mvu ka-mvu bantu batanu bena mu nzo yimosi bana swaswasana, bantu batatu mu bole ye bole mu batatu.

53. Yaũ bana swaswasana se ye mwana wabakala, mwana wabakala ye se, ngũdi ye mwana wankento, mwana wankento ye ngũdi. Ko wankento ye nkwezi

wankento, nkwezi wankento ye ko wankento.

54. Yandi wavova mpe kwa bantu: bulumweni tuti ditubukidi mu dimininanga ntangu, buna luvovele mu nswalu: mvula yina kwiza, ye mvula yiziidi.

55. Bulumweni mpeve yitukidi mu zintini zalubakala buna luvovele: mwini una teka, ye mwini utekele.

56. Lumeso kungsi alukaya, yeno luzayidi kongũdila luse luantoto ye dizulu, kansi mu nki kalukongodele bonso bwenina biabi lumbuko.

57. Mu nki yeno kibeni kalukongodele yonso yisongeleko?

58. Kadi buuna kwenda ye ntantu aku kwa nyadi, buna una tonta bwila yandi kodi mu nzila, kawidi kunata kwa nkongũdidi yenkongũdidi kawidi kuyekũla kwa nkebi anzo yankatu, ye nkebi kawidi kutula mu nzo yankatu.

59. Mono irovele: muna kuna vayka nkutuko nate ye una futa kimpanza mpanza kiazimunina.

### Kapu 13.

Yesu wata ngana yanti wakuyu (1—9), waniakisa nkento wakala mpeve yakindakana (10—17), wafwanikisa kinfumu kiaNzambi ye mwingidi wasinapi (18—19) ye vimvii

(20—21), *ye divtiu diafictama* (22—30). *Yesu watinisa bantu mu Elodcsi* (31—33), *watumba Yehusalcmi* (24—35).

Bina lumbu bantu baluaka bankamba mu bisi Ngalilea, vo Pilato wasengi menga maũ va min kaylu miaũ miadisalu.

2. Yandi wavutula ye wavova kwa yaũ: lueti banza, vo bisi Ngalilea bobo balutidi Ngalilea babonsono mu masumũ, buba-kwamusu boboe?

3. Monoikuluvovele: ve kwandi, kansi vo kaluna vilula madi-elako, beno babonsono luna bũngwa bobo mpe.

4. Kanivo lueti banza vo kũmi ye bantu nani batulukila nzo amatadi ye bavondwa mu Siloa, balutila bantu babonsono bena mu Yelusalemi mu kala nkanue?

5. Mono ikuluvovele: ve kwandi, kansi vo kaluna vilula madielako, beno babonsono luna bũngwa bobo mpe.

6. Yandi wata ngana yayi: muntu wakala nti wakuyu waku-nwa mu lumbu luandi. Yandi wayenda tombawo bana, kansi kamonaboko.

7. Yandi wavova kwa nkebi alumbu: tala, bwabũ ngiizidi mvu mintatu mu fwanda bana mu nti wowo ye kimweniboko, kwangawo. Munkiana una fũbisi ntoto?

8. Yandi wavutula ye wavova

kwa yandi: Mfumu, yambulawo mvu waũ mpe, kidi yatiminawo ntoto ye yatulawo tuvi.

9. Nana siwa buta bana buuvengo bobo, kansi vo kabwako, nakwangitiwo.

10. Yandi walonga mu nzo yalukutukunu mu lumingũ.

11. Tala, muna mwakala nke-nto wakala mpeve yakindakana kũmi ye nani diamimvu. Waũ wakonana ye walemhana dongama.

12. Yesu bukamonawo yandi watelawo mbila ye wavova kwa waũ: nkento, vũkusu kwaku mu kindakana kwaku.

13. Yandi watulawo moko. Nkento intumbu dongama ye wazitisa Nzambi.

14. Kansi nkebi anzo yalukutukunu wakala nganzi mu Yesu waniakisa mu lumingũ ye wavutula ye wavova kwa bantu: lumbu bisambanu biena bina sadulwa, nkiangunu luiza luaniakuswa mu biaũ, kansi lumbu kialumingũ kabusongeleko.

15. Mfumu wavutula kwa yandi ye wavova: lumeso kuni alukaya, buna luena, kadi nani ule mbwa kutulanga ngombe andi ye mpũnda 'ndi vazikangwangu ye tualangazo kunlangu mu tumingũ?

16. Kansi mwana waũ wa Abalani wankento wakangwa kwa Satana mu kũmi ye nani

diamimvu wena, kadi waũ kauna kutulwa mu nsinga wowo, mu lumbu kialumingükoe?

17. Bukavova wowo, babonsono bankakila bafwa zinsoni, ye bantu babonsono bakala kiese mu mavanga mamonsono manzitusu mavangwa kwa yandi.

18. Yandi wavova: kimfumu kiaNzambi kifwanane ye nki? Mu nki sikio dedikisa?

19. Kiaũ kifwanane ye mwingidi wasinapi wabonga muntu ye wakünawo mu via diandi. Waũ wamena ye wakala nti watunga zinuni zadizulu mazanza mu mavalala.

20. Yandi wavova diaka: mu nki ngina dedikisa kimfumu kiaNzambi?

21. Kiaũ kifwanane ye vümvü diabonga nkento ye wasanga mu tezo bitatu biazimfümfüta zamampa nate ye zazonsono zamana funa.

22. Yandi wazingila mu mavata ye bimpata mpata ye walonga ye watatamana mu kwenda ku Yelusalemi.

23. Muntu wavova kwa yandi: Mfumu, balalulwa bafiuma bene? Yandi wavova kwa yandi:

24. Lutatamana, kidi luakota mu mwelo wafietama, kadi mono ikuluvovele, vo babingi bana tonta kota kansi bana lembana.

25. Mfumu anzo bukatelamene ye ukibindikidi kielo, ye

yeno luna badika telama kumbazi ye künküta va kielo ye vova: Mfumu, utuzibüdila, ye yandi una vutula ye vova kwa yeno: kizaydi kulutukidiko.

26. Buna luna badika vova: yeto tuadidi yaku ye tuanwini yaku, ye Ngeye walongele mu nzila zeto.

27. Yandi una vova: mono kizaydi kulutukidiko. Lukatuka vava, yeno babonsono lumimvangi mialekwa yambi.

28. Kuna kuna kala dilu ye nkwetoso ameno, buluna mona Abalami ye Isaki ye Yakobi ye minkambi miamionsono mu kimfumu kiaNzambi, kansi yeno luna kübwa kumbazi.

29. Yaũ bana tuka mu selükilanga ntangu ye mu dimininanga ntangu ye mu zintini zalumoso ye mu zintini zalubakala ye vwanda va meza mu kimfumu kiaNzambi.

30. Tala, bazimünina bana tekila, ye batekila bana zimünina.

31. Yina ntangu bafalisea bankaka bayenda ye bavova kwa yandi: nangüka wakatuka mwamü, kadi Elodesi zolele kuvonda.

32. Yandi wavova kwa yaũ: luenda luavova kwa mbulu yoyo: tala, mono ivaykisanga mpeve zambi ye iniakisanga ye ngina mana lumbuki ye mbazi ye kiamene ye ngina manwa.

33. Kansi mono ngina zieta

lumbuki ye mbazi ye lumbu kina landa, kadi nkambi kalendi vondwa bukena kumbazi aYelusalemiko.

34. Yelusalemi, Yelusalemi, Ngeye uvondanga minkambi ye utubanga matadi kwa ntumwa zafidusu kwa Ngeye! Nkutikisa zazingi nzolele kutikisa bana baku nkievo nuni yisanga bana bandi kungsi amaveve mandi, kansi beno ngodi eno!

35. Tala, yeno luna sisulwa nzo eno yankatu. Mono ikuluvoele, vo kaluna kumbona dia-  
vko nate ye lumbu kina kwiza buluna vova: wizidi mu nkumbū aMfumu, bika kasakūmūnwa!

### Kapu 14.

*Yesu wadia mu nzo amfalisea (1—6), walugisa batomba fulu bianzitusu (7—11), walonga mfumu anzo bonso bukana tumisa bantu ku mbuluku (12—14), wafwanikisa kinfumu kia Nzambi ye mbuluku wainene (15—24), ndamumu a Yesu (25—35).*

Kiakala lumbu kialumingū, yandi wayenda ku nzo ankūluntu mosi abafalisea mu dia mampa, ye yaū bankenga.

2. Tala, kuna kwakala muntu wakala nitu yavimbuswa kwa nlangu. Yandi watelama va luse luandi.

3. Yesu wavutula ye wavova kwa minlongūki miamina ye bafalisea: fweni mu niakisa mu lu-

mingūe vo kabufweniko? Yaū badingana.

4. Yandi wansimba ye wania-kisa ye wansindika.

5. Yandi wavutula ye wavova kwa yaū: buna luena, nani una lembwa kula kwenda tombūla mwana 'ndi vo ngombe andi mu bulu mu lumbu kialumingū, vo banamo sotuka?

6. Yaū balembana kumvutula diambu mu kiuvu kiokio.

7. Yandi wata ngana kwa basilwa ntumwa, bukamona bonso bubasola biandu bianzitusu, ye wavova kwa yaū:

8. Buuna silwa ntumwa kwa muntu mu ndambisa, kuvwandani va kiandu kianzitusuko, kadi nanga muntu ulutidi danuswa mu Ngeye silulu ntumwa.

9. Buna ulusididi ntumwa beno bole sika kwiza vova kwa Ngeye: vana kiandu kwa muntu waū, buna siwa badika fwanda kiandu kina kuna nsuka mu nsoni.

10. Kansi buusilulu ntumwa, wenda vwanda va kiandu kiena kuna nsuka, kidi ndiena usididi ntumwa wavova kwa Ngeye, bukana kwiza: nkūndi, finka ku ntu, buna siwa zituswa mu babonsono basilulu yaku ntumwa.

11. Kadi wonso una kukibalula una kūlulwa, ye una kuki-kūlula una balulwa.

12. Yandi wavova mpe kwa ndiena wansila ntumwa: buuvanganga mbuluku ansinsa vo mbuluku ankokila kutumisani bakündi bakuko ye zimpangi zakuko ye bibutu biakuko ye bazika baku bena kimvwamako, kabidi kusila ntumwa mpe ye Ngeye una tambula ndandu aku.

13. Kansi buuvanganga mbuluku, tumisa bena bamputu ye bena bieta ye batembilanga ye bafwa meso.

14. Kiese kina kala yaku, kadi kabena lekwa kibana kuvutudilako, kansi Ngeye una tambula ndandu mu mfulukusu abantu bamfonga.

15. Muntu wavwanda yaü va meza bukawawo, yandi wavova kwa yandi: kiese kiena ye wonso una dia mampa mu kimfumu kiaNzambi.

16. Yandi wavova kwa yandi: muntu wavanga mbuluku waünene ye wasila babingi ntumwa.

17. Yandi wafidisa nanga 'ndi yina ntangu yamana lambwa mbuluku mu vova kwa basilwa ntumwa: luiza, kadi mbuluku umeni lambwa.

18. Yaü babonsono baba'lika kambikisa mambu. Mosi wavova kwa yandi: nsumbidi via dingina kwenda tala. Mono ilebele, unsika.

19. Wankaka wavova: mono nsumbidi kûmi diazingombe

dingina kwendata. Mono ilebele, unsika.

20. Wankaka wavova: nkwelele nkento, idianu kilendi kwendako.

21. Nangawayendawo kamba kwa mfumu andi. Buna mfumu anzo wakala nganzi ye wavova kwa nanga 'ndi: wenda nswalu mu zinzila ye mpambu zavata ye kotisa bena bamputu ye bena bieta ye bafwa meso ye batembilanga mwamü.

22. Nanga wavova: mfumu, buvengo bonso buukembi, kansi musidi mbûka.

23. Mfumu wavova kwa nanga: wenda mu zinzila ye ku mavia ye ubatatimisa mu kota, kidi nzo ami yazala.

24. Kadi mono ikuluvovele: bantu bobo buna bena basilulu ntumwa, widi muntu nkutu kana bimba mbuluku ami.

25. Bantu babingi bayenda kwa yandi, ye yandi wabangümûka ye wavova kwa yaü:

26. Vo muntu una kwiza kwa mono ye una lembwa bela sandi ye ngüdi andi ye nkento andi ye bana bandi ye zimpangi zandi ye bibusi biandi ye mwela 'ndi mpe, kalendi kala nlongûki amiko.

27. Wonso ulembolo nata kulunsi diandi ye nama ku nima 'mi kalendi kala nlongûki amiko.

28. Buna lüena, nani una

lembwa teka vwanda ye yindula ntalu bukana tunga nzo amatadi, kidi kazaya vo zimbongo zamani-sinayo zena yandi.

29. Kadi vo unabo lembwa vanga, nana sika lembanayo mana, bukakitudidi matadi malufulu ye babonso, bana badika kumbeka nkiadi, bubana mona nzo vo yabadukulu tunga.

30. Yaü bana vova: muntu wowo wabadikidi tunga nzo, kansi walembanayo mana.

31. Nki amfumu una lembwa teka vwanda ye yindula, kanivo sika lenda bedisa mfumu yena makumole mamafunda mabinwani, yandi kibeni bukena kümi diamafunda kaka, vo una kwenda kunwanisa mvita.

32. Vo una lembwabo vanga, ngala sika fidisa ntumwa kwa mfumu yoyo ye lomba yenge kwa yandi bukena ntama.

33. Ibobo yeno mpe buna luena, wonso una lembwa yambula biabionsono biena yandi, kalendi kala nlongüki amiko.

34. Müngwa wena wabiza, kansi vo uvidisi ndudi andi, bwe siwayo vutulwa?

35. Buna kautomene mu ntoto ye mu tuviko. Yaü batubangawo kumbazi. Wena matu bika kawa.

## Kapu 15.

*Dimeme diazimbala* (1—7), *vanza kiazimbala* (8—10), *mwana wazimbala* (11—32).

Mimvakusi miamionsono ye bankwa miamasumü bayiza mu wa yandi.

2. Bafalisea ye minlongi miamina bakaüla ye bavova: ndiena utambulanga bankwa miamasumü ye udianga yaü.

3. Kansi yandi wata ngana yayi kwa yaü ye wavova:

4. Buna luena, vo muntu wena nkama amameme ye una vidisa dimosi, kadi kana sisa luvwa ye vwa diamameme mu nsi yankatu ye landa dina diazimbala nate ye kanadio monakoe?

5. Bukanadio mona, sikadio zangika va mavembo ye kiese.

6. Bukana luaka ku nzo yandi una tela bakündi bandi ye bazika mbila ye vova kwa yaü: luyangalala yami, kadi mbweni meme diami diazimbale.

7. Mono ikuluvovele: mu dizulu muna kala kiese kingi bonso bobo mu nkwa umosi wamasumü uviludi diela, ye kiese kifiuna mu luvwa ye vwa diabantu bamfonga balembolo kala nsatu avilula madiela.

8. Vo kümi diabivanza biena ye nkento ye waü una vidisa kimosi, kadi kana kwika mwiinda ye kombanzo, ye toma

komba, nateye kanakio monakoe?

9. Bukanakio mona, yandi una tela bakūndi bandi babakento ye bazika babakento mbila ye vova: luyangalala yami, kadi mbweni vanza kiazimbale.

10. Mono ikuluvovele: mpofi zaNzambi zina yangalala bobo mu nkwa umosi wamasumū uvi-ludi diela.

11. Yandi wavova: muntu wakala bana bole bababakala.

12. Wanleke wavova kwa sandi: tata, umpana yami ndambu azimbongo. Se diabakabila zimbongo.

13. Fintama ntama buna nleke wakūbika zazonsono ye wayenda kuna nsi yanzenza ntama beni. Kuna kafukisazo mu kimpūmbulū.

14. Bukamana fukisa zazonsono, buna malema mangolo makala muna nsi yina ye yandi wabadika fwa nsatu.

15. Yandi wayenda kadi ye muntu, imwisi nsi yina. Muntu wowo wamfidisa ku mavia mendi mu vūnga zingulu.

16. Yandi wazina moyo mu yukūtisa vūmū kiandi nu bititi biambongo biadia zingulu, kansi kavewabioko.

17. Yandi wasavūka ntima ye wavova: bisielo biabingi biena ye sami biena dia kwakwingi, kansi mono ngieti vondwa nsatu,

18. Bika yatelama ngienda

kwa sami yavova kwa diaū: se' yavolele masumū kwa dizulu ye kwa Ngeye.

19. Kifweni diaka yabikwa mwana 'kuko. Umbika yakala bonso sielo kiaku kimosi.

20. Yandi wanangūka ye wayenda kwa sandi, kansi bukakala ntama, buna sandi diamona yandi ye diamfwila kiadi ye diayungūsa ye dianzingila mu laka ye diamfiba.

21. Mwana wavova kwa diaū: se, yavolele masumū kwa dizulu ye kwa Ngeye, ye kifweni diaka yabikwa mwana 'kuko.

22. Se diavova kwa minanga miandi: lutuala mvwatu wabiza beni ye lumvwikawo lumvana kimpambu mu koko kwandi ye nsampatu mu malu mandi.

23. Lutuala fingombe ngo-mbe fiavuluka ye huvondafio. Bika tuadia ye tuayangalala,

24. Kadi mwana 'mi waū wafwa wakedi ye uvūkidi, waū wazimbale ye umonekene. Iyaū babadika yangalala.

25. Kansi kota wakala ku via. Bukayiza finangani ye nzo, yandi wawa, vo basika nsambi ye bakina.

26. Yandi watela ntaudi mbila ye wayuvulayo: nki amazu momo?

27. Ntaudi yavova kwa yandi: nleke aku wizidi ye saku divondese fingombe ngombe fiavu-



luka, kadi diaū dintambudi ye mavimpi.

28. Yandi wakala nganzi ye kazola kotako, kansi sandi dia-vayka ye diantela mbila.

29. Kansi yandi wavutula ye wavova kwa sandi: tala, mvu miami miamingi ngieti sadila Ngeye, ye kasi kiavondele mwina 'kuko, ye kasi kwampeni widi finkombo nkombo nkutuko, kidi yayangalala ye bakūndi bami.

30. Kansi mwana 'ku wowo wameni fūkisa mbongo zandi mu kinsuza buuvutukidi buna Ngeye vondese fingombe ngombe.

31. Se diavova kwa yandi: mwana, Ngeye wena yami lumbu yayonso, ye yayonso yayami iyaku.

32. Kansi yangalala ye kiesekina kala bwabū, kadi nleke aku wowo wafwa wakedi ye uvūkidi ye wazimbale ye umonekene.

### Kapu 16.

*Nkūtuntu wakala mwivi (1—13), mfonga zabafalisea (14—18), muntu wamwama ye Lazalo (19—31).*

Kansi yandi wavova kwa nlogūki miandi mpe: mwakala muntu wamwama wakala nkebiabilekiwa biandi. Nkebi wowo wafundwa kwa yandi, vo weti fūkisa mbongo zandi.

2. Yandi wantela mbila ye wavova kwa yandi: nki ansamū

wowo ungwilu mu Ngeye? Dedisa ntalu mu mbongo ziukebanga, kadi kulendi vutuka kebambongo zamiko.

3. Kansi nkebi wavova mu ntima 'ndi: nki ngina vanga, kadi mfumu ami unkatudi mu keba zimbongo zandi? Kilendi timako, ye nsoni zalombila zena yami.

4. Nzaydi bungina vanga, kidi bantambula mu zinzo zaū, bungina katulwa mu keba zimbongo.

5. Buna bakala badia mfuka zamfumu andi, yandi wabatela mbila ye wavova kwa umosi: mfuka kwa wadidi kwa mfumu ami?

6. Yandi wavova: nkamamosi yabitezo biamazi. Nkebi wavova kwa yandi: tuala nkanda 'ku wawwanda nswalu wasonika maku-matanu mabitezo.

7. Mboki kavova kwa wanka: kansi Ngeye, nki amfuka wadidi? Yandi wavova: nkamamosi yabitezo biamasangu. Nkebi wavova kwa yandi: tuala nkanda 'ku wawwanda nswalu wasonika lunani luabitezo.

8. Mfumu wasika nkebi wambi, vo toniene luenga mu mayanga mandi. Kadi bana banza yayi balutidi bana bakia mu luenga mu bibutu biaū.

9. Mono kwami ikuluvovele mpe: lukivanga bakūndi mu Nsonde wambi, kidi balutambula mu zinzo zisalanga mvu kamvu, mbongo buzina mana.

10. Wonso usongele mu lekwa yafiuma, songele mu lekwa yayingi mpe, ye wonso ulembolo songa mu lekwa yafiuma, kaso-ngele nkutu mu lekwa yayingiko.

11. Vo lulembolo songa mu Nsonde wambi, buna nani una kulukebisa lekwa yakedikwa?

12. Vo lulembolo songa mu lekwa yangana, buna nani una kuluvana yayeno?

13. Sielo nkutu kakilendi sadila mfumu zoleko, kadi buna sika bela yimosi ye tonda yankaka, kanivo sika nama yimosi ye tungüdila yankaka. Yeno kalulendi sadila Nzambi ye Nsondeko.

14. Bafalisea bakala ntondwa abivanza bawa momo mamonso no ye banzikuna.

15. Yandi wavova kwa yaü: yeno kweno lukukifongisanga kwa bantu, kansi Nzambi zaydi nti ma mieno, kadi yeti balula bantu, Nzambi ukankümükinangayo.

16. Mina ye minkambi miakala nate ye Yoane, kansi buna ye mboki kimfumu kia Nzambi kikambwanga mu nsamü wambote, ye babonso no batanangakio mu ngolo.

17. Kansi ntoto ye dizulu bina luta fuka nswalu, ye mina mina suta fukisa notika diandi dimosi kaka.

18. Wonso una vambana ye

nkento andi ye kwela nkento wankaka, yandi uyanganga, ye wonso una kwela nkento wayambulu kwa bakala diandi, yandi uyanganga.

19. Kwakala muntu wamvwama wavwata minlele miambwaki ye minlele miampembe miantalu beni ye wayangalala mu zintoko ye kinduvu lumbu kalumbu.

20. Kwakala muntu wabumputu, nkumbü andi Lazalo. Yandi walambalala vana mwelo wamuntu wamvwama, ye nitu andi yavwa kwa mputa.

21. Yandi wazola yuküta mu mansadusulwa masotuka mu meza mamuntu wamvwama, kansi zimbwa zayiza levita mputa zandi.

22. Vakiakala muntu wabumputu wafwa ye wanatwa kwa zimpori ku nkata 'Abalami, kansi muntu wamvwama wafwa mpe ye wadiamuswa.

23. Munkadi ampemba yandi wasendula meso mandi bukalungwa mu kwama, ye wamona Abalami nseke beni ye Lazalo mu nkata 'ndi.

24. Yandi waboka ye wavova: tata Abalami, undemvükila ye fidisa Lazalo kabotika ntu anlembo andi mu nlangu, kidi kavodisa ludimi luami, kadi ilungwanga mu nlemo miami.

25. Abalami wavova: mwana, bambüka moyo, vo Ngeye wata-

mbudi yilekwa yaku yabiza bu-wavumŵini, kansi Lazalo wata-mbudi yilekwa yandi yambi, kansi bwabũ yandi ubombwanga vava, kansi Ngeye weti lungwa.

26. Kansi diambu diankaka diana mpe, vava kati ye beto ye beno vena nkakudulu yayinene yasiana, nkiangunu vo bena vavũ bazolele kwiza kwa yeno koko kabalendiko, ye bena koko kabalendi kwiza kwa yeto kwa-kũko.

27. Kansi yandi wavova: tata, mono iyuvudi, kidi wafidisa Lazalo ku nzo asami,

28. Kadi mono ngiena mpangi zitanu, mpasi kalubũlazo, kazidi luaka mpe mu vumakiaki kiakwana.

29. Kansi Abalami wavova kwa yandi: zaũ zena Mose ye minkambi; bika zabawa.

30. Yandi wavova: tata Abalami, ve kwandi, kansi vo muntu wafwa una fuluka ye kwenda kwa zaũ, buna zina vilula madiela.

31. Kansi yandi wavova kwa yandi: vo kazina wa Mose ye minkambiko, kazina leka minuko, vo muntu wafwa una fuluka.

## Kapu 17.

Yesu walonga mu yambasana minkanu (1—4), ngolo zamĩnu (5—6), sielo kiambonga (7—10), Yesu waniakisa kũmi diabankwa miabwazi

(11—19), wazibula kiuwu kiabafalisa (20—21), wasamiina ngizulu andi yanzole (22—37). —

Yandi wavova kwa nlongũki miandi: mfwemoso kazile-ndi lembwa kwizako, kansi engwa muntu una fwemisa.

2. Bana buna bena babake, vo yandi una fwemisa umosi nkutu, yandi una biva nitu, kansi vo tadi dinikunwanga mfũmfũtũ dikengo mu laka diandi ye tubulu mu mbu, yandi kutu toma nitu.

3. Lutina! Vo mpangi aku yivolele masumũ, unlongidika, ye vo yina vilula diela, umbikila.

4. Vo yandi una kuvodila masumũ mpodila nsambodia mu lumbu kimosi ye una bangũmũka mbangũmũka nsambodia kwa Ngeye ye vova: mpi-ludi diela, buna siwa kumbikilamo.

5. Zintumwa zavova kwa Mfumu: utukudikila mĩnu!

6. Mfumu wavova: vo lue-na minu bonso mwingidi wasinapi, nga luna vova kwa nti wowo: vũzuka ye tula mianzi mu mbu, ye waũ una kuluwila.

7. Buna luena nani wena nanga weti tima ntoto vo vũnga bibulu; ye nanga buutuki-di ku via, kadi sika kwenda kwa waũ ye vova: wenda nswalu wavwanda va meze?

8. Kadi kana vova kwa waũ-koe: kubika dia kungina dia ye vwata wansadila, bungina dia ye nwa, mboki diaye nwa kwaku?

9. Kadi kana tonda nanga vo waũ una vanga lekwa kiwake-mboe?

10. Ye no mpe buluvanganga yayonsoo yiluakembo, buna lu-vova: beto tuminanga miatumpa-lala, tuavengi yituakembo vanga.

11. Kwakala bukayenda ku Yelusalemi, yandi wavioka vana kati ye Samalia ye Ngalilea.

12. Bukakota mu vata dimosi, kumi diabantu diakala bwa-zi diankika. Yaũ batelama nseke.

13. Yaũ basasula ndinga ye bavova: Yesu nlongi, utufwila kiadi!

14. Bukabamona, yandi wavova kwa yaũ: luenda luakisonga kwa zinganga. Bwakala buba-yenda, yaũ bavedila.

15. Umosi wakala yaũ bukamona vo nieki, yandi wavutuka ye wazitisa Nzambi mu ndinga yayinene.

16. Yandi wafukama va zizi kiandi va malu maYesu ye wato-nda kwa yandi. Muntu wowo imwisi Samalia.

17. Yesu wavutula ye wavova kwa yandi: kadi kakumi divedosokoe, vwa kwe diena?

18. Kadi kakwenani muntu uvutukidi mu zitisa Nzambiko,

kansi nzenza yayi kake?

19. Yandi wavova kwa yandi: telama wenda, minu kiaku kikuniakisi.

20. Bukayuvulwa kwa bafalisea: kimfumu kiaNzambi nki amvu kina kwiza, buna yandi wavutula kwa yaũ ye wavova: kimfumu kiaNzambi kakina kwiza mu mona mesoko. \*

21. Yaũ kabana vovako: tala vava, tala vana, kadi tala, kimfumu kiaNzambi kiena mu ngüdi eno.

22. Kansi yandi wavova kwa minlongüki: lumbu bina kwiza, buluna zinina ntima mu mona lumbu kimosi kiamwana amuntu, kansi kalunakio monako.

23. Yaũ bana vovakwa yeno: tala vava, tala vana, kaluenda-niko, kalunamaniko.

24. Kadi bonso buvezimanga luezomo ye luwangülanga dizulu ye mu ndambu ye mu ndambu, ibuna buna kalamwana amuntu mu lumbu kiandi.

25. Kansi yandi sika teka lungwa kwama kwakwingi ye kübwa kwa mbandu yayi.

26. Bonso bwakala mu lumbu biaNoa, ibuna buna kala mu lumbu biamwana amuntu.

27. Yaũ badia, banwa, bakwela, bakwelwa, nate ye lumbu kiakota Noa mu nzaza, ye mbukila yanlangu yayiza kubabunga babonso.

28. Ibuna bwakala mu lumbu biaLoti mpe, badia, bauwa basumba, bateka, bakūna, batunga,

29. Kansi kina lumbu kia-vayka Loti mu Sodoma, buna mwanoka tia ye matadi matia mu zulu ye biabūnga babo-nsono.

30. Ibuna buna kala kina lumbu kina monika mwana amunta.

31. Kina lumbu wonso wena va ntandu anludi kana kūlūmūka mu bonga bilekwa biandi biena mu nzoko; wena ku via kana vutuka mu bonga bi-ena kumanimako.

32. Lubambūkila nkento aLoti moyo!

33. Wonso una tonta simba mwela 'ndi, yandi unawo vidisa, ye unawo vidisa, yandi unawo vūkisa.

34. Mono ikuluvovele: dina fūkū bole bana lambalala va ntanda umosi, umosi una balulwa ye wankaka una siswa.

35. Bakento bole bana nika mfūmfūta va tadi dimosi, umosi una balulwa, wankaka una siswa.

36. Miaū miavutula ye miavova kwā yandi; Mfumu, bwe? Yandi wavova kwa miaū: kwenā nkūlu kukutakananga zingo zadizulu.

## Kapu 18.

*Nkongūdidi ye difwola diamputu* (1—8), *nkwa afulisea ye mwakusi* (9—14), *Yesu wasakūmīna bana* (15—17), *walonga toko diamwama* (18—27), *nsendo wabanamanga Yesu* (28—30), *wakaniba kwama kwandi* (31—34), *wamwesa muntu wafwa meso* (35—43).

Yandi wabatela ngana mpe, bonso bubana sambila lumbu kalumbu ye kabana bebako.

2. Yandi wavova: mu vata dinosi mwakala nkongūdidi walembwa tina Nzambi ye kaza-ya bantu ndanuko.

3. Mu vata diodio mwakala fwola mpe. Diaū diayenda kwa yandi ye diavova: undungisa kwa ntantu ami.

4. Vantete ngongo andi, kansi mboki kavova mu ntima 'ndi: kitinanga Nzambi nkutuko, ye kizaydi bantu ndanuko.

5. Kansi sia nungisa fwola diadi, kadi diaū dieti kuntatimisa, kadidi kwiza kumbwila muna nsukulu.

6. Kansi Mfumu yavova: luwa mavovele nkongūdidi wambi.

7. Kansi Nzambi, kadi yandi kana nungisa basolwa bandi bakumbokilanga mwini ye fūkū-koe, kadi kana kubafwila kiadikoe?

8. Mono ikuluvovele: yandi

una savūka mu kubanungisa. Kansi mwana amutu buuna kwiza, kadi siwa mona minu vava ntotoe?

9. Yandi wavova ngana ya-yi kwa bantu bankaka bakisila vwadi, vo ibamfonga kwaū, ye batungūdila bankaka:

10. Bantu bele babaluka ku nzo aNzambi mu sambila, umosi imfalisea, wankaka imvakusi.

11. Mfalisea watema ye wasambidila ebū: Nzambi, mono ntondele kwa Ngeye, kadi kiena bonso bantu bankakako, imintani ye bantu balembolo fonga ye minyangi, kiena bonso mvakusi waūko.

12. Mono iminanga nsoki mbina zole zole mu lumingū lumosi lumosi ye ivananga būkū kiakūmi kūmi mu yilekwa yayonsoo yivanganga ndandu.

13. Kansi mvakusi watelama nseke ye kazola sendula meso ku zuluko, kansi yandi wabanda ntulu andi ye wavova: Nzambi, undemvūkila, mono nkwa amasumū!

14. Mono ikuluvovele: mvakusi wayenda imuntu wafonguswa ku nzo andi, kansi mfalisea kabwako, ukukibalulanga una külulwa, ye ukukikülulanga una balulwa.

15. Yaū batuala bimbanambana kwayandi, kidi katulabio moko, kansi minlongūki bumia-

monabo miaū miabakanikina.

16. Kansi Yesu wabatala mbi-la ye wavova: yambula bana biiza kwa mono ye kalubakanikaniko, kadi kimfumu kia Nzambi kiena ye baū.

17. Kedika mono ikuluvovele: wonso una lembwa tambula kimfumu kia Nzambi bonso mwana, kanakio kotako.

18. Nyadi wanyuvula ye wavova: nlongi wabiza, nkiamana ngina vanga, kidi yavingila moyo ukaumani?

19. Yesu wavova kwa yandi: mu nki weti kumbika muntu wabiza? Kakwenani muntu wabizako, kansi Nzambi kaka.

20. Ngeye zaydi mina: kuyanganiko, kuvondaniko, kuyibaniko, kutani kimbangi kiamakutuko, vūmina sakuye mbuta 'ku.

21. Yandi wavova: yina yayonsoo yavengi kasi yakadila mwana.

22. Yesu bukawawo, yandi wavova kwa yandi: ukondolo kimosi. Teka yilekwa yaku yayonsoo ye vanayo kwa bamputu, ye Ngeye una tambula zimbo ngo mu zulu, ye wiza wandama.

23. Kansi bu kawawo, yandi wakala kiadi, kadi yandi wakala mbidi akimvwama.

24. Yesu wantala ye wavova: engwa, mpasi zazingi zena ye bantu bena kimvwama mu

kota mu kimfumu kiaNzambi!

25. Kamela kuna fionunuka nswalu mu disu diansoma ye muntu wamvwama una suta kota mu kimfumu kiaNzambi.

26. Bawawo bavova: nani lenda lalulwa?

27. Yandi wavova: Nzambi ulendanga yilembananga bantu.

28. Kansi Petolo wavova: tala, yeto tuasisidi yayeto ye tunamanga Ngeye.

29. Yandi wavova kwa yaü: kedika mono ikuluvovele: kakwenani muntuko wasisidi nzo, vo nkento, vo zimpangi, vo bana mu diambu diakimfumu kiaNzambi,

30. Una lembwa tambula biabingi beni mu lumbu biabi ye mu mimvu mina kwiza moyo usalanga kwele mvu kuvutukidi mvu.

31. Yandi watela kümi ye nlongüki miole mbila ye wavova kwa miaü: tala, ku Yelusalemi tuakwenda, ye yayonso yasonwa kwa minkambi mu mwana amuntu yina kwenda detila,

32. Kadi waü una yekulwa kwa bankwa miambümbümbü ye una vwezwa ye levulwa ye lobudulwa mante.

33. Yaü bubanawo büfa nate ye nkanda una bunüka, mboiki banawo vonda ye mu lumbu kiantatu una fuluka.

34. Miaü kamiavisa widi dia-mbunkutu dikavovako, yemambu momo maswekwa mu miaü, ye miaü kamiazaya mavovwako.

35. Kansi bwakala bukafinangana ye Yeliko, buna muntu wafwa meso wavwanda va mbela anzila ye walomba.

36. Bukawa bantu beti vioka, yandi wayuvula: nkiama kiokio?

37. Yaü bansamünina vo Yesu imwisi Nazaleti weti vioka.

38. Yandi waboka ye wavova: Yesu umwana aDavidi, umfwila kiadi!

39. Batekila kuntu bankanikina kidi kadingama, kansi yandi waluta boka: mwana aDavidi, umfwila kiadi!

40. Yesu wasimpama ye wakamba bantuala kwa yandi. Kansi bukafinangana ye Yesu, yandi wanyuvula:

41. Nkiama zolele yavangila? Yandi wavova: Mfumu, mpasi yamona.

42. Yesu wavova kwa yandi: namoni kwaku! Minu kiaku kiniakisi.

43. Yandi intumbu mona ye wanama yandi ye wazitisa Nzambi, ye bantu babonso bamonabo basika Nzambi.

## Kapu 19.

*Yesu wakala mu nzo aZakayo (1—10), ngana mu kümi diatalanta (11—27), Yesu wakota mu Yelusalemi (28*

—40), *wadidila vata diodio* (41—44), *waredisa nzo aNzambi* (45—48).

Yesu wakota mu Yeliko ye wavioka.

2. Tala, mwakala muntu, nkūmbū andi Zakayo. Yandi inkūluntu amimvakusi ye inkwa akimvwama.

3. Yandi watonta mona wonso iYesu, kansi walembana mu diambu diabantu, kadi wakala ntelela wawukūfi.

4. Yandi wayungūsa kuntu ye wamaka mu nti, kidi kamona Yesu, kadi yandi wayendila nzilayoyo.

5. Yesu bukaluaka kuna, yandi wasendula meso ye wavova kwa yandi: Zakayo, kūlūmūka nswalu, kadi lumbu kiaki sia kala mu nzo aku.

6. Yandi wakūlūmūka nswalu ye wantambula mu kiesē.

7. Bubamonabo, buna babonono babama ye bavova: yandi kotele mu kala ye nkwa amasunū.

8. Kansi Zakayo watelama ye wavova kwa Mfumu: Mfumu, tala, ndambu yazimbongo zami ngina vana kwa bamputu; vo yabebi muntu lekwa, sia vutula mfutu iya.

9. Yesu wavova kwa yandi: lumbu kiaki ndalulu yivengo mu nzo yayi, kadi yandi mpe imwana aAbalami.

10. Kadi mwana amuntu wa-

yizidi mu tomba ye lalula wonso wazimbala.

11. Bubawawo, yandi wavova ngana mpe, kadi kafinama ye Yelusalemi, ye yaū babanza kinfumu kiaNzambi kina monika nswalu.

12. Nkiangunu yandi wavova: muntu wakala mvila yandanu wayenda kuna nsi yantama mu tambula kinfumu ye vutuka.

13. Yandi watela nanga mia-ndi kūmi mbila, ye wavanamio kūmi diatalanta ye wavova kwa miaū: lukitilabio nate ye ngina vutuka.

14. Kansi bantu bansi andi bambela ye bafidisa nsamū ku nima 'ndi mu vova: katuzolele ndiowo katuyalako.

15. Bwakala bukakitambu-dila kinfumu ye kavutuka, buna yandi wavova: lutela minanga miyavana bivanza mbila, kidi yazaya wonso wavengibio ndandu.

16. Nanga mosi wayiza ye wavova: mfumu, talanta kiaku kiavengo kūmi diatalanta ndandu.

17. Yandi wavova kwa waū: mbote kwandi, Ngeye unanga wabiza, Ngeye wasongele mu lekwa yafiuma, nkiangunu yala kūmi diamavata.

18. Nanga wanzole wayenda ye wavova: mfumu, talanta kiaku kiavengo talanta bitanu ndandu.



19. Yandi wavova kwa waü mpe: yala kwaku mpe mavata matanu.

20. Nanga wankaka wayenda ye wavova: mfumu, tala, talanta kiaku yaswekele mu nlele.

21. Kadi mono yatinini, kadi Ngeye inkwa anganzi utotanga vawalembolo tula lekwa, ye uyonzikanga vawalembolo kûna.

22. Yandi wavova kwa waü: unanga wambi, mu waku nwa mono ngina kukongüdila nkanu. Ngeye zaydi vo mono inkwa anganzi itotanga vandembolo tula lekwa, ye iyonzikanga vandembolo kûna.

23. Mu nkiaama walembolo vana vanza biami kwa babudisanga hivanza, kidi yatambulabio ye ndandu buyavutukidi?

24. Yandi wavova kwa batelama yandi: lunziona talanta ye luvanakio kwa ndiowo wena kûni diatalanta.

25. Yaü bavova kwa yandi: mfumu, kûmi diatalanta diena yandi.

26. Mono ikuluvovele: wonso wena lekwa, una vewa, kansi wonso ulembolo kala lekwa, yandi una zionwa biena yandi.

27. Kansi mintantu miami miomio mialembwa zola yayalamio, lutualamio ye luvondamio vava.

28. Bukavovawo, yandi watekila ku Yelusalemi.

29. Bwakala bukafinangana ye Betefange ye Betania va mongo ubikwanga Mongo wamazi, buna kafidisa nlongüki miole

30. Ye wavova: luenda ku vata diena kuntu. Buluna kotamo, silua mona mpûnda yambakala yakangama yena yikayitenta-manga muntu. Lukutulayo ye lutualayo.

31. Vo muntu una vova kwa yeno: nkiaama lunayo kutudila, buna luvova: Mfumu wenayo nsatu.

32. Bafiduswa bayenda ye bamona bonso bukabakamba.

33. Bubakutula mpûnda, buna bavwayo bavova kwa yaü: nkiaama lueti kutudila mpûnda?

34. Yaü bavova: Mfumu wenayo nsatu.

35. Yaü batualayo kwa Yesu ye batula nlele miaü va ntandu ampûnda ye batula Yesu va ntandu.

36. Bukavioka, yaü bayalumuüna nlele miaü mu nzila.

37. Bukakiluakila luküfi ye vabadikila betama Mongo wamazi, buna kabü diamvimba dianlongüki miandi diabadika yangalala ye sika Nzambi mu ndinga yayinene mu tulendo tuatonsono tubamona.

38. Yaü bavova: bika Mfumu wasakûmunwa mu nkûmbü

aMfumu; yenge mu zulu ye nzitusu vana kayengele!

39. Bafalisea bankaka bakala ye bantu bavova kwa yandi: nlongi, kanikina nlongūki mia-ku.

40. Yandi wavutula ye wavova: mono ikuluvovele: vo yaū badingamene, nga matadi mabokele.

41. Bukafinangana ye wamona vata, yandi wadila mu diambū diavata ye wavova:

42. Engwa, vo Ngeye mpe zaŷdi mu lumbu kiaku kiaki bitomene mu yenge kiaku! Kansi bwabū bilekwa biobio biaswekwa biena mu meso maku.

43. Kadi lumbu bina kwiza mu Ngeye, mintantu bumina kuzungidila mimbūngū ye kuzunga ye kufiningisa.

44. Miaū mina kululumba beno ye bana baku va ntoto. Miaū kamina sisa tadi va ntandu atadi mu Ngeyeko, kadi kuzaydi ntangu ziwabūmusunuko.

45. Yandi wakota mu nzo aNzambi ye wabadika kūba bateka

46. Ye wavova kwa yaū: kwasonwa: nzo ami yina kala nzo yisambudulwanga, kansi yeno luavengiyo nluka amintani.

47. Yandi walonga mu nzo aNzambi lumbu kalumbu, kansi bangūdi zanganga ye minsoniki

ye bakūluntu babantu batonta kumbūnga.

48. Kansi kabamona lekwa kibana vangako, kadi bantu babonsono bananamana yandi mu kunwa.

## Kapu 20.

*Yesu walonga mu nzo aNzambi (1—8), ngana yavia diavinia (9—19), Yesu wasindusulwa kwa bafalisea mu mpaku antinu (20—26) ye kwa basadukaya mu mfulukulu abafwa (27—40), wayuvula bantu mu mwila aMesia (41—44), watinisa minlongiki mu bafalisea (45—47).*

Kiakala lumbu kimosi kikalonganga bantu mu nzo aNzambi ye wakamba nsamū wambote, buna zinganga ye minsoniki ye bakūluntu batelama vana.

2. Yaū bamoka yandi ye bavova: utukamba lulendo luuvangilanga bobo ye wonso waveni ngolo zozo.

3. Yandi wavutula ye wavova kwa yaū: mono mpe ngina kuluyuvula diambu, lunkamba:

4. Mbotokolo aYoane, vo mu zulu yatuka vo mu bantue?

5. Yaū bayuvasana mu mambu ye bavova: vo tuna vova, yaū yatuka mu zulu, sika vova: munkiamakaluanlekila minūko?

6. Kansi vo tuna vova: yaū yatuka mu bantu, buna bantu babonsono bana kutuvonda mu matadi, kadi yaū beti sa vwadi, vo Yoane inkambi.

7. Yaü bavutula: katusaydi muyatukako.

8. Yesu wavova kwa yaü: mono mpe kina kulukamba lulendo luivangilanga boboko.

9. Yandi wabadika ta ngana yayi kwa bantu: muntu waküna via diavinia ye watudisadio kwa bisadi biamavia mavinia ye wayenda kala ku nsi yankaka lumbu biabingi.

10. Lumbu bubiafwanana, yandi wafidisa nanga kwa bisadi, kidi biamvana bana bavinia mu via, kansi bisadi biabüfawo nate ye nkanda wabünüka ye biayendisawo moko ye moko.

11. Yandi wavutuka fidisa nanga wankaka, kansi biaü biabüfawo mpe nate ye nkanda wabünüka ye biavwezawo ye biayendisawo moko ye moko.

12. Yandi wavutuka fidisa nanga wantatu, kansi biaü bialueka ndiena mpe ye bianküba.

13. Kansi mfumu avia diavinia wavova: bwe ngina sa? Sia fidisa mwana 'mi wabakala untondele. Kanivo sibiawo mona vümi.

14. Kansi bisadi bubiamonawo, biawawasana ye biavova: ndiena imvingidi adifwa, bika tuamvonda, kidi tuadia fwa diandi.

15. Biaü bianküba mu via

ye biamvonda. Mfumu avia diavinia, buna bwe kana vanga?

16. Yandi una kwiza ye bunga bisadi ye tuidisa via diavinia kwa bisadi biankaka. Bubawawo, yaü bavova: aa, kabwako.

17. Kansi yandi wabatala ye wavova: kansi buna bwe bwenina nsamü waü wasonwa: tadi dialosa mintungi diaü diavangwa tadi diafüma kianza?

18. Wonso una bwa va tadi diodio una niukakana, kansi wonso unadio sotukunwa yandi una camangana.

19. Minsoniki ye bangüdi zanganga batomba kunsimba mu moko yina ntangu, kansi yaü batina bantu, kadi bazaya, vo yandi wavova ngana yoyo kwa yaü.

20. Yaü bankenga ye bafidisa bantu bababaka mu kwennda. Bantu bobo bakisikisa vo ibankwa mianfonga. Yaü bafidisa, kidi bambaküla diambu, mpasi banyeküla kwa dingizi ye nyadi.

21. Yaü banyuvula ye bavova: nlongi, tuzaydi, vo uvovanga kedika ye ulonganga kedika ye kukongüdilanga luseko, kansi ulonganga nzila aNzambi mu kedika.

22. Busongele, vo tuna vana mfutu kwa ntinue, vo kabusongelekoe?

23. Kansi yandi wavisa bungubi hwaü ye wavova kwa yaü:

24. Unsonga vanza! Zizi ki-anani ye bisono bianani? Yaü bavova: biantinu.

25. Kansi yandi wavova kwa yaü: buna luvana kwa ntinu bivwidi ntinu ye kwa Nzambi bivwidi Nzambi.

26. Yaü balembana kumba-kula diambu kwa bantu, kansi bayitukwa mu mvutudulu andi ye badingama.

27. Kansi basadukaya ban-kaka bavovanga, vo mfuluku kwankatu, bayenda kwa yandi ye hanyuvula

28. Ye bavova: nlongi, Mose watusona: vo mpangi amuntu yina fwa ye yena nkento, kansi kayisisidi mwanako,\* buna nleke ampangi yafwidi una kwela nkento ye butila widi mpangi andi mwana.

29. Kwakala mpangi nsambodia, ye kota diakwela nkento, kansi diafwa ye kadiasisa mwanako.

30. Mpangi yanzole yakwela nkento.

31. Mpangi yantatu yakwela nkento ye nsambodia yamvimba, ye kabasisa mwanako.

32. Vazimunina nkento mpe wafwa.

33. Mu mfuluku mpangi buna zena, nani una vwa nke-

nto, kadi zazonsono zamanawo kwela?

34. Yesu wavova kwa yaü: bana banza yayi bakwelanga ye bakwelwanga,

35. Kansi bafwanane mu vingila nza yina kwiza ye mfulukulu abafwa, yaü kabakwelangako ye kabakwelwangako,

36. Kadi kabalendi vutuka fwako, kadi yaü bafwanane ye zimpofi. Yaü ibana baNzambi, kadi ibana bamfulukulu.

37. Kansi Mose wakamba vana finti nti, vo bafwa bana fuluka, bukavova: Mfumu iNzambi aAbalami ye Isaki ye Yakobi.

38. Kansi Nzambi kaiNzambi abafwako, kansi iNzambi abantu bena moyo, kadi babonsono bavumünanga mu yandi.

39. Minsoniki miankaka miavutula ye miavova: nlongi, Nge ye tomene vova kedika.

40. Buna bantu batina kunyuvula lekwa.

41. Yandi wavova kwa yaü: bwe beti vovila, vo Kilisto inwana aDavidi?

42. Kadi yandi beni Davidi vovele mu nkanda aminkunga: Mfumu wavova kwa mfumu ami: vwanda va lubakala luami.

43. Nate ye ngina tula mitantu miaku mu mfiduku amalu maku.

44. Nkiangunu Davidi wambikidi mfumu, buna bwe ka-

na lenda kadila mwama 'ndi?

45. Kansi vawa bantu babonsono, yandi wavova kwa mionlongiki miandi:

46. Lutina minsoniki mizolele diata mu mazwele ye kam-bwa malembe mu mazandu, ye mizolele biandu bianzitusu mu zinzo zatukutukunu ye bialutu bianzitusu mu mimbuluku.

47. Miau midilanga zinzo zamafwola, ye mu mana basambilanga tusanbulu tuatula beni. Miau mina luta kongudulwa nkanu.

## Kapu 21.

*Fimpanza mpanza fiadifwola (1—4), Yesu wasamuna nsukulu aYehuzemi (5—24), ye ngizulu andi yanzole (25—28), wakamba bimangu bina tekila (29—33), wakamba mionlongiki kudi bakubama (34—38).*

Bukavumbula meso, yandi wamona bantu bamvwama, bonso batudila nkaylu miau mu lunchulu.

2. Kansi yandi wamona fwola diamputu diatula bimpanza mpanza biole muna

3. Ye wavova: kedika mono ikuluvovele: fwola diadi diamputu dilutidi babonsono mu tula;

4. Kadi yaü babonsono batudidi minkaylu mu kimvwama kiaü, kansi diaü ditudidi mu bumpu bwandi yayonsono yidina kebisa moyo.

5. Bankaka bubabika nzo

aNzambi, vo yatomuswa mu matadi mantoko ye minkaylu, buna kavova:

6. Lumbu bina kwiza bina lembwa siswa tadi va ntandu atadi dina lembwa katulwa mu yilekwa yilumweni.

7. Yaü banyuvula ye bavova: nlongi, kansi yina nki amvu yina kala ye nki amangu kina kala, yoyo buyina kwiza?

8. Yandi wavova: lutala kaluidi zimbukuswa, kadi babingi bana kwiza mu nkumbü ami ye vova: mono kwami, ye ntangu yafinanene; kalubanamaniko.

9. Kansi buluna wa mu myita ye nkindu zamvita, kalutinaniko, kadi yina yina teka kala, kansi nsukulu kayina kwiza mu nswaluko.

10. Mono ikuluvovele yayi: bantu bana wonzama mu bantu ye kimfumu mu kimfumu.

11. Muna kala ndikunu zantoto zangolo müma kamüma ye malema ye bivünga, ye mu zulu muna kala sulumbi biansisi ye bimangu.

12. Kansi mu ntonono abilekwa biobio biabionsono yaü bana kulusa moko maü ye kuluzoma. Yaü bana kuluyekula mu zinzo zatukutukunu ye mu zinzo zankatu ye kulunata kwa zimfumu ye minyadi mu diambu diankumbü ami.

13. Yina lunayo vangwa mu kimbangi.

14. Lukeba mu ntima mieno kaluidi kukikadila kiadi mu mambu maluna vutula.

15. Kadi mono ngina kuluvana nwa ye nduka bina lembana bangisa ye kakila mintantu mieno miamionsono.

16. Yeno luna yekülwa kwa mase ye zingüdi ye zimpangi ye bibutu ye bakündi. Yaü bana vonda bena yeno.

17. Yeno luna belwa kwa babonsono mu diambu diankümbü ami.

18. Kansi lusuki nkutu luanu mieno kaluna fükilako.

19. Luvangamiela mienonda ndu mu luvibudulu luantima mieno.

20. Kansi buluna mona, vo Yelusalemi dieti zungwa kwamakabü mabinwani, buna luzaya vo mbungulu avata yeka luküfi.

21. Buna bena mu Yudaya, bika batinina va miongo, ye bena mu nkati avata, bika bavayka, ye bena mu nsi kabakotani mu vatako.

22. Kadi bina lumbu ilumbu biandinda, ye yayonsono yasonwa yina kwenda detila.

23. Engwa, bena vümü ye bayemikanga mu bina lumbu, kadi muna kala nganzi zangolo mu nsi mu bantu baba.

24. Yaü bana lumbwa kwa meno masabala ye natwa zinkole

kwa bankwa miambümbümbü miamionsono, ye Yelusalemi dina diatwa kwa bankwa miambümbümbü nate ye mimvu miabankwa miambümbümbü mina lunga.

25. Muna kala himangu mu ntangu ye ngonda ye zimbwete, ye va ntoto vana kala wonga mu bankwa miambümbümbü. Yau bana telama ntima mu nkümbulu zambu ye zimbüla.

26. Bantu bubana tabüla vümünü mu wonga ye mabanza malekwa yina kwiza mu nza, kadi tulendo tuadizulu tuna zakama.

27. Buna bana mona mwana amuntu kwiza mu tuti ye tulendo ye nzitusu wawingi.

28. Kansi yoyo buyina kwiza, ludongama ye lusendula meso, kadi buna mpulusu eno yina finangana.

29. Yandi wata ngana kwa yaü: lutala nti wakuyu ye minti miamionsono.

30. Miaü bumiasombele ye luamwenibo, buna yeno kibeni luzaydi, vo nsungi amvula yeka luküfi.

31. Ibobo yeno mpe, buluna mona yoyo yina vangwa, buna luna zaya vo kinfumu kiaNzambi kieka luküfi.

32. Kedika mono ikuluvo vele: mbandu yayi kayina la-

lako nate ye yoyo yayonso  
yina vangwa.

33. Zulu ye ntoto bina fuka,  
kansi mambu mami kamana fuka-  
kako.

34. Kansi lutina, mintina  
kamidi kala zitu mu kindiafu  
ye kinduvu ye kiadi kiakimoyo,  
kadi buna lumbu kina kina ku-  
lubwila nswalu nkievo sioni.

35. Kadi kiau kina bwila ba-  
bonsono bena va luse luantoto.

36. Lukaya meso lumbu bia-  
bionsono ye lusambila, kidi lu-  
fwiti fwanana mu taba mu yina  
yayonso yina kwiza ye tela-  
ma va luse luamwana amuntu.

37. Mwini yandi walonganga  
mu nzo aNzambi, kansi fuku  
yandi wavaykanga ye wakala  
va Mongo wamazi.

38. Bantu babonsono baku-  
takana mu nzo aNzambi mu  
wa yandi.

## Kapu 22.

*Yuda Iskalio wawawana ye minti-  
ni mu yekula Yesu (1—6), Yesu  
vadia meme diampikolo (7—18),  
wasoka mbuluku ankokila (19—23),  
minlongiki miabindasana mpaka (24  
—30), Yesu wasamiina nkusumuku-  
ni aPetolo (31—34), walonga nlo-  
ngiki miandi (35—38), wasambila  
mu Ngetesemane (39—46), wakangwa  
(47—53), wanatwa kwa ngudi anga-  
nga (54—62), warwezwa (63—65),  
wayuvuzulwa (66—71).*

Lumbu bialembwa diwa ma-  
mpa mafuna ilumbu biampio-

kolo, biakala lukufi ye kwiza.

2. Bangudi zanganga ye mi-  
nsoniki batomba, bonso buba-  
kana kumbunga, kadi yau batina  
bantu.

3. Kansi Satana wakota mu  
Yuda wabikwanga Iskalio mpe.  
Yandi wakala ye kumi ye mi-  
nlongiki miole.

4. Yandi wayenda moka ye  
bangudi zanganga ye bakuluntu  
baminkengi, bonso bukakana ku-  
nyekula kwa yau.

5. Yau bayangalala ye bawa-  
wasana mu kumvana bivanza.

6. Yandi wabasilabo ye wavi-  
ngila ntangu yafwanana mu ku-  
nyekula kwa yau, vakondwa  
bantu.

7. Lumbu bialembwa diwa  
mampa mafuna biakala, ye lu-  
mbu kiavondwa meme diampio-  
kolo kiayiza.

8. Yesu wavova kwa Petolo  
ye Yoane: luenda luakubika  
meme diampikolo, kidi tuadia.

9. Yau bavova kwa yandi:  
kwe zolele vo tunadio kubika?

10. Yandi wavova kwa yau:  
tala, buluna kota mu vata, buna  
muntu neti mvungu una bwa-  
bana ye yeno, lunama yandi ku  
nzo yikana kota, ye lukota kweno.

11. Luvova kwa mfumu anzo:  
nlongi vovele kwa Ngeye: ve  
vena nzo, yingina dila meme  
diampikolo ye minlongiki mia-  
mi?

12. Yandi una kulusonga seka diadinene vana ntandu mu nzo. Diaü ditomoso. Lukübikiladio muna.

13. Yaü bayenda ye bamona, bonso bukabakamba, ye bakübika meme diampiokolo.

14. Ntangu buyafwanana, yandi wavwanda ye zintumwa zandi.

15. Yandi wavova kwa zaü: mu ngünda zazingi nzinini moyo mu teka dia meme diadi diampio-kolo ye yeno, kadi mboki ngina lungwa kwama.

16. Kadi mono ikuluvovele: kina kwami vutuka diadioko, nate ye kimfumu kiaNzambi kina mana lunga.

17. Yandi wabonga kompe ye watonda ye wavova: lutambulakio ye lukabasanakio,

18. Kadi mono ikuluvovele: kina kwami vutuka nwa nlangu wabana baviniako, nate ye kimfumu kiaNzambi kina kwiza.

19. Yandi wabonga dimpa ye watonda ye wabüküna ye wavana kwa zaü ye wavova: diadi initu ami yaveno mu yeno. Luvanga bobo mu kumbambükila moyo.

20. Yandi wabonga kompe mpe, bubamana dia, ye wavova: kompe kiaki iluwawanu luamona mu menga mami, mana tengülwa mu yeno.

21. Kansi tala, koko kwa-

ndiena una kungieküla kwena yami vava meza.

22. Kadi mwana amuntu una katuka bonso bwasiwa, kansi engwa muntu una unawo yeküla!

23. Yaü babadika yuvasana: buna tuena, kadi nani unabo sa?

24. Mwakala mpaka mu yaü. mu wonso wakala yaü fwiti luta mu nene.

25. Kansi yandi wavova kwa yaü: zinfumu zabantu zikubayalanga, ye bankwa atulendo babikwanga zinkete.

26. Kansi mu yeno kamuna kala boboko, kansi buna luena, wonso ulutidi mu nene, bika kafwanana ye nleke, ye nyadi bika kafwanana ye sielo.

27. Kadi nani lutidi mu nene, zakale va meza vo weti sala? Kadi kandi ena zakalekoe? Kansi mono ngiena va kati ye yeno. bonso muntu usalanga.

28. Kansi yeno luasidi yami mu nsindusulu zami.

29. Mono ngina kulutambika kimfumu, bonso se diantambikakio,

30. Kidi luadia ye luanwa va meza mani mu kimfumu kiamu. Yeno luna vwanda va biandu ye kongüdila kumi ye makanda mole maIsaleli.

31. Simona, Simona, tala, Sa-



tana walulombe, kidi kaluveva bonso ntombo,

32. Kansi monoyadididi mvutu, minu kiaku kakidi fuka. Kansi huuna bangümüka, siamisa mpangi zaku.

33. Yandi wavova kwa Yesu: Mfumu, nkubamene kwami mu kwenda yaku mukeboto ye mu fwa.

34. Yandi wavova: Petolo, mono ivovele: lumbu kiaki koko bukadikubidi nkutuko, buna Ngeye ukikadila mono nkadila zitatu.

35. Yandi wavova kwa yaü: buyalufidisa buluakondwa lukobe luabivanza ye nkutu ye bibada, kadi luafwila lekwa nsatue? Yaü bavova: katuafwila usatuko.

36. Yandi wavova kwa yaü: kansi bwabü wonso wena lukobe luabivanza, bika kanatalo ye ukutu mpe, kansi ukondololo, bika kateka nelele miandi ye kasumba sabala.

37. Kadi mono ikuluvovele: mambu masonwa mu mono mana kwenda detila: yandi wasiwa ye mimivondi miamina, kadi mambu masonwa mu mono mena mu suka.

38. Yaü bavova: Mfumu, tala vava vena bisabala biole. Yandi wavova kwa yaü: bufweni kwandi.

39. Yandi wavayka ye wavyenda, bonso bwakala fu kiandi,

ku Mongo wamazi, ye minlongüki miandi mianama yandi.

40. Bukaluaka va vüma, yandi wavova kwa miaü: ludila, kaluidi luaka mu vükümünwa.

41. Yandi watatukilamionseke yifiti luaka tadi ditubulu ye wafukama ye wasambila

42. Ye wavova: Se, vo zolele, katula kompe kiaki mu mono, kansi bika luzolo luaku luavangwa kansi kalualuami luzoloko!

43. Mpofi mu zulu yamunika kwa yandi ye yansiamisa.

44. Yandi wakala wonga wantima beni ye waluta sambila, ye kiufuta kiandi kiakala bonso matela mamenga, ye masotuka va ntoto.

45. Bukatelama mu sambila, yandi wayenda kwa minlongüki ye wabwanamio mialeka mu diambu diakiadi.

46. Yandi wavova kwa miaü: mu nki lulele? Lutelama luasambila, kaluidi luaka mu vükümünwa.

47. Bukavova, tala, buna bantu baluaka ye muntu wabikwa Yuda, inlongüki wakala ye küni ye nlongüki miole. Yandi wabatekila ye wafinangana ye Yesu mu kumfiba.

48. Yesu wavova kwa yandi: Yuda, siwa yeküla mwana amuntu mu fibe?

49. Bakala yandi bubamo-

nabo, yaü bavova: Mfumu, si-tua banda sabale?

50. Muntu wakala yaü wa-banda sielo kiangüdi anganga ye wazaka kutu kwandi.

51. Yesu wavutula ye wa-vova: luyambula bobo. Yandi wavalakana kutu ye waniakisa sielo.

52. Yesu wavova kwa ba-ngüdi zanganga ye madingizi makenga nzo aNzambi ye ba-küluntu bayiza kwa yandi: yeno luizidi ye bisabala ye minkawa, nkievo luvaykidi kwa ntani.

53. Lumbu kalumbu mono yakedi yeno mu nzo aNzambi, kansi kaluantambudiko, kansi kiaki ikieno loküla ye zingolo zatombe.

54. Yaü bamvikitina ye ba-nata ye bankotisa mu nzo angüdi anganga. Petolo waso-tuka lunsampu lunsampu.

55. Bubakwika tiya mu mo-nakanda, diabianzala ye ba-vwanda buna Petolo wavwanda yaü.

56. Sielo kiankento kiamo-na yandi, vo vwendi va mbela atiya, ye kiantala ye kiavova: Ngeye mpe kedingi yandi.

57. Yandi wakadila ye wa-vova: nkento, kinzaydiko.

58. Fintama ntama buna muntu wankaka wamona yandi ye wavova: Ngeye mpe wena

yaü. Kansi Petolo wavova: muntuyu, kienabo kwamiko.

59. Kanivo loküla kimosi diaka, buna muntu wankaka wakamba ye wavova: mu kedi-ka ndieu kedingi yandi mpe, kadi imwisi Ngalelea kwandi.

60. Kansi Petolo wavova: muntuyu, kizaydi mambu ma-uvoveleko. Yandi bukavova, bu-na koko intumbu küba.

61. Mfumu wabangümüka ye watala Petolo, ye Petolo wabambüka moyo mu mambu maMfumu, makavova kwa ya-ndi: lumbu kiaki koko buka-dikubidi nkutuko, buna Ngeye ukikadila mono nkadila zitatu.

62. Yandi wavayka ku mba-zi ye wadila beni.

63. Babakala basimba Yesu ye bandeva ye bambanda.

64. Yaü bamfuka nlele ye banyuvula ye bavova: kamba yilekwa yina kwiza! Nani ube-ndi?

65. Yaü bavova ntiakuluza-zingi zankaka mpe kwa yandi.

66. Kia bukwawangüka, bu-na baküluntu babantu ye ba-ngüdi zanganga ye minsoniki bakutakana ye banata yandi ku nzo aü yakongüdulwanga ye bavova: vo Ngeye iKilisto utukamba.

67. Yandi wavova kwa yaü: vo ngina kulukamba, kaluna leka minuko.

68. Kansi vo ngina kulu-yuvula, kaluna vutula diambuko.

69. Kansi bwe? Bwabii ye mboki mwana amuntu una wanda va lubakala lualulendo lua-Nzambi.

70. Buna babonsoho bavova: buna Ngeye imwana aNzambie? Yandi wavova kwa yaü: yeno luvovelewo, vo ngienabo.

71. Yaü bavova: nki aki-mangu kiankaka tuena nsatu? Kadi yeto kibeni tuwilubo mu nwa 'ndi.

### Kapu 23.

*Yesu wanatwa kwa Pilato (1—5), kwa Elodesi (6—12), wakongiduhwa (13—25), wanatwa ku Ngolongata (26—32), wacomwa va kulunsi (33—34), walcvilwa (35—43), wafwa (44—49), wadiamuswa (50—56).*

Buna bakala kabü diamvimba dianangüka ye diana-ta Yesu kwa Pilato.

2. Yaü babadika kumfunda ye bavova: yeto tuamweni, vo ndieu uvengümünanga bantu be-to ye ukanikinanga vana mpaku kwa ntinu ye uvovanga, vo yandi iKilisto imfumu.

3. Pilato wanyuvula ye wavova: Ngeye imfumu abayudayoe? Yandi wavutula kwa yandi ye wavova: Ngeye vovelewo.

4. Pilato wavova kwa bangüdi zanganga ye kwa bantu: kimweni kwaminkanu mu muntu waüko.

5. Kansi yaü bakala nake-kete ye bavova: yandi ukola-masanga bantu ye ulonganga mu nsi yamvimba yaYudaya ye wabadika mu Ngalilea nate ye mwamü.

6. Pilato bukawawo, yandi wayuvula, vo Yesu imwisi Ngalilea.

7. Bukazaya, vo katuka mu nsi yayala Elodesi, buna yandi wamfidisa kwa Elodesi, kadi yandi wakala mu Yerusalemi bina lumbu.

8. Elodesi bukamona Yesu, buna wakala mbidi akiese, kadi yandi wazola mona yandi lumbu yayingi, kadi yandi wawa beni mu yandi ye wabanza, sia mona mangu kikana vanga.

9. Yandi wanyuvula mambu mamingi, kansi Yesu kavutula diambu kwa yandiko.

10. Kansi bangüdi zanganga ye minsoniki batelama ye bamfunda beni.

11. Elodesi ye binwani bianti bandeva ye bamvweza ye bamvwika nlele wantoko beni ye bamvutula kwa Pilato.

12. Elodesi ye Pilato bakala kikundi kina lumbu, kadi yaü bateka kalasana kitantu.

13. Pilato watela bangüdi zanganga ye baküluntu ye bantu mbila

14. Ye wavova kwa yaü:

yeno luatuedi muntu waü kwa mono, keti imuntu uvengümünanga bantu. Tala, beto yeno tumfiongünene ye kimweni nkanu nkutu ulumfundidi mu yandiko.

15. Elodesi mpe kamweni-woko, kadi ilufidisi kwa yandi, kansi tala, kavolele nkanu nkutu ufwanane mu vondwako.

16. Nkiangunu sia kumbüfisa ye kumvulusa.

17. Kabü dianvimba diaboka:

18. Katula yandi, utuvulusila Balaba,

19. Yandi Balaba watulwa mu keholo mu diambu diankindu mu vata ye mu diambu diavonda.

20. Pilato wavutuka vova kwa yaü ye wazola vulusa Yesu.

21. Kansi yaü baboka ye bavova: koma yandi va kulunsi, koma yandi va kulunsi!

22. Yandi wavova mpova yantatu kwa yaü: kadi nki amambu mambi kavengi? Kimweni nkanu ufwanane mu vondwa mu yandiko, nkiangunu sia kumbüfisa ye kumvulusa.

23. Kansi yaü babama mu zindinga zazinene ye batatimisa mu kunkomisa va kulunsi, ye ndinga zaü zabaluka beni.

24. Buna Pilato wazenga mambu vo muna kala bonso bubalomba.

25. Ndienna watulwa mu keholo mu diambu diankindu ye mu diambu diavonda, yandi wamvulusa, bonso bubalomba, kansi yandi wayeküla Yesu, bonso bubazola.

26. Bubamvaykisa, buna basimba mwisi Silene, nkümbü andi Simona. Yandi watuka ku via. Yaü bantuika kulunsi, kidi kanatadio kunima aYesu.

27. Kabü diadinene diabantu ye bakento dianama yandi. Bakento babanda zintulu ye badila mu yandi.

28. Yesu wabangümüka ye wavova kwa yaü: lubana babakento mu Yelusalemi, kalundi-laniko, kansi lukididila ye bana beno.

29. Kadi lumbu bina kwi-za, bubana vova: kiese kiena ye bakento bena sita ye bena vümü kilembolo buta ye bena mabene malembolo yemwa.

30. Buna siba badika vova kwa miongo: lutubwila, ye kwa hintuntubulu: lususweka.

31. Kansi vo bavanga bobo mu nti wankunzu, buna bwe bana vanga mu nti wakiyunina?

32. Kansi bole bankaka bavola minkanu, bavaykuswa yandi mu vondwa.

33. Bubaluaka va vüma, vabikwanga konzongolo kiantu. Ivoovo bankoma va kulunsi ye bavola minkanu mpe, umosi

va lubakala, umosi va lumoso.

34. Kansi Yesu wavova: Se, ubayambudila, kadi kabazaydi yibeti vangako. Yaũ bakaba minlele niandi ye batamio wadi.

35. Bantu batelama ye batela. Kansi bakuluntu banzikuna ye bavova: yandi wasadisi banakaka, bika kakisadisa, vo yandi iKilisto wasolwa kwa Nzambi.

36. Binwani mpe biandeva ye biayenda kuntambika vinya kiandeki.

37. Biaũ biavova: vo Ngeye imfunu abayudayo, nakitanina!

38. Bisoño biabi biakala va ntandu antu andi: yandi imfunu abayudayo.

39. Mvangi umosi wayayibi wamanukwa yandi wamvweza mpe: kadi Ngeye kaiKilistokoe? Nakitanina ye yeto mpe!

40. Kansi wankaka wavutula ye wanlongidika ye wavova: Ngeye wena mu nkongodolo yimosi, kadi kuna vumina Nzambi nkutukoe?

41. Yeto tutomene zengulwa mambu, kadi tueti kwamuswa, bouso bwenina mavanga meto, kansi ndieu kavolele nkamu nkutuko.

42. Yandi wavova: umbambukila moyo, buuna luaka mu kimfumu kiaku.

43. Yesu wavova kwa yandi: kedika mono ivovele, kiu-

ki lumbu Ngeye una kala yami mu nsi akiese.

44. Ntangu buyakunda va mbata, buna tombe kiakala mu nsi yamvimba, nate yentangu yabenduka.

45. Ntangu yavidisa tentina, ye ngumbũ yanzo aNzambi yatiasuka mu monakanda.

46. Yesu waboka mu ndinga yayinene ye wavova: Se, mono ngiekole mpeve ami mu moko maku. Bukavovawo, yandi watabula vumunu.

47. Nkuluntu abinwani bukamona lekwa bivengo, yandi wazitisa Nzambi ye wavova: mu kedika endu imuntu wamfonga.

48. Bantu babonsoño baku takana mu mona lekwa yoyo, bubamona lekwa biavengo, yaũ babanda zintulu ye bavutuka.

49. Kansi bazika bandi babonsoño ye bakento banama yandi, bukatuka mu Ngalilea, batelama nseke ye bamonabo.

50. Tala, kwakala muntu, nkumbũ andi Yosefi, inkongudidi, imuntu wabiza ye wamfonga.

51. Yandi kawawana yaũ mu ngwawanu aũ ye mavanga matiko. Yandi imwisi Alimatia ivata diabayudayo, wavingila kimfumu kiaNzambi.

52. Yandi wayenda kwa Pilato ye walomba nitu aYesu.

53. Yandi wamanunayo ye wazingayo nlele wampembe. Yandi wantula mu ndiamü yakwempwa mu tadi yikayateka tulwa muntu.

54. Ilumbu kiantotila kwandi ye lumingü luakala mu badika.

55. Bakento banama yandi bukatuka mu Ngalilea banama mu mona ndiamü ye bonso bwatudulwa nitu andi.

56. Yaü bavutuka mu totila zinsunga ye mila, kansi mu lumingu yaü badingama bonso bwenina mina.

### Kapu 24.

*Bakento bayenda ku ndiamü (1—3), bakambwa kwa mpofi (4—8), bayendawo samüna kwa minlongüki (9—12), Yesu wamonika kwa nlongüki miola miayenda ku Emausi (13—35), kwa nlongüki miandi miakaka (36—49), wabaluka ku zulu (50—53).*

Lumbu kiantete mu lumingü yaü baluaka nsuka miamingi ku ndiamü ye banata zinsunga zibatotila.

2. Kansi yaü hamona vo tadi dinengomono mu ndiamü.

3. Yaü bakota, kansi kabamona nitu aMfumu Yesuko.

4. Kansi bwakala bubakadilabo kiadi, tala, babakala bole batelama yaü bavwata minlele miacema.

5. Bakento bubakala mbidi

awonga ye babunda bizizi bi-aü va ntoto, buna yaü bavova kwa baü: mu nki lueti tomba nkwa amoyo mwena bafwa?

6. Kenavoko, kansi fulukidingi. Lubambüka moyo mu mambu makalukembi, bukakedi yeno mu Ngalilea,

7. Bukavova: mwana amuntu siwa yekülwa mu moko mabankwa miamasümü ye komwa va kulunsi ye fuluka mu lumbu kiantatu.

8. Yaü babambüka moyo mu mambu mandí.

9. Yaü bavutuka mu ndiamü ye basamüna yina yayonso-no kwa kumi ye nlongüki mosi ye kwa babonso bankaka.

10. Bakento ibaba: Malia Mangadalene ye Yoana ye Malia, imbuta aYakobi, ye bakento bankaka bakala yaü. Yaü basamünawo kwa zintumwa.

11. Kansi yaü basa mambu maü nkievo mambu malembolo songa, ye kabalekila bakento minuko.

12. Tala, kiakina lumbu bantuntu bole bayenda ku vata, nkümbü avata Emausi. Diaü diatatuka ye Yelusalemi makümasambanu mazitadia.

13. Yaü bamokana mu yina yayonso yavangwa.

14. Bwakala bubamokana ye bazenga mpaka, buna yandi ki-

beni Yesu wafinangana ye wawenda yaü.

15. Kansi meso maü makala mafükama ye yaü kabanza-yako.

16. Yandi wavova kwa yaü: nki amambu momo lueti mokina, bulueti diata ye luena kiadi?

17. Mosi, nkümbü andi Kileopa, wavutula ye wavova: kadi Ngeye kaka inzenza mu Yelusalemi ye kuzaydi yave-ngomo mu biabi lumbukoe?

18. Yandi wavova kwa yaü: kadi nki alekwa? Yaü bavova kwa yandi: nsamü mu Yesu imwisi Nazaleti wakedi nkambi wangolo ye mu mavanga ye mu mambu kwa Nzambi ye kwa bantu babonsono,

19. Bonso bwanyekole bangüdi zanganga ye minyadi mieto mu kongü-lulwa mu vondwa ye bankomisa va kulunsi.

20. Kansi yeto tuabenzingi, vo yandi indiena una vulusa balaleli, kansi kasi yina yavangulu ilumbu kiantatu bwabü.

21. Kansi bakento beto bankaka batuyitikusu, bubaluekingi nsuka miamingi ku ndiamü,

22. Kansi kabanweningi nitu andiko, buna bayizidingi ye bakembingi: tumweni zimpofi mu mona meso. Zaü zitukembi, vo yandi weti vümüna.

23. Bankaka bayeto belenge

ku ndiamü ye bamweningi, bonso butelenge bakento, kansi kabanweningi yandiko.

24. Yandi wavova kwa yaü: engwa yeno, lubankwa miabuzengi ye fuki mu ntima mu leka minu mu mambu mamonsonono makamba minkambi.

25. Kadi Kilisto kana kwandi lungwa bobokoe ye kota mu nzitusu andi?

26. Yandi wabadika mu Mose ye minkambi miamionsonono ye wababangüdila masonukwa mamonsonono mu yandi.

27. Yaü bafinangana ye vata dibayendila, ye yandi wasa nkievo sika vioka.

28. Yaü bankwikila ye bavova: kala yeto, kadi nokila yibwidi, ye lumbu kiekia mu suka. Yandi wayenda kala yaü.

29. Bwakala bukazakala yaü va meza, yandi wabonga dimpa ye wasakümünadio ye wabavana.

30. Meso maü mazibüka, ye yaü banzaya, kansi yandi walala bubatala.

31. Yaü bavovana: kadi mintima mieto, kadi kamikedi mialema mu yetokoe bukamokene yeto mu nzila ye bukatubangüdingi masonukwa?

32. Yina ntangu yaü batelama ye bavutuka ku Yelusalemi ye bamona kümi ye nlongü-

ki mosi mikutakene ye bantu bakala yaü.

33. Yaü bavova: mu kedika Mfumu yifulukidingi ye yimonekenenge kwa Simona.

34. Yaü bakamba bonso bubabwanwa mu nzila ye bonso bukazayakana, bukabüküna dimpa.

35. Kansi bubamokina yoyo, buna Yesu watelama mu monakanda diaü.

36. Yaü batina ye bazakama ye babanza, vo bamweni mpeve.

37. Yandi wavova kwa yaü: nkiama lueti tinina, ye mu nki lueti banza mabanza momo mu ntima mieno?

38. Lutala moko mami ye malu mami vo imono kwami. Lumpalakana ye lutala, kadi mpeve kayena nsuni ye bivisiko, bonso bulumweni vo biena yami.

39. Kansi bubalembwa leka minu mu diambu diakiese ye bayitukwa, buna yandi wavova kwa yaü: luena ye lekwa kiandia vave?

40. Yaü bamvana бүкү kiambizi yanlangu kiakangwa.

41. Yandi wabongakio bubatala ye wadia.

42. Yandi wavova kwa yaü:

mama imambu mayalukembi buyakedi yeno, vo mamonsoho masonwa mu Mose ye minkambi ye minkunga maña kwenda detila mu mono.

43. Buna kazibüla madiela maü, kidi bazaya masonukwa.

44. Yandi wavova kwa yaü: bobo bwasonwa: Kilisto sika lungwa ye fuluka mu lumbu kiantatu.

45. Mpilulu amadiela mu ngiambudulu anasümü yina kammbwa mu nkümbü andi kwa bantubabonsoho. Mu Yelusalemi muna badukulwa.

46. Yeno luzimangi zabilekwa biobio.

47. Mono ngina fidisa kwa yeno lusilulu luasami, kansi luna sala mu vata, nate ye luna vvikwa mu zingolo zankwa akayengele.

48. Yandi wabanata ku Betania ye wazangüla moko mandi ye wabasakümüna.

49. Vakala bukabasakümüna, yandi wavambana yaü.

50. Yaü bavutuka ku Yelusalemi ye kiese kiakingi,

51. Ye bakala mu nzo aNzambi lumbu kalumbu ye hayimbila kwa Nzambi.



# Nsamü wambote waYoane.

## Kapu 1.

*Diambu diakala va ntetentete (1—5), nza kayatambuladioko (6—13), diambu diakituka nsuni (14—18), kimbaraji kiaYoane Mbotiki (19—34), Andela ye Yoane banama Yesu (35—42), Yesu wabokila Filipino (43—51).*

Va ntetentete vakala diambu, ye diambu diakala ye Nzambi, ye diambu iNzambi.

2. Va ntetentete diaü diakala ye Nzambi.

3. Yilekwa yayonsoo yavangwa kwa diaü. Widi lekwa kimosi nkutu kakiavangwa kwa muntu wankakako.

4. Mu diaü mwena moyo, ye moyo wakala kia kwabantu.

5. Kia kukienzulanga mu tombe, kansi tombe kakiavisa-koko.

6 Kwakala muntu wafiduswa kwa Nzambi, nkümbü andi Yoane.

7. Yandi wayiza mu kimbangi, mpasi katakio, kidi kale-kisila babonsoo minu.

8. Yandi kaikiako, kansi wayiza mpasi kata kimbangi kiakia.

9. Ikia kwakedika kukienzulanga bantu babonsoo kwayiza mu nza.

10. Kwaü kwakala mu nza,

ye kwaü kwavanga nza, ye kwaü kakwazaywa kwa nzako.

11. Yandi wayiza ku lekwa biandi, kansi bantu bandi kabantambulako.

12. Kansi yandi wavana zingolo mu kala baira baNzambi kwa yaü bantambula ye baleka minu mu nkümbü andi.

13. Kwa yaü balembolo butwa kwa menga ye kwa luzolo luansuni ye kwa luzolo luamuntu, kansi babutwa kwa Nzambi.

14. Diambu diakituka nsuni ye diasikila yeto. Yeto tuamona nzitusu adiambu mpila mosi ye nzitusu amwana mosi wasemükunwa kwa se, ye wazala kwa nlemvo ye kedika.

15. Yoane wata kimbangi mu yandi ye waboka ye wavova: “iyandiyoyo uyabika una kwi-za ku nima ‘mi; yandi wampitila, kadi yandi wantekila”.

16. Kadi beto babonsoo tuateambula mu lufuluzu luandi ye nlemvo mu nlemvo.

17. Kadi mina miavewa kwa Mose, kansi nlemvo ye kedika biayiza mu Yesu Kilisto.

18. Muntu kasi kamweni Nzambiko; mwana mosi wasemüku-

nwa wena mu nkata adise, waü wasamünabo.

19. Kimbangi kiaYoane ikia-ki: bayudayo bubafidisa zinganga ye balevayta batuka mu Yelusalemi kidi banyuvula: Ngeye, unani kwaku?

20. Buna Yoane wata ye kakadilako ye wakamba: kamonoko iKilisto.

21. Yaü banyuvula: kadi unani? Ngeye iElaya kwakue? Yandi wavova: kina kwamiko. Yaü vo: Ngeye inkambi kwakue? Yandi wavova: aa.

22. Buna yaü bavova kwa yandi: unani kwaku, mpasi tuakamba batufidisi? Bwe weti vova mu nitu aku?

23. Yandi wavova: "mono indinga yibokanga mu nsi yankatu: lusungika nzila aMfumu"! bonso bwavova Esaya inkambi.

24. Bafiduswa ibafalisea kwaü.

25. Yaü banyuvula ye bavova kwa yandi: mu nkiana ubotikanga bukweni Kilistoko ye Elayako ye nkambiko?

26. Yoane wavutula ye wavova kwa yaü: mono ibotikanga mu nlangu, kansi mu monakanda diano mutelamene ululembolo zaya kweni.

27. Yandi una kwiza kuni-ma 'mi, mono kifweni kwami mu kutula nsinga ansampatu andiko.

28. Yina yavangwa ku Betania kuna simu diaYolodani kwabotika Yoane.

29. Lumbu kiansuka yandi wamona, vo Yesu lueki kwa yandi, ye wavova: tala, dimeme diaNzambi dikatulanga masumü manza.

30. Iyandi uyabika: muntu una kwiza kunima 'mi wantekila, kadi yandi watekila ye mono yazimünina.

31. Mono kiazayako, kansi kidi kazayakana mu Isaleli, nkianguu mono yayiza mu botika mu nlangu.

32. Yoane wata kimbangi ye wavova: mono yamona Mpeve yakülümüka mu zulu bonso bembe ye yasala va yandi.

33. Kiazaya kwamiko, kansi wamfidisa mu botika mu nlangu wavova kwa mono: ndiona uuna mona, vo Mpeve yina külümüka ye sala va yandi, iyandi ubotikanga mu Mpeve yanlongo.

34. Mono yamonabo ye yata kimbangi, vo yandi imwana aNzambi.

35. Lumbu kiansuka Yoane watelama diaka ye nlongüki miandi miole.

36. Bukamona, vo Yesu weti vioka, yandi wavova: tala, dimeme diaNzambi!

37. Nlongüki miandi mina

miamiole miawa, bukavova, ye mianama Yesu.

38. Yesu wabangũmũka ye wamonamio, vo minemi yandi, ye wavova kwa miaũ: nani lutombeke? Miaũ miavova kwa yandi: Labi, mbandugulu adiambu nlongi, kwe ulekanga?

39. Yandi wavova kwa miaũ: luizeti luamoneti. Miaũ miayenda mona mukalekanga ye miakala yandi kina lumbu. Ntangu yabenduka beni yakadila yilekwa yoyo.

40. Andela, impangi aSimona Petolo, wakala mosi vana vamiawa Yoane ye mianama Yesu.

41. Yandi wateka mona yandi mpangi Simona ye wavova kwa yandi: yeto tuamweni Mesia, mbandugulu adiambu muntu wakũswa.

42. Yandi wantuala kwa Yesu. Yesu bukamona yandi, yandi wavova: Ngeye imwana aYona. Ngeye siwa bikwa Cefa, mbandugulu adiambu tadi.

43. Lumbu kiansuka mboki Yesu wazola kwenda kuna Ngalela ye wamona Filipino. Yesu wavova kwa yandi: undama!

44. Kansi Filipino watuka mu Betezayda mu vata dia Andela ye Petolo.

45. Filipino wamona Natanaeli ye wavova kwa yandi: ndiona

wasonukwa kwa Mose mu mina ye minkambi, yeto tuamweni, Yesu imwana aYosefi mu Nazaleti.

46. Natanaeli wavova kwa yandi: kadi lekwa yambote yilenda tuka mu Nazaleti? Filipino wavova kwa yandi: wiza wataleti.

47. Yesu wamona Natanaeli, vo wizidi kwa yandi, ye wambiika: tala, muntu waIsaleli uke-mbo kinkita.

48. Natanaeli wavova kwa yandi: bwe unzaydi? Yesu wavutula ye wavova kwa yandi: Filipino bukatelele Ngeye mbila bukedingi kungsi anti wakuyu, mono yikimwenini Ngeye.

49. Natanaeli wavutula kwa yandi: Labi, Ngeye imwana aNzambi, Ngeye imfumu aIsaleli.

50. Yesu wavutula ye wavova kwa yandi: Ngeye lekele minu, kadi ikembi vo mono mbweni Ngeye kungsi ankuyu. Ngeye siwa mona lekwa yilutidi mu nene.

51. Yandi wavova kwa yandi: kedika, kedika mono ikulovovele: yeno luna mona zulu dina zibũka ye mpofi zaNzambi zina balũka ye kulumũka va ntandu amwana amuntu.

## Kapu 2.

Yesu wakitula nlangu vinia 1—

11), *wayenda ku Yelusalemi ye wawedisa nzo aNzambi* (12—25).

**Lumbu** kiantatu mwakala ndambisa mu Kana mu Ngalilea. Mbuta aYesu yakala muna.

2. Kansi Yesu watumuswa ku ndambisa mpe ye nlongüki miandi.

3. Yaü kabakala viniako, kadi vinia kiandambisa kiavwa, nkiangunu mbuta aYesu yavova kwa yandi: vinia kisukidi.

4. Yesu wavova kwa yandi: nkento, mambu mami imakue? Ntangu ani kayizidiko.

5. Mbuta 'ndi yavova kwa bisielo: kionso lekwa kikana kulukamba, luvangakio.

6. Kansi mimvüngü miansambanu miatentukwa vana, bonso buvanganga bayudayo bubakukivedisanga. Miankaka miatezwa tezo biole biole, miankaka bitatu bitatu.

7. Yesu wavova kwa biaü: lufuluza mimvüngü mu nlangu. Biaü biafuluzamio nate ye nafwasia.

8. Yandi wavova kwa biaü: luvata ye lutula ye lunata kwa kota diandambisa.

9. Kota diandambisa budialevita nlangu wakituka vinia, diaü kadi azaya mukiaturako, kansi bisielo biavata nlangu ye biatula biayayamo. Mboki diaü diatela toko diandambisa mbila

10. ye diavova kwa diaü:

bantu babonsono bateka tualanga vinia kiambote, kansi bubamana kala bondia bondia mboki vinia kiambi. Ngeye ukütidi vinia kiambote nate ye bwabü.

11. Imbadukulu yoyo yalekwa bianzenza biavanga Yesu mu Kana mu Ngalilea. Yandi wasonga uzitusu andi, ye nlongüki miandi mianlekila minu.

12. Mboki yandi wakülümuka ye mbuta 'ndi ye mpangizandi ye nlongüki miandi ku Kapelenanu. Yaü bakala kuna lumbu bikwa kaka.

13. Yesu wabaluka ku Yelusalemi, lumbu kiampiokolo kiabayudayo bukiakala luküti ye kwiza.

14. Mu nzo aNzambi yandi wamona batekanga zingombe ye mameme ye mabembe, ye babudisanga bivanza bazakalanga muna.

15. Yandi wavanga kokoto kiamfümvyü ye waküba babonsono mu nzo aNzambi ye mameme ye zingombe ye wamwangisa bivanza bibabudisa ye wanengüna meza

16. ye wavova kwa bateka mabembe: lukatulamo vava! Kaluvangani nzo asami zanduko.

17. Buna nlongüki miandi miabambüka moyo mu mambu masonukwa: ntondi anzo akuyankenka.

18. Buna bayudayo bavutu-

la ye bavova kwa yandi: nki amangu una kutusonga buvengi bobo?

19. Yesu wavutula ye wavova kwa yaü: lutulula nzo yayi yaNzambi, ye mu lumbu bitatu siayo tungüdila.

20. Buna bayudayo bavova: nzo yayi yaNzambi yatungwa mu makūmaya mamimvu ye mvu nsambanu, buna Ngeye siwayo tungüdila mu lumbu bitatue?

21. Kansi yandi wabika nzo anitu andi.

22. Yandi bukafuluka mu bafwa, mboki nlongüki miandi miabambūka moyo, vo yandi wabakambawo, ye mialeka minu mu mambu masonukwa ye mu uküngü zavova Yesu.

23. Kansi bukakala mu Yelusalemi mu lumbu kiampiokolo, buna babingi balekila nkūmbū andi minu, bubamona bimangu bikavanga.

24. Kansi yandi kibeni Yesu kaleka minu mu yaüko, kadi yandi wazaya babonsono.

25. Yandi kakala nsatu atambula kimbangi kiamuntuko, kadi yandi kibeni wazaya yonso yakala mu muntu.

### Kapu 3.

Yesu ye Nikodemo (1—21), mpaka mu mbotokolo aYesu ye mu mbotokolo aYoane (22—36).

**Kwakala nkwa afalisea, nkū-**

mbū andi Nikodemo, inkuluntu abayudayo.

2. Yandi wayenda kwa Yesu mu fuku ye wavova kwa yandi: Labi, tuzaydi kweto, vo Ngeye watuka kwa Nzambi mu kala nlongi, kadi muntu kalendi vanga bimangu biuvanganako, vo Nzambi kena yandiko.

3. Yesu wavutula ye wavova kwa yandi: kedika, kedika mono ivovele: vo muntu kabutwa mu kayengeleko, kalendi kota mu kimfumu kiaNzambiko.

4. Nikodemo wavova kwa yandi: muntu bukena wanuna, bwe kalenda butwa? Kadi yandi lenda vutuka kota mu vūmū kiambuta 'ndi ye butwa?

5. Yesu wavutula: kedika, kedika mono ivovele: vo muntu lembolo butwa kwa nlangu ye Mpeve, kalendi kota mu kimfumu kiamazuluko.

6. Wabutwa kwa nsuni, insuni; wabutwa kwa Mpeve, impeve.

7. Kuyitukwaniko, vo mono ikembi: yeno silua butwa mu kayengele.

8. Mpeve yikwenda vevūmūkingi muyizolele. Ngeye wilu ndinga 'ndi, kansi muyitukanga ye muyikwendanga, kuzaydimoko. Bobo bwena wonso wabutwa kwa Mpeve.

9. Nikodemo wavutula ye wavova kwa yandi: yilekwa yo-  
yo bwe yina lenda vangulwa?

10. Yesu wavutula ye wavova kwa yandi: kadi Ngeye inlongi aIsaleli ye kuzaydi yokoe?

11. Kedika, kedika mono ivo-vele: yeto tukambanga yituzaydi ye tutanga kimbangi mu lekwa yituamweni, kansi yeno kalutambulanga kimbangi kietoko.

12. Vo kaluna leka minuku builukembi yilekwa yantoto, buna bwe silua leka minu, buningina kulukaniba yilekwa yalilizulu?

13. Muntu kabaluka ku zulu, kansi wakülümüka mu zulu, imwana amuntu wena mu zulu.

14. Bonso bwabalula Mose nioka kuna nsi yankatu, ibuna buna balulwa mwana amuntu mpe,

15. kidi wonso unawo leki la minu, una kala moyo usalanga kwele mvu kuvutukidi mvu.

16. Kadi bonso bwabü Nzambi watonda nza, vo kavana mwana ndi mosi ukasemükina, mpasi wonso wonso unawo lekila minu kana büngwako, kansi una kala moyo usalanga kwele mvu kuvutukidi mvu.

17. Kadi Nzambi kafidisa mwana ndi mu nza mu kongü-dila nzako, kansi nza kidi yalalulwa mu waü.

18. Wonso una leka minu mu

waü, kana kongülulwako, kansi ulembolo leka minu wakikongodolo, kadi kalekele minuko mu nkümbü amwana mosi wasemükina Nzambi.

19. Kansi lukongodolo ilualu: kia kwayiza mu nza, kansi bantu balutila tonda tombe, ye kabatonda kiako, kadi mavanga maü makala mambi.

20. Kadi wonso wonso uvanganga yambi, ubelanga kia ye kakwizanga mu kiako, mavanga mandi kamidi sembwa.

21. Kansi uvanganga kedika, yandi ukwizanga mu kia, kidi mavanga mandi mazayakana, kadi maü mavangwanga mu Nzambi.

22. Mboki Yesu wayenda ye nlongüki miandi ku Yudaya. Kuna kakala yaü ye kabotika.

23. Kansi Yoane wabotika kuna Enoni luküfi ye Salimi, kadi nlangu wawingi wakala kuna. Yaü bayenda mu botukwa.

24. Kadi bina lumbu Yoane katulwa mu keboloko.

25. Buna mpaka zabwa ye nlongüki mia Yoane ye bayudayo mu veduswa.

26. Yaü bayenda kwa Yoane ye bavova kwa yandi: Labi ndiona wakala yaku kuna simü dia Yolodani uwatela kimbangi, tala, yandi ubotikanga, ye bantu babonsono bakwendanga kwa yandi.

27. Yoane wavutula ye wavova: muntu kalendi tambula lekwa, vo kavewakio mu zulu.

28. Yeno kibeni izimbangi zami buyavova: kamonoko iKilisto, kansi yafiduswa ku ntuala ndi.

29. Wena ndumba andambisa itoko diandambisa, kansi nkūndi atoko diandambisa utelamanga ye uwangadio ye wena kiese mu nlinga atoko diandambisa. Kiese kiami kiokio bwabū kifulukidi.

30. Yandi sika neniva, kansi mono sia lala yindu.

31. Tukidi mu kayengele wena va ntandu abantu babonsono; tukidi mu ntoto wena va ntoto ye uvovanga lekwa yantoto.

32. Tukidi mu zulu utanga kimbangi mu lekwa yikawilu ye yikamweni, kansi muntu katabudi kimbangi kiandiko.

33. Utambudi kimbangi kiani, yaydi, vo Nzambi wena wakelika.

34. Kadi wafiduswa kwa Nzambi uvovanga mambu ma-Nzambi, kadi Nzambi kavamanga Mpeve mu tezoko.

35. Dise ditondanga mwana ye diaveni yayonsono mu koko kwandi.

36. Wonso ulekele mwana minu wena moyo usalanga kwele mvu kuvutukidi mvu, kansi

ukolamana mwana kana mona moyoko, kansi nganzi zaNzambi zina kala mu yandi.

## Kapu 4.

*Yesu waviokila mu Samalia (1—4), wamokisa nkento wakisi Samalia (5—30), wamokisa nlongūki miandi (31—38,) bisi Samalia banlekila minu (39—42), Yesu waniakisa mwana amuntu wamfumu (43—54).*

Kansi Yesu bukazaya, vo bafalisea bakiwila, vo weti lutila Yoane mu vanga minlongūki ye mu botika,

1. kansi yandi kibeni Yesu kabotikako, kansi nlongūki miandi.

2. buna wasisa Yudaya ye wayenda diaka kuna Ngalilea.

3. Yandi waviokila mu Samalia.

4. Yandi waluaka ku vata mu Samalia, nkūmbū avata Sikali, lukūfi ye yinza diavana Yakobi kwa mwana 'ndi Yosefi.

5. Kuna kwakala nto aYakobi. Yesu wanoka nitu mu diata, nkiangunu yandi wazakala va mbela anto, ntangu buyakala va mbata.

6. Kuna kwaluaka nkento mu teka nlangu. Yesu wavova kwa nkento: umpama nlangu yanwa.

7. Kadi nlongūki miandi

miayenda kii vata mu sumba dia.

9. Nkento, imwisi Samalia, wavova kwa yandi: Ngeye inkwa aYudayo, bwe una lenda kundombila nlangu?

10. Yesu wavutula ye wavova kwa nkento: vo Ngeye zaydi nkaylu aNzambi ye ndiena uvovele kwa Ngeye, umpana nlangu yanwa, nga unlombele kavana Ngeye nlangu amoyo.

11. Nkento wavova kwa yandi: Mfumu, kubakidi kivatila nlanguko, ye nto yena mpinda, kwempi una bakila nlangu amoyo?

12. Kadi Ngeye lutidi Yakobi iseto diatuvana nto ye dianwa diaü kibeni mu nto ye bana bandi ye bibulu biandie?

13. Yesu wavutula ye wavova kwa nkento: wonso una nwa nlangu wowo una vutuka mona nsatu;

14. kansi una nwa nlangu ungina kumvana, kana mona nsatu anlangu kwele mvu kuvutukidi mvuko, kansi nlangu ungina kumvana siwa kala nto anlangu mu yandi yicilümükanga mu moyo usalanga kwele mvu kuvutukidi mvu.

15. Nkento wavova kwa yandi: Mfumu, umpana nlangu wo-wo, kidi yalembwa fwa nsatu anlangu, kidi kina vutuka kala

nsatu akwiza teka nlangu vava-ko.

16. Yandi wavova kwa nkento: wenda tela nlumi aku mbi-la, kidi kiiza vava.

17. Nkento wavutula ye wavova: kiena kwami ye nlumiko. Yesu wavova kwa yandi: Ngeye tomene kamba: kiena kwami ye nlumiko.

18. Kadi babakala batanu bakedi yaku, ye diena yaku bwabü, Ngeye kuvwididioko.

19. Nkento wavova kwa yandi: Mfumu, mbweni, vo Ngeye inkambi.

20. Mase meto masambilanga vana mongo una, kansi yeno luvovele: Yelusalemi ivü-ma vasambudulwanga.

21. Yesu wavova kwa yandi: nkento, undekila minu, vo ntangu yina kwiza, buluna lembwa sambila dise vana mongo una ye mu Yelusalemi.

22. Yeno lusambilanga yilulembolo zaya; yeto tusambilanga yituzaydi, kadi ndalulu yina tuka mu bayudayo.

23. Kansi ntangu yina kwiza, ye yikiizidi, minsambidi miakedika bunina sambila se mu mpeve ye mu kedika, kadi diaü ditombanga mpe basambilangadio bobo.

24. Nzanbi impeve, ye bakunsambila siba sambila mu mpeve ye mu kedika.



25. Nkento wavova kwa yandi: nzaydi kwami, vo Mesia, ubikwanga Kilisto, una kwiza. Bukana kwiza, yandi una kutukamba yayonso.

26. Yesu wavova kwa yandi: imono yuyu mpovele ye Ngeye.

27. Buna nlongüki miandi mialuaka ye miayitukwa, vo weti moka ye nkento, kansi muntu nkutu kavovako: nkiama weti kunyuvula, evo nki umokane ye yandi?

28. Nkento wasisa mvüngü andi ye wayenda ku vata ye wavova kwa bantu:

29. luiza luataleti muntu, unkembi yina yayonso yiavengi. Kanivo yandi iKilisto?

30. Yaü bavayka mu vata ye bayenda kwa yandi.

31. Nkento bukayenda ku vata, buna nlongüki manyuvula ye miavova: Labi, dia kwaku!

32. Kansi yandi wavova kwa miaü: dia kwena yami kululembolo zaya.

33. Buna nlongüki miavovana: kanivo muntu neti dia kwa yandi?

34. Yesu wavova kwa miaü: idia kwami kwaku, kidi yavanga luzolo luawamfidisa ye manisa mavanga mandi.

35. Kadikaluvoveleko: ngo-nda zia zisidi, mboki vula kina yonzukwa dia? Tala, mono

ikuluvo: luvümbüla meso meno luatala mavia, kadi maü mavembükele mu yonzukwa dia.

36. Una yonzika sika tanbula mfutu ye yonzika bana mu moyo usalanga kwele mvu kuvutukidi mvu, kidi kü-nini ye yonzekele siba yangalala vamosi.

37. Kadi mu yayi diambu diena diakedika: wankaka ukunanga, wankaka uyonzikanga.

38. Mono yalufidisi luayonzika yilualembolo küna. Bankaka basala, ye yeno luayende mu salu kiaü.

39. Kansi bisi Samalia babingi mu vata dina balekila yandi minu mu diambu diamambu mankento, wata kimbangi: yandi unkembi yayonso yiavengi.

40. Bisi Samalia baluaka kwa yandi, yaü banyuvula, kidi kakala yaü. Yandi wakala kuna lumbu biole.

41. Bankaka babingi balekila minu mu diambu diamambu mandi.

42. Yaü bavova kwa nkento: lelo katulekele minu mu diambu diamambu makuko, kadi yeto kibeni tuwilu ye tuzaydi, vo mu kedika yandi inaludi anza.

43. Kansi lumbu biole mboki kakatuka kuna ye wayenda ku Ngalilea,

44. kadi yandi kibeni Yesu wata, vo nkambi kazituswanga mu nsi amase mandiko.

45. Kansi bukaluaka ku Ngalilea, bisi Ngalilea bantambula, kadi yaü bamona yayonsoho yikavanga mu Yelusalemi mu lumingü, kadi yaü kibeni mpe bakala mu lumingü.

46. Yandi wayenda diaka ku Kana mu Ngalilea, kuka- kitudila nlangu vinia.

Mu Kapelenamu mwakala muntu wamfumu wakala mwana wayela.

47. Yandi bukawa, vo Yesu tukidi ku Yudaya ye weti kwenda ku Ngalilea, buna yandi wayenda kwa yandi ye wanyuvula kakülümüka mu niakisa mwana 'ndi, kadi waü wakala luküfi ye fwa.

48. Buna Yesu wavova kwa yandi: kadi vo kalumonanga bimangu ye lekwa bianzenzako, yeno kalulekanga minuko.

49. Muntu wamfumu wavova kwa yandi: vo kuna sa nswalu mu kwizako, mwana 'mi siwa kukifwila.

50. Yesu wavova kwa yandi: wenda, mwana 'ku uvükidi. Muntu waleka minu mu mambu mavova Yesu kwa yandi ye wayenda.

51. Bukabadika külümüka, buna sielo biandi biankika ye

biankamba ye biavova: mwana 'ku vükidi.

52. Buna yandi wayuvula bi-sielo: nki antangu unieki mwana? Biaü biavova kwa yandi: zono ntangu buyaviokele safi-uma va mbata, nzakama yasisidi mwana.

53. Buna se diazaya, vo yina ntangu yavova Yesu kwa yandi: mwana 'ku uvükidi. Yandi waleka minu ye nzo andi yamvimba.

54. Mangu kiokio ikianzole kiavanga Yesu, bukatuka mu Yudaya ye wayenda ku Ngalilea.

## Kapu 5.

*Mbero ku Betazata (1—8), bayudayo bazola vonda Yesu (9—17), Yesu wata nsamii mu sandi (18—29), wakibika mwana aNzambi (30—46).*

Buna mboki luakala lumingü lualunene luabayudayo, ye Yesu wabaluka kuna Yelusalemi.

2. Kansi mu Yelusalemi mwena nkelo lukufi ye mwelo amameme. Nkelo wabikwa Betazata mu kiebeleo. Muna mwakala nzo zitano.

3. Dikabü diadinene diabantu bakala yela ye bafwa meso ye batembila ye batila mianzi diakala mu nzo zozo.

4. Kuna kwakala muntu wa-

**kedi yela makumatatu ye nani diamimvu.**

5. Yesu bukamona yandi, valambalele, ye wazaya, vo wakedi yela mvu miamingi, buna yandi wavova kwa yandi: Ngeye zolele niake?

6. Mbevo yavutula kwa yandi: Mfumu, kiena kwami muntu ukuntuala ku nkeloko, nlangu huvinzulu, kansi builuaka, wankaka ukikulumukini.

7. Yesu wavova kwa yandi: nangūka wabonga ntanda 'ku ye wenda.

8. Muntu waniaka ye wabonga ntanda 'ndi ye wayenda, kansi lumbu kina kiakala lumingū.

9. Bayudayo bavova kwa muntu waniaka: bwabū ilumingū, Ngeye wakanukunwa ntanda nata.

10. Yandi wavutula kwa yaū: undiakisingi uvovelenge: bonga ntanda 'ku wayenda.

11. Yaū banyuvula: keti nki amuntu uvovelenge: bonga ntanda 'ku wayenda?

12. Kansi waniaka kazaya wonso waniakisako, kadi Yesu wavionguzuka mu bantu bakala vana.

13. Mboki Yesu wamona yandi mu nzo aNzambi ye wavova kwa yandi: tala, wanieki, kuvutukani vola masumūko, kwidi lūtila mona kwama.

14. Buna muntu wayenda kwa bayudayo ye wabakamba, vo Yesu kwandi waniakisa.

15. Nkiangunu bayudayo bakūba Yesu, kadi kavanga yoyo mu lumingū.

16. Kansi Yesu wavutula kwa yaū: sami disalanga nate ye bwabū, ye mono isalanga mpe.

17. Nkiangunu bayudayo baluta mu tomba kumvonda, kadi yandi wavonda lumingū ye wabika Nzambi isandi mpe ŷe wakifwanikisa ye Nzambi.

18. Buna Yesu wavutula ye wavova kwa yaū: kedika, kedika, mono ikuluyovele: mwana kaulendi vanga lekwa waū kibeniko, kansi yina kaka yiumweni kwa se, vo diaū divengiyo, kadi yina yayonso yivanganga se yina yivanganga mwana mpe.

19. Kadi se ditondanga mwana ye disongawo yayonso no yikavanga ye dinawo songa mavanga malutula momo, kidi luayitukwa.

20. Kadi bonso bufulukisa se bafwa ye dikubavana moyo. ibuna mwana una vana wonso wonso ukazolele vana moyo mpe.

21. Kadi se kadikongūdilanga muntuko, kansi diaū diavana lukongodolo kuulonso kwa mwana.

22. kidi babonso bavūmina mwana, bonso bubavūminanga se. Wonso ulemibolo

vūmina mwana kavūminanga  
se diafidisa mwanako.

23. Kedika, kedika mono  
ikuluvochele; wonso uwanga na-  
mbu mami ye ukilanga wa-  
nifidisa minu, yandi wena moyo  
usalanga kwele mvu kuvutukidi  
mvu ye kana luaka mu kongū-  
dulwako, kansi yandi wakatuki-  
li mu lufwa ye wayizidi ku  
moyo.

24. Kedika, kedika meno  
ikuluvochele, vo ntangu yina kwi-  
za ye yakizidi. bafwa bubana  
wa ndinga amwana aNzambi, ye  
bawayo bana vūmūna.

25. Kadi bonso bwenina dise  
moyo wayandi kibeni, ibuna  
diaū diavana mwana moyo mu  
kala moyo wau kibeni.

26. Diaū diavana mwana zi-  
ngolo zakongūdila mpe, kadi  
wau imwana amuntu.

27. Kaluyitukwani yoyoko,  
kadi ntangu yina kwiza, buna  
babonsono bena mu zindiamū  
bana wa ndinga 'ndi.

28. Yaū banazo vayka. Ba-  
vanga yambote bana vayka ku  
mfulukusu amoyo, ye bavanga  
yambi bana vayka ku mfuluku-  
su akongūdulwa.

29. Mono kilendi vanga le-  
kwa mono kibeniko. Bonso bu-  
ngwūlu, ibuna ngina kongūdila,  
ye nkongodolo ami yisongele,  
kadi kitombanga luzolo luami-  
ko, kansi luzolo luawamfidisa.

30. Vo mono itanga kimba-  
ngi kina mu nitu ami, buna  
kimbangi kiami kakiena kiakedi-  
kako.

31. Kwena wankaka uta ki-  
mbangi kiami. Yeno luzaydi,  
vo kimbangi kiandi kiketi ta mu  
mono kiena kiakedikaka.

32. Yeno luafidisa batumwa  
kwa Yoane. Yandi wata ki-  
mbangi mu kedika.

33. Kansi mono kitambudi  
kimbangi kiamuntuko, kansi  
mpovele yoyo, kidi lualalulwa.

34. Yandi ikia kwalema ye  
kwawangūla. Ntangu yankaka  
yeno luzola yangalala mu kia  
kwandi.

35. Kansi mono ngiena ki-  
mbangi kilutidi kimbangi kia-  
Yoane mu nene; mavanga ma-  
n pana dise, kidi yavangame;  
mavanga momo matanga kimba-  
ngi, vo se diamfidisa.

36. Se diamfidisa ditanga  
kimbangi mu mono. Yeno kasi  
kaluwilu ndinga 'ndi ye ka-  
lumweni nkadulu andiko.

37. Yeno kaluena mambu  
mami masikila mu yenoko, kadi  
yeno kalulekila ndiena ukafi-  
disa minuko.

38. Luyuvuzula masonukwa,  
kadi lubenzi, vo moyo wena  
yeno usalanga kwele mvu ku-  
vutukidi mvu mu masonukwa,  
kansi mau meti ta kimbangi  
mu mono.

39. Yeno kaluzolele kwiza kwa monoko, kidi luakala moyo.

40. Kitambulanga kwami nzitusu kwa bantuko;

41. kansi mono iluzaydi, vo kaluena tonda kwaNzambi mu yenoko.

42. Mono yayiza mu nkumbū asami, kansi yeno kaluntambudiko; vo wankaka una kwiza mu yandi nkumbū, yeno buna luntambudi.

43. Yeno bwe lulenda leka minu, bulutombasana nzitusu ye lulembolo tomba nzitusu utukidi mu Nzambi kaka?

44. Kalubanzaniko, vo mono ngina kulufunda kwase? Vena muntu mosi una kulufunda iMose ulusanga vūvū.

45. Kadi vo lulekele Mose minu, nga luandekela minu mpe, kadi yandi wasonika mu mono.

46. Kansi vo lulembolo leka minu mu masonukwa mandi, buna bwe silua lekila mambu mami minu?

## Kapu 6.

Yesu wadikila mafunda matanu mababakala (1—13), bantu bazola kunyadisa mfumu (14—15), wadiata va nangu (16—21), wata usami mu mampa madizulu (22—59), nlongūki miankaka miansisa (60—66), kimba-  
ngi kiaPetolo (67—71).

Mboki Yesu wasabūka ku-  
ua simū diamwanza waTibelia.

2. Bantu babingi banama ya-

ndi, kadi yaū bamona bimangu bikavanga mu bakala yela.

3. Yesu wabaluka vana m-  
ngo ye wazakala vana ye mi-  
nlongūki miandi.

4. Mpiokolo ilumingū lualu-  
nene luabayudayo luakala lu-  
kūfi ye kwiza.

5. Kansi Yesu bukavūmbū-  
la meso mandi ye wamona, vo  
bantu babingi beti kwiza kwa  
yandi, buna kavova kwa Fili-  
po: kwenpi tuna sumbila ma-  
mpa, kidi eba badia kwaū?

6. Kansi yandi wavova bo-  
bo mu tonta yandi, kadi yandi  
wazaya yikakana vanga.

7. Filipo wavutula kwa ya-  
ndi: mampa mankama zole za-  
bivanza kamalungidi kwa yaū-  
ko, kidi muntu muntu una ba-  
ka fibūkū būkū fibūkū būkū.

8. Nlongūki andi mosi, nkū-  
mbū andi Andela, impangi a-  
Simona Petolo, wavova kwa  
yandi:

9. fintaudi ntaudi fiena eva  
fibakidi mampa matanu ye mbi-  
zi zole zanangu, kansi biabi  
bwe bina lungila mu baū ba-  
honsono?

10. Yesu wavova: luvwandi-  
sa bantu. Vūma vana vakala  
bititi biabingi. Buna babakala  
bazakala kanivo mafunda ma-  
tanu mu ntalu.

11. Buna Yesu wabongama-  
mpa ye watonda ye wavana kwa

bazakala. Yandi wavana mbi-  
zi mpe bonso bubazola.

12. Kansi bubamana yukūta.  
yandi wavova kwa minlongūki  
miandi: luyonzika mansadusu-  
lwa masidi kamidi fūkila.

13. Kansi miaū miayonzika  
ye miafuluza kūmi ye mpidi  
zole mu mansadusulwa masala  
mu mampa matanu mabadia.

14. Bantu bubamona, vo ka-  
vanga mangu, yaū bavova: mu  
kedika yandi inkambi, ndie-  
na una kwiza mu nza.

15. Kansi Yesu bukazaya.  
vo bazola kwiza kunsimba, kidi  
banyadisa mfumu, buna kala-  
ngūka vana mōngo diaka, ya-  
ndi kwandi kaka.

16. Nkokila buyayiza, minlo-  
ngūki miandi miakūlūmūka ku  
mwanza.

17. Miaū miakota mu bota  
ye miasabūka kuna simū dia-  
mwanza kuna Kapelenamu.  
Kansi miaū miayiludulwa, bu-  
na Yesu kalueki kwa miaūko.

18. Tembo kiayiza vevūmū-  
ki ye mwanza watulama.

19. Bubaluaka kanivo ma-  
kumole ye zitadia zitanu ka-  
nivo makūmatatu, buna miaū  
miamona Yesu weti kwiza dia-  
ti mu mwanza ye wafinanga-  
na ye bota. Miaū miakala wo-  
nga.

20. Kansi yaudi wavova kwa

miaū: imono kwami, kalutina-  
niko.

21. Kansi miaū miazola ku-  
ntombula mu bota. Bota intu-  
mbu luaka kuna simū diba-  
yenda.

22. Lumbu kiansuka bantu  
batelama kuna simū diamwanza.  
bubakimwena, vo kakwakala  
bota kiankakako, kansi kimosi  
kaka kiavodūkila minlongūki  
miandi, ye vo Yesu kakota ye  
miaū mu botako, kansi minlo-  
ngūki miandi miayenda miaū  
kaka.

23. Kansi bota biankaka  
biatuka mu Tibelia diena lu-  
kūfi ye vūma vabadila mampa  
mu lutondo luamfumu.

24. Nkiangunu bantu bubamona, vo Yesu kakala kunako  
ye minlongūki miandiko, yaū  
bakūlūmūka mu bihota ye ba-  
luaka ku Kapelenamu ye ba-  
ntomba.

25. Bubamona yandi kuna  
simū diamwanza, yaū bavova  
kwa yandi: Labi, nki antuba  
lueki vava?

26. Yesu wavutula kwa yaū  
ye wavova: kedika, kedika mo-  
no ikuluvovele: yeno kalunto-  
mbele mu diambu diamona ma-  
nguko, kansi mu diambu dia-  
dia mampa ye yukūta.

27. Kalusalani mu dia ku-  
fūkilangako, kansi lusala mu  
dia kusalanga kwele mvu ku-

vutukidi mvu, kuna kuluvana mwana amuntu; kadi Nzambi idise diatulawo dimbu.

28. Nkiangunu yaü bavova kwa yandi: bwe situa sa, kidi tuasala salu kiaNzambi?

29. Yesu wavutula ye wavova kwa yaü: salu kiaNzambi ikiaki, mpasi lualekila ukafidisa minu.

30. Buna yaü bavova kwa yandi: buna nki amangu una vanga, kidi tuamona ye tuakulekila minu; nki uvanganga?

31. Mase meto madiunga mana mu nsi yankatu bonso bwasonukwa: "Yandi wabavana dia kwazulu kudiwanga."

32. Buna Yesu wavova kwa yaü: kedika, kedika mono ikulovovele: Mose kaluvana dia kwazuluko, kansi sami dikuluvananga dia kwazulu kwakedika.

33. Kadi idia kwaNzambi kwandi kukülümüka mu zulu ye kuvana moyo kwa nza.

34. Buna yaü bavova kwa yandi: Mfumu utuvananga dia koko lumbu kalumbu!

35. Yesu wavova kwa yaü: mono idia kwamoyo. Ukwiza kwa mono kana fwa nsatuko, ye ukundekila minu, kasi kana fwa nsatu anlanguko.

36. Kansi mono yakembi yeno, vo luamweni, ye kalualekele minuko.

37. Kionso kiyavewa kwa dise, kina kwiza kwa mono, ye wonso una kwiza kwa mono, kedika kina kwami kunkübako.

38. Mono kiakülümüka mu zuluko, kidi yavanga luzolo luami, kansi mu vanga luzolo luawamfidisa.

39. Luzolo luawamfidisa ilualu: kidi biabionsono bikampana, mono kina kwami vidisa widi lekwa nkutuko, kansi kidi yafulukisakio mu lumbu kina zimünina.

40. Kadi luzolo luasami ilualu: kidi wonso umona mwana ye ulekilawo minu una kala moyo usalanga kwele mvu kuvutukidi mvu, ye mono ngina kumfulukisa mu lumbu kina zimünina.

41. Nkiangunu bayudayo bakaüla kwa yandi, kadi kavova: mono idia kwakülümüka ku zulu.

42. Yaü bavova: kadi endieu kaYesu imwana aYosefikoe? Kadi katuzaydi sandi ye ngüdikoe? Buna bwe kavovele bwabü: mono yakülümüka ku zulu?

43. Yesu wavutula ye wavova kwa yaü: kalukaülani mu yeno kibeniko.

44. Muntu kalendi kwiza kwa monoko, vo dise diamfidisa kadikuntuntako, ye mono ngina kamfulukisa mu lumbu kina zimünina.

45. Mwasonukwa mu minkambi: "Babon-sono hana longwa kwa Nzambi". Nkiangunu wonso wawa kwa se ye walongwa, yandi una kwiza kwa mono.

46. Kabwako, muntu kamweni seko, kansi ndiena wena ye Nzambi, yandi wamona Nzambi.

47. Kedika, kedika mono ikuluvovele: ukundekila minu wena moyo usalanga kwele mvu kuvutukidi mvu.

48. Mono idia kwamoyo.

49. Mase meno madia mana mu nsi yankatu ye mama na fwa.

50. Dia kukülümüka ku zulu ikwaku, kidi wonso unako dia kana fwako.

51. Mono idia kwamoyo kwakülümüka ku zulu. Vo muntu una dia dia kwami, yandi sika vümüna kwele mvu kuvutukidi mvu. Kansi dia kungina vana mu moyo wanza insuni ami.

52. Buna bayudayo babinda sana mpaka ye bavova: ndiena, bwe kalenda kutuvana nsuni andi wadiwa?

53. Buna Yesu wavova kwa yafi: kedika, kedika mono ikuluvovele: vo kaludidi nsuni amwana amuntuko ye vo kalunwini menga mandiko, yeno kaluena moyo mu yenoko.

54. Wonso udia nsuni ami ye unwa menga mami, wena moyo usalanga kwele mvu kuvutukidi mvu, ye mono ngina kumfulukisa mu lumbu kina zimünina.

55. Kadi nsuni ami idia kwakedika, ye menga mami indwini yakedika.

56. Wonso udia nsuni ami ye unwa menga mami, yandi wena mu mono, ye mono ngiena mu yandi.

57. Bonso se diamoyo diamfidisa, ye mono ivümüna mu dise, iboho ukundia sika vümüna mu diambu diamu mpe.

58. Dia kwakülümüka ku zulu ikwaku, kabonso mase menoko madia ye mamana fwa; wonso udia dia koko una vümüna kwele mvu kuvutukidi mvu.

59. Yesu wavova mambu momo mu nzo yalukutukunu ye walonga mu Kapelenamu.

60. Kansi minlongüki miandi miamingi bumiawawo, miaü mia vova: manbu momo nambalu, nani lendamo wa?

61. Kansi yandi kibeni Yesu wazaya, vo minlongüki miandi miakenunuka mu mambu momo, ye wavova kwa miaü: momo imalufwemesie?

62. Buna bwevi, buluna mona mwana amuntu una baluka mukateka kala?



63. Impeve yivanganga mo-  
yo, nsuni kautomene mu-lekwa-  
ko. Mambu mayalukembi impe-  
ve ye imoyo.

64. Kansi bankaka ba yeno  
kabaleka minuko. Kadi mu  
mbadukulu Yesu wazaya bale-  
mbwa leka minu ye ndiena  
wakana kunyekula.

65. Yandi wavova: nkiangu-  
nu mono iluovelenge: muntu  
kalendi kwiza kwa monoko, vo  
lise kadina kumvanakö.

66. Nkiangunu minlongüki  
miandi miamingi miakatuka ye  
kamiavutuka nama yandiko.

67. Yesu wavova kwa kümi  
ye minlongüki miole: kadi yeno  
mpe luzolele katuke?

68. Simona Petolo wavutula:  
Mfumu, kwa nani tuakwenda?  
Ngeye wena mambu mamoyo  
usalanga kwele mvu kuvutukidi  
mvu.

69. Yeto tulekele minu ye tu-  
zaydi, vo Ngeye inkwa wanlo-  
ngo waNzambi.

70. Yesu wavutula kwa miaü:  
kadi mono kialusana kümi ye  
miolekoc? Mosi wena yeno iSa-  
tana.

71. Yandi wavovawo mu Yu-  
da, Simona Iskalio, kadi yandi  
wakana kunyekula. Yandi wa-  
kala ye kümi ye minlongüki  
miole.

## Kapu 7.

*Yesu wayenda ku Yelusalemi (1  
—13), walonga mu nzo aNzambi (14  
—31), bisielo biabafalisca biatonta  
kumbaka (32—36), Yesu walonga mu  
lumingü lwazimiinina (37—44), bisielo  
biarutuka kwa mfumu zaii (45—52).*

Mboki Yesu wazieta mu  
Ngalilea, kadi yandi kazola zie-  
ta mu Yudayako, kadi bayu-  
dayo bamfwanda mu kumvonda.

2. Lumbu kiankembo kiaba-  
yudayo kiakala luküfi ye kwi-  
za, bubakala mu mafwokula  
mamakaya.

3. Nkiangunu mpangi zandi  
zavova kwa yandi: katuka vava,  
wenda ku Yudaya, kidi minlo-  
ngüki miaku miamona mavanga  
maku mauvanganga.

4. Kadi muntu kavanga le-  
kwa mu uswekiko, bukatonta  
zayakana va yuti. Vo uvanga-  
nga bobo ukukisonga kwa nza.

5. Kadi mpangi zandi nkutu  
kazanlekila minuko.

6. Yesu wavova kwa zaii:  
ye mu bwabü ntangu ami ka-  
yayizidiko, kansi ntangu eno lu-  
mbu yayonsono yena yakubama.

7. Nza kayilendi kulubelako,  
kansi yaü yimbelele, kadi mono  
itanga kimbangi mu nza, vo ma-  
vanga manza imambi.

8. Lubalüka kwenö mu ke-  
mbila lumbu; mono kina balü-  
ka mu kembila lumbu kiokioko,  
kadi ntangu ami kayalungidiko.

9. Bukamana vova wowo, yandi wasala ku Ngalilea.

10. Kansi mpangi zandi buzakiyendila mu kembila lumbu, buna yandi wabaluka mpe mu kembila lumbu. Yandi kavayka va yutiko, kansi wayenda mu nsweki.

11. Buna bayudayo bantomba bubakembila lumbu ye bavova: yandi kwe kena?

12. Mpaka zazingi zakala ye bantu mu yandi. Bankaka bavova: yandi wabiza kwandi wena, kansi bankaka bavova: aa, kadi yandi uvengümünanga bantu.

13. Kansi muntu kabika yandi va yutiko mu diambu diawonga wabayudayo.

14. Ndambu alumbu biakembulwa buyamana vioka, buna Yesu wabaluka ku nzo aNzambi ye walonga.

15. Buna bayudayo bayitukwa ye bavova: ndiena ulembo lo longwa, bwe kazaydi ndongolo yankanda?

16. Buna Yesu wavutula kwa yaü ye wavova: ndongolo ami kaiyami ndongoloko, kansi indongolo yawamfidisa.

17. Vo muntu zolele vanga luzolo luandi, yandi sika zaya, vo ndongolo yitukidi mu Nzambi, evo mono yituka vova mu mono kibeni.

18. Ukukiyikanga, yandi tombele wandi nzitusu, kansi utondanga nzitusu wawamfidisa. yandi wena wakedika ye kinkita kakiena mu yandiko.

19. Kadi Mose kaluvana minakoe? Buna luena muntu kanamanga minako. Mu nkiana luntombe luamponda?

20. Bantu bavutula: mpeve yambi yena yaku. Nani utombe le mu kuvonda?

21. Yesu wavutula ye wavova kwa yaü: mono yavanga divanga, ye yeno babonsoo luayitukwa.

22. Mose waluvana nzabudulu, kansi nzabudulu kayatukidi mu Moseko, yitukidi kwandi mu mase, ye mu lumingü yeno luzabulanga muntu.

23. Nkiangunu vo muntu utambula nzabudulu mu lumbu kialumingü, kidi mina mia Mose kamina vondwako, buna mu nki lumfwemene, kadi yamana nikisa muntu wamvimba mu lumingü?

24. Kalukongüdilani bonso bwena luseko, kansi lukongüdila lukongodolo luasonga.

25. Bankaka bakala mu Yerusalemi bavova: kadi kayandi ko ubatombe mu vonda?

26. Tala, yandi weti vova va yuti, ye muntu nkutu kavovele

lekwa kwa yandiko. Kadi minkongüdidi kanivo mizaydi kwaü mu kedika, vo yandi iKilisto?

27. Kansi ndiena tuzaydi kweto mukatukidi, kansi Kilisto bukana kwiza, widi muntu nkutu kana zaya mukatukidiko.

28. Buna Yesu waboka mu nzo aNzambi ye walonga ye wavova: yeno lunzaydi ye lunzaydi muyatuka. Mono kiatuka mu mono kibeniko, kansi ndiena wamfidisa wena wakedika. Yeno kalunzaydiko.

29. Mono inzaydi, kadi yataka mu yandi, ye yandi wamfidisa.

30. Nkiangunu bantemba mu kumbaka, kansi muntu katula koko mu yandiko, kadi ntangu andi kayaluckiko.

31. Kansi bantu babingi banlekila minu ye bavova: Kilisto bukana kwiza kana lutila mu ndieu mu vanga himangu bikavengiko.

32. Bafalisea bawa, vo bantu bata momo mu yandi. Yaü ye bangüdi zanganga bafidisa bisielo mu baka yandi.

33. Buna Yesu wavova: bwabü kinkala nkala ngiakidi yeno diaka, mboki ngina kwenda kwa wamfidisa.

34. Yeno luna kuntomba, kansi kaluna kumbonako, ye

mungiena kalulendimo kwendako.

35. Nkiangunu bayudayo bavovasana: kwe kana kwenda, butuna lembana kumona? Kani kakana kwenda kwa bantu bamwanguswa ye baclene ye longa baclene?

36. Nki adiambu diodio kavovele: yeno luna kumfwanda ye kaluna kumbonako, ye mungiena kalulendimo luakako.

37. Kansi mu lunbu kiazimünina kiakembudulwa kiakala kiakinene Yesu watelama ye waboka ye wavova: vo muntu fwidi nsatu anlangu yambela kiiza nwa.

38. Mila mianlangu amoyo mina cilumüka mu moyo amuntu ukundekila minu, bonso bwakamba masonukwa.

39. Kansi yandi wavova wo wo mu Mpeve yatambula balekila yandi minu, kadi ye mu bwabü Mpeve kayakalako, kadi Yesu kamana zituswako.

40. Bantu bankaka hubawa namibu momo, yaü bavova: kedika ndiewo inkambi kwandi.

41. Bankaka bavova: yandi iKilisto, bankaka bavova: kadi Kilisto una tuka mu Ngali-lea?

42. Kadi kamuvovwanga mu masonukwakoe, vo Kilisto una tuka mu kanda diaDavidi mu

vata diaBetelemi mwakala Davidi?

43. Bantu babwisa mpaka mu yandi.

44. Kansi bankaka bazola kumbaka, kansi muntu katula moko mu yandiko.

45. Bisielo biayenda kwa bangüdi zanganga ye kwa bafalisea. Yaü bavova kwa bisielo: munkiana lulembolo kuntua-dila?

46. Bisielo biavutula: kasi muntu kavovele bonso buvovele muntu ndienako.

47. Bafalisea bavutula kwa biaü: kadi yeno mpe luavengomono kweni?

48. Minkongüdidi ye bafalisea kadi banlekila minue?

49. Kansi bantu bana balembolo zayamina batumbwa kwaü.

50. Nikodemo wakala yaü. Yandi wavova kwa yaü:

51. mina mieto kamikongü-dila muntu nkanuko, vo kateka fiongünunwako ye tungudulwako.

52. Yaü bavutula ye bavova kwa yandi: kadi Ngeye mpe kutukidi ku Ngalileakoe? Fiongünina ye tala, vo nkambi kawatuka nu Ngalileako.

### Kapu 8.

*Yesu wayuvuka mu diambu diankento wata kinsuza (1—11), Yesu*

*wakibika kia kwanza (12—20), wasamüna mfeihu audi (21—29), babingi banlekila minu (30—36), Satana isc diamintantu mia Yesu (37—59).*

(Yesu wayenda kuna Mongo wamazi.

2. Nsuka nabu yandi wavutuka ku nzo aNzambi, ye bantu babo bayenda kwa yandi. Yandi wazakala wabalonga.

3. Kansi minsoniki ye bafalisea banata nkento kwa yandi. Yaü batula nkento mu monakanda. Nkento wowo watungudulwa, bukata kinsuza.

4. Yaü bavova kwa yandi: nlongi, nkento eu utungudulu bukatele kinsuza.

5. Tuakambwa mu mina kwa Mose, vo bavanga bobo siba vondwa mu matadi, kansi Ngeye bwe tele?

6. Yaü bavova mambu momo mu tonta yandi, kidi bafwiti kumfunda, kansi Yesu wayinama ye wasonika mu nlembo va ntoto.

7. Kansi yaü bubatatamana kunyuvula, buna yandi wadlongama ye wavova kwa yaü: buna luena, wonso kondolo masümü bika kateka tuba tadi munkeno.

8. Mboki kavutuka yinama wasonika va ntoto.

9. Kansi bawawo babakuswa kwa mintima miaü ye bavayka mosi mosi. Banuna babadika, mboki bankaka balandila. Yesu

wasiswa yandi kwandi kaka, ye nkento watelama mu monakanda.

10. Yesu bukavumbuka, yandi kamweni muntuko kansi nkento kwandi kaka. Yandi wavova: nkento, batatimisi Ngeye kwe bena? Muntu kakongü-delekoe?

11. Nkento wavova: Mfumu, kikongodolo kwa muntuko. Kansi Yesu wavova kwa yandi: mono mpe kina kwami kukongü-dilako. Wenda, kuvutukani vola masumuko.)

12. Buna Yesu wavutuka mokina yaü ye wavova: mono ikia kwanza, ukundama kana diata mu tombeko, kansi una kala kia kwamoyo.

13. Buna bafalisea bavova kwa yandi: Ngeye weti ta kimbangi mu Ngeye kibeni, kimbangi kiaku kakiena kiakedikako.

14. Yesu wavutula ye wavova kwa yaü: vo mono ngieti ta kimbangi mu mono kibeni, nga kimbangi kiami kiena kiakedika, kadi nzaydi kwami muyatukidi ye mungina kwenda. Yeno kaluzaydi muyatukidiko, ye mungina kwendako.

15. Yeno lueti kongüdila nsuni, mono kikongüdila muntuko.

16. Kansi vo mono ngieti kongüdila, nga lukongodolo luami luena luakedika, kadi kiena kwa-

mi mono kakako kansi mono ye wamfidisa.

17. Kansi mwasonukwa mu mina mieno: kimbangi kiabantu bole kiena kiakedika.

18. Mono imuntu utele kimbangi mu mono kibeni, ye se diamfidisa mpe ditanga kimbangi mu mono.

19. Buna yaü bavova kwa yandi: saku kwe diena? Yesu wavutula: yeno kalunzaydiko ye kaluzaydi samiko. Vo lunzaydi, nga luzaydi sami mpe.

20. Yesu wavova mambu momo vana lundulu ye walonga mu nzo aNzambi. Muntu nkutu kansimbako, kadi ntangu andi kayayizidiko.

21. Buna yandi wavutuka vova kwa yaü: mono ngina katuka, ye yeno luna kuntomba, ye yeno luna fwa mu masumü meno. Kungina kwenda, yeno kalulendiko luakako.

22. Buna bayudayo bavova: kadi yandi zolele kukivonde, bukavovele: kungina kwenda yeno kalulendiko luakako?

23. Yandi wavova kwa yaü: yeno luatuka kansi, mono yatukidi mu kayengele; yeno luatuka mu nza yayi, mono kiatukidi kwami mu nza yayiko.

24. Nkiangunu mono iluvovelenge, vo luna fwa mu masumü meno, kadi vo lulembolo

leka minu, vo imono kwami, buna yeno luna fwa mu masu-mü meno.

25. Buna yaü bavova kwa yandi: Ngeye inani kwaku? Yesu wavova kwa yaü: ya kwami yingieti kulukamba mu mbadukulu.

26. Yayingi yena yami yampovila ye yankongüdila mu yeno, kansi wamfidisa wena wakedika. Yonso yiyawilu kwa yandi, ikambangayo mu nza.

27. Yaü kabazayako, vo yandi ubabikila se.

28. Buna Yesu wavova: bu-luna zangüla mwana amuntu, mboki luna zaya, vo mono kwami, ye vo kivanganga lekwa mu mono kibeniko, kansi bonso buyalongwa kwa se, ibuna yivanganga.

29. Wamfidisa wena yami. Yandi kansisa mono kakako, kadi lumbu yayonso yivanganga kwami yikazolele.

30. Bukavova mambu momo, babingi balekila minu mu yandi.

31. Buna Yesu wavova kwa bayudayo banlekila minu: vo lusikila mu mambu mami, yeno luminlongüki miami mu kedika.

32. Yeno luna zaya kedika, ye kedika kina kuluvulusa.

33. Yaü bavutula kwa yandi: yeto ibana baAbalami, kasi

katukedi minanga miamuntuko. bwe tele: yeno luna vuluswa?

34. Yesu wavutula kwa yaü: kedika, kedika mono ikuluvevele: wonso wonso uvanganga masümü inanga wamasümü kwandi.

35. Kansi nanga kauna sikila mu nzo kwele mvu kuvutukidi mvuko. Mwana una sikila mu nzo kwele mvu kuvutukidi mvu.

36. Nkiangunu vo mwana una kuluvulusa, yeno luna vuluswa mu kedika.

37. Nzaydi kwami, vo yeno ibana baAbalami, kansi yeno lunfwendi mu kumponda, kadi mambu mami kamena künkü mu yenoko.

38. Mono ivovele yiyamona ye se. Yeno luvanganga yilua: wa kwa seno.

39. Yaü bavutula ye bavova kwa yandi: Abalami iseto. Yeto wavova kwa yaü: vo yeno ibana baAbalami, ngala luvengi mavanga maAbalami.

40. Kansi bwabü luntombeli kumponda, mono imuntu ikulu kambanga kedika kiyawa kwa Nzambi. Abalami kasa boboko

41. Yeno luvanganga mavanga maseno. Yaü bavova kwa yandi: yeto katuabutwa kwa nkwa akindumbako. Yeto tuna se dimosi iNzambi.

42. Yesu wavova kwayaü: vo Nzambi iseno ngala lunto-ndeke, kadi mono yavayka ye yatuka mu Nzambi, kadi kiatura kwami mu mono kibeniko, kansi yandi se wamfidisa.

43. Mu nkiana lulembolo visila nküngü zami? Kadi yeno kalulendi wa mambu mamiko.

44. Yeno luatuka mu Satana ye luzolele vanga luzinunu lua-eno; kasi kabadikila invondi kwandi. Kena kwandi mu kedikako, kadi kedika kakiena mu yandiko. Bukavovanga makutu, mamandi kavovanga, kadi yandi nkwa amakutu ye se diamakutu.

45. Kansi kadi mono ivovanga kwami kedika, nkiangunu yeno kalunde-kele minuko.

46. Buna luena nani ukumbakula masumü? Vo ivovanga kedika, mu nkiana lulembolo kundekila minu?

47. Tukidi mu Nzambi wanga zinküngü zaNzambi. Nkiangunu kaluwangako, kadi kalutukidi mu Nzambiko.

48. Bayudayo bavutula ye bavova kwa yandi: kadi katutomeno vovako, vo Ngeye mwisi Samalia, ye vo mpeve yambi yena yaku.

49. Yesu wavutula: kiana kwami mpeve yambiko, kansi ivūminanga sami, ye yeno lukumwezanga.

50. Kansi mono kitombanga nzitusu amiko. Wena kwandi utombangawo ye ukongūdilawo.

51. Kedika mu kedika mono ikuluvovele: vo muntu ukebanga mambu mami, kana kwandi mona lufwako kwele myu kuvutukidi myu.

52. Bayudayo bavova kwa yandi: lelo tuzaydi, vo mpeve yambi yena yaku; Abalami wafwa, ye minkambi mifwa, ye Ngeye vovele vo muntu ukebanga mambu mami, yandi kana bimba lufwako kwele myu kuvutukidi myu.

53. Kadi Ngeye vele lutidi Abalami iseto diafwa mu nenie? Minkambi mifwa mpe. Ngeye ukukisa vo nani?

54. Yesu wavutula: vo mono ikukizitisa mono kibeni, nzitusu ami kwankatu. Sami diluyikidi vo Nzambi eno, iyandi ukunzitisanga.

55. Yeno kalunzaydiko, kansi mono inzaydi. Vo mpovele vo kinzaydiko, nga mono mfwanane ye yeno mu makutu, kansi mono inzaydi ye ikebanga mambu mandi.

56. Abalami iseno diayangalala mu mona lumbu kiami. Yandi wamonakio ye wayangalala.

57. Buna bayudayo bavova kwa yandi: Ngeye kwena makū-

matanu maminvuko, kadi umwene Abalamie?

58. Yesu wavova kwa yaü: kedika, kedika mono ikulovele: Abalami bukabutwa nkutuko, buna ngiena kwami.

59. Buna yaü basimba matadi, kidi batubamo kwa yandi. Yesu waswama ye wavayka mu nzo aNzambi.

### Kapu 9.

*Yesu watemusa muntu wafwa meso (1—12), muntu wowo wayuvuzubwa kwa bafalisea (13—41).*

Yesu bukavioka yandi wamona muntu wabutwa ye meso mandi mafwa.

2. Minlongüki miandi miannyuvula ye miavova: Labi, nani wavola masümü, yandi vo se ye ngüdi kabutulwa ye meso mafwa?

3. Yesu wavutula: yandi kavola masümüko ye se ye ngüdi andiko, kansi kidi mavanga maNzambi mamonika mu yandi.

4. Yeto situa vanga mavanga mawatufidisa lumbu bukiakidi, fukü dina kwiza, buna muntu kalendi salako.

5. Buyakidi mu nza, mono ikia kwanza.

6. Bukamuna vova wowo, yandi walobüla mante va nto to ye wawangamo nteke ye waküsayo va meso mafwa.

7. Ye wavova kwa yandi:

wenda ku nkelo waSiloa wakisuküla. Mbangudulu aSiloa “wafidusu.” Yandi wayenda wakisuküla ye wayenda moni.

8. Buna zimfinangani zandi ye bateka kumona bukalombanga bavova: kaiyandi yuyukoe wavwanda mu lombe?

9. Bankaka bavova: iyandi yoyo. Bankaka bavova: kayandiko, kansi yandi fwanane ye ndiena. Yandi kibeni wavova: imono kwami yuyu.

10. Buna yaü bavova kwa yandi: meso maku bwe matemonene?

11. Yandi wavutula: muntu ubikwanga Yesu wavengi nteke ye waküsideyo va meso mami ye wavovele kwa mono: wenda wakisuküla ku Siloa, kansi bungiele ikisuküdi, ye mono ntemone.

12. Yaü bavova kwa yandi: ndiena kwe kena? Yandi wavova: kizaydiko!

13. Buna yaü bafila muntu wateka kala meso mafwa kwa bafalisea.

14. Kansi ilumbu kialumingu kiokio kiavanga Yesu nteke ye watemusa meso mandi.

15. Buna bafalisea bavutuka kunyuvula: meso maku bwe matemonene? Yandi wavova kwa yaü: yandi watudidi nteke va



meso mami. Monq yasuküdi ye ngieti mona.

16. Bafalisea bankaka bavova: muntu wowo katukidi mu Nzambiko, kadi yandi kakebanga lumingüko. Bankaka bavova: muntu wamasumü bwe kalenda vanga bimangu biobio? Zimpaka zakala yaü.

17. Buna yaü bavutuka vova kwa muntu wafwa meso: Ngeye bwe tele mu yandi, bukatemose meso maku? Yandi wavova: yandi inkambi.

18. Buna bayudayo kabanlekila minuko, vo yandi wakala meso mafwa ye mboki wamona, nate ye bamana bokila se ye ngüdi amuntu watemuswa meso.

19. Yaü babayuvula ye bavova: ndieyu imwan' eno ulubikidi, vo wabutwa ye meso mafwa? Buna bwe kamwenini bwabü?

20. Buna se ye ngüdi andi bavutula ye bavova: yeto tuzaydi, vo yandi imwan' eto ye vo kabutwa ye meso mafwa.

21. Kansi bonso bukamwenini bwabü katuzaydiboko ye wonso watemose meso mandikatzaydiko. Luyuvula yandi; yandi wameni luenga; yandi lenda vova mu nitu andi.

22. Se ye ngüdi andi bavova mambu momo, kadi yaü

batina bayudayo, kadi bayudayo bakiwawasana, vo wonso una ta Kilisto una kübwa mu nzo yalukutukunu.

23. Nkiangunu se ye ngüdi andi bavova: nduenga zena yandi, lonyuvula.

24. Buna yaü bavutuka tela mbilantela yanzole kwa muntu wafwa meso ye bavova kwa yandi: zitisa Nzambi! Yeto tuzaydi vo muntu ndiena inkwa amasumü.

25. Buna yandi wavutula: kizaydi kwamiko vo nkwa amasumü, kansi nzaydi kwami lekwa kimosi, vo mono yafwa meso ye bwabü mbweni.

26. Buna yaü bavova kwa yandi: bwe katemose meso maku?

27. Yandi wavutula kwa yaü: ikikembingi kwa yeno, ye yeno lulembolowo wa, mu nkiana luzolelewo vutuka wa? Kadi yeno mpe luzolele kala minlongüki miandie?

28. Yaü bamfinga ye bavova: kala kwaku nlongüki andi, nga yeto tuminlongüki mia-Mose.

29. Yeto tuzaydi vo Nzambi wavova kwa Mose, kansi ndiena kukatukidi katuzaydikoko.

30. Muntu wavutula ye wavova kwa yaü: kiongono ngi-

tukulu kwami, vo yeno kalu-  
zaydi kukatukidiko, ye yandi  
watemose meso mami.

31. Yeto tuzaydi vo Nza-  
mbi kawanga bankwa miamasu-  
mũko, kansi vo muntu uvumina-  
nga Nzambi ye uvanganga luzolo  
luandi, buna yandi ukunwanga.

32. Kasi nza yibadukulwa katuwiluko, vo muntu watemusa meso mamuntu wabutwa ye meso mafwa.

33. Vo katukidi mu Nza-  
mbiko, nga kalendi vanga le-  
kwako.

34. Yaü bavutula ye bavo-  
va kwa yandi: Ngeye wavwa  
butwa mu masumü, ye Ngeye  
utulonge! Yaü banküba ku  
mbazi.

35. Yesu wawa, vo ban'kü-ba ku mbazi ye bukamona yandi, yandi wavova kwa yandi: Ngeye ulekele minu mu mwana amuntue?

36. Yandi wavutula ye wovova: Mfumu, inani kwan̄di, mpasi yanlekila minu?

37. Yesu wavova kwa yandi: Ngeye umweni yandi, ye yandi vovele ye Ngeye, iyandi kwandi.

38. Kansi yandi wavova:  
Mfumu, ndekele kwami minu.  
Ye yandi wausumbila.

39. Yesu wavova: mu luko-  
ngodolo mono yayiza mu nza

yayi, kidi balembolo mona ba-  
na mona, ye bamonanga bana  
kala meso mafwa.

40. Bafalisea bankaka bakula yandi bawawo ye bavova kwayandi: kadi beto mpe tuena meso mafwe?

41. Yesu wavova kwa yaŭi:  
vo lufwidi meso nga kaluena  
masumũko, kansi bwabũ yeno  
luvovele yeto tumweni, ikũma  
mastumũ meno masalanga.

**Kapu 10.**

*Mwungi wabiza (1—21), Yesu wabindana mpaka ye bayudayo (22—30), wayenda ku Yalodani (40—42).*

**Kedika mu kedika mono iku-  
luvovele: lembolo kota mu'mwe-  
lo ampaka anameme, kansi ko-  
teleyo mwankaka, yandi imwivi  
ye ntani.**

2. Kansi ukotanga mu mwelo  
imvüngi amameme.

3 Nkengi amwelo uzibūla-  
ngawo kwa yandi, ye inameme  
mawanga ndinga 'ndi, ye ma-  
ndi mameme katelanga nkūmbū  
nkūmbū ye kavaykisangamo.

4. Bukavaykisi mandi mameme, yandi weti tekila ku nu ye mameme manamanga yandi. kadi maü mazaydi niki...

5. Kansi maü kamanamanga nzenzako, kansi matabanga mu yandi, kadi maü kamazaydi ndinga azinzenzako.

6. Yesu wavova ngana yoyo kwa yaü, kansi yaü kabazaya bonso bwakala yikavovele kwa yaüko.

7. Buna Yesu wavova: kedika mu kedika mono ikuluvovele, vo mono imwelo amameme.

8. Babonsono bantekila imivi ye mintani, kansi mameme kamabawako.

9. Mono imwelo; vo muntu kotele mu mono, yandi una lululwa ye kota ye vayka ye una kala biandila.

10. Mwivi ukwizanga mu labula ye vonda ye binga kaka; mono yayizidi, kidi bakala moyo ye bakala lungila.

11. Mono imvüngi wabiza, imvüngi wabiza weti yambudila mameme mandi moyo.

12. Usalanga mu mfutu kai-mvüngiko, yandi kavwidi mame-meko; yandi weti mona bulu kiansisi kiizidi ye weti tina kwandi, ye bulu kieti bwila ye sansi-kisa mameme,

13. kadi yandi wafutwa, nkiangunu kavibidila mameme.

14. Mono imvüngi wabiza ye nzaydi mamami, ye mamami manzaydi,

15. bonso se dinzaydi ye mono nzaydi se, ye mono ngieti yambudila moyo uni mu mameme,

16. Mono ngiena mameme mankaka mpe, malimbolo tuka mu mpaka yayi. Mono siamotuala. Maü mana wa ndinga ni ye muna kala kabü dimosi ye mvüngi mosi.

17. Nkiangunu se dintondele, kadi ngieti yambudila moyo ami kidi yavutukawo tambula.

18. Muntu kankatudilawoke, kansi mono kibeni iyambulawo. Mono ngiena zingolo zayambulawo ye mono ngiena zingolo zayutukawo tambula. Mwina wowo mono yatambulawo kwa sami.

19. Buna bayudayo bavutuka bindasana mpaka mu diambu diamambu momo.

20. Buna babingi bavoya mpeve yambi yena yandi ye kalaükidi; mu nkiana lukunwila ngi?

21. Bankaka bavoya: mamba momo kamafwanane ye wena mpeve yambiko. Wena mpeve yambi kalendi temusa meso mabantu bafwa mesoko.

22. Mu Yelusalemi mwakala mbiekolo anzo aNzambi. Ye siyakiakala.

23. Yesu wazieta mu nzo aNzambi mu bimpwangala bia-Salomoni.

24. Buna bayudayo banza ngidila ye bavoya kwa yandi lumbu kwa una kutuvingisa.

Vo Ngeye iKilisto, natomieti kutukambiwo.

25. Yesu wavutula kwa yaũ: mono yaluvovelewo, kansi yeno kalulekelewo minuko. Mavanga maivanganga mu nkũmbũ asami matanga kimbangi kiami.

26. Kansi yeno kalulekele minuko, kadi yeno kalumame-me mamiko.

27. Mameme mami mawanga ndinga 'mi ye mono nzay-dimo, ye maũ makundamanga.

28. Mono ivanangamo mo-yo usalanga kwele mvu kuvutukidi mvu, ye maũ kasi kama-na bũngwako, ye muntu kama-na ziona mu koko kwamiko.

29. Sami diampnamo dilutidi babonso no mu nene ye muntu kalendimo ziona mu koko kwasamiko.

30. Mono ye se imosi kwandi.

31. Bayudayo bavutuka si-ba matadi, kidi bamvonda mu matadi.

32. Yesu wavutula kwa yaũ: mavanga mamingi mabiza mono yalusonga matuka mu sami; die lueti kuntubila matadi?

33. Bayudayo bavutula kwa yandi: yeto katukutubila mata-di mu diambu diavanga diabizako, kansi mu diambu dialu-

tiakulu ye mu diambu diadi, vo Ngeye inuntu ukukivengi Nzambi.

34. Yesu wavutula kwa yaũ: kadi kamwasonukwa mu mina mienokoe: "mono yavova: yeno izinzambi"?

35. Kansi vo yandi wabika batambula mambu maNzambi zinzambi; ye masonukwa kamalendi fũbako;

36. kansi yeno luvovele kwa ndiena wafonguswa ye wafiduswa kwa se: Ngeye utiakanga, kadi mpovelenge: mono imwana aNzambi?

37. Vo kivanganga mavanga masamiko, kalundekilani minuko.

38. Kansi vo ivangangamo, buna lulekila mavanga minu, vo kalukundekila minuko, kidi luazaya ye luavisa, vo mono ngiena mu se ye se mu mono.

39. Buna yaũ bavutuka to-nta kunsimba, kansi yandi wakatuka mu moko maũ.

40. Yandi wavutuka kwenda kuna simũ diaYolodani ku vũma vateka botikila Yoane ye wakala kuna.

41. Babingi bayenda kwa yandi ye bavova: Yoane kavanga kimanguko, kansi yayonso-no yavova Yoane mu endu yena yakedika.

42. Kuna babingi banlekila minu.

### Kapu 11.

*Yesu wafuhukisa Lazalo (1—46),  
bajalisea bawarasana muvonda Yesu  
(47—57).*

**Mu Betania**, idivata diaMalia ye mpangi andi Malata, mwa-kala muntu wayela, nkumbū andi Lazalo.

2. IMalia kwandi wakūsa Mfumu mazi ye wakūngūna malu mandi mu nsuki zandi. Nkazi andi Lazalo wakala yela.

3. Buna bibusi biafidisa kwa Yesu mu vova: Mfumu, nkūndi aku uutondele wena yela.

4. Kansi Yesu bukawawo, yandi wavova kayela kwamfwilu kokoko, kansi mu diambu dianzitusu aNzambi, kidi mwana aNzambi una zituswa mu kwaū.

5. Kansi Yesu watonda Malata ye mpangi andi Malia ye Lazalo.

6. Bukawa vo yandi wakala yela, buna kasala lumbu biole va vūma vovo.

7. Kansi mboki yandi wavova kwa minlongūki: bika situa vutuka kwenda ku Yudaya.

8. Minlongūki miavova kwa yandi: Labi, zono bayudayo batombele mu kuvonda mu mata-

di ye bwabū siwa vutuka kwenda kune?

9. Yesu wavutula: kadi lumbu kabiena kūmi ye bintangu ntangu biolekoe? Vo muntu weti zieta mu mwini katanga sakūbako, kadi yandi weti mona kia kwanza yayi.

10. Kansi vo muntu weti diata mu fukū, yandi utanga sakūba, kadi kia kakwena mu yandiko.

11. Yandi wavova wowo, mboki kavova: nkūndi eto Lazalo lele, kansi mono ngina kwenda kunsikimisa mu tulu.

12. Buna minlongūki miavova kwa yandi: Mfumu, vo lele, sika niaka.

13. Kansi Yesu wayika mfwi-lu andi, kansi miaū miabanza, vo kabika tulu tuandekila.

14. Buna Yesu wabangūla vova kwa miaū: Lazalo wafwidi.

15. Kansi kidi lualeka minu, kiese kiena yami, vo kiakedi vanako, kansi bika tuayenda kwa yandi.

16. Tomasi wabikwa Nsimba, buna kavova kwa minlongūki: bika tuayenda beto mpe, kidi tuafwa yandi.

17. Kansi Yesu bukaluaka, yandi wamona Lazalo wakila-mbalele mu ndiamu lumbu bia.

18. Betania diakala lukūti

ye Yelusalemi kaniyo nseke akūmi ye zitadia zitano.

19. Bayudayo babingi bayenda kwa Malata ye Malia mu bomba yaũ mu diambu diankazi aũ.

20. Kansi Malata bukawa, vo Yesu lueki, yandi wayenda kunkiki, kansi Malia wazakala mu nzo.

21. Buna Malata wavova kwa Yesu: Mfumu, vo Ngeye wakedi vava, nga nkazi ami kafwidiko.

22. Kansi bwabũ mpe nzaydi kwami, vo yonso yiuna lombwa kwa Nzambi, Nzambi umayo kuvana.

23. Yesu wavova kwa yandi: ukazi aku yina fuluka.

24. Malata wavova kwa yandi: nzaydi kwami, vo sika fuluka mu mfulukusu mu lunbu kina zimūnina.

25. Yesu wavova kwa yandi: mono imfulukisi ye moyo. Uku ndekila minu, nga vo kafwidi mpe yandi una vūmūna.

26. Wonso uyūmūna ye uku ndekila minu, kasi kana fwako. Lekelewo minue?

27. Yandi wavova kwa yandi: ngeta Mfumu, mono ndekele minu, vo Ngeye iKilisto, mwana aNzambi, ana kwiza mu nza.

28. Malata bukavovawo, yandi wayenda tela mpangi andi

Malia mbila mu nsweki ye wavova: nlongi lueki ye utelele Ngeye mbila.

29. Bukawawo, yandi intumbu telama ye wayenda kwa Yesu.

30. Kadi ye mu bũbũ Yesu kaluaka mu vatako, kansi kasala va vūma vankikila Malata.

31. Buna bayudayo bakala ye Malia mu nzo ye bambomba bamona, vo kanangūkili nswalu ye vaykidi, buna yaũ banania, kadi yaũ babanza, vo sikenda ku ndiamu mu dila.

32. Malia bukaluaka kwa kala Yesu ye wamona yandi, yandi wafukama va malu na Yesu ye wavova kwa yandi: Mfumu, vo wakedi vava, nga nkazi ami nga kafwidiko.

33. Yesu bukamona Malia wadila ye bayudayo bayiza yandi badila, buna kakala kiadi mu mpeve ye wazakama nūma

34. ye wavova: kwe lantudidi? Yaũ bavova kwa yandi: Mfumu, wiza tala!

35. Yesu wadila.

36. Buna bayudayo bavova tala, bonso bukantondele!

37. Kansi bayāũ bankaka bavova: kadi ndiena watemusa meso mamuntu wafwa meso, kadi kalendi sa vo yandi kafwidiko?

38. Yesu wavutuka kala kiasi mu ntimu ye wayenda ku ndiamu yakala nluke ye tadi diabatukwa va mwelo.

39. Yesu wavova: lukatula tadi. Malata, busi kiawafwa, wavova kwa yandi: Mfumu, yandi badikidi vayka nsudi, kadi kasi kafwididi zindo zia.

40. Yesu wavova kwa yandi: kadi kikembikoe, vo lekele minu nga siwa mona nzitusu a Nzambi?

41. Buna yaü bakatula tadi. Kansi Yesu wasendula meso ku zulu ye wavova: se, mono ikutondele, kadi Ngeye wangwilu.

42. Nzaydi kwami, vo Ngeye ukungwanga lumbu yayonsono, kansi mu diambu diabantu batelamene vava mpovelewo, kidi baleka minu, vo Ngeye wamfidisa.

43. Bukavovawo, yandi waboka mu ndinga yayinene. Lazalo, vayka kwaku!

44. Muntu wafwa wavayka ye wazingwa minlele ye mu moko ye mu malu, ye zizi kiandi kiazingwa nlele wampembe. Yesu wavova kwa yaü: lunkutula luanyendisa!

45. Buna bayudayo babingi bakiyizila kwa Malia ye baki-mwena lekwa yavanga Yesu, balekila minu mu yandi.

46. Kansi bankaka bayenda

kwa bafalisea ye babakamba yavanga Yesu.

47. Buna bangüdi zanganga ye bafalisea bakütikisa bikongü-didi ye bavova: nkiamu tuna vanga, kadi muntu wowo uvanga nga bimangu biabingi?

48. Vo tuna kunyambudila bobo, buna babonsono bana lekila minu mu yandi, ye baLoma bana kwiza kutuziona ye nsi ye bantu.

49. Kansi buna bakala muntu mosi, nkümbü andi Kayfa, ngüdi anganga mu mvu wauna, wavova kwa yaü: yeno kaluza-ydi lekwako.

50. Yeno kaluyindudiko, vo situa toma nitu, vo muntu mosi una fwila bantu, ye bantu babonsono balembolo fuka.

51. Kansi yandi kavova mambu momo mu yandi kibeniko, kansi bukakala ngüdi anganga mu mvu wauna, yandi wakamba lekwa yavita kwiza, kadi Yesu wakana fwila bantu.

52. Kafwila bantu kakako, kansi kafwa mu yonzika vamosi bana baNzambi bamana sansukuswa.

53. Mu lumbu kina babadika wawasana mu vonda yandi.

54. Buna Yesu kavutuka zieta va yutiko ye bayudayo, kansi wakatuka muna ye wayenda ku nsi luküfi ye nsi ya-

nkatu ku Efalami, inkūmbū adivata. Kuna kakala ye minlongūki miandi.

55. Kansi mpiokolo abayudayo yakala lukūfi ye kwiza. Babingi babalūka ku Yelusalemi kuntual' ampiokolo mu kukivedisa. Yaū batuka mu nsi yina.

56. Buna yaū batomba Yesu ye bamokasana, bubatelama mu nzo aNzambi: hwe lueti banzila? Kanani kwiza mu lumingūkoe?

57. Kansi zinganga ye bafalisea bavanga nsiku, kidi vo muntu wazaya vakakala, yandi sikawo kamba, kidi bamvikitina.

### Kapu 12.

*Yesu wakuswa mazi mu Betania 1—11), wakota mu Yelusalemi 12—19), baclene lantomba (20—35), bayudayo badimbula minu (36—50).*

Yesu waluaka ku Betania kwakala Lazalo ukafulukisa mu bafwa. Bukaluaka, lumbu bisa mbanu biasala, mboki mpiokolo yayiza.

2. Kuna yaū batotila mbuluku ankokila kwa yandi. Malata wabasadila, kansi Lazalo wazakala yandi va meza ye bankaka.

3. Buna Malia wabonga tezo kiankūsa yanalodo kialembwa tulwa lekwa yankaka ye wakūsa

mu malu maYesu ye wakūngūna malu mandi mu nsuki zandi. kansi nzo yamvimba yakala nsunga yanalodo.

4. Kansi nlongūki andi, Yuda Iskalio, wakana kunyekūla wavova:

5. mu nki lualembolo teka nalolo kiokio mu nkama zitatu zabivanza ye lualembobio vana kwa bantu bamputu?

6. Kansi luvovolo luandi lukala luankatu, kadi yandi kafwila bantu bamputu kiadiko, kansi yandi wakala mwivi ye wanata lukobe luabivanza ye wayelūmuna bivanza biatulwa.

7. Buna Yesu wavova: yambula nkento! Yandi unakio keba mu ndiamusunu ami.

8. Kadi bantu bamputu bena yeno lumbu yayonsono, kansi mono kiena yeno lumbu yayonsoko.

9. Buna bantu babingi bayudayo bazaya, vo yandi wakala kuna, ye bayenda kuna mu diambu diandi ye mu diambu di mona Lazalo, ukafulukisa mu bafwa mpe.

10. Kansi bangūdi zanganga zawawasana mu vonda Lazalo mpe.

11. Kadi bayudayo babingi bayenda mu diambu diandi ye balekila Yesu minu.

12. Lumbu kiansuka bantu



babingi, bubamana luaka ku mpiokolo ye bawa, vo Yesu lueki ku Yelusalemi,

13. buna yaü babonga mandala ye bayenda kunkiki ye baboka: Osana, bika ukwiza mu nkümbü aMfumu kasakü-münwa, yandi infumu aIsaleli!

14. Kansi Yesu wamona mpünda yampwenia ye wavwanda va ntandu, bonso bwasonukwa:

15. "mwana wankento Ziöni, kutinaniko; tala, Mfumu aku weti kwiza ye vwendu va ntandu amwan' ampünda wambakala."

16. Minlongüki miandi kamiazayabo va nteteko, kansi Yesu bukamana zituswa, mboki miaü miabambükilabo moyo, vo bwasonukwa mu yandi, ye vo miaü miavangabo kwa yandi.

17. Buna bantu bakala yandi, bukatela Lazalo mbila mu vayka mu ndiamu ye wamfulukisa mu bafwa, bata kimbangi mu yandi.

18. Nkiangunu mpe bantu bayenda kunkiki, kadi yaü bawa, vo wavanga mangu kiokio.

19. Buna bafalisea bavovasana: yeno lumweni, vo kalulendi toma nitu mu lekwako, tala, nza yamvimba yeti nama yandi.

20. Baelene bankaka baka-

la ye bantu babalüka, kidi basambila mu mpiokolo.

21. Yaü bayenda kwa Filipo watuka mu Betesayda mu Ngallileca ye banyuvula ye bavova: mfumu, yeto tuzolele mona Yesu.

22. Filipo wayendawo kamba kwa Andela. Andela ye Filipo bayendawo kamba kwa Yesu.

23. Kansi Yesu wavutula kwa yaü ye wavova: ntangu yayizidi, kidi Mwan' amuntu kazituswa.

24. Kedika, kedika mono ikuluvovele: vo lutombo kalusotuka mu ntotoke ye kalufwako, nga luaü nga lusidi luaü ye luaü kaka, kansi vo luaü lufwa silua buta kwakwingi.

25. Wonso utondele moyo andi unawo vidisa, ye wonso ubelele moyo andi mu nza yayi unawo keba mu moyo usalanga kwele mvu kuvutukidi nivu.

26. Vo muntu ukunsadila, bika kandama. Mungiena sielo kiami kina kala yami mpe. Vo muntu ukunsadila, sika zituswa kwa sami.

27. Bwabü mwel' ami wena kiadi; nki ngina vova? Se, umvükisa mu ntangu yayi, kansi mu diambu diodio mono yayizidi mu ntangu yayi.

28. Se, tundisa nkümbü aku! Buna ndinga yatuka mu zulu:

mono yatundisayo ye sia vutukayo tundisa.

29. Buna bantu batelama vana bawayo ye bavova: mbandanu kwandi. Bankaka bavova: mpofi yivovele yandi.

30. Yesu wavutula ye wavova: ndinga yoyo kayayizidi mu diambu diamiko, kansi mu diambu dieno.

31. Bwabū nza yayi yeti kongūdulwa; bwabū nkuluntu anza yayi una kūbwa.

32. Bungina balulwa, mu nto sia tunta babonsono kwa mono.

33. Yandi wavovabo mu kamba lufwilu lukakana fwila.

34. Bantu bavutula kwa yandi: yeto tuawilu mu mina, vo Kilisto una sikila kwele mvu kuvutukidi mvu. Bwe siwa vova, vo Mwan' amuntu una balulwa? Mwana wowo amuntu inani?

35. Buna Yesu wavova kwa yaū: fintangu ntangu fisidi filuena kia; ludiata buluena kia, kaluidi bwilwa tombe; wonso weti diata mu tombe kazaydi muketi kwendako.

36. Buluena ye kia, lulekila kia minu, kidi luakala bana bakia. Yesu wavova wowo ye wayenda kubaswami.

37. Kansi bukavanga bile-

kwa biobio bianzenza kwa yaū, yaū kabanlekila minuko,

38. kidi mambu mavova Esaya, nkambi, makwenda detila, bonso bukavova: "Mfumu, nani lekele minu mu nkūngū zeto; ye koko kwa Mfumu kwa nani kumonekene?"

39. Nkiangunu yaū balembana leka minu, kadi Esaya wavutuka vova:

40. "yandi wabūnga meso maū ye wavibisa mintima miaū, kidi kabamona mu mesoko ye kabavisa mu mintimako ye kababangūmūka kwa monoko, mpasi yabaniakisa."

41. Esaya wavova wowo, bukamona nzitusu andi ye wavova mu yandi.

42. Kansi minkongūdidi mia-mingi mialekila yandi minu, kansi mu diambu diabafalisea yaū kabakambawoko, kidi kabakūbwa mu zinzo zatukutukunu.

43. Kadi yaū baluta mu tonda nzitusu abantu ye nzitusu aNzambi fiuna.

44. Kansi Yesu waboka ye wavova: wonso ukundekila minu kandekila minuko, kansi ulekila wamfidisa minu.

45. Wonso ukumbona una mona wamfidisa.

46. Mono yayiza ku nza mu kala kia, kidi wonso ukunde-

kila minu kana sikila mu to-mbeke.

47. Wonso weti wa nküngü zami ye lembolozo keba, mono kina kunkongüdilako, kadi mono kiayiza mu kongüdila nzako kansi mu lalula nza.

48. Wonso ukungina ye katabula mambu mamiko, yandi wena una kunkongüdila mu lumbu kina zimünina.

49. Kadi mono kiavova mu mono kibeniko, kansi se diamfidisa, diaü diankamba mwina, bonso bungina ta ye vova.

50. Nzaydi kwami, vo mwina wandi imoyo usalanga kwele mvu kuvutukidi mvu; nkiangunu yonso yivovanga, mono ivovangayo, bonso buyakambwa kwa se.

### Kapu 13.

*Yesu wasukula malu maminlongüki (1—20), wabika Yuda (21—30), walo-nga minlongüki ye wasamüna nkusu-mukunu aPetolo (31—38).*

Kansi mpiokolo buyakala mu kwiza ye Yesu wazaya, vontangu andi yakiizila, kidi kakatuka mu nza yayi ye kakwenda kwa se, bukakitondila bayandi bakala mu nza, yandi wabato-nda nate ye ku nsukulu.

2. Mbuluku ankokila buwamunwa, ye satana bukakitudila mu ntima aYuda, mwan' aSimona Isikalio mu yeküla Yesu,

3. Yesu wazaya, vo se diamvuna yayonsoho mu moko, ye vo katuka kwa Nzambi, ye vo kayenda kwa Nzambi,

4. buna yandi watelama mu mbuluku ye wavüla vünga ye wabonga nlele wampembe ye wavwatawo.

5. Mboki katula nlangu mu kuluwa ye wabadika suküla malu maminlongüki ye küngünamo mu nlele wampembe ukavwata.

6. Buna bukaluaka kwa Simona Petolo, yandi wavova kwa yandi: Mfumu, kadi Ngeye una suküla malu mami?

7. Yesu wavutula ye wavova kwa yandi: bwabü kuzaydi kwa-ku yivangako, kansi mboki si-wayo zaya.

8. Petolo wavova kwa yandi: kasi kwele mvu kuvutukidi mvu kuna suküla malu mamiko. Yesu wavutula kwa yandi: vo ndembolo kusuküla, nga kwena ntuadi ye monoko.

9. Simona Petolo wavova kwa yandi: Mfumu, kusukülani malu kakako, kansi moko ye ntu mpe.

10. Yesu wavova kwa yandi: wakiyobedele kena nsatu ayobilako kansi mu suküla malu kaka, kadi yandi wameni vedila. Yeno luamana vedila, kansi kababonsonoko.

11. Kadi yandi wazaya wakana kunyeküla, nkiangunu yandi

wavova: yeno kaluamana vedila baboko.

12. Buna bukamana sukula malu maü ye wavwata vünga ye wavwanda diaka, yandi wavova kwa yaü: luzaydi yimpe-  
ngi kwa yeno?

13. Yeno lukumbika nlongi ye mfumu. Yeno lutomene vova, kadi ya kwami bobo.

14. Nkiangunu vo mono imfumu ye nlongi nsuküdi malu meno, buna yeno mpe luna suka-  
sana malu.

15. Kadi mono iluveni yilu-  
na vükümükina, kidi luavanga, bonso bumpengi kwa yeno.

16. Kedika, kedika mono ikuluvoele: nanga kaulutidi mfumu andi mu neneko, ye ntumwa kalutidi wantuma mu neneko.

17. Vo luzaydibo, kiesa kiena yeno buluvangangabo.

18. Mono kilubikidi babonso-  
noko. Mono nzaydi bayasola, kansi kidi masonukwa makwe-  
nda detila: "didi yani mampa undangünini kinkoso kiatambi."

19. Bwabü nkutu nkembiwo kwa yeno, buyilembolo mana vangwa, kidi buyina vangwa, yeno luna leka minu vo mono kwami.

20. Kedika, kedika mono ikuluvoele: wonso una tambula muntu ungina fidisa, yandi uku-

ntambula, kansi wonso ukunta-  
mbula, katambula wamfidisa.

21. Yesu bukamana vova mambu momo, yandi wakala kiadi mu mpeve ye wabangula ye wavova: kedika, kedika mono ikuluvoele: buna luena umosi una kungiekula.

22. Buna minlongüki miatalasana ye miakala nayedi yedi mu muntu ukazenga.

23. Kansi kwakala nlongüki aYesu walambalala va meza va ntulu aYesu. Nlongüki wowo watondwa kwa Yesu.

24. Simona Petolo walabikisa kwa yandi ye wavova kwa yandi: kamba, nani kazengele?

25. Buna yandi wayinama va ntulu aYesu ye wavova kwa yandi: Mfumu, nani kwandi?

26. Yesu wavutula: iyandi ungina vwangila bükü kiadimpa ye kumvanakio. Mboki yandi wavwanga bükü kiadimpa ye wavanakio kwa Yuda, imwan' aSimona Iskalio.

27. Bukamana tambula bükü kiokio, buna satana wakota mu yandi. Buna Yesu wavova kwa yandi: kiuna vanga, vanga-  
kio nswalu.

28. Kansi buna bakala va meza, widi muntu nkutu kazaya bila kikavovilabo kwa yandiko.

29. Kadi bankaka babanza: Yuda wena ye lukobe luabiva-

nza, nkiangunu Yesu uvovele: sumba bituena nsatu mu mpio-kolo evo vana kingandi kwa hantu bena bumputu.

30. Bukamana tambula bū-kū kiadimpa, yandi wavayka nswalu; ye kwakala fukū.

31. Bukamana vayka, Yesu wavova: bwabū Mwan' amuntu wazitusu, ye Nzambi wazitusu mu yandi.

32. Vo Nzambi wazitusu mu yandi, buna Nzambi una kunzitisa mu yandi kibeni mpe, ye una kunzitisa nswalu.

33. Lubana, fintangu ntangu fisidi fingina kala ye yeno; yeno luna kuntomba, ye bonso buyavova kwa bayudayo: kungina kwenda, yeno kalulendiko luakako, ibobo mono ikuluvovele bwabū mpe.

34. Mono iluvana mwina wamona: vo lutondasananga bonso buyalutondele, kidi yeno mpe luna tondasana.

35. Mu diambu diadi babonsonono bana zaya, vo yeno iminlongūki miami, vo luna kalasana mu tonda.

36. Buna Simona Petolo wavova kwa yandi: Mfumu, kwe una kwenda? Yesu wavutula: kungina kwenda, Ngeye kulendi kundama bwabūko, kansi mboki siwa kundama.

37. Petolo wavova kwa ya-

ndi: Mfumu, mu nkiamā kile-ndi kunama bwabūko? Mono ngina yambula moyo ami mu Ngeye.

38. Yesu wavutula kwa yandi: kadi Ngeye una yambula moyo aku mu monoe? Kedika, kedika mono ivovele: koko buka-dikubidi nkutuko, buna Ngeye ukikadila mono nkadila zitatu.

### Kapu 14.

*Yesu wamokana ye nlongūki mian-di (1—11), wabakamba salu kiaii (12—14), wabasila Mperc yantongo (15—24), wababomba (25—31).*

Kaluyambulangani mintima mieno miakala kiadiko. Lulekila Nzambi minu ye lulekila mono minu.

2. Mu nzo asami mwena mü-ma mwamwingi, kansi vo kamwamwingiko nga yalukamba-bo, kadi mono ngina kwenda kulukūbikila vūma.

3. Kansi bungina katuka ye kulukubikila vūma, mboki ngina vutuka mu kulutuasa kwa mono, kidi luakala mpe vangiena.

4. Kungina kwenda yeno, luzaydi nzila.

5. Tomasi wavova kwa yandi: Mfumu, katuzaydi kuwuna kwen-dako, buna bwe situa zaya nzila?

6. Yesu wavova kwa yandi: mono inzila ya kedika ye moyo; muntu kalendi kwiza kwa seko,

vo kana kwiza mu monoko.

7. Vo luzaydi, buna luzaydi sami mpe, ye bwabū luzaydidio ye lumwenidio.

8. Filipino wavova kwa yandi: Mfumu, utumwesa dise, buna bulungidi kwa yeto.

9. Yesu wavova kwa yandi: Filipino, lumbu yoyo yayingi ngiena ye yeno, ye Ngeye kunzaydikoe? Umbweni umwenise, bwe vovele: utumwesa dise?

10. Kadi kulekele minuko, vo mono mu se ye se mu mono? Mambu maivovanga, kiovangamo mu mono kibeniko, kansi se disikila mu mono, diaū divanganga mavanga mandi.

11. Lundekila minu vo mono mu se ye se mu mono; kansi vo kabwako, buna luleka minu mu diambu aiamavanga ye mavanga.

12. Kedika, kedika mono ikuluvovele: ukundekila minu, mavanga maivanganga, yandi mpe unamo vanga, ye una vanga mavanga malutila mu nene, kadi mono ngina kwenda kwa se.

13. Kionso kionso kiluna lombu mu nkūmbū ami, nginakio vanga, kidi se dina zituswa kwa mwana.

14. Vo lulomba lekwa mu nkūmbū ami, siakio vanga.

15. Vo luntonda, silua keba mina miami.

16. Mono ngina lombu kwa se, ye diaū sidia kuluvana mbo-mbi wankaka. Waū tina kala yeno kwele mvu kuvutukidi mvu,

17. Impeve yakedika, yilembane nza tambula, kadi nza kayimweniyoko ye kayizaydi-yoko, kansi yeno luzaydiyo, kadi yaū yina sikila yeno ye yina kala mu yeno.

18. Mono kina kuluyambula luakala kinsonako. Mono ngina kwiza kwa yeno.

19. Fintangu ntangu fisidi, mboki nza kayina vutuka kumbonako, kansi yeno luna kumbona, kadi mono ivūmūnanga ye yeno luna vūmūna.

20. Kina lumbu luna zaya, vo mono mu sami, ye yeno mu mono, yemono mu yeno.

21. Wena mina miami ye ukebamio, iyandi ukuntonda, kansi ukuntonda sika tondwa kwa sami, ye mono ngina kuntonda ye ngina monika kwa yandi.

22. Yuda, kansi kaIskalioko, wavova kwa yandi: Mfumu, nkiana, bwe siwa monika kwa yeto, kansi kuna monika kwa nzako?

23. Yesu wavutula ye wavova kwa yandi: vo muntu ukuntonda sika keba nambu mami, ye sami sidia kuntonda. Yeto

tuna kwenda kwa yandi, ye tuna kala yandi vakena.

24. Lembolo kuntonda, kakebanga mambu mamiko. Mambu maluwanga kamamamiko, kansi imandi wamfidisa.

25. Mambu momo mono mpo-vele kwa yeno, bungiena yeno.

26. Kansi mbombi, iMpeve yaulongo yina fidisa se mu nkūmbū ami, wāū una kulusonga yayonsono ye siwa kulubambūla moyo mu mamonsono mayalukembi.

27. Mono ikuluyambudila yenge. Yenge kiami mono ikuluvana. Mono kivananga bonso buvananga nzako. Kaluyambu-  
langani mintima mieno miakala kiadiko, ye kalubwisani mintimako.

28. Yeno luwilu, vo mono ilavovelenge: mono ngina katuka ye ngina vutuka kwa yeno. Vo luntondele, nga luepa kiese, vo ngina kwenda kwa se, kadi se dikundutidi mu nene.

29. Bwabū mono ntekelewo kamba kwa yeno, buyilembolo vangwa, kidi buyina vangwa, yeno luna leka minu.

30. Kina vutuka vova kwa-  
kwingi kwa yenoko, kadi nkū-  
luntu anza weti kwiza, kansi  
kaubakidi lekwa, mu mono-  
ko.

31. Kansi kidi nza yina zaya.

vo ntoudele se ye ivanganga,  
bonso buyakambwa kwa se,  
lunangūka tuakatuka vava.

### Kapu 15.

*Ngana yanti warinia (1—8), tonda kwakedika (9—17), mbelolo anza ye mbombolo abana ba Nzambi (18—27).*

Mono inti wavinia wakedika, ye sami isadi kiavia diavinia.

2. Dionso vala diena mu mono dilembolo buta bana, yandi unadio katula, ye dionso dibutanga bana, yandi unadio vedisa, kidi dialuta mti buta bana.

3. Bwabū yeno luameni vedila mu diambu diamambu mayavovele kwa yeno.

4. Lusikila mu mono ye mono mu yeno. Bonso vala dilembane buta bana diaū kibeni, vo diaū dilembolo kala mu nti, ibobo yeno mpe, vo lulembolo sikila mu mono.

5. Mono inti wavinia, yeno imavala; wonso usikila mu mono ye mono mu yandi, yandi sika buta kwakwingi, kadi vo lukondolo mono, nga lekwa nku-tu kalulendikio vangako.

6. Wonso lembolo sikila mu mono, yandi sika tubwa ku mba-zi bonso vala ye uyumini. Maū mayonzukwa ye matubwa va tiya ye mayuya.

7. Vo lusikila mu mono ye mambu mani mu yeno, yonso

yonso yiluzolele silua lombu,  
ye silua vangulwayo.

8. Mu diambu diadi sami  
diazitusu, vo luna buta kwakwi-  
ngi, ye yeno luna kala minlo-  
ngüki miami.

9. Bonso bwantonda se, ibobo  
mono yalutondele mpe. Lusiki-  
la mu ntongi ami.

10. Vo lukeba mina miami,  
buna silua sikila mu ntongi  
ami, bonso buyakebele mina mia-  
sami ye isikilanga mu ntongi  
andi.

11. Mono mpovele momo  
kwa yeno, kidi kiese kiami kia-  
kala mu yeno, ye kiese kieno  
kina lunga.

12. Mwina wami wau: vo lu-  
na tondasana, bonso buyaluto-  
nde.

13. Uyambudila bakündi ba-  
ndi moyo lutidi babonsono mu  
tonda.

14. Yeno ibakündi bami, vo  
luvanga yikulukamba.

15. Mono kikulubikanga mi-  
nangako, kadi nanga kauzaydi  
yivanga mfumu andiko, kansi  
mono ikulubikidi bakündi, ka-  
di mono yalukembi yayonsono  
yiyawa kwa se.

16. Yeno kaluansolako, kansi  
mono yalusola ye yaluvangula,  
kidi luayenda buti kwakwingi,  
ye vo bana beno bana sikila,  
kidi yonso yonso yiluna yuvu-

la se mu nkümbü ami, diai  
dina kuluvanayo.

17. Mono ikulukamba, vo  
luna tondasana.

18. Vo nza yikulubelele, lu-  
zaya, vo yau yateka kumbela.

19. Vo yeno ibisi nza, nga  
nza yitondele iyandi, kansi nza  
yikulubelanga, kadi kalubisi nza-  
ko, kansi mono yalusola mu  
nza.

20. Lubambüka moyo mu  
mambu mayaluvovele: nanga  
kaulutidi mfumu andi mu nene-  
ko. Vo banzomene, siba kulu-  
zoma mpe. Vo bakebele mambu  
mami, siba keba mambu meno  
mpe.

21. Kansi yau bana vanga  
yina yayonsono kwa yeno mu  
diambu diankümbü ami, kadi  
kabazaydi wamfidisako.

22. Vo mono kiayizako ye  
kiavova kwa yauko, nga kabe-  
na masümüko, kansi bwabü ka-  
balendi kukisika mu masümü  
maüko.

23. Ukumbelele, belele sa-  
mi mpe.

24. Vo kiavanga kwa yau  
mavanga makamavanga muntu-  
ko, nga kabena masümüko, ka-  
nsi bwabü bamanamo mona ye  
babelanga ye mono ye sami.

25. Kansi yina yavangwa  
bobo, kidi mambu masonukwa  
mu mina miau makwenda de-



ila: "yaü bambela mu na-  
ia."

26. Kansi mbombi buuna kwiza, yandi una ta kimbangi mu mono. Mono ngina kumfidisa kwa yeno. Yandi iMpeve yakedika yivaykanga mu se, ye yina tuka kwa se.

27. Kansi yeno mpe luna ta kimbangi, kadi yeno luena yami ye mu mbadukulu.

### Kapu 16.

*Yesu wasamüna nzomono (1—4),  
sali kiampeve yanlongo (5—16), kadi  
ye kiese biaminlongüki (17—33).*

Mono mpovele momo kwa yeno, kidi kaluna fwemako.

2. Yaü bana kuluküba mu nzo zatukutukunu tuaü, kansi ntangu yina kwiza, vo wonso ukuluvonda sika banza, vo kasalidi Nzambi.

3. Yaü bana kuluvangila bo-bo, kadi kabazaydi seko ye monoko.

4. Kansi mono mpovelemo mo kwa yeno, kidi ntangu buyina kwiza, yeno lunawo bambükila moyo, vo mone yavovelemo kwa yeno; kansi mono kiakamhamo kwa yeno mu mbadukuluko, kadi buna ngiena ye yeno.

5. Kansi bwabü ngina katuka ye ngina kwenda kwa wamfidisa, kansi buuna luena widi

muntu nkutu kangiuvudiko: kwe una kwenda?

6. Kansi kiadi kiafulukidi mu mintima mieno, kadi mono mpovele momo.

7. Kansi mono ikuluvovele kedika: butomene kwa yeno, vo ngina katuka, kadi vo kina katukako, nga mbombi kana kwiza kwa yenoko; kansi bungina katuka, ngina kumfidisa kwa yeno.

8. Mbombi buuna kwiza, yandi una baküsa nza masümü ye zimfonga ye lukongodolo:

9. kansi mu masümü, kadi kalandekila minuko,

10. kansi mu zimfonga, kadi mono ngina kwenda kwa se, ye yeno kaluna kumbona diakako,

11. kansi mu lukongodolo, kadi nküluntu anza yayi ukongodolo.

12. Mamingi mena yami mu kamba yeno, kansi ye mu bwabü kalulendimo tambulako.

13. Kansi yandi, Mpeve yakedika, buyina kwiza, yandi una kulusonga mu kedika beni, kadi yandi kana vova mu mandiko, kansi mamonsono makawa sika vova, ye yilekwa yina kwiza sika kulukamba.

14. Yandi sika kunzitisa, kadi yandi sika bonga yayami, ye sika kulukambayo.

15. Yayonso yivwidi se yena yami, nkiangunu mono mpovele: yayani sika bongu. ye sika kulukambayo.

16. Finkala nkala mboki kaluna kumbonako, ye finkala nkala diaka mboki silua kumbona.

17. Buna minlongüki miandi miankaka miavovasana: nkiama kavovele kwa yeto: finkala nkala mboki kaluna kumbonako, ye finkala nkala diaka mboki silua kumbona; ye mono ikwenda kwa se?

18. Buna miaü miavova: nkiama kavovele: finkala nkala? Yeto katuzaydi yikavoveleko.

19. Yesu wazaya, vo miaü miazola kunyuvula, ye wavova kwa miaü: kadi yeno luyuvasana vo mpovele: finkala nkala mboki kaluna kumbonako, ye finkala nkala diaka mboki silua kumbona.

20. Kedika kedika mono ikuluvovele: yeno luna dilaye künga, kansi nza yina yangalala: yeno luna kala kiadi, kansi kiadi kieno sikia viluka kiese.

21. Nkento buketi buta, kiadi kiena yandi, kadi ntangu andi yena, kansi bukameni buta mwana, mboki kana vutuka bambüka moyo mu kiadi kiandiko mu diambu diakiese, vo muntu umeni butwa.

22. Iboho yeno mpe luena kiadi bwabü; kansi ngina vutuka kulumona, ye mintima mino mina kala kiese, ye muntu kana kulukatula kieseko.

23. Kina lumbu kaluna kungiyudila lekwako. Kedika, kedika mono ikuluvovele: yonso yonso yiluna lomba kwa se. diaü sidiyo kuluvana mu nkümbü ami.

24. Nate ye bwabü yeno kalualombe mu nkümbü amiko: lulumba, ye yeno luna tambula, kidi kiese kieno kina lunga.

25. Mono mpovele kwa yeno mambu mena zitu kiavisila: ntangu yina kwiza, bungina lembwa vova kwa yeno mambu mena zitu kiavisila, kansi ngina bangüla kamba kwa yeno mu se.

26. Kina lumbu yeno luna lomba mu nkümbü ami, kansi kieti kulukambako, vo ngina kuludidila kwa se.

27. Kadi yandi kibeni se ukulutondanga, kadi yeno luantondele ye lualakele minu, vo yatuka kwa Nzambi.

28. Mono yavayka mu se ye yayiza ku nza, ngina vutuka yambula nza ye kwenda kwa se.

29. Minlongüki miandi miavova: tala, bwabü weti bangüla

vova ye lembolo vova mambu mena zitu kiavisila.

30. Bwabü tuzaydi, vo Ngeye zaydi yayonsoho ye lembolo kala nsatu ayuvulwa lekwa kwa muntu; nkiangunu tulekele minu, vo Ngeye wavayka kwa Nzambi.

31. Yesu wavutula kwa yaü: bwabü lulekele minue?

32. Tala, ntangu yina kwi-za ye yikiizidi, buluna sansukuswa muntu ku yandi, muntu ku yandi, ye luna kungiambu- la mono kwami kaka; kansi kiena kwami mono kwami kakako, kadi se diena yami.

33. Mono mpovele momo kwa yeno, kidi luna kala yenge mu mono; mu nza luena kiadi, kansi lukala kibakala, kadi mono yabedese nza.

## Kapu 17.

*Yesu wasambila.*

Yesu wavova mambu momo ye wasendula meso mandi ku zulu ye wavova: se, ntangu yayizidi, zitisa mwana 'ku. kidi mwana 'ku wazitisa Ngeye.

2. bonso buwamvana zingolo mu nsuni miamionsono, kidi wonso wonso uwamvana sika vewa moyo usalanga kwele mvu kuvutukidi mvu kwa yandi.

3. Kansi moyo usalanga kwele mvu kuvutukidi mvu iwaü:

kidi bazaya Ngeye uNzambi akedika kaka ye ndiena uwafidisa, Yesu Kilisto.

4. Mono yameni 'zitisa Ngeye va ntoto, bumbeni mavanga mawampana mu vanga.

5. Se, bwabü unzitisa mu Ngeye kibeni mu nzitusu una uyakala yaku, nza bukayayidu- kwa vangwako.

6. Mono yazaykisi nkümbü aku kwa bantu bawampana mu nza. Yaü bakala yaku, ye Ngeye wabampana, ye yaü bakebele mambu maku.

7. Bwabü yaü bazaydi, vo yayonsoho yiwampana yitukidi mu Ngeye.

8. Kadi mambu mawampana, mono yavanamo kwa yaü. Yaü batambudimo ye bazaydi mu kedika, vo yatuka mu Ngeye, ye balekele minu, vo Ngeye wamfidisa.

9. Mono ikubadilanga mvutu, kidilanga nza mvutuko, kansi mono idilanga bawampana mvutu, kadi baü ibaku.

10. Yami yayonsoho iyaku, ye yaku iyami, ye mono yazituswa mu yaü.

11. Kansi bwabü kiena kwami diaka mu nzako, kansi yaü bena mu nza, ye mono ngieti kwiza kwa Ngeye. Se diamfonga. keba bawampana mu nkü-

mbü aku, kidi bakala mosi bonso yeto imosi.

12. Buyakedi yaü mu nza, mono yabakebele mu nkümbü aku; mono yakütidi bawampana, ye muntu nkutu kavilako kansi mwana wambüngülü, kidi masonukwa makwenda detila.

13. Kansi mono bwabü ngieti luaka kwa Ngeye, ye mpovele momo mu nza, kidi yaü bana kala kiesi kiami kialunga mu yaü.

14. Mono yabaveni mambu maku. Nza yikubabelanga, kadi kabavwilu kwa nzako, bonso mono mpe kivwilu kwa nzako.

15. Mono kieti kulomba wabakatula mu nzako, kansi kidi wabatabila mu yayibi.

16. Yaü kabavwilu kwa nzako, bonso mono mpe kivwilu kwa nzako.

17. Ubafongisa mu kedika; mambu maku imakedika.

18. Bonso buwamfidisa mu nza, ibobo mono ibafidisi mu nza mpe.

19. Mono ikifongese mu yaü, kidi bafonga mu kedika mpe.

20. Mono kidilanga yaü kaka mvutuko, kansi mono idilanga yaü mpe mvutu bana leki la mono minu mu diambu diambu maü.

21. Kidi babonsono bana kala mosi, bonso Ngeye, se, mu

mono ye mono mu Ngeye, kidi bakala mosi mu yeto, mpasi vo nza yazaya, vo Ngeye wamfidisa.

22. Mono yabavana nzitusu uwampana, kidi bakala mosi bonso yeto imosi,

23. mono mu yaü ye Ngeye mu mono, kidi bavwa kala mosi. mpasi vo nza yazaya, vo Ngeye wamfidisa ye wabatonda, bonso buwantonda.

24. Se, nzolele kwami, vo bawampana bana kala yami mpe vangiena, kidi bamona nzitusu ami uwampana; kadi Ngeye wantonda, nza buyalembwa yidukwa vangwa.

25. Se diamfonga, nza kayizaydiko, kansi mono izaydi. Bantu baba bazaydi, vo Ngeye wamfidisa.

26. Mono yadeda nkümbü aku kwa yaü, ye nginayo deda, kidi ntondolo yiwantondila yina kala mu yaü ye mono mu yaü.

## Kapu 18.

*Yesu wayenda ku Ngetezemane ye wakangwa (1—11), wanatwa kwa Hanna (12—23), kwa Kaifa (24—27), kwa Pilato (28—40).*

Yesu bukamana vova mambu momo, yandi wavayka ye minlongüki miandi ye wasabüka mwila wa Kidelo, kwakala via

kwakota Yesu ye minlongüki miandi.

2. Kansi Yuda mpe, inye-küdi andi, wazaya vüma vovo, kadi Yesu wayenda ye wayendudula kuna ye minlongüki miandi.

3. Nkiangunu Yuda wanata kabü diabinwani ye bisielo biabafalisea ye bangüdi zanganga ye wayenda kuna ye minda ye binga ye bisabala.

4. Yesu wazaya yayonsoho yikasa vangwa, nkiangunu yandi wayenda ye wavova kwa yaü: nani lueti tomba?

5. Yaü bavutula: Yesu mu Nazaleti. Yesu wavova kwa yaü: imono yuyu. Yuda, inyeküdi andi, watelama yaü mpe.

6. Kansi Yesu bukavova kwa yaü: imono yuyu, buna yaü bayenda manima manima ye babwa va ntoto.

7. Buna Yesu wavutuka kubayuvula: nani lueti tomba? Yaü bavova: Yesu mu Nazaleti.

8. Yesu wavutula: imono yuyu; nkiangunu vo lueti kuntomba, luyambula ebaba benda,

9. kidi diambu dina dikavova dienda detila: buna bena bawampana kividisi kwami muntuko.

10. Simona Petolo wakala sabala wavolakio ye wabanda sielo kiangüdi anganga ye waza-

ka kutu kwandi. Nkümbü asielo Malako.

11. Buna Yesu wavova kwa Petolo: vutula sabala mu kimpata; kompe kiampeni se, kadi kinakio nwakoe?

12. Buna binwani ye bakülu-ntu ye bisielo biabayudayo basi-mba Yesu ye bankanga

13. ye banata yandi va ntete kwa Hana, kadi yandi inzitu aKaifa, wakala ngüdi anganga mvu wauna.

14. Kansi Kaifa iyandi wakamba bayudayo, vo batoma nitu, vo muntu una fwila bantu.

15. Kansi Simona Petolo ye nlongüki wankaka banama Yesu. Kansi nlongüki wowo wazaya ngüdi anganga ye wakota ye Yesu mu vula dianganga.

16. Petolo watelama kumba-zi amwelo. Buna nlongüki wowo wazaya nganga wavayka ye wamoka ye nkengi amwelo ye wakotisa Petolo.

17. Buna sielo kiankento kiakenga mwelo kiavova kwa Petolo: kadi Ngeye mpe wena nlongüki amuntu wowe? Yandi wavova: kamono amiko.

18. Kansi minanga ye bisielo bakwika makala, kadi kiozi kiakala, ye bayotila. Petolo mpe watelama ye wayotila yaü.

19. Buna ngüdi anganga yayuvula Yesu mu minlongüki

miandi ye mu ndongolo andi.

20. Yesu wavutula kwa yandi: mono yavovele kwa nza va yuti; lumbu yayonso mono yavovenge mu nzo alukutukunu ye mu nzo aNzambi, mukutananga bayudayo babonso; mu nsweki kivovele kwami diambuko.

21. Mu nkiana weti kungivula? Yuvula bawilu mambu mayavovele kwa yaü. Tala, yaü bazaydi mambo mayavovele.

22. Bukamana vova momo, buna sielo kiatelama vana kiabanda Yesu nkome ye kiavova: kadi Ngeye una vutula bobo kwa ngüdi anganga?

23. Yesu wavutula kwa yandi: vo mpovele mambu mambi, umbangisa, kansi vo ntomene vova, mu nki umbandidi?

24. Buna Hana wanfidisa wakangama kwa Kaifa, ngüdi anganga.

25. Kansi Simona Petolo watelama ye wayotila. Buna yaü bavoya kwa yandi: kadi Ngeye mpe kunlongiki audi-koe? Yandi wakala ye wavova: kamono amiko.

26. Buna sielo kiangüdi anganga, ibutu kiamuntu waza-kwa kutu kwa Petolo, kiavova: kadi kimweni Ngeye ye yandi mu lumbukoe?

27. Buna Petolo wavutuka

kala. Koko intumbu küba.

28. Buna yaü bakatula Yesu kwa Kaifa ye bamfila ku nzo anküluntu; kansi wakala nsuka miamingi. Yaü kabakota mu nzo anküluntuko, kabidi sumünwa, kansi kidi balia mpikolo.

29. Pilato wavayka kwa yaü ye wavova: nki alekwa lutatimisini muntu wowo?

30. Yaü bavutula ye bavova kwa yandi: vo kaviunganga yambiko, nga katunyekole kwa Ngeye.

31. Pilato wavova kwa yaü: lumbonga luankongüdila, bonso bwena mina mieno. Bayudayo bavova kwa yandi: yeto katuasilwa mu muntu vondako.

32. kidi mambu maYesu makavova, bukakamba lufwilu lukakana fwila, makwenda detila.

33. Buna Pilato wavutuka kota mu nzo anküluntu ye wabela Yesu mbila ye wavova kwa yandi: Ngeye imfumu abayudayoe?

34. Yesu wavutula kwa yandi: vovelewo Ngeye kibenie, evo bankaka bayikidiwo mu monoe?

35. Pilato wavutula: kadi mono inyudayoe? Bantu baku ye bangüdi zangunga bayekole kwa mono. Nkiana wavengi?

36. Yesu wavutula: kimfumu

kiami kakiena mu nza yayiko. Vo kinfumu kiami kiena mu nza yayi, nga sielo biami bintabidi, kidi kiayekülwa kwa bayudayo-ko, kansi bwabü kinfumu kiami kakiena munza yayiko.

37. Buna Pilato wavova kwa yandi: kiongono, umfumu kwakue? Yesu wavutula: Ngeye volewo, vo mono imfumu. Nkiangu nu mono yabutwa ye yayiza mu nza, kidi yata kimbangi kiakedika. Wonso wena wake-rika, yandi wanga ndinga 'ni.

38. Pilato wavova kwa yandi: kie ikedika? Bukamanawo vova, yandi wavutuka vayka kwa bayudayo ye wavova kwa yaü: kimweni yandi nkanuko.

39. Kansi fu kiena yeno, vo ivulusanga nkole nkole kwa yeno mu mpiokolo. Nkiangu nu luzolele kweno, vo ngina vulusa mfumu abayudayo kwa yenoe?

40. Buna yaü bavutuka boka ye bavova: kayandiko, kansi vulusa Balaba. Kansi Balaba intani kwandi.

### Kapu 19.

*Yesu wayurizulwa kwa Pilato (1—15), wakomwa va kulunsi (16—22), biwani biakabana mwaru miandi (23—24), mambu marova Yesu va kulunsi (25—30), bazokuta dionga mu bibanzi luandi (31—37), wadiamuswa (38—42).*

Buna mboki Pilato wasinibisa

Yesu ye wambüfisa nate ye nkanda wabünuka.

2. Binwani biazinga mpu yansende ye biatulayo va ntu andi ye bianvwika nlele wambwaki.

3. Biaü biayenda kwa yandi ye biavova: tuawa binga kwa mfumu abayudayo! Biaü biambanda zinkome.

4. Pilato wavutuka vayka ye wavova kwa yaü: tala, mono imvaykisi kwa yeno, kidi luazaya, vo ndembolo mona yandi nkanu.

5. Buna Yesu wavayka ye mpu yansende ye nlele wambwaki. Yandi wavova kwa yaü: tala, muntu!

6. Kansi bangüdi zanganga ye bisielo bubamona yandi, yaü baboka: koma yandi va kulunsi, koma yandi va kulunsi! Pilato wavova kwa yaü: nansimbino kweno luankoma va kulunsi, kadi mono kimweni yandi nkanuko.

7. Bayudayo bavutula: yeto tuena mina, ye vo mina mieto, nga sika fwa, kadi yandi wakisa, vo yandi imwana aNzambi.

8. Pilato bukawa mambu momo, yandi waluta kala wonga.

9. Yandi wavutuka kota mu nzo anküluntu ye wavova kwa Yesu: kwe tukidi? Kansi Yesu

kavutula diambu kwa yandiko.

10. Pilato wavova kwa yandi: kuna vova yamikoe? Kadi kuzaydiko, vo zingolo zena yami mu kuvulusa ye mu kukomisa va kulunsie?

11. Yesu wavutula: Ngeye kwena zingolo mu monoko, vo kuvenozo mu kayengeleko, nkiangunu ungiokole kwa Ngeye lutidi mu masumũ.

12. Buna Pilato watonta kumvulusa, kansi bayudayo baboka ye havova: vo una kumvulusa, buna Ngeye kunkündi antinuko. Wonso weti kukivanga mfumu, bangisi ntinu.

13. Buna Pilato bukawa mambu momo, yandi wavaykisa Yesu ye wazakala va kiandu kiankongüdlidi va vüma vabikwanga Litosototoni ye mu kiebeleo Ngabata.

14. Kansi bobo bwakala lunbu kiantotila mu mpiokolo, ntangu buyakala va mbata. Yandi wavova kwa bayudayo: tala, mfumu eno!

15. Yaü baboka: katula, katula, koma yandi va kulunsi! Pilato wavova kwa yaü: sia koma mfumu eno va kulunsie? Bangüdi zanganga zavutula: yeto katuena mfumuko, kansi nti nu kaka.

16. Buna yandi wanyeküla kwa yaü mu komwa va kulu-

nsi. Buna yaü basimba Yesu.

17. Yandi kibeni Yesu wadata kulunsi diandi ye wavayaka ku vüma vabikwanga konso ngolo kiantu, kansi mu kiebeleo Ngolongata.

18. Kuna yaü bankoma va kulunsi ye bantu bole bankaka, mosi va lueka mosi va lueka ye Yesu mu monakanda.

19. Kansi Pilato wasonika nkanda ye wabembimisawo va kulunsi; kansi mwasonukwa: Yesu mu Nazaleti, imfumu abayudayo.

20. Buna bayudayo babingi batanga nkanda wowo, kadi vüma vakomwa Yesu va kulunsi vakala luküfi ye vata, ye nkanda wasonukwa mu kiebeleo ye kielene ye kiloma.

21. Buna bangüdi zanganga zabayudayo zavova kwa Pilato: kusonikani mfumu abayudayo, kansi sonika: endu wavovele: mono imfumu abayudayo.

22. Pilato wavutula: bonso bunsonekene, nsonekenebo kwami.

23. Binwani bubiakoma Yesu va kulunsi, buna biabonga nlele miandi ye biakabamio bükü bia, kinwani bükü, kinwani bükü ye mboki kinkuti; kansi kinkuti kakiatewako, kansi kiabwangwa baya dimosi kaka ye mu ntandu ye ku banda.



24. Buna biaü biavovasana: katunakio tendako, kansi tunakio tela wadi, kidi tuazaya wonso unakio vwa; kidi masonukwa makwenda detila mavova: "yaü bakabasana minlele miami ye batela mwatu ami wadi." Binwani biavangabo.

25. Kansi mbuta aYesu yatelama va mbela akulunsi aYesu ye mpangi ambuta 'ndi Malia, inkento aKleofa, ye Malia Mangadalene.

26. Yesu bukamona mbuta 'ndi ye nlongüki ukatonda va lueka luandi, buna kavova kwa mbuta 'ndi: nkento, tala mwana 'ku!

27. Mboki kavova kwa nlongüki: tala, mbuta 'ku! Ntangu yina nlongüki wantula mu nzo andi.

28. Mboki Yesu bukazaya, vo yayonsoho yamana vangwa kidi masonukwa makwenda detila, yandi wavova: mfwidi nsatu anlangu.

29. Kuna kwakala mbungu yavinia kiandeki. Yaü bafulusa pongo mu vinia kiandeki ye batulakio va nti waisopi ye batulakio va nwa aYesu.

30. Bukatambula vinia kiandeki, yandi wavova: yimeni vangwa kwandi. Yandi wadokika ntu ye watabula vümünu.

31. Bayudayo balomba kwa

Pilato, vo malu mabakomwa va kulunsi mana bembwa, kidi zimvümbi kazina manama va kulunsi mu lumingüko, kadi lumbu kiantotila kiakala, ye lumingü luakala lualunene.

32. Buna binwani biayenda ye biabemba malu namuntu wantete ye wanzole, bakomwa ye Yesu.

33. Kansi bubialuaka kwa Yesu ye biamona vo ukifwididi, biaü kabiabemba malu mandiko.

34. Kansi kinwani kimosi kiazoka dionga mu lubanzi luandi. Menga ye nlangu intumbu vayka.

35. Wamonabo wata kimba- ngi mu lekwa biobio, ye kimba- ngi kiandi kiena kiakedika, ye yandi zaydi, vo katanga kedika, kidi yeno mpe lualeka minu.

36. Kadi lekwa yoyo yavangwa, kidi masonukwa makwenda detila: widi visi kiandi nku- tu kakina bembwako.

37. Diaka masonukwa mankaka mavova: "yaü bana tala ubazoka luazu."

38. Kansi Yosefi watuka mu Alimatia ye wakala nlongüki aYesu kansi mu nsweki kaka mu diambu diawonga wabayu- dayo. Yandi wayuvula Pilato mu bonga nitu aYesu. Pilato wanyambudilayo. Buna yandi wayendayo bonga.

39. Nikodemo mpe, ndiewo wateka kwenda kwa Yesu mu fukü, yandi waluaka ye wana-ta mwazu anila ye aloe, waka-la nkama mosi yabitezo.

40. Buna yaü bamanuna nitu aYesu ye bazingayo minlele miampembe ye lekwa biansu-nga, bonso buvanganga bayu-dayo, bubazikanga zinkülu zaü.

41. Kansi mu zintini zozo zakomwa Yesu va kulunsi, mwa-kala lumbu, ye mu lumbu mwa-kala ndiamü yamona, yalembwa tulwa muntu kasi yakwempulwa.

42. Muna yaü batula Yesu mu diambu dialutotolo luabayu-dayo, kadi ndianu yakala luküfi.

## Kapu 20.

*Bakento ye Petolo ye Yoane bayenda ku ndiamü (1—10), Yesu wamona kwa Malia (11—18) ye kwa minlongüki (19—31).*

Kansi mu lumbu kiantete mu lumingü mwayenda Malia Mangadalene ku ndiamü nsuka nahu, kia kakwetendüka ukutuko. Yandi wamona, vo tadi dikatulu mu ndiamü.

2. Buna yandi wayungüsa kwa Simona Petolo ye kwa nlongüki watondwa kwa Yesu ye wavova kwa yaü: yaü bakatudi Mfumu mu ndiamü. Yeto katuzaydi kubantudidiko.

3. Buna bayenda Petolo ye

nlongüki wankaka ye baluaka ku ndiamü.

4. Kansi yaü bole bayungüsa va mosi, kansi nlongüki wankaka watekila kuntu aPetolo ye wavita ku ndiamü.

5. Bukayinama yandi wamona minlele miazingwa mu nkülu miakala muna, kansi kakotamoko.

6. Buna Simona Petolo waluaka ye wakota mu ndiamü ye wamona minlele miazingwa mu nkülu miakala muna.

7. Nlele wazingwa mu ntu andi kawakala ye minlele miakakako, kansi wakala vandi vüma wabundukwa.

8. Buna nlongüki wankaka wavita ku ndiamü wakotamo mpe, ye wamona ye walekilabo minu.

9. Kadi lumbu bina yaü kabavisa masonukwako, vo yandi una fuluka mu hafwa.

10. Buna minlongüki miavutuka kwenda ku zinzo zaü.

11. Kansi Malia watelama kumbazi andiamü ye wadila. Bukadila yandi wayinama ku ndiamü

12. ye wamona zimpofi zole zakala minlele miampembe. Mosi yavwanda va ntu, yankaka va malu, vakedi nitu aYesu.

13. Zaü zavova kwa yandi nkento, nkiana weti didila? Ya-

ndi wavova kwa zaü: Yaü bakatudi mfumu ami. Kizaydi kuba-tudidiko.

14. Nkento bukavovawo, mboki kabangümüka ye wamona Yesu, vo telamene vana, kansi kazayako vo iYesu.

15. Yesu wavova kwa yandi: nkento, nkiamia weti didila? Nani weti tomba? Yandi wabanza, vo inkebi alumbu, ye wavova kwa yandi: mfumu, vo unkatudingi, buna unkamba kuuntudidi, kidi yambonga.

16. Yesu wavova kwa yandi: Malia! Yandi wabangumüka ye wavova kwa yandi: Labuni! Mbangudulu: nlongi.

17. Yesu wavova kwa yandi: kunsimbaniko, kadi yemu bwabü kibalükidi kwa samiko, kansi wenda kwa zimpangi zami, wenda wakambazo: ngina balüka kwa sami ye kwa seno, kwa Nzambi ami ye kwa Nzambi eno.

18. Malia Mangadalene wawenda ye wasamüna kwa minlongüki, vo kamweni Mfumu, ye vo Mfumu yavovele bobo kwa yandi.

19. Nkokila mu lumbu kio-kio kiantete kialumingü Yesu wayiza, mielo bumiabindükwa wakala minlongüki mu diambu dia wonga wabayudayo. Yandi watelama mu monakanda diaü

ye wavova kwa miaü: lukala yenge!

20. Bukamanawo vova, yandi wabasonga moko mandi ye lubanzi luandi. Buna minlongüki miakala kiese, bumiamona Mfumu.

21. Buna Yesu wavutuka vova kwa miaü: lukala yenge! Bonso se diamfidisa, ibuna mono ngieti kulufidisa.

22. Bukamanawo vova, yandi wavelanio mwela ye wavova kwa miaü: lutambula Mpeve yanlongo.

23. Bonso bonso baluna yambudila masümü, yaü bayambudulamo. Bonso bonso balunamo kebisa, yaü bakebosomo.

24. Kansi Tomasi, nlongüki wakümi ye minlongüki mielo, wabikwa Nsimba, kakalayaüko, Yesu bukabümuna kwa yaü.

25. Buna minlongüki miakala miavova kwa yandi: tumweningi Mfumu. Kansi yandi wavova kwa miaü: vo mono kina mona fu biazinsonso mu moko mandiko, ye vo kina tula nlembo mu fu biazinsonsoko, ye vo kina tula koko kwami mu lubanzi luandiko, nga kina kwami lekilawo minu ukutuko.

26. Lumbu nani diaka mboki minlongüki miandi miakala mu nzo ye Tomasi mpe. Mielo bumiabindükwa, buna Yesu wa-

yiza ye watelama mi monakanda diaü ye wavova: lukalaye-nge!

27. Mboki yandi wavova kwa Tomasi: tuala nlembo aku ye tala moko mami! Tuala koko kwaku ye tulako mu lubanzi lua-mi! Kukalani nayedi yediko, kansi leka minu!

28. Tomasi wavutula ye wavova kwa yandi: Mfumu ami, Nzambi ami!

29. Yesu wavova kwa yandi: Ngeye umbweni, nkiangunu Ngeye lekele minu. Kiese kiena yaü balekanga minu, bubalembolo mona.

30. Kansi Yesu wavanga bi-mangu biankaka biabingi, minlongüki miandi bumiamona, bilembolo sonwa mu nkanda waü.

31. Kansi lekwa biobio biasonwa, kidi lualeka minu, vo Yesu iKilisto, mwana aNzambi, ye vo yeno, bululekanga minu mu nkumbü andi, luna kala moyo.

## Kapu 21.

*Yesu wavutuka monika kwa minlongüki (1—14), wamoka ya Petolo (15—23), mambu mansukulu ankanda waü (24).*

Mboki Yesu wavutuka monika kwa minlongüki miandi mu nzengo amwanza waTibelia. Yandi wamonika bonso ena:

2. Simona Petolo ye Tomasi, wabikwanga Nsimba, ye Nata-naeli watuka mu Kana mu Ngalelea ye bana baZebede ye minlongüki miole miankaka miakala vamosi.

3. Simona Petolo wavova kwa yaü: mono mwendo ami tamba zimbizi. Yaü bavova kwa yandi: yeto tuna kwenda yaku mpe. Buna yaü bavayka ye intumbu kota mu bota. Dina fukü kababaka lekwako.

4. Nsuka nabu Yesu watelama mu nzengo wamwanza, kansi minlongüki kamiazayako, vo iYesu.

5. Buna Yesu wavova kwa miaü: lubana, kadi kalubakidi kiandiakoe? Miaü miavutula kwa yandi: inga!

6. Yandi wavova kwa miaü: lutamba konde va lubakala lubota, buna silua baka. Buna miaü miatambadio, kansi kamialendadio tombülako mu diambu diambizi zazingi.

7. Buna nlongüki watondwa kwa Yesu wavova kwa Petolo: iMfumu kwandi. Kansi Simona Petolo, bukawa vo Mfumu, buna kavwata vünga, kadi yandi wakala mpene, ye wadunüka mu mwanza.

8. Kansi minlongüki miankaka miayiza ye bota, kadi miaü kamiakala nseke ye simüko ka-

nivo nkama zole zankwanga zamboma. Miaü miakoka konde ye zimbizi.

9. Buniamana tombüka va nseke, miaü miamona mbombe yakala vana ye mbizi va mbombe ye mampa.

10. Yesu wavova kwa miaü: lutuala mbizi zilubeki hwabü.

11. Buna Simona Petolo wakota mu bota ye watombüla konde va nseke. Diaü diafuluka kwa mbizi zazinene nkama mosi ye makūmatanu ye mbizi zitatu. Konde kadiatiasuka nkutuko, budiakala kabü diodio diazimbi.

12. Yesu wavova kwa miaü: luiza luadia. Kansinlongüki nkutu kalenda kunyuvulako: unani kwaku, kadi miaü miazaya vo iMfumu.

13. Buna Yesu wayenda bongu dimpa ye wavanadio kwa miaü ye mbizi mpe.

14. Mbonika yoyo yantatu kwandi yamonika Yesu kwa minlongüki miandi, bukamana fuluka mu bafwa.

15. Bubamana dia, buna Yesu wavova kwa Simona Petolo: Simona, mwana aYona, Ngeye lutidi baba mu kumtonde? Yandi wavova kwa yandi: inga, Mfumu, Ngeye zaydi, vo ikuzolele. Yandi wavova kwa yandi: yundula bimeme meme biami.

16. Yandi wavutuka vova kwa yandi mpova yanzole: Simona, mwana aYona, Ngeye untodelie? Yandi wavova kwa yandi: inga, Mfumu, Ngeye zaydi, vo ikuzolele. Yandi wavova kwa yandi: vünga mameme mami.

17. Yandi wavova kwa yandi mpova yantatu: Simona, mwana aYona, Ngeye unzolelie? Petolo wakala kiadi, bukavova kwa yandi mpova yantatu: Ngeye unzolelie? Yandi wavova kwa yandi: Mfumu, Ngeye zaydi yayonso, Ngeye zaydi, vo ikuzolele. Yesu wavova kwa yandi: yundula mameme mami.

18. Kedika, kedika mono ivo-vele: buwakala wantwenia, Ngeye wavwata Ngeye kibeni ye wayenda kuwazola, kansi buuna nuna, buna una lambüla moko, ye muntu wankaka una kuvwika ye una kutuala kuulembolo zola.

19. Kansi yandi wavova bobo mu diambu diakamba lufwilu lukana zitisila Nzambi: Bukamana vova bobo, yandi wavova kwa yandi: undaina!

20. Petolo wabangümüka ye wamona nlongüki watondwa kwa Yesu ye walanibalala va ntulu aYesu va mbulukuku ankokila ye wavova kwa yandi: Mfumu, nani kwandi una kuyeküla?

21. Petolo bukamona ndiewo, buna yandi wavova kwa Yesu:

Mfumu, endu, bwe sika siwa?

22. Yesu wavova kwa yandi: vo nzolele kwami, vo yandi una sala nate ye ngina kwiza, diaumbu diakue? Undama kwaku!

23. Buna mambu matengüka ye zimpangi: nlongüki wowo kauna fwako. Kansi Yesu ka-

vova kwa yandiko, vo kana fwako, kansi yandi wavova: vo nzolele kwami, vo yandi una sala nate ye ngina kwiza.

24. Ndioyu inlongüki watele kimbangi mu yilekwa yoyo ye wasoneneyo. Yeto tuzaydi, vo kimbangi kiandi kiena kiakedika.

## Mavanga mazintumwa.

### Kapu 1.

*Yesu wabaluka ku zulu (1—11), zintumwa zacentuka ku Yelusalemi (12—14), basola ntumwa mu ringila kintumwa kiaYuda Iskario (15—26).*

Teofilo, mu nsamü wami wamtote yasonika kwami yilekwa yayonsono yabadika Yesu vanga ye longa,

2. nate ye kina lumbu kika-balulwa, bukateka kamba mu Mpeve yanlongo batumwa bakasola;

3. yandi wakisonga wavümüna kwa baü mpe mu lekwa biabingi biamona meso mu makümayaya mabilumbu, bukamana lungwa, ye wamonika kwa yaü ye wabamokina mu bilekwa biakimfumu kiaNzambi.

4. Bukakutakana ye yaü, ya-

ndi wabakamba: kalukatukani mu Yelusalemiko, kansi muna luvingila lusilulu luase, lulua-wilu kwa mono.

5. Kadi Yoane wabotika mu ntangu, kansi mu lumbu biafiu-ma mboki luna botukwa mu Mpeve yanlongo.

6. Bubamana kutakana, yaü bayuvula ye bavova: Mfumu. Ngeye una kübika kimfumu kiaIsaleli mu lumbu biabie?

7. Yandi wavova kwa yaü: kakwenaniko, vo yeno mu zaya lumbu ye ntangu biasa dise mu zandi ngolo.

8. Kansi yeno luna tambula ngolo, Mpeve yanlongo buyina luaka va yeno. Yeno luna kala zimbangi zani mu Yelusalemi ye mu nsi yamvinba yaYudaya ye

Samalia ye kuna nsukulu ansi.

9. Bukamana vova mambu momo, yandi wabalulwa va tadi-sa zizi biaũ, ye tuti diankatula mu meso maũ.

10. Bubatala ku zulu buka-katuka, tala, babakala bole ba-rwata minlele miampembe bate-lama yaũ.

11. Yaũ bavova: lubisi Nga-lilea, mu nkiana lutelamene lu-tadidi ku zulu? Yesu, ndiena ubalulu mu yeno ku zulu, ya-ndi una kwiza mpila mosi bulu-mweni yandi balukidi ku zulu.

12. Mboki basisa mongo, ubi-kwanga Mongo wamazi, ye ba-yenda ku Yelusaleni. Mongo wowo wena lukufi ye Yelusa-lemi, inseke anzila yidiatulwanga mu lumingũ.

13. Bubaluaka kuna, yaũ ba-baluka ku seka dibakalanga, Pe-tolo ye Yoane ye Yakobi ye Andela ye Filipo ye Tomasi ye Balotolomeo ye Mateosi ye Ya-kobi, imwana aAlafeo, ye Simo-na, imveni, ye Yuda, imwana aYakobi.

14. Yaũ babonsono ye ba-kento ye mbuta aYesu ye zi-mpangi zandi havekamana mu kikundi mu sambila.

15. Lumbu bina kabũ dia-kutakana diakala kani nkama ye makumole, buna Petolo wa-telama mu monakanda diazimpa-ngi ye wavova:

16. lubabakala ye zimpangi! Masonukwa masa kwenda deti-la, mana mateka vova Mpeve yanlongo mu nwa aDavidi mu Yuda, wasonga nzila kwa basi-mba Yesu.

17. Kadi yandi watangwa ye yeto ye watambula ndambu asalu kiaki.

18. Yandi wabaka via mu nsendo wakimfunia. Yandi wa-sotuka ye wabubama ye watia-suka mu ndambu zole ye ndia miandi miavayka.

19. Yilekwa yoyo yazayakene kwa babonsono bena mu Yelusa-lemi, nkiangunu via diodio di-bikwanga mu ndinga aũ Akele-dama, ivia diamenga.

20. Kadi mwasonukwa mu nkanda aminkũnga: “yambula vata diandi diakala diankatu ye muntu kalembwadio kala“, ye “muntu wankaka kabonga salu kiandi.”

21. Nkiangunu muntu mosi wena ye bantu banamanga yeto lumbu biabionsono biakota ye biavayka mu yeto Mfumu Yesu,

22. kasi kiabotikila Yoane ye nate ye kina lumbu kiabalu-lwaYesu mu yeto. Yandi una kala mbingi ye yeto mu mfulu-ku aYesu.

23. Yaũ bayika bantu bole: Yosefi, wabikwa Balasaba, nkũ-mbũ yankaka Yosutu, mboki Matia.

24. Mboki basambila ye bavova: Ngeye, Mfumu, zaydi mitima miabantu babonsono, songa wonso usolele mu babole

25. mu tambula ndambu mu salu kiaki ye kintumwa kiakutukila Yuda mu kwenda ku vuma kiandi.

26. Yaü bata wadi, ye wadi wabwa va Matia. Yandi mpe watangwa ntumwa mosi.

### Kapu 2.

*Nduküdulu aMpeve yanlongo (1—13). Petolo wakamba bantu (14—36). Mafunda matatu mabantu marilula madiela (37—42), bakala lubundulu luantuadi mu dibundu diantete (43—47).*

Lumingü luapentekosta bukiakala, buna yaü bakutakana babonsono vakimosi nadede.

2. Buna mwakala ndumü nswalu mu zulu nkievo tembo kiangolo. Waü wafuluza nzo yamviimba yibavwanda.

3. Yaü bamona tudimi tuabasuka mpila mosi ye tiya. Tuäi tuamana kubananamana babonsono.

4. Babonsono bafuluzwa kwa Mpeve yanlongo ye babadika vova mu ndinga zanzenza, bonso bwabakamba Mpeve mu vova.

5. Kansi mu Yelusalemi mwakala bayudayo baleka minu. Yaü ibantu bavümina Nzambi

batuka mu bantu babonsono bena kungsi azulu.

6. Kansi ndumü wowo buwakala, buna bantu bakutakana kabü ye bayitukwa, kadi zintumwa buzavova, buna bantu babo bawa, muntu ye ndinga 'ndi muntu ye ndinga 'ndi.

7. Yaü babonsono bayitukwa ye bakala wonga ye bavovasana: tala, bantu bobo babonsono beti vova, kadi kabisi Ngaleakoe?

8. Kansi bwevi tulenda wa ndinga zeto, muntu ye yandi ndinga, muntu ye yandi ndinga?

9. Bapolato ye bamedo ye baelemaita ye bantu ba mu Mesopotamia ye mu Yudaya ye Kapadokia ye mu Ponto ye mu Asia,

10 bafilingia ye bisi Pamfilia ye bisi Ngipiti ye bantu batuka mu nsi aLibia luküfi ye Silene ye banzenza batuka muna Loma, bayudayo ye baposilita,

11. bakelete ye balabi, kadi bwe tulenda kubawa bavova mavanga mamanene maNzambi mu ndinga zeto?

12. Yaü babonsono bayitukwa ye badikama ntima ye bavovasana: yayi, bwe siya kala?

13. Bankaka babaseva ye bavova: yaü basansale kwa vinya kiena nazekezeke.

14. Buna Petolo watelama ye kümi ye nlongüki mosi ye



wasasula ndinga 'ndi ye wavo-  
va kwa yaũ: lubabakala, bayu-  
dayo ye babonso bena mwa-  
mu Yelusalemi, luzaya yayi ye  
ludiniba mambu mami!

15. Kadi bantu baba kaba-  
sansale aũko, bonso bulubenzi,  
kadi ntangu yisanamene kaka.

16. Kansi momo imambu ma-  
vova Yoeli, inkambi:

17. "Nzambi yivovele, vo bu-  
na kala mu lumbu bina zimũ-  
nina: mono ngina dukũla mpe-  
ve ami mu nsuni miamionsono.  
Bana beno bababakala ye ba-  
bakento bana kamba lekwa yi-  
na kwiza, ye matoko meno ma-  
na mona mona meso, ye bamako-  
ta bana lotwa zindozi.

18. Mono ngina dukũla mpe-  
ve ami va bisielo biami biaba-  
bakala ye biabakento, ye biaũ  
bina kamba lekwa yina kwiza.

19. Mono ngina vana bima-  
ngu ku ntandu ku zulu ye bi-  
dimbu vansi va ntoto, menga  
ye tiya ye matuti mamwisi;

20. ntangu yina kituka to-  
mbe, ye ngonda yina kituka me-  
nga mboki lumbu kiakinene kia-  
Mfumu kina kwiza.

21. Kansi muna kala, vo wo-  
nso wabokele nkũmbũ aMfu-  
mu una lalulwa.

22. Lubabakala baIsuleli, lu-  
wa mambu mama: Yesu mu Na-  
zaleti, imuntu uluasongwa kwa  
Nzambi mu zingolo ye mu bi-

mangu ye mu lekwa bianzenza,  
biavanga Nzambi mu yandi mu  
monakanda dieno, bonso bulu-  
zaydi beno kibeni;

23. ndiena, wayekulwa bo-  
nso bwakala lusilulu luaNza-  
mbi, bonso bwakizayila Nzambi,  
yeno luankomisa ye luanivondisa  
mu moko mabankwa miambi.

24. Nzambi wafulukisa ya-  
ndi, bukakikutudila minsinga  
mialufwa, kadi yandi kalenda-  
kana simbwa kwa lufwako.

25. Kadi Davidi vovele mu  
yandi: "mono yatala Mfumu  
lumbu yayonso, kadi yandi  
wa yami va lubakala, kidi kia-  
danzakanako.

26. Nkiangunu ntima 'mi wa-  
kala kiese, ye ludimi luami lua-  
yangala, kadi nsuni ami mpe  
una vunda mu vũvũ.

27. Kadi Ngeye kuna yambu-  
la mwela 'mi mu nsi abafwako,  
ye kuna yambula muntu aku  
wanlongo kamona lubololoko.

28. Ngeye wanzaykisa zinzila  
zamoyo; Ngeye una kumfulu-  
za mu kiese va vena zizi kiaku".

29. Lubabakala ye zimpangi,  
tueti kulukamba va yuti, vo Da-  
vidi ise diakikuluntu wafwa  
ye wazikwa, ye ndiamũ andi  
yena yeto nate ye bwabũ.

30. Kansi yandi wakala nka-  
mbi ye wazaya, vo Nzambi  
wansila mu ndefi, vo mosi una

tuka mu nima 'ndi una vwanda va kiandu kiakimfumu,

31. Nkiangunu yandi waki-mokina ye wakivovila mu mfulukulu aKilisto, vo kakana yambulwa mu kimfumu kiabafwako, ye vo nsuni andi kauna mona lubololoko.

32. Yesu indiena wafulukuswa kwa Nzambi, ye yeto babonsono tuzimbangi mu huma bobo.

33. Yandi bukabalulwa mu koko kwaNzambi kwalubakala ye wakitambudila lusilulu kwa se mu Mpeve yanlongo, mboki kadukula yayi yilumweni ye yiluwilu.

34. Kadi Davidi kabaluka kuna mazuluko, kansi yandi tele: "Mfumu yavova kwa mfumu ami; vwanda va lubakala luami,

35. nate ye yatula mintantu miaku mu mfiduku mu malu maku".

36. Nkiangunu nzo yamvimba yaIsaleli siya zaya mu kedika, vo Yesu ndieyu, uluakoma va kulunsi, wawangwa mfumu ye Kilisto kwa Nzambi.

37. Kansi bantu bubawa mambu momo, yaü bamona kwama mu ntima ye bavova kwa Petolo ye kwa zintumwa zankaka: lubabakala ye zimpangi, bwe situa sa?

38. Kansi Petolo wavova

kwa yaü: luvilula madiela, ye buna luena bika luabotukwa mu nkünbü aYesu Kilisto mu lukatulu luamasumü meno, buna silua tambula nkaylu aMpeve yanlongo.

39. Kadi lusilulu luena mu beno ye mu bana beno, ye mu bantu bena nseke, ye mu babonsono bana telwambila kwa Nzambi, imfumu eto.

40. Yandi wabatatimisa ye wabalubula mu mambu mamingi mankaka ye wavova: bika lualalulwa mu mbandu yayi yilembolo songa.

41. Yaü batambula mambu mande ye babotukwa, ye kina lumbu dibundu dianieka mu kani mafunda matatu mamiela.

42. Yaü batatamana mu ndongolo zazintumwa ye mu lubundulu luantuadi ye mu bukuna dimpa ye mu sambila.

43. Kansi wonga wabwila miela miamionsono, ye bimangu ye lekwa bianzenza biavangwa kwa zintumwa mu Yelusalemi, ye babonsono bakala wonga wawingi.

44. Kansi babonsono baleka minu bakala vakimosi ye bakala yayonsono yantuadi;

45. ye bateka lekwa biaü ye mbongo zaü ye bakabazo kwa babonsono, bonso bubakala nsatu alekwa.

46. Lumbu kalumbu bata-

tamana mu kikundi mu nzo aNzambi, ye babüküna dimpa mu zinzo zaü mu kiese ye mu luyinunu luantima,

47. bazitisanga Nzambi ye bavümunwa kwa bantu babonsono. Kansi lumbu kalumbu Mfumu yaniekisa balalulwa ye yaü.

### Kapu 3.

*Petolo vaniakisa muntu watila mianzi (1--10), walonga bantu (11--26).*

Petolo ye Yoane babaluka ku nzo aNzambi ntangu yasambila mu loküla kiavwa,

2. ye kuna kwanatwa muntu wabutwa mu vümü kiambu-ta 'ndi ye kieta. Lumbu kalumbu yaü bantula vana mwelo wabikwa mwelo wantoko, kidi kalombanga lekwa kwa bakotanga mu nzo aNzambi.

3. Bukamona Petolo ye Yoane bakana kota mu nzo aNzambi, yandi wabalomba lekwa.

4. Kansi Petolo ye Yoane bansungamana. Petolo wavova: tala yeto!

5. Yandi wabatala ye wabanza, vo sika vewa lekwa kwa yaü.

6. Kansi Petolo wavova: wola ye palata kabiena yamiko, kansi biena yami siabio kuvana: mu nkümbü aYesu Kilisto mwisi Nazaleti, telama wadiata!

7. Yandi wasimba koko kwa-

ndi kwalubakala ye wantedimisa. Malu mandi ye mabolongo intumbu siama,

8. ye yandi wananguka watelama ye wadiata ye wakota yaü mu nzo aNzambi ye wadiata ye wayungüsa ye wayimbila kwa Nzambi.

9. Bantu babonsono bamona yandi, vo kazieta ye kayimbila kwa Nzambi.

10. Yaü banzaya, vo iyandi wakala wvandangana vana mwelo wantoko wanzo aNzambi mu lombalekwa. Yaü bazala kwa wonga ye ngitukulu mu lekwa yikavangulwa.

11. Kansi bukanama ye Petolo ye Yoane, buna bantu babonsono bazuila kwa yaü kuna kwabikwanga himpwangala bia-Salomoni ye bakala wonga.

12. Kansi Petolo bukamonabo, yandi wavutula kwabantu: lubabakala baIsaleli, mu nkiamalueti yitukwa mu yayi, vo mu nkiamalueti tala yeto, nkievo beto tuvengibo mu zeto zingolo ye mfonga, bukadieti?

13. Nzambi aAbalami ye Isaki ye Yakobi, Nzambi amase meto, wazitisa sielo kiandi Yesu, uluayeküla ye luakadila mu zizi kiaPilato, yandi bukakongüdila, vo Yesu una vuluswa.

14. Kansi yeno luakadila muntu wanlongo ye wamfonga ye

luulomba mu kabulwa muntu wakala mvondi.

15. Yeno luavonda nkūluntu amoyo, kansi Nzambi wamfulukisa mu bafwa. Yeto tuzimbangi mu lekwa yoyo.

16. Nkūmbū andi yasiamisi ndiena, ulumweni ye luzaydi mu minu mu nkūmbū andi. Minu, kiena mu yandi, kiveni yandi mavimpi mangolo, malumweni yeno babonsono.

17. Kansi bwabū, luzimpangi, nzaydi kwami, vo yeno ye baminkongūdidi mieno luavangabo mu buzengi;

18. kansi Nzambi bobo kamana yilekwa yikakikambila mu minwa miaminkambi miamionsono, vo Kilisto andi una lungwa.

19. Nkianguu luvilula madiela ye lubangūmūka, mpasi masumū meno mana vinsukuswa,

20. kidi ntangu zavongisila zitukidi mu zizi kiamfumu zina kwiza, kidi kafidisa Yesu Kilisto, wasolwa mu diambu dieno.

21. Zulu diasa kuntambula nate ye ntangu zamvutulu abilekwa biabionsono, zabika Nzambi ntama mu minwa miaminkambi mianlongo.

22. Kadi Mose wavova: “Nzambi, imfumu eno, una kutudila nkambi bonso mono mu zimpangi zeno. Yeno luna wa yandi mu yayonsono, yikakulukamba;

23. kansi buna buna bwanwa, vo wonso mwela ulembololo wa nkambi wowo, waū una fūka mu bantu.”

24. Kansi minkambi miamionsono miatuka mu Samueli, ye miamionsono miakala vovanga, miaū miasamūna lumbu biabi mpe.

25. Yeno lubana baminkambi ye baluwawanu luavanga Nzambi kwa mase meto, bukavova kwa Abalami: “makanda mamonsono mantoto mana sakūmūnwa mu mwana una tuka mu Ngeye.”

26. Kadi Nzambi watula sielo kiandi Yesu va ntetentete kwa beno, ye wamfidisa mu sakūmūna yeno buna luena, bulubantama na yayibi yeno.

## Kapu 4.

*Petolo ye Yoane basiwa zinkole (1—4), bayuvulwa kwa minkongūdidi ye baruluswa (5—22), barutuka kwa bayai (23—31). Dibundu diantete bonso budiakala (32—37.)*

Kansi bubavova kwa bantu, buna bayiza zinganga ye nkūluntu aminkengi mianzo aNzambi ye basadukaya.

2. Yaū bakala nganzi, kadi minlongūki mialonga bantu ye miakamba mfulukulu aYesu mu bafwa.

3. Yaū babatula moko ye

babatula mu kebolo nate ye lumbu kiansuka, kadi nkokila yakibwila.

4. Kansi babingi bawa mambu baleka minu, ye ntalu ababakala yakala mafunda matanu.

5. Kansi mu lumbu kiansuka mwakutakana bakuluntu baü ye zingüdi zabantu ye minsoniki ku Yelusalemi.

6. Mwakutakana mpe Hana, ngüdi anganga, ye Kaifa ye Yohane ye Alesandelo ye babonsono mu kanda diangüdi anganga.

7. Bubabatula mu monakanda, mboki yaü babayuvula: mu nki alulendo vo mu nki ankumbü luvengi yoyo?

8. Buna Petolo wazala kwa Mpeve yanlongo ye wavova kwa yaü: luzingüdi zabantu ye bakuluntu!

9. Yeto butufiongununwa bwabü mu diambu diabunkete, butuavengi kwa muntu wayela ye mu lekwa kikaniakini,

10. buna luzaya beno babonsono ye bantu babo baIsaleli, vo yandi telamene vovo mavimpi mu nkumbü aYesu Klisto mu Nazaleti, iyandi uluakomisa va kulunsi ye wafulukuswa kwa Nzambi.

11. Yandi iditadi diatubwa kwa yeno lumintungi, kansi diaü diakituka tadi diafuma kianzo;

12. ye kakwenani lulalulu

mu muntu wankakako, kadi kakwenani nkumbü yankaka yavewa kungsi azulu mu bantuko, yitulenda lululwa.

13. Kansi bubamona kibakala kiokio kiaPetolo ye Yoane, ye bubazaya, vo kabalongwako ye kabalongükako, buna yaü bayitukwa ye bazaya, vo yaü bakala ye Yesu.

14. Ye bubamona muntu waniakuswa watelama yaü, buna kabakala lekwa kiambangisako.

15. Kansi yaü babakamba mu vayka mu nzo yikongüdu-lwanga, ye bawawasana

16. ye bavova: bwe situa sa kwa bantu bobo? Kadi lekwa kianzenza kiazayakana kiavangwa kwa yaü, ye kiaü kiameni zayakana kwa babonsono bena mwamü Yelusalemi, ye katulendikio kadilako.

17. Kansi kidi kakialuta zayakana kwa bantuko, bika tuabakanikina vova mu nkumbü yoyo kwa muntu.

18. Yaü babatela mbila ye babakamba, vo kabana vova nkutu ye longa mu nkumbü aYesuko.

19. Kansi Petolo ye Yoane bavutula ye bavova kwa yaü: vo busongele kwa Nzambi muluta wa yeno vo mu luta wa Nzambi, ludedisabo kweno,

20. kadi yeto katulendi di-

tukako mu lekwa yituanwani ye yituaawilu.

21. Yaü babakanikina dia-ka ye babayendisi, kadi kaba-zaya bonso bubalenda kubakwamisa mu diambu diabantuko, kadi babonsono bazitisa Nzambi mu yilekwa yavangwa.

22. Kadimuntu wavangulwa lekwa kiokio kianzenza wakala makumaya mamimvu ye madia.

23. Bubayambulwa, mboki bayenda kwa bayaü ye bakamba, bonso hwavova zingüdi zanganga ye zingüdi zabantu kwa yaü.

24. Kansi bubawabo, mboki basasula ndinga vakimosi kwa Nzambi ye bavova: Mfumu, Ngeye wavanga zulu ye ntoto ye mbu ye yilekwa yayonsoho yena muna,

25. Ngeye wavova mu Mpeve yanlongo mu nwa wasielo kiaku Davidi, iseto: "bantu bakondolo luzaylu luaNzambi mu nkiana babomanga, ye bantu babanzanga lekwa yankatu?"

26. Zimfumu zantoto zatelama ye bakuluntu bakutakana vakimosi mu kakila Mfumu ye Kilisto andi".

27. Kadi mu kedika mu vata diadi bakutakene mu kakila Yesu, sielo kiaku kianlongo, Elodesi ye Pontio Pilato ye bakondolo luzaylu luaNzambi ye bantu baIsaleli,

28. mu vanga bonso bwakibikulwa kwa koko kwaku ye mu nduka zaku, vo buna kala.

29. Kansi bwabü, Mfumu, tala lukanukunu luaü ye vana bisielo biaku biakamba mambu maku mu kibakala,

30. vangabo mu lambula koko kwaku mu niakisa ye mu vanga lekwa bianzenza ye bimangu mu nkumbü asielo kiaku Yesu.

31. Ye bubamana sambila, buna nzo yibakutakana yankunwa, ye babonsono bafuluka kwa Mpeve yanlongo ye bavova mambu maNzambi mu kibakala.

32. Ntima mosi ye mwela mosi biakala ye kabü dialeka minu, ye muntu mosi nkutu kabika lekwako, vo ikiandi lekwa, kansi yaü bavwa biabionsono biantuadi.

33. Zintumwa zata kimbangi kiamfulukulu aMfumu Yesu Kilisto mu ngolo zazingi, ye nlemvo wawingi wakala mu yaü babonsono.

34. Kadi muntu wakondwa lekwa kakala yaüko, kadi babonsono bakala mavia ye zinzo batekabio ye hanata ntalu abilekwa biatekwa

35. ye batulayo vana malu mazintumwa; kansi babonsono bavewa bibakala nsatu.

36. Kansi Yosefi, wabikwa

Banaba kwa zintumwa, mban-gudulu ankumbū: mwana w-andubudulu, ilevayta, watuka mu Cipelio.

37. wateka via dikavwa ye wanata bivanza ye watulabio vana malu mazintumwa.

### Kapu 5.

*Ndongola a Anania ye Safila (1—11), zintumwa zavanga bimangu (12—16), ankanga kansi zavuluswa kwa mpofo (17—20), zalonga diaka mu nzo a Nzambi (21—25), zangwa kwa mikongididi (26—33), Ndubudulu za Ngamali (34—40). Zintumwa zavuluswa (41—42).*

Muntu, nkumbū andi Anania, ye nkento andi Safila batoka via,

2. ye yandi watula ndambu va lueka, bwazaya nkento andi, mboki kanata ndambu ye katulayo vana malu mazintumwa.

3. Kansi Petolo wavova: Anania, Satana mu nkiana kafuzidi ntima 'ku, kidi wakamba makutu kwa Mpeve yanlongo, ye kidi watula ndambu antalu avia va lueka?

4. Kadi Ngeye kwavwidi-diokoe, budiakedi yaku? Budi-ataykidi, kadi Ngeye kwavwidi-diokoe? Mu nkiana ukukivangidi diambu diodio mu ntima aku? Ngeye kukembi makutu kwa bantuko, kansi kwa Nzambi.

5. Kansi Anania bukawa mambu momo, yandi wabwa ye

watabūka vūmūnū. Wonga wawingi wabwila babonsono bawawo.

6. Bamatoko batelama ye bazinga ye banata ku mbazi ye bandidiamisa.

7. Kansi lokūla bitatu bu-biamana vioka, mboki nkento andi wakota, kansi kazaya būma bwavangwako.

8. Petolo wavutula kwa yandi: unkambeti, vo intalu yoyo luatabikisidi vie? Yandi wavova: inga, intalu yoyo kwandi.

9. Kansi Petolo wavova kwa yandi: mu nkiana luawawane mu tonta Mpeve yaMfumu? Tala, malu mabantu badiamisi nlumi aku mena ku mbazi amwelo, ye yaū bana kunata ku mbazi.

10. Yandi intumbu bwa vana malu mandi ye watabūka vūmūnū, ye bamatoko, bubakota, yaū bamona nkento wakifwila ye banatawo ku mbazi ye badiamisawo ye nlumi andi.

11. Wonga wawingi wabwila dibundu diamvimba ye babonsono bawawo.

12. Kansi lekwa biabingi biazenza ye bimangu biavangwa kwa moko mazintumwa, ye yaū bakalasana vakimosi ye kikūndi mu bimpwangala biaSalomoni.

13. Bankaka babonsono batina, kansi bantu babazitisa beni.

14. Kansi balekila Mfumu minu baluta kwiza makabū mababakala ye bakento,

15. ye yaü banata bakala yela ku mbazi mu zinzila ye babatula va ntandu amintanda ye tuandu, kidi kani kini kia-Petolo sikia fuka muntu, buka-vioka.

16. Bantu babingi batuka mu mavata makimfini kia Yelusalemi bakutakana ye banata bakala yela ye bakwamuswanga kwa mpeve zansobo, ye babonsono bamana niakuswa.

17. Kansi ngüdi anganga ye babonsono bakala yandi, bakala mu skulu kiabasadukaya, hate-lama ye bakala mbidi avema vema,

18. ye yaü batula moko mu zintumwa ye batulazo mu kebo-lo kiavata.

19. Kansi mu fukü mpofi aMfumu yazibula mielo miakelo ye yabavaykisa ye yavova:

20. luenda luatelama mu nzo aNzambi ye luavova kwa bantu mambu momo mamonsono mamoyo!

21. Kansi bubawawo, mboki mvüngütutu bayenda ku nzo aNzambi ye balonga. Kansi ngü-di anganga yayiza ye bayandi ye bakutikisa bikongüdidi biavimiba ye bangüdi zabantu zabana baIsaleli ye batumisa mu landa zintumwa mu kebo-lo.

22. Kansi bisielo bubialuaka vana, kabiamona zintumwa mu

keboloko, kansi biavutuka ye biakambawo

23. ye biavova: yeto tumweni kebo-lo kiabindukwa nadede, ye minkengi mitelamene ku mbazi amielo, kansi butuzibudi, katumweni muntu mu ngüdiko.

24. Kansi nküluntu aminken-gi mianzo aNzambi ye bangü-di zanganga, bubawa mambu momo, badikama ntima mu yaü mu zaya, bonso bwakala lekwa yoyo.

25. Buna kifwaü kiayiza kubakamba: tala, babakala baluatudisi mu kebo-lo, batelamene ye beti longa bantu mu nzo aNzambi.

26. Buna nküluntu ye bisielo bayenda kubalanda, kansi kabasa ngoloko, kadi yaü batina bantu, ye vo bana vondwa mu matadi.

27. Bubatuala yaü, mboki babatula mu monakanda diabikongüdidi. Ngüdi anganga yabayuvula

28. ye yavova: katuakulukanikini beni mu longa mu nkümbü yoyokoe? Tala, yeno luafuluzi Yelusalemi mu zindongi zeno, ye luzolele tuala menga namuntu wowo va yeto.

29. Kansi Petolo ye zintumwa bavutula ye bavova: situa luta mu tumamakwa Nzambi ye kwa bantu fuma.

30. Nzambi amase meto wa-



fulukisa Yesu, uluakomisa va nti ye luamvonda.

31. Nzambi wambalula mu koko kwandi kwalubakala mu kala nkūluntu ye nlaludi ye mu vana luvilulu luantima ye lukatulu luamasumū kwa baIsaleli;

32. ye mu mambu momo beto tuzimbangi ye Mpeve yaulongo, yavana Nzambi kwa batumama yandi.

33. Kansi bubawawo, batelama ntima ye bawawasana mu kubavonda.

34. Kansi mu bikongūdidi mwatelama nkwa afalisea, nkūmbū andi Ngamalieli. Yandi ulongi amina ye wazituswa kwa bantu babonsono, ye yandi wakamba, vo bavaykisa zintumwa fintangu ntangu.

35. Ye yandi wavova kwa yaū: lubabakala baIsaleli, luluega mu lekwa yiluna vanga kwa bantu bobo.

36. Kadi vakiakala, Teuda watelama ye wavova, vo kakala kifwaū, ye babakala kanivo nkama zia banama yandi. Yandi wafwa, ye batumwa kwa yandi basansukuswa nana.

37. Mboki Yuda, mwisi Ngaliela, wakibalula lumbu bina biasonukunwa bantu mpaku, ye wavanga bantu bakatuka kwa ntinu ye banama yandi. Kansi yandi wavondwa, ye babonsono

batumwa kwa yandi basansukuswa.

38. Bwabū monoikuluvovele: kalutatamana ye bantu boboko. Lubayambula, kadi vo būma bobo vo mavanga momo bitukidi mu bantu, sibia fūka kwandi,

39. kansi vo bitukidi mu Nzambi, buna yeno kalulendibio fūkisako. Lutala, kaluidi nwanisa Nzambi!

40. Buna yaū batumama kwa yandi ye batela zintumwa nibila ye babūfisazo, nate ye nkanda wabunuka. Mboki yaū bakankinazo vova mu nkūmbū aYesu ye bayendisazo.

41. Zaū zavayka mwakala bikongūdidi ye zakala kiese, vo zafwanana mu levūlwa mu diambu diankūmbū yoyo.

42. Lumbu kalumbu zaū kazalembwa kala mu nzo aNzambi ye zinzoko, ye zakamba nsamū wambote waYesu Kilisto.

## Kapu 6.

*Bisielo biadibundu biasolwa (1--7). Stefano wavanga bimangu ye wanaŋwa kwa minkongūdidi (8--15).*

Kansi utalu aminlongūki buyanieka mu lumbu biabina, buna bayudayo batuka mu Elene babamina bayudayo bankaka, kadi mafwola maū kamaŋtoma sadulwako mu sadulu alumbu kalumbu.

2. Kūmi ye minlongūki miole miatela mbila kwa kabū dia-minlongūki ye miavova: kabutomeneko, vo tuna sisa mambu maNzambi mu diambu diasalu kiamenza.

3. Nkiangunu, luzimpangi, lusola babakala nsambodia bena yeno, bena lubikulu luabiza ye bazala kwa Mpeve ye zinduka, buna situa kubavangūla mu salu kiokio.

4. Kansi yeto tuna tatamana mu sambila ye mu salu kiamambu.

5. Kabū diamvimba diazola mambu momo. Yaū basola Stefano, imuntu wazala kwa minu ye Mpeve yanlongo, mboki Filipo ye Polokolo ye Nikano ye Timona ye Pamena ye Nikolao iposilita watuka mu Antiokia.

6. Yaū babatuala kwa zintumwa, ye yaū basambila ye babatula moko.

7. Mambu maNzambi malutila, ye ntalu aminlongūki yanieka beni mu Yelusalemi, ye zinganga zazingi zatumamana minu.

8. Stefano wazala kwa nlenivo ye tulendo. Yandi wavanga lekwa biabinene bianzenza ye bimangu mu bantu.

9. Kansi bankaka batuka mu dibundu diabalibetino ye diabisi Cilene ye Alesandelo ye Ci-

lisia ye Asia batelama mu bindisa Stefano mpaka,

10. ye balemhana bangisa zinduka ye mpeve bikavovila.

11. Buna yaū balongisila bantu bavova: yeto tuawilu, vo yandi wavovele mambu mantiakulu mu Mose ye Nzambi.

12. Ye yaū bakwikila bantu ye zingūdi zabantu ye minsoniki, ye yaū bambwila ye bamvaykisa ye banata yandi kwa minkongūdidi,

13. ye baluakisa zimbangi zamakutu zavova: muntu wowo kaulenibolo vova mambu mantiakulu mu vuma vava vanlongo ye mu mina.

14. Kadi yeto tuawilu, vo yandi wavovele: Yesu ndiena mwisi Nazaleti, yandi una tulula vuma vava ye vilula bina bituavewa kwa Mose.

15. Babonsoho bavwanda mwakala bikongūdidi batala zizi kiandi nkievo zizi kiampofi.

## Kapu 7.

*Nkambulu aStefano (1—53) ye mpeve andi (54—60).*

Ngūdi anganga wavova: kadi būngū diena boboe?

2. Kansi yandi wavova: lubakala ye zimpangi ye mase. ludimba! Nzambi anzitusu wamonika kwa seto Abalami, bukakala mu Mesopotamia, kadi

ye mu bwabū yandi katunga nzo mu Kalaniko.

3. Nzambi wavova kwa yandi: katuka mu nsi aku ye mu bi-butu biaku ye wiza ku nsi, yingina kusonga.

4. Buna kakatuka mu nsi abakaldea ye wanatuka ku Kalani. Sandi budiafwa, mboki Nzambi wanata yandi ku nsi yayi yiluenina,

5. ye yandi kamvana ndambu ansi yayiko, kafintoto nku-tu fifwiti fukwa ntambiko; kansi yandi wasila mu kumvana-yo, kidi kavwayo yandi ye bana bandi batuka mu yandi, kansi buna kakibakila banako.

6. Kansi Nzambi wavova bwabū: bana baku bana zenzila mu nsi yanzenza, ye yaū bana vangwa minanga kwa bantu babana, ye bana kwamuswa nkama zia zamimvu.

7. Ye Nzambi wavova diaka: mono ngina kongūdila bantu babana, bana kubavanga minanga, mboki bana vayka mu nsi yina ye sādila mono mu vūma kiaki.

8. Yandi wabavana luwawanu luanzabūdulu, mboki yandi wabuta Isaki ye wanzabūla lumbu kianani, ye Isaki wabuta Yakobi ye Yakobi wabuta kūmi ye bana bole, imase mamakanda.

9. Ye mase mamakanda nawa Yosefi nsoki ye manteka

ku Ngipiti, kansi Nzambi wakala yandi,

10. ye yandi wansadisa mu neita zandi zazonsono ye wamvana nlemvo ye zinduka mu Falao, infumu a Ngipiti, ye wamvanga nkūluntu mu Ngipiti ye mu nzo andi yamvimba.

11. Malema mayiza mu Ngipiti yamvimba ye Kanana ye neita zazingi, ye mase meto kamabaka diako.

12. Kansi Yakobi bukawa, vo kwakala dia kuna Ngipiti, buna kafidikisa mase meto mfidikisa yantete.

13. Bubafiduswa mfiduswa yanzole, buna bazaya Yosefi, ye bibutu bianḍi biazaywa kwa Falao.

14. Mboki Yosefi watumisa Yakobi isandi ye bibutu bianḍi biabionsono, lusambodia ye mie-la mintanu.

15. Yakobi wakūlūmūka ku Ngipiti ye wafwa kuna, yandi beni ye mase meto.

16. Yaū banatwa kuna Sikemi ye badiamuswa mu ndiamū yasumba Abalami mu ntalu abivanza kwa bana baEmoli mu Sikemi.

17. Kansi bantu banieka ye bakala babingi mu Ngipiti ntangu alusilulu luasila Nzambi kwa Abalami, buyafinangana,

18. nate ye mfumu yanka-

ka yakala mu Ngipiti, yalembwa zaya kiuma mu Yosefi.

19. Yandi wata bungübi kwa bantu beto ye wakwamisa mase meto, kidi bakatwa losa bana baü, kabidi vümüna.

20. Bina lumbu Mose wabutwa ye yandi wazolwa kwa Nzambi ye wayundulwa ngonda zitatu mu nzo asandi,

21. kansi bukaloswa, buna mwana aFalao wankento wabonga mwana ye wayundulawo iwandi mwana.

22. Ye Mose walongwa zimeluka zazonsono zabisi Ngipiti, ye yandi wakala nkwa angolo beni ye mu mambu mandiri ye mu mavanga.

23. Kansi bukakala makümaya mamvu, buna kabanza mu ntima 'ndi mu bümuna kwa zimpangi zandi, ibana baIsaleli.

24. Ye bukamona, vo umosi wakwamuswa, buna yandi watabila ye wavutula mlandu mu diambu diamuntu wakwamuswa ye wavonda mwisi Ngipiti.

25. Yandi wabanza, vo zimpangi zandi zizaydi, vo Nzambi una kubavulusa mu koko kwandi, kansi kazazayaboko.

26. Lumbu kiansuka yandi wababwana bubazona ye wababwila mu yenge ye wavova: lubabakala, yeno izimpangi, mu

nkiamo luvangasana yilembolo songa?

27. Kansi ndiena wakwamisa mfinangani andi wanioküni na yandi ye wavova: nani wavengi Ngeye nküluntu ye nko-ngüdidi mu yeto?

28. Kadi una kumponda bonso buwavondele mwisi Ngipiti zono?

29. Kansi Mose wataba mu mambu momo ye wakala nzenza mu nsi yaMidia, mukabuta bana bole bababakala.

30. Bukamana makümaya mamvu, buna mpofi yamonika kwa yandi mu nlemo mu nti wampanga mu nsi yankatu vana mongo Sinai.

31. Kansi Mose bukamona-bo, yandi wayitukwa mu mona meso, kansi bukayendabotala, buna ndinga aMfumu yawakana.

32. Mono iNzambi amase maku, iNzambi aAbalami ye Isaki ye Yakobi. Buna Mose watina ye kalenda toma tonwa mu mona mesoko.

33. Kansi Mfumu wavova kwa yandi: kutula zinsampatu mu malu maku, kadi vüna vau-telamene, iva ntoto wanlongo.

34. Mono yatomene mona, vo bantu bami bena mu Ngipiti bakwamuswanga, ye mono yawilu, vo beti vümükanga, ye nkülümükini mu kubavaykisa.

Ye bwabü wiza, kidi yakufidi-  
sa ku Ngipiti.

35. Mose ndiena ubakadila  
ye bavova: nani wavengi Nge-  
ye nküluntu ye nkongüdidi; iya-  
ndi wafiduswa kwa Nzambi mu  
koko kwampofi, yamonika kwa  
vandi mu nti wampanga, mu  
kala nküluntu ye mvulusi.

36. Yandi wabavaykisa ye  
wavanga bimangu ye lekwa bia-  
nzenza mu Ngipiti ye mu Mbu  
wambwaki ye mu nsi yankatu  
mu makümaya mamvu.

37. Yandi Mose ndiena wa-  
vova kwa bana baIsaleli: Nza-  
mbi una kulutedimisina nkambi  
bonso mono mu zimpangi zeno.

38. Ndienda iyandi wakala  
mu dibundü mu nsi yankatu  
ye wakala ye mpofi yamoki-  
sa yandj vana mongo Sinai  
ye mase meto, ye watambula  
mambu mamoyo mu vana yeto.

39. Iyandi walemwa zolwa  
kwa mase meto mu wa, kansi yaü  
baniökünina yandi, ye mu mi-  
nima miaü yaü bavutuka ku  
Ngipiti,

40. ye bavova kwa Aloni:  
utavangila biteki bilenda kutu-  
tekila, kadi Mose ndiena, watu-  
vaykisa mu Ngipiti, bonso bu-  
kabweni, katuzaaydiko.

41. Bina lumbu yaü bava-  
ndisa kingombe ngombe ye ba-  
nata minkaylu kwa kiteki ye

bayangalala mu salu kiamoko  
maü.

42. Kansi Nzambi wabafila  
nima ye wabayambula basambi-  
la kabü diazulu, bonso bwa-  
sonukwa mu nkanda waminka-  
mbi: "yeno mu nzo aIsaleli, ka-  
di mu makümaya mamvu mu  
nsi yankatu, kadi luanata mi-  
nkaylu miadisalu miabibulu evo  
minkaylu miankaka kwa mono?"

43. Yeno luanata nzo aMo-  
loki ye mbwetete akiteki kieno  
Lomfani, ibifwani biluavanga,  
kidi luasambilabio. Ye mono  
ngina kulunata kuna simü dia-  
Babeloni."

44. Nzo akimbangi yakala ye  
mase meto muna nsi yankatu,  
bonso bwakamba ndiena wamo-  
kisa Mose, vo yina vangwa, bo-  
nso bwakala kifwani kikamona;

45. ye mase meto matambu-  
layo ye batualayo ye Yosua  
ku nsi yakala bantu bakondwa  
luzaylu luaNzambi, bavaykuswa  
kwa Nzambi mu diambu dia-  
mase meto, ye nzo yakala nate  
ye lumbu biaDavidi.

46. Yandi walemvükulwa  
kwa Nzambi ye wayuvula, kidi  
kafwanda nzo kwa Nzambi aYa-  
kobi.

47. Kansi Salomoni wantu-  
ngila nzo.

48. Kansi nkwa akayengele  
kalekanga mu nzo yatungwa

mu mokoko, bonso bwavova nkambi:

49. "Zulu ikiandu kiami ye ntoto imfiduku amalu mami. Nzambi vo vele: nki anzo luna kuntungila, vo vüma kialuvundu-lu luami kwe kiena?"

50. Kadi koko kwami kakwavanga yina yayonsonokoe?"

51. Yeno luminkwa miazinsingu zangolo, yeno lualenbolo zabülwa ntima ye matu! Ntangu zazonsono yeno lukakidilanga Mpeve yanlongo; bonso bwavanga mase meno, ibobo yeno mpe.

52. Nki ankambi walembeba zomwa kwa mase meno? Yaü bavonda mpe bantu bateka kamba ngizulu ankwa wanfonga, uluayeküla ye luamvonda kwenö.

53. Yeno luatambula mina mu lusadulu luazimpofi, kansi kaluakebamioko.

54. Bubawa mambu momo, yaü bafuta ntima ye bakweta meno mu yandi.

55. Kansi yandi wazala kwa Mpeve yanlongo ye wasendula meso ku zulu ye wamona nzi-tusu aNzambi, ye Yesu watelama va lubakala luaNzambi,

56. ye wavova: tala mono mbweni mazulu mazibüka, ye mwana amuntu utelamene va lubakala luaNzambi.

57. Kansi yaü baboka mu ndinga yayinene ye bakaka ma-

tu maü ye bambwila va kimosi.

58. ye banküba kumbazi adivata ye bamvonda mu matadi; ye zimbangi zatula minlele miaü vana malu atoko, nkümbü atoko Sauli.

59. Ye yaü bavonda Stefano mu mataadi, kansi yandi wasambila ye wavova: Mfumu Yesu, tambula mwela 'mi!

60. Yandi wafükama ye waboka mu ndinga yayinene: Mfumu, kubatudilani masümü mamako. Ye bukavova mambu momo, mboki kafwa.

## Kapu 8.

*Dibundu diazomwa (1—3). Filipo mu Samalia (4—13). Petolo ye Yoane bayenda ku Samalia (14—17). Petolo ye Simoni, nkwa abimpangula (18—25). Filipo ye nküluntu wa Etiopia (26—40).*

Sauli wawawana mu lufwa luandi. Kansi kina lumbu dibundu diakala mu Yelusalemi diazomwa beni. Babonsono basansukuswa mu nsi aYudaya ye Samalia, kansi zintumwa zasala.

2. Kansi bantu bavümina Nzambi badianisa Stefano ye badila dizi diadinene mu yandi.

3. Kansi Sauli wakwamisa dibundu ye wakota mu zinzo zaü ye wakokümüna ye habakala ye bakento ye wabatula mu keholo.

4. Kansi basansukuswa ba-

yenda zietingi ye bakambanga mambu mansamü wambote.

5. Filipo waluaka ku vata diaSamalia ye wabakamba mu Kilisto.

6. Kansi bantu badimba nadede mambu mavova Filipo, bubawa ye bubamona bimangu bikavanga.

7. Kadi mpeve zansobo zavayka mu babingi bakalazo, ye zaü zababokisa mu ndinga yayinene, ye babingi batila mianzi ye batembilanga haniaka;

8. ye mwakala kiese kiakingi mu vata dina.

9. Kansi mwantekila muntu mu vata dina, nkümbü andi Simoni, watanga bimpangula ye wayitukuswa bisi Samalia, ye wakisa, vo yandi imuntu waünene,

10. ye babonsono ye bama-kota ye babake bananamana yandi ye bavova: ndieu ubikwanga lulendo lualunene luaNzambi.

11. Kansi yaü bananamana yandi, kadi lumbu biabingi yandi wabayitukuswa mu bimpangula biandi.

12. Kansi bubaleka minu mu Filipo, wabakamba nsamü wambote mu kimfumu kiaNzambi ye mu nkümbü aYesu Kilisto, buna babotukwa babakala ye bakento.

13. Kansi yandi kibeni Si-

moni waleka minu mpe, ye bukakibotukulwa, yandi wanama Filipo, ye bukamona bimangu ye tulendo tuatunene biavangwa, buna yandi wayitukwa.

14. Kansi zintumwa zakala mu Yelusalemi buzawa, vo bisi Samalia batambudi mambu maNzambi, yaü babafidisa Petolo ye Yoane.

15. Yaü bakülümüka ye babadila mvutu, kidi batambula Mpeve yanlongo,

16. kadi Mpeve kayaluaka va muntu nkutu wakala yaüko, kansi babotukwa kaka mu nkümbü aMfumu Yesu.

17. Buna babatula moko, ye yaü batambula Mpeve yanlongo.

18. Kansi Simoni, bukamona vo Mpeve yavewa, zintumwa buzatula moko mu yaü, buna kanata bivanza kwa yaü

19. ye wavova: lumpana mpe lulendo lolo, kidi wonso wonso ungina tula moko, una tambula Mpeve yanlongo.

20. Kansi Petolo wavova kwa yandi: Ngeye ye bivanza biaku bika luakatuka ku lubungulu, kadi Ngeye benzi, vo nkaylu aNzambi lenda bakwa mu bivanza!

21. Ndambu ye künkü kabiena yaku mu mambu momoko, kadi ntima 'ku kausongele mu Nzambiko.

22. Vilula diela diaku mu

yayibi yaku yoyo, ye yuvula Nzambi, kanivo mambi manti-ma 'ku nana yambudulwa.

23. Kadi mbweni, vo Ngeye wena lulukulu diandudi ye mu nsinga milembolo songa.

24. Kansi Simoni wavutula ye wavova: lundidila kwa Mfumu, kidi kina bwana lekwa nku-tu biluvoveleko.

25. Bubamana ta kimbangi nadede ye vova mambu ma-Mfumu, mboki bavutuka ku Yelusalemi, ye bakamba nsamū wambote mu mavata maningi mabisi Samalia.

26. Kansi mpofi yaMfumu yamokisa ye Filipino ye yavova: nangūka wayenda ku zintini za ku banda mu nzila yibakūlū-mūkinanga, bubatukanga mu Yelusalemi ye bayendanga ku Ngaza. Nzila yoyo kayikwendilanga bantuko.

27. Yandi wanangūka wayenda. Ye tala, mwisi Etiopia, imuntu waūnene beni wamfumu, imuntu wankama mu Etiopia, nkūmbū ankama Kandake. Yandi inkebi alundulu luabivanza biankama ye wayenda ku Yelusalemi mu sambila.

28. Bwabū yandi wavutuka ye wavwanda va ntandu amakalu mandi ye watanga Esaya inkambi.

29. Buna Mpeve yavova kwa

Filipo: wenda wanama makalu momo.

30. Buna Filipino wayungūsa vana ye wawa, vo muntu watanga Esaya inkambi; ye Filipino wavova: zaydi kwaku mpe yiweti tange?

31. Yandi wavova: kadi bwesia lenda zaya, vo muntu kana kumbangūdilayoko? Ye yandi wakamba Filipino: samaki wavwanda yami!

32. Kansi mambu mankanda ukatanga imama: "nkievo ime yandi wanatwa mu vondwa, ye bonso budingamananga mwana wameme mu moko mamuntu utebangawo, ibuna yandi kabandula nwa 'ndiko.

33. Bukakiyina, kongūdu-lwa kwandi kwakatuka; nani lenda tanga kanda diandi? Kadi moyo andi ukatulu mu ntoto."

34. Muntu wamfumu wavutula ye wavova kwa Filipino: unkamba dodo, nkambi wavova momo mu nani, vo mu yandi kibeni vo mu muntu wankaka?

35. Buna Filipino wazibula nwa 'ndi ye wabadika mu mambu momo kamba nsamū wambote mu Yesu kwa yandi.

36. Kansi bubayenda mu nzila, yaū baluaka ku nlangu, buna muntu wamfumu wavova: tala nlangu, mu nkiana sia lembana botukwa?



37. Yandi wadingimisa makalu, ye yaũ bole, Filipino ye muntu wamifumu, bakülümuka mu nangu, ye yandi wambotika.

38. Bubatombüka mu nangu, buna Mpeve yaMfumu yakatula Filipino, ye muntu wamifumu kavutukidi mona yandiko, kansi kayenda mu nzila ndi ye kiese.

39. Filipino wamonika mu Asado ye wazieta ye wakanba nsamũ wambote mu mavata mamomono nate ye kaluaka ku Kasalia.

## Kapu 9.

*Sauli warilula diela (1—25), wabuka ku Yelusalemi (26—31). Petolo waniakisa muntu mu Lida (32—35), wafubukisa nkento wafira mu Yope (36—43).*

Kansi nate ye bwabũ Sauli wakadila ntela mu minlongũki miaMfumu mu mayama ye vowa, ye yandi wayenda kwa ngũdi anganga

2. ye walomba nkanda mu nata ku Damasko ku zinzo zatukutukunu, vo kamona muntu wanzila yoyo, kidi kamba kanivo babakala kanivo bakento, ye wabakanga ye wabanata ku Yelusalemi.

3. Kansi bukayenda mu nzila ye wafinangana ye Damasko, buna tentina mu zulu intumbu kunwangula.

4. Yandi wabwa va ntoto

ye wawa ndinga yavova kwa yandi: Sauli, Sauli, mu nkiana weti kunzoma?

5. Kansi yandi wavova; Mfumu, Ngeye unani kwaku? Yandi wavova: mono iYesu, uuzomene kwaku.

6. Kansi telama wayenda koti mu vata, ye muna siwa kambwa yiuna vanga.

7. Babakala bayenda yandi batelama ye badingama, bawa ndinga, kansi kabamona mutuko.

8. Sauli watelama va ntoto, kansi meso mendi bumazibũka, kamona kwandi lekwako; kansi yaũ bansimba ye bantuala ku Damasko.

9. Kansi mu lumbu bitatu kamonako ye kadiako ye kanwako.

10. Mu Damasko mwakala nlongũki, nkũmbũ andi Anania, ye Nzambi wavova kwa yandi mu mona meso; Anania! Kansi yandi wavova: tala, ya kwami vava, Mfumu!

11. Mfumu wavova kwa yandi: telama wayenda ku nzila yibikwanga nzila yasungama, ye tomba Sauli utukidi mu Talaso. Yandi wena mu nzo aYuda, kadi tala, yandi weti sambila!

12. Ye yandi umweningi muntu mu mona meso, nkũmbũ amuntu Anania, vo kayiza tula moko mu yandi, kidi kamona.

13. Kansi Anania wavutula: Mfumu, yawilu kwami kwa bantu babingi mu yandi, vo kwamisa bantu baku banlongo mu Yelusalemi,

14. ye nkanda wena yandi bwabū utukidi kwa bangūdi zanganga mu kanga babonsono basambilanga nkūmbū aku.

15. Kansi Mfumu wavova kwa yandi: nayendi, kadi yandi ikisadi kiyasola mu nata nkūmbū ami kwa bakondolo luzaylu luaNzambi ye kwa zimfumu ye kwa bana baIsaleli;

16. kadi mono ngina kunsonga, bonso bukana sa lungwa kwakwingi mu diambu diankūmbū ami.

17. Kansi Anania wayenda kota mu nzo ye watula moko mu yandi ye wavova: Sauli umpangi ami, Mfumu umfidisi, iYesu wamonika kwa Ngeye mu nzila, yiwayizila, kidi Ngeye una vutuka mona ye fuluzwa kwa Mpeve yanlongo.

18. Lekwa biafwanana ye mabala intumbu sotuka mu meso mandi, ye yandi wavutuka mona ye wanangūka wabotukwa.

19. Ye yandi wadia ye wakiinda. Kansi yandi wasala lumbu biankaka ye minlongūki mu Damasko,

20. ye yandi intumbu kamba mu zinzo zatukutukunu,

vo Yesu imwana aNzambi.

21. Kansi babonsono bawa-bo bayitukwa ye bavova: kadi ndieu kayandi wabūngisa babonsono basambila nkūmbū yoyo mu Yelusalemi koe? Ye yandi wayiza mwamū mpe, kidi kabanata bakangama kwa bangūdi zanganga.

22. Kansi Sauli wasiama ye wasiama ye wafiezula bayudayo bakala mu Damasko, ye wabasonga, vo Yesu iKilisto.

23 Kansi lumbu biabingi bubiavioka, buna bayudayo hawawasana mu kumvonda.

24. Kansi lukanunu luaū luzayakana kwa Sauli. Kansi bayingila lumbu luavata mpe ye mielo ye mu fukū ye mwini, kidi bamvonda.

25. Kansi mu fukū minlongūki miambonga ye miamvaykisila va baka ye miankūlūmūna mu mpidi.

26. Bukaluaka ku Yelusalemi, yandi watonta finangana ye minlongūki, kansi babonsono bantina ye kabanlekila minuko vo yandi inlongūki.

27. Kansi Banaba wamonga ye wanata kwa zintumwa ye wabakamba, bonso bukanweni Mfumu mu nzila, ye vo kambudisa mbenibo, ye bonso bukavova ye kibakala mu nkūmbū aYesu mu Damasko.

28. Yandi wavayka yaū ye

vakota yaü mu Yelusalemi ye wavova ye kibakala mu nkümbü Mfumu.

29. Yandi wamokina ye wandinisa mpaka kwa bayudayo kutuka mu Elene, kansi yaü batonta kumvonda.

30. Kansi zimpangi buzaza-yabo, zaü zamfila ku Kasalia ye zamfila ku Talaso.

31. Nkiangunu dibundu diaminimba diaYudaya ye Ngalilea ye Samalia diakala yenge, ye batungwa ye badiata mu wonga waMfumu ye banianzakana mu lusadusu luaMpeve yanlongo.

32. Kansi kwabwanwa, vo Petolo bukazieta, buna kaluaka mpe kwa banlongo bakala mu Lida.

33. Kansi kuna kamona mututu, nkümbü amuntu Enia, wambalala va ntanda myunani, kadi watila biela.

34. Petolo wavova kwa yandi: Enia! Yesu Kilisto uniakisi! Telama wakivangila ntanda 'ku! Ye yandi intumbu telama.

35. Ye babonsoho bakala mu Lida ye Saloni bamona yandi ye babangümüka kwa Mfumu.

36. Kansi ku Yope kwakala nlongüki wankento, nkümbü awü Tabita, mbangudulu ankümbü Mbambi. Yandi wamana kala nkwa ankete ye kiwuntu kikavanga.

37. Kansi bubaleka ye basi-

kama, yela kwambwila ye wafwa. Yaü bansuküla ye bantu-la mu nzo vana ntandu.

38. Kansi Lida diakala luküfi ye Yope, ye minlongüki miawa, vo Petolo wena muna, nkiangunu miafidisa bantu bole kwa yandi mu vova: kusani fuki kiazizila kwa yetoko.

39. Kansi Petolo watelama wayenda yaü. Bukaluaka, yaü bantuala ku nzo vana ntandu, ye mafwola mamonsoho matelama yandi va lueka, ye madila ye mansonga binkuti ye mazwele mamonsoho biavanga Mbambi, bukakala yaü.

40. Petolo waküba babonsoho ye wafukama ye wasambila ye wabangümüka kwa nitu ye wavova: Tabita, telama! Kansi yandi nkento wazibula meso ye wadongama, bukamona Petolo.

41. Kansi yandi watambika nkento koko ye wantedimisa. Mboki katela mbila kwa bamfonga ye kwa mafwola ye watula nkento wavümuna vana.

42. Buna büma bwazayakana mu Yope diaminimba, ye babingi baleka minu mu Mfumu.

43. Yandi wasala lumbu biabingi ye Simoni, ikisadi kiaminkanda miabibulu.

## Kapu 10.

*Sulumbi kia Kolonelio (1—8), sulumbi kia Petolo (9—20). Petolo wanyenda ku Kasalia (21—24), Kolonelio wamtambula (25—33), Petolo wasamitua Yezu (34—43), la Kolonelio baleka mima ye babatukwa (44—48).*

Mu Kasalia mwakala muntu, nkumbū andi Kolonelio, inkūluntu abinwani biakala mu kabū diabi-italia,

2. imuntu wamfonga wavūmina Nzambi ye nzo andi yamvimba, ye wavanga bunkete bwabwingi kwa bantu ye wasambilanga Nzambi ntangu zazonsono.

3. Yandi watoma mona mu mona meso mu lokūla kiavwa, vo mpofi ya Nzambi yakotele kwa yandi ye yavovele kwa yandi: Kolonelio!

4. Kansi yandi wansungamana ye wakala wonga ye wavova: nkiana, Mfumu? Kansi mpofi yavova kwa yandi: tusa mbulu tuaku ye bunkete bwaku biamana balūka kwa Nzambi mu bambuka moyo,

5. nkiangunu fidisa bantu ku Yope ye landisa mbadio Simona, ubikwanga Petolo.

6. Yandi weti būmina kwa Simoni, ikisadi kiaminkanda mia-bibulu. Nzo andi yena va mbela ambu.

7. Kansi mpofi yamoka ye yandi, buyakatuka, buna Kolonelio watela mbila kwa sielo

biandi biole ye kwa kinwani kimosi kiavūmina Nzambi kiakala ye hansadila,

8. ye bukamana kubakamba yayonso, yandi wabafidisa ku Yope.

9. Kansi lumbu kiansuka bubadiata mu nzila ye bafinangana ye vata, buna Petolo wabalūka va ntandu anludi anzo mu sambila mu lokūla kiansambanu.

10. Yandi wakala nsatu ye wazola dia, kansi bubatotilako, yandi wakala kenda ngayi

11. ye wamona zulu diazi-būka ye lubaki luakūlūmūnwa va ntoto nkievo nlele wampe-mbe waūnene wakangwa mu zinsoso zia,

12. mu luaū mwakala bibulu biabionsono biena malu maya maya ye bibulu bizanzalanga ye zinuni zazulu.

13. Ndinga yakala kwa yandi: Petolo, telama wavonda ye dia.

14. Kansi Petolo wavova: aa. Mfumu; kadi kasi kiadidi kwami lekwa kiasumūnwa ye kiansoboko.

15. Ye ndinga yavutuka myutuka yanzole kwa yandi: bionso biavedisa Nzambi, kunabio sako vo biasumūnwa.

16. Kansi būma buna bwa-vangwa mpangwa zitatu, mboki

lubaki ntumbu balulwa ku zulu.

17. Kansi Petolo bukakala mangidi mangidi mu nima mu lekwa bikamona, kani bonso bubienina, tala, buna bantu bafiduswa kwa Kolonelio, batelama mu mwelo, bubakiyuvudidi nzila yikwendanga ku nzo aSimoni.

18. Yaü baboka ye bayuvula: Simona, ubikwanga Petolo, wena kwandi momoe?

19. Kansi Petolo bukatoma yindula sulumbi, buna Mpeve yavova kwa yandi: tala, bantu beti kutomba!

20. Telama wayenda külümüki ye wenda yaü; kukalani mangidi mangidiko, kadi mono yabafidisingi.

21. Buna Petolo wakülümüka kwa bantu ye wavova: tala, ndiena ulutombe imono kwani; bila kiluizidi ikie?

22. Yaü bavova: Kolonelio, inkuluntu abinwani ye muntu wamfonga uvuminanga Nzambi ye ununguswa kwa bantu babonsono bayudayo, iyandi wakambwa kwa mpofi yanlongo, vo katumisa Ngeye mu kwenda ku nzo andi, kidi kawa mambu kwa Ngeye.

23. Buna yandi wabakotisa ye wabadikila. Kansi lumbu kiansuka yandi watelama ye wayenda yaü, ye zimpangi za-

nkaka zatuka mu Yope zayenda yandi.

24. Kansi lumbu kiansuka yaü baluaka ku Kasalia, kansi Kolonelio wabavingila ye wakitumisha bibutu biandi ye bakundi bandi bakala kimfini.

25. Kansi Petolo bukakala mu kota, buna Kolonelio wayenda kunkiki ye wafukama mu malu mandi ye wasambila.

26. Kansi Petolo wantedimisa ye wavova: telama, kadi mono mpe imuntu kwami.

27. Bubabula nkungu, yandi wakota ye wamona bantu balingi bakikutakanana.

28. Ye Petolo wavova kwa yaü: yeno luzayidi, vo bantu bayudayo bakanukunwa kundanaye nzenza ye kota mu nzo andi, kansi Nzambi wansongele, vo kina bika muntu wasumünwako ye wamboko.

29. Nkiangumu mono ngizidi ye kitingüniko, buyatumusu. Idi-aü iyuvula: nki abila luntumisini?

30. Ye Kolonelio wavova: mboki lumbu bia biaviokele ntangu yayi kasi buyasambididi mu nzo ani nate ye lokula kiavwa, ye tala, muntu watelama yami mu mwatu walezima

31. ye wavova: Kolonelio, lusambulu luaku luawakana ye kiwuntu kiaku kiazayakana kwa Nzambi.

32. Nkiangunu fidisa ku Yope ye tumisa Simona, ubikwanga Petolo, yandi wena mu nzo aSimoni, ikisadi kiaminkanda miabibilu, nzo yena va mbela ambu.

33. Mono intumbu kusilantumwa ye Ngeye vengi bwambote buwizidi. Nkiangunu yeto babo tuena vava mu Nzambi muwa mambu mamonso mawakembo kwa Mfumu.

34. Buna Petolo wabandula nwa 'ndi ye wavova: mu kedika mpisidi kwami, vo Nzambi kaswaswasa muntuko,

35. kansi mu bantu babonso no wonso ukumvüminanga ye uvanganga mfonga, iyandi uzolwanga kwa Nzambi.

36. Yeno luzaydi mambu makafidisa kwa bana baIsaleli mu samüna nsamü wambote wayenge mu Yesu Kilisto, ndieyo iMfumu abantu babonso.

37. Yeno luzaydi mambu momo matengüka mu Yudaya yanvimba ye mabadika mu Ngalilea mu mbotokolo yasamüna Yoane

38. mu Yesu watuka mu Nazareti, bonso bwanküsa Nzambi mu Mpeve yanlongo ye mu zingolo. Iyandi wazietangaye wawanganga yambote ye waniakisinga babonso balunguswa kwa Satana, kadi Nzambi yakala yandi.

39. Yeto tuzimbangi mu yayonso yikavanga ye mu ni yabayudayo ye mu Yelusalemi. Yaü bamanika yandi va nti yebamvonda.

40. Nzambi wamfulukisa mu lumbu kiantatu ye wamonikisa yandi,

41. kansi kakwa babonso: ko kansi kwa zimpangi zakisodulwa kwa Nzambi, kwa yeto tuadia ye tuanwa yandi, buka kifulukila mu bafwa.

42. Ye yandi watukamba tuasamüna kwa bantu babonso no ye tuata kimbangi, vo yandi inkongüdidi wavangulwa kwa Nzambi ye kwa bena moyo ye kwa bafwa.

43. Miankambi miamionsono mitanga kimbangi mu yandi, vo wonso wonso ukunlekila minu, una tambula ngiambudulu amasümü mu nkümbü, andi.

44. Kansi Petolo bukavova mambu momo, buna Mpeve yanlongo yayambama va babonso, bawa mambu mandi;

45. ye babonso bakwikama bakala ye nzabudulu iyaü bayiza ye Petolo, bayitukwa bubamona, vo bantu bakondwa luzaylu lua Nzambi bavewa nkaylu aMpeve yanlongo mpe,

46. kansi yaü bawa vo bavova mu tudini ye basika Nzambi. Buna Petolo wavutula:

47. kadi muntu una lenda

kubayimina nlangu mu botukwe, bubakitambudidi Mpeve yanlongo bonso beto mpe?

48. Kansi yandi wabakamba vo bana botukwa mu nkumbü aYesu Kilisto. Mboki banyuvula kasala yaü mu lumbu bikwa.

### Kapu 11.

*Petolo wakitabila kwa bayudayo mu Yelusalemi (1—18), mu Antiokia muratungwa dibundu (19—24), Sauli wayenda kuna (25—26). Angabu nkambi, wasamiina vo malema mana beiza (27—30).*

Kansi zintumwa ye zimpangi zakala mu Yudaya zawa, vo bakondolo luzaylu luaNzambi bameni tambula mambu maNzambi mpe.

2. Kansi Petolo bukabaluka ku Yelusalemi, bazabulwa bambindisa mpaka

3. ye yavova: Ngeye wako-tele kwa babakala bena masutu ye wadidi yaü.

4. Buna Petolo wabadika kamba mambu, bonso bumatuka, ye wavova:

5. mono yakala mu vata dia-Yope ye yasambila. Buna mu kenda ngayi yamona sulumbi, lubaki luakülümünwa nkievo nlele waünene wampembe wakangwa mu zinsoso zia. Luaü lualuaka vayakala.

6. Mono yatalalo ye yatonwallo ye yamona bibulu biansi bie-

na malu maya maya ye bibulu biatiti ye bizanzalanga ye zinuni zazulu.

7. Kansi mono yawa ndinga mpe yavova kwa mono: Petolo, telama wavonda ye dia!

8. Kansi mono yavova: aa, Mfumu, kadi lekwa kiasumünwa ye kiansobo kakiakotele mu nwa 'miko.

9. Kansi ndinga yatuka mu zulu yavutula kwa mono mvutula yanzole: biavedisa Nzambi, kunabio sako, vo biasumünwa.

10. Bobo bwavangwa mpangwa zitatu, mboki biabina biabionsono biabalulwa diaka mu zulu.

11. Ye tala, ntangu yoyo bantu batatu batelama ku mbazi anzo kuyakala, bafidukuswa kwa mono ye batuka ku Kasalia.

12. Mpeve yavova kwa mono: wenda yaü, kukalani mangidi mangidiko! Kansi zimpangi zazi zisambanu zayenda yami mpe, ye yeto tuakota mu nzo amuntu.

13. Kansi yandi watukamba, bonso bukamweni mpofi yatelama mu nzo andi ye yavova kwa yandi: fidikisa ku Yope ye tumisa Simona, ubikwanga Petolo,

14. yandi una vova mambu kwa Ngeye, ye mu maü una lalulwa, Ngeye ye nzo aku yamvimba.

15. Buyabadika vova, buna

Mpeve yaMfumu yayambama va yaü, bonso buyayambama va yeto mu mbadukulu.

16. Mono yabambuka moyo mu mambu maMfumu, bonso bukavova: Yoane wabotika mu nlangu, kansi yeno luna botu-kwa mu Mpeve yanlongo.

17. Nkianguu Nzambi vo wabavana nkaylu mosi ye yeto, tueleka minu mu Yesu Kilisto, buna mono inani vo sia lenda kanikina Nzambi.

18. Kansi bubawa wowo, badingama kwaü ye bazitisa Nzambi ye bavova: kiongono Nzambi waveni luvilulu luamadie-la mu moyo kwa bakondolo luzaylu luaNzambi mpe.

19. Kansi bantu basansukuswa kwa luzomono luatuka mu diambu diaStefano, bazieta nate ye kuna Finikia ye Cipelo ye Antiokia ye bakamba mambu kwa bayudayo ye bayudayo.

20. Kansi bankaka batuka mu Cipelo ye Cilene bakala yaü. Yaü bamoka ye bisi Elene ye bakaamba nsamü wambote mu Mfumu Yesu.

21. Ye koko kwaMfumu kwakala yaü, ye kabü diabantu dialeka minu ye diabangümüka kwa Mfumu.

22. Büma buna bwawakana mu matu madibundu diakala mu Yelusalemi, ye yaü bafidisa Banaba ku Antiokia.

23. Ye bukaluaka yandi watala nlemvo waNzambi ye wanyagalala ye waleba babonsono mu tatamana mu mintima miangolo mu Mfumu.

24. Kadi yandi imuntu wabiza ye wazala kwa Mpeve yanlongo ye kwa minu, ye bantu babingi bavutuka kudukulwa kwa Mfumu.

25. Banaba wayenda ku Talaso mu tomba Sauli, ye bukakimwena yandi, yandi wantuala ku Antiokia.

26. Yaü bakalasana va kimo-si mvu wamvimba ye balonga bantu babingi. Ku Antiokia minlongüki miateka bikwa bankwa aKilisto.

27. Kansi mu lumbu bina minkambi matuka mu Yelusalemi ye miakülümüka ku Antiokia,

28. ye umosi wakala yaü. nkümbü andi Angabu, wakamba mu Mpeve, vo malema mamane mana kwiza mu nsi yamvimba, ye Kulaudi bukayala, buna malema momo mayiza.

29. Kansi minlongüki miawawasana, vo wonso wena mibongo ye lenda fidisa ndambu, bika kafidisa lekwa mu sadisa zimpangi zena mu Yudaya,

30. ye bavangabo ye bafidisa-zo ye Banaba ye Sauli kwa zingüdi zabantu.



## Kapu 12.

*Yakobi wazakwa ntu* (1—2), *Petolo wakangwa ye wavuluswa* (3—19), *Elodesi wafira* (20—23), *mambu ma-Nzambi manicka* (24—25).

**Kansi bina lumbu Elodesi** wasa moko mu bankaka bakala mu dibundu mu kubakwa-misa.

2. Yandi wavonda Yakobi, mpangi aYoane, mu sabala.

3. **Kansi** bukamona, vo bayudayo bazolabo, yandi wabakisa Petolo mpe; kansi lumbu bialembwa dilwa mampa mafuna biabadika.

4. **Bukambakisa**, yandi wantudisa mu kebolo ye wakaba bibūka bia, būka kimosi binwani bia, būka kimosi binwani bia, vo biaū bina kunkenga, ye yandi wakana kuntuala kwa bantū, mpiokolo buyamana vioka.

5. **Nkiangu** Petolo wakebwa mu kebolo, kansi badibundu batatamana kundidila kwa Nzambi.

6. **Kansi Elodesi** bukakana kuntuala, buna mu fukū dina diatekila, Petolo waleka vana kati ye binwani biole ye wakangwa mu tuvambu tole, ye minkenge miakenga kebolo ku mbaizi amielo.

7. **Tala**, mpofi aMfumu yatelama vana, ye kia kwawangula mu nzo ye yandi wanikūna lubanzi luaPetolo ye wansiki-

misa, ye wavova: telama nswalu, ye tuvambu tuasotuka mu moko mandi.

8. **Mpofi** yavova kwa yandi: kanga mponda ye bibada biaku. **Kansi** yandi wavangabo. **Mpofi** yavova kwa yandi: vwata mvunga 'ku wandama!

9. **Yandi** wavayka wanama, kansi kazayako vo kedika wandi, bonso bukavangwa kwa mpofi, kansi wabanza, vo kamona sulumbi.

10. **Yaū** bavayka mu būka kiavita ye kianzole, mboki baluaka ku mwelo wasengwa, kuvaykulwanga ku vata, ye wau kibeni mwelo wazibūka kwa yaū, ye bavayka ye bayenda mu nzila, buna mpofi intumbu lala.

11. **Petolo** bukavonga mboki kavova: bwabū nzaydi mu kedika, vo Mfumu yifidisi mpofi andi ye yimpulusi mu moko ma-Elodesi ye mu lekwa yayonsono yavingidi bantu bayudayo.

12. **Bukamana** dedisa mabanza mandi, yandi wayenda ku nzo aMalia, imbuta aYoane, wabikwanga Malakosi mpe, kwakutakana bantu babingi basambila.

13. **Kansi** bukakūnkūta va mwelo, buna sielo kiankento kiayenda dimba, nkūmbū asielo Lode.

14. **Bukawa**, vo indinga aPetolo, kiaū kakiazibūla mweloko

mu diambu diakiese, kansi kiakota nswalu ye kiakamba, vo Petolo telamene ku mbazi amwelo.

15. Kansi yaü bavova kwa yandi: Ngeye weti laüka, kansi kiaü kiatatamana nsamü vo ibobo kaka. Buna yaü bavova: impofi andi yoyo.

16. Kansi Petolo wakwaminakunküta, ye bubazibüla, yaü bamona yandi ye bayitüka.

17. Kansi yandi walabikisa kwa yaü mu koko, vo badingama ye wabakamba, bonso bwamvaykisa Mfumu mu kebole ye wavova: lukambawo kwa Yakobi ye zimpangi, ye yandi wavayka, ye wayenda ku vuma kiankaka.

18. Kansi kia bukwatendüka, buna wonga wabwila binwani mu Petolo konso kukayenda.

19. Kansi Elodesi wantomba ye bukalembwa kumona, yandi wafiongünina minkengi ye wakamba, vo miaü mina katulwa mintu, ye yandi wasisa Yeluselemi ye wakülümüka ku Kasalia ye wasala kuna.

20. Kansi yandi wakala kitantu kiabisi Tilo ye bisi Sidoni. Kansi yaü bayenda kwa yandi vakimosi, ye bubamana kwika Balasto, nküluntu angüdi anzo amfumu, yaü balomba yenge, kadi yaü basumbanga dia kwaü mu zinsi zamfumu.

21. Elodesi wavanga lumbu ye wavwata nlele uvwatanga

zimfumu ye wavwanda va kiandu kiandi ye wabula mbembo kwa yaü.

22. Kansi buna bantu baboka: indinga aNzambi kwandi yoyo, kandinga anuntuko.

23. Kansi mpofi aNzambi ntumbu kumbanda, kadi kalembwa vana nzitusu kwa Nzambi, ye yandi wadiwa kwa zintunga ye watabüka vümünü.

24. Kansi mambu maNzambi munieka ye masansakana.

25. Banaba ye Sauli basisa Yelusalemi ye bavutuka, bubamana vana mbongo ye bavitika Yoane, ubikwanga Malakosi.

### Kapu 13.

*Pauli ye Banaba bafiduswa mu kamba nsamü wambote ye baluaka ku Cipelo (1—12), bayenda ku Pamfilia (13—41), balonga mu Antiokia (42—48), Pauli wayenda ku Ikonja (49—52).*

Kansi mu Antiokia mu dibundu diakala muna mwakala minkambi ye minlongi, Banaba ye Simona, wabikwanga Ningeli, ye Lucio, watuka mu Cilene, ye Manane, wakudila vamosi ye Elodesi, inküluntu andambu ansi, ye Sauli.

2. Kansi bubasadila Nzambi ye bamina nsoki, buna Mpeve yanlongo yavova: umpangüdila Banaba ye Sauli mu salu, kiya-babokila.

3. Buna yaü bamina nsoki ye babasa moko ye babayendisä.

4. Yaü batumiwa kwa Mpeve yanlongo mu külümüka ku Seleukia, ye kuna bakatuka mu kwenda ku Cipelo.

5. Ye bubaluaka ku Salami, yaü bakamba mambu maNzambi mu zinzo zatukutukunu zabayudayo. Kansi Yoane mpe wakala yaü ye wabasadila.

6. Bubamana zieta mu sanga kiamvimba nate ye Pafo, buna bamona mbadio nkwa abimpangula, inkambi wamakutu, inyudayo, nkümbü andi Baliesu,

7. wakala ye nyadi ansi, iSeligio Pauli, imuntu wanduka. Yandi watumisa Banaba ye Sauli ye wayuvula mu wa mambu maNzambi.

8. Kansi Elimasi, inkwa abimpangula, kadi bobo bwabangu-dulwa nkümbü andi, wabakakila ye watonta vengümüna nyadi ansi mu minu.

9. Kansi Sauli, wabikwanga Pauli mpe, wazala kwa Mpeve yanlongo ye wansungamana

10. ye wavova: engwa Ngeye, uzedi kwa kinkita kiakionsono ye bungübi, umwana aSatana, ntantu azimfonga zazonsono, Ngeye kuna lembwa vidingisa zinzila zaMfumu zisongeleloe?

11. Kansi bwabü tala, koko

kwaMfumu kwena mu Ngeye, ye una fwa meso ye kuna mona ntangu mu lumbu bikwako. Mbüangi ye tombe intumbu kumbila, ye yandi wafümfüla ye watomba una kunsonga nzila.

12. Nyadi ansi bukamona lekwa yavangwa, buna yandi waleka minu ye wayitükwä mu ndongolo zaMfumu.

13. Kansi Pauli ye bayandi bakatuka ku Pafo mu bota ye bayenda ku Pelenge mu Pamfilia, kansi Yoane wavanibana yaü ye wavutuka ku Yelusalemi.

14. Kansi yaü kibeni basisa Pelenge ye bayenda ku Antiochia mu Pisidia ye bakota mu nzo yalukutukunu mu lumbu kialumingü ye bazakala.

15. Kansi bubatanga mina ye minkambi, buna baküluntu banzo yalukutukunu bafidisa nsamü kwa yaü mu vova: lubabakala ye zimpangi, vo mambu mandubudulu mena yeno kwa bantu, lukambetimo.

16. Buna Pauli watelama ye walabikisa mu koko ye wavova: lubabakala baIsaleli ye beno luvüminanga Nzambi, ludimba!

17. Nzambi abantu baba baIsaleli wawangüla mase meto ye wabaluka bantu, bubakala zinzenza mu nsi aNgipiti, ye wabavaykisa mu koko kwanda.

18. Yandi wavibiüla bifu

biaü mu ntangu yalunga kani-  
vo makümayä mamvu mu nsi  
yankatu.

19. Ye bukamana bungisa  
makanda nsambodia mabantu  
mu nsi aKanana, buna waba-  
kabila nsi aü yina mu vwa,  
kanivo nkama zia zamimvu ye  
makümatanu.

20. Mboki wabavana minko-  
ngüldinate ye Samueli, inkambi.

21. Mboki yaü balomba  
mfumu, ye Nzambi wabavana  
Sauli, imwana aKisi, muntu mu  
kanda diaBeniami, mu makü-  
mayä mamvu.

22. Kansi bukamana kunka-  
tula, yandi wafulukisa Davidi  
mu kala mfumu aü, ye wante-  
la kimbangi ye wavova: "mono  
abweni Davidi, imwana aYese,  
imuntu bonso buzolele ntima  
'ni, yandi sika vanga luzolo  
luami lualonso." "

23. Mu kanda diandi Nza-  
mbi watukisa Yesu, inaludi  
aIsaleli, bonso bukasila.

24. Yoane bukakikambila lu-  
botokolo luampilulu amadiela  
kwa bantu babonso baIsaleli,  
mboki yandi wayiza.

25. Yoane bukamana salu  
kiandi, buna kavova: yina yilu-  
banzanga mu mono, kienayoko;  
kansi tala, ku nima 'ni kuna  
kwiza ndiena undembolo kwa-  
mi fwanana mu katula nsampatu  
zandi mu malu mandi.

26. Lubabakala ye zimpangi,  
lubana habibutu biaAbalami.  
ye buna luena bonso bavümi-  
nanga Nzambi, yeno luafidusu-  
lwa mambu mandalulu voyo.

27. Kadi bena mu Yelusa-  
lemi ye baküluntu baü huba-  
lembwa kunzaya, iküma haye-  
ndisa mambu makamba minka-  
mbi detila mu lokongodolo luaü.  
imambu momo matangwanga  
lumingü kalumingü.

28. Kansi bubalebana mo-  
na lekwa kiafwanana mu ku-  
mvonda, yaü bayuvula Pilato,  
kidi kamvondisa.

29. Kansi bubamana kwe-  
ndisa yayonso yasonukwa mu  
yandi detila, yaü bankola mu  
nti ye bantula mu ndiamü.

30. Kansi Nzambi wamfulu-  
kisa mu bafwa.

31. Ye yandi wamonika lu-  
mbu biabingi kwa bantu baba-  
luka yandi ku Yelusalemi, bu-  
katuka mu Ngalilea, ibaba be-  
na zimbangi zandi kwa bantu  
bwabü.

32. Yeto tukulukamba nsa-  
mü wambote wasilwa mase me-  
to, vo Nzambi wayendisawo  
detila kwa bana beto, bukafu-  
lukisa Yesu,

33. bonso bwasonukwa mu  
nkunga wantete: "Ngeye imwa-  
na 'ni; bwabü ibutidi."

34. Mu kumfulukisa mu ba-  
fwa, kidi kana vutuka mona

lubololoko, yandi wavova ebü: "mono ngina kuluvana yamfonga yasilwa Davidi, yina yakedika."

35. Iküma kavovele mpe mwankaka: "kuna yambula nkwa wamfonga ku kamona lubololoko."

36. Kadi Davidi bukamana tumamana luzolo luaNzambi kwambandu zandi, yandi wafwa ye wadliamüswa ye mase mandi ye wamona lubololo.

37. Kansi ndiena wafulukuswa kwa Nzambi kamona lubololoko.

38. Nkiangunu luzaya kweeno, lubabakala ye zimpangi, vo mu yandi lukambulwanga ngiambudulu amasümü.

39. Wonso ulekanga minu una fonguswa mu ndiena mu yilekwa yayonso, yilualembana fongusulwa mu mina mia-Mose.

40. Nkiangunu lutina, kaluidi bwanwa yina yakamba mikambi:

41. "Yeno lumitungüdidi, lutala ye luyitüka ye lulala, kadi ngieti sala salu mu lumbu bieno, salu kiluna lembwa lekila minu, vo muntu unakio kulukamba."

42. Kansi bubavayka, yaü babayuvula, vo mambu momo mana kambwa mu lumingü lunda mpe.

43. Kansi lukutukunu bu-luatengüka, buna bayudayo babingi ye baposilita bavüminanga Nzambi banama Pauli ye Banaba, ye yaü babamokisa ye babakwikila mu sikila mu nlemvo waNzambi.

44. Mu lumingü lualanda mwakutakana babingi, fuma fiasala nga vata diamvimba bakutakana mu wa mambu maNzambi.

45. Kansi bayudayo bubamona makabü mabantu, yaü bazala kwa vema vema ye babangisa mambu mavova Pauli, ye babangisa ye bavweza.

46. Buna Pauli ye Banaba bakala kibakala ye bavova: yeno silua sa teka kambwa mambu maNzambi, kansi bulunio-kunamo ye kakulukifwanisina-moko mu moyo usalanga kwele mvu kuvutukidi mvu, tala, buna tubangümüka kweto kwa bakondolo luzaylu luaNzambi.

47. Kadi Mfunu watukamba ebü: "mono yatula Ngeye mu kala kia kwa bakondolo luzaylu luaNzambi mu kala ndalulu nate ye usukulu ansi".

48. Bakondolo luzaylu luaNzambi, bubawa mambu momo, yaü bayangalala ye bazitisa mambu maNzambi; ye babo bamana vangulwa mu moyo usalanga kwele mvu kuvutukidi mvu baleka minu.

49. Kansi mambu maNzambi matengüka mu nsi yamvimba.

50. Kansi bayudayo bakwikila bakento bavümina Nzambi ye badanuswa ye madingizi mavata ye batukisa luzomono mu Pauli ye Banaba, ye babaküba mu zinsaku zansi aü.

51. Kansi yaü bakübüla zimfümfüta zantoto mu malu maü ye bayiza ku Ikonía.

52. Minlongüki miazala kwa kiesa ye kwa Mpeve yalongo.

### Kapu 14

*Pauli ye Banaba balonga mu Ikonía (1—7), bantikisa muntu watala mianzi mu Listila (8—18), bazieta mu Delebe ye Ikonía ye Pisi-dia ye Antiokia mu Silia (19—28).*

Kansi mwakala mu Ikonía, vo yaü bayenda kotila vakimosi mu nzo yalukutukunu yabayudayo ye balonga, ye kabü diadine-ne diabayudayo ye diabisi Ele-ne baleka minu.

2. Kansi bayudayo balem-bwa leka minu basindisila bakondwa luzaylu luaNambi, ye babafutisa mintima mu zimpangi.

3. Yaü bakala kuna lumbu biabingi ye bavova ye kibakala mu Mfumu, ye yandi wata kim-bangi mu mambu mandi manlemvo ye wavana bimangu ye lekwa bianzenza, bikabavangisila mu moko maü.

4. Kansi bisi vata bavambana, ndambu yakala ye bayudayo, kansi ndambu yakala ye zintumwa.

5. Kansi bakondwa luzaylu luaNzambi ye bayudayo ye baküluntu baü babwisa nkinü mu kwamisa zintumwa ye vondazo mu matadi.

6. Buna zintumwa buzazayabo, zataba kuna mavata maLikonia, Listila ye Delebe, ye mu nsi yakimfini.

7. Muna bakala ye basamü-na nsamü wambote.

8. Ye mu Listila mwazakala muntu wakala malu mafwa, kasi kabutulwa ye kieta ye ka-diatako.

9. Ndiéna wawa Pauli, ye Pauli wansunganana ye wamona, vo minu kianiakusunwa kiakala yandi,

10. buna kavova mu ndinga yayinene: nangüka mu malu maku nadede! Yandi wanangüka ye wadiata.

11. Makabü mabantu buma-mona lekwa kiavanga Pauli, buna basasula ndinga zaü mu kilikaonia ye bavova: zinzambi zikülümükini kwa yeto mu lunitu luabantu.

12. Yaü babika Banaba Yupa, kansi Pauli bambika Melkuli, kadi yandi watanga mambu.

13. Nganga yaYupita, yakala ku mbazi avata, yatuala zingombe ye mabese mazimvūma ku mielo, ye yandi ye bantu bazolabio yoka vana ntandu adisalu.

14. Kansi Banaba ye Pauli, izintumwa, bubawawo buna batiasuna minlele miaū ye bavayka nswalu kwa bantu ye baboka

15. ye bavova: lubabakala, mu nkiana lueti vanga bobo? Yeto mipe ibantu bonso yeno ye lunitu lumosi, ye tukulusamūnina nsamū wambote, vo luna katuka mu yilekwa yoyo yankatu, ye luna bangumūka kwa Nzambi yamoyo, yavanga zulu ye ntoto ye mbu ye yilekwa yayonso yena mu biaū.

16. Mu zimbandu zamana fūkayandi wayambula bakondololuzaylu luaNzambi badiatanga mu zaū zinzila,

17. kansi kalembwa ta kimbangi mu yandi kibeniko, bukavanganga bwambote ye kano-kisanga mvula mu zulu ye waluwananga ziisungi zambongo zazingi ye wayukutisanga mintima mieno mu dia ye mu kiese.

18. Ye bubavova mambu momo, basuta vongisa makabū mabantu, mpasi kabayoka nkaylu va disaluko.

19. Kansi bayudayo batuka

mu Antiokia ye Ikonia ye bawkwikila bantu, ye batuba Pauli matadi ye bankoka ku mbazi avata, kadi babanza, vo fwidli.

20. Kansi minlongūki bumiamana kunzungidila, yandi wanangūka ye wakota mu vata. Lumbu kiansuka yandi ye Banaba bavayka ye bayenda ku Delebe.

21. Ye bubamana kamba nsamū wambote mu vata dina, ye bamana vanga minlongūki miamingi, buna bavutuka ku Listila ye ku Ikonia ye ku Antiokia,

22. ye basiamisa miela miaminlongūki ye balebamio miasikila mu minu ye bavova, vo mu ncita zazingi situakota mu kimfumu kiaNzambi.

23. Bubamana sola zingūdi zabantu mu mabundu mamonsono, buna bubasambila ye bamina nsoki, yaū babavana kwa Nzambi, yibalekila minu.

24. Yaū bayendila nzila yaPisidia, imboki baluaka ku Pamfilia,

25. ye bubamana kamba nsamū mu Pelenge, imboki bakulumūka ku Atalia.

26. Kuna bakatuka ye bayenda mu nzaza ku Antiokia, kubavangūdulwa mu nlemvo waNzambi mu diambu diasalu, kibamana sala.

27. Kansi bubaluaka ye bakutikisa dibundu, mboki bakamba bonso bwabavangila Nzambi, ye bonso bukazibūdila mwelo waminu kwa bakondwa luzaylu luaNzambi.

28. Ye yaū basala kuna ye minlongūki lumbu biabingi.

### Kapu 15.

*Pauli ye Banaba bayenda ku Yelusalemi (1—5). Zintumwa zazinga mpaka zakala mu nzabudulu (6—21), zafidisa nkanda wahurawanu luaū ku Antiokia (22—33). Pauli ye Banaba bavambana (34—40).*

Kansi bankaka, batuka mu Yudaya, balonga zimpangi: vo lulembolo zabūlwa, bonso bwe-na mina miaMose, yeno kalulendi lalulwako.

2. Kansi diswaswana ye mpaka zazinene buzakala ye yaū ye Pauli ye Banaba, buna yaū bawawasana, vo bantu baū bankaka ye Pauli ye Banaba bana balūka ku Yelusalemi kwa zintumwa ye zingūdi zabantu mu diambu diampakazozo.

3. Buna yaū basindukwa mu nzila kwa dibundu ye bavioka mu Finisia ye mu Samalia, ye batoma kamba, vo bakondwa luzaylu luaNzambi bavitula madiela, ye bayangidika zimpangi zazonsono.

4. Bubaluaka ku Yelusalani, yaū batambulwa kwa dibundu ye zintumwa ye zingūdi zabantu,

ye bakamba bonso bwabavangila Nzambi.

5. Kansi bankaka batuka mu kabū diabafalisea bakilekila minu, batelama ye bavova: yaū bana zabūlwa ye kambwa, vo bana keba mina miaMose.

6. Zintumwa ye zingūdi zabantu bakutakana mu yindula mambu momo.

7. Mpaka buzakala ngolo, buna Petolo watelama ye wavova kwa yaū: lubabakala ye zimpangi, yeno luzaydi, vo Nzambi ntama beni wasola mono mu yeno mu diambu diawisa mambu mansamū wambote mu nwa 'mi kwa bakondolo luzaylu luaNzambi, kidi baleka minu.

8. Nzambi uzayanga mintima, wabatela kimbangi, bubavana Mpeve yanlongo, bonso bukatuvaninayo,

9. ye yandi katuswaswasa beto yaūko, hukamana vedisa mintima miaū mu minu.

10. Nkiangunu mu nkiana lueti tonta Nzambi, bulueti tula zitu va zinsingu zaminlongūki, kitualembane beto ye mase meto?

11. Kansi yeto tulekele minu, vo tualalulwa mu nlemvo waMfumu Yesu mpila mo-si ye yaū.

12. Buna kabū diamvimba diakala napi ye diadinmba, Banaba ye Pauli bubakamba,



bonso bwabavangisa Nzambi bi-mangu ye lekwa bianzenza kwa bakondolo luzaylu luaNzambi.

13. Kansi yaü bubadingama, buna Yakobi wavutula ye wavova: lubabakala ye zimpangi, lundimba!

14. Simona kembangisa bonso bwateka tala Nzambi bakondwa luzaylu luandi mu diambu diabaka bantu mu yaü mu nkümbü andi.

15. Ye momo mwele detila mambu maminkambi, bonso bwasonukwa:

16. mboki ngina vutuka ye tungudila nzo aDavidi yamana tuluka, ye ngina tungudila bonso biatululwa mu yaü ye vutukayo tomisa,

17. kidi bantu basidi ye bakondolo luzaylu luami, ibabikulwanga mu nkümbü ami, batomba Mfumu. Ibobo bwavova Mfumu, yivanganga yoye yayonsono

18. yazayakana kwa yandi vana kintetentete.

19. Nkiangunu mono mbenzi, vo katuna sa zituko mu yaü bona ye bakondolo luzaylu luaNzambi kansi bavutukidi kwa Nzambi,

20. kansi tuna sonika kwa yaü, vo bana tina minkanku-mustu miabiteki ye kinzusa ye bionso biafikutwa ye menga.

21. Kadi Mose wena bantu

babongidila ntama mu kunkamba mu zinzo zatukutukunu mukatangwanga lumingü kalumingü.

22. Buna zintumwa ye zingüdi zabantu ye dibundu diamvimba bazolabo ye basola bantu bakala yaü ye babafidisa ye Pauli ye Banaba kuna Antiokia. Bantu bobo iYuda, wabikwanga Balasaba, ye mboki Sila, ibantu batondwa kwa zimpangi.

23. Nkanda waü wasonukwa mu moko maü: yeto tuzintumwa ye zingüdi zabantu ye zimpangi tufidisi mavimpi kwa zimpangi zena ye bakondolo luzaylu luaNzambi mu Antiokia ye Silia ye Cilisia.

24. Yeto tuawilu, vo bankaka batukidi mu yeto, baluveni mangidi mangidi mu mambu mabavengomonene miela mieno ye bavovele, vo luna zabülwa ye keba mina, kansi kabafiduswa kwa yetoko.

25. Nkiangunu yeto tuawawane mu sola bantu bankaka ye mu fidisa yaü ye zintondolo zeto Banaba ye Pauli.

26. Yaü ibantu bavana miela miaü mu nkümbü aMfumu eto Yesu Kilisto.

27. Nkiangunu yeto tufidisi Yuda ye Sila, bana kulukamba mambu mamosi nipe.

28. Kadi yeto ye Mpeveya nlongo tuawawane mu lembwa

kulutuika zitu kiankaka, kansi lekwa biabi hina sa vangwa:

29. lutina lekwa biatulwa va masalu mabiteki ye menga ye lekwa biafikutwa ye kinzusa. Vo lutina biobio, buna silua toma nitu. Lakala mavimpi!

30. Bubafidukuswa mboki baluaka ku Antiokia ye bayonzika dibundu ye bavana nanda.

31. Bubamanawo tanga, buna bayangalala mu lubombolo lolu.

32. Yaü kibeni mpe Yuda ye Sila, bakala minkambi, balubula zimpangi mu mambu mamingi ye basiamisazo.

33. Kansi bubamana kala lumbu bikwa, mboki bayenduswa kwa zimpangi mu yenge kwa babafidisa.

34. Kansi Pauli ye Banaba basala mu Antiokia, yeyaü ye babingi bankaka balonga ye bakamba mambu maMfunu mu nsamü wambote.

35. Lumbu bikwa mboki Pauli wavova kwa Banaba: bika tuavutuka kwenda kwa zimpangi zeto mu mavata mamonso, mutuakamba mambu maMfunu, mu mona bonso buzenina.

36. Banaba wazola, vo banata Yoane, wabikwanga Malakosi.

37. Kansi Pauli wabanza,

vo kabwafwananeko mu nata muntu wabayambula mu Pamfilia ye walembe kwenda yaü mu salu.

38. Buna zimpaka zakala, ye yaü bavambana. Banaba wanata Malakosi ye wayenda mu bota kuna Cipelo.

39. Kansi Pauli wakiso lila Sila ye wayenda, bukakivangudulwa mu nlemvo wa Nzambi kwa zimpangi.

40. Yandi waviokila mu Silia ye Cilisia ye wasiamisa mabundu.

## Kapu 16.

*Pauli ye Sila bazieta mu Delebe ye Listila (1—3), bayenda ku Toloado (4—10) ye ku Filipi (11—15). Pauli waraykisa mpera yambi ye watulwa mu kebolo (16—34), waraykuswa ye wakatuka rana (35—40).*

Yandi waluaka ku Delebe ye ku Listila. Kuna kamona nlongüki, nkumbü andi Timotio, wabutwa kwa nkento wawkikama, kansi sandi imwisi Elene,

2. ye yandi wakala lubikulu luabiza kwa zimpangi mu Listila ye mu Ikonja.

3. Pauli wazola, vo muntu ndiena una kwenda yandi, ye yandi wambonga ye wanzabula mu diambu diabayudayo bakala mu nsi yina, kadi babonso no bazaya, vo sandi imwisi Elene.

4. **Kansi** konso kubayenda mu mavata, yaü baleba bantu bakeba minkondo miavangwa kwa zintumwa ye bangüdi za-bantu mu Yelusalemi.

5. **Iküma** mabundu masiama mu minu, ye banieka mu nta-lu lumbu kalumbu.

6. **Bubakanukunwa** kwa Mpe-ve yanlongo mu kamba mambu mu Asia, yaü bavioka mu Fi-lingia ye mu nsi aNgalatia.

7. **Kansi** bubafinangana ye Misia, buna yaü batonta kwe-nda ku Bitinia, kansi kabaya-mbulwabo kwa Mpeve aYesuko.

8. **Kansi** bubamana vioka Misia, yaü bakülümüka kuna Tolado.

9. Ye mu fukü mwamonika sulumbi kwa Pauli; mwisi Ma-kedonia watelama ye walomba ye wavova: wiza kwaku Ma-kedonia watusadisa!

10. **Kansi** bukamona sulu-mbi, mboki tuatonta kwenda kuna Makedonia, kadi tuazaya, vo Nzambi watubokila mu ku-bakamba nsamü wambote.

11. **Buna** yeto tuakatuka mu Tolado ye tuayenda mu bota nzila yasungama ku Samotola-ka, kansi mu lumbu kiansuka ku Neapoli.

12. **Mboki** tualuaka kuna Filipi, vata diantete mu nda-mbu yoyo yaMakedonia, ye i-va-ta diamona, kansi mu vata di-

na tuasala lumbu bikwa.

13. Ye lumbu kialumingü yeto tuavayka mu mwelo wa-vata, ye tuayenda mu nseko amwila mutuabanza, vo vüma kiasambudulwanga kiakala, ye tuazakala ye tuamoka ye ba-kento bamana kutakana.

14. Ye nkento wavümina Nzambi, nkümbü andi Lidia, inkiti aminlele miambwaki, wa-tuka mu vata, nkümbü avata Tiatila, yandi wawa mambu, ye Mfumu wazibula ntima 'ndi, kidi kadimba yina yakamba Pau-li.

15. **Kansi** nkento ye bantu bandi bubamana botukwa, bu-na yandi wayuvula ye wavova: vo lueti banza, vo mono imu-ntu ulekilanga Mfumu minu, buna luiza mu nzo ami ye lu-sala mümü. Ye yandi watule-ba beni.

16. **Kansi** butuayenda ku sa-mbila, buna sielo kiankento, kiakala mpeve yampunina nsamü mu lekwa yavita kwiza, kiayiza. Kiaü kiabakisila zimfu-mu zandi mbongo zazingi mu lupüpükulu luandi.

17. **Kiaü** kianama beto ye Pauli ye kiaboka ye kiata: ba-ntu baba ibisielo biaNzambi mu-na kayengele, bikutusamünina-nga nzila yandalulu.

18. **Kiaü** kiavangabo lumbu biabingi. **Kansi** Pauli kuzola-

boko, nkiangunu kabangümüka ye kavova kwa mpeve: mono ikamba mu nkumbü aYesu Kilisto: vayka kwaku mu nken-to. Ye yina ntangu mpeve yavayka mu nkento.

19. Kansi zimfumu zandi buzamona, vo kazilendi baka zimbongo mu yandi diakako, zaü zasimba Pauli ye Sila ye babakoka ku boko kwa baküluntu,

20. ye babatuala kwa minyadi ye bavova: bantu baba ibayudayo beti vanga vata die-to mangidi mangidi,

21. ye beti longa minkondo mituakanukunwa keba ye vanga, beto tubisi Loma.

22. Bantu mpe babakutakana, ye minyadi miabakasunina minlele ye miakamba, vo babüfwa mu nzamvula.

23. Bubababüfa kwakwingi, yaü babatula mu kebolo ye bakamba nkengi azinkole mu to-ma kubakeba.

24. Yandi bukakambwa bobo, mboki kabatula munangüdi akebolo ye wasa malu maü mu su.

25. Kansi mu ndingü ansi Pauli ye Sila basambila ye basika Nzambi mu tuyimbulu, ye zinkole zabadimba.

26. Lunikunu lualunene luantoto luakala nkitumu, ye lufulu luakebolo luaniküka, ye

mielo miamionsono intumbu zibüka, ye mbienga zazinkole zazonsono zakutuka.

27. Buna nkengi azinkole wasikama, ye bukamona, vo mielo miakebolo mizibükidi, yandi wavola sabala ye wakana kukivonda, kadi wabanza, vo zinkole zineni taba.

28. Kansi Pauli waboka mu ndinga yayinene ye wavova: kukivangani büma bwambiko, kadi beto babonsono tuena kwe-to vava.

29. Buna yandi walomba mwinda ye wayungüsa mu ngüdi ye wazakama ye wafükama kwa Pauli ye Sila,

30. ye bukamana kubavaykisa, yandi wavova: zimfumu, bwe sia sa, kidi yalalulwa?

31. Kansi yaü bavova: leka kwaku minu mu Mfumu Yesu, buna siwa lalulwa Ngeye ye nzo aku.

32. Ye yaü bavova mambu maMfumu kwa yandi ye kwa babonsono, bakala mu nzo andi.

33. Yina ntangu mu fükü yandi wabatuala vakakala ye wasüküla vabaluala ye wabotukwa kwandi ye bantu bandi babonsono.

34. Yandi wabatuala kunzo andi ye wabadikila ye wayangalala, vo yandi ye bayandi baleka minu mu Nzambi.

35. Kansi bukwakia, buna

minyadi miafidisa bisielo biaminkongüdidi mu kamba: vuluseti bantu bobo!

36. Kansi nkengi wakamba mambu momo kwa Pauli: minyadi mifidisi nsamü, vo luna vuluswa. Nkiangunu luvayka ye luenda mu yenge!

37. Kansi Pauli wavova kwa biaü; yaü batubüfidi va yuti nate ye nkanda wabünükini, kansi yeto tualembolo fiongünunwa ye kongüdulwa, beto tubisi Loma, ye yaü batutudidi mu kebolo, kansi bwabü bazolele kutuküba mu nsweki. Ve, kabwako; kansi yaü kibeni bana kwiza kutuvaykisa.

38. Ye bisielo biaminkongüdidi biakamba mambu momo kwa minyadi. Kansi miaü miakala wonga, bubawa, vo hantu bobo ibisi Loma.

39. Ye yaü bayiza ye babavana mambu mabiza, ye bubavana kubavaykisa, buna babaleba bakatuka mu vata.

40. Buna yaü bakatuka mu kebolo ye bayenda kwa Lidia, ye bubamona zimpangi, balubulazo ye bayenda.

## Kapu 17.

*Pauli walonga mu Tesalonika (1—5) ye mu Belea (10—15) ye mu Ateia (16—34).*

Yaü bavioka mu Amfipoli ye mu Apolonia ye baluaka ku

Tesalonika, kwakala nzo yalukutukunu luabayudayo.

2. Pauli wakota kwa yaü, bonso bwakala fu kiandi, ye wabamokisa mu masonukwa tuningü tutatu,

3. ye wabangüla ye wasonga, vo Kilisto wasa lungwa ye fuluka mu bafwa. Yandi wavova: Yesu ndiena, ungieti kulukamba, yandi iKilisto.

4. Ye bankaka baleka minu ye batatamana kwa Pauli ye Sila, mboki kabü beni diabisiElene bavümina Nzambi ye bakento babingi bakala ndanusu.

5. Buna bayudayo bakala pangidi pangidi ye babaka bantu bankaka bambi bakimpumbulu ye babwisa nkindu mu vata ye basimpama va nzo aYasoni ye batonta kubavaykisa kwa bantu.

6. Kansi bubalebwa kubamona, yaü bakansikisa Yasoni ye zimpangi zankaka kwa baküluntu bavata ye baboka: yaü bavanganga nsi yamvimba mangidi mangidi, hena kwaü vava mpe,

7. ye Yasoni wabatambudi, ye yaü babonsono bavanganga bilekwa biakanikina ntinu, ye bavovanga, vo muntu wankaka, iYesu, wena mfumu.

8. Kansi bavanga bisi vata ye baküluntu mangidi mangidi, bubawabo.

9. Kansi Yasoni ye banka-ka bubakivanina ntadulu, mboki bavuluswa.

10. Kansi zimpangi zafidisa Pauli ye Sila nswalu mu fukū kuna Belea, ye bubaluaka kuna, yaū bayenda ku nzo yalukutukunu luabayudayo.

11. Kansi bisi Belea balutila bisi Tesalonika mu biza, ye yaū batambula mambu mu kiesse ye bafiongünina nasonukwa lumbu kalumbu, vo mambu makala bobo.

12. Yaū babingi baleka minu, ye bakento babisi Elene bakala ndanusu ye babakala mpe kabū.

13. Kansi bayudayo bakala mu Tesalonika bubawa, vo Pauli wakembi mambu ma Nzambi mu Belea mpe, buna bayiza mu bwisa nkindu mu Belea mpe ye bavanga bantu mangidi mangidi.

14. Kansi buna zimpangi intumbu fidisa Pauli, kidi kayenda nate ye mbu, kansi Sila ye Timotio basala momo.

15. Kansi bayenda ye Pauli bamfila nate ye Atene, ye bavutuka ye nsamū kwa Sila ye Timotio, vo bana kula luaka kwa yandi.

16. Kansi Pauli bukabavi ngila mu Atene, yandi wafututswa utima, bukamona vo vata diazala kwa biteki.

17. Nkiangunu yandi wamoka ye bayudayo mu nzo yalukutukunu ye bavūmina Nzambi ye bantu bana, bakamona mu zandu lumbu kalumbu.

18. Kansi banzolwa nduka baEpikulea ye baStoika bambindisa mpaka, ye bankaka bavova: nkwa wangiala ndiewo, kadi nki kazolele kamba? Kansi bankaka vo: yandi vele ukambanga biteki bianzenza, kadi yandi wabakamba nsamū wambote mu Yesu ye mu lufulukusu.

19. Yaū bansimba ye bana ta yandi ku Aleopange ye bavova: situa lenda zaya ndongi zozo zamona ziukambange?

20. Kadi Ngeye utuedi le kwa bianzenza mu matu meto, nkiangunu tuzolele zaya, bonso bubienina.

21. Kansi bisi Atene babonsono ye zinzenza zakala vana bateka matu mu wa yilekwa yamona ye mu kambayo.

22. Kansi Pauli watelama mu monakanda dia Aleopange ye wavova: lubisi Atene, mbweni kwani, vo yeno mu yayonsoo luazedi kwa lusambululu labiteki.

23. kadi bunzietele ntononongo lekwa bieno bianlongo. mbweni kwani salu diasonwa mambu: "kwa Nzambi ikaizayakani." Nkiangunu kina kilusambilanga, bululembolokio za-

ya, mono ikulusamüninakio.

24. Nzambi ndiena wavanga nza ye lekwa biabionsono biena mu nza, yandi iMfumu azulu ye ntoto, kena kwandi mu mavwala matungwa mu moko-ko.

25. Yandi mpe kasadulwanga mu moko mabantuko, nkievo kafwidi nsatu alekwa, kadi yandi kibeni uvananga moyo ye mwela ye lekwa biabionsono kwa bantu babonsono.

26. Ye yandi wavanga bantu babo mu menga mamosi mu diambu diabana kala va luse lua-mvimba luantoto, ye wavanga zintangu ye zinzaku zibana kala,

27. kidi batomba Nzambi, kanivo bavisa ye banzaya ye bamona; kansi kena kwandi nseke ye yetoko.

28. Kadi mu yandi yeto tuvümünanga ye tukibanga ye tuena, bonso bwakamba zinseki zeno zankaka: "kadi yeto ibutu biandi mpe".

29. Nkianguu vo yeto ibutu biaNzambi, buna katuna banzako, vo kinzambi kifwanane ye wola ye palata ye matadi iluvangu luazinkete, lubasokila.

30. Kansi Nzambi bukavibidila ntangu zabuzengi bobo, lelo bwabü kakambanga bantu, vo babonsono bana vilula madiela mu müma miwamonsono,

31. kadi yandi wamana vanga lumbu kikana kongüdila nza mu mfonga mu muntu ukavangüla, bukasila minu kwa babonsono ye wafulukisa yandi mu bafwa.

32. Kansi yaü bubawa mu lufulukusu luabafwa, buna bankaka banseva, kansi bankaka bavova: situa vutuka kuwila mambu momo.

33. Buna Pauli wakatuka mu yaü.

34. Kansi babakala bankaka banama yandi ye baleka minu, ye Dionisio, inkongüdidi, wakala yaü ye nkento, nkümbü andi Damali, ye bankaka ye yaü.

## Kapu 18.

*Pauli wayenda ku Kolinto (1—4). Bayudayo barweza nsamü wambote (5—11) ye bazola kongüdila Pauli (12—17). Pauli wavutuka kuna Yehusalemi ye Antiokia (18—22), wayenda ku Asia ngienda yantatu (23). Apolo wayiza ku Efeso ye Akaia (24—28).*

**Mboki Pauli wasisa Atene ye wayenda ku Kolinto.**

2. Ye bukamona nyudayo, nkümbü andi Akila, wabutwa mu Ponto, ye kantamaniko'katuka mu Italia, ye nkento andi Pisikila — kadi Klaudio wakamba bayudayo babonsono bakatuka mu Loma — buna kayenda kwa yaü.

3. Ye yandi wakala salu kimosi ye yaü, nkianguu ya-

ndi wasala yaü, ye basalanga, kadi salu kiaü kiakala mu vanga ziuza zakoto.

4. Yandi wamoka mu nzo yalukutukunu lumingü kalumingü ye walekisila ye bayudayo ye baelene minu.

5. Kansi Sila ye Timotio bubatuka mu Makedonia, buna Pauli wabongidila kamba mambu ye watanga kimbangi kwa bayudayo, vo Yesu iKilisto.

6. Kansi bubabangisa ye batiaka, buna yandi wakubula mfümfüta mu minlele miandi ye wavova kwa yaü: bika menga meno makala va mintu mieno. Bwabü ye mboki sia kondwa nkanu, buikwendanga kwa bakondolo luzaylu luaNzambi.

7. Ye yandi wakatuka vana ye wayenda ku nzo amuntu, nkümbü amuntu Titio Yusuto, wavümina Nzambi, ye nzo andi yafinangana ye nzo yalukutukunu.

8. Kansi Klispo, nküluntu anzo yalukutukunu, walekila Mfumu minü ye nzo andi yamvimba, ye bisi Kolinto babingi bawa ye baleka minu ye babotukwa.

9. Kansi Mfumu yavova kwa Pauli mu fukü mu sulumbi: kutinaniko, kansi vova ye kudingamaniko,

10. kadi mono ngiena yaku, ye muntu kana kutatimisa mu

kwamisako, kadi mono mbakidi bantu babingi mu vata diadi.

11. Buna yandi wasala mu na mvu mosi ye ngonda zisambanu ye walonga mambu maNzambi kwa yaü.

12. Kansi Ngalia bukakala nküluntu mu Akaia buna bayudayo batatimisa Pauli vakimosi ye banata yandi ku nzo ankongüdidi

13. ye bavova: ndieu uve ngümünanga bantu mu sambila Nzambi, bonso bwakamba mina.

14. Kansi Pauli bukakana bandula nwa, buna Ngalia wavova kwa bayudayo: lubayudayo, vo nkanu vo büngü diankaka diena, buna nga bufweni mu dinba yeno;

15. kansi vo ibiuvu mu mambu ye mu zinkümbü ye mu mina mieno, buna luwawasabio yeno kibeni, kadi mu lekwa bio-bio mono kizolele kala nkongüdidi.

16. Ye yandi wabaküba mu nzo ankongüdidi.

17. Buna bisi Elene babonso basimba Sostene, inkuluuntu anzo yalukutukunu, ye bambüfa va nzo ankongüdidi, kansi Ngalia wavibidilabo.

18. Kansi Pauli wasala kuna lumbu bikwa diaka, mboki wasisila zimpangi mavimpi ye wasabuka mu bota kuna Silia, ye



Pisikila yeAkila banama yandi, ndiena bukamana tebisa ntu andi mu Kenkelee, kadi lusilulu luakala yandi.

19. Kansi bukaluaka ku Efeso, yandi wabasisa vana, kansi yandi kibeni wakota mu nzo yalukutukunu ye wamoka ye bayudayo.

20. Kansi bubanleba kasala yaũ lumbu biankaka, yandi katambudilako,

21. kansi wabasisila mavi-mpi ye wavova: sia vutuka kwa reno, vo Nzambi zolele. Mboki kakatuka mu Efeso.

22. Ye bukakülümüka ku Kasalia, yandi wabalüka ye wakanba dibundu mavimpi ye wakülümüka ku Antiokia.

23. Ye bukamana vingila lumbu bikwa kuna, mboki kakatuka ye wavioka, bonso bulandlasana ziisi zaNgalatia ye Filingia, ye wasiamisa minlongüki miamionsono.

24. Kansi nyudayo, nkümbü andi Apolo, wabutwa mu Alessandria, waluaka ku Efeso. -Yandi watoma zaya vova ye wakala nduka zangolo mu masonukwa.

25. Yandi wakilongulwa nzi-la aMfumu nadede, ye walema mu mpeve ye wamoka ye walonga nadede yina yena mu Yesu, kansi yandi wazaya lubotokolo luaYoane kaka.

26. Ye yandi wabadika vova mu kibakala mu nzo yalukutukunu. Kansi Pisikila ye Akila bawa yandi ye banata yandi ku nzo aũ ye batoma kunzaykisa diaka nzila aNzambi.

27. Kansi bukazola kwenda ku Akaia, buna zimpangi zasona ye zaleba minlongüki mu tambula yandi. Ye bukaluaka, yandi wakala usadusu yayinene mu nlemvo kwa baleka minu,

28. kadi yandi wabangisa bayudayo mu zingolo ye wasonga mu masonukwa, vo Yesu iKilisto.

### Kapu 19.

*Pauli wajiza ku Efeso (1—7), walonga mu skulu kioTilano (8—10), wawaga bimangu (11—20), wazola kwenda ku Yelusalemi (21—22). Demetilio wasukisa wabwisa nkundu mu Efeso (23—40).*

Kansi Apolo bukakala mu Kolinto, buna Pauli waluaka ku Efeso, bukakiviokila nsi yena ku ntandu, ye wamona minlongüki miankaka vana,

2. ye wavova kwa miaũ: lutambudi Mpeve yanlongo, bulualekele minue? Kansi miaũ mia vova kwa yandi: aa, katuawilu nkutuko, vo Mpeve yanlongo yena kwandi.

3. Kansi yandi wavova: mu nki luabotokolo? Miaũ vo: mu lubotokolo luaYoane.

4. Kansi Pauli wavova: Yowane wabotika mu lubotokolo luampilulu amadiela ye wavova kwa bantu, vo bana leka minu mu ndiena una kwiza ku manima mandi, iYesu kwandi.

5. Kansi miaü bumiaawawo, mboki miahotukwa mu nkümbü aMfumu Yesu.

6. Kansi Pauli bukatulamio moko, buna Mpeve yanlongo yaluaka va miaü, ye miaü miavova mu tudimi ye miakamba lekwa yina kwiza.

7. Babakala babonsono balunga kanivo kümi ye bole.

8. Yandi wakala kotanga mu nzo yalukutukunu ye vovanga mu kibakala ngonda zitatu ye wabamokisa ye wabalekisila minu mu lekwa biakimfumu kiaNzambi.

9. Kansi bankaka bubavibidila mintima ye balembwa leka minu, kansi bavova lekwa yambi kwa bantu mu nzila yoyo, buna kakatuka mu yaü ye wavam-bisa minlongüki ye wamoka ye miaü lumbu kalumbu mu skulu kiaTilano.

10. Kansi bobo bwavangwa mvu miele, nkiangunu babonsono bakala mu Asia ye bayudayo ye bisi Elene bawa mambu maMfumu.

11. Ye Nzambi wavangatulendo tuatuingi mu moko maPauli,

12. idiaü babonga malenswa ye minlele miankaka miavalakana nitu andi ye batulamio va bantu bakala yela, ye yela kwakatuka ye zimpeve zambi zavayika.

13. Kansi bayudayo bankaka bazieta mu küba mpeve zambi mu zindefi, babadika bika nkümbü aYesu mu bantu bakala mpeve zambi, ye bavova: yeto tukuludikisa ndefi mu Yesu ndiena, usamunwanga kwa Pauli.

14. Kansi bana nsambocia babakala babuta Skeva, ngüdi anganga wayudayo, bavangabo.

15. Kansi mpeve yambi yavutula ye yavova kwa yaü: Yesu inzaydi kwami, ye ngwilu mu Pauli, kansi beno ibanani?

16. Buna muntu wakala mpeve yambi wababwila ye wabavingisa kungsi baü bole ye wabakwamisa beni nate ye bakala bampene ye baluala, mboki bataba mu nzo.

17. Kansi babonsono bakala mu Efeso ye bayudayo ye bisi Elene bazayabo, ye wonga wabwila babonsono, ye nkümbü aMfumu Yesu yaluta zituswa;

18. ye babingi baleka minu bayiza bakita ye bakamba mavanga maü.

19. Kansi babingi bavanganga bimpangula banata minkanda ye bayokamio vatadila ba-

ntu, ye ntalu aminkanda buya-yindulwa, buna yakala makūmatanu mamafunda mabivanza biapalata.

20. Ibobo bwanieka mambu maMfumu mu ngolo ye masiama.

21. Kansi būma buna bubwawangwa, buna Pauli wasavuka ntima mu vioka mu Makedonia ye Akaia ye mboki kwenda ku Yeluselemi; ye yandi wavova: bungina kala kuna, mboki ngina mona Loma mpe.

22. Kansi yandi wafidisa bisadisi biandi biole, Timotio ye Elasto, kuna Makedonia, kansi yandi kibeni wasala lumbu bikwa mu Asia.

23. Kansi bina lumbu biawangwa mambu mamingi mu nzila yoyo.

24. Kadi wafula wola, nkūmbū andi Demetilio, wavanga mavwala maDiana mapalata ye wabakisa zinketendandu yayingi.

25. Yandi watedisa mbila kwa zinkete ye bisadi bisalanga salu kiokio, ye wavova: lubabakala, yeno luzaydi, vo kimvwama kieto kiena mu salu kiokio,

26. ye yeno luamweni ye lua-wilu, vo Pauli ndiena wavengomone bantu babingi ye wabalekesele minu ye uvovanga kwandi, vo bilekwa bivangwanga mu moko kazinzambiko.

27. Kansi fuma fisidi nga salu kieto kina vwezwa ye vwa-

la diaDiana, ikiteki kiankento kiakinene, dina fuwa diba, ye nzitusu andi ukizitusulwanga kwa babonsoo bena mu Asia ye nza yamvimba, una fūba mpe.

28. Kansi bubawawo, yaū bavwa zala kwa nganzi ye baboka ye bavova: nene kwena ye Diana diabisi Efeso!

29. Ye vata diamvimba diakala mangidi mangidi, ye bayungusa va kimosi kuna kwasongwanga bimpa, ye bakansikisa Kayo ye Alistalko, ibisi Makedonia bakangala ye Pauli.

30. Kansi Pauli bukazola kwenda kwa bantu, kayambu lwabo kwa minlongūkiko.

31. Ye bakūluntu bankaka mpe, ibakūndi bandi, bafidisa nsamū kwa yandi mu kunleba, kidi kana kwenda kuna kwasongwanga bimpako.

32. Yaū buna baboka, bankaka bwabū, bankaka ebū, kadi kabū diamvimba diakala mangidi mangidi, ye babingi balembwa zaya bila kibakutakanana.

33. Kansi yaū bankaka bankokūmūna Alesandelo, bayudayo bubanunguzuna yandi. Alesandelo walabikisa mu koko, vo kazola vengūmūna nkanu mu nitu andi kwa bantu.

34. Kansi bubamona vo yandi inyudayo, buna baboka kanivo lokūla biole mu ndinga

yimosi: nene kwena ye Diana diabisi Efeso!

35. Kansi nsoniki wavata wadingimisa bantu ye wavova: lubisi Efeso, kadi nki amuntu lembolo zaya, vo vata diabisi Efeso diyingilanga vwala diaDiana waünene ye diyingilanga mpe kiteki kiasotuka mu zulue?

36. Nkiangunu buma buna bubulembolo banguswa, buna silna kala napi ye lembwa vana lekwa mu vema vema.

37. Kadi yeno lukokomone bantu bobo, balembolo tana vwala ye vweza Diana diano.

38. Kansi vo Demetilio ye zinkete zandi bavwidi muntu mambu, buna bilumbu biena bitewanga mambu, ye bakuluntu bena kwaü. Bika bavwisasana mambu.

39. Kansi vo yeno luena mabüngü mankaka, buna maü mana zengwa mu lukutukunu luabantu, bonso bwenina mina.

40. Kadi kanivo situa vüwa mambu mu nkindu mu diambu dialumbu kiaki, kadi katubakidi bila kitulenda ta mu diambu dialukutukunu lualuko.

41. Bukamana vova bobo, yandi wayendisa dibundu.

## Kapu 20.

*Pauli wabumina mu Makedonia (1—6), wafukukisa muntu wafira mu Toloada (7—12), wayenda ku Mi-*

*leto (13—16) ye wamoka ye minkengi miadibundu diamu Efeso (17—38).*

Kansi nkindu buyamana vonga, buna Pauli watumisa minkongüki ye walubulamio, ye bukamana kubasisila mavimpi, yandi wakatuka mu kwenda ku Makedonia.

2. Kansi bukamana vioka zintini zazina ye vova mambu mamingi mandubudulu, yandi waluaka ku Elene.

3. Ye bukamana kala kuna ngonda zitatu, bukakana kwenda mu bota ku Silia, ye bayudayo batula bantu mu langa yandi mu nzila, buna yandi wasavuka ntima mu vutuka vioka mu Makedonia.

4. Sopatolo, mwana waPulo, mwisi Beloya, ye Alistalko ye Sekundo, ibisi Tesalonika, ye Ngayo, inwisi Delebe, ye Timoteo ye Tikiko ye Tolofimo, ibisi Asia, banama yandi.

5. Kansi yaü bavita ku ntu ye batuvingila ku Toloada.

6. Kansi yeto tuakatuka mu bota ku Filipi, lumbu bialembwa dilwa mampa mafuna hubiama, ye tualuaka kwa yaü mu Toloada mu lumbu kiantanu, ye tuasala kuna lumbu nsambodia.

7. Kansi lumbu kiantete kialumingü, butuakutakana mu bukuna mampa, buna Pauli wabakamba mambu ye walengidi-

lamo nate ye ndingu ansi, kadi yandi wakana katuka vana kiansuka.

8. Kansi minda miamingi miakwikama mu nzo vanantandu mutuakutakana.

9. Vana mwelo vavwanda toko, nkün:bü andi Eutiko; kansi Pauli bukalengidila mambu, būna toko diavwenzakana beni kwa tulu ye diasotuka mukakala vana ntandu anzo yantatu mu ntela, ye bambonga wafwa.

10. Kansi Pauli wakülümüka ye wambümbikila ye wansimba mu moyo ye wavova; kalukalani kiadiko, kadi mwela ndi wena yandi.

11. Mboki kavutuka balüka, ye wabüküna mampa ye wadia ye wamoka yaü nate ye kia kwabadika tendüka, mboki katuka kuna.

12. Kansi yaü batula kinde nde kiavümüna, ye babombuka beni.

13. Kansi yeto tuateka kotta mu nzaza ye tuasabüka kuna Aso ye kuna tuakana vodükisa Pauli mu nzaza, kadi yandi wakamba bobo, ye yandi kibeni wazola kwenda mumalu.

14. Kansi butuabwabana beto yandi mu Aso, buna tuavodükisa mu nzaza ye tuasabüka kuna Mitilene.

15. Lumbu kiansuka tuaye-

nda mu nzaza ye tuafinangana ye Kio, kansi lumbu kialanda tuabümina ku Samo, mboki kiansuka tualuaka ku Mileto.

16. Kadi Pauli wasavüka ntima mu vioka Efeso, kidi zinguswa mu Asia, kidi vo kalenda kula luaka kuna Yelusalemi mu lumingü luapentekosta.

17. Kansi bukakala mu Mileto, yandi watumisa zingudi zadibundu mu Efeso.

18. Kansi bubaluaka kwa yandi, buna kavova kwa yaü: yeno luzaydi, bonso buyabongidila lumbu kina kiantete kiya-luaka mu Asia mu kangala yeno lumbu kalumbu,

19. ye vo yasadidi Mfumu mu luyinunu lualonsono ye mu mansanga mamingi ye tusindusulu, biyamweswa mu lukondolo luabayudayo;

20. ye bonso buyalembwa tina lekwa kifwiti tomisa muntu nitu, kansi mu zinzo ye va yuti mono yakembi mambu ye yalongele,

21. ye yatomene ta kimbingi kwa bayudayo ye kwa bisi Elene mu luvilulu luadiela kwa Nzambi, ye mu minu mu Mfumu eto Yesu Kilisto.

22. Bwabü tala, mono natumusu mu mpeve mu kwenda ku Yelusalemi, kansi kizaydi bonso bungina bwana kunako,

23. kansi diadi kaka, vo Mpeve yanlongo mu mavata mamonso yitanga kimbangi ye yinkambanga, vo kangwa ye kiadi bina kumbwana.

24. Kansi mu diambu diamu mono ivibidilanga moyo, kidi yamanisa nzila 'mi ye salu kiami kiyatambula kwa Mfumu Yesu, kidi yatoma ta kimbangi mu nsamü wambote wanlemvo aNzambi.

25. Ye bwabü tala, nzaydi kwami, vo yeno babonso ba-yazietele mu samüna kimfunu kiazNzambi, kaluna vutuka mona zizi kiamiko.

26. Nkiangunu mono ita kimbangi kwa yeno lumbu kiaki, vo mono ndembolo vwa nkanu mu menga mabantu babonso,

27. kadi kiaswekele kwami lekwako, kansi yalukembi luzolo luaNzambi luamvimba.

28. Lukukitala ye lutala dibundu diamvimba diluatulwa minkengi kwa Mpeve yanlongo, kidi luavünga dibundu diaMfumu dikakibakila mu mandi menga.

29. Mono nzaydi, vo bumbe ni katuka, mboki bimbungu biansisi bina kwiza kwa yeno, bina lembwa kûta dibundu,

30. ye mu yeno kibeni mpe muna tuka bantu bana vova bilembolosonga, kidi bakinamisi na minlongüki ku manima maü.

31. Nkiangunu lukaya meso, ye lubambüka moyo, vo mono mu mvu ntatu fukü ye mwini kilembolo kululubüla buna lue na mu mansangako.

32. Ye bwabü mono ikuluyekula kwa Nzambi ye mu mambu mandi manlemvo; yandi lenda kulutunga ye kuluvana difwa ye bantu babonso banlongo.

33. Mono kialombe wola ye palata ye minlele kwa mutuko.

34. Yeno luzaydi kweno, vo moko mami mama masadidi mu nsatu ami ye mu bayami.

35. Mu yayonso mono yalusongele, vo bobo sibwa sadulwa ye kebwa bena kindakana ye bambulwa moyo mu mambu maMfumu Yesu, bonso bwavova yandi kibeni: kiese kiakingi kiena mu vana kansi kiazfuma mu tambula.

36. Ye bukamana vova wo-wo, yandi wafukama ye wasambila ye yaü babonso.

37. Dilu kiakinene kiakala ye babonso, ye bazinga moko va laka diaPauli ye bamfibusula,

38. ye baluta kala kiadi mu diambu dina dikavova, vo kabana vutuka mona zizi kiandiko. Kansi banama yandi ku nza za.

## Kapu 21.

*Pauli wayenda ku Tilo (1—6), ye ku Kasalia (7—14) ye ku Yelusalemi (15—16), wamoka ye Yakobi ye bangiidi zadibundu mu Yelusalemi (17—26), wakangwa ye watu-hra mu kebolo (27—40).*

Kansi bubwavangwa, tuabasisa ye tuayenda sabūkingi, yeto tuanama mu nzila yasungama ye tualuaka ku Ko, mboki kiansuka tualuaka ku Lodo ye mboki ku Patala.

2. Ye butuamona nzaza yayenda kuna Finisia, buna tuavodūkamo ye tuasabūka.

3. Kansi Cipelo bukiamonika, yeto tuasakio va lumoso ye tuasabūka kuna Silia, ye tualuaka ku Tilo, kadi kuna kwatombulwa bizitu biakala mu nzaza.

4. Yeto tuatomba minlongūki ye tuakala kuna lumbu nsambodia; ye yaū bavova kwa Pauli mu Mpeve, vo kana balūka ku Yelusalemiko.

5. Kansi butuamana lumbu biobio, buna tuakatuka kuna mu kwenda, ye yaū babousono batunama ye bakento ye bana ye bayenda yetoku mbazi avata. Vana nseko ambu yeto tuafukama ye tuasambila,

6. mboki tuavanasana mavimpi ye tuavodūka mu nzaza, kansi yaū bavutuka ku zinzo zaū.

7. Kansi butuamana sabūka

butuatuka mu Tilo, yeto tualuaka ku Tolomaisi ye tuakaniba zimpangi mavimpi ye tuasala yaū lumbu kimosi.

8. Kansi lumbu kiansuka yeto tuakatuka ye tualuaka ku Kasalia ye tuakotamu nzo aFilipo, inkambi ansamū wambote, ye isielo kiena ye bisielo nsambodia, ye yeto tuasala yandi.

9. Yandi wakala bana baia babakento balembwa kwelwa, ye yaū bakamba yilekwa yavita kwiza.

10. Kansi butuakala vana lumbu biabingi, buna nkambi watuka mu Yudaya, nkūmbū andi Angabu.

11. Ye bukayiza kwa yeto, yandi wabonga mponda aPauli ye wakikanga ye moko ye malu ye wavova: Mpeve yanlongo yivovele bwabū: muntu vwidi mponda yayi, yandi una kangwa bonso ena kwa bayudayo ye yekulwa mu moko mabakondolo luzaylu luaNzambi.

12. Kansi butuawa wowo, yeto ye bakala vana tuanleba, kidi kalembwa balūka ku Yelusalemi.

13. Buna Pauli wavutula ye wavova: nkiana lueti vanga, bulueti dila ye sa ntima mi kiali? Kadi mono kiakūbamene mu kangwa kakako, kansi yakūbamene mpe mu fwa muYe-

Iusalemi mu diambu diankũmbũ aMfumu Yesu.

14. Kansi butualembana kunleba, tuanyambula ye tuavova: bika luzolo luaMfumu luavangwa!

15. Kansi lumbu bina bubia-mana, mboki tuakũbama ye tuabaluka ku Yelusalemi.

16. Kansi minlongũki miankaka miatuka mu Kasalia ye miatunama ye miatunata kwa nlongũki wanuna, nkũmbũ andi Nasoni, watuka mu Cipelo, ye yeto tuadikulwa kwa yandi.

17. Kansi butualuaka ku Yelusalemi, buna zimpangi zatutambula mu kiese.

18. Ye lumbu kiansuka buna Pauli wakota kwa Yakobi, ye kuna kwakutakana zingũdi zabantu zazonsono.

19. Ye bukamana kubakamba mamba mavimpi, yandi wabakamba lekwa kalekwa, bonso bwavanga Mfumu kwa bakondolo luzaylu luaNzambi mu salu kiandi.

20. Kansi bubawawo, yaũ bazitisa Nzambi ye bavova kwa yandi: mpangi, umweni kwaku mafunda mamingi malekeleminu, ye babonsono bena mu nzolwa mina.

21. Yaũ bakambwa mu Ngeye, vo ulonganga bayudayo babonsono bena ye bakondolo luzaylu luaNzambi, vo bana yambula mina miaMose, ye uvo-

vanga: lulembwa zabula bana beno, ye kalunamani mu minako.

22. Bwe buna siwa? Mu kedika bantu habingi bana kutakana, kadi bana wa, vo Ngeye wizidi.

23. Nkiangunu navangieti, bonso butueti kamba. Bantu baia bena yeto bena lusilulu.

24. Ubanata ye ukukivedisa ye yaũ ye futila yaũ, kidi bakonwa mintu. Buna babonsono bana zaya, vo lekwa kibawilu mu Ngeye kiankatu kwandi, ye Ngeye kibeni udiatanga bobo, buukebanga mina.

25. Kansi kwa baba bakondwa luzaylu luaNzambi kansi balekanga minu bwabũ, tuna sonika ye zenga mambu, vo bana tina lekwa biatulwa va masalu mabiteki ye menga ye lekwa biafikutwa ye kinsuza.

26. Buna Pauli wanata habakala; ye lumbu kiansuka bukakivedisa ye yaũ, yandi wakota mu nzo aNzambi ye wakamba, vo lumbu bialuvedosolo biamana, bubanatanga nkaylu miadisalu, muntu ye wandi nkaylu.

27. Kansi lumbu nsambodia bubiakala mu mana, ye bayudayo batuka mu Asia, bubamona yandi mu nzo aNzambi, buna yaũ babwisa bantu babonsono nkindu ye basa moko mu yandi



28. ye baboka: lubabakala baIsaleli, nasadiseno kweni! Ndiu imuntu ulonganga mwa-monsono yilekwa yilembolo fwanana mu bantu ye mu mina ye mu vuma kiaki, mboki yandi wakotese bisi Elene mpe mu nzo aNzambi ye wasūmūni vuma kiaki kianlongo.

29. Kadi yaū bateka mona Tolofimo, watuka mu Efeso, wakangala yandi mu vata, ye babanza, vo Pauli wankotisa mu nzo aNzambi.

30. Ye vata diamvimba bakala mangidi mangidi, ye bantu bakutakana, ye yaū basimba Pauli ye bankoka ku mbazi anzo aNzambi, ye mielo intumbu zikama.

31. Ye bubatonta kumvonda, buna nkūluntu wakota wabinwani wakambwa nsamū, vo Yelusalemi diamvimba diabwiswa nkindu.

32. Buna yandi intumbu nata binwani ye bakūluntu ye wayenda kubakiki, kansi bubamona bakūluntu baū balembwa būfa Pauli.

33. Buna nkūluntu wakota wayenda wansimba ya wakamba, vo bana kunkanga mu tuvambu tole, ye wayuvula: inani kwandi ye nki kavengi?

34. Kansi mu bantu mwabokwa bwabū ye ebū, ye yandi bukalembana zaya lekwa mu

diambu diamazu, buna yandi wabakamba bantuala kuna kwalekanga binwani.

35. Kansi bukaluaka ku kikada, kakatwa natwa kwa binwani mu diambu dialukwamu-su luabantu,

36. kadi kabū diabantu diinama ye diaboka: unkatula!

37. Pauli bukakala mu kotuswa valekanga binwani, yandi wavova kwa nkūluntu: sia yambudulwa vova kwa Ngeye? Yandi wavova: kadi uzebi kielenie?

38. Kadi kwenā 'ku mwisi Ngipitikoe watuasa mafunda maiya mamimvondi kantamaniko ku nsi yankatu, bukakibwisila yaū nkindu?

39. Kansi Pauli wavova: mono inyudayo. Ntukidi kwami mu Talasi, ye mono imwisi vata diadinene mu Cilisia. Kansi ngieti kulomba, ungiambula yavova kwa bantu.

40. Kansi Pauli bukayambudulwabo, yandi watelama va kikada ye walabikisa koko kwa bantu. Kansi bwamana kala napi beni, buna yandi wavova mu kiebeleo ye wata:

## Kapu 22.

*Pauli wakitabila kwa bantu (1—21), wakwamiswa kwa nkūluntu abinwani (22—30).*

Lubabakala, zimpangi ye mase, ludimba bungieti vengūmūna nkanu mu nitu ami bwabū.

2. Kansi bubawa, vo kavova mu kieleleo, buna yaũ baluta dingama. Ye yandi wavova:

3. Mono inyudayo, yabulwa kwami mu Talasi mu Cilisia, kansi yayundulwa kwami mu vata diadi va maluma-Ngamalieli. Yalongwa kwami mu lungundu luamina miamase meto, ye yakala vema vema mu Nzambi, bonso buluenina beno babonsono lumbu kiaki.

4. Ye mono yazoma nzila yayi naté ye lufwa, ye yakanga ye yatula babakala ye bakento mu kebolo,

5. bonso bulenda kamba zingüdi zazinganga ye lukutukunu luazingüdi zabantu mu mono, kadi kwa yaũ mono yatabula nkanda mu zimpangi, ye yayenda ku Damasko mu diambudiatuala yaũ bakala kuna mpe bakangwa ku Yelusalemi, kidi bakwamuswa.

6. Kansi buyayenda yendi ye yafinaugana ye Damasko, ntangu buyakala va mbata, buna kia kwakunene intumbu kuntentinia mu zulu,

7. ye mono yabwa va ntoto ye yawa ndinga yavova kwa mono: Sauli, Sauli, mu nkiamaweti kunzomina?

8. Kansi mono yavutula: mfumu, inani kwaku? Yandi wavova kwa mono: mmo iYesu mu Nazaleti, uuzomanga.

9. Kansi bayami bamona kia. kansi kabawa ndinga yamoka yamiko.

10. Mono yavova: Mfuniu, bwe sia sa? Mfumu yavova kwa mono: telama wayenda ku Damasko; kuna siwa kambwa yayonsono yiwavangulwa mu vanga.

11. Kansi buyalembwa mona mu diambu diatentina kwakia, buna yatuaswa mu koko kwa bayami ye yaluaka ku Damasko.

12. Kansi mbadio Anania, imuntu wavünina Nzambi bonso hwenina mina, ye wakala lubikulu luabiza kwa bayudayo babonsono bakala kuna,

13. yandi wayiza ye watelama ye mono ye wavova kwa mono: Sauli, mpangi, mona kwaku! Ye ntangu yina yamona kwami ye yantala.

14. Kansi yandi wavova: Nzambi amase meto wakusola mu zaya luzolo luandi ye mu mona nkwa amfonga ye mu wandinga 'ndi,

15. kadi Ngeye una kala mbangi kwa yandi mu bantu babonsono mu lekwa yiwamweni ye yiwawilu.

16. Ye bwabũ, mu nkiamaweti vingila? Telama wabotukwa ye sukula masumũ maku ye bokila nkumbũ andi.

17. Kansi buyavutuka ku Yelusalemi ye yasambila mu

nzo aNzambi, buna bwakala, vo yabwa kenda ngayi,

18. ye yamona ndiena wavova kwa mono: sampuka katuka mwamũ Yelusalemi, kadi yaũ kabana tambula kimbangi kiaku mu monoko.

19. Ye mono yavova: Mfumu, yaũ kibeni bazaydi, vo mono yatula mu kébolo ye yabũfa mu zinzo zatukutukũnu balekila Ngeye minu, nate ye nkanda wabũnũka,

20. ye Stefano, imbangi aku, menga mandi bumavaykuswa, buna mono mpe yakala vana, ye tuawawasana, ye mono yakenga mimvwatu miabantu bamvonda.

21. Ye yandi wavova kwa mono: wenda, kadi mono ngina kufidisa nseke beni kwa bakondolo luzaylu luaNzambi.

22. Kansi yaũ bandimba nate ye diambu diodio. Kansi buna yaũ basasula ndinga ye bavova: katula muntu wampila yoyo mu ntoto! Kadi kafwanane kwandi mu vũmũnako.

23. Kansi bubaboka ye bapekula minlele miaũ ye bamwangisa mfumfuta zantoto ku zulu,

24. buna nkũluntu wakota wakamba: lutuala yandi valekanga binwani ye lumbũfa ye lunyuvuzula, kidi yazaya bila kibabokilanga bobo mu yandi.

25. Kansi bubantukũna mu

bũfa, buna yandi wavova kwa nkũluntu watelama yandi: kadi Ngeye uyambulu bũfa mwisi Loma, bukalembolo kongũdulwa?

26. Kansi nkũluntu bukawawo, yandi wayenda kwa nkũluntu wakota ye wasamũnawo ye wavova: hwe ukeni vanga? Kadi muntu wowo imwisi Loma.

27. Kansi nkũluntu wakota wayenda ye wavova kwayandi: unkamba, Ngeye umwisi Loma? Kansi yandi wavova: inga!

28. Kansi nkũluntu wakota wavutula: mono yakisumbila kisi Loma mu vanza biabingi. Kansi Pauli wavova: kansi mono yabutulwakio mpe.

29. Bakutwa kunyuvuzula intumbu katuka mu yandi. Kansi nkũluntu wakota mpe watina, bukazaya, vo imwisi Loma, kadi yandi wankanga.

30. Kansi lumbu kiansuka bukazola zaya mu kedika bila kikatatumuswa kwa bayudayo, buna yaũdi wakutula mbienga mu yandi ye wakutikisa bangũdi zanganga ye bikongũdidi biamvimba ye wanata Pauli ye wantula va yaũ.

## Kapu 23.

*Pauli wakitabila kwa bikongũdidi (1--6), wavutulwa mu kébolo (7--11). Bantu bavawana mu vovla*

*Pauli (12—22). Pauli wafiduswa ku Kasalia (23—35).*

**Kansi Pauli** wasungamana bikongüdidi ye wavova: lubabakala ye zimpangi! Musalu kiamini kiakionsono mono idiatanga mu Nzambi mu ntima wabiza nate ye bwabü.

2. **Kansi Anania**, ingüdi anganga, wakamba batelama yandi: lumbanda va nwa.

3. **Buna Pauli** wavova kwa yandi: Nzambi una kubanda, Ngeye ubaka kiakuswa mpemba. Kadi Ngeye weti vwanda mu kongüdila bonso bwenina mina, kansi ukembi bambanda, bonso bukanikinanga mina?

4. **Kansi batelama vana bavova**: Ngeye siufinga ngüdi anganga aNzambie?

5. **Pauli** wavova: zimpangi, kizayidi kwamiko, ve yandi ingüdi anganga, kadi kwasonukwa “ngüdi abantu baku kuna kwa-ku kumvwezako.”

6. **Kansi Pauli** wazaya, vo ndambu yankaka ibasadukaya ye ndambu yankaka ibafalisea, nkianguu yandi waboka mu lukutukunü: lubabakala ye zimpangi! Mono nkwa afalisea ye imwana wabafalisea! Mu diambu diavüvü ye mu diambu dialufulukusu luabafwa mono mavwila man'bu

7. **Kansi** bukavova wowo, buna mpaka zabwa ye bafalisea

ye basadukaya, ye kabü diakabana.

8. **Kadi basadukaya bavovanga**, vo kamwena lufulukusuko ye zimpofiko ye mpeveko, kansi bafalisea babikanga kwaü vo biena kwandi.

9. **Mazu manianene makala**, ye minsoniki miankaka miabafalisea miatelama ye miabinda mpaka ye miavova: yeto katumweni lekwa yambi mu muntu waüko. Kansi vo mpeve vo mpofi yamokina yandi — ?

10. **Kansi mazu bumakala mamingi**, ye nküluntu wakota watina, vo Pauli una tiasunwa kwa yaü, buna yandi wakamba binwani benda katula Pauli mu monakanda diaü, bantuala kulekanga binwani.

11. **Mboki mu fukü Mfumu** yatelama yandi ye wavova: kala kibakala, kadi bonso butelenge kimbangi mu mono mwamü Yelusalemi, ibuna siwa ta kimbangi mu Loma mpe.

12. **Kansi** kia bukwatendüka, buna bayudayo bankaka bawawasana ye badia ndefi, vo kabana diako ye nwako, nate ye bamana vonda Pauli.

13. **Kansi** babakala badia ndefi yoyo balutila makümayaya mu ntalu.

14. **Ye yaü bayenda kwa ngüdi anganga** ye zingüdi zabantu ye bavova: beto tudidi

ndefi yayinene, vo katuna bimba lekwa, nate ye tuamana vonda Pauli.

15. Nkiangunu yeno ye bikongüdidi lukamba nküluntu wakota, kidi kamfidisa kwa yeno, nkievo luzolele toma yuvuzula, bonso bwenina nkanu andi, kansi yeto tuna kubama mu vonda yandi, bukena mu nzila.

16. Kansi mwana waPauli wansakila wawa, bonso bubakana vanga, ye wayiza ye wakota mwalekanga binwani ye wakambabo kwa Pauli.

17. Kansi Pauli watela nküluntu mosi mbila ye wavova: nata toko diadi kwa nküluntu wakota, kadi diaü diena diambu mu kunkamba.

18. Yandi wanatadio ye wafiladio kwa nküluntu wakota ye wavova: Pauli, nkole, untelele mbila ye undombe yatuala toko diadi kwa Ngeye, kadi diambu diena yandi mu kamba Ngeye.

19. Buna nküluntu wakota wasimba koko kwandi ye wayenda ku nenga ye wanyuvula: nki adiambu una kunkamba?

20. Kansi yandi wavova: bayudayo bawawasana mu yuvula Ngeye mu fila Pauli kwa bikongüdidi, nkievo bazolele toma yuvuzula, bonso bwenina nkanu andi.

21. Kansi kuvangani bonso bubazoleleko, kadi buna bena kabü dilutidi makumaya mu ntalu beti kunlanga, ye yaü bameni dia ndefi, vo kabana diako ye nwako, nate ye bana mana vonda Pauli. Bwabü bakubamene kwaü ye beti vingila, vo Ngeye unabo sa.

22. Mboki nküluntu wakota wayendisato toko ye wavova kwa yandi: kukambani muntuko, vo Ngeye unkembiwo!

23. Yandi watela baküluntu bole mbila ye wavova: lukübi-ka nkama zole zabinwani, kidi biayenda ku Kasalia, ye lusambodia luabantu batentamanga vana ntandu akavalu ye nkama zole zabankwa biponza mu loküla kiantatu mu fukü,

24. ye luntuala bulu mu nata Pauli, kidi katoma luaka kwa Felika, inküluntu ansi.

25. Yandi wasonika nkanda wakala mambu mama:

26. mono Klaudio Lisia, mavimpi ye kiesa kwa Felika, inküluntu waünene wansi!

27. Muntu waü wabakwa kwa bayudayo ye wakutu vonda kwa yaü, buyaluaka ye binwani ye yamvükisa, buyakizayila, vo yandi inwisi Loma.

28. Ye mono yazola zaya kibantatimisa, nkiangunu yamfila ku lukutukunu luaminko-ngüdidi miaü.

29. Buna yamona, vo yandi watatumuswa mu biuvu biamina miaũ, kansi katatumuswa kwandiko mu nkanu ufweni mu vondwako vo mu kangwako.

30. Kansi buyazaykusu, vo muntu walangwa kwa yaũ, buna mono imfidisi kwa Ngeye, ye ngina kamba mintatimisi miandi mpe, vo mina kumfundisa kwa Ngeye.

31. Buna binwani biasimba Pauli ye bianata yandi mu fukũ kuna Antipatili, bonso bubiakambwa.

32. Kansi lumbu kiansuka bubayambula batentamanga vana ntandu akavalu bayenda yandi, buna yaũ bavutuka kwalekanga binwani.

33. Ye babana babalũka ku Kasalia ye bavana nkũluntu ansi nkanda ye bayekũla Pauli mpe kwa yandi.

34. Kansi bukamana tanga nkanda, yandi wayuvula, nki ansi katukidi? Ye bukazaya, vo watuka mu Cilisia,

35. yandi wavova: mintatimisi miaku bumina luaka, mboiki ngina kuyuvuzula. Ye yandi wabakamba bankeba mu vula diaElodesi.

### Kapu 24.

*Pauli wafunduswa kwa Felika (1 --23). Felika wamoka ye Pauli mu nzweki (24--27).*

**Kansi lumbu bitanu mboki Anania, ingũdi anganga, ye zingũdi zabantu zankaka bakũlũmũka ye nzonzi, nkũmbũ andi Teletulo, ye yaũ batatimisa Pauli kwa nkũluntu ansi.**

2. **Kansi Pauli bukatelwa mbila, Teletulo wabadika funda ye wavova:**

3. **Yeto butumonanga yenge kiakinene kwa Ngeye ye salu biambote bitomisanga bantu baba mu mũma mwamonsono ye mu lekwa yayonsono mu nduka zaku, Ngeye Felika, umuntu wabiza ye waũnene, buna tutondele kweto beni.**

4. **Kansi kidi yalembwa kukwamisa, mono ileba watuwa mambu mafiuma mu diambu dianlembami aku.**

5. **Kadi yeto tuamweni muntu wowo, vo kasambukisanga ye kabwisanga nkindu ye bayudayo mu nsi zazonsono, ye yandi inkũluntu adibundu diabanazalayo,**

6. **ye yandi watonta sumũna nzo aNzambi, kansi wasimbwa kwa yeto mu kongũdulwa bonso bwenina mina mieto,**

7. **kansi nkũluntu wakota Lisia wayiza ye wanziona mu moko meto mu ngolo,**

8. **ye wakamba mintatimisi miandi miayiza kwa Ngeye, bonso buulenda zaya yoyo yayonsono yitutatimisi yandi, Ngeye**

kibeni, buuna kumfiongünina.

9. Kansi bayudayo mpe batatimisa ye bayova, vo lekwa biena bonso bobo kwandi.

10. Kansi Pauli bukalabuku-swa kwa nküluntu ansi mu vova, yandi wavutula: bunzaydi, vo Ngeye wakedi nkongüdidi abantu baba mvu miamingi, buna mono ngina vengümuna lutatumusu lolo mu nitu ani mu kieso,

11. ye Ngeye una lenda zaya, vo kakwalutila künui ye lumbu bioleko, kasi yabalükila ku Yelusalemi mu sambila.

12. Ye yaü kabambona mu nzo aNzambiko, vo yabindana mpaka ye muntuko, ye vo yabwisa kabü nkinduko ye mu nzo zatukutukunuko ye mu vatako:

13. ye yaü kabalendi baka zibangi kwa Ngeye mu lekwa yoyo yibantatimisiniko.

14. Kansi diadi ngieti ta kwa Ngeye, vo isambilanga Nzambi amase, bonso bwena nzila yoyo yibabikanga lukatukulu, ye ilekanga minu mu yilekwa yayo-nsoro yenina mu mina ye yasonukwa mu minkambi.

15. Ye vüvü kiena yami mu Nzambi, ivüvü kibatambula yaü kibeni mpe, vo luna kala lufulukusu luabantu bamfonga ye bakondolo mfonga.

16. Idiaü mono itontanga mono kibeni mu kala ntima uko-

ndolo lufwemono kwa Nzambi ye kwa bantu lumbu kalumbu.

17. Kansi mvu miamkaka bu-miamana vioka, mboki yaluaka mu songa kiwuntu kwa bantu bami ye mu nata minkaylu,

18. ye mu lekwa yoyo bayudayo bankaka batuka mu Asia bambona, buyaveduswa mu nzo aNzambi, kansi kamwakala kabüko vo mazuko.

19. Ye vo baü bena mambu mu mono, nga bufweni vo bakedi vava mu kumfundisa.

20. Evo baba, baü kibeni bika bakamba lekwa kiambi kibawa, buyatelama mu lukutukunu luaminkongüdidi,

21. kansi vo mu diambu diadi kaka diyabokila, buyatelama yaü: mu diambu dialufulukusu luabafwa mono ngieti kongüdulwa bwabü kwa yeno.

22. Kansi Felika wazola toma zaya mambu manzila yoyo, nkiangunu yandi wabayendisa ye wavova: Lisia, nküluntu wakota, bukana kwiza, mboki sia toma yuvuzula mambu meno.

23. Ye yandi wakamba nküluntu abinwani mu yingila Pauli ye mu vana yandi bionso bikazola ye mu lembwa kanikina bakündi bandi bansadila.

24. Kansi lumbu bikwa mboki Felika waluaka ye Dusila, inkazi andi, inkento wayudayo, ye watumisa Pauli mu wa yandi

mu niru mu Kilisto Yesu.

25. Kansi bukabangula mu mfonga ye mu luvedosolo mu kriyangi ye mu lukongodolo luma kwiza, buna Felika wakala wonga ye wavutula: nayendi kwaku bwabü; bungina baka ntangu, mboki sia kutela mbila.

26. Kadi yandi wabanza, vo sika vewa bivanza kwa Pauli, nkiangu nu yandi wantumisa ye wantumunina ye wamoka yandi.

27. Kansi mvu miele bumiamana, buna Felika wavingulwa kwa Polokio Festo, ye Felika wazola zolwa kwa bayudayo, nkiangu nu yandi wasisa Pauli wakangama.

### Kapu 25.

*Festo wayenda ku Yelusalemi (1—5), wavutuka ku Kasalia (6—12), Angalipa wabumina kwa Festo (13—22) ye wayuvula bungu kwa Pauli (23—27).*

Kansi Festo bukamana vingana kiküluntu kiansi, yandi wayenda ku Yelusalemi, lumbu bitatu bubiamviokila mu Kasalia,

2. ye zingüdi zanganga ye madingizi mabayudayo bafundisa Pauli kwa yandi ye banleba

3. ye banlomba banunguswa mu yandi, kidi kantumisa ku Yelusalemi, ye yaü bakana kunlanga mu vondila mu nzila.

4. Kansi buna Festo wavu-

tula, vo Pauli wayingulwanga mu Kasalia, ye vo yandi kibeni wena mu vutuka kuna nswalu.

5. Yandi wavova: nkiangu nu yaü bena yeno bena zingolo, bika bakülümuka yami, kidi bamfundisa, vo büngü die-na ye muntu wowo.

6. Kansi bukamana kala yaü kanivo nani dialumbu kanivo küni, yandi wakülümuka ku Kasalia; ye lumbu kiansuka yandi wavwanda va kiandu kialukongodolo ye wakamba, vo batuala Pauli.

7. Kansi bukaluaka, buna bayudayo batuka mu Yelusalemi banzungidila ye bantatimisa lekwa yayingi ye yangolo, yibalembana baka kimbangi.

8. Buna Pauli wavengümuna nkanu mu nitu andi ye wavova: kiavola kwami nkanu mu mina niabayudayoko ye mu nzo aNzambiko ye mu ntinuko.

9. Kansi Festo wazola leba bayudayo, nkiangu nu kavutula kwa Pauli ye wavova: zolele kwaku baluka ku Yelusalemi ye kongüdulwa mu lekwa biobio kwa monoe?

10. Kansi Pauli wavova: monoe ngieti telama vava va kiandu kiantinu kialukongodolo, ye vava sia kongüdulwa. Kivengei kwami lekwa kiambi kwa



bayudayoko, bonso bulutidi za-  
ya Ngeye mpe.

11. Nkiangunu vo mono ngie-  
na nkanu, vo mpengi lekwa  
kifweni mu vondwa, buna ki-  
tinini kwami fwako, kansi vo  
widi lekwa nkutu bibantatimi-  
sini kabiena biakedikako, buna  
muntu kalendi kungiekula kwa  
yaũko. Mono nzolele kwa nti-  
nu.

12. Buna Festo, bubawawa-  
sana yandi ye minkongüdidi,  
wavutula: Ngeye zolele kwa nti-  
nu, ye kwa ntinu siwa kwenda.

13. Lumbu bikwa bubavi-  
oka, buna mfumu Angalipa wa-  
luaka ku Kasalia ye Benise  
mu kamba Festo mavimpi.

14. Kansi bubavingila kuna  
lumbu biabingi, buna Festo wa-  
kamba mambu maPauli kwa  
mfumu ye wavova: muntu wa-  
siswa nkole kwa Felika.

15. Ye buyakala mu Yelu-  
salemi, buna zingüdi zanganga  
ye zingüdi zabayudayo bamfu-  
nda ye balomba yankongüdila.

16. Ye mono yavutula kwa  
yaũ, vo kakwenani fu kiabisi  
Loma mu yekula muntuko, vo  
muntu utatumusu kakitelanene  
ye bantu bantatimisi zizi ye zizi-  
ko ye ukibakidi ntangu mu ve-  
ngümuna nkanu mu nitu andi  
mu büngü dibantatimisina.

17. Nkiangunu bubakutaka-  
na vava, mono kiavingilako, ka-

nsi mu lumbu kiansuka mono  
yavwanda vana kiandu kialu-  
kongodolo ye yakamba batua-  
la muntu.

18. Kansi mintatimisi bumia-  
nzungidila, miaũ kamiata bila  
kiambi nkutu kiyabanzako,

19. kansi miakala biuvu bia-  
nkaka mu yandi mu lekwa biaũ  
bianlongo ye mu mbadio Yesu  
wafwa, kansi Pauli wabika, vo  
weti vümuna.

20. Kansi mono buyakala  
mangidi mangidi, bonso bungina  
kongüdila mambu momo, buna  
yayuvula, vo kazola kwenda ku  
Yelusalemi ye kongüdulwa ku-  
na mu lekwa biobio.

21. Kansi Pauli bukayuvula  
mu kebwa ye kongüdulwa kwa  
ntinu, buna mono yakamba:  
lunkeba, nate ye ngina kumfi-  
disa kwa ntinu.

22. Kansi Angalipa wavova  
kwa Festo: mono kibeni mpe  
nzolele wa muntu wowo. Ya-  
ndi wavova: mbazi siwa wa ya-  
ndi.

23. Nkiangunu kiansuka  
Angalipa bukayiza ye Benise  
mu nzitusu wawingi, buna yaũ  
bakota mu nzo yalukongodolo  
ye baküluntu babinwani ye ma-  
dingizi mavata, ye Pauli wala-  
ndwa, bonso bwakamba Festo.

24. Ye Festo wavova: mfu-  
mu Angalipa ye lubantu ba-  
bonsono luena vava ye yeto,

yeno lumweni muntu wowo watatumuswa kwa bayudayo babonsono kwa mono ye mu Yelusalemi ye vava, ye yaü babokanga: yandi kafweni mu vümüna diakako.

25. Kansi mono yawilu, vo kavengi lekwa kifweni mu vondwako, kansi yandi kibeni zolele kwa ntinu, nkiangunu mono yasavükidi ntima mu fidisa yandi.

26. Mono kibakidi lekwa kiakedika mu sonika kwamfumu amiko; nkiangunu mono intuedi kwa yeno ye mu babonsono kwa Ngeye, mfumu Angalipa, kidi bukafiong'unuwa, sia baka lekwa mu sonika,

27. kadi mono mbeñzi, vo ibuzengi kwandi mu fidisa nko-le ye lembwa kamba bila kikatatumusunwa.

### Kapu 26.

*Pauli wakamba Angalipa diambu dikatatumusunwa (1--29). Ba Angalipa bakatuka (30--32).*

Kansi Angalipa wavova kwa Pauli: yambulu kwaku vova mu nitu aku. Buna Pauli wasangata koko ye wavengümüna nkanu mu nitu andi ye wavova:

2. mono ngieti kukisa kiese, kadi bwabü ngiena mu vengümüna nkanu mu nitu amikwa Ngeye, mfumu Angalipa, mu

yilekwa yitatumuswanga kwa bayudayo,

3. kadi Ngeye tomene zaya fu biabionsono biena ye bayudayo. Idiaü ileba, ungwa mu nlembami.

4. Nkiangunu luküdulu luami luakintaudi luabadika ye bantu bami mu Yelusalemi luzaywa kwa bayudayo babonsono.

5. Yaü banzaydi kasi ye mbadukulu, vo bazolele kanba, bonso buyakala nkwa afiliseamu kabü dina, dilutilanga bankaka ye bayeto mu keba mina nadede.

6. Kansi bwabü mono ngieti telama vava mu kongüdulwa mu diambu diavüvü kialusilulu. luasila Nzambi kwa mase meto.

7. Kümü ye makanda meto mole masanga vüvü mu bakalusilulu lolo, lubasadila Nzambi mu ludede fukü ye mwini. Mfumu, mu diambu diavüvü kiokio mono ntatumusu kwa bayudayo.

8. Mu nkiama lueti banza kweno, vo kakedikako, vo Nzambi yifulukisanga bafwa?

9. Mono kibeni mpe yabanza kwani mu kedika, vo sia vanga lekwa yayingi mu kakidila nkümbü aYesu mu Nazaleti.

10. Mono yavangayo mpe mu Yelusalemi. Mono yatudisa bantu babingi banlongo mu kebole, buyatambula nkanda kwa zingüdi zanganga mu vangabe.

ye hubavondwa, buna mono ya-ta kimbangi mu yaü.

11. Buyamana kubakwamisa ukwamisa zazingi mu zinzo za-tukutukunu zazonsono, mono yabatatimisa mu vweza. Buyabalaükila beni, mono yabazoma nate ye mu mavata manzenza.

12. Mboki mono buyayenda ku Damasko ye nkanda ye lusilulu biabangüdi zanganga,

13. buna, mfumu, va nsinsa mono yamona kia mu zulu, kia koko kwatentinina kwa mono ye bayenda yami.

14. Kansi yeto habonsoho butuamana bwa vantoto, buna mono yawa ndinga yavova kwa mono mu kiebeleo: Sauli, Sauli mu nkiana weti, kunzomina? Mpasi yena yaku mu ta kisi mu nsongi.

15. Kansi mono yavova: mfumu, unani kwaku? Kansi Mfumu yavova: mono iYesu uu-zomanga kwaku.

16. Kansi nangüka watelama mu malu maku, kadi mono mbonekene kwa Ngeye, kidi yakuvangüla sielo ye mbangi ye mu lekwa yiumweni ye mu lekwa yingina monikina kwa Ngeye;

17. ye ngina kutabila mu bantu ye mu bakondolo luzaylu luaNzambi, bangina kufidikisila

18. mu zibula meso maü, kidi habangümüka mu tombe ye

ku kia, ye habangümüka mu zingolo zaSatana ye kwa Nzambi, kidi batambula ngiambudulu amasümü yedifwa ye bantu bavangülwa mu minu mu mono.

19. Nkiangunu, mfumu Angalipa, mono kiakolama kwa sulumbi kiazuluko,

20. kansi mono yateka kamba kwa baü ba mu Damasko ye mboki mu Yelusalemi ye nsi yamvimba ya Yudaya ye kwa bakondolo luzaylu luaNzambi mpe, kidi babilula madiela ye habangümüka kwa Nzambi, ye bavanga mavanga mafweni mu lusilulu luadiela.

21. Mu diambu diodio bayudayo bansimba mu nzo aNzambi ye bakana kunponda.

22. Kansi yatambula lusadusulu luaNzambi, nkiangunu mono itelamanga ye itanga kimbangi kwa habake ye babanene, ye kivovanga lekwa kiakakako, kansi bina biakamba minkambi ye Mose, vo bina kwiza,

23. vo Kilisto una lungwa ye kala ntekidi abafulukaka mu bafwa, ye vo yandi una kala kia ye kwa bayudayo ye kwa bakondolo luzaylu luaNzambi.

24. Kansi bukavova bobo mu vengümüna nkanu mu nitu andi, buna Festo wavova mu ndinga yayinene: Pauli, Ngeye

wavwidi laũka; lulongolo luakũ lualuingi luakulaũkisi!

25. Kansi Pauli vo: kilaũki-di kwamiko, Festo waũnene, kansi ivovanga mambu makedika ye manduka.

26. Kadi mfumu zaydi lekwa yayi yinkembi mu kibakala kwa yandi; kadi mono ndekele minu, vo lekwa yayi kayaswekwa nkutu kwa yandiko, kadi kayavangwa ku nengako.

27. Mfumu Angalipa, Ngeye lekele minu mu minkambie? Nzaydi kwami, vo Ngeye lekele minu.

28. Kansi Angalipa wavova kwa Pauli weti kumbedisa mu safiuma, kidi yavangwa nkwa aKilisto.

29. Kansi Pauli vo: nzolele mu Nzambi, vo mu safiuma vo mu yayingi kaNgeye kakako, kansi babonsoho beti kungwa lumbu kiaki, vo bafwagane ye mono, kansi bakondwa tuvambu tuami tuatu kaka.

30. Mfumu yanangũka ye nkũluntu ansi ye Benise ye bakala yaũ,

31. ye bubayenda ku nenga, yaũ bamokasana ye bavova: muntu waũ kavengi lekwa kifweni mu vondwako ye mu kangwoko.

32. Kansi Angalipa wavova kwa Festo: muntu waũ, vo kazolele kwa ntinuko, nga kutu vuluswa kwandi.

## Kapu 27.

*Pauli wananguka mu kwenda ku Loma (1—13). Tembo kiangolo kiakala mu mbu (14—20), Pauli wasamisisa bakala yandi (21—26). Nzaza yakakama ye yabungwa (27—44).*

Kansi mambu bumazengwa, vo tuna kwenda mu nzaza ku Italia, buna yaũ bayekũla Pauli ye zinkole zankaka kwa nkũluntu abinwani, nkũmbũ andi Yulio, inkũluntu mu kabũ diantinu.

2. Kansi yeto tuakota mu nzaza yatuka mu Adalamita ye yakana sabũka kuna simu dia-Asia ye tuasisa nseko, ye Alistalko, imwisi Makedonia, watuka mu Tesalonika, wakala yeto.

3. Kansi lumbu kiansuka yeto tualuaka ku Sidoni, ye Yulio watoma keba Pauli mu kiwuntu ye wanyambula kayenda kwa bakũndi bandi ye dikulwa kwa yaũ.

4. Ye butuasisa vana, yeto tuayenduswa mu mpeve ye tuinama mu simũ diaCipelo, kadi zimpeve zatuka kuntu afula.

5. Ye butuasabũka mbu, utadisanga Cilisia ye Pamfilia, yeto tuabũmina ku Mila, ivata mu Lisia.

6. Ye nkũluntu bukamona nzaza kuna, yatuka mu Alesandila ye yakana kwenda ku Italia, buna yandi watuvodũki-samo.

7. Kansi mu lumbu biabingi tuayenda bŭke bŭke kaka, ye mu mpasi zazingi tualuaka lukŭfi ye Kinido butualembana baka nseko mu diambu diazimpeve zatuka kuntu afula, buna tuayenda mu mamvutu mu Kleta vana Salomone.

8. Ye butuaviokilamo mu mpasi, yeto tuabaka ku vŭma, kibikwanga Ntombokolo zantoko, ye Lasea, ivata, diena lukŭfi ye vŭma kiokio.

9. Kansi ntangu zazingi buzavioka, ye lusabŭkulu luabadika kala nsisi, kadi lumbu biaminwa nsoki biamana, buna Pauli walubula

10. ye wavova: lubabakala, mbweni kwami, vo nsabŭkulu yina kala mpasi ye nsisi yayiingi ye mu bivisa kabizitu ye nzaza kakako kansi mioyo mieto mpe.

11. Kansi nkŭluntu abinwani waluta leka minu mu mbindiki ye mfumu anzaza, ye kaleka minu mu mambu mavova Pauliko.

12. Kansi ntombokolo kayakala yabiza mu kala mu nsungi atemboko, nkiangunu babingi bazola katuka vana mu diambu diatonta baka Fenika, intombokolo yaKleta, yatadisa kudimininanga ntangu ye ku lueka ye ku lueka, kidi bakala kuna mu nsungi atembo.

13. Kansi fimpeve mpeve fiatuka ku banda bufiavevŭmŭka, buna yaŭ babanza, vo vila diasabŭkila diakala yaŭ, ikŭma batombula nzundu alukangulu luanzaza ye bafinangana ye Kleta va lueka.

14. Fintama ntama mboki tembo kiangolo kiatadisa va sanganga, itembo kibikwanga Euloklidoni.

15. Kansi nzaza buyanatuswa kwa tembo ye yalemwana taduswakio, buna tuayambula ye tuayenduswa.

16. Kansi butualuaka va lueka luakinsanga nsanga, nkŭmbŭ andi Klauda, buna fuma fiasala nga katualenda keba bota kiazazako.

17. Ye bubatombulakio, mboki basadila mu diambu diawonga ye bazinga nzaza, ye bubakala wonga mu natuswa vana ntandu anienge, yaŭ balyalula mwela ye banatuswa kwa tembo kaka.

18. Kansi butualungwa beni kwa tembo, buna kiansuka yaŭ balosa bizitu bianzaza mu mbu,

19. ye lumbu kiantatu yeto tualosa mu meto mo'ko bilekwa bisadulwanga mu nzaza.

20. Kansi ntangu ye zimbwete buzalemwa monika mu lumbu biabingi, ye tembo kia-

tulungila, buna katuavutuka sa vüvü nkutu mu vükako.

21. Ye bubalembwa dia le-kwa mu lumbu biabingi, buna Pauli watelama mu monakanda diaü ye wavova: lubabakala, nga vo luangwila ye lualembwa sisa Kleta, buna nga luavengümüka mu mpasi yayi ye wonga waü.

22. Ye bwabü mono ikululeba luakala kibakala, kadi buna luena widi moyo wanuntu nkutu kauna vilako kansi nzaza kaka.

23. Kadi fukü diadi mpofi aNzambi, yikumvwidi ye yüsam-bilanga mpe, yitelamenenge yami

24. ye yivovelenge: Pauli, kutinaniko, kadi Ngeye una telama vena ntinu, ye tala, Nzambi wakuyeni babonsono beti sabüka yaku.

25. Lubabakala, nkiangunu lukala kibakala, kadi mono ilekanga minu mu Nzambi, vo sibwa vangwa bonso bunkembongo,

26. kansi va sanga situa katwa tubwa.

27. Kansi kümi ye lumbu kiania butuanatuswa kwa mpeve vana mbu Adialika, buna mu ndingu ansi bisadi bianzaza biabanza, vo bifinangene ye nseko.

28. Ye bubateza mpinda, yaü

banweni vo yakala makümole-mankwanga zanzioka, kansi bubavioka finseke nseke diaka. yaü bateza ye baniona vo mpinda yakala kümi ye zitanu.

29. Ye bubatina, kanivo situa kakama va matadi, buna bakülula nzundu zia zalukangulu mu vongo dianzaza ye bavingila kia kwabwaka.

30. Kansi bisadi bianzaza bubiatonta taba ye biakülula bota kianzaza, bonso vo bakana külula nzundu alukangulu mu mbombo anzaza,

31. buna Pauli wavova kwa aküluntu ye kwa biwani: vo biaü kabina sala yeno mu nzazako, nga kalulendi vükako.

32. Buna biwani biasenga minsinga miabota kianzaza ye biasotunakio.

33. Kansi bubavingila kia. buna Pauli wabalubula badia ye wavova: bwabü kümi ye lumbu kiania kiluavingila ye luena nsatu ye kaluadidi lekwako.

34. Nkiangunu monó ikululubula luadia, kadi bulunabo vanga iluvükulu luena lolo, kadi buna luena widi muntu nkutu kana vidisalusuki luantu andiko.

35. Kansi bukavovawo, ye bukabonga dimpa, yandi watonda kwa Nzambi, babonsono bubamona, ye wabükünadio ye wabadika dia.

36. Buna babonsono bakala

kibakala ye babonga dia baü mpe.

37. Kansi mu nzaza tuakala nkama zole ye lusambodia ye bantu basambanu.

38. Kansi bubamana yuküta, buna basa nzaza nasavü savü ye balosa zintombo mu mbu.

39. Kansi kia bukwatendüka, yaü kabazaya nsiko, kansi bamona mvaka wena nseko, ubakana luakisila nzaza, vo balenda.

40. Ye yaü bayambula nzu-ndu zalukangulu mu mbu ye bakangüla minsinga mialubindukulu ye bayalula mvwela yayinene mu mpeve ye batadisa nsi.

41. Kansi bamona nsi yasa nsongi mu mbu, ye bakakimissayo nzaza, yembombo anzaza yatatamana vana, kansi vongo diabükükunwa kwa lulendo luambula zanganzi.

42. Kansi binwani biazola vonda zinkole, kidi kazataba mu ta mingako.

43. Kansi nküluntu abinwani wazola tabila Pauli, nkiangunu wabakanikinabo, ye wakamba bazaya ta minga, vo bateka dümüka mu nlangu ye babaka nseko,

44. ye bankaka batonta bakaka nseko ye mu mabasa ye mu buku bianzaza. Ye bonso bobo babonsono bavüka ye baluaka ku nseko.

## Kapu 28.

*BaPauli balalulwa ku Melita (1—6). Pauli waniakisa sedia Pubilo (7—10), waluaka ku Loma (11—15), wakutikisa bayudayo bakala muna (16—22). Bawawane lumbu kibana wa nsamü andi (23—28). Pauli wasala mu Loma mru miöle (29—30).*

Butualalulwa, tuakambwa, vo sanga kibikwanga Melita.

2. Ye bisi nsi batusila bun-kete bwabwingi, kadi yaü bakwika tiya ye batukeba babonsono ye mu diambu diamvula yanoka ye mu diambu diakiozi.

3. Kansi Pauli bukatiamamwita wamavala mayuma ye watulawo va tiya, buna nioka yambalu yavayka mu diambu diatiya ye yatatika koko kwandi ye yananamanako.

4. Kansi bisi nsi bubamona bulu kiananamana mu koko kwandi, yaü bavovasana: mu kedika ndiena imvondi kwandi bukavükila mu mbu, ulembolo kwandi yambulwa wavümuna kwa Dike.

5. Yandi wakübula bulu mu koko va tiya, ye kamona bümako.

6. Kansi yaü babanza, vo yandi una vimba vo intumbu sotuka ye fwa. Kansi bubavingila ntangu beni ye bamona, vo kamona lekwako, buna yaü bavlula ye bavova, vo yandi iNzambi.

7. Kansi mu ndambu yina

,mwakala zinzo zavūwa kwa ko-  
ta diasanga, nkūmbū andi Pubi-  
lo. Yandi watutambula ye watu-  
dikila mu bunkete lumbu bitatu.

8. Vakala se diaPubilo dia-  
kala yela, nitu yazakama ye vū-  
mū. Pauli wakota kwa yandi  
ye wasambila ye wantula moko  
ye waniakisa.

9. Kansi yina buyavangwa,  
buna bankaka mpe mu sanga  
bakala yela bayiza kwa yandi,  
ye baniakuswa,

10. ye yaū batuzitisa nzitu-  
su miamingi, ye butuayenda mu  
nzaza, yaū batuvana yituakala  
nsatu.

11. Kansingonda zitatatu mbo-  
ki tuayenda mu nzaza yaAle-  
sandila yakala mu sanga mu  
nsungi atembo, ye yaū yakala  
kifwani kiabiteki biabansimba.

12. Butualuaka ku Silakusa,  
buna tuasala kuna lumbu bitatu.

13. Ye butuakatuka vana  
tuasunga ye tualuaka ku Le-  
ngio, ye lumbu kimosi mboki  
mpeve yatuka ku banda yave-  
vūmūka, buna mu kianzoleye-  
to tualuaka ku Puteoli,

14. ye butuamona zimpangi  
kuna zatuyuvula mu kala yaū  
lumbu nsambodia, mboki tualua-  
ka kuna Loma.

15. Ye zimpangi zakala ku-  
na, buzawa mu yeto, zaū zayi-  
za kutukiki nate ye kuna Apio  
Folumi ye Tilo Tabelene. Pau-

li bukabamona, yandi watonda  
Nzambi ye wakala kibakala.

16. Kansi butualuaka ku Lo-  
ma, buna Pauli wayambulwa  
kakala mu yandi nzo ye kinwa-  
ni kianyingila.

17. Kansi lumbu bitatu mbo-  
ki Pauli wakutikisa zingūdi  
zabantu bayudayo. Bubakuta-  
kana, buna yandi wavova kwa  
yaū: lubabakala ye zimpangi,  
kiavolele kwami nkanu mu ba-  
ntuko ye mu mina miamaseko,  
kansi mono yayekūlwa nkole mu  
Yelusalemi mu moko mabisi Lo-  
ma.

18. Ye yaū bubangiuvuzula  
bazola kungiambula, kadi lekwa  
kifweni mu vonda kakiamo-  
nwa mu monoko.

19. Kansi bayudayo buba-  
mbangisa, buna mono yakatwa  
zola kwa ntinu, kansi kibaki-  
di lekwa kingina fundisa ba-  
ntu bamiko.

20. Mu diambu diodio mo-  
no yalutelele mbila mu mona  
yeno ye mu moka yeno, kadi  
mu diambu diavūvū kiaIsaleli  
mono nkengo muluvambulualu.

21. Kansi yaū bavova kwa  
yandi: yeto katuatambudi nka-  
nda mu Yudaya mu Ngeyeko,  
ye mpangi nkutu kayayizidi  
ye yakembi ye yavovele diambu  
diambi mu Ngeyeko;

22. kansi yeto tueti banza,  
vo bufwanane mu wa kwa Nge-



ye, bonso buubanzanga, kadi tuzaydi, vo kabū diodio diba-nguswanga mwamonsono.

23. Kansi bubasisa lumbu kwa yandi, buna kabū beni dia-yiza kwa yandi ku nzo andi, ye yandi wababangūdila ye wa-ta kimbangi mu kimfumu kia-Nzambi ye watonta kubakwikila mu Yesu mu mina miaMose ye mu minkambi, ye mu nsuka ye nate ye mu nkokila.

24. Ye bankaka bakwikwa kwa mambu mavovwa, kansi bankaka kabaleka minuko.

25. Bubalembana wawasana, yaū bavambana, Pauli bukaki-vovila diambu diadi dimosi: Mpe-ve yanlongo yatoma vova mu nwa waEsaya, inkambi, kwa mase meno,

26. buyavova: "wenda kwa bantu bobo wavova: wa silua

wa ye lembana visa; monasilua mona ye lembana tonwa;

27. kadi mintima miabantu bobo miavwidi viba, ye yaū kabawanga beni mu matuko; yaū bameni zima meso, kabidi mona mu mesoko ye wa mu matuko ye visa mu mintimako kidi yabaniakisa."

28. Nkiangunu luzaya kwe-no, vo ndalulu yoyo yaNzambi yafiduswa mu bakondolo luzai-lu luaNzambi; ye yaū bana wa mpe.

29. Kansi Pauli wakala mvu miole miamvimba mu yandi nzo yikafutila ye watambula babo-nsono bayiza kwa yandi,

30. ye wakamba kimfumu kiaNzambi ye walonga yina ye-na mu Mfumu Yesu mu kiba-kala, ye muntu kankanikinako.



# Nkanda waPauli kwa bisi Loma.

## Kapu 1.

*Mbadukulu (1—7). Pauli wazola kwenda kuna Loma (8—17), wazai-kisa tombe kiabakondolo nzailu aNzambi (18—32).*

Pauli, inanga waYesu Kili-sto, wabokulwa mu kala ntumwa, ye wavangulwa mu longa nsamu wambote waNzambi

2. —ukakisila mu minkambi miandi mu masonukwa manlongo—

3. mu mwan' andi wabutu-kila mu kanda diaDavidi mu nsuni,

4. ye wasongwa mu zingolo mu mpeve yampedoso vo mwana aNzambi mu diambu dia-mfulukulu mu bafwa, Yesu Kili-sto Mfumu eto.

5. Mu yandi yeto tuatambula nlemvo ye kintumwa mu diambu diankumbu andi mu lutumumusu luaminu mu babonsono bakondolo nzailu aNzambi.

6. Yeno luena ye yau mpe, ibeno luabokulwa luvwilu kwa Yesu Kilisto.

7. Kwa babonsono bena mu

Loma, batondwa kwa Nzambi ye babokulwa, ibanlongo. Nlemvo kwa yeno ye yenge mu Nzambi, iseto, ye Mfumu Yesu Kilisto!

8. Va ntete mono ntondele kwami kwa Nzambi ami mu Yesu Kilisto mu diambu diabeno babonsono, minu kieno bu-kizayakene mu nza yamvimba.

9. Kadi Nzambi yiisadilanga mu mpeve ami mu nsamu wambote wamwan' andi, yandi imhangi ami, bonso buibambukilanga yeno moyo ntangu kantangu.

10. Ye ilombanga ntangu zazonsono mu tusambulu tuami, kanivo sia baka ntangu yingina yambulwa mu luzolo luaNzambi ngiza kwa yeno.

11. Kadi ngunda zena yami mu mona yeno, kidi yakuluva-na nkailu wanlemvo wampeve, kidi luasiamuswa.

12. Ibuna vo mu yeno tuyangalala va kimosi mu minu kieto, ikieno ye kiami.

13. Luzimpangi, kizolele kwa-miko, vo luna lembwa zaya, vo yasavuka ntima nsavuka zazingi mu kwiza kwa yeno —kansi nate ye bwabu yakanu-kunu— kidi yabaka ndandu asalu mu yeno mpe, bonso mu bankaka bakondolo nzailu aNzambi.

14. Mono mwilu mfuka kwa baelene ye kwa bantu bankaka ye kwa bantu banduka ye kwa bantu bamafutu.

15. Nkiangunu vo idiambu diani, nga yakubama kwami mu longa nsamu wambote kwa yeno mpe lueni mu Loma.

16. Kadi kivwidi kwami nsoni mu nsamu wamboteko, kadi wau ilulendo luaNzambi mu ndalulu kwa babonso baleka minu, va ntete kwa bayudayo mboki kwa baelene mpe.

17. Kadi mu wowo mumonikanga mfonga aNzambi mu minu ye ku minu, bonso bwasonwa: kansi muntu wafonguswa una yumuna mu minu.

18. Kadi nganzi zaNzambi zimonikanga mu dizulu mu yayibi yayonso yabantu ye mu kondwa kwamfonga kwabantu, bakanikinanga kedika mu kondwa kwamfonga.

19. Kadi yonso yazayakana mu Nzambi yazaikuswa mu yau, kadi Nzambi wabazaikisilayo.

20. Kadi nkadulu zandi za-

lembwa monika, ingolo zandi zikazimani ye kinzambi kiandi kikakimani, bimonikanga kasi ye mpangulu anza, bubiyindulwana mu mavanga, bantu kabi-di baka diambu dibana vukilako.

21. Kadi yau bubazaya Nzambi, kabanzitisa bonso vo iNzambiko, ye kabantondako, kansi bafuba mu mabanza mau, ye mintima miao miabuzengi miayika tombe.

22. Bubakivovila vo bantu banduka, yau bakikitukila bantkwa miabuzengi,

23. ye bavwa sekula nzitusu aNzambi ulembolo fuka mu teki kifwanane ye muntu ufukanga ye nuni ye bulu biena malu maia maia ye bulu bizanzalanga.

24. Nkiangunu Nzambi wabayambula mu nzinunu zamintima miao mu lekwa yansobo mu vwezasana zinitu zayau,

25. bavwa sekula kedika kianaNzambi mu makutu, ye bavuminanga ye basambilanga lekwa biavangwa, kansi kabasambilanga mvangiko, iyandi wasakumunwanga kwele mvu kuvutukidi mvu. Amen!

26. Nkiangunu Nzambi wabayambula mu nzinunu zansonu, kadi bakento bau bavwa sekula lusadulu luanitu mu lusadulu lulembolo fwanana mu nitu.

27. Babakala mpe bayambu-

la sadila bakento bonso bufwanane ye bazinasana nzinunu ye babakala, basadilanga minkankumususu mu babakala. Yau batambula ndinda ufweni mu luvengomono luau mu zinitu zau.

28. Bonso bubalembwa banza vo bufweni mu vumina nzailu aNzambi, ibuna Nzambi wabayekula mu madiela mafuba mu vanga yilembolo fwana.

29. Yau baywa zala kwa lekwa yayonso yilembolo songa ye yayibi ye mambu mambi ye munzola kimvwama; ye bazala kwa nsoki ye bema ye lusuku ye bungubi ye kalala;

30. ibankwa miansamu mialunsi-lunsi ye minkedi ye bakiabelwa kwa Nzambi ye mintatimisi ye bankwa mianza ye miamayama ye miakimfunia ye minkolami miamase ye zingudi,

31. bankwa miabuzengi ye miavilula ye mintondudi ye bakondwa kiwuntu,

32. batoma zaya nkongodolo aNzambi yasonga, vo bavanganga bobo, bafweni mu vondwa, kabavangangabo kakako, kansi bawawasana ye bavangangabo.

## Kapu 2.

*Pauli walonga, vo bayudayo mpe kabalendi baka diambu dibana rukilako (1—11); bavanganga mina bafu-*

*nguswanga, kansi kabawangano kakako (12—23.)*

Mu diambu diodio kulendi baka diambu diuna vukilako, umuntu, iwonso wonso ukongudilanga, kadi buweti kongudila muntu wankaka, buna ngeye weti kukikongudila nkanu, kadi uvanganga yina yiukongudilanga.

2. Kadi tuzaidi kweto, vo nkongodolo aNzambi yena yakedika mu bavanganga yoyo.

3. Kansi ngeye, umuntu, buukongudilanga bavanganga yoyo, ye buwetiyo vanga ngeye kibenzi, kadi weti banza, vo ulelinda taba mu nkongodolo aNzambie?

4. Kanivo ngeye utungudilanga kimvwama kiandi kiawote ye kianlembami ye kialuvibudulu, ye ulembolo zaya, vo wote waNzambi ukutualanga mu vilula diela.

5. Kansi mu diambu diambadusu aku ye ntim'aku ulembolo viluka, ngeye weti kukiyonzikila nganzi mu lumbu kanganzi ye kiankongodolo aNzambi yasonga, bukina monika.

6. Yandi una vana wonso wonso, bonso bwenina mavanga mandu,

7. imoyo ukaumani kwa yau batombanga nzitusu ye ndanusu ye yilembolo fuka mu lutatumu luamavanga mambote,

8. kansi nganzi ye mafulu-

ka kwa yau babangisa ye balembolo tumamana kedika, kansi batumamana kondwa kwa mfonga.

9. Kwama ye kingongo mu mwela wawonso muntu uvanganga yayibi, nyudayo una teki la mboki elene,

10. kansi nzitusu ye ndanusu ye yenge kwa wonso muntu uvanganga yambote, nyudayo una teki la mboki elene mpe!

11. Kadi Nzambi kaswaswasanga muntuko.

12. Kadi babonso, bavolanga masumu, bubakondolo mina, bana kongudulwa nkanu mpe, bubakondolo mina; ye bavolanga nkanu, bubena ye mina, bana kongudulwa nkanu mu mina.

13. Kadi bawanga mina kabafonganga mu Nzambiko, kansi bavanganga mina bana fonguswa—

14. kadi bakondolo nzailu aNzambi, bubavanganga mu nzailu au, bonso bwenina mina mibakondolo, buna yau bakondolo mina bena mina yau kibenii,

15. ye basonganga, vo mavanga mamina masonwa mu mintima miau, mbanzulu au buyitanga kimbangi, ye mabanza mau mafundasananga vo mayambasananga—

16. kina lumbu kina kongudila Nzambi mambu maswekwa mabantu, bonso bwenina nsamu wami wambote mu Yesu Kili-sto.

17. Kansi vo ngeye ubikwanganga nyudayo ye usilanga vuvu mu mina ye ukukisikanga mu Nzambi

18. ye zajidi luzolo luandi, ye buwalongwa mu mina, utontanga yonso yena yambote,

19. ye ukukibanzilanga, vo unsongi anzila kwa bafwa ineso ye kia kwa yau bena mu tombe

20. ye nluengisi kwa balembolo luenga ye nlongi kwa bamafutu, ye mu mina ngeye wena kifwani kianzailu ye kedika;

21. ukiangunu ngeye ulonganga wankaka, kukukilongangakoe? Ngeye buulonganga vo: kuyibaniko, ngeye uyibange?

22. Ngeye uvovanga vo: kuyanganiko, ngeye uyangange? Ngeye ukankumukinanga biteki, ngeye utananga lekwa bianlongoe?

23. Ngeye ukukisikanga mu mina, ngeye uvwezanga Nzambie, buuvondanga mina?

24. Kadi nkumbu aNzambi yilevulwanga mu bakondolo nzailu aNzambi mu diambu diono, bonso bwasonwa.

25. Kadi nzabudulu yitomi-

sanga nitu, vo uvanganga mina, kansi vo uvondanga mina, buna nzabudulu aku yivwidi kituka sutu.

26. Nkiangunu vo muntu ulembolo zabulwa ukebanga mina, sutu diandi kadi kadina bikwa nzabudulukoe?

27. Ndiene ulembolo zabudulwa nitu ye uvanganga mina, yandi una kongudila ngeye uvondanga mina, buwena ye mina ye wazabulwa mpe.

28. Kadi ndiene, kainyudayoko, wenabo kumbazi, ye kainzabudulu yoyoko yivangwanga kumbazi mu nitu,

29. kansi yandi inyudayo wenabo mu ngudi, ye nzabudulu inzabudulu antima mu mpeve, kamu diambu diaminako; ye nzitusu andi utukidi mu Nzambi, kamu bantuko.

### Kapu 3.

*Bayudayo balutidi (1—8). Babonso bavwa vola masumu (9—20). Mfonga aNzambi yimonikanga mu Kilisto (21—26). Tufonguswanga mu minu (27—31).*

Nkiangunu nyudayo mu nki kalutidi, vo nzabudulu mu nki yitomene?

2. Mu yayingi yampila mu mpila. Va ntete yau basilwa mambu maNzambi.

3. Kadi vo bankaka balembwa leka minu, buna bwe?

Ndimbulu aminu kiau yilenda katula nkwikulu aNzambie?

4. Kabwako! Bika Nzambi wakala wakedika, kansi bantu babonso bankwa miama-kutu, bonso bwasonwa: kidi wafonguswa kwaku mu mambu maku ye wanunguswa, buukongudilanga.

5. Kansi vo tufuma tueto tueti monikisa mfonga aNzambi, buna bwe situa vova? Kadi Nzambi ukondolo mfonga, bukavutulanga nganzi zandie? Monopovele mu kimuntu.

6. Kabwako! Kadi Nzambi buna bwe sika kongudila nza?

7. Kansi vo mu diambu diamakutu mami kedika kiana Nzambi kiabuka mu nzitusu andi, buna bwe sia kongudulwa mpe bonso nkwa amasumu?

8. Mu nkiana tualembwava, bonso butuvwezwa vanga, bonso butanga bankaka, vo tuvovanga: bika tuavanga yayibi, kidi yambote yina tukamo. Inkongodolo au yisonge.

9. Buna bwe? Nki kiana yeto kilenda kututabila? Kalekwako, kadi yeto tukitatimisini ye bayudayo ye baelene mu kala masumu,

10. bonso bwasonwa: kakwenani muntu wamfongako, kamosi nkutuko.

11. Ndiene wena nduka, ke-

naniko, ndiena utombanga Nza-  
mbi, kenaniko.

12. Babonsono bavwa ve-  
ngama; babonsono bamana fu-  
ba, ndiena uvanganga wote ke-  
naniko, kaumosi nkutuko.

13. Malaka mau indiamu  
yamwasi, ye bababanga mu tu-  
dimi tuau. Nsa mianioka zamba-  
lu miena munsu akoba biau.

14. Minwa miau miazala kwa  
tumba ye biandudi.

15. Malu mau mena nswa-  
lu mu tengula menga.

16. Mbungulu ye mpasi ze-  
na mu nzila zau,

17. ye kabazaidi nzila aye-  
ngeko.

18. Meso mau kamazaidi  
Nzambi vumiko.

19. Kansi yeto tuzaidi, vo  
yayonsono yikambanga mina,  
miau mikambangayo kwa bena  
ye mina, kidi minwa miamionso-  
no miazaza, ye nza yamvimba yi-  
na vuwa nkanu kwa Nzambi.

20. Kadi nsuni nkutu kau-  
na fonguswa mu mavanga ma-  
mina va luse luandiko, kadi mu  
mina mutukidi nzailu amasumu.

21. Kansi bwabu mfonga  
aNzambi yamonika, kamu mina-  
ko, imfonga yatelwa kimbangi  
mu mina ye mu minkambi,

22. imfonga aNzambi mu mi-  
nu mu Yesu Kilisto kwa ba-  
bonsono baleka minu; kadi  
kakwenani diswaswanako,

23. kadi babonsono bavwa  
vola masumu ye bakondolo  
nzitasu aNzambi,

24. ye bafonguswanga mu  
nkailu mu nlemvo andi mu  
nkudulu yena mu Kilisto Yesu,

25. watulwa kwa Nzambi  
bonso kodi mu minu mu me-  
nga mandi mu diambu dias-  
onga mfong' andi— bukakivibi-  
la masumu mateka volwa mu  
mvibudulu aNzambi—

26. mu songa mfong' andi mu  
ntangu zazi, mpasi yandi kibeni  
kafonga ye kafongisa wonso  
wena minu mu Yesu.

27. Nkiangunu kwe kwena  
lusikulu? Kakumako. Mu dia-  
mbu dianki amina? Mu diambu  
diamiamavange? Ve kwandi, ka-  
nsi mu diambu diamina mia-  
minu.

28. Kadi yeto tubanzanga,  
vo muntu una fonguswa mu  
minu, kamu mavanga mamina-  
ko.

29. Kanivo Nzambi iNza-  
mbi abayudayo kake? Kadi  
kaiNzambi abantu bakondolo  
nzailu andi mpekoe? INzambi  
au kwandi,

30. Nzambi buyimosi kaka  
una fongisa bazabulwa kwa minu  
ye balembolo zabulwa mu mi-  
nu.

31. Kanivo tufubisa mina  
mu dianbu diaminue? Kabwa-  
ko; kansi tusiamisa mina.



## Kapu 4.

*Abalami bonso bukafonguswa ye zabulwa, ye bonso butunabo longukila, vo tuna fonguswa mu minu kaka (1—25).*

Buna nki situa bika kiabaka Abalami, ise diakanda die-to, mu nsuni andi?

2. Kadi vo Abalami wa-fonguswa mu mavanga, buna yandi wabaka kikana kukisikila; kansi kakwa Nzambiko.

3. Kadi masonukwa bwe mavovele? Abalami walelila Nzambi minu, iminu kiansa wamfonga.

4. Kansi wonso usalanga kasilwa mfutu mu nlemvoko kansi mu diambu diangwawanunu.

5. Kansi ulembwa salanga, kansi ulekanga minu mu ndiena ufongisanga nkwa akimpumbulu, minu kiandi kasilwa wamfonga.

6. Bonso bwavova Davidi, vo kiese kiena ye muntu una usiwa kwa Nzambi vo inkwa amfonga, bukakondolo mavanga:

7. Kiese kiena yau bayambudulwa minkanu miau yehafukulwa masumu mau.

8. Kiese kiena ye muntu ulembolo siwa kwa Mfumu vo inkwa amasumu.

9. Buna kiese kiokio kiena mu nzabudulwe vo mu sutue? Kadi yeto tuvovele: minu kiasiwa vo imfonga aAbalami.

10. Bwe kasilwakio? Buka-

zabulwe, vo bukakala sutue? Kamu nzabuduluko, kansi mu sutu.

11. Yandi watambula fu kianzabudulu nkievo dimbu kiamfonga aminu kikakala, bukakala sutu, kidi kakala se diababonsono baleka minu, bubalembwa zabulwa, mpasi basiwa vo ibankwa miamfonga,

12. ye se diabantu bazabulwa, kansi kaiyau bazabulwa kakako, kansi banama mpe mu tambi biaminu kina kiakala Abalami iseto, bukakala sutu.

13. Kadi Abalami kasilwa nsilulu mu vingila nza vo bana bandiko mudiambu diamina, kansi mu diambu diamfonga aminu.

14. Kadi vo bena mu mina imimvingidi, buna minu kiena kiankatu ye nsilulu yeti fuba.

15. Kadi mina mitukisanga nganzi, kansi vakondolo mina vakondolo minkanu mpe.

16. Nkiangunu mu diambu diaminu, mpasi vo inlemvokwandi, kidi nsilulu yakala ngolo kwa kanda diandi diamvimba, kakwa bantu bena ye mina kakako, kansi kwa yau bena minu fiaAbalami mpe, ise die-to beto babonsono,

17. bonso bwasonwa: mono yavanga ngeye se diabantu babinji mu Nzambi ukaleka minu, uvanganga bafwa bavu-

muna ye ubokilanga bilekwa bilembolo kala nkievo biena.

18. Vakondolo vuvu, yandi wasa vuvu, kidi kakala, se dia-bantu babingi, bonso bwasonwa: kanda diaku dina kala bonso ena.

19. Yandi kazezisa minuko, bukakala lukufi ye nkamamosi amimvu, ye bukatala nitu andi nkievo yafwa ye vumu kia-Sala nkievo kiafwa.

20. Kansi kazeza mu ndimbulu aminu mu nsilulu aNzambi-ko, kansi wasiama mu minu, bukazitisa Nzambi,

21. ye wamana sa vuvumu mambu masilwa: yandi lenda-mo vanga.

22. Ibila kikasilwa vo wamfonga.

23. Kansi kakwasonwa mu diambu diandi kakako, vo kasiwabo,

24. kansi mu diambu dieto mpe tunabo siwa, butuleka minu mu ndiena wafulukisa Yesu iMfumu eto mu bafwa,

25. iyandi wayekulwa mu diambu diamasumu meto ye wafulukuswa mu diambu diamfongoso eto.

### Kapu 5.

*Ndalulu yakedika (1—11). Adami ye Kilisto (12—19). Bila kiamina (20—21).*

Nkianguu butuamana fonguswa mu minu, buna bika

tuakala yenge ye Nzambi mu Mfumu eto Yesu Kilisto.

2. Mu yandi tuabakidi nkoto-lo mpe mu minu ku nlemvo wo-wo utuena, ye tukukisikanga mu vuvu kianzitusu aNzambi.

3. Kansi kabobo kakako, kansi tukukisikanga mpe mu ncita zeto, kadi tuzaidi vo ncita zitukisanga mvibudulu.

4. Kansi mvibudulu yitukisanga ntontolo, ye ntontolo yitukisanga vuvu.

5. Kansi vuvu kakivwisanga muntu nsoniko, kadi tonda kwaNzambi kwatulwa mu mintima mieto kwa Mpeve yanlongo yituavewa.

6. Kadi yeto, butuakindakana, buna Kilisto mu yandi ntangu wafwila bantu balembwa vumina Nzambi.

7. Kadi kanivo muntu nku-tu kana fwila muntu wamfongako, kansi muntu sika kala kibakala mpe mu fwila muntu wabiza.

8. Kansi Nzambi weti songa tonda kwandi kwa beto, Kilisto bukatufwila, butuakala bankwa miamasumu.

9. Nkianguu situa luta mu lalulwa mu nganzi kwa yandi, butuamana kukifongusulwa mu menga mandi.

10. Kadi vo yeto, butuakala mintantu, tuabwilwa kodi kwa Nzambi mu mfwilu amwan'

andi, buna situa luta mu lalulwa mu moyo andi, butuakibwiwa kodi.

11. Kabobo kakako, kansi tukukisikanga mpe mu Nzambi mu Mfumu eto Yesu Kilisto mutuatatambudi mbwilwa kodi.

12. Nkiangunu bonso bwayiza masumu mu nza mu muntu mosi ye lufwa mu diambu diamasumu, ibuna lufwa luakikotila mu bantu babonsono, babonsono bubavwa vola masumu,

13. kadi masumu makala mu nza nate ye mina, kansi vakondolo mina kavabanzulwanga masumuko.

14. Kansi lufwa luayala kasi ye Adami ye nate ye Mose mu yau mpe balembwa vola nkanu ufwana ye nkanu wavola Adami, ikifwani kiandiena wakana kwiza.

15. Kansi nkanu bwankaka ye nkailu wanlemvo bwankaka mpe. Kadi vo mu nkanu amuntu mosi babingi bafwa, buna nlemvo aNzambi ye nkailu andi bialuta mu buka kwa bantu babingi mu nlemvo amuntu mosi, Yesu Kilisto.

16. Nkailu kawatuka bonso vo mu muntu mosi wavola masumuko, kadi nkongodolo yatuka mu muntu mosi mu nkongodolo ankanu, kansi nkailu anlemvo watuka mu minkanu miamingi mu fongisa.

17. Kadi vo mu nkanu amuntu mosi lufwa luayala mu diambu diamuntu mosi, buna yau bakitambudila mbukulu anlemvo ye nkailu amfonga bana yala mu moyo mu diambu diamuntu mosi, Yesu Kilisto.

18. Nkiangunu bonso bwayiza nkongodolo ankanu kwa bantu babonsono mu diambu diankanu amuntu mosi, ibuna bwayiza mfongoso amoyo kwa bantu babonsono mu diambu diamfonga amuntu mosi.

19. Kadi bonso bwavangwa bantu babingi bankwa miamasumu mu diambu diankolomono amuntu mosi, ibuna mpe buna vangwa babingi bankwa miamfonga mu diambu diantumunu amuntu mosi.

20. Kansi mina miayiza mpe, kidi minkanu mianeniva, kansi kwaneniva minkanu, ikwabuka nlemvo.

21. Kidi bonso bwayala masumu mu lufwa, ibuna buna yala nlemvo mu mfonga mu moyo ukaumani mu Yesu Kilisto, Mfumu eto.

## Kapu 6.

*Babotukwa kwa Kilisto, bakifwila mu masumu ye kabana rutuka vumuna mu masumuko (1—14), minanga miamasumu ye minanga miamfonga (15—23).*

Buna nki situa vova? Tuna

sala mu masumu, kidi nlemvo wabuke?

2. Kabwako. Yeto tuafwa mu masumu, bwe situa lenda vumuna mu masumu?

3. Kadi kaluzaidikoe, vo buna tuena tuabotukwa kwa Kilisto Yesu, yeto tuabotukwa ku mfwilu andi?

4. Nkiangunu yeto tuadiamuswa ye yandi mu mbotokolo ku mfwilu, kidi tuadiatila moyo wamona mpe, bonso bwafulukuswa Kilisto mu bafwa mu nzitusu adise.

5. Kadi vo tuabundana yandi mu kifwani kiandi kiamfwilu, buna situabo sa mpe mu kifwani kiandi kiamfulukulu,

6. kadi tuzaidi, vo muntu weto wankulu wakomwa ye yandi va kulunsi, kidi nitu amasumu yafuka, mpasi tualembwa kala minanga miamasumu diaka.

7. Kadi wafwa, yandi wafonguswa mu masumu.

8. Kansi vo tuafwa ye Kilisto, buna tusidi minu, vo tuna vumuna ye yandi mpe,

9. ye tuzaidi, vo Kilisto, bukakifulukusulwa mu bafwa, kana vutuka fwako. Luafwa kalulendi vutuka kunyalako.

10. Kadi bukafwa, yandi wafwa mu masumu kiamakulu, kansi bukavumuna, yandi uvumunanga kwa Nzambi.

11. Bonso bobo lukukibanzi la mpe, vo luafwa mu masumu, kansi luvumunanga kwa Nzambi mu Kilisto Yesu.

12. Nkiangunu masumu kamayalani mu zinitu zeno zamfwiluko, kidi luatumamana nzinunu zau,

13. ye kaluyekulani biela bieno nkievo biluazu bilembolo fwanana kwa masumuko, kansi lukukiyekula kwa Nzambi, bonso bavumuna bakifwila, ye luyekula biela bieno nkievo biluazu biamfonga kwa Nzambi.

14. Kadi masumu kamana kuluyalako, kadi yeno kaluvwilu kwa minako kansi kwa nlemvo.

15. Buna bwe? Kadi tuna vola masumu, butulembolo vuwa kwa mina, kansi tuvwilu kwa nlemvoo? Kabwako.

16. Kadi lulembolo zaya, bulukukiyekula kwa muntu bonso minanga miantumamana, buna yeno iminanga miandiena ulutumamananga, kanivo minanga miamasumu mu mfwilu, kanivo minanga miantumumunu mu mfonga.

17. Kansi bika Nzambi katondwa, kadi yeno luakala minanga miamasumu, kansi luavwa tumamana mu mintima mie-no ndongolo yiluavewa!

18. Kansi buluavuluswa mu masumu, buna yeno iminanga miamfonga.

19. Mono mpovele kimuntu mu diambu diakindakana kwa nsuni weno. Kadi bonso bulua-yekula biela bieno bonso minanga mialembevelela ye mi-kanikina mina mu mpondolo amina, ibobo luyekula biela bieno bonso minanga miamfonga mu mpedoso.

20. Kadi buluakala minanga miamasumu, yeno luatatuka ye mfonga.

21. Kadi buna nki andandu luabaka? Yoyo yilufwisidi nsoni bwabu, kadi nsukulu ayoyo imfwilu kwandi.

22. Kansi bwabu, buluavu-luswa mu masumu ye luavangwa minanga miaNzambi, buna lueni ndandu mu mpedoso, ye nsukulu imoyo ukaumani.

23. Kadi nsendo amasumu imfwilu, kansi nkailu anlemvo aNzambi imoyo ukaumani mu Kilisto Yesu, Mfumu eto.

## Kapu 7.

*Balekila Nzambi minu bavuluswa mu mina (1—6), bonso buenina bavulu kwa mina (7—13). Nsuni unwanisanga diela diamona (14—25).*

Luzimpangi, kaluzaidikoe—kadi mono mpovele kwa bantu bazaidi mina—vo mina miyalanga muntu lumbu yayonsono yikavumunanga?

2. Kadi nkento wakwelwa wakangwa ye toko kwa mina lu-

mbu yayonsono yina vumuna toko, kansi vo toko dina fwa, buna nkento una kutulwa mu mina miatoko.

3. Nkiangunu vo nkento wakiveni kwa toko diankaka, nlu-mi andi buketi vumuna, sika bikwa nsuza; kansi vo toko diafwa, buna nkento una kutulwa mu mina ye kana bikwa nsuzako, vo wakiveni kwa toko diankaka.

4. Nkiangunu yeno mpe, luzimpangi zami, luafwidusulwa mina mu nitu aKilisto, mpasi lua-vuwa kwa muntu wankaka, iya-ndi wafulukuswa mu bafwa, kidi tuabuta mavanga kwa Nzambi.

5. Kadi butuakala mu nsuni, buna nzinunu zamasumu zatukuswa kwa mina, zasalanga mur biela bieto mu buta mavanga kwa lufwa.

6. Kansi bwabu yeto tuakutudulwa mina, butuakifwila mu lekwa bituabakamana, ye yeto iminanga mu nkadulu yampeve yamona, ye kamu nkadulu yankulu yabisonoko.

7. Buna bwe tuna vova? Mina imasumue? Kabwako. Kansi vo kaminako, nga kiazaya masumuko, kadi kiazaya kwami luzinuko, vo mina kamia-vovako: kuzinani moyoko.

8. Kansi masumu malanga ntangu, ye mu diambu diamwina matukisa mu mono nzinunu

zazonsono, kadi vo kaminako, nga masumu mafwidi.

9. Kansi vakiakala mono yavumuna, buyakondwa mina, kansi mina bumiayiza, buna masumu makala moyo diaka.

10. Mono yafwa, ye mina miavewa mu dianibu diamoyo, niabakulwa miao, vo miakala miamfwilu kwa mono.

11. Kadi masumu malanga ntangu ye mampengisa mu dianibu diamina ye miampondisa mu miao.

12. Nkiangunu mina miena kwandi mianlongo ye nkondo wanlongo ye wamfonga ye wabiza.

13. Buna lekwa biambote imfwilu amie? Kabwako, kansi masumu, kidi mamonika vo imasumu, bumatukisa mfwilu ami mu yilekwa yambote, kidi masumu maluta kala masumu beni mu dianibu diamina.

14. Kadi yeto tuzaidi, vo mina miena miampeve, kansi mono inkwa ansuni, yatekwa kwami mu masumu.

15. Kadi kizaidi kwami kii- vangangako, kadi yina yinzolele, kivangangayoko, kansi yina yibelanga, yina ivanganga kwami.

16. Kansi vo ivanganga yindembolo zola, buna mono ngawane ye mina vo miambote.

17. Kansi bwabu kaimono

diakako ivangangayo, kansi masumu mena mu mono mavangangayo.

18. Kadi nzaidi kwami, vo mu mono, imu nsuni ami, kammwena lekwa yabizako; luzolo luena yami, kansi kamu vanga yamboteko.

19. Kadi yina yabiza yinzolele, kivangangayo kwamiko, kansi yina yambi yindenholo zola, ivangangayo kwami.

20. Kansi vo mono ivanganga yina yindembolo zola, buna kaimono diakako ivangangayo, kansi masumu mena yami mavangangayo.

21. Nkiangunu mono yamweni mu mono, bünzolele vanga yambote, mwina wau, vo yambi yikuntatamananga.

22. Kadi iyangalalanga kwami mu mina miaNzambi mu muntu wena mu ngudi.

23. Kansi mbweni kwami mina miankaka mu biela biami minwanisanga mina miadiela diamini ye mikumbakisanga nkole mu mina miamasumu miena mu biela biami.

24. Mono imuntu wampasi beni, nani una kuntanina mu nitu yoyo yamfwilu?

25. Mono ntondele kwami kwa Nzambi mu Yesu Kilisto, Mfumu eto. Nkiangunu mono kibeni inanga wamina miaNza-

mbi mu diela, kansi wamina miamasumu mu nsuni.

### Kapu 8.

*Kakwenani nkongodolo ankanu mu yau bena mu Kilistoko (1—11), nkiangunu katuna vukumukina nsuniko (12—17). Ncita zanza yayi zina vinguswa mu nzitusu mu zulu (18—22). Mpumukunu zabana baNzambi (23—27). Nsodolo (28—30). Kalekwako kina kutuwambisa mu to-nda kwaKilisto (31—39).*

Nkiangunu bwabu kakwenani nkongodolo ankanu nkutuko mu yau bena mu Kilisto Yesu.

2. Kadi mina miampeve yamoyo mu Kilisto Yesu miavulusa ngeye mu mina miamasumu ye miamfwilu.

3. Kadi yilembana mina, bu-miazeza mu diambu diansuni, yina Nzambi wavangayo, kadi wakongudila masumu nkanu mu nsuni, bukafidisa mwan' andi mu kifwani kiansuni wamasumu ye mu diambu diamasumu,

4. kidi mfongosolo amina yalunga mu yeto tulembolo diatila mu nsuni, kansi tudiatilanga mu mpeve.

5. Kadi bena mu nsuni bena luzolo mu yonso yivwilu kwa nsuni, kansi bena mu mpeve bena luzolo mu yonso yivwilu kwa mpeve.

6. Kadi diela diansuni imfwi-

lu, kansi diela diampeve imoyo ye yenge,

7. kadi diela diansuni ikitanu kwa Nzambi, kadi nsuni kautumamananga mina miaNzambiko ye kaulendiboko.

8. Kansi bena mu nsuni, kabalendi zolana ye Nzambiko.

9. Kansi yeno kaluena mu nsuniko, kansi mu Mpeve, vo luena Mpeve aNzambi mu yeno; kansi vo muntu kondolo Mpeve aKilisto, yandi kavwilu kwa yandiko.

10. Kansi vo Kilisto wena mu yeno, buna nitu vele yifwidi mu diambu diamasumu, kansi mpeve yena moyo mu diambu diamfonga.

11. Kansi vo Mpeve yandiena wafulukisa Yesu mu bafwa yena mu yeno, buna ndiena wafulukisa Kilisto Yesu mu bafwa una vumusa zinitu zeno zamfwilu mu Mpeve andi yena mu yeno.

12. Nkiangunu luzimpangi, katubankwa miamfuka kwa nsuniko mu vukumukina nsuni.

13. Kadi vo luvukumukinanga nsuni, silua fwa, kansi vo luvondanga mavanga manitu mu Mpeve, buna silua vumuna.

14. Kadi babonsoo batuaduswanga kwa Mpeve aNzambi, yau ibana baNzambi.

15. Kadi yeno kaluavutuka tãmbula mpeve yakinanga mu

wongako, kansi luatambula Mpeve yakimwana yitubokilanga: Aba, tata!

16. Yau kibeni Mpeve yitanga kimbangi ye mpeve eto, vo yeto ibana baNzambi.

17. Kansi vo yeto ibana, buna yeto imimvingidi mpe, imimvingidi miaNzambi kansi mimvingidi ye Yesu, vo tulungwa ye yandi, kidi tuazituswa ye yandi mpe.

18. Kadi mono ngieti banza, vo kwama kwantangu zazi kakulendi fwanana ye nzitusu utuna mveswa.

19. Kadi ngunda zalekwa biabionsono biavangwa zeti vingila mbonokono abana baNzambi.

20. Kadi lekwa biabionsono biatatumuswa lufukulu, kamu luzoloko, kansi mu diambu diandiena watatimisabio mu vuvu,

21. kidi lekwa biau kibeni biavuluswa mu lufukulu luakinanga mu mvulusu anzitusu abana baNzambi.

22. Kadi tuzaidi kweto, vo lekwa biabionsono bivumukanga vakimosi ye hiena va kimosi mu minsongo nate ye bwabu.

23. Kansi bilekwa kabiau kibeni kakako, kansi yeto kibeni mpe tuena ntekidi aMpeve, yeto kibeni tuvumukanga mu yeto kibeni ye tueti vingila kimwana, invulusu azinitu zeto.

24. Kadi yeto tuavwa lalulwa mu vuvu; kansi vuvu kieti monika kaivuvuko, kadi kionso kieti mona muntu, mu nki sikakio sila vuvu?

25. Kansi vo tusa vuvu mu yitulembolo mona, buna tuvingilayo mu mvibudulu.

26. Ibobo mpe Mpeve yisadisanga kindakana kweto, kadi bionso bituna lombaa, bonso bufwanane, katuzaidiboko, kansi yau kibeni Mpeve yikutudilanga mvutu mu mpumukunu zilembolo vovakana.

27. Kansi ndiena ufionguninanga mintima, yandi zaidi diela diaMpeve, kadi yau yidilanga banlongo mvutu, bonso buzolele Nzambi.

28. Kansi yeto tuzaidi, vo yau batondele Nzambi, yau batomusunwa yayonsono nitu, iyau babokulwa mu nsavukulu.

29. Kadi yandi wateka savuka ntima mu yau bakateka zaya, kidi yau bakala kifwani kiamwan' andi, mpasi kasemuka mu mpangi zazingi.

30. Kansi yandi wabokila mpe bakateka savukila ntima, yandi wafongisa mpe bakabokila, yandi wazitisa mpe bakafongisa.

31. Nki tunabo vovila? Vo Nzambi wena yeto, buna nani una kutukakila?

32. Yandi walembwa kuta



Mwan' andi mosi, kansi wanye-kula mu diambu diabeto babonsonono, buna vele sika kutukabila yayonsonono ye yandi mpe.

33. Nani una fundisa basolwa kwa Nzambi? INzambi kwandi ufongisanga.

34. Nani indiena una kongudila nkanu? IKilisto Yesu wafwa, inga, yandi wafulukuswa mpe ye wena va lubakala luaNzambi ye ukutudilanga mvutu mpe.

35. Nani una kutuvambisa mu tonda kwaKilisto? Ncita vo kwama vo luzomono vo nsatu vo kimpene vo nsisi vo sabala?

36. Bonso bwasonwa: mu diambu diaku yeto tuvondwanga lumbu kiamvimba. Yetu tuabanzwanga, vo tumameme mamponda.

37. Kansi mu yina yayonsonono yeto tununganga beni mu ndiena watutonda.

38. Kadi nzaidi kwami beni, vo lufwa vo moyo vo zimpofi vo madingizi vo lekwa bina volekwa bina kwiza vo tulendo

39. vo mu kayengele vo mu mpinda vo lekwa biankaka biavangwa bina lembana kutuvambisa mu tonda kwaNzambi kwena mu Kilisto Yesu, Mfumu eto.

## Kapu 9.

*Kiadi kiaPauli mu diambu diaIsaleli (1—5). Nsilulu zaNzambi (6—13). Nsodolo yena mu diambu diakiwuntu kiaNzambi (14—29). Mfonga yakedika yitukanga mu minu, ye baIsaleli bakubwa mu diambu dianchimbudulu au aminu (30—33).*

Mono mpovele kedika mu Kilisto, kivovele makutuko, kadi ntim' ami utanga yami kimbangi mu Mpeve yanlongo,

2. vo kiadi kiakingi kiena yami ye kwama ntangu kanta-ngu mu ntim' ami,

3. kadi mono kibeni nzolele, vo yatumbwa kwa Kilisto mu diambu diazimpangi zami, ibibutu biami biansuni,

4. ibantu baIsaleli, bena kimwana ye nzitusu ye zingwawanu ye mina ye nsambudulu aNzambi ye zinsilulu,

5. ye bena mase matuka Kilisto mu nsuni. Yandi, iNzambi mu lekwa yayonsonono, wasakumunwa kwele mvu kuvutukidi mvu. Amen.

6. Kansi kabwako, vo mambu maNzambi mafuba, kadi babonsonono batuka mu Isaleli kabaIsaleliko,

7. ye kabena kwau banako, babonsonono batuka mu kanda diaAbalami, kansi mu Isaki muna bikwa kanda diaku.

8. Ibwabu, bana bansuni kaibana baNzambiko, kansi yau

bena bana bansilulu, yua bata-ngwanga vo ikanda.

9. Kadi diambu diansilulu idiadi: nsungi yayi bungina kwi-za, buna Sala una kala mwana.

10. Kayandi kakako, kansi Lebeka mpe wayakuswa kwa muntu, iIsaki seto.

11. Kadi bana bukababutwa nkutuko ye kabavanga widi le-kwa kiamboteko vo lekwa kiam-biko, kidi luzolo luaNzambi lukasavukila ntima luasikila: kamu diambu diamavangako, kansi mu ndiena wabokila,

12. buna nkento wakambwa: kota dina kala nanga kwa nleke,

13. bonso bwasonwa: mono yatonda Yakobi, kansi yabela Esau.

14. Buna nki tuna vova? Yilembolo songa yena ye Nzambie? Kabwako.

15. Kadi yandi wavova kwa Mose: mono ilemvukilanga wonso uilemvukilanga ye ifwilanga kiadi kwa wonso uifwilanga kiadi.

16. Nkiangunu kamu diambu diandiena uzolangako, vo ndiena ulambukilanga, kansi mu Nzambi ulemvukilanga.

17. Kadi masonukwa mavovele kwa Falao: mu diambu diadi mono itedemese, kidi ya-songa ngolo zami mu ngeye, mpasi nkumbu ami yazayakana mu ntoto wamvimba.

18. Nkiangunu yandi ulemvukilanga wonso ukazolele ye uvibisanga ntima awonso ukazolele.

19. Bwabu kani siwa vova kwa mono: mu nkiana wakidi tatimisa? Kadi nani weti kaki-dila luzolo luandi?

20. Inga umuntu, unani kwa-ku weti vutula kwa Nzambi? Kadi lekwa kiabumbwa kina vova kwa mbumbi andi: nki unipangidi bwabu?

21. Kadi mbumbi abinzu kenani ngolo mu lubumbakoe, mu vanga mu lubumba lumosi kinzu kiankaka kianzitusu ye kiankaka kikondolo nzitusu?

22. Kansi vo Nzambi, bu-kazolele songa nganzi zandi ye zaikisa lulendo luandi, wavibi-dila mu mvibudulu yangolo binzu biandi bianganzi biakubama mu bungwa,

23. kidi kazaikisa mpe kimevwama kianzitusu andi mu binzu bianlemvo bikateka kubika mu zituswa!

24. Yau bakabokila, iyeto, kamu bayudayo kakako, kansi mu bakondolo nzailu aNzambi mpe,

25. bonso bukavovele mu Osea: balembolo kala bantu bami, ngina bika bantu bami, ye ndiena walembwa tondwa, ngina bika watondwa.

26. Buna kala va vuma va-

vovwa kwa yau: beno kalubantu bamiko; vana siba bikwa bana baNzambi amoyo.

27. Kansi Esaya wabokila kwa Isaleli: nga ntalu abana baIsaleli yifwanane ye nienge wambu, buna finsala-nsala fina lalulwa.

28. Kadi Mfumu una zenga mambu nswalu ye nadede va ntoto.

29. Bonso bwateka kamba Esaya: vo Mfumu Sebaoti katutisila kandako, nga tuakutu kala bonso Sodoma ye tuakutu fwanana ye Ngomola.

30. Buna nki tuna vova? Tuna vova vo: bakondolo nzailu aNzambi balembwa tatamana mfonga, batambula mfonga, imfonga yaminu?

31. Kansi Isaleli watatamana mina miamfonga, kaluaka ku minako.

32. Mu nkiamu? Kadi kabatatamanamio mu minuko, kansi nkievo mu mavanga; yau bata sakuba mu tadi ditelwanga sakuba,

33. bonso bwasonwa: tala, mono ntudidi mu Sioni tadi ditelwanga sakuba ye tadi difwemunswanga, ye' wonso ulekilangadio minu kana vwiswa nsoniko.

## Kapu 10.

*Nkubulu abayudayo idiambu diau (1—13) ye kabalendi kalako (14—21).*

Luzimpangi, ngunda zantim' ami ye ndidulu ami kwa Nzambi mu yau biena, kidi balalulwa.

2. Kadi mono ikubatelanga kimbangi, vo bena vema mu Nzambi, kansi kabeninabo mu nduengako.

3. Kadi bubalembwa zaya mfonga aNzambi, ye batonta vanga mfonga zabau kibeni, buna yau balembwa tumamana mfonga aNzambi.

4. Kadi Kilisto imbanunu amina mu mfonga kwa wonso wonso ulekanga minu.

5. Kadi Mose wasonikina mfonga yatukidi mu mina: mutu wamanamio vanganga sika vumuna mu miao.

6. Kansi mfonga yatukidi mu mina yivovele bwabu: kuvovani mu ntim' akuko vo: nani una baluka kuna zulu? Impila mosi kulumuna Kilisto,

7. vo: nani sika kulumuna muna benga? Impila mosi tombula Kilisto mu bafwa.

8. Kansi mfonga nki yivovele? Mambu mena yaku lukufi mu nwa aku, ye mu ntim' aku, imambu maminu matukamanga.

9. Kadi vo ngeye utanga

mu nwa aku, vo Yesu iMfumu, ye ulekanga minu mu ntim' aku, vo Nzambi wafulukisa yandi mu bafwa, buna una lalulwa.

10. Kadi mu ntima muleku-lwanga minu mu mfonga, kansi mu nwa mutelwanga mu lalulwa.

11. Kadi masonukwa mavovele: wonso ulekilanga yandi minu kana vwiswa nsoniko.

12. Kadi kakwenani diswaswana ye bayudayo ye baeleneko, kadi imosi yena Mfumu ababonsono wena wamvwama mu babonsono bakumbokilanga.

13. Kadi wonso ubokilanga nkumbu aMfumu una lalulwa.

14. Bwe siba bokila ndiena ubalembolo lekila minu? Bwe siba leka minu mu ndiena ubalembolo wila? Bwe siba wa, vo muntu kana longako?

15. Bwe siba kamba, vo kabafiduswako? Bonso bwasonwa: engwa, kiese kiena ye malu mabakambanga nsamu wambote mu lekwa biambote.

16. Kansi babonsono kabatumamana nsamu wamboteko, kadi Esaya wavova: Mfumu, nani lekele minu mu ndongolo zeto?

17. Nkiangunu minu kieti tuka mu ndongolo ye ndongolo mu mambu maKilisto.

18. Kansi mono mpovele: kabawilukoe? Bawilu kwau. Ndingunu zau zawakana mu ntoto

wawonsono ye mambu mau nate ye nsukulu zantoto.

19. Kansi mpovele kwami: Isaleli kadi walembwabo vise? Mose wateka vova: mono ngina kuluvemisa kwa bantu balembolo kala bantu ye kulufwemisa kwa bantu babuzengi.

20. Kansi Esaya katinako, wavova kwandi: mono yamonwa kwa balembwa kuntomba ye mono yazayakana kwa balembwa kungiuvula.

21. Kansi yandi wavova mu Isaleli: lumbu kiamvimba mono ilambulanga moko mami kwa bantu bakolamanga ye babangisanga.

## Kapu 11.

*Mcibusu abaIsaleli (1—10), kansi ndalulu abakondolo nzailu aNzambi yitukisanga ndalulu abaIsaleli mpe (11—16), nkiangunu baIsaleli bana rutuka tambulwa (17—36).*

Nkiangunu mpovele: kadi Nzambi wakuba bantu bandie? Kabwako, kadi mono mpe inkwa aIsaleli mu kanda diaAbalami ye mu kanda diaBeniami.

2. Nzambi kakuba bantu bandi bakateka zayako. Kani kaluzaidi enokoe, bonso buvovele masonukwa mu Elaya, bonso bukafundisa Isaleli kwa Nzambi?

3. Mfumu, yau bavonda minkambi niaku ye batulula masalu maku, mono kwami kaka

nsisulu, ye beti tomba mwel'ami.

4. Kansi bwe kavutulwa kwa Nzambi? Mono nsisidi kwa mono kibeni mafunda nsambodia mababakala balemholo fukama kwa Bali.

5. Ibobo mpe mu lumbu biabi musidi kwandi finsala-nsala fiasolwa mu nlemvo.

6. Kansi vo mu diambu dianlemvo, buna kamu mavangako, nga nlemvo kaukutu kala nlemvoko.

7. Kansi buna bwe? Yitombanga Isaleli, kamweniyoko, kansi basolwa batambulayo, ye bankaka baviba mintima.

8. Bonso bwasonwa: Nzambi wabavana mpeve yatulu ye meso, kabidi mona, ye matu, kabidi wa nate ye lumbu kiaki.

9. Ye Davidi wavova: bika meza mau makituka siongi ye ntambu ye kunia ye mvutudulu andinda kwa yau.

10. Bika meso mau mabwi-lwa tombe, kabidi mona, ye bika wa koninika manima mau lumbu yayonso.

11. Nkiangunu mpovele kwa mi: kani bata sakuba, kidi babwe? Kabwako, kansi mu nkanu miau mutukidi ndalulu kwa banzenza kidi bavemuswa.

12. Kansi vo nkanu miau miakituka kimvwama kianza, ye mbedolo au yakituka kimvwa-

ma kwa banzenza, buna luza-dusu luau vele luna luta mu nene.

13. Kansi mono mpovele kwa yeno lubanzenza: nkiangunu bungiena ntumwa kwa banzenza, mono izitisanga salu kiam.

14. Kadi kani sia lenda vemisa bantu bena nsuni umosi ye mono, mpasi yalalula bankaka.

15. Kadi vo nkubulu au imbwilu akodi kwa nza, buna ntambudulu au vele yina kala moyo mu bafwa.

16. Kadi vo ditekele diena dianlongo, buna mampa mamonsono manlongo mpe. Vo mianzi miena mianlongo, buna mavalala manlongo mpe.

17. Kansi vo mavala manka-ka mavwidi tolulwa, kansi ngeye inti wamfinda wamazi wakunwa ye mau mu nti ye wena ntuali ye mazi mianzi mianti wamazi,

18. buna kuyandani mu mavalako, kansi vo una yanda, ngeye kunatanga mianziko, kansi mianzi minatanga ngeye.

19. Kani siwa vova: mavala matolulwa, kidi yakunwa mu nitu anti.

20. Ibobo kwandi, mau matolulwa mu diambu diandimbulu aminu, kansi ngeye weti

telama mu minu. Kututani mba-yako, kansi kala wonga.

21. Kadi vo Nzambi lembolo kuta mavala manti, buna keti kana kukuta mpeko.

22. Nkianguu tala wote wa-Nzambi ye nganzi-zandi, nganzi kwa babwa, kansi wote waNzambi kwa ngeye, vo una sala mu wote, kadi vo kabwako, buna siwa kendwa.

23. Kansi yau mpe bana kunwa mu nti, vo kabana sala mu ndimbulu aminuko, kadi Nzambi lenda vutuka kubakuna mu nti.

24. Kadi vo ngeye wakendwa mu nti wamfinda wamazi ye wakunwa mu nti wamazi mabiza, bonso bulembolo kala fu, buna vele baba, imavala manti wabiza, bana kunwa mu wau nti wamazi.

25. Kadi luzimpangi, kizoleleko, vo luna lembwa zaya mambu mama mansweki, kaluidi kala nduka mu yeno, vo Isaleli wawwa vibuswa mu ndambu, nate ye luzadusu luabanzenza luna mana lunga.

26. Buna Isaleli wamvimba una lalulwa, bonso bwasonwa: mu Sioni muna tuka ndiena ulalulanga, yandi una katulaya-yibi mu Yakobi.

27. Lolo iluwawanu ye yau, bungina katula masumu mau.

28. Yau imintantu mu dia-

mbu dieno mu nsamu wambote, kansi mu nsodolo yau batondwa mu diambu diamase.

29. Kadi minkailu mianlemvo miaNzambi ye nsodolo andi kabilendi niongunwako.

30. Kadi bonso yeno mpe ntama luakolama kwa Nzambi, kansi bwabu lualemvukulwa mu diambu diankolomono au.

31. Ibobo baba mpe bakolama, kidi balemvukulwa mu nlemvo una ulualemvukulwa.

32. Kadi Nzambi wayambula babonsono bakolama, kidi kalemvukila babo.

33. Engwa, mpinda akimvwa-ma ye zinduka ye nzailu bia-Nzambi! Bonso bwalembakana yindulwa nkongodolo zandi ye bakulwa nzila zandi.

34. Kadi nani wazaya diela diaMfumu, vo nani inluengisi andi?

35. Vo nani wateka kumvana lekwa, kidi kafutwakio?

36. Kadi lekwa yayonsono yatuka kwa yandi ye mu yandi ye mu diambu diandi. Nzitusu kwa yandi kwele mvu kuvutukidi mvu! Amen.

## Kapu 12.

*Ndubudulu zampila mu mpila (1—16) ye bonso butuna kalasana ye mintantu (17—21).*

Nkiangunu mono ilulubula, luzimpangi, mu biwuntu biaNzambi, kidi luayekula zinitu zeno nkailu wamoyo adisalu ye wanolongo ye wazolwa kwa Nzambi, insambudulu eno yanduka.

2. Kaluvukumukinani nza yayiko, kansi lukituka mu mpi-lulu amadiela meno, kidi lua-tonta yonso yena luzolo lua-Nzambi, iyina yena yabiza ye yatondwa ye yalunga.

3. Kadi mu nlemvo uyave-wa, mono mpovele kwa yeno buna luena, vo kaluna kukibalula mu mabanza menoko, kansi lukukibanzila bonso bufweni ye lubanza bwanginunu, bonso bwakaba Nzambi tezo kiaminu kwa muntu muntu.

4. Kadi bonso butuena biela biabingi mu nitu yimosi, kansi biela biabionsono kabiena salu kimosiko,

5. ibuna yeto babingi initu yimosi mu Kilisto, kansi muntu muntu tuvwilu biela biantuadi,

6. ye tuena nkailu mianlemvo miampila mu mpila, bonso bwena nlemvo utuavewa: vo mu kamba lekwa yavita kwiza, bonso bwena minu,

7. vo mu sala mu dibundu mu salu kiadibundu, vo ndiena ulonganga mu salu kiandongila,

8. vo ndiena ulubulanga mu salu kiandubudila; uvananga

kavana mu kimpombo, uyalanga kasabo mu vema, ulemvukilanga kasabo mu kiese.

9. Tonda kuna kondwa lisu kungsi alukaya. Lutina yambi, lutatamana yambote.

10. Lutondasana mu tonda kwazimpangi. Lulutasana mu zitisa.

11. Kalukalani fuki mu vemako, lulema mu mpeve, lukala minanga miaMfumu.

12. Luyangalala mu vuvu, luvibidila ncita, lutatamana mu sambila.

13. Lukala mbundulu yantuadi ye nsatu zabanlongo, lutatamana mu dikila banzenza.

14. Lusakumuna bakuluzomanga, lusakumuna, kalufinganiko.

15. Luyangalala ye bantu bayangalala, ludila ye bantu badila.

16. Lukalasana diela dimosi, kaluzinani moyo mu lekwa yayineneko, kansi luzina moyo mu lekwa yayike. Kaluna kalanduka zantandu amesoko.

17. Kaluvutulani yambi mu yambi kwa muntuko, kansi luzina moyo mu yonso yena yambote mu meso mabantu babonsono.

18. Vo lulenda, vo idiambu dieno, lukalasana yenge ye bantubabonsono.

19. Lubatondwa, kalukivu-

tudilani ndindako, kansi luva-na nganzi fulu, kadi kwaso-nwa: Mfumu vovele: ndinda wena yami, mono nginawo vutula.

20. Kansi vo ntantu aku weti fwa nsatu, undikila, vo weti fwa nsatu anlangu, umvanawo, kadi buunabo sa, siwa yonzika makala matia va ntandu antu andi.

21. Kubeduswani kwa yayibiko, kansi bedisa yambi mu yambote.

### Kapu 13.

*Ntumumunu kwa minyadi* (1—6), *mfutulu amfuka zazonsono* (7—10), *ndiatulu yamfonga* (11—14).

Muntu muntu una tumama-na minyadi miena lulendo, kadi kakwenani minyadiko, mialembwa yaduswa kwa Nzambi, kansi minyadi miena, miayaduswa kwa Nzambi.

2. Nkiangunu ukolamanga kwa minyadi, yandi ukakilanga mpangulu aNzambi, kansi bakakilayo bana tambula nkongodolo.

3. Kadi minyadi kamienna mu tinisa mavanga mabizako, kansi mavanga mambi. Zolele kwaku lembwa tina minyadie? Buna vanga yambote, ye ngeye siwa si kwa kwa miau.

4. Kadi miau ibisielo biaNzambi mu biza kwa ngeye, kansi vo una vanga yambi, buna ti-

na kwaku, kadi miau kamienna sabala mu nkatuko, kansi ibisielo biaNzambi bivutulanga ndinda mu nganzi kwa bava-nganga yambi.

5. Nkiangunu natumami kamu diambu diandinda kakako, kansi mu diambu diantima.

6. Ibila kilufutilanga mpaku mpe, kadi miau ibisielo biaNzambi, ye mu diambu diodio misalanga lumbu kalumbu.

7. Lufuta mfuka zeno kwa babonso: mfutu kwa vwidi mfutu, mpaku kwa vwidi mpaku, wonga kwa fweni mu wonga, nzitusu kwa fweni mu zituswa.

8. Kaluvuwani mfuka kwa muntuko, kansi tondasana kaka, kadi wonso utondanga mfinangani andi, yandi wamana mina.

9. Kadi mambu mama: kuyanganiko, kubemaniko, kuyibaniko, kuzinani moyoko, ye wonso mwina wankaka mibundasana mu mambu mama bonso bwabu: ngeye una tonda mfinangani aku, bonso buukukitondanga.

10. Tonda kakuvanganga yambi kwa mfinanganiko, nkiangunu tonda imbanunu amina.

11. Ibuna, buluzaidi ntangu, intangu yalueki, buluna sikama, kadi ndalulu eto yakala ntama, butualeka minu, kansi bwabu yena lukufi.

12. Fuku dieka mu suka



ye mwini weka lukufi, nkiangu-nu bika tuabembika mavanga matombe ye vwata biluazu biakia.

13. Bika tuatoma diata nkievo mu-mwini, kaluna diata mu makinu ye kinduvuko, kamu ngiangulu ye kindiafuko, kamu zonza ye nsokiko,

14. Kansi luvwata Mfumu Yesu Kilisto ye kaluyundulani nitu mu zininako.

#### Kpau 14.

*Bonso butuna kalasana ye bena kindakana mu minu (1—12) ye lombwa fwemisa muntu (13—23).*

Wonso wena kindakana mu minu, luntambula, kamu diambu diakongudila mabanzako.

2. Umosi ulekanga minu vo lenda dia yayonso, kansi wena kindakana udianga mbongo zankunzu.

3. Udianga kana tungudila ndiena ulembolo diako, ye lembo-lo dianga kana kongudila ndiena udiangako, kadi Nzambi wantambula.

4. Ngeye unani kwaku, buweti kongudila sielo kiangana? Yandi una telama vo bwa kwa yandi Mfumu, kansi una telama, kadi Nzambi wena ngolo mu kuntedimisanga.

5. Kadi umosi uswaswasanga lumbu mu lumbu, wankaka ubanzanga vo lumbu biabionsono

mpila mosi. Babonso bika bakala navie mu madiela mau.

6. Ubanzanga lumbu, bika kabanzilakio mu Mfumu, udianga, yandi udianga mu Mfumu, kadi utondanga kwa Nzambi; wonso ulembolo, yandi ulembolo mu Mfumu ye utondele kwa Nzambi.

7. Kadi buna tuena muntu kavumunanga mu yandi kibeniko, ye muntu kafwanga mu yandi kibeniko.

8. Kadi vo tuvumuna, buna tuvumunina mu Mfumu, ye vo tufwa, tufwila mu Mfumu, nkiangu, vo tuvumuna vo tufwa, tuvwilu kwa Mfumu.

9. Kadi mu diambu diodio Kilisto wafwa ye wavumununa, kidi kakala Mfumu abafwa ye bavumuna.

10. Kansi ngeye mu nkiana weti kongudila mpangi aku? Ye ngeye mpe, mu nkiana weti tungudila mpangi aku? Kadi yeto babonso tuna telama vana kiandu kiaNzambi kiankongodolo.

11. Kadi kwasonwa: Mfumu vovele: kedika mu kedika, buvumuna, makungunu mamonso-no mana fukama kwa mono, ye tudimi tuatonsono tuna sika Nzambi.

12. Nkiangu buna tuena situa zenga mambu meto, mu-

ntu ye mandi, muntu ye mandi mambu kwa Nzambi.

13. Nkiangunu katuvutukani kongasanako, kansi lukongudila vele bwabu: muntu kana fwe-misa vo sindisila mpangi andiko.

14. Nzaidi ye yazaikuswa mu Mfumu Yesu, vo lekwa nku-tu kakiena kiasumunwa kiau ki-beniko, kansi ubanzilangakio vo kiasumunwa, yandi wena ye kio kiasumunwa.

15. Kadi vo mpangi aku ye-na kiadi mu diambu diadia kwa-ku, buna kudiatanga mu tonda-ko. Kubungani ndiena wafwi-lwa kwa Kilisto mu diambu diadia kwakuko.

16. Nkiangunu kaluyambu-lani lekwa bieno biabiza bi- vwezwa.

17. Kadi kimfunu kiaNza-mbi kaidia ye ndwinuko, kansi imfonga ye yenge ye kiese mu Mpeve yanlongo.

18. Kadi wonso usadilanga Kilisto mu mambu momo, ya-ndi uzolananga ye Nzambi ye udanuswanga kwa bantu.

19. Nkiangunu bika tuala-mbukila yonso yitukisanga ye-nge ye ntungusunu eto.

20. Kalutululani salu kia-Nzambi mu diambu diadiako. Lekwa yayonsono yavedila, kan-si muntu una udianga mu mfwe-moso, yandi wena ye yo yambi.

21. Busongele kwandi, vo u-

na lembwa dia mbizi ye nwa vinia ye vanga lekwa kifwemi-sanga mpangi aku.

22. Minu kiena yaku, keba-kio ngeye kibeni mu Nzambi. Kiese kiena ye lembolo kuki-kongudila mu yoyo yikafontele, vo yisongele.

23. Kansi wonso wena yeku-yeku yandi una kongudulwa vo kadia, kadi kavengibo mu mi-nuko, kansi yayonsono yiko-ndolo minu imasumu kwandi.

## Kapu 15.

*Ndubudulu mu kalasana yenge (1—13). Pauli wabakamba bila kikalubudila bobo, imu diambu diasalu kiandi kiakintumwa (14—21), wazola vioka vata diau, bukana kwe-nda kuna Spania (22—33).*

Kansi yeto tuasiamu, situa sa nata kindakana kwabantu bakindakana ye lembwa vanga lueto luzolo.

2. Buna tuena tuna tonta vanga luzolo luamfinangani zeto mu biza mu ntungulu.

3. Kadi Kilisto mpe kava-nga luandi luzoloko, kansi bonso bwasonwa: ntiakulu zau ziba-kutiakilanga zandakumukina.

4. Kadi yayonsono yateka so-nwa, yasonwa mu ndongolo zeto, kidi tuakala vuvu mu mvibu-dulu ye mbombolo bitukanga mu masonukwa.

5. Kansi Nzambi amvibudu-

lu ye mbombolowaluvana lua-kalasana diela dimosi bonso Kilisto Yesu,

6. kidi luasika Nzambi ye se diaMfumu eto Yesu Kilisto mu diela dimosi nkievo mu nwa umosi.

7. Nkiangunu lutambasana, bonso Kilisto walutambula mu nzitusu aNzambi.

8. Kadi mono mpovele, vo Kilisto wasadila nzabudulu mu diambu diakedika kiaNzambi mu siamisa nsilulu zasilwa mase,

9. kansi banzenza bazitisa Nzambi mu diambu diakiwuntu, bonso bwasonwa: mu diambu diodio sia kusika mu banzenza ye yimbila nkumbu aku.

10. Diaka kwavovwa: yeno lubanzenza, luyangalala kweno ye bantu bandi.

11. Diaka mpe vo: beno babonsono lubanzenza, lusika Mfumu, ye bantu babonsono, lunzitisa.

12. Esaya vovele diaka: Imwanzi waYese kwandi, ye yandi una telama mu yala banzenza, iyandi una silwa vuvu kwa banzenza.

13. Kansi Nzambi avuvu bika kalufuluza mu kiesa kionsono ye yenge mu minu, kidi luabuka mu vuvu mu ngolo zaMpeve yanlongo.

14. Mono kibeni yabakula mu yeno, npangi zami, vo yeno kibeni mpe lufulukanga mu mavanga mambote ye luzalanga kwa nzailu yayonsono ye lulenda lubasana mpe.

15. Kansi mono nsonene mu kibakala kwa yeno mu mambu mankaka, kidi yalubambula moyo mu diambu dianlemvo una wampana Nzambi,

16. kidi yakala sielo kia Yesu Kilisto mu banzenza, buisalanga salu kiansamu wambote waNzambi, mpasi banzenza bakala nkailu wazolwa ye watomuswa mu Mpeve yanlongo.

17. Nkiangunu mono ngiena nsikulu yoyo mu Kilisto Yesu mu lekwa biaNzambi.

18. Kadi mono kina lenda vova lekwako kialembwa vanga Kilisto mu mono mu diambu diavanga banzenza batumama mu mambu ye mu mavanga,

19. mu lulendo luamangu ye mu lekwa bianzenza mu lulendo lua Mpeve aNzambi, kadi yameni kamba nsamu wambote waKilisto tuka mu Yelusalemi ye mu kimfini nate ye kuna Ililiko.

20. Kadi nzitusu ami wau mu kamba nsamu wambote valembolo kambwa nkutu nkumbu aKilisto, kidi yalembwa tunga va lufulu luangana,

21. kansi bonso bwasonwa: yau balembwa kambwa diambu mu yandi, yau bana mona, ye balembwa wa, yau bana visa.

22. Nkiangunu mono yakanukunwa nkanukunwa zazingi mu kwiza kwa yeno,

23. kansi bwabu bundembo-  
lo vutuka baka muma mu nsi  
zazi, ye hungiena ngunda mvu  
miamingi mu kwiza kwa yeno,

24. buna bungina kwenda  
kuna Spania: sia luaka kwa yeno,  
kadi vuvu kiena yami, vo ngina  
kulumona, bungina vioka ye fi-  
lwa kwa yeno bumbadikidi vonga  
mu yeno.

25. Kansi bwabu sia kwe-  
nda kuna Yelusalemi mu sadi-  
la bantu banlongo.

26. Kadi mu Makedonia ye  
Akaya bazolele yonzika mbo-  
ngo kwa . bamputu bena ye ba-  
nlongo muna Yelusalemi.

27. Kadi yau bazolelebo ye  
bavwilu mfuka kwa yau, kadi  
vo banzenza bena yau ituadi  
mu lekwa biampeve, buna yau  
mpe bana kubasadila mu le-  
kwa biau biamvukila.

28. Kansi bunginabo mana  
ye luakisa yonzokolo kiaki, bu-  
na ngina kwenda vioki mu di-  
vata dieno kuna Spania.

29. Kansi nzaidi kwami, vo  
bungina kwiza kwa yeno, sia  
kwiza ye luzadusu luansaku-  
munu mu Kilisto.

30. Kansi luzimpangi, mono  
ikululeba mu Mfumu eto Yesu  
Kilisto ye mu tonda kwaMpeve,  
kidi luanwana yami mu tusa-  
mbulu tueno mu mono kwa  
Nzambi,

31. kidi yatanunwa mu mi-  
nkolami mu Yudaya, mpasi  
lusadusu luami luatambulwa  
mu tonda kwa banlongo mu  
Yelusalemi,

32. kidi yaluaka kwa yeno  
mu kiese mu luzolo luaNzambi  
ye yangalala vakimosi ye yeno.

33. Kansi Nzambi ayenge,  
bika kakala ye yeno babonsono!  
Amen.

## Kapu 16.

*Ntambudulu abusi kieto Febe (1—  
2). Nkambulu amavimpi (3—23) ye  
nsikulu aNzambi (24—26).*

Kansi mono ikulutambika  
busi kieto Febe, isiolo kiadibu-  
ndu diena mu Kenkelea,

2. kidi luatambula yandi mu  
Mfumu, bonso bufweni kwa  
bantu banlongo, ye lusadisa  
yandi mu yonso yikenina ye-  
no nsatu, kadi yandi kibeni  
mpe wasadila babingi ye mono  
kibeni mpe.

3. Lukamba mavimpi kwa  
Pisikila ye Akila, ibisadi yami  
mu Kilisto Yesu.

4. Yau bazola zengwa ma-  
laka mau mu diambu diamoyo  
ani, ye kamono kakako iku-

batondanga kansi mabundu mamonso mabantu banzenza.

5. Lukamba mavimpi mpe kwa dibundu diena mu nzo au. Lukamba mavimpi kwa Epaineto, intondolo ami ye intekidi aKilisto mu Asia.

6. Lukamba mavimpi kwa. Malia walusadila beni.

7. Lukamba mavimpi kwa Andoloniko ye Yunia, ibibutu biami ye zinkole yami. Yau bazayakana mu zintumwa ye batekila mono mu Kilisto.

8. Lukamba mavimpi kwa Ampilia, intondolo ami mu Mfumu.

9. Lukamba mavimpi kwa Ulubanu, ikisadi yeto mu Kilisto, ye Staki, intondolo ami.

10. Lukamba mavimpi kwa Apele watontwa mu Kilisto. Lukamba mavimpi kwa baAlistobulo.

11. Lukamba mavimpi kwa Helodioni, ibutu kiami. Lukamba mavimpi kwa baNalakiso bena mu Mfumu.

12. Lukamba mavimpi kwa Tilifena ye Tilifosa basalanga mu Mfumu. Lukamba mavimpi kwa Pelesida watondwa ye wasedi beni mu Mfumu.

13. Lukamba mavimpi kwa Lufo wasolwa kwa Mfumu ye kwa mbut' eto beto yandi.

14. Lukamba mavimpi kwa

Asinkilito ye Felengo ye Heleme ye Pataloba ye Helema ye zimpangi zena yau.

15. Lukamba mavimpi kwa Filolongo ye Yulia ye Nelea ye busi kiandi ye Olimpa ye banlongo babonso bena yau.

16. Lukambasana mavimpi mu mfibulu yanlongo. Mabundu mamonso maKilisto malufidisi mavimpi.

17. Luzimpangi, mono ikuleba luakenga yau bavambisanga ye bavengisanga ndongolo yilualongwa; ye luvambana ye yau.

18. Kadi yau kaibisielo bia-Mfumu eto Yesu Kilistoko, kansi biavumu biau. Yau bapupikanga mintima miabantu batotalala mu nkungu zantandu ameso ye lusikulu.

19. Kadi lutumumunu lueno luawakana kwa babonso Nkiangunu mono iyangalala mu yeno, kansi nzolele kwami, vo luna kala nduka mu yambote ye totalala mu yambi.

20. Kansi Nzambi ayenge una kula fotikisa satana kansi amalu meno. Nlemvo waMfumu eto Yesu Kilisto bika wakala yeno!

21. Timotio ikisadi yami ye Lukio ye Yasoni ye Sosipatalo, ibibutu biami, balufidisi mavimpi.

22. Mono Teletio nsonekene

nkanda wau, ilufidisi mavimpi mu Mfumu.

23. Ngayo, indikidi ami ye wadibundu diamvimba, ulufidisi mavimpi. Elasto, inkebi ambongo zavata, ye Kwalato, impangi, balufidisi mavimpi.

24. Kansi ndiena ulenda kulusiamisa mu nsamu ami wambote ye mu ndongolo aYesu Kilisto, bonso bwenina nzaikusu amambu maswekwa mandi-

kulwa ndinga mvu kamvu,

25. kansi bwabu mazaikuiswa, ye mu masonukwa maminikambi, bonso bwakamba Nzambi ukaumani, mau makambwa mu banzenza mu lutumumunu luaminu.

26. Nzambi yandi kwandi kaka wanduka mu Yesu Kilisto, bika kazituswa kwele mvu kuvutukidi mvu! Amen.

## Nkanda wantete waPauli kwa bisi Kolinto.

### Kapu 1.

*Mbadukulu (1—3). Pauli waya-ngalala mu diambu diabisi Kolinto (4—9) ye wabalubula (10—17) ye wabalonga, bweni ngolo zansamu wambote (18—25) ye bonso kwasola Nzambi bakondolo mvila yandanu (26—31).*

Pauli, wabokulwa mu kala ntumwa aKilisto Yesu mu luzolo luaNzambi, ye Sostene, mpangi,

2. kwa dibundu dina diena mu Kolinto, bavangulwa mu Kilisto Yesu ye babokulwa banlongo ye babonsono babokilanga nkumbu aMfumu eto. Yesu Ki-

listo mu muma mwamonsono mwau ye mweto.

3. Nlemvo bika wakala yeno ye yenge kiaNzambi, iseto, ye Mfumu Yesu Kilisto!

4. Mono ntondele kwa Nzambi ami lumbu kalumbu mu yeno mu diambu dianlemvo waNzambi uluavewa mu Kilisto Yesu,

5. vo yeno luakituka kimwama mu yandi mu yayonsono, mu mambu mamonsono ye nzailu yayonsono,

6. bonso kwasiamuswa kimbangi kiaKilisto mu yeno,

7. mpasi lualembwa zimuni-na mu nkailu anlemvo nku-tu, buluvingilanga mbonokono aMfumu eto Yesu Kilisto,

8. una kulusiamisa mpe na-te ye nsukulu, kidi lualembwa tatumuswa nkanu nkutu mu lum-bu kiaMfumu eto Yesu Kilisto.

9. Nzambi wena wakwikama, ye mu yandi luabokulwa mu kala ntuadi ye mwan'andi Yesu Kilisto, Mfumu eto.

10. Kansi luzimpangi, mono ikululeba mu nkumbu aMfu-mu eto Yesu Kilisto, kidi ye-no babonsono luavova mambu mamosi, kamwidi kala luva-mbanu mu yenoko, kansi lu-mana lunga mu diela dimosi ye mbanzulu yimosi.

11. Kadi, luzimpangi zami, mono yakambwa mu yeno kwa bantu baKoloe, vo yeno luena mpaka.

12. Idiadi ngieti banza, vo yeno buna luena lueti vova: mono mwilu kwa Pauli, kan-si mono kwa Apolo, kansi mono kwa Kefa, kansi mono kwa Kilisto.

13. Kadi Kilisto wakabwe? Kadi Pauli wakomwa va kulunsi mu yeno, vo luabotukwa mu nkumbu aPaulie?

14. Ntondele kwami kwa Nzambi, vo kiabotika yeno bu-na luenako, kansi Kilispo ye Ngayo kaka,

15. kidi muntu nkutu kana vovako, vo luabotukwa mu nkumbu ami.

16. Mono yabotika baStefa-na mpe, mboki kizaidiko, vo yabotika muntu wankaka.

17. Kadi Kilisto kamfidisa mu botikako, kansi mu longa nsamu wambote, kamu mambu mandukako, mpasi vo kulunsi diaKilisto kadina siwa dianka-tuko.

18. Kadi mambu makulunsi mena buzengi kwa yau bala-langa, kansi mena ngolo za-Nzambi kwa yeto tuna lalulwa.

19. Kadi mwasonwa: mono sia fubisa nduka zabantu ba-nduka ye vunza mpisulu aba-ntu bavisanga.

20. Muntu wanduka kwe kena? Zaidi masonukwa kwe kena? Nkwa anduenga zanza yayi kwe kena? Kadi Nzambi kakitula nduka zanza yayi bu-zengikoe?

21. Kadi mu nduka nza yalembanana zayila Nzambi mu nduka zandi, buna Nza-mbi wazola lalula mu ndongo-lo zabuzengi, baleka minu,

22. kadi bayudayo balomba-nga bimangu ye baelene bato-mbanga zinduka,

23. kansi yeto tukambanga Kilisto wakomwa va kulunsi, imfwemoso kwa bayudayo ye buzengi kwa banzenza,

24. kansi kwa yau kibeni babokulwa, ye bayudayo ye baelene, Kilisto ingolo zaNzambi ye nduka zaNzambi.

25. Kadi biena buzengi mu Nzambi bilutidi bantu mu nduka, ye biena kindakana mu Nzambi bilutidi bantu mu ngolo.

26. Kadi, luzimpangi, lutala mbokolo eno, kadi bafiuma bena nduka zansuni ye bafiuma bena zingolo ye bafiuma bena mvila yandanu,

27. kansi Nzambi wasola biena buzengi mu nza, kidi kavwisa banduka nsoni, ye Nzambi wasola biena kindakana mu nza, kidi kavwisa bena ngolo nsoni,

28. ye Nzambi wasola bakondolo mvila yandanu ye batungudulwanga ye balembolo kala lekwa, kidi kabunga bena ma,

29. mpasi nsuni nkutu kaula kukisika kwa Nzambiko.

30. Kansi yeno luena mu diambu diandi mu Kilisto Yesu watukitukila nduka mu Nzambi ye mfongoso ye ntomoso ye mvulusu,

31. kidi bonso bwasonwa: wonso ukukisika bika kakisika mu Mfumu.

## Kapu 2.

*Ndongolo zaPauli zena mbangula (1—5). Nsamu wambote induka zaNzambi (6—10).*

Luzimpangi, mono buyalua-ka kwa yeno, kialuaka kwamiko mu diambu diakulukamba kimbangi kiaNzambi mu ndutulu zamambu ye ndukako,

2. kadi mono kiasako, vo yazaya lekwa kiankaka ye yeno, kansi Yesu Kilisto kaka, iyandi wakomwa va nti.

3. Ye mono yakala ye yeno mu kindakana ye wonga ye zakana kwakwingi.

4. Mambu mami ye ndongolo zami kabiakala mu mambu manduka mandungusunuko, kansi mu mbangudulu aMpeve ye yangolo,

5. kidi minu kieno kakina kala mu nduka zabantuko kansi mu ngolo zaNzambi.

6. Yeto tuvovanga mpe nduka kwa yau bamana fwana, kansi induka zilembolo vuwa kwa nza yayi vo kwa bakuluntu banza yayi bana fuba.

7. Kansi tuvovanga nduka zaNzambi zaswekwa zalem bunwa zaya zakisavukila Nzambi ntima mu nzitusu eto, nza buyalembwa vangwa,

8. induka zalem bwa zaya bakuluntu banza buna bena, nga bazayazo, nga kabakoma Mfumu anzitusu va kulunsiko.

9. Kansi bonso bwasonwa: kilembolo mona disu nkutu, ye kilembolo wa kutu nkutu, ye kilembolo banza ntima nkutu, iki-



na kiakubika Nzambi kwa yau bakuntondanga.

10. Kansi Nzambi watuzai-kisakio mu Mpeve, kadi Mpeve yibakulanga yayonso, inga mpinda za Nzambi mpe.

11. Kadi bantu buna bena nani zaidi bionso biena mu muntu, vo kampeve amuntu yena mu yandiko? Ibobo muntu nku-tu kazaidi biena mu Nzambiko kansi Mpeve a Nzambi kaka.

12. Kansi yeto katuata-mbula mpeve yanzako, kansi mpeve yatuka mu Nzambi, kidi tuazaya yituavewa kwa Nzambi,

13. iyina yituvovanga, kamu mambu malongwa kwa zinduka zabantuko, kansi mu mambu malonganga Mpeve, butufwani-kisanga mambu mampeve mu lekwa biampeve.

14. Kansi muntu wansuni kavisanga lekwa bia Mpeve a Nzambiko, kadi yandi usangabio vo buzengi, ye kalendibio visako, kadi bina fiongununwa mu Mpeve.

15. Kansi muntu wa Mpeve ufionguninanga yayonso, kansi kafiongununwanga kwa muntuko.

16. Kadi nani wazaya die-la dia Mfumu, kidi kalenda kunlongisila? Kansi yeto tuena die-la dia Kilisto.

### Kapu 3.

*Pauli wabasongisila, vo yandi ye Apolo ibisielo kaka (1—9) ye vo yandi watula hifuhi, ye bankaka batungalo (10—15). Wabahubula mu lembwa bunga nzo a Nzambi, idibundu (16—23).*

Luzimpangi, mono kialenda vova kwa yenoko bonso vo kwa bankwa miampeve, kansi bonso vo bankwa miansuni, bonso vo bana bansombe mu Kilisto.

2. Mono yaluvana mamvumina mu nwa, kadia kwandiako, kadi kalualendakoko, inga bwabu mpe kalulendikoko,

3. kadi ye mu bwabu yeno ibankwa miansuni. Kadi bulue-na nsoki ye zonza, kadi buna kalubankwa miansunikoe ye ludiatilanga kimuntu?

4. Kadi umosi bukavovele: mono mvwilu kwa Pauli, kansi wankaka vo: mono mvwilu kwa Apolo, kadi buna kaluena kimuntukoe?

5. Nkiangunu Apolo inani? Kansi Pauli inani? Yau ibisielo bialulekisila minu, muntu muntu bonso bukavewa kwa Mfumu.

6. Mono yakuna, ye Apolo watula nlangu, kansi Nzambi wamenisa.

7. Nkiangunu ukunanga kialekwako, utulanga nlangu kialekwako, kansi Nzambi ume-nisanga.

8. Ndiena ukunanga ye ndie-

na utulanga nlangu umosi kwandi, kansi muntu muntu una tambula wandi mfutu, bonso bwenina kiandi salu,

9. kadi yeto tubisadi ye Nzambi. Yeno iyinza diaNzambi ye ntungulu aNzambi.

10. Mono yatula lufulu, bonso ntungi wanduka, bonso bwenina nlemvo waNzambi uyawe-wa, kansi wankaka wetilo tunga, kansi bika muntu muntu kata-la bonso bukatungalo.

11. Kadi muntu nkutu kalandi tula lufulu luankakako, kansi ilolo luatulwa, iYesu Kilisto.

12. Kansi vo muntu utunganga lufulu lolo mu wola vo palata vo matadi mantalu vo minti vo nianga vo bititi,

13. buna muntu ye kiandi salu kina monika, kadi lumbu kinakio monikisa, kadi kiau kina monika mu tia, ye tia tuna sinza salu kiamuntu muntu, bonso bukienina.

14. Vo salu kiamuntu kikatungilalo kina sala, buna yandi una sendwa.

15. Vo salu kiamuntu kina via, buna yandi una kondwa nsendo, kansi yandi kibeni una lalulwa mpe nkievo mu tia.

16. Kaluzaidikoe, vo yeno inzo aNzambi, ye vo Mpeve aNzambi yena mu yeno?

17. Vo muntu una bunga

nzo aNzambi, buna Nzambi una kumbunga, kadi nzo aNzambi yena yanlongo; yeno mpe ibobo.

18. Muntu nkutu kana kikipupikako; buna luena, vo muntu weti kukibanzila, vo wena wanduka mu nza yayi, bika kala nkwa abuzengi, kidi kaluka.

19. Kadi nduka zanza yayi ibuzengi mu Nzambi, kadi kwasonwa: yandi ubakanga banduka mu bungubi bwau.

20. Diaka vo: Mfumu zaidi mabanza mabanduka vo mena mampavala.

21. Nkiangunu muntu kana kukisika mu bantuko, kadi yayonsono yivwilu kwa yeno,

22. vo Pauli vo Apolo vo Kefa vo nza vo moyo vo lufwa, vo bilekwa biena bwabu, volekwa bina kwiza — yayonsono yivwilu kwa yeno.

23. Kansi yeno luvwilu kwa Kilisto, ye Kilisto vwilu kwa Nzambi.

#### Kapu 4.

*Bonso buna banzulwa minlongi (1—5). Ndubudulu zankaka, kidi bakala bifwani biaPauli (6—17). Ndubudulu kwa batuta mbaya (18—21).*

Nkiangunu bika muntu katubanzila vo tubisielo biaKilisto ye minkebi miamambu maNzambi maswekwa.

2. Ye minkebi mitombwanga

kaka, vo mina kala miakwikama.

3. Kansi kwa mono ifidia-  
mbu fiafuma nkutu, vo ngina  
kongudulwa kwa yeno vo kwa  
lumbu kiamuntu; inga mono ki-  
beni mpe kikukikongudilako,

4. —kadi kikukizaidi dia-  
mbuko, kansi kifongoso mu dia-  
mbu diodioko, kansi ukunko-  
ngudilanga iMfumu kwandi.

5. Nkiangunu kalutekani ko-  
ngudilako, nate ye Mfumu bu-  
kana kwiza, una kienzula bio-  
nso biaswekwa mu tombe ye  
zaikisa makani mamintima. Bu-  
na bana tambula muntu ye ya-  
ndi nsikulu kwa Nzambi.

6. Luzimpangi, mambu momo  
mono yasekulamo mu nitu ami  
ye mu nitu aApolo mu diambu  
dieno, kidi lualongukila diadi mu  
yeto: “lembweti vioka bina biaso-  
nwa,” kaluidi yanda umosi kwa u-  
mosi mu diambu diawankakako.

7. Kadi nani ukusikidi? Nkia-  
ma kiena yaku kialembwa ta-  
mbula? Kansi vo ngeye mpe wa-  
tambulakio, mu nki weti kuki-  
sika, nkievo kwatambulakioko?

8. Yeno luamana yukuta, ye-  
no luamana kala bamvwama,  
yeno luamana kala bamfumu,  
kansi kamu betoko. Engwa  
Nzambi, vo luakala bamfumu,  
kidi yeto mpe tuakala bamfu-  
mu ye yeno!

9. Kadi mono ngieti banza,  
vo Nzambi wasa yeto tuzintu

mwa, nkievo tulutidi mu ke,  
nkievo tuakongudulwa nkanu  
afwa, kadi yeto tuena nsaku a-  
meso kwa nza ye kwa zimpofi ye  
kwa bantu.

10. Yeto tubilauki mu dia-  
mbu diaKilisto, kansi yeno lue-  
na nduka mu Kilisto; yeto tue-  
ti kindakana, kansi yeno luena  
zingolo, yeto tutungudulwanga,  
kansi yeno luzituswanga.

11. Nate ye bwabu yeto tue-  
na nsatu adia ye nlangu, yeto  
tuena mpene ye tubandwanga  
zinkome ye katuenta nzoko

12. ye tumonanga mpasi ye  
tusalinga mu meto moko. Bu-  
tufingwanga, tusakumunanga,  
butuzomwanga, tuvibidilanga,

13. bututumbwanga, tuvutu-  
langu mambu mambote. Nate ye  
bwabu yeto tuena nkievo mpe-  
swa anza ye mvindu ababonso.

14. Mono kisonene diodio mu  
kuluvwisa nsoniko, kansi mo-  
no ikululubula bonso bana ba-  
tondwa.

15. Kadi vo luena kumi dia-  
mafunda maminlongi mpe mu  
Kilisto, nga kaluena mase ma-  
mingiko, kadi mu Kilisto Yesu  
mu nsamu wambote mono ya-  
lubuta.

16. Nkiangunu mono ikulu-  
leba luakala bifwani biami.

17. Mu diambu diodio mono  
yalufidisi Timotio, imwan' ami  
watondwa ye wakwikama mu

Mfumu. Yandi una kulubambula moyo mu zinzila zami mu Kilisto Yesu, bonso builonganga mwamonsono mu mabundu mamonsono.

18. Kansi bankaka batuta mbaya, nkievo kina kwiza kwa yenoko.

19. Kansi ngina kula kwiza kwa yeno, vo Mfumu zolele, ye sia zaya batuta mbaya, kamba mbu mauko kansi ngolo zau.

20. Kadi kinfumu kiaNzambi kakiena mu mambuko kansi mu zingolo.

21. Nkiama luzolele? Sia luaka kwa yeno ye nzamvula vo mu tonda ye mpeve yanlembami?

### Kapu 5.

*Pauli walonga dibundu mu diambu diangiangulu (1—8), wakanikina kikiundi kiaminyangi (9—13).*

Mu yeno muwakanana va yuti mu ngiangulu, ingiangulu yilembolo kala ye bakondolo nzailu aNzambi, kadi muntu wena ye nkento asandi.

2. Ye yeno lueti tuta mbaya ye lulembolo kala kiadi nkutu, kidi ndiena wavanga buma bobo kakubwa mu yeno.

3. Kadi mono, bungiena nseke mu nitu, ngiena yeno mu mpeve, mono yakisavukila nti ma nkievo ngiena yeno, vo ndiena wavanga bobo,

4. yeno yempeve ami, butukutakana mu nkumbu aMfumu mu Yesu, buna mu ngolo zaMfumu eto Yesu Kilisto

5. tuna kunyekula kwa satana mu mbungulu ansuni, kidi mpeve yalalulwa mu lumbu kiaMfumu Yesu.

6. Nsikulu eno kayena yabizako. Kadi kaluzaidikoe, vo vumvu diafuma difunisanga dimpa diamvimba.

7. Lukombumuna vumvu diankulu, kidi luakala dimpa diamona, bonso bululembolo funuswa, kadi yeto mpe tuavondulwa mene diampiokolo, iKilisto.

8. Nkiangunu bika tuaminga lumingu mu dimpa dialembwa funuswa ye diakedika, ye diavedila ye kamu mfumfuta zankulu ye kamu vumvu diakimfunia ye biko.

9. Mono yasona kwa yeno mu nkand' ami, vo luna lembwa kundasana ye minyangi,

10. kausi kaminyangi mianza yayiko ye bankwa miawimi ye mimbabi ye minsambidi miaminkisi, kadi vo yau, nga lukatwa katuka mu nza.

11. Kansi bwabu yasona kwami kwa yeno, vo muntu ubikwanga mpangi inyangi vo nkwa wimi vo nsambidi aminkisi vo ntiaki vo nkwa kinduvu vo mambi, buna kalukundasananiko, inga

kaludiani mpe ye ndiena wena boboko.

12. Kadi idiambu diami mu kongudila bena kumbazie? Kadi yeno kalukongudilanga bena mu ngudikoe?

13. Kansi bena kumbazi bana kongudulwa kwa Nzambi. Wonso wena wambi lunkuba mu yeno.

### Kapu 6.

*Mfundasani yamfonga (1—11) ye ngiangulu (12—20).*

Buna luena, vo muntu we-nina muntu wankaka bungu, buna kena wongakoe mu funda kwa bantu bakondolo mfonga ye kakwa banlongoko?

2. Kadi kaluzaidi enokoe, vo bantu banlongo bana kongudila nza? Kansi vo nza yina kongudulwa kwa yeno, kadi buna kalufweni mu kongudila nkongodolo zazikekoe?

3. Kadi kaluzaidikoe, vo tuna kongudila zimpofi? Buna vele situa kongudila mambu mamoyo wau.

4. Nkianguu vo mambu mamoyo wau mana kongudulwa, buna yeno luna sola bantu batungudulwanga mu dibundu mu kongudile?

5. Mu nsoni zeno mpovelebo. Kadi buna luena, kaluena ye muntu wandukako ulenda

zenga mambu mampangi andie?

6. Kansi mpangi ufundanga mpangi kwa bakondolo minu.

7. Yeno luayikidi mimvidisi, buluvwisasananga mambu. Mu nkiana kalulutidi zola vangingwa bulembolo fwananakoe? Mu nkiana kalulutidi zola zionwa yayenoko?

8. Kansi yeno kibeni luvanga-bulembolo fwanana, luzionanga, ibobo kwa zimpangi mpe.

9. Kansi kaluzaidikoe, vo bakondolo mfonga kabana vingila kimfumu kiaNzambiko? Kaluzimbakananiko: ye minyangi ye minsambidi miaminkisi ye mimpumuni mialongo ye minkoyangani ye minlekisi miabababakala

10. ye mivi ye bankwa miawimi ye banduvu ye mintiaki ye mimbabu kabana kwau vingila kimfumu kiaNzambiko.

11. Kansi yeno bankaka lukala bobo, kansi luakisukula ye luaveduswa ye luafonguswa mu nkumbu aMfumu Yesu Kilisto ye mu Mpeve aNzambi eto.

12. Mono yasilwa yayonso-no, kansi kitomina yayonso-no nituko, mono yasilwa yayonso-no, kansi kina kwami yaduswa kwa lekwako.

13. Dia kwena mu diambu diavumu, ye vumu kiena mu diambu diadia, kansi Nzambi una bunga vumu ye dia. Kansi nitu

kayena mu diambu diayangako kansi mu diambu diaMfumu, ye Mfumu mu diambu diani-tu.

14. Kansi Nzambi wafulu-kisa Mfumu ye una kutufulu-kisa mpe mu tulendo tuandi.

15. Kadi kaluzaidikoe, vo zinitu zeno ibiela biaKilisto? Buna sia bonga biela biaKili-sto ye vangabio biela biaki-nsuze? Ve kwandi!

16. Kani kaluzaidi enokoe, vo muntu utatamana kinsuza, yandi initu yimosi ye kinsuza? Kadi yau bole bana kala nsu-ni umosi, bonso bukavova.

17. Kansi utatamana Mfu-mu, yandi impeve yimosi ye yandi.

18. Lutina yanga! Masumu mamonsono mavanganga mu-ntu mena kumbazi anitu andi, kansi uyanganga, yandi uvodi-langa yandi nitu masumu.

19. Kadi kaluzaidikoe, vo zinitu zeno inzo aMpeve ya-nlongo, yena mu yeno, yiluata-mbula kwa Nzambi, ye kalu-kukivwidiko?

20. Kadi yeno luasumbwa mu ntalu beni. Buna luzitise-no Nzambi mu zinitu zeno!

### Kapu 7.

*Ndongolo zakwela (1—9) ye zava-mbana (10—17). Pauli wabaleba mu*

*kala bonso bubabokuhwa (18—24) ye bonso bulutidi mu lembwa kwela (25—40).*

**Kansi yoyo yiluasonika ibwa-bu:** bakala dina toma nitu vo dilembolo kwela nkento.

2. Kansi mu diambu diaya-nga bika bakala diakala wa-ndi nkento, ye nkento kaka-la diandi bakala.

3. Bika bakala kavanga bo-nso bufwanane kwa nkento, ye nkento mpe bobo kwa bakala.

4. Nkento kalendi yala yandi nituko kansi bakala; ye bakala kalendi yala yandi nituko ka-nsi nkento.

5. Kalutatasananiko, vo ka-mu diambu dialuwawanu mu lumbu biavengoko, kidi luaba-ka ntangu mu sambila, mboki lukala vakimosi, mpasi satana kana lenda kuluvukumunako mu diambu dianzinunu zeno.

6. Kansi mono mpovele wo-wo nkievo nsilulu kankondo andiko.

7. Kansi mono nzolele, vo bantu babonsono bakala bo-nso mono kibeni, kansi muntu ye wandi nkailu katambula kwa Nzambi, umosi bwabu, umosi ebu.

8. Kansi mono mpovele kwa balembole kwela ye kwa mafwo-la: yau bana tomanitu, vo bana kala bonso mono.

9. Kani vo bazinina moyo, bika bakwela, kadi bwabiza mu

kwela ye zinina bwambi.

10. Kansi bakwelana baka-mbwa kwa Mfumu, kakwa monoko, vo nkento kana vambana ye bakalako,

11. — kansi vo wamana vambana, buna una kala mpumpa, evo uvutuka wawana ye bakala — ye bakala kana yambula nkentoko.

12. Bankaka bakambwa kwa mono, kakwa Mfumuko: vo mpangi yena nkento ulembolo leka minu, ye wau uzolele sala yandi, buna kana kunsisako.

13. Vo nkento wena bakala dilembolo leka minu, ye diau dizolele sala ye nkento, buna kana yambula bakalako.

14. Kadi bakala dilembolo leka minu diatomuswa mu nkento, ye nkento ulembolo leka minu watomuswa mu mpangi, vo kabwako, nga bana beno balembolo vedila, kansi bwabu yau bena banlongo.

15. Kansi vo ndiena ulembolo leka minu una vambana, bika kavambana. Mpangi ye busi kabana tatumuswa mu mambu momoko. Kansi Nzambi waluhokila mu yenge.

16. Kadi ngeye, nkento bwe zaidi, vo lenda tanina nlumi aku? Ye ngeye bakala, bwe zaidi, vo lenda tanina nkento?

17. Vo bwankaka buna bonso bwakabila Mfumu kwa mu-

ntu muntu, bonso bwabokila Mfumu muntu muntu, bika kadiata. Nkondo wowo mono itulangawo mu mabundu mamonso-no.

18. Vo muntu wazabulwa wabokulwa kana kukisa sutuko; vo muntu wena sutu wabokulwa, kakizabulaniko.

19. Nzabudulu kalekwako ye sutu kalekwako, kansi keba mina miaNzambi.

20. Muntu muntu una kala mu nkadulu yina yikabokulwa.

21. Vo ngeye inanga wabokulwa, kukadilaniho kiadiko, kansi vo lenda vuluswa mpe, buna nakadibo kwaku.

22. Kadi wonso nanga wabokulwa mu Mfumu, yandi imuntu aNzambi wavuluswa; ibobo mpe wonso muntu wamfumu wabokulwa, yandi inanga wa-Kilisto.

23. Yeno luasumbwa mu ntalu yayinene. Kalukalani minanga miabantuko.

24. Luzimpangi, babonsoo bana kala mu salu kibabokulwa kwa Nzambi.

25. Kansi mu zindumba zampumpa kibakidi kwami nkondo aMfumuko, kansi mono mpovele bonso bumbenzi, bonso muntu wavewa kiwuntu kwa Nzambi mu lekulwa minu.

26. Nkiangunu mbenzi, vo mu diambu diancita zena mu

kwiza, muntu una toma nitu, vo una kala bonso bukena.

27. Vo Ngeye utatamana ye nkento, kutombani luvambanuko. Vo kwena ye nkentoko, kutombani nkentoko.

28. Kansi vo una kwela mpe, kuvolele masumuko. Vo ndumba yina kwela, kavolele masumuko, kansi bavangabo bana mona ncita mu zinitu zau, kansi mono nzolele kulukuta.

29. Kansi luzimpangi, diadi mpovele, vo ntangu yankufi yisidi, kidi bena bakento mpe bakala, nkievo bakondolo,

30. ye badilanga, nkievo balembwa dila, ye bayangalala, nkievo kabayangalalako, ye basumba, nkievo balembwabio keba,

31. ye basadila nza yayi, nkievo kabadilayoko, kadi nkadulu anza yayi yina fuka.

32. Nzolele kwami, vo luna lembwa kala kiadi. Ulembolo kwela, yandi ubanzanga yina yaMfumu, bonso bukana zolana ye Nzambi.

33. Kansi wakwela, yandi ubanzanga yina yanza, bonso bukana zolana ye nkento.

34. Diswaswana diena ye nkento wakwela ye ndumba yilenibolo kwela. Ulembolo kwela weti banza yina yaMfumu, kidi kakala nlongo ye mu nitu

ye mu mpeve, kansi wakwela weti banza yina yanza, bonso bukana zolana ye nlumi andi.

35. Kansi mono mpovele bobo mu ntomono eno, kivovelebo mu tudila yeno siongiko, kansi mu diambu diankadulu yabiza ye ntatumunu aMfumu yena nakekete.

36. Kansi vo muntu weti banza, vo uvwezanga mwan' andi wankento walembwa kwela, vo wau wamana bula ye una kwela, buna bika kavanga, bonso bukazolele. Yandi kavolele masumuko, yambula bakwela.

37. Kansi wonso wena nakekete mu ntim' andi, bukalembwa tatumuswa, kansi lenda bonso bukazolele, ye bukakisavudila ntim' andi mu keba mwan' andi wankento kimpumpa, yandi una vanga bwambo te.

38. Nkiangunundiena ukwedisa mwan' andi wankento, yandi tomene vanga, ye ndiena ulembolowo kwedisa, yandi lutidi.

39. Nkento wakangwa mu mina ntangu yina yivumunina nga nlumi andi, kansi vo nlumi andi wabondalala, buna nkeno wavuluswa ye lenda kwela wonso ukazolele, vo kanabosa mu Mfumu.

40. Kansi mono ngieti banza, vo nkento wena kiese kiaki-



ngi, vo lembolo kwela. Mono mpe ndekele minu, vo ngiena ye Mpeve aNzambi.

### Kapu 8.

*Mu dia mbiŵi zatulwa kwa biteki kaimasumuko (1—6), kansi nkwa Kilisto kanabo sako, vo mpangi andi yinabo fwemina (7—13).*

Kansi mu lekwa biatulwa kwa biteki, tuzaidi kweto, kadi beto babonsono bena nzailu. Nzailu yitutisanga mbaya, kansi tonda kweti tunga.

2. Vo muntu weti kukibanzi-la, vo uzaidi lekwa, yandi kazai-di bwabuko, bonso bukana zaya.

3. Kansi vo muntu tondele Nzambi, yandi wazaywa kwa yandi.

4. Nkiangunu mu dia lekwa biatulwa kwa biteki tuzaidi, vo kiteki kakiena mu nzako, ye vo kakwenani Nzambi yankakako kansi yimosi kaka.

5. Kani vo yau bena babikwanga zinzambi mpe, kani mu-na dizulu kani va ntoto, bonso bwena zinzambi zazingi ye zifumu zazingi,

6. kansi yeto vele tuena Nzambi yimosi kaka, ise diatuka lekwa biabionsono, ye yeto tuena mu diambu diandi, ye Mfumu yimosi, iYesu Kilisto, mwavangwa yayonsono, ye mu yandi yeto tuena.

7. Kansi babonsono kabena

nzailuko, kansi bankaka bayu-kwa biteki nate ye bwabu ye badianga, nkievo biatulwa kwa biteki, ye mintima miau miena kindakana mina sumunwa.

8. Kansi dia kakusadilanga kwa Nzambiko. Vo tudiana katulutidiko; vo tulembolo dia, katuvidisi kiumako.

9. Kansi lutina, kaluidi fwemisa bena kindakana mu dia-mbu dialulendo lueno lolo.

10. Kadi vo muntu una mona ngeye wena nzailu, vo weti vwanda va meza mu nzo abiteki, buna vele ntimandiena wena kindakana una siamuswa mu dia lekwa biatulwa kwa biteki.

11. Kadi ndiena wena kindakana una bungwa mu diambu dianzailu aku, impangi yafwi-lwa kwa Kilisto.

12. Kansi buluvodilanga masumu bobo kwa zimpangi, bululueka ntimamiau miena kindakana, buna luvodilanga Kilisto masumu.

13. Nkiangunu vo dia ku-fwemisanga mpangi ami, kina kwani dia mbiziko kwele mvu kuvutukidi mvu, kidi yalembwa fwemisa mpangi ami.

### Kapu 9.

*Nsilulu yantumwa (1—14). Pauli kasadilayoko (15—18), kansi buimfumu wakivanga nanga wabantu babo*

(19—23). *Ngiungusulu mu nzila ya ngiungusila* (24—27).

Kadi mono kimuntu wamfumukoe? Kadi mono kintumwakoe? Kadi mono kiamona Mfumu eto Yesukoe? Kadi yeno kalusalu kiami mu Mfumukoe?

2. Vo kienā ntumwa kwa bankakako, ngiena vele ntumwa kwa yeno, kadi yeno idimbu kiakintumwa kiami mu Mfumu.

3. Yoyo imvutudulu ami kwa yau beti kunkongudila.

4. Kadi yeto katuena nsilulu mu dia ye nwakoe?

5. Kadi yeto tuakanukunwa nata nkazi, ibusi, bonso buvanganga zintumwa zankaka ye zimpangi zaMfumu ye Cefa?

6. Kanivo yeto ye Banaba kaka katulendi lembwa salakoe?

7. Nani usala salu kianwana mu wandi mfutu? Nani ukuna via diavinia ye lembolo dia mbongo zavia? Nani uvunganga kabu diabibulu ye lembolo dia mamvumina mabulu?

8. Kadi ivovanga fu kiabantu kake? Kadi mina kamivovangabokoe?

9. Kadi mu mina miaMose mwasonwa: kukangani nwa angombe yeti tuta zimboŋgoko. Kadi Nzambi wetibo hanzila mu zingombie?

10. Kadi kavovelebo mu diambu dieto kakakoe? Kadi mu diambu dieto mwasonwa: uka-

kanga sika kaka mu vuvu, ye ututanga sika tuta mu vuvu, vo sika tambula yandi ndambu.

11. Vo yeto tualukunina le kwa biampeve, buna vele situa yonzika biabieno, kadi kabwakoe?

12. Vo bankaka benina yeno nsilulu yoyo, buna yeto katulidikoe? Kansi yeto katusadi-di nsilulu yoyoko, kansi tuvibidilanga yayonsono, katuidi vanga nkakulu nkutu mu nsamu wambote waKilistoko.

13. Kadi kaluzaidi enokoe, vo basalanga salu kianzo yanlongo badianga dia kwanzo yanlongo, ye basadilanga va salu diyokulwanga batambulanga ndambu mu disalu?

14. Ibobo Nzambi mpe wakamba kwa bakambanga nsamu wambote, vo bau bana vukila mu nsamu wambote.

15. Kansi mono kiasadila yoyoko. Mono kiasonayoko, mpasi yasiwaboko, kadi bulutidi kwa mono vo ngina fwa, mpasi muntu nkutu kana fubisa nsikulu amiko.

16. Kadi vo ikambanga nsamu wambote, kibakilangawo nsikuluko, kadi yatatumuswawo; engwa mono, vo sia lembwa kamba nsamu wambote!

17. Kadi vo nzolelebo vanga, buna sia sendwa, kansi vo ivangangabo mu tinguna, buna mpe yatatumuswa salu kiokio.

18. Buna nki ansendo ami? Bungieti kamba nsamu wambote, sia kamba nsamu wambote waKilisto mu kalekwako, kidi yalembwa sadila usilulu ami mu nsamu wambote.

19. Kadi mono buimfumu, mono yakivanga wababonsono, mpasi yaluta baka bantu babingi.

20. Mu bayudayo mono ngiena bonso nyudayo, mpasi yabaka bayudayo babingi; mu bawwilu kwa mina, ngiena nkievo mvwilu kwa mina, kansi mono kibeni kivwilu kwa minako, mpasi yabaka babingi bawwilu kwa mina.

21. Mu yau bakondolo mina, ngiena nkievo nkondolo mina, — kansi kikondolo kwami mina miaNzambiko, kansi yakangwa mu mina miaKilisto — mpasi yabaka babingi bakondolo mina.

22. Mu yau bena kindakana ngiena kindakana, kidi yabaka bena kindakana; mu babonsono ngiena yayonsono, kidi yalalula bankaka mu buma bwabonsono.

23. Kansi ivanganga yayonsono mu diambu diansamu wambote, kidi yakadilawo ntuali.

24. Kadi kaluzaidikoe, vo bayungusanga mu nzila yangiungusila bayungusanga kwau babonsono, kansi umosi kaka una tambula nsendo. Luyungusila bobo, kidi luatambulawo.

25. Kansi wonso wonso una sinsana, yandi una tina mu yayonsono; nkiangunu babana kidi batambula mpu yina fuka, kansi yeto mpu yina lembwa fuka.

26. Nkiangunu mono iyunqusanga, bonso muntu ulembo lo yungusa mu nana, mono inwananga, bonso muntu ulembo lo banda mpevolo.

27. Kansi mono ibandanga nitu ami beni ye iyalangayo, kidi mono kibeni kina bwanwako, vo yalendwa, bungina tontwa, buntekele longa bankaka.

### Kapu 10.

*Ndwanunu yabiza (1—13). Pauli wakanikina baleka minu mu mbuluku abiteki (14—22) ye mu mbizi zatulwa kwa biteki mu diambu diazimpangi zakindakana (23—34).*

Luzimpangi, mono kizoleleko, vo yeno luna lembwa zaya, vo mase meto mamonsono makala kungsi atuti, ye mau mamonsono masabuka mu mbu,

2. ye mamonsono mabotukulwa mu Mose mu tuti ye mu mbu,

3. ye mamonsono madia dia kumosi kwampeve,

4. ye mamonsono manwa ndwinu yina yimosi yampeve, kadi manwa mu tadi diampeve diabanama, kansi tadi diodio iKilisto.

5. Kansi buna bena, Nzambi

walembwa zola babingi, kadi balumbwa mu nsi yankatu.

6. Kansi babana ibifwani kwa yeto, katuidi zinina moyo mu yambi, bonso bwazinina yau moyo.

7. Kalusambilani minkisiko, bonso kwasambila yau bankaka, bonso bwasonwa: Bantu bavwanda ye badia ye banwa, mboki batelama mu kina.

8. Bika tualembwa yanga mpe, bonso bwayanga yau bankaka ye babwa mu lumbu kimosi makumole ye mafunda matatu.

9. Bika tualembwa sindisila Mfumu, bonso bwansindisila yau bankaka ye babungwa kwa zinioka.

10. Kalubomaniko, bonso bwaboma yau bankaka ye babungwa kwa mbungi.

11. Yau babwanwa yoyo mu kifwani, kansi bwasonwa mu ndubudulu zeto, iyeto tufinangane ye nsukulu azintangu.

12. Nkiangunu wonso weti banza, vo katelama, bika kata-la, kidi kana bwako.

13. Yeno kaluabwilwa nsindusulu yankakako, kansi yina yamuntu kaka; kansi Nzambi wena wakwikama una lembwa yambula luasindusulwa kwakwingi ye ngolo zafiuma, kansi yandi una vana nsindusulu yalendwa, kidi lualenda vibidilayo.

14. Nkiangunu, zintondolo za-

mi, lutina nsambudulu aminkisi.

15. Mono ivovanga vele kwa bantu banduka. Lufiongunina yeno kibeni yimpovele.

16. Kompe kiansakumunu kitusakumunanga, kadi kakiena ntuari ye menga maKilistokoe? Dimpa ditubukunanga, kadi kadiena ntuari ye nitu aKilistokoe?

17. Kadi dimpa dimosi diena, ye yeto tubabingi initu yimosi, kadi yeto babonsono tuena ntuari ye dimpa dimosi.

18. Lutala bantu baIsaleli bansuni. Badianga lekwa bitulwanga va disalu, kadi yau kabena kwau ntuari ye disalukoe?

19. Kansi buna bwevi mpovele? Kani lekwa biayekulwa kwa teki ikiume? Kanivo teki ikiume?

20. Ve, kansi kibayekulanga, bayekulangakio kwa mpeve zambi, kakwa Nzambiko. Kansi mono kizoleleko, vo yeno luna kala ntuari ye mpeve zambi.

21. Yeno kalulendi nwa kompe kiaMfumu ye kompe kiampeve zambiko. Yeno kalulendi kala ntuari mu meza maMfumu ye meza mampeve zambiko.

22. Kani situa vemisa Mfumue? Kadi yeto tuviokele yandi mu ngoloe?

23. Yayonsono yasilwa, kansi yayonsono kayitomisanga

nituko, yayonsono yasilwa, kansi yayonsono kayitunganga-ko.

24. Muntu kana tomba bi-andi lekwa bikana tomina nituko, kansi bina bitomisanga muntu wankaka nitu.

25. Yonso yitekwanga mutekwanga dia, ludia kweno, kalufiongunina mu diambu diantimako.

26. Kadi ntoto ye yonso yenina va ntoto yivwilu kwa Mfumu.

27. Vo muntu ulembolo leka minu ulutumisi, ye yeno luzolele kwenda, buna ludia yonso yiluna vewa. Kalufionguninani mu diambu diantimako.

28. Kansi vo muntu una vova kwa yeno: Yoyo yayekolo kwa teki, buna kaludianiyoko mu diambu diamuntu telebo ye mu diambu diantima.

29. Mono kibikidi waku ntimako kansi ntimawa wanga, kadi lulendo luami bwe luna kongudulwakwa ntimawa wanga?

30. Vo idianga mu matondo, munki sia vwezwa mu yoyo yintondele?

31. Nkiangunu vo ludianga vo lunwanga vo kionso kiluvanganga, luvanga yayonsono mu zitisa Nzambi.

32. Kalufwemisani bayudayoko ye baeleneko ye dibundu diaNzambiko,

33. bonso mono mpe ivanganga, bonso buzolele babonsono; kitombanga yitomisanga nitu amiko kansi yonso yitomisanga nitu zabantu babingi, kidi batanunwa.

34. Lukumpukumukina, bonso buivukumukinanga Kilisto.

### Kapu 11.

*Nkadulu yabiza mu sambila (1—15). Mbuluku niatonda ye mbulukua Yesu (16—33).*

Mono ikulusika, bulueti kumbambukila moyo mu yayonsono ye lutatamananga nkondo miyalusisila.

2. Kansi nzolele, vo luna zaya, vo Kilisto intu adionso bakala, kansi bakala intu ankeno, ye Nzambi intu aKilisto.

3. Dionso bakala diena lekwa va ntu, buketi sambila vo kamba lekwa yina kwiza, yandi vwisanga ntu andi nsoni.

4. Kansi wonso nkento weti sambila vo kamba lekwa yina kwiza, bukakondolo lekwa va ntu, yandi vwisanga ntu andi nsoni, kadi mpila mosi vo watebwa nsuki.

5. Kadi nkento ulembolo fuka ntu andi, buna bika kateta nsuki. Kansi vo nkento vwidi nsonimu zakwa nsuki vo mu tebwa, bika kafuka ntu.

6. Kadi bakala kafukani

ntuko, kadi yandi ikifwani kia-Nzambi ye nzitusu andi, kansi nkento inzitusu abakala.

7. Kadi bakala kadiatuka mu nkentoko, kansi nkento watuka mu bakala.

8. Bakala kadiavangwa mu diambu diankentoko, kansi nkento wawangwa mu diambu diabakala.

9. Nkiangunu nkento sika kala dimbu kialulendo va ntu mu diambu diazimpofi.

10. Kansi mu Mfumu kamwena nkento una lembwa saduswa kwa bakalako ye bakala dina lembwa saduswa kwa nkentoko.

11. Kadi bonso bwatuka nkento mu bakala, ibuna butukanga bakala mu nkento, kansi yayonso yatuka kwa Nzambi.

12. Lukifiongunina. Kadi bufweni, vo nkento ulembolo kukifuka una sambile?

13. Kadi nkadulu kayilulongekekoe, vo bakala diena nsuki zazila, zau imvwezolo andi.

14. Kansi vo nkento wena nsuki zazila, zau inzitusu andi, kadi yandi wavewa nsuki zazila mu diambu diakukifuka.

15. Kansi vo muntu zolele fila mpaka mu mambu momo, beto nkutu katuenta fu kiokio, ye mabundu maNzambi kamentanikioko.

16. Kansi bunkembi momo, buna kilendi kulusikako, bulukutakana mu mbivusu kamu ntomosoko.

17. Kadi va ntete mono ngwilu mu yeno, vo bulukutakana mu dibundu, buna yeno luena ye zimpaka, ye ndekele mambu momo mankaka minu.

18. Kadi mu yeno mpe si-mwa kala makabu, kidi batontwa bazayakana mu yeno.

19. Nkiangunu bulukutakana, kalulendi dia mbuluku aMfumuko.

20. Kadi buludia, buna muntu ye wandi mbuluku muntu ye wandi mbuluku babonganga nswalu. Umosi wena nsatu, wankaka wena bondia-bondia.

21. Kadi kalubakidi zinzo zandila ye zandwinakoe? Kani lueti tungudila dibundu dia-Nzambi ye luzolele vvisa bakondolo lekwa nsonie? Nki sia vova kwa yeno? Kadi sia kulusike? Kilendi kulusika mu yoyoko.

22. Kadi mono yatambula kwa Mfumu yina yiyaluvana, vo Mfumu Yesu, mu fuku dina dikayekulwa, kabonga dimpa,

23. ye bukamana tonda, kabukunadio ye kavova: Diadi initu ani yaveno mu yeno. Luvanga bobo mu kumbambukila moyo.

24. Ibobo mpe kabonga kome, bubamana dia, ye kavova: Kompe kiaki iluwawanu luamona mu menga mami. Luwanga bobo yonso ntangu yilunakio nwa mu kumbambu-kila moyo.

25. Kadi yonso ntangu yiluna dia dimpa diodio ye nwa kompe kiokio, yeno lukambanga mfwilu aMfumu, nate ye kana kwiza.

26. Nkiangunu wonso una dia dimpa vo nwa kompe kiamfumu, bonso bulembolo fwana yandi wena nkanu mu nitu ye menga biamfumu.

27. Nkiangunu bika muntu kakifiongunina, mboki kadia dimpa ye kanwa kompe.

28. Kadi udianga ye unwanga, yandi ukukidila ye ukukinwina nkongodolo, vo katomene kongudila nitu aMfumu-ko.

29. Mu diambu diodio mu yeno mwena babingi bena kindakana ye yela, ye bankaka babingi babondalala.

30. Kansi vo tuatoma kukikongudila, nga katuakongudulwako.

31. Kansi butuna kongudulwa, buna tuna longwa kwa Mfumu, katuidi kongudulwa nkanu ye nza.

32. Luzimpangi zami, nkia-

ngunu bulukutakana mu dia, luingasana.

33. Vo muntu wena nsatu, bika kadia mu nzo andi, kaluidi kutakana mu kongudulwa. Mambu mankaka masidi mangina sungika, bungina luaka kwa yeno.

## Kapu 12.

*Minkailu miaMpeve (1—3) ye minkailu miampila mu mpila (4—30). Tuna vemina minkailu mihutidi mu nene (31).*

Luzimpangi, mono kizoleleko, vo luna lembwa zaya minkailu miampeve.

2. Yeno luzaidi, vo bulualembwa zaya Nzambi, buna yeno luanatuswa kwa biteki bikondolondinga, bonso buluanatuswa.

3. Nkiangunu mono ikuluzaikisa, vo muntu uvovangamu Mpeve aNzambi kana vovako: Yesu watumbwa; ye muntu kalendi vovako: Yesu iMfumu, vo kanabo sa mu Mpeve yanlongoko.

4. Minkailu miampila mu mpila miena, kansi Mpeve yimosi kwandi.

5. Tusadusu tuena tuampila mu mpila, kansi Mfumu yimosi kwandi.

6. Mavanga mampila mu mpila mena, kansi Nzambi yimosi yivangisangamo mamonso mu babonso.

7. Kansi muntu muntu wavewa nzaikusu ampeve mu to-misa nitu.

8. Kadi umosi wavewa kwa Mpeve mu vova mambu manduka, kansi wankaka mu vova mambu maluzailu, bonso buzo-lele Mpeve yimosi,

9. wankaka minu mu yina Mpeve, kansi wankaka minkailu mianlemvo miandiakisina yela mu Mpeve yina yimosi,

10. kansi wankaka mu vanga bimangu, wankaka mu kamba lekwa bina kwiza, wankaka mu fiongunina zimpeve, wankaka mu vova mu tudimi tuampila mu mpila, wankaka mu bangula nipovololo atudimi.

11. Kansi yina yayonsono yivanguswanga kwa Mpeve yina yimosi yikabilanga kwa muntu muntu, bonso buyizolele.

12. Kadi bonso bwena nitu yimosi ye yau yena biela biabingi, kansi biela biabionsono bianitu, bubiena biabingi, biena kwau nitu yimosi, ibuna bwenina Kilisto mpe.

13. Kadi mu Mpeve yimosi mpe yeto babonsono tuabotukwa mu kala nitu yimosi vo bayudayo vo baelene, vo minanga vo zimfumu, ye yeto babonsono tuanwa Mpeve yimosi.

14. Kadi nitu mpe kayena kiela kimosiko kansi biabingi.

15. Vo kulu kuna vova:

Bundembolo kala koko, kiena kwami mu nituko, buna kwau kakwena mu nitukoe?

16. Vo kutu kuna vova: Bundembolo kala disu, kiena kwami mu nituko, buna kwau kakwena mu nitukoe?

17. Vo nitu yamvimba idisu, buna ngwilu kwevi? Vo nitu yamvimba ingwilu, buna ngwilu amfuku kwevi?

18. Kansi bwabu Nzambi watula biela biabionsono mu nitu, bonso bukazolele.

19. Kansi vo biela biabionsono ikiela kimosi, buna nitu kwevi yena?

20. Kansi bwabu biela biena biabingi kansi nitu yimosi kaka.

21. Kansi disu kadilendi vova kwa kokoko: Kiena kwami nsatu angeyeko; ye nitu kayilendi vova kwa maluko: Mono kienina yeno nsatuko.

22. Kansi biela bianitu bibanzwanga, vo biena biakindakana, tueninabio nsatu beni,

23. ye biela bibanzwanga, vo bilembolo fwanana mu zituswa, yeto tuvwikangabio mu nzitusu beni, ye biela biansoni yeto tutomabio fukanga.

24. Kansi biela biansitusu kabieninabo nsatuko. Kansi Nzambi wavanga nitu wavana kiela kiakike nzitusu beni,

25. mpaka kayidi kala mu



nituko, kansi biela bina kalasana mbanzulu yimosi.

26. Vo kiela kimosi kieti lungwa, buna biela biabionsono bieti lungwa kwama ye kiau; vo kiela kimosi kina zituswa, buna biela biabionsono bina yangalala ye kiau.

27. Kansi yeno initu aKilisto ye biela, bonso bwenina muntu ye yandi ndambu asalu.

28. Ye Nzambi watula banakaka mu dibundu va ntete bonso zintumwa, mboki bonso minkambi, mboki bonso minlongi, mboki tulendo, mboki minkailu mianlemvo miandiakisina ye lusadusu ye ngiadulu ye tudimi tuampila mu mpila.

29. Kadi babonsono izintumwe? Kadi babonsono iminkambie? Kadi babonsono iminlongie? Kadi babonsono bena ye tulendoe?

30. Kadi babonsono bena nkailu mianlemvo miandiakisina yele? Kadi babonsono bazaidi vova mu tudimie? Kadi babonsono bazaidi bangule?

31. Kansi luvemina minkailu mianlemvo milutidi mu nene, ye mboki ngina kulusonga nzila yilutidi mu nene.

### Kapu 13.

*Kondolo tonda kailekwako (1—3).  
Bonso bwenina tonda (4—7). Tonda*

*kulutidi mu nene ye kakuna fukilako (8—13).*

Vo ivovanga mu tudimi tuabantu ye tudimi tuazimpofi, kansi nkondolo tonda, buna mono isengwa kininganga ye simbala kiwunganga.

2. Vo mono ngiena nkambulu alekwa bina kwiza ye nzaidi mambu mamonsono maswekwa ye nzailu yayonsono, ye vo ngiena minu kiakionsono, kidi yalenda vilula miongo, kansi nkondolo tonda, buna mono kienalekwako.

3. Vo ikabanga zimbongo zami zazonsono mu dikila ye iye kula nitu ami, kidi yayokwa, kansi nkondolo tonda, buna kilendibo tomina nituko.

4. Tonda kuvibidilanga, tonda kwena kwanlembami, tonda kakuvwanga nsokiko, kakutanga mayamako, kakututanga mbayako,

5. kakukadilanga bulembo lo fwananako, kakutombanga yandi yilekwako, kakufwemangako, kakutanganga yayibiko,

6. kakuyangalalanga ye yayibiko, kansi kuyangalalanga ye kedika,

7. kwau kweti sweka yayonsono, kulekilanga yayonsono minu, kweti sa vuvu mu yayonsono, kweti vibidila yayo.

8. Tonda kasi kakuna suka-

ko, kansi nkambulu zalekwa bina kwiza zina fuka, mpovolo zatudimi zina suka, nzailu yina fuka.

9. Kadi yeto tuzaidi ndambu kaka ye tukambanga ndambu kaka alekwa bina kwiza.

10. Kansi yina yamana lunga, buyina kwiza, buna yina yena ndambu yina fuka.

11. Buyakala mwana, mono yavova bonso mwana ye yakala luzolo luamwana ye yabanza bonso mwana, kansi buyakitu-ka kota, mono yayambula ki-mwana.

12. Kadi bwabu tueti tala mu lumweno mu lukengezi, kansi buna zizi kina tadisa zizi, bwabu nzaidi ndambu kaka, kansi buna sia mana zaya, bonso buyazaywa mpe.

13. Kansi bwabu busidi minu ye vuvu ye tonda bina bitatu, buna biena tonda kuluti-di mu nene.

#### Kapu 14.

*Nkambulu anzaikusu kuhitidi mpovolo atudimi (1—6). Mpovolo atudimi kayitomeneko, vo kakwenani una bangulako (7—19), kadi yai idimbu kwa badimbula minu, kansi nkambulu anzaikusu idimbu kwa baleka minu (20—25). Nkondo miatukutukumu tuadibundu, mpasi yayonsono yavangwa bufwanane (26—40).*

Lutatamana tonda, luvemina

minkailu miampeve, kansi luluta vemina mu kamba nzaikusu.

2. Kadi uvovanga mu tudimi kavovanga kwa bantuko kansi kwa Nzambi, kadi muntu kawangako, kansi mu Mpeve yandi weti vova mambu maswekwa.

3. Kansi ukambanga, nzaikusu yandi uvovanga ntungulu ye ndubudulu ye mbombolo kwa bantu.

4. Uvovanga mu tudimi, yandi ukukitunganga, kansi ukambanga nzaikusu utunganga dibundu.

5. Kansi mono nzolele, vo yeno babonsoo luna vova mu tudimi, kansi ndutidi zola vo luna kamba nzaikusu, kadi ukambanga nzaikusu ulutidi uvovanga mu tudimi mu nene, vo kanamo bangulako, mpasi dibundu dina tungwa.

6. Kansi luzimpangi, vo mono sia kwiza kwa yeno ye sia vova mu tudimi, buna bwe luna-bo tomina nitu, vo ngina lembwa vova kwa yeno mu nzaikusu vo mu nzailu vo mu nkambulu alekwa bina kwiza vo mu ndongolo?

7. Lekwa bilembolo vumu-na biena ningu kanivo pitulu vo nsambi; bwe situa zaya yisikwanga mu pitulu vo munsambi, vo bilembolo swaswasa ntuadulu.

8. Ibobo mpe vo kulumeta

kilembolo lokisa nding' andi, nani una kubama mu mvita?

9. Ibobo mpe vo yeno luna lembwa vana mambu mampisila mu tudimi, buna mambu mavovwa bwe mana zayakana? Yeno luna vova mu mpevolo.

10. Ndinga zazingi zampila mu mpila zena mu nza ye ndinga mkutu kayikondolo ninguko.

11. Nkiangunu vo ndembolo zaya mhangudulu andinga, buna mono inzenza kwa ndiena weti vova, ye ndiena weti vova inzenza kwa mono.

12. Nkiangunu beno mpe buluvemina minkailu iniampeve, lutomba mpe, kidi luakala kimwama mu nkailu miomio mu diambu diatunga dibundu.

13. Nkiangunu wonso uvovanga mu tudimi bika kalomba, kidi kabangudilato.

14. Kadi vo mono isambilanga mu tudimi, buna mpeve ami yeti sambila, kansi diela diami dikondolo nsadulu.

15. Nkiangunu buna bwe bobo? Mono sia sambila mu mpeve, kansi sia sambila mu diela mpe, mono ngina yimbila mu mpeve, kansi ngina yimbila mu diela mpe.

16. Kadi vo ngeye usakumunanga mu mpeve, buna ndiena uvwandanga va fulu kiabalembolo longwa, bwe sika

vova amen mu matondo maku, bukalembolo zaya kiuvovele?

17. Kadi ngeye tomene tonda, kansi muntu wankaka katungwako.

18. Ntondele kwami kwa Nzambi, vo ndutidi yeno babonsono mu vova mu tudimi.

19. Kansi mu dibundu mono nzolele beni vova mambu matanu kaka mu diela, kidi yalonga bankaka mpe ye kizolele vova kumi diamafunda mamambu mu tudimiko.

20. Luzimpangi, kalukalani bana mu zayako, kansi lukala bana mu lekwa yambi, kansi mu zaya lumana lung'a.

21. Mu mina mwasonwa: mu yau bavovanga mu tudimi ye bikoba bianzenza ngina vova kwa bantu bobo ye: buna mpe siba lembwa kungwila buvovele Mfumu.

22. Nkiangunu mpovolo zatudimi idimbu kwa balembolo leka minu kakwa baleka minuko, kansi nkambulu alekwa bina kwiza kayena mu yau balembolo leka minuko, kansi mu yau baleka minu.

23. Nkiangunu vo dibundu diamvimba dina kutakana, ye babonsono bana vova mu tudimi, ye balembolo longwa ye balembolo leka minu bana kota, buna keti siba vova, vo yeno lueti lauka.

24. Kansi vo babonsoo bana longa, ye muntu ulembo-lo longwa vo lembolo leka minu una kota, buna yandi una zaikuswa kwa babonsoo ye kongudulwa kwa babonsoo,

25. ye yina yaswama mu ntim' andi yina zayakana, ye mboki sika fukama va zizi kianti ye dila kwa Nzambi ye vova: Nzambi wena yeno mu kedika.

26. Nkiangunu luzimpangi, buna bwevi? Bulukutakana, buna muntu muntu wena ye nking' andi, yandi wena ndongolo, yandi wena nzaikusu, yandi wena nkailu avova mu tudimi, yandi wena mbangudulu, bika yayonsoo yasadulwa mu tunga.

27. Vo muntu una vova mu tudimi, buna bole kanivo batatu bana vova mu lukutukunu lumosi, kansi mosi mosi yemuntu una bangula.

28. Kansi vo kamwena una bangulako, buna kadingama mu dibundu, kansi bika kakivovila ye kwa Nzambi.

29. Kansi bika minkambi miole vo mintatu miavova ye bankaka bakongudila.

30. Kansi vo muntu wanka-ka uvwendi una zaikuswa le-  
kwa, buna vitidi, bika kadinga-  
ma.

31. Kadi beno babonsoo lulenda longa mosi mosi, kidi

babonsoo balongwa ye babonsoo balubulwa.

32. Mpeve zaminkambi zina tumamana minkambi.

33. Kadi Nzambi kai Nzambi abonso bonsoko, kansi Nzambi ayenge.

34. Bonso bwena mu mabundu mamonsoo mabantu banlongo, bika bakento badingama mu dibundu, kadi yau kabana yambulwa mu vovako, kansi yau bana tumama, bonso buvovele mina.

35. Kansi vo, bazolele longwa lekwa, bika bayuvula babakala bau mu nzo zau, kadi nsoni zena ye nkento, vo una vova mu dibundu.

36. Kani mambu ma Nzambi matuka mu yeno, kani mau maluaka kwa yeno kake?

37. Vo muntu weti banza, vo yandi inkambi vo nkwa aMpeve, bika kazaya, vo yonso yinsonene kwa yeno imambu maMfumu.

38. Kansi vo muntu unabolembwa zaya, buna kazaywako.

39. Nkiangunu luzimpangi, lutatamana mu longa, kalukanikinani muntu mu vova mu tudimiko.

40. Bika yayonsoo yavangwa bufwanane ye bonso buna vangwa.

## Kapu. 15.

*Mfulukulu aYesu yena yakedika (1—11), nkiangunu mfulukulu abajwa yena yakedika mpe (12—28). Vo kawako, nga minu kieto kiankatu (29—34.) Nitu zabantu bafulukuswa (35—49). Ye bonso bubana fulukusulwa (50—53). Mbedoso eto mu Yesu Kilisto (54—57). Ndubudulu (58).*

Luzimpangi, mono ikuluzai-kisa nsamu wambote uyalusamunina, uluatambula mpe, iwuna ulutatamananga,

2. uluna laludulwa mpe, vo luna keba mambu mayalukambila nsamu wambote, vo kalualeka minu mu nkatuko.

3. Kadi va ntete mono yayekula kwa yeno yina yiyatambula mpe, vo Kilisto wafwa mu masumu meto, bonso buovele masonukwa,

4. vo yandi wadiamuswa ye wafulukuswa mu lumbu kiantatu, bonso buovele masonukwa,

5. vo kamonwa kwa Cefa, mboki kwa kumi ye miole.

6. Mboki kamonwa kwa zim-pangi zavioka nkama zitanu vakimosi. Zau zazingi zivumunanga nate ye bwabu, kansi zankaka zabondalala.

7. Mboki kamonwa kwa Yakobi mboki kwa zintumwa zazonsono.

8. Vazimunina mu babonso yandi wamonwa kwa mono mpe nkievo kwa mwana wasululwa.

9. Kadi mono ndutidi zintumwa mu ke ye kifweni mu bikwa ntumwako, kadi mono yazoma dibundu diaNzambi.

10. Kansi mu diambu dianlemvo aNzambi mono ngiena yina yingienina, ye nlemvo andi kawakala yami mu nkatuko, kansi mono yalutidi babonso mu sala, kansi kamonoko, kansi nlemvo waNzambi wena yami.

11. Nkiangunu vo mono vo yau, ibuna tulonganga ye ibuna lualekila minu.

12. Kansi vo Kilisto ukambwanga vo kafuluka mu bafwa, buna yeno bankaka bwe luovele, vo kakwenani mfulukulu abafwako.

13. Kansi vo kakwenani mfulukulu yabafwako, buna Kilisto mpe kafulukuswako.

14. Kansi vo Kilisto kafulukuswako, buna ndongolo eto yena yankatu ye minu kieto kiankatu mpe.

15. Kansi yeto tuna bakulwa zimbangi zaNzambi zamakutu, kadi tutanga kimbangi kwa Nzambi, vo kafulukisa Kilisto ukalembwa fulukisa, vo kedika kiena, vo bafwa kabana fulukuswako.

16. Kadi vo bafwa kabana fulukuswako, buna Kilisto kafulukuswa mpeko.

17. Kansi vo Kilisto walembwa fulukuswa, buna minu

kieno kiena kiankatu ye yeno luakidi mu masumu meno.

18. Buna vele yau babondalala mu Kilisto bamana vila mpe.

19. Vo tusanga vuvu mu Kilisto mu moyo wau kaka, buna yeto tulutidi bantu babonsono mu mfwa akiadi.

20. Kansi bwabu Kilisto wamana fulukuswa mu bafwa, yandi intekidi abantu babondalala.

21. Kadi lufwa buluayiza mu muntu mosi, ibuna mfulukulu abafwa yayiza mu muntu mosi.

22. Kadi bonso beto babonsono tufwanga mu Adami, ibuna babonso bana vanga bavumuna mu Kilisto.

23. Kansi muntu ye diandi kabu, Kilisto intekidi, mboki bavwilu kwa Kilisto, bukana kwiza,

24. mboki insukulu, bukana vutula kimfumu kwa Nzambi ye dise, bukakifukisila ngiadulu zazonsono ye tulendo tuatonsono ye ngolo zazonsono.

25. Kadi yandi una kala Mfumu, nate ye kana mana tula mintantu miamio kungsi atambi biandi.

26. Lufwa intantu wazimuni na una bungwa.

27. Kadi yandi wantudila yayonsono kungsi atambi biandi.

Kansi bukana vova, vo yayonsono yatulwa kungsi atambi biandi, buna vele, ndiena wantudila yayonsono kungsi, yandi katulwa kunsiko.

28. Kansi bukamana tudulwa yayonsono kungsi, buna yandi kibeni mwana una tulwa kungsi andiena wantudila yayonsono kungsi, kidi Nzambi una kala yayonsono mu yayonsono.

29. Vo kabwako, nga yau babotukwa mu babana bafwa, nga nki bavanga? Vo bafwa kabana fuluka nkutuko, buna mu nki babotukwa mu babana bafwa?

30. Yeto mpe mu nkiamatueti mona nsisi ntangu kanta-ngu?

31. Mono ifwanga lumbu kalumbu, vo nsikulu eno yena yami yena kedika mu Kilisto Yesu Mfumu eto.

32. Vo mu Efeso yanwanisa bibulu biansisi, bonso bunwaninanga bantu, nki andandu siabo bakila? Vo bafwa kabana fulukuswako, bika tuadia ye tuanwa, kadi mbazi situa fwa.

33. Kaluzimbakananiko, kikiundi kiambi kibunganga fu biabiza.

34. Lutoma luenga, kaluvolani masumuko, kadi bankaka balembolo zaya Nzambi, mu nsoni zeno mpovelewo.

35. Kani muntu una vova:

bafwa bwe bana fulukuswa ye mu nki azinitu bana kwizila?

36. Unkwa abuzengi, yina yiukunanga, vo kayina fwako, kayina vangwa moyoko.

37. Ngeye buukunanga, kukunanga nitu yina kalako, kansi lutombo luampene kani luansangu kanivo luankaka.

38. Kansi Nzambi unalo vana nitu, bonso bukazolele lutombo ye yandi nitu.

39. Nsuni miamionsono kaminsuni mimosiko, kansi nsuni abantu wankaka, nsuni abibulu biatoluka wankaka, nsuni azinuni wankaka, nsuni azimbizi wankaka.

40. Zena kwandi zinitu zadizulu ye zinitu zantoto, kansi nzitusu azinitu zadizulu wankaka ye nzitusu azinitu zantoto wankaka.

41. Nzitusu antangu wankaka ye nzitusu angonda wankaka ye nzitusu azimbwetete wankaka, kadi mbwetete yilutidi mbwetete mu nzitusu.

42. Ibobo mpe bwenina mfulukulu abafwa. Lekwa bikunwanga mu fukila bina fulukuswa mu lembwa fukila.

43. Bikunwanga mu mvwezo, bina fulukuswa mu nzitusu. Bikunwanga biakindakana, bina fulukuswa mu ngolo.

44. Nitu yena mwela yikunwa, nitu yampeve yina fuluku-

swa. Vo nitu yena mwela yena, buna bwena nitu yampeve mpe.

45. Bobo bwasonwa mpe: muntu wantete iAdami wakala mwela wamoyo, kansi Adami wazimunina wakala mpeve yivanganga bavumuna.

46. Kansi lekwa biampeve kabiategilako, kansi bina biakinitu, mboki bina biampeve.

47. Muntu wantete watuka mu ntoto, wavangulwa mfu-mfuta zantoto, kansi muntu wanzole watuka mu dizulu.

48. Bonso bwakala muntu wantoto, ibuna bwena bantu bantoto, bonso bwakala muntu wena mu zulu, ibuna mpe bwena bena mu zulu.

49. Bonso butuanata kifwani kiamuntu wantoto, ibuna bika tuanata kifwani kiamuntu wena mu dizulu mpe.

50. Kansi luzimpangi, mono iluvovele wau, vo nsuni ye menga kabilendi vingila kimfumu kiaNzambiko, ye bifukilanga kabina vingila bilembolo fukilako.

51. Tala, mono iluvovele mambu malembolo zayakana: beto babonsono katuna bondalalako, kansi beto babonsono tuna viluka,

52. nasiu mu mbwetolo ameso mu kulumeta kina kiazimunina, kadi kiau kina vova ye bafwa bana fulukuswa, kidi

balembwa fukila ye beto situ viluka.

53. Kadi yayi yifukilanga yina vwata yilembolo fukila, ye yayi yifwanga yina vwata yilembolo fwa.

54. Kansi yayi yifukilanga, buyikivwatila yilembolo fukila, ye yayi yifwanga, buyikivwatila yilembolo fwa, buna mambu masonwa mana kwenda detila: lufwa luamanwa kwa mbedoso.

55. Lufwa, ba kiaku kwe kiena? Lufwa, mbedoso aku kwe yena?

56. Kansi ba kialufwa imasumu ye ngolo zamasumu imina.

57. Kansi bika Nzambi katondwa ukutuvananga mbedoso mu Mfumu eto Yesu Kilisto.

58. Luzimpangi zani zato ndwa, nkianguku lukala nakekete, lukwikama, lubuka mu salu kiaMfumu lumbu kalumbu, buluzaidi, vo salu kieno kakiena kiankatu mu Mfumuko.

## Kapu 16.

*Ngionzokolo ambongo (1—4). Nzietolo aPauli ye Timotio ye Apolo (5—12). Ndubudulu mu sikila mu minu ye vumina baStefano (13—16). Mvutudulu amatondo ye nkambulu amavimpi (17—24).*

Kansi mu diambu diangionzokolo azimbongo kwa bantu banlongo luvanga beno mpe bonso

buyakamba mabundu mena mu Ngalatia.

2. Lumbu kiantete lumingu kalumingu buna luenabika muntu kayonzika mu yandi nzo kionso kikana baka mu vila diani, kaluidi badika yonzika, bungina luaka.

3. Kansi bungina luaka, sia fidisa nkanda ye yau baluna sola mu nata nkailu eno kuna Yelusalemi.

4. Kansi vo mono mpe ngiena nsatu akwenda, buna siba kwenda yami.

5. Kansi mono sia luaka kwa yeno, bungina mana zieta mu Makedonia, kadi mono ngina vioka mu Makedonia.

6. Kansi nanga sia sala yeno fintangu ntangu, nanga ngina sala sivu kiamvimba mpe, kidi luakumfila konso kunzolele.

7. Kadi kizolele kwami bumina kwa yeno bwabuko bungieti vioka, kadi mono mbenzi, vo sia lenda sala yeno lumbu bikwa, vo Mfumu unabo zola.

8. Kansi ngina sala mu Efeso nate ye lumbu kiapentekoste,

9. kadi mono yazibudulwa mwelo waunene ye wangolo, ye baninkakididi bena babingi.

10. Kansi vo Timotio una kwiza, lutala, kidi kalembwa kala wonga mu yeno, kadi yandi usalanga salu kiaMfumu bonso mono—,



11. kidi kana tungudulwa kwa muntuko. Kansi lumfidisa mu yenge, kidi kiza kwa mono, kadi mono ikuvingilanga ye zimpangi.

12. Kansi Apolo, impangi, mono yanleba beni, kenda kwa yeno ye zimpangi. Yandi kazo-la nkutu mu kwenda bwabuko, kansi sika luaka, bukana baka ntangu yabiza.

13. Lukaya meso, lutelama mu minu, lukala kibakala, lusiamma.

14. Bika yayonsoo yavangwa mu yeno mu tonda.

15. Kansi luzimpangi, mono ilulubula yeno— luzaidi nzo aStefana, vo yandi intekidi mu Akaya, ye yau bakubama mu sadisa bantu banlongo—

16. kidi yeno mpe luatuma— mana yau bena bobo ye wonso wonso ubasadisanga ye usalanga.

17. Mono ngieti yangalala mu ngizulu aStefana ye Folotunato ye Akaiku, kadi yau bavongisa ngunda zami mu yeno.

18. Kadi yau bavongisa mpeve ami ye mpeve eno. Nkiangunu luzaya yau bena bobo.

19. Mabundu mena mu Asia malufidisi mavimpi. Akila mpe Pikila ye dibundu diena mu nzo au balufidisi mavimpi beni mu Mfumu.

20. Zimpangi zazonsono zilufidisi mavimpi. Luvanasana mavimpi mu mfibulu yanlongo.

21. Nsonekene mavimpi mu kwami koko, mono Pauli.

22. Vo muntu una lembwa tonda mfumu, bika katumbwa. Malani ata.

23. Nlemvo aMfumu Yesu bika wakala yeno.

24. Tonda kwani kwena yeno habonsoo mu Kilisto Yesu.

## Nkanda wanzole waPauli kwa bisi Kolinto.

### Kapu 1.

*Mbadukulu (1—11). Ndiatulu aPauli yakala yavedila ye yakwikama (12—14). Bila kikalembwa kwizila kwa bisi Kolinto (15—24).*

Pauli, intumwa aKilisto Yesu mu luzolo luaNzambi ye Timotio, mpangi kwa dibundu

dianZambi diena mn Kolinto ye kwa bantu babonsoo banlongo bena mu Akaya yamvimba.

2. Nlemvo wakala yeno ye yenge kitukidi mu Nzambi, iseto, ye Mfumu Yesu Kilisto.

3. Bika Nzambi kasakumu— nwa ye se diaMfumu eto Yesu

Kilisto, se diakiwuntu ye Nzambi ambombolo yayonso

4. ukutubombanga mu ncita zetonsono, kidi tualenda bomba bena ncita mu mbombolo yina yitubombulwanga yeto kibeni kwa Nzambi.

5. Kadi bonso bubukanga ndungulu za Kilisto mu yeto, ibuna mbombolo eto yibukanga mu Kilisto.

6. Kansi vo tusiwanga ncita, buna mu diambu diambombolo eno ye ndalulu eno, ye vo tubombwanga, buna mu diambu diambombolo eno yeti sadilanga mu mvibudulu mu ndungulu zimosi zitulungulwanga. Vuvu kieto mu yeno kie-na nakekete

7. butuzaidi, vo bonso buluena ntuadi mu ndungulu, ibuna luena ntuadi mu mbombolo mpe.

8. Luzimpangi, kadi yeto katuzoleleko, vo luna lembwa zaya ncita zeto zituamona mu Asia, vo yeto tuasiwa mbidi ancita zikazinatwa ye tuabanza mabanza mole mu moyo.

9. Inga, yeto kibeni tuazaya mu beto kibeni, vo situa fwa, kidi tualembwa sila vuvu, mu beto kibeni kansi mu Nzambi ufukisanga bafwa.

10. Yandi watuvukisa mu lufwa lolo ye una kutuvukisa. Mu yandi yeto tuasidi vuvu,

vo sika vutuka kutuvukisa.

11. Yeno mpe bulusadisa yeto mu tusambulu, kidi mato-ndo mabantu babingi mavutulwa mu yeto mu babingi mu diambu dianlemvo utualemvukulwa.

12. Kadi nsikulu eto yayi: ikimbangi kiamintima mieto, vo yeto tuena mu nza mu nlongo ye mpedoso biaNzambi, kamu zinduka zansuniko, kansi mu nlemvo waNzambi, ye tualutilabo mu yeno.

13. Kadi yeto katusonikanga kwa yeno yankakako, kansi yina yiluatengi yiluzaidi. Kansi mono isanga vuvu, vo luna zaya nate ye nsukulu—

14. bonso bulueti kutuzaya mu ndambu bwabu— vo yeto insikulu eno, bonso yeno mpe insikulu eto mu lumbu kiaMfumu eto Yesu.

15. Mu vuvu kiokio mono yazola teka kwiza kwa yeno, kidi luavutuka tambula nlemvo,

16. buyakana vioka mu yeno, buyayenda kuna Makedonia, ye buyatukamu Makedonia yakana kwiza diaka kwa yeno, kidi yafilwa kwa yeno kuna Yudaya.

17. Buyazola bobo, buna yabanza mambu malembwa songe? Kanivo yasavuka ntima mu unisuni, buyasavukawo, kidi yakala inga, inga ye ve, ve?

18. Kansi Nzambi wakwika-

ma, nkiangunu mambu meto kwa yeno kamena inga ye veko.

19. Kadi Mwana aNzambi, Yesu Kilisto, wakambwa mu yeno kwa yeto, kwa mono ye Siluvano ye Timotio, yandi kakala inga ye veko, kansi inga kakala mu yandi.

20. Kadi nsilulu zazonsono zaNzambi zena inga mu yandi, nkiangunu mu yandi mpe mwena amen mu nzitusu aNzambi mu yeto.

21. Kansi ndiena usiamisanga beto yeno mu Kilisto ye watukusa iNzambi

22. watusa dimbu mpe ye watuvana ntadulu aMpeve mu mintima mieto.

23. Kansi mono ibokila Nzambi mu kimbangi mu mwel'ami, vo mu diambu diakuta yeno mono kiavutuka luaka kuna Kolinto nate ye bwabuko.

24. Yeto katuzimfumu zaminu kienoko, kansi yeto tukulusadisanga mu tambula kiese kieno, kadi yeno luena mu minu.

## Kapu 2.

*Bonso buna tambulwa ndiena wakusumuka (1—11). Wonga waPauli mu diambu diadibundu (12—13). Wayangalala, kadi salu kiandi kiasakumunwa kwa Nzambi (14—17).*

Kansi mono yasavuka ntima mu mono kibeni, kidi yalembwa

vutuka luaka kwa yeno ye kiadi.

2. Kadi vo mono ikuluvanga kiadi, buna nani indiena una kungiangidika, vo kayandiko wavangwa kiadi kwa mono?

3. Nkiangunu mono yasona yoyo, kidi buyaluaka, monongina lembwa vangwa kiadi kwa yau bafwiti kungiangidika, kadi mono yakwikama mu yeno babonsono, vo kiese kianii ikiese kiabeno babonsono.

4. Kadi mu kiadi kiakingi ye wonga wantima mono yasonakwa yeno kungsi amansanga mamingi, kaluidi vangwa kiadi, kansi kidi luazaya tonda kuna kwena yami kulutidi kwa yeno.

5. Kansi vo muntu wavanga kiadi, kavanga mono kiadiko, kansi kidi yalembwa ta mambu mangolo, yandi waluvanga kiadi beno babonsono.

6. Nkiangunu fweni kwandi, yandi bukasembwa kwa babingi,

7. ye bwabu vele luluta kunyambudilabo ye lumbomba, kidi ndiena kamanwa kwa kiadi kiokio kiakingiko.

8. Nkiangunu mono iluleba luwawana mu kuntonda.

9. Kadi mu diambu diodio mpe mono yasonika, kidi yazaya ntontolo eno, vo lutumamana mu yayonsono.

10. Kansi wonso uluyambudila diambu, mono mpe inyambudila, kadi dionso diyaya-

mbudila, vo yayambudila dia-  
mbu, mono yayambudiladio mu  
diambu dieno va luse luaKilisto,

11. katuidi babwa kwa sa-  
tana, kadi makani mandi kama-  
lembolo zayakana kwa yetoko.

12. Kansi buyaluaka ku To-  
loada mu kamba nsamu wa-  
mbote waKilisto ye yazibudu-  
lwa mwelo mu Mfumu,

13. buna yalembwa vonga  
mu mpeve ami, kadi kiamona  
mpangi ami Titoko, kansi mo-  
no yabasisila maviimpi ye ya-  
yenda ku Makedonia.

14. Kansi bika Nzambi ka-  
tondwa uyangalalanga lumbu  
kalumbu mu diambu dieto mu  
Kilisto ye uzaikisanga mfuku  
anzailu andi mu yeto vuma ka-  
vuma.

15. Kadi yeto insunga za-  
Kilisto kwa Nzambi mu yau  
balalulwanga ye mu yau bala-  
langa.

16. Mu yau beto infuku  
amfwilu mu fwa, kansi kwa  
babana bankaka yeto infuku  
amoyo mu moyo. Nani fweni  
mu lenda yayi yayonso.

17. kadi yeto katuenta bonso  
babingiko babilula mambu ma-  
Nzambi mu diambu diabaka  
ndandu au, kansi mu luzolo  
luavedila, nkievo kwa Nzambi  
yeto tuvovanga mu Kilisto va  
luse luaNzambi.

### Kapu 3.

*Nkanda wansikulu waPauli (1—3).  
Nzitusu aluwawanu luamona (4—11).  
BaIsaleli bafukwa zizi biaru nate ye  
bwabu, kansi vazininina bana lala-  
lwa (12—18).*

Tubadikidi kukisika diake?  
Kani tuena nsatu bonso banka-  
ka mu tambula minkanda mia-  
nsikulu mieno vo kwa yenoe?

2. Yeno inkand' eto waso-  
nwa mu mintima mieto uta-  
ngwanga ye uzayakene kwa ba-  
ntu babonso.

3. Bwazaiwa kwandi, vo ye-  
no inkanda waKilisto mu salu  
kieto, ye wasonwa mu mpeve  
aNzambi amoyo ye kamu nti-  
ntako, kamu matadiko, kansi  
mu tuse tuamintima miansuni.

4. Kansi yeto tuena vuvu  
kiokio mu Kilisto kwa Nzambi,

5. vo yeto katuenta nduenga  
zabanila lekwa mu yeto kibe-  
niko, nkievo mu yeto kibeni,  
kansi nduenga zeto zitukidi  
mu Nzambi

6. watuluengisa mu kala  
bisielo bialuwawanu luamona,  
kabisielo biabisonoko, kansi bi-  
sielo biampeve, kadi bisono  
bivondanga, kansi mpeve yi-  
vanganga moyo.

7. Kansi vo salu kialufwa  
kianwatwa mu matadi kiakala  
nzitusu, bana baIsaleli nkutu  
kabalenda tala zizi kiaMoseko  
mu diambu dianzitusu azizi

kiandi, inzitusu walala,

8. buna vele salu kiampeve kina lutila mu kala nzitusu.

9. Kadi vo salu kiankongodolo ankanu kiakala nzitusu, buna vele salu kiamfongoso kina lutila mu nzitusu.

10. Kadi kiokio kiena nzitusu mpe kakiena kwandi nzitusuko mu diambu dianzitusu wuna ulutidi.

11. Kadi vo kiakina kialala kiakala nzitusu, buna vele kina kina sala kina lutila mu nzitusu.

12. Nkiangunu butuena vu-vu kiokio, buna tuena kibakala kiakingi,

13. ye katuvanganga bonso Moseko watula lekwa mu fuka zizi kiandi, kidi bana baIsaleli kabatala nsukulu anzitusu walalako.

14. Kansi mabanza mau mavibuswa, kadi nate ye lumbu kiaki lekwa kiokio kieti kubafuka, bubatanga luwawanu luankulu ye balembole bakulakio, vo kina katulwa mu Kilisto.

15. Kadi nate ye kiaki lumbu, bubatanga Mose, lekwa kieti fuka mintima miau.

16. Kansi bubana bangumuka kwa Mfumu, buna lekwa kieti kubafuka kina katulwa.

17. Kansi Mfumu iMpeve kwandi. Konso kwena Mpeve

aMfumu, ikuna kwena mvuluzu.

18. Kansi beto babonsono tutalanga mu lumweno nzitusu aMfumu mu zizi biafukulwa, yeto tuna kituka kifwani kimosi kianzitusu mu nzitusu bonso mu mfumu aMpeve.

### Kapu 4.

*Pauli wakala wakwikama mu salu kiandi (1—6,) wakala kiese mu ndungulu zandi zazonsono (7—15), wakala vuvu kiakwikama (16—18).*

Ikuma butuena salu kiokio, bonso butualemvukulwa, buna tualembwa sisa kibakala,

2. kansi tuayambula nzila zansonni zaswekwa, katudiatanga mu kinkitako, katuvilulanga mamibu maNzambiko, kansi mu uzaikusulu akedika tukukisonga kwa mintima miabantu babonsono mu Nzambi.

3. Kansi vo nsamu eto wamhote waswekwa mpe, buna waswekwa kwa yau balala.

4. Nzambi anza yayi wavonda meso mau mamadiela mabantu badimbula minu, kabidi kiesulwa kia kwansamu wamhote wanzitusu waKilisto, ikifwani kiaNzambi.

5. Kadi yeto katukukikambangako kansi Kilisto Yesu bonso Mfumu ye yeto kibeni bonso minanga mieno mu diambu dia Yesu.

6. Kadi Nzambi wavova: mu tombe muna tuka kia kuna wangula, iyandi wawangula mu mitima mieto, kidi tuawangusila nzailu anzitusu aNzambi mu zizi kiaKilisto.

7. Kansi yeto tuena mbongo zozo mu binzu biatubumba, kidi ndutulu azingolo yina tuka mu Nzambi ye, kamu yetoko.

8. Mu yayonsono yeto tufietukuswanga, kansi tufionunkanga, tuena mangidi-mangidi, kansi tuena makani,

9. tuzomwanga, kansi katusi-swangako, tulumbwanga, kansi katuvilangako,

10. ntangu zazonsono tunatanga mfwilu aYesu mu zinitu zeto, kidi moyo waYesu wamonika mpe mu zinitu zeto.

11. Kadi yeto tueti vumuna tuyekulwanga lumbu yayonsono kwa lufwa mu diambu diaYesu, kidi moyo waYesu mpe wamonika mu nsuni eto wamfwilu.

12. Ibuna lufwa lusalanga mu yeto, kansi moyo mu yeno.

13. Kansi yeto butuena mpeve yimosi yaminu, bonso bwasonwa: mono yaleka minu, nkiangunu yavova mpe, buna yeto tulekanga minu mpe, ibila kituvovilanga mpe,

14. kadi yeto tuzaidi, vo ndiena wafulukisa Mfumu Yesu, yandi una kutufulukisa

mpe ye Yesu ye kututuala ye yeno.

15. Kadi yayonsono yivangwanga mu diambu dieno, kidi nlemvo, buweti buka mu diambu diababingi, una bukisa matondo manzitusu aNzambi.

16. Nkiangunu tulembolo si-sa kibakala, kansi vo nitu eto yambazi yina fukila mpe, buna muntu wena mu ngudi ukitukanga wamona lumbu kalumbu.

17. Kadi ncita zeto zena zankufi ye nayaki-yaki zitukisanga mu ndutulu atezo ndutulu azitu kianzitusu ukaumani kwa yeto,

18. butulembolo tala yilekwa yimonikanga, kansi tutalanga yilekwa yilembolo monika, kadi yilekwa yimonikanga, ilekwa yisalanga lumbu bikwa, kansi yilekwa yilembolo monika, ilekwa yikayimani.

## Kapu 5.

*Vuvu kiaPauli ye ngunda zandi 1—10. Ngolo zatonda kwaKilisto zena mu yandi (11—15). Mbwilu akodi 16—21.*

Kadi yeto tuzaidi, vo nzo yayi yafwokula vava ntoto yina tuluka, buna tuena ntungulu aNzambi, inzo yalembwa tungwa mu moko, yina sala kwele mvu kuvutukidi mvu mu mazulu.

2. Kadi yeto tuvumukanga mpe mu yayi ye tuena ngunda mu vwata nzo eto yitukidi mu zulu,

3. kadi buna katuna monika mpeneko, butukivwatidi.

4. Kadi butuena mu fwokula, tuvumukanga yitueni kiadi, kadi katuzolele vulwa mvwatu-ko, kidi yina yifwanga yina manwa kwa moyo.

5. Kansi ndiena watukubika mu diambu diodio iNzambi kwandi, iyandi watuvana ntadulu aMpeve.

6. Nkiangunu tuena kibakala lumbu yayonsono ye tuzaidi, vo butuena mu nzo, initu, buna tutatukidi ye Mfumu.

7. Kadi yeto tudiatanga mu minu kamu mona mesoko.

8. Kansi yeto tuyangalalanga ye tulutidi zola sisa nitu ye kwenda kwa Mfumu.

9. Nkiangunu nzitusu eto wena mu zolana ye yandi, kanivo tuakidi mu nitu kanivo tukatukidi.

10. Kadi beto babonsono tuna monukuswa va kiandu kiaKilisto kiankongodolo, kidi muntu muntu katambula yikavengi mu nitu andi, bonso bukavengiyo, vo yambote vo yambi.

11. Ikuma butuzaidi wonga waMfumu, tukwikisa bantu, kansi yeto tuzayakana kwa

Nzambi, ye mono nsidi vuvu mpe, vo tuzayakana mu mintima mieno.

12. Yeto katuvutukidi kukisika kwa yenoko, kansi tukuluyambudila ntangu, kidi luakukisika mu diambu dieto, mpasi luabaka mvutudulu kwa yau bakukisika mu yilekwa yamona meso, kansi kayilekwa yamintimako.

13. Kadi vo tukondolo diela, yeto tueninabo mu Nzambi, vo tuena nduenga, yeto tueninabo mu yeno.

14. Kadi tonda kwaKilisto kukutunanamananga, butumeni zaya diambu diadi,

15. vo mosi wafwila babonsono, nkiangunu yau babonsono bamana fwa, ye yandi wafwila babonsono, kidi bavumunanga kabavumuna mu diambu diabau kibeniko, kansi banavumuna kwa ndiena wabafwila ye wafulukuswa mu diambu diau.

16. Nkiangunu katuvutukani zaya muntu lunituko. Vo tuazaya Kilisto lunitu, katuvutukidi kunzayaboboko.

17. Ikuma vo muntu wena mu Kilisto, yandi impangulu yamona, yina yankulu yafukila, tala, yina yena yamona.

18. Kansi yayonsono yatukidi mu Nzambi watubwila kodi ye yandi kibeni mu Kili-

sto ye watuvana salu kiakodi.

19. Kadi Nzambi wakala mu Kilisto ye wabwila nza kodi ye yandi kibeni. Yandi kabatangila minkanu miauko ye watuvana mambu makodi.

20. Nkiangunu yeto izintu-mwa zaKilisto, impila mosi vo Nzambi ulubulanga mu yeto. Mu Kilisto yeto tulebanga: lubwilwa kodi ye Nzambi.

21. Walembwa zaya masumu, yandi wansa masumu mu dianbu dieto, kidi tuakala mfono aNzambi mu yandi.

### Kapu 6.

*Pauli isiolo kiakedika kiaNzambi (1—10). Tonda kwandi kwa bisi Kolinto (11—13) ye ndubudulu, kabidi kala ntuadi ye badimbula minu (14—19).*

Kansi bonso bisadi, yeto tukululubulanga mpe, kalwidi tambula nlemvo aNzambi mu nkatu,

2.—kadi yandi vovele: mono yawilu nsambulu aku mu ntangu yabiza, mono yakusadisi mu lumbu kiandalulu. Tala, bwabu intangu yabiza, tala, bwabu ilumbu kiandalulu.—

3. Yeto katufwemisanga muntu mu lekwako, kidi salu kakiavwezwo,

4. kansi tukukisonganga mu yayonso bonso bisielo biaNzambi mu mvibudulu yayingi

mu zincita, mu nsatu alekwa, mu kingongo,

5. mu mbandulu, mu bikebolo, mu zinkindu, mu nzungu, mu nkayulu zameso, mu mbinunu ansoki,

6. mu mpedosolo, mu nzailu, mu mvibudulu, mu nlembami, mu Mpeve yanlongo, mu tonda kukondolo disu kungsi alukaya,

7. mu mambu makedika, mu zingolo zaNzambi, mu biluazu biamfonga va lubakala ye va lumoso,

8. mu nzitusu ye mu mvwēzolo, mu mbikulu zambi ye mu mbikulu zabiza, nkievo tumimvuni, kansi tuena kedika,

9. nkievo tulembolo zaywa, kansi tutomene zaywa, nkievo tufwanga, kansi tala, tuvumunanga, nkievo tualongudukwa, kansi katuavondwako,

10. nkievo tuavangwa kiadi, kansi tuyangalalanga lumbu yayonso, nkievo bamputu, kansi tuvanganga habingi hamvwama, nkievo tulembolo vwa lekwa, kansi tuvwiidi yayonso.

11. Lubisi Kolinto, minwa mieto miazibuka kwa yeno, mintima mieto mieti neniva.

12. Yeno kaluena vuma kikiye mu yetoko, kansi yeno luena vuma kikiye mu mintima mieno.



13. Mono mpovele nkievo kwa bana: luneniva beno mpe, ibobo luna vutudila.

14. Kalunatani vangu bia-ndi ntuadi bianzeza ye balembolo leka minuko, kadi mfonga nki antuadi yena ye lufuma, vo nki antuadi yena ye kia ye tombe?

15. Kansi nki aluwawanu luena ye Kilisto ye Belia, vo nki antuadi yena ye ndiena ulekele minu ye ndiena ulembolo leka minu?

16. Kadi nzo aNzambi bwe yina kadila ye biteki? Kadi yeto inzo aNzambi amoyo, bonso bwavova Nzambi: mono ngina kala yau ye ngina zieta yau, mono ngina kala Nzambi au, ye yau bana kala bana bami.

17. Mfumu vovele: nkiangu-nu luvaika mu yau ye luvambana ye kalusimbani yina yena yansoboko, ye mono ngina kulutambula.

18. Mono ngina kala seno, ye yeno luna kala bana bami bababakala ye babakento. Mfumu atulendo tuatonsono yivo-velebo.

## Kapu 7.

*Pauli wata kimbangi mu tonda kwandi kwa bisi Kolinto (1—4) ye mu wonga wandi mu diambu diau, ye bonso bukabombwa kwa Tito (5—16).*

Luzintondolo, butuena nsi-

lulu zozo, bika tuakukivedisa mu nsumunu zazonsono zansuni ye zampeve ye bika tuatatamana mu mana fonga mu wonga waNzambi.

2. Lutuvana vuma! Yeto katuavengi bulembolo songa kwa muntuko, yeto katuatana muntuko, yeto katuabeki lekwa kwa muntu mu ndandu etoko.

3. Kivovelebo mu kulukongudila nkanuko, kadi yakivovele, vo yeno luena mu mintima mieto kani tufwa kani tuvumuna.

4. Mono ngienina yeno kibakala kiakingi, nsikulu ami yena yayinene mu yeno, mono yazedi kwa mbombolo, mono yabukulu kwa kiesa mu kiadi kieto kiakionsono.

5. Kadi butuakiluakila ku Makedonia mpe, nsuni mieto kamiaavongako, kansi yeto tuamweswa nzungu zampila mu mpila: kumbazi kwakala mvita, mungudi mwakala wonga.

6. Kansi Nzambi ubombanga bena kiadi, yandi watubomba mu ngizulu aTito,

7. kansi kamu diambu dingizulu andi kakako, kansi mu diambu diambombolo yikabombulwa mu yeno, bukatukaniba ngunda zeno ye nkungulu zeno ye venia kweni mu mono, nkungunu yaluta yangalala.

8. Kadi vo yaluvanga kiadi

mpe mu nkand' ami, kiniongo-lokeleboko. Vo yansionguluka mpe — kadi yamweni, vo nkanda wowo waluvanga kiadi nanga mu fintangu kaka—

9. buna mono iyangalala, kamu diambu diakiadi kienoko, kansi mu diambu diakiadi kiampiludulu adielala, kadi yeno luakala kiadi, bonso bwena luzolo luaNzambi, kaluidi vangwa buma kwa yeto.

10. Kadi kiadi kienina bonso buzolele Nzambi, kiau kitukisanga mpiludulu adielala mu lalulwa kutuna lembwa niongulukila, kansi kiadi, kianza kitukisanga lufwa.

11. Kadi tala, bwabu buluakala kadi bonso buzolele Nzambi, buna kiokio kiatukisa vema kwakwingi mu beno, inga luve-ngomono luamambu, inga nganzi, inga wonga, inga zingunda, inga vema, inga ndongolo! Yeno lua-songa mu yayonso, vo lua-vedele mu mambu momo.

12. Nkiangunu buyasona kwa yeno, kiasona mu diambu diamuntu wavanga yayibiko ye mu diambu diamuntu wavangwa yayibiko, kansi kidi vema kuluna kwa yeto kwanionika mu yeno kwa Nzambi.

13. Nkiangunu yeto tuabombwa. Kansi mu mbombolo eto yoyo, yeto tulutidi yangalala mu kiese kiaTito, mpeve andi

buyavonguswa kwa beno babonso.

14. Kadi vo yakisika mu yeno kwa yandi, kiavwiswa nsoniko, kansi bonso butuakamba yayonso mu kedika kwa yeno, ibuna nsikulu eto yena yakedika kwa Tito mpe.

15. Ntim' andi ulutidi mu tatamana mu yeno, bukabambukilanga ntumumunu abeno babonso moyo, bonso buluatambula yandi mu wonga ye zakama.

16. Mono iyangalalanga, bu-ngienina yeno babonso kibalakala kiabiza.

## Kapu 8.

*Pauli wakwika bisi Kolinto, kidi bayonzika biabingi kwa banlongo bena mu Ychusalemi (1—15). Tito ye zimpangi zole zafiduswa mu diambu diodio (16—24).*

Luzimpangi, yeto tukuluzaisisa nlemvo waNzambi wavewa mu mabundu mena mu Make-donia,

2. vo kiese kiau kiabuka mu ntontolo yayingi yakiadi mwazala luyangululu luau luangolo, ye bumptu bwau bwabunene bwabuka mu kimvwa kiau kiakimpombo.

3. Kadi mono itanga kimbangi, vo bavana bonso bubalende, ye balutila mu lenda mu luzolo luayau kibeni,

4. ye batatamana kutuleba, kidi basilwa nlemvo mu sadisa mu nsadusulu kwa bantu hanlongo,

5. kabonso butuabanzako, kansi yau bateka kukivana kwa Mfumu, mboki kwa yeto mu luzolo luaMfumu,

6. kidi tuakwika Tito, mpasi kalungisa nlemvo wowo mu yeno mpe, bonso bukateka badika.

7. Kansi bonso bulueti buka mu yayonsoo mu minu, mu mamibu, mu nzailu, mu vema kwakonsono, mu tonda kuna kuluena kwa yeto, buna lutala, kidi luabuka mu nlemvo wowo mpe.

8. Mono kivovele bobo mu vanga nkondoko, kansi mu tonta kedika kiatonda kweno mu diambu diavema kwena ye bankaka.

9. Kadi yeno luzaidi nlemvo aMfumu eto Yesu Kilisto, vo yandi, bukakala kimvwama, yandi wakituka bumputu mu diambu dieno, kidi luakala kimvwama mu bumputu bwandi.

10. Mono sia kamba mabanza mami mu mamibu momo, kadi mau mana kulutomisina nitu, yeno buluavita mvu wakedi kamu vanga kakako kansi mu zola mpe.

11. Lumana vangabo bwabu mpe, kidi mbanunu mpe yavangwa, bonso bwena luzolo mu

zola ye bonso bululendele.

12. Kadi vo luzolo luakidi, buna luau luatondwa, bonso bulubakidi lekwa, kabonso bululembolo bakako.

13. Kadi kamu diambu diabankakako kidi bavonguswa, ye yeno luna mona mpasi, kansi mu diambu diadetila mu ntangu yayi, mansadusulwa meno mana kubasadisa mu bikondolo yau,

14. mpasi mansadusulwa mau mana kulusadisa mu bikondolo yeno, kidi luakala nadede,

15. bonso bwasonwa: Ndienu wayonzika biabingi, kakala mansadusulwako, ye ndienu wayonzika safiuma, kakondwa lekwa.

16. Kansi bika Nzambi katondwa uvananga mu ntimawato vema kumosi kwa beno.

17. Kadi yandi watambudila nkwikulu, kansi bukena vema beni, yandi wayenda kwa yeno mu luandi luzolo.

18. Yeto tuafidisi mpe ye yandi mpangi yazituswa kwa mabundu mamonsoo mu nsamu wambote,

19. kabobo kakako, kansi wasolwa kwa mabundu mu kwenda yeto, butuna kwenda ye nkailu wowo wayonzukwa mu lusadusu lueto mu nzitusu aMfumu kibeni ye mu luzolo lueto.

20. Bobo tuakukitabila, ka-

tuidi vwezwa kwa muntu mu diambu diankailu wowo wau-nene wayonzukwa mu lusadusu luetu.

21. Kadi yeto katutatama-nanga yonso yena yabiza kwa Mfumu kakako kansi kwa ban-tu mpe.

22. Kansi yeto tuafidisi ye yau mpangi eto yituatonta nto-nta zazingi mu lekwa yayingi, vo wena vema, kansi bwabu lutidi mu vema mu vuvu kia-kio kiakinene kiena yandi mu yeno.

23. Vo ngina vovamu Tito, bu-na yandi impangi ami ye kisadi yami mu yeno, evo mu zimpangi zeto, buna zau izintumiwa zamabundu ye nzitusu aKili-sto.

24. Nkianguu buluasonga dimbu kiatonda kweni ye nsi-kulu eto mu yeno, buna lueti-bo songa va luse luamabundu.

### Kapu 9.

*Ngionzokolo yina yina kula yonzu-kwa (1—5) ye yina kala yayinene ye yina vangwa mu kiese (6—15).*

**Kadi** yeno kaluena nsatu asonukwa kwa mono mu diambu diansadusu kwa bantu banlo-ngoko.

2. Kadi mono nzaidi luena mbidi azola, ikuma ngieti kuki-sika mu diambu dieno kwa bisi Makedonia, vo Akaya diakuba-

ma diena kasi ye mvu wakedi, ye vema kweni kwakwika ba-bingi.

3. Kansi mono yafidisi zi-mpangi, kidi nsikulu eto mu yeno kayina fubako mu mambu momo, mpasi yeno luakubama, bonso buyavovele,

4. beto—inga beno vele mpe—katuidi vwa nsoni mu vuvu kiokio, vo bisi Makedonia bana luaka yami ye bana kulumona, vo lulembolo kubama.

5. Nkianguu mono yabenzi, vo bufweni mu kamba zimpangi zavita kwa yeno ye kubika nsakumunu eno yina yateka si-lwa, kidi yau yakubama bonso nsakumunu ye kabonso wimiko.

6. Kansi mu diambu diodio: ukunanga mu kinkokoto sika yonzika mu kinkokoto, ukuna-nga mu nsakumunu sika yonzi-ka mu nsakumunu.

7. Muntu muntu, bonso bu-kabenzi, bika kavana mu ntimu kamu kiadi ye mu ntatumusuko, kadi Nzambi utondele muntu uvananga mu kiese.

8. Kansi Nzambi lenda bu-kisa nlemvo miamionsono kwa yeno, mpasi luabuka mu mava-nga mamonsono mabiza, bulue-na nzolwa abonso buma mu lum-bu biabionsono,

9. bonso bwasonwa: Yandi wamwanga, yandi wavana kwa bamputu, mfong'andi yisalanga

kwele mvu kuvutukidi mvu.

10. Ndi ena uvananga ntombo kwa muntu ukunanga ye mampa mu dia, yandi una vana ye niekisa ntombo zena ye niekisa mbongo zamfonga zeno,

11. kidi luakala kimvwana mu yayonso mu kimpombo kiakionsono kitukisanga matondo kwa Nzambi mu yeto.

12. Kadi salu kiokio kiansa-dusu kakikatulanga nsatu zabantu banlongo kakako, kansi kibukidi mpe mu matondo mamingi kwa Nzambi,

13. yau bubasika Nzambi mu diambu diakedika kiansa-dusu yoyo mu ntumumunu yakimbangi kieno mu nsamu wambote waKilisto ye mu nsadusu eno yakimpombo kwa yau ye kwa babonso.

14. Kadi yau mpe benina yeno ngunda mu tusambulu mu yeno mu diambu dianlemvo waunene waNzambi uluavewa.

15. Bika Nzambi katondwa mu nkailu andi ulembolo visakana.

## Kapu 10.

*Pauli wazaikisa mintantu miandi lulendo luandi luakintumwa (1-6) ye nsikulu andi (7-18).*

Kansi mono kibeni Pauli iluleba mu nlembani aKilisto ye nlemvo andi, imono bungiena

yeno ngieti yinama, kansi bu-ngieti tatuka, mono itanga kibakala kwa yeno,

2. kansi mono iluleba, kidi yalembwa katwa ta kibakala kina kingieti banza, vo ilenda ta kibakala kwa bankaka, iyau beti kutubikanga, vo tudiatanga mu nsuni.

3. Kadi tudiatanga mu nsuni, kansi yeto katunwaninanga nsuniko.

4. Kadi biluazu bieto biandwanina kabiena biansuniko, kansi biangolo mu Nzambi mu tulula bitabulu,

5. kadi tutulula makani mabanza ye yonso nkakulu yitungwanga mu kakila nzailu aNzambi, ye tubakanga mabanza mamonso zinkole mu tumamana Kilisto,

6. ye tuakubama mu vutula ndinda mu nkolomono yayonso, ntumumunu eno buyina mana lunga.

7. Lutala yimonekene mu meso? Vo muntu weti kukisila vuvu, vo vwilu kwa Kilisto, buna sika banza mu yandi kibeni, vo yeto mpe tuvwilu kwa Kilisto, bonso bukavwilu kwa Kilisto.

8. Kadi vo mono ngina lutila kukisika mu ngolo zeto zavana Mfumu mu ntungulu eno, kamu ntuludulu enoko, kina kwami vwa nsoniko,

9. kidi yalembwa banzwa, vo nzolele kulutinisa mu minka-nda.

10. Kadi bavovele: Minka-nda miena niandubudulu ye miangolo, kansi mbonokono anitu yena kindakana ye mambu matungudulwanga.

11. Uvovangabo, bika kabanza, vo bonso butuena mu mambu maminkanda, butututukidi, ibuna tuena mu mavanga, butuna luaka.

12. Kadi yeto katulendi kukifwanikisa vo kukisonga, bonso yau bakukikambako; kansi yau bubakitezila, bonso bubenina, ye bakifwanikisa ye yau kibeni bakondolo nduka.

13. Kansi yeto katuzolele kukisika beniko, kansi bonso bwena tezo kituavewa kwa Nzambi mu teza, kidi tualuaka nate ye yeno mpe.

14. Kadi yeto katulambukila nseke beniko, nkievo katualuaka kwa yenoko, kadi yeto tualuaka nate ye kwa yeno mu nsamu wambote waKilisto.

15. Yeto katukukisika beni mu salu bianganako, kansi yeto tusidi vuvu, minu kieno bukina neniva mu yeno, vo yeto tuna nenuvuswa beni kwa yeno, bonso bwena tezo kieto,

16. buna yeto tuna kamba nsamu wambote mu nsi zena ku ntuala valuena, katuna kukisika mu

nsi zanganako mu salu biavwa vangwa.

17. Kansi wonso ukisikidi, bika kakisika mu Mfumu.

18. Kadi wonso ukukisikanga kakwikamaniko, kansi ndiena usikwanga kwa Mfumu.

### Kapu 11.

*Pauli wazaikisa vema kwandi ye ndungulu zandi zikamwena dibundu diakala mu Kolinto (1—15), wazaikisa mpe diswaswana diana ye yandi ye ntumwa zamakutu (16—33).*

Engwa, vo luzolele vibidila fibuzengi fiami! Ketu lueti kuvibidila.

2. Kadi mono ngieti vemi-na yeno mu vema kwa Nzambi. Kadi mono yaluvanga luakambana ye bakala dimosi, kidi yatuala ndumba yavedila kwa Kilisto.

3. Kansi mono ngiena wonga, vo yeno mpe luna bungwa madiela meno ye katuka mu kimpombo kiaminu mu Kilisto, bonso bwakondwa Eva kwa nioka mu bungubi bwandi.

4. Kadi vo muntu una kwi-za kwa yeno una kamba Kilisto wankaka utualembwa kamba, vo luna tambula mpeve yankaka yilualembwa tambula, vo nsamu wambote wankaka ulualembwa tambula, buna yeno lueti vibidilawo mu kedika.

5. — Kadi mono ngieti banga, vo kikondolo lekwa nkutuko kiena ye zintumwa zazi-nene.

6. Vo kiena nduka mu to-ma vovako, buna vele ngiena nduka mu nzailu, ye mu le-kwa yayingi tuetiyo zaikisa mu yayonsoo kwa yeno.

7. Kani yavola nkanu, buyakiyina, kidi yeno luabalulwa, buyakaniba nsamu wambote waNzambi kwa yeno mu kalekwako.

8. Mono yaziona mabundu mankaka ye yatambula nsendo, kidi yalusadila, ye buyakala yeno ye yafwa nsatu, kiata-timisa muntu lekwako.

9. Kadi yina yiyakadila nsatu, zimpangi zalungisayo, buzatuka mu Makedonia, ye mu yayonsoo mono yatina ye ngina tina mu kulutatimisa.

10. Kedika kiaKilisto kiena mu mono, nkiangunu nsikulu yoyo kayina lenbwa wakana mu nsi zaAkayako.

11. Mu nkiana? Kadi mono ndembolo kulutonde? Nzambi zaidibo.

12. Kansi kina kiyavengi nginakio vanga mpe, kidi yakatula diambu diayau batuto-mbangadio mu diambu diafwa-nana ye yeto mu kukisika.

13. Kadi basangabo izintumwa zamakutu ye bisadi bia-

kinkita bakivanga nkievo zintumwa zaKilisto.

14. Kaidiambu diangitukuluko, kadi yandi kibeni satana ukukivanga nkievo mpofi akia.

15. Nkiangunu katuna yitukwako, vo bisielo biandi bikukivanganga nkievo bisielo biamfonga. Nsukulu zau zina kala, bonso bwenina mavanga mau.

16. Diaka mpovele: muntu kana kumbanzila, vo ngiena bu-zengiko, kansi vo kabwako, lutambula, nkievo ngiena bu-zengi, kidi yakisika fuma.

17. Mambu mampovele mu nsikulu ami kivovelemo bonso vo mu Mfumuko kansi nkievo mu buzengi.

18. Babingi bubakukisikanga mu nsuni, buna mono mpe ngina kukisika.

19. Kadi bululuengele, yeno luvibidilanga bena buze-ngi.

20. Kadi yeno lueti vibidila, vo muntu una kuluvanga minanga, vo muntu una kuludia, vo muntu una kulubaka, vo muntu una tuta mbaya, vo muntu una kulubanda mu zizi.

21. Mu nsoni mpovele vo: keti beto tuakala kindakana. Kansi vo muntu wenina kibakala, mu diambu mono mpe ngieninadio kibakala, mu buzengi mpovelebo,

22. Yau ibaebeleoe? Mono mpe. Yau iba Isalelie? Mono mpe. Yau ibana baAbalamie? Mono mpe.

23. Yau ibisielo biaKilistoe? Nkievo ndaukidi mono mpovele mono ndutidi. Ndutidi mu mpasi, ndutidi mu bandwa, ndutidi mu tubwa mu kebolo, ndutidi mu zimfwilu.

24. — mono yabandwa kwa bayudayo mbandwa zitanu makumaia maia makondwa nkomeme mosi mosi.

25. Mono yabandwa mbandwa zitatu mu kokoto kiamfumu, yatubwa matadi ntumbwa mosi; yafwilwa naza mfwilwa zitatu, fuku dimosi ye mwini umosi mono yangama vakala mpinda—

26. ndutidi mu zieta nzietazazingi, mu mona nsisi niumila, mu mona nsisi mu mintani, mu mona nsisi kwa bazika bami, mu mona nsisi kwa banzenza, mu mona nsisi mu mavata, mu mona nsisi mu nsi yankatu, mu mona nsisi mu mbu, mu mona nsisi mu zimpangi zantandu ameso,

27. mu salu ye ncita, mu kaya meso beni, mu nsatu adia ye nlangu, mu mbinunu zansoki zazingi, mu kiozi ye kimpene.

28. Mboki mono iyindulilanga mabundu mamonsono

ye ntatumusu abantu lumbu kalumbu, mboki lekwa yankaka mpe.

29. Nani wena kindakana, ye mono ndembolo kala kindakana? Nani fwemoso, ye mono ndembolo zinina?

30. Vo ngina katwa kukisika, sia kukisika mu kindakana kwami.

31. Nzambi ye dise diaMfunu eto Yesu Kilisto wasakumunwa kwele mvu kuvutukidi mvu zaidi vo ndembolo kamba makutu.

32. Mu Damasko nkuluntu amfumu Aleta wayingisa vata diabisi Damasko mu kumbaka,

33. kansi mono yakululwa mu mpidi mu mwasi wakala mu baka kiavata, ye yataba mu moko mandi.

## Kapu 12.

*Sulumbi kiamona Pauli (1--10). Wata kimbangi mu tonda krandi kwa dibundu (11--15). Wakitabila mu ntelo amakutu (16--18), wakala wonga mu diambu diabankaka mu dibundu (19--21).*

Mono sia katwa kukisika, kansi kabutomese nituko, kadi mono ngiena mu yika sulumbi ye nzaikusu kwa Mfunu.

2. Mono nzaidi muntu mu Kilisto kumi ye minvu mia kasi kabaludulwa nate ye kuna dizulu diantatu, vo kakala mu nitu, vo



kakondwa nitu, kizaidi kwami-ko, Nzambi zaidibo.

3. Mono nzaidi, vo muntu wowo—vo kakala mu nitu, vo kakondwa nitu, kizayidiko, Nzambi zaidibo —

4. wabalulwa nate ye lumbu luakiese ye wawa mambu malembolo vovakana makanukunwa muntu vova.

5. Yandi ngina kukisika, kansi kina kukisikako vo kamu kindakana kwaniko.

6. Kadi vo nzolele kukisika, nga kina kala buzengiko, kadi ngina kaniba kedika, kansi ndembolo kwami, kidi muntu kana kumbanzila lekwa kiankakako, kansi kina kikambwena ye kikangwila.

7. Kansi mpasi yalembwa yanda mu nzaikusu zozo zikazivovi, mono yavewa nsende mu nsuni, impofi asatana, kidi kambanda zinkome, kidi kiyaandako.

8. Mu diambu diandi mono yalomba kwa Mfumu ndomba zitatu, kidi yakatudulwa yandi.

9. Mfumu wavova kwa mono: Nlemvo ami ulungidi kwa ngeye, kadi zingolo zami zina lunga mu kindakana. Nkiangu- nu mono sia luta zola kukisika mu kindakana kwani, kidi ngolo za Kilisto zamvwandila.

10. Nkiangu nu mu diambu dia Kilisto mono nzolele biena

kindakana: mu mona kwama, mu zimpasi, mu nzomono, mu nzungu, kadi bungiena kindakana, buna ngiena ngolo.

11. Mono ngiena buzengi mu kukisika, kansi yeno luantatimisinabo, kadi yeno luakutwa kunsika, kadi mono kialutulwa mu lekwa nkutu kwa zintumwa zozo zazineneko, vo kiena mpe lekwako.

12. Bimangu biantumwa biavangwa mu yeno mu mvibudulu yayonsoho mu lekwa biannenya ye bimangu ye tulendo.

13. Kadi mu nki alekwa lualutulwa kwa mabundu mankaka, vo kadiadiko, vo mono ndembolo kulutatimisa lekwa? Lungiambudila diambu diodiodiambi!

14. Tala, mono nkubamene mu luaka kwa yeno nduaka yantatu ye kina kwami kulutatimisa lekwako, kadi mono kitombanga lekwa bienoko, kansi yeno kibeni, kadi bana kabana yonzika mbongo kwa mase ye zingudiko, kansi mase ye zingudi bana yonzika kwa bana.

15. Kansi mono nzolele beni vana ye kukivana mu diambu diamiela mieno, vo ngina tondwa fuma mpe, bundutidi kulutonda beni.

16. Kansi kadiambuko, vo

yalembwa kulutatimisa lekwa mono kibeni, kansi bungiena bungubi-ngubi, mono yalubaka mu makani.

17. Kadi mu yau bayalufidisa yalubakila ndandue?

18. Mono yaleba Tito ye yafidisa mpangi mpe. Kadi Tito walubakila ndandue? Kadi katuadiatanga mu Mpeve yimosikoe? Kadi katuadiatanga ndiatulu yimosikoe?

19. Diaka lueti banza, vo tueti vengumuna mambu meto kwa yeno. Va luse luaNzambi tuvovanga mu Kilisto, kansi luzintondolo, yayonso mu diambu diakulutunga.

20. Kadi mono ngiena wonga, vo ngina lembwa kulumona, bonso bunzolele, bungina kwiza, ye vo mono mpe ngina monwa kwa yeno, bonso bululembolo zola, ye vo mu yeno mwena nzonza, nsoki, nganzi, zinipaka, makela, nsamu mialunsi-lunsi, minsa, bonso bonso,

21. ye vo Nzambi ami una kunginisa, bungina luaka, mu diambu dieno, ye vo sia kadi la babingi kiadi bateka vola masumu, kansi kabaviludi madiela mauko mu mvindu yoyo ye mu luyangulu ye mu kintienge bibavanganga.

### Kapu 13.

*Pauli wabakanikina mu balonga*

ndongi mu ngolo (1—10). Ndubudulu zankaka ye nkambulu amarimpi (11—13).

Mono ngina kwiza bwabu ngiza yantatu kwa yeno. Manbu mamonsoo mana zengwa mu minwa miazinhangi zole vo zitatu.

2. Mono yateka vova ye ntekele vova, bonso buyakala yeno nkala yanzole, ibobo bwabu mpe, bungiena nseke, kwa yau bateka vola masumu ye kwa bankaka babonsoo, vo ngina vutuka, sia lembwa kuta.

3. Bululomba dimbu kwa Kilisto uvovanga mu mono ulembolo kala kindakana mu yeno, kansi wena kwandi wangolo mu yeno.

4. Kadi yandi wacomwa va kulunsi mu kindakana, kansi uvununanga kwandi mu ngolo zaNzambi. Kadi yeto mpe tuna kindakana mu yandi, kansi tuna vumuna yandi mu ngolo zaNzambi.

5. Lukitonta, vo luena mu minu! Lukifiongunina! Kanivo kalukizaidikoe vo Kilisto Yesu wena mu yeno, vo kaluena ye yau bana lendwako, yeno kaluna lembwa, bubana tontwa.

6. Kansi mono nsidi vuvu, vo yeno luna zaya, vo yeto katuena ye babanako bana lendwa.

7. Kansi yeto tueti dila

kwa Nzambi, kaluidi vola yambiko, kamu diambu diamonwa, vo tulembono, kansi mpasi luavanga yambote, ye yeto tuena nkievo babana bana lendwa.

8. Kadi yeto katulendanga lekwa yikakilanga kedikako, kansi yina yena ye kedika.

9. Kadi yeto tuyangalala, hutuena kindakana, kansi yeno luena ngolo. Yeto tulombanga mpe, vo luna lunga.

10. Nkiangunu bungiena nseke, mono nsonene bobo, kidi yalebwa katwa sa ngolo, bungina luaka, bonso bwena ngo-

lo ziyavewa kwa Mfumu mu tunga kamu tululako.

11. Mboki, luzimpangi, luyangalala, lulunga, lulubasana lukalasana diela dimosi, lukalasana yenge, ye Nzambi ayeenge ye tonda sika kala yeno.

12. Lukambasana mavimpi mu mfibulu yanlongo. Bantu babonsoo banlongo bakulufidisa mavimpi.

13. Nlemvo aMfumu Yesu Kilisto ye tonda kwaNzambi ye mbundulu antuadi aMpeve yanlongo, bika biakala yeno babonsoo!

## Nkanda waPauli kwa bisi Ngalatia.

### Kapu 1.

Mbadukulu (1--5). Nsamu wambote walonga Pauli wena wakedika (6--10). Watambulawo kakwa mutuko kansi kwa Yesu mu nzaikulu (11--24).

Pauli intumwa, wavangulwa kakwa bantuko, ye kamu mutuko, kansi mu Yesu Kilisto ye Nzambi ise diamfulukisa mu hafwa,

2. ye zimpangi zazonsono zena yami kwa mabundu maNgalatia.

3. Bika nlemvo wakala yeno ye yenge kiaNzambi ise

ye Mfumu eto Yesu Kilisto,

4. waktivana mu masumu meto, kidi katukatula mu nza yayi yambi, bonso bwena luzolo luaNzambi ye se dieto

5. dina zituswa mvu mikamimani kwele mvu kuvutukidi mvu. Amen!

6. Mono ngitukulu, vo yeno nswalu beni lueti sisa ndiena walubokila mu nlemvo waKilisto mu diambu diansamu wankaka wanzenza.

7. Wau kainsamu wankakako, kansi bankaka bena bazolele kuluvanga mangidi na-

ngidi ye vilula nsamu wambote waKilisto.

8. Kansi vo yeto mpe vo mpofi mu dizulu tuna kamba nsamu wambote ubangisanga nsamu una wambote utuakamba bika katumbwa!

9. Bonso buyateka vova, ibuna mpovele diaka: vo muntu una kulukaniba nsamu wambote ubangisanga nsamu uluatambula, bika katumbwa.

10. Kadi mono ivovanga, bonso buzolele bantu vo Nzambie? Kanivo nzolele zolasana ye bantue? Vo yazolasene ye bantu nate ye bwabu, nga kiena kwami sielo kiaKilistoko.

11. Luzimpangi, mono iku-luzaikisa, vo nsamu wambote wasamunwa kwa mono kainsamu wamuntuko.

12. Kadi mono kiatambula-woko ye kialongwawoko kwa muntuko, kansi mu nzaikusu kwa Yesu Kilisto.

13. Kadi yeno luawa nkadulu ami ntama mu kiyudayo, bonso buyaluta mu zoma dibundu diaNzambi ye sansiki-sadio.

14. Mono yaluta zinkubu zami zazingi zakanda diami mu kiyudayo ye yalutila mu kala vema vema mu minkondo miamase mami.

15. Kansi Nzambi wakiva-ngudila mono mu vumu kia-

mbut' ami ye wakibokidila mono mu nlemvo andi, ye bukazola

16. zaikisa mwan' andi mu mono, kidi yasamunina yandi mu nsamu wambote kwa bannenya, buna mono intumbu lembwa yuvula nsuni ye menga,

17. ye kiayenda kuna Yelusalemiko kwa yau batekila mu kala zintumwa, kansi yayenda kuna Alabia, mboki yavutuka diaka kuna Damasko.

18. Mboki mvu mintatu bu-miamana vioka, mono yayenda kuna Yelusalemi mu dianibu diazaya Cefa, ye yasala yandi kumi ye lumbu bitanu.

19. Kansi zintumwa zanka-ka kiamonazoko kansi Yakobi mpangi aMfumu.

20. Yonso yinsonene kwa yeno, tala, mu Nzambi ntelelebo, kikembi makutuko.

21. Mboki yaluaka ku nsi zaSilia ye Silisia.

22. Mono kiazaywa zizi kwa mabundu maKilisto mu Yudayako.

23. Kansi yau bawa kaka: ndiena watuzoma ntama, bwabu weti kamba nsamu wambote waminu kiateka bunga.

24. Yau bazitisa Nzambi mu mono.

## Kapu 2.

Pauli wasemba bisi Ngalatia, bonso bukayenda ku lukutukunu huzintumwa mu Yelusalemi (1—10) ye bonso bukalubula Petolo mu Antiokia (11—21).

Kumi ye mvu mia diaka, mboki yabaluka kuna Yelusalemi ye Banaba ye yanata Tito mpe.

2. Kansi mono yabaluka kuna mu diambu dianzaikususu ye yabakamba nsamu wambote uikambanga kwa banzenza, kansi yaluta kambawo kwa yau baluta zituswa, kani ngieti yungusa vo yakiyungusila mu nkatu.

3. Kansi Tito nkutu, imwisi Elene, wakala yami katatumuswa zabulwako,

4. mu diambu diazimpangi zamakutu zakota mu nsweki ye zakota mu diambu dianeka mvulusu eto yitueni mu Kiliisto Yesu, kidi batuvanga minanga.

5. Kansi yeto katuatambula kwa zau ngiadulu au mu filokula nkutu, kidi kedika kiasamu wambote kiasikila yeno.

6. Kansi babanzwa, vo bakala vumi — bonso bubakala kina kwami kongudilako Nzambi kayiswaswasanga bantuko — yau kabakamba mambu mandongako.

7. Kansi mu mvutu, buba-

mona, vo mono yakwikuswa nsamu wambote kwa yau bena masutu, bonso Petolo kwa yau hazabulwa. —

8. Kadi ndiena wakala ye Petolo mu ngolo mu kintumwa kwa yau hazabulwa, yandi wakala yami mpe mu ngolo kwa banzenza. —

9. Ye bubazaya nlenvo una uyavewa, buna Yakobi ye Cefa ye Yoane babanzulwa nkievo bitungwa batambika mono ye Banaba koko kwalubakala mu mbundulu antuadi, kidi yeto tuenda kwa banzenza, kansi yau kwa hazabulwa.

10. Kansi diambu diadi kaka: vo tuna bambukila bantu bamputu moyo ye diambu dio dio yatatamene beni mu vanga.

11. Kansi Cefa bukuluuka kuna Antiokia, buna mono yambangisa mu zizi, kadi yandi watatumuswa diambu.

12. Kansi yandi wakidila ye banzenza mboki bantu batuka kwa Yakobi. Kansi bubaluaka, buna katinguna ye kavambana ye yau mu diambu diawonga wabantu hazabulwa.

13. Bayudayo bankaka batanga yandi disu kansi alukaya, ye Banaba mpe wavukumukina yau mu disu kansi alukaya.

14. Kansi buyamona, vo balembwa diata nadede mu

kedika kiansamu wambote, buna yavova kwa Cefa, vakala babonsono: vo ngeye unyudayo uvukumukinanga fu biabanzenza ye kafu biabayudayoko, buna bwe siwa tatimisa banzenza bavukumukina kiyudayo?

15. Yeto tubayudayo mu mbutulu, katubankwa miamasumu ye banzenzako.

16. Kansi butuzaidi, vo muntu kafonguswanga mu mavanga maminako, kansi mu minu mu Kilisto Yesu, buna yeto mpe tualeka minu mu Kilisto Yesu kidi tuafonguswa mu minu mu Kilisto Yesu, kamu mavanga maminako, kadi nsuni nkutu kauna fonguswa mu mavanga maminako.

17. Kansi vo yeto bututo-nta fonguswa mu Kilisto, tumonwanga vo tubankwa miamasumu, buna Kilisto isiolo kiamasumue? Kabwako.

18. Kadi vo mono ngina vutuka tunga yina yiyatulula, buna mono ikukivanga mvodi ankanu.

19. Kadi mu mina mono yafwilwa mina, kidi yavumuna mu diambu dia Nzambi.

20. Mono yakomwa va kulunsi ye Kilisto. Mono kivutukidi yumuna mono kibeniko, kansi Kilisto uvumunanga mu mono. Bwabu buivumuna mu nitu, mono ivumunanga mu

minu mu mwana aNzambi wantonda ye wakivana mu mono.

21. Mono kifubisanga nle-mvo aNzambiko, kadi vo mfon-goso yitukidi mu mina, buna Kilisto wafwa mu nkatu mpe.

### Kapu 3.

*Pauli wasemba bisi Ngalatia (1—4) ye wabalonga, vo balckilanga Yesu minu ibana baAbalami bakedika (5—14), ye nsilulu zaNzambi kazilendi fubako (15—18). Mina miena mu diambu diaminkanu (19—25), ye balckilanga Yesu minu ibankwa miaMfumu (26—29).*

Engwa yeno lubisi Ngalatia lulembolo luenga. Nani waluzakasa meso meno buluateka songulwa, vo Yesu Kilisto wakomwa va kulunsi?

2. Diambu diadi kaka nzo-lele zaya kwa yeno: luatambu-di Mpeve mu mavanga mamina vo mu ngwilu aminue?

3. Yeno luabwidi buzengi boboe? Yeno luabadika mu Mpeve, kansi bwabu luna suka mu nsunie?

4. Yeno lualungwa yoyo yayingi mu nkatu kansi yina kala mu nkatue?

5. Yandi nwananga Mpeve ye usalanga mu zingolo mu yeno, kasidibo vo mu mavanga mamina vo mu ngwilu aminue?

6. Bonso bwalekila Abalami minu mu Nzambi ye katelwabo mu mfonga.

7. Nkianguu luzaya kweni vo yau bena mu minu, yau ibana baAbalami.

8. Kansi masonukwa maki-zayila, vo Nzambi ufongisanga banzenza mu minu, makika-mbila nsamu wowo wambote kwa Abalami: banzenza bana sakumunwa mu ngeye.

9. Nkianguu yau bena ye minu basakumunwanga ye Abalami waleka minu.

10. Kadi babonsono bena mu mavanga mamina bena kwau mpe mu tumbwa, kadi kwasonwa: bika babonsono batumbwa balembolo tatamana yayonsono yasonwa mu nkanda wanina, kidi bavangayo.

11. Kansi kwazayakana, vo muntu kafongoso mu meso maNzambi mu minako, kadi muntu wamfonga una vumuna mu minu.

12. Kansi mina kamituki-di mu minuko, kansi uvangan-gamio sika vumuna mu miao.

13. Kilisto watukula mu ntumbulu amina, bukatumbwa mu yeto, kadi kwasonwa: wonso wamanukwa va nti watumbwa kwandi,

14. kidi lusakumunu luaAbalami luiza mu Kilisto Yesu kwa banzenza, mpasi tuatambula nsilulu ampeve mu minu.

15. Luzimpangi, mono mpovele kimuntu. Luwawanu lua-

muntu, luasiamuswa, kalufubuswangako ye kalukudukulwanga diambuko.

16. Kansi Abalami ye kanda diandi bakambwa zinsilulu. Yandi kavoveleko: kwa makanda\* maku evo mamingi, kansi bonso dimosi kaka: ye kwa kanda diaku iKilisto.

17. Kansi mono mpovele: luwawanu luatoka siamisa Nzambi, kalulendi fukuswa kwa minako, mu diambu diafukisa nsilulu, imina miavewa nkama zia ye makumatatu mamimvu, bumiakiviokila.

18. Kadi vo fwa dina tuka mu mina, buna diau kadituki-di mu nsiluluko. Kansi Nzambi wakailadio kwa Abalami mu nsilulu.

19. Buna mina inki? Miao miakudukulwa mu diambu diaminkanu, nate ye kuna kwiza kanda diasilwa nsilulu. Miao miayekulwa kwa zimpofi mu moko manzonzi.

20. Kansi nzonzi kena kwandi nzonzi amuntu mosiko, kansi Nzambi yimosi.

21. Buna mina mikakilanga nsilulu zaNzambie? Kabwako! Kadi vo mina nilenda fongisa miavewa, nga mfonga yitukidi mu mina.

22. Kansi masonukwa mana babonsono vo bena masumu, kidi nsilulu zavewa yau

baleka minu mu minu kia Yesu Kilisto.

23. Kansi yeto tuakiyingudulwa kwa mina, mboki minu kiayiza ye tuakikebulwa mu minu kiakana monika.

24. Ibuna mina miakala nlongidiki eto mu tambula Kilisto, kidi tuafonguswa mu minu.

25. Kansi minu bukiayiza, yeto katuvutukidi longudukwako.

26. Kadi beno babonsono lubana baNzambi mu minu mu Kilisto Yesu.

27. Kadi buna luena lua-botukwa mu Kilisto, yeno luavwata Kilisto.

28. Mwamu kamwena nyudayoko vo eleneko, kamwena nangako vo mfumuko, kamwena bakalako ye nkentoko, kadi beno babonsono imosi mu Kilisto Yesu.

29. Kansi vo yeno luvwilu kwa Kilisto, buna yeno ikanda diaAbalami ye mivingidi mu diambu dialusilulu.

#### Kapu 4.

*Bonso bwena kinanga ye kimwana (1—11). Ndubudulu kwa mabundu mu nsi aNgalatia (12—20). Ngawanu zole (21—31).*

**Kansi** mono mpovele: mivingidi buwakidi mwana, yandi kaswaswane ye nangako, kansi

wena mfumu alekwa yayonso-no,

2. kansi yandi ukebwanga kwa dingizi ye nkebi, nate ye lumbu kiavanga sandi.

3. Ibuna yeto mpe, butuakala bana, yeto tuakala minanga miazindongolo zabana banya,

4. kansi ntangu yafwanana buyayiza, buna Nzambi waficisa mwana andi wabutwakwa nkento ye wabutulwa mu mina,

5. kidi kakula bena mu mina, mpasi tuatambula kimwana.

6. Kansi buluena bana, buna Nzambi wafidisa Mpeve amwan' andi mu mintima mieno, yaü yibokanga: Aba, tatal!

7. Nkianguna ngeye kwena nangako, kansi mwana; kansi vo ngeye imwana, buna ngeye imvingidi mu diambu dia Nzambi.

8. Kansi bulualembwa zaya Nzambi, buna yeno luakala minanga miayau balembolo kala Nzambi mu nkadulu.

9. Kansi bwabu buluzaydi Nzambi ye luazaywa mpe kwa Nzambi, buna bwe lulenda vutuka ku zindongolo zabana zakinakana ye zankatu mpasi luavutuka badika kadilazo minanga.

10. Yeno luvuminanga bilumbu ye zingonda ye zintangu ye mimvu.



11. Mono ngiena wonga mu yeno, nanga yasala mu yeno mu nkatu.

12. Luzimpangi, mono iluleba luakala bonso bungienina, kadi mono mpe ngienina bonso yeno. Yeno kaluampangila yambiko.

13. kansi yeno luzaidi, vo mono yakamba nsamu wambote kwa yeno vana ntete mu diambu diakindakana kwansuni,

14. ye kaluavwezako ye kaluakuba yina yakala nsindusulu mu nsuni ami kwa yenoko, kansi luantambula nkievo mpofi aNzambi, nkievo Kilisto Yesu.

15. Nsikulu eno yakiese kwe yena bwabu? Kadi mono ikulute-la kimbangi, vo bwalendwa vanga, nga luakola meso meno ye luampanamo.

16. Nkiangunu buyalukamba kedika, buna ngiena ntantu eno.

17. Yau kabatoma kuluve-minako, kansi bazolele kulukani-  
nikina, kidi luabavemina.

18. Busongele, vo luvemanga lumbu biabionsono mu lekwa yambote, kansi kaluna vema kakako, bungiena yeno.

19. Lubana bami, bangieti buta ye kwama diaka, nate ye Kilisto una kala kizumunu mu yeno,

20. kansi nzolele kala yeno bwabu ye vilula nding'ami kadi ngienina yeno mabanza mole.

21. Lunkamba, yeno luzolele vuwa kwa mina: kaluwilu minakoe?

22. Kadi kwasonwa, vo Abalami wakala bana bole; mwana mosi wabutwa kwa sielo kiankento, ye mwana mosi wabutwa kwa nkento wamfumu.

23. Mwana wasielo wabutwa mu kinsuni, kansi mwana anken-  
to wamfumu wabutwa mu nsi-  
lulu.

24. Mambu momo mena mba-  
ngudulu yankaka, kadi bakento bole ingwawanunu zele, ngwa-  
wanunu yimosi vana mongo wa-  
Sinai yibutanga kinanga, ia-  
ngali kwandi,

25. kadi mongo waSinai ubi-  
kwanga Angali muna Alabia. Wau ufwana-  
ne ye Yelusa-  
lemi diena bwabu, kadi diau diena mu kinanga ye bana ba-  
ndi.

26. 'Kansi Yelusalemi diena muna kayengele diena diamfu-  
mu, diodio imbut' eto.

27. Kadi kwasonwa: yanga-  
lala kwaku, ngeye wena sita ye lembolo buta, sasula ndi-  
nga ye boka kwaku, ngeye ukondolo minsongo, kadi ndie-  
na wena kinsona lutidi ndiena wena ulumi mu kala bana ba-  
bingi.

28. Luzimpangi, yeno lubana bansilulu, bonso bwakala Isa-  
ki.

29. Kansi ndiena wabutwa mu kinsuni, bonso bukazoma ndiena wabutwa mu mpeve, ibuna bwabu mpe.

30. Kansi masonukwa hwe mavovele? Kuba sielo kiankento ye mwan' andi, kadi mwana wasielo kauna tambula difwa ye mwana ankento wamfumuko.

31. Nkiangunu, luzimpangi, yeto katubana basielo kiankento, kansi tubana bankento wamfumu.

### Kapu 5.

*Mrulusulu eto mu mina (1—15).  
Nsuni unwanisanga Mpeve (16—18);  
mimbutu miansuni ye mia Mpeve  
(19—26).*

Kilisto watuvulusa mu kala bankwa miamfumu, nkiangunu lutelama nakekete, kaluyambulani luakangwa mu nata vangu biakinangako.

2. Tala, mono Pauli iluvovele: vo luna zabulwa, buna Kilisto kana kulutomisina nituko.

3. Mono itanga kimbangi diaka kwa bantu babonsonno bana zabulwa, vo yau siba keba mina miamionsono.

4. Yeno luzolele fonguswa mu mina, yeno luavambana beni ye Kilisto, yeno luavesuka mu nlemvo.

5. Kadi yeto tuingilanga

mu Mpeve vuvu kiamfongoso mu minu.

6. Kadi mu Kilisto Yesu kamwena nzabudulu vo sutuko bitomisanga nitu mu lekwa, kansi minu kisadilanga mu tonda.

7. Yeno luatoma yungusa. Nani walukanikina mu tuma mana kedika?

8. Nkwikulu yoyo kayatukidi kwa ndiena ukulubokilangako.

9. Fimvunvu fifunisanga di-mpa diamvimba.

10. Mono yakwikama mu Mfumu mu diambu dieno, vo luna lembwa baka diela diankaka. Kansi ndiena ukulusanga bonso bonso, yandi una kala ye nkongodolo andi, kani wonso wonso kwandi.

11. Luzimpangi, kansi vo ikambanga nzabudulu nate ye bwabu, buna mu nki ngieti zomwa? Buna vele mfwemoso akulunsi yakifukidi.

12. Yau bakulusilanga ndubu mbote kwandi vo yau bazolele kukivokula.

13. Luzimpangi, yeno lubokulwa mu vuluswa, kansi kaluyambulani mpulusu yavana bila kwa nsuniko, kansi lukalasana minanga mu tonda.

14. Kadi mina miamionsono niamanwa mu diambu dimosi, mu diadi: ngeye una tonda mfinangani aku, bonso buukukitondanga.

15. Kansi vo luna kweniasana ye disasana, lutala, kaluidi manasana.

16. Kansi mono mpovele: Iudiata mu Mpeve, kaluidi mana vanga nzinunu yansuni.

17. Kadi nsuni wena nzinunu yikakilanga Mpeve, ye Mpeve yena nzinunu yikakilanga nsuni, kadi biau biole bikakasananga, kaluidi vanga yonso yiluzolele.

18. Kansi vo Iudiatu swanga kwa Mpeve, buna kaluvwili kwa minako.

19. Kansi mavanga mansuni mamonikanga kwandi. Mau iluyangu ye mvinu ye kintie ngi,

20. ye nsambudulu aminkisi ye kiloka ye kitantu ye nzonza ye zimpaka ye zinganzi ye mfwemoso ye mpambusu ye nte ngolo

21. ye minsoki ye ndwinu amalavu ye makinu ye lekwa biampila yoyo bintekele kamba ye yateka kulukamba, vo bavan gangabio, kabana vingila kimpumu kia Nzambiko.

22. Kansi mimbuto miampeve: itonda ye kiese ye yenge ye mvibudulu ye nlembami ye wote ye nkwikulu

23. ye kimpombo ye luzono, yoyo kayikakulwanga kwa minako.

24. Kansi yau bavwili kwa Kilisto Yesu bamana koma nsuni miau ye nzinunu ye luzolo vana kulunsi.

25. Vo tuvumuna mu Mpeve, bika tuadiata mu Mpeve.

26. Katutombani nzitusu miakatuko mu sinsasana ye wwisasana nsoki.

## Kapu 6.

*Ndubudulu mu sadisa bakusumukanga (1—5). Yonso yikunwanga yiyonzukwanga (6—17). Mpeno amalembe (18).*

Luzimpangi, vo muntu una kusumuka ku diba mu masumu, buna yeno luena bampeve lutedimisa yandi mu Mpeve yalembami, ye ukitala, kwidi sindusulwa ngeye mpe.

2. Lunatasana bizitu bieno, ibuna yeno luna mana mina miakilisto.

3. Kadi vo muntu weti kukibanzila, vo ima ye lembolo kala ma, yandi ukukupikanga.

4. Kansi babonsono bana sinza mavanga mau, muntu ye mandi, muntu ye mandi, buna yandi una kala nsikulu mu yandi kibeni kaka ye kamu muntu wankakako.

5. Kadi muntu ye kiandi zitu bana nata.

6. Kadi muntu ulongwanga mambu, yandi una kaba yayo-

nsono yabiza ye ndiena uku-  
nlonganga.

7. Kaluzimbakananiko! Nza-  
mbi kalendi yambula kavwe-  
zwako, kadi yonso yikunanga  
muntu, yandi unayo yonzika mpe.

8. Kadi ukunanga mu nsu-  
ni andi, yandi una mu nsuni  
yonzika mfukusu, kansi ukuna-  
nga mu Mpeve una yonzika mu  
Mpeve moyo ukaumani.

9. Bika tualembwa votalala  
butuvanganga yambote, kadi mu  
yandi ntangu tuna yonzika mpe,  
vo tuna lembwa beba.

10. Nkiangunu butuena nta-  
ngu, bika tuavanga yambote  
kwa babonso, kansi tuna lu-  
tilabo vanga kwa yau bena minu.

11. Lutala, bisono biabinene  
binsonene kwa yeno mu kwa-  
mi koko.

12. Babonso bazolele zola-  
sana ye nsuni, yau baku-  
lutatimisa luazabulwa, mpasi  
kaka balembwa zomwa mu

diambu diakulunsi diaKilisto.

13. Kadi yau mpe bazabu-  
lwa nkutu kabakebanga kwau  
minako, kansi bazolele, vo luna  
zabulwa, mpasi bakisika mu  
nsuni mieno.

14. Kansi mono ngieti tatu-  
ka ye lusikulu luankaka, kansi  
lusikulu luakulunsi diaMfumu  
eto Yesu Kilisto diyakomunwa  
nza va kulunsi ye nza yakomu-  
nwa mono,

15. kadi nzabudulu kailekwa-  
ko, ye sutu kailekwako kansi  
mpangulu yamona.

16. Babonso bana diata  
bonso bwena mwina wowo, bika  
yenge ye kiwuntu biakala yau,  
imuIsaleli diaNzambi!

17. Kaluyambulani muntu  
kavutuka kumpanga kiadiko,  
kadi mono inatanga mu nitu  
ami dimbu biaYesu.

18. Luzimpangi, bika nlemvo  
waMfumu eto Yesu Kilisto wa-  
kala ye mpeve eno! Amen!

## Nkanda waPauli kwa bisi Efeso.

### Kapu 1.

*Mbadukulu (1—2). Matondo kwa  
Nzambi (3—14). Ndilu amvutu a-  
dibundu kwa Pauli (15—23).*

Pauli, intumwa aKilisto Ye-  
su mu luzolo luaNzambi, kwa

banlongo bena mu Efeso ye kwa  
bakwikama mu Kilisto Yesu.

2. Bika nlemvo wakala ye-  
no ye yenge kiaNzambi, iseto,  
ye Mfumu Yesu Kilisto!

3. Bika Nzambi ye se dia-

Mfumu eto Yesu Kilisto wasakumunwa, watusakumuna mu tusakumunu tuatonsono tuaMpeve mu dizulu mu Kilisto,

4. bonso bukakisodila yeto mu yandi, nza buyalembwa vangingwa, kidi tuakala banlongo ye tuakondwa nkanu kwa yandi,

5. bukakisavukila ntima mu yeto mu tonda mu kala kimwana ye yandi mu Yesu Kilisto, bonso bwena luzolo luandi luabiza,

6. mu nzitusu anlemvo andi, kidi wasikwa, inlemvo ukatulemvukila mu ntondolo andi,

7. mu tuabaka nkudulu mu menga mandi ye ngiambudulu amasumu, bonso bwena kimvwa ma kianlemvo andi.

8. Nlemvo wowo yandi watubukisila mu zinduka zazonsono ye nzailu,

9. kadi yandi watuzaikisa luzolo landi luaswekwa, bonso bwena luzolo lukakisavukila ntima

10. mu diambu diantwadulu mu mbanunu azintangu, kidi kakibundila yayonsono yena mu mazulu ye va ntoto mu Kilisto.

11. Mu yandi yeto tuatambula difwa mpe, iyeto tuakisavukulwa ntima, bonso bwena nasavukulu andiena uvanganga

yayonsono, bonso bukazolele banna,

12. kidi tuakala nsikulu anzitusu andi, iyeto tuakisila Kilisto vuvu.

13. Mu yandi yeno mpe luasilwa dimbu kiaMpeve yanlongo yansilulu, buluamana wa mambu makedika, insamu wandalulu eno uluasila vuvu mpe.

14. Mpeve yoyo intadulu afwa dieto mu nkudulu abantu bandi mu nsikulu anzitusu andi.

15. Nkiangunu buyamana wa minu kina kiena yeno mu Mfumu Yesu ye tonda kuna kuluena kwa banlongo babonsono,

16. buna kina kwami yambula tonda mu yenoko ye ngina kulubambukila moyo mu tusambulu tuami,

17. kidi Nzambi aMfumu eto Yesu Kilisto, ise dianzitusu, sika kuluvana Mpeve yanduka yanzaikususu mu zaya yandi

18. ye wangula meso maminima mieno, kidi luazaya vuvu kikalutedila mbila ye kimvwa ma kiafwa dianzitusu mu bantu banlongo,

19. ye bonso bwena ndutulu alulendo luandi lualuingi tulekanga minu, bonso bwena lusedu luululendo luandi luangolo

20. lukasadila mu Kilisto, bukamfulukisa mu bafwa ye wa-

ntula va lubakala luandi mu dizulu

21. mu yala ngiadulu zazonsono ye zingelo ye tulendo ye zimfumu ye yonso nkumbu yibikwanga kamu nza yayi kakako, kansi mu nza yina kwi-za mpe.

22. Yandi watula yayonsono kungsi amalu mandi ye wavana yandi kwa dibundu bonso ntu alekwa yayonsono.

23. Dibundu initu andi, iluzadusu luandi, iyandi ukizadisi-langa yayonsono mu yayonsono.

## Kapu 2.

*Ndalulu yitukanga mu nlemvo (1—10). Ntulukulu abaka kiampambanu vakati ye banzenza ye bayudayo (11—22).*

Kansi yeno, iyeno luafwa mu minkanu ye masumu meno,

2. maluateka diatila, bonso bwena ntangu zanza yayi, bonso bwazola nkuluntu uyalinga zingolo zampevolo ye mpeve yisalanga mu bana bankolomono,

3. ntama yeto tuakala yau mpe, butuavumuna mu nzinu zansuni mieto, butuavanga yonso yazola nsuni ye mabanza, ye tuakala bana banganzi mu nkadulu bonso bankaka mpe.

4. Kansi Nzambi bukakala

kimvwama kiakiwuntu, buna yandi mu diambu diakiwuntu kiandi kiakinene kikatutondila,

5. butuafwa mu minkanu, yandi watuvanga tuavumuna ye Kilisto — yeno lualalulwa mu diambu diamlemvo —

6. ye watufulukisa ye yandi ye watuwandisa ye yandi mu dizulu mu Kilisto Yesu,

7. kidi katusonga ndutulu akimvwama kianlemvo andi mu wote wandi kwa yeto mu Kilisto Yesu mu moyo una kwi-za.

8. Kadi mu nlemvo yeno lualalulwa mu diambu diaminu, kamu diambu dienoko, inkailu aNzambi kwandi,

9. kamu diambu diamavangako, kidi muntu kana kukisikako,

10. kadi yeto, impangulu andi, tuavangwa mu Kilisto Yesu mu vanga mavanga mabiza makivangudila Nzambi, mpasi tuadiatilamo.

11. Nkiangunu lubambuka moyo, vo ntama yeno, ibanzeza mu nsuni, luabikwa masutu kwa yau babikwanga, vo bazabulwa, inzabudulu yavangwa mu moko,

12. ye mu ntangu yina lukondwa mu Kilisto ye luavesuka mu dibundu diaIsaleli ye luakala zinzenza mu luawawa-

na luansilulu ye kaluakala vuvako ye luakondwa Nzambi mu nza.

13. Kansi bwabu mu Kilisto Yesu lufinangene mu menga maKilisto, iyeno luatatuka ntama.

14. Kadi yandi iyenge kieto, iyandi wavanga babole umosi ye watulula baka kiamvambanu,

15. ikitantu, bukafubisa mu nsuni andi nkondo miamina miavewa mu minsiku, kidi kavanga mu yandi kibeni muntu umosi wamona mu bau bole, bukavanga yenge,

16. ye wabwila bau bole kodi ye Nzambi mu nitu yimosi vana kulunsi, bukavonda kitantu va diau.

17. Yandi wayiza ye wasamuna nsamu wambote wayenge kwa yeno luakala nseke, ye yenge kwa yau bafinangana,

18. kadi mu yandi beto bole tuabeki ntambudulu mu Mpeve yimosi kwa se.

19. Nkianguu kaluzinzenza ye minkibi diakako, kansi yeno lubantungi ye bantu banlongo ye bantu banzo aNzambi,

20. ye luatungwa va lufulu luazintumwa ye minkambi, vena Yesu Kilisto kibeni tadi diafuma.

21. Mu yandi ntungulu zazonsono zina bundana ye nie-

ka mu kala nzo yamfonga mu Mfumu.

22. Mu yandi yeno mpe lungwanga ntuadi mu nzo aNzambi mu Mpeve.

### Kapu 3.

*Ndalulu abanzenza yaswekwa (1—13). Ndilu amvutu aPauli mu balckilanga minu mu Efeso (14—21).*

Nkianguu mono Pauli, inkole aKilisto mu beno banzenza,

2. buluawilu luvangulu lualemvo waNzambi, uyavewa mu diambu diero,

3. vo mono yazaikuswa mu sulumbi mambu maswekwa, bonso buyateka sona kwa yeno mu lufiefie.

4. Mu wau yeno lulenda zaya nzailu ami amambu maswekwa maKilisto, bulutanga-wo.

5. Mau malembwa zaikuswa mu mbandu zankaka zabana babantu, bonso bumazaikuswa bwabu mu Mpeve kwa zintumwa zandi zanlongo ye minkambi mianlongo,

6. vo banzenza imimvingidi yeto difwa ye bena yeto nitu yimosi ye bena yeto nitu andi mu nsilulu mu Kilisto Yesu mu nsamu wambote.

7. Mono isielo kiansamu wowo mu nkailu anlemvo wa-

Nzambi uyavewa mu nsadulu angolo zandi.

8. Mono ndutidi bantu banlongo babonsono mu ke, imono yavewa nlemvo wowo mu samuna nsamu wambote kwa banzenza mu kimvwama kia-Kilisto kikakiyundudi

9. ye mu wangula babonsono, bonso bwenina luvangulu luamambu maswekwa, maswekwa kasi mbadukulu azintangu mu Nzambi wavanga bionsonono,

10. kidi nduka zaNzambi zazingi zampila mu mpila zazai-kuswa bwabu mu dibundu kwa zingolo ye tulendo mu dizulu,

11. bonso bwena mbanzulu, yikakeba kasi mbadukulu azintangu yina yikavanga mu Kilisto Yesu Mfumu eto

12. mutuena kibakala ye nkwikulu antambudulu mu minu mu yandi.

13. Nkiangunu mono iluleba, kaluidi zeza mu zincita zami mu yeno, kadi zau inzitusu eno.

14. Nkiangunu mono ifukamana mu makungunu mami kwa se

15. ditukidi dionso dionso dibikwanga dise mu dizulu ye va ntoto,

16. kidi kavana kwa beno, bonso bwenina kimvwama kia-

nzitusu andi, mpasi luasiama mu zingolo mu Mpeve andi mu muntu wena mu ngudi,

17. kidi Kilisto kabaka mbuka andi mu mintima mieno mu diambu diaminu,

18. mpasi luakala mianzi ye sina mu tonda, kidi lualenda zaya ye bantu babonsono banlongo, bonso bwenina sadila ye la ye ntela

19. ye zaya tonda kwaKilisto kulutidi nzailu yayonsono, kidi luazaya mu luzadusu lualonsono luaNzambi.

20. Kansi yandi ulenda vanga yilutidi yayonsono yitulenda lomba ye banza mu zingolo zisa dilanga mu yeto,

21. bika kazituswa mu dibundu ye mu Kilisto Yesu kwa mbandu zazonsono zabantu mvu mikamimani kwele mvu kuvutukidi mvu! Amen.

#### Kapu 4.

*Ndubudulu zankaka (1—6). Minkailu mianlemvo miampila mu mpila (7—16) Muntu wankulu ye muntu wamona (17—24). Ndwengosolo mu makutu, nganzi, yiba, mporolo yambi ye zankaka (25—32).*

Nkiangunu mono, inkole mu Mfumu, ikululeba luadiata, bonso bufweni mu mbokolo yina yiluabokulwa

2. mu kimpombo kiakionso-



no ye nlembami ye luvibudu-  
lu ye luyambasana mu tonda

3. ye lutatamana mu keba  
nkadulu yimosi yaMpeve mu  
nsinga miayenge.

4. Nitu yimosi ye mpeve  
yimosi yena, bonso buluaboku-  
lwa mpe mu vuvu kimosi kia-  
mbokolo eno.

5. Mfumu yimosi, minu ki-  
mosi, mbokolo yimosi, mboto-  
kolo yimosi,

6. Nzambi yimosi ye se  
diabantu babonsono diena va-  
na ntandu abantu babonsono  
ye mu diambu diabantu ba-  
bonsono ye mu babonsono.

7. Kansi beto babonsono  
tuavewa nlemvo, bonso bwena  
tezo kiankailu aKilisto, muntu  
ye wandi nkailu, muntu ye  
wandi nkailu.

8. Ikuma kavovila: Yandi  
wabaluka muna kayengele,  
yandi wabaka zinkole, yandi  
wavana bantu minkailu.

9. Kansi bukabaluka, inki  
kwandi? Keti bonso bwabu,  
vo kakikulumukina mpe kuna  
vuma biena kungsi antoto beni?

10. Ndienna wakulumuka,  
indiena wabaluka mpe kuna  
ntandu amazulu mamonsono,  
kidi kafuluka yayonsono.

11. Yandi wavana, bankaka  
mu kala zintumwa, bankaka  
minkambi, bankaka minsamuni

ansamu wambote, bankaka  
mimvungi ye minlongi

12. mu diambu dialungisa  
bantu banlongo ye mu vanga  
mavanga masalu biau ye tunga  
nitu aKilisto,

13. nate ye beto babonsono  
tuamana kala umosi mu minu  
ye mu nzailu amwana aNza-  
mbi ye mu kala muntu wama-  
na lunga ye mu lungisa tezo  
kiamimvu miankudila Kili-  
sto,

14. kidi tua lembwa vutuka  
kala bana bansombe batubwa-  
nga ye basansukuswanga kwa  
yonso mpeve yandongolo mu  
kimpa kiabantu ye mu bunki-  
ta bwanganzi ye kimfunia kia-  
nzimbusu,

15. kansi kidi tuatatamana  
kedika ye kula mu tonda mu  
yayonsono kwa yandi Kilisto,  
intu.

16. Mu yandi nitu yamvi-  
mba yibundwanga ye yiyonzu-  
kwanga ye mu lusadusu lua-  
lonsono luabonso bwena salu  
kiatezwa kwa kiela kiela, ibo-  
bo nitu yikulanga mu kuki-  
tunga mu tonda.

17. Nkiangunu mono mpo-  
vele bobo ye itanga kimba-  
ngi mu Mfumu, vo kaluna vu-  
tuka diatako, bonso budiata-  
nga banzenza mu madiela  
mau mankatu,

18. bubena tombe mu nzai-

lu au ye batatuka mu moyo utukanga mu Nzambi mu diambu diabuzengi bwena mu yau mu diambu diamvibwa amintima miau

19. ye bena diela diazeza ye bakiyekula mu kintiengi mu vanga yonso yena yansobo mu wimi.

20. Kansi yeno kaluazaya Kilisto boboko,

21. vo luanwilu nkutu ye vo lualongwa mu yandi, bonso bwena kedika mu Yesu,

22. buluabembika muntu wankulu uluateka vukumukina, iyandi ukukibunganga mu nzinunu zabungubi,

23. kansi luakituka bantu bamona mu mpeve amadiela meno

24. ye luavwata muntu wamona wavangwa mu Nzambi mu mfonga yakedika ye yanelongo.

25. Nkiangunu lubembika makutu ye luvovasana kedika muntu ye wayandi, kadi tuka-lasana biela.

26. Lukala nganzi ye kaluvolani masumuko. Kaluyambulani ntangu yadiminina nganzi zenoko

27. ye kaluvanani satana mbukako.

28. Weti yiba kavutukani yibako, kansi kasala ye vanga yonso yena yabiza mu

moko mandi, kidi kakala bilekwa bikana kabila bena nsatu.

29. Mambu nkutu mambi kamana vaika mu minwa mienoko, kansi mana mena mabiza mu ntungulu vena nsatu antungulu, kidi bawa basakumunwa.

30. Kalusani Mpeve aNzambi yanlongo kiadiko, iyau lua-silwa dimbu nate ye lumbu kiampulusu.

31. Bika nzonza ye nkesa ye nganzi ye mbokolo ye mvwezolo biatatuka mu yeno beni ye yayibi yayonsono mpe.

32. Kansi lukalasana nlembami ye kiwuntu ye luyambasana, bonso Nzambi mpe mu Kilisto waluyambudila.

## Kapu 5.

*Ndubudulu mu fwanana ye Nzambi (1—2), ye mu taba mu masumu (3—14). Ye mu diata mu ndue-nga ye fuluka kwa Mpeve (15—21). Ndubudulu kwa banlumi ye kwa bakento (22—33).*

Nkiangunu luvukumukina Nzambi bonso bana batodwa,

2. ye ludiata mu tonda, bonso Kilisto mpe walutonda ye wakivana mu yeto nkailu ye nkailu adisalu wansunga kwa Nzambi.

3. Kansi luyangulu ye le-

kwa biansobo ye wimi wawonsono kabina bikwa nkutu mu yenoko, bonso busongele mu bantu banlongo,

4. ye fu biansoni ye mambu mabuzengi ye madiya malembolo songa bieti lembwa fwanana, kansi matondo mana lutila.

5. Kadi luzaidi, buluzaidi diadi, vo nkwa akintiengi nkutu yenkwa ansobo ye nkwa awimi insambidi abiteki, kenani ye ndambu adifwa mu kimfumu kiaKilisto ye Nzambiko.

6. Bika muntu kalembwa kulupupika mu mambu mampavala, kadi mu diambu diodio nganzi zaNzambi zikwizanga va bana bakolama.

7. Nkianguu kalukalani le kwa kiantuadi ye yauko.

8. Kadi ntama yeno luakala tombe, kansi bwabu yeno luena kia mu Mfumu. Ludia ta bonso bana bakia—

9. kadi mimbutu miakia miena mu wote wawonsono ye mfonga ye kedika—

10. lutonta yonso yizolanga Mfumu —

11. ye kalukalani ntuadi, ye yau mu mavanga matombe makondolo mimbutu, kansi semba lusembamo.

12. Kadi yibavanganga mu nsweki yena yansoni mpe mu te-wa.

13. Kansi yayonsono yimonukuswanga kwa kia, buyina sembwa, kadi yayonsono yimonikanga ikia kwandi.

14. Nkianguu kavovele: sikama kwaku ngeye weti leka, fuluka mu bafwa, ye Kilsto una kukienzula.

15. Nkianguu lutala, kidi luadiata nadede kabonso bankwa miabuzengiko kansi bonso bantu banduka,

16. ye lusumba ntangu, kadi lumbu biena biambi.

17. Nkianguu kalukalani buzengiko, kansi luvisa, bonso bwena luzolo luaNzambi.

18. Kalubwani viniako kitukisanga kintiengi, kansi lufuluka kwa Mpeve,

19. ye luvovasana mu minkunga ye tuyimbulu tuanzitusu ye tuyimbulu tuampeve, ye luyimbila ye lusika nsambi mu mintima mieno kwa Mfumu.

20. Lumbu biabionsono lutondanga kwa Nzambi ye disa mu lekwa biabionsono mu nkumbu aMfumu eto Yesu Kilisto,

21. ye lutumamasana mu wonga waKilisto.

22. Lubakento, lutumamana banlumi beno bonso kwa Mfumu,

23. kadi nlumi intu ankeno andi, bonso Kilisto mpe

intu adibundu. Yandi kibeni inaludi anitu.

24. Kansi bonso butumamanga dibundu kwa Kilisto, ibuna mpe bakento bana tumama kwa banlumi bau mu yayonso.

25. Lubanlumi, lutonda bakento beno, bonso Kilisto mpe tondele dibundu ye wakivana mu diau,

26. kidi kawangadio dianlongo mu mambu, bukakive-disiladio mu ngiobolo anlangu,

27. kidi yandi kibeni kikutuadila dibundu dianzitusu dikondolo sona ye mfiende ye yonso yankaka yampila yoyo, kansi kidi diau diakala dianlongo ye kondwa masona.

28. Ibobo mpe banlumi bana tonda bakento bau, bonso bubatondanga zau zinitu. Wonso utondanga wandi nkento, yandi ukukitondanga.

29. Kadi muntu kabelele wandi nsuniko, kansi yandi uyundulangawo, ye ukebanga-wo, bonso busanga Kilisto mpe dibundu,

30. kadi yeto tubiela bianitu andi.

31. Nkiangunu muntu una sisa sandi ye ngudi andi ye tatamana ye nkento andi, bau bole bana kala nsuni umosi.

32. Mambu momo manswe-

ki mena diambu beni, kansi mono mpovelemo mu Kilisto ye mu dibundu.

33. Kansi beno mpe lutondanga bobo muntu muntu ye wandi nkento, bonso bukukitondanga, kansi nkento una tala, kidi kavumina nlu-mi andi.

### Kapu 6.

*Ndubudulu kwa bana ye mase (1—4). ye kwa minanga ye zimfumu (5—9. Biluazu biaNzambi (10—20). Tikiko (21—22). Mpeno ayenge (23—24).*

Lubana, lutumamana mase meno ye zingudi zeno mu Mfumu, kadi bobo bufongele.

2. Vumina saku ye mbuta aku, wowo imwina wantete wena ye nsilulu,

3. kidi ngeye watoma nitu ye zingila ntangu yayingi mu nsi.

4. Lumase, kalufutisani nti-ma miabana benoko, kansi lubakudisa mu tumama ye ndongi zaMfumu.

5. Luminanga, lutumamana zimfumu zeno zansuni mu wonga ye zakama mu kimpombo kiamintima mieno nkievo Kilisto,

6. kamu salu kiamona mesoko, nkievo luzolele zolasana ye bantu, kansi bonso minanga

miaKilisto luvanga luzolo lua-Nzambi mu mintima,

7. ye lusadila mu luzolo luambote nkievo kwa Mfumu ye kakwa bantuko,

8. ye luzaya, vo yonso yonso yambote yivanganga muntu muntu, yandi una sendwa kwa Mfumu kani vo yandi inanga vo muntu wamfumu.

9. Beno mpe luzimfumu, luvanga bobo kwa minanga ye luyambula kanikina, buluzaidi, vo mfumu abeno yau wena mu mazulu ye yilembolo swaswa muntu ye muntu.

10. Mboki lusiana mu Mfumu ye mu ngolo zalulendo luandi.

11. Luvwatabiluazu biabionsono biaNzambi, kidi lualenda kakidila kimfunia kiasatana,

12. kadi yeto katunwanisanga nsuni ye mengako, kansi tunwanisanga madingizi ye bena zingolo ye bayalanga mu tombe ye tulendo tuazimpeve zambi mu kayengele.

13. Nkiangunu luvwata biluazu biabionsono biaNzambi, kidi lualenda kakidila mu lumbu kiambi ye telama nakete nakuma, buluasididi yayonsono.

14. Nkiangunu lutelama ye lukanga kedika va tuketo tue-

no ye luvwata nkaku yamfonga yantulu,

15. ye mu malu luvwata nkubumunu ansamu wambote wayenge,

16. ye mu yayonsono lubonga nkaku aminu yilulenda zimina totolo biatia biabionsono biankwa wambi.

17. Lutambula nkakuandalulu yantu ye sabala kiaMpeve, imambu maNzambi,

18. mu lusambulu lualonsono ye lombaa. Lusambila lumbu yayonsono mu Mpeve, ye mu diambu diodio lukaya meso mu ntatumunu yayonsono ye lusambulu mu bantu babonsono banlongo

19. ye mu mono mpe, mpasi yavewa mambu, bungina bandula nwa ami, kidi yakamba mambu maswekwa mansamu wambote mu kibakala.

20. Mu diambu diawau mono intumwa yakangwa tuvambu, kidi yavova mu kibakala mu mambu momo, bonso bungina vova.

21. Kansi mpasi luazaya, bonso bungiena ye ikalanga, Tikiko, mpangi ami yatondwa ye sielo kiakwikama mu Mfumu, una kuluzaikisa yayonsono,

22. iyandi uyafidisa kwa yeno mu diambu diodio, mpasi

luazaya, bonso butuena, kidi kabomba mintima mieno.

23. Bika yenge kiakala ye zimpangi ye tonda ye minu mu Nzambi, ise, ye Mfumu Yesu Kilisto.

24. Bika nlemvo wakala ye babonsono batondanga Mfumu eto Yesu Kilisto mu tonda kulembolo mana.

## Nkanda waPauli kwa bisi Filipo.

### Kapu 1.

*Mbadukulu (1—2), Matondo ma-Pauli kwa Nzambi mu bisi Filipo (3—11), Pauli wabakamba vuvu kiandi mu vuluswa ye wabalubula mu diata bufwanane (12—26).*

Pauli ye Timotio, minanga miaKilisto Yesu, kwa bantu babonsono banlongo mu Kilisto Yesu bena mu Filipo ye makota maminkengi miadibundu ye bisielo.

2. Bika nlemvo wakala yeno ye yenge kiaNzambi, iseto, ye Mfumu Yesu Kilisto.

3. Mono itondanga kwa Nzambi ami mu mbambukulu ami mu yayonsono mu yeno

4. lumbu biabionsono mu tusambulu tuami tuisambila-mu yeno babonsono ye kiese

5. mu diambu diambundulu eno yantuadi mu nsamu wambote tuka mu lumbu kiantete nate ye bwabu.

6. Nkiangunu mono yakwikama ngiena, vo ndiena wabadika salu kiabiza mu yeno, yandi unakio mana nate ye lumbu kiaKilisto Yesu.

7. Bonso busongele kwa mono mu banzanga bobo mu beno babonsono, kadi mono ngiena yeno mu ntima ami beno babonsono, buluena ntua-di ye mono mu nlemvo, bungieti tabila ye siamisa nsamu wambote ye bungiena mu tuvambu.

8. Kadi Nzambi imbangi ami, bonso bungiena yeno babonsono ngunda mu ntima aKilisto Yesu.

9. Idia ndombebe, vo tonda kweni kuna lutila ye lutila mu buka mu nzayilu ye nduenga zazonsono,

10. kidi lualenda tonta yonso yilutidi yabiza, mpasi lua-vedila ye luakondwa nkanu mu lumbu kiaKilisto,

11. mpasi luafuluka mu mbutu miamfonga mitukanga mu Yesu Kilisto mu nzitusu ye ndanusu aNzambi.

12. Luzimpangi, mono nzo-lele, vo yeno luna zaya, vo yoyo yiyasiwa yalutila nsamu wambote mu tambulwa,

13. tuvambu tuami nkutu tuena mu Kilisto tuazayakana mu nzo yamvimba yabinwani ye kwa bankaka babonso-no,

14. ye Zimpangi zazingi beni zasiama mu diambu dia-tuvambu tuami ye zaluta mu kibakala ye zakondwa wonga mu vova mambu maNzambi.

15. Bankaka bakambanga Kilisto mu diambu diansoki ye nzonza, kansi bankaka bakambanga mu diambu diakikundi mpe.

16. Bau bena tonda bakambanga Kilisto, bubazaidi, vo yakangwa nkole mu tabila nsamu wambote.

17. Kansi bena kivambisi bakambanga Kilisto kansi kamu

kani diabizako, bubeti banza, vo bakumpanganga kiadi mu tuvambu tuami.

18. Kansi buna bwe? Kilsto ukambwanga bonso bonso kani mu nana kani mu kedika, diau mono iyangalalanga ye ngina yangalala mpe,

19. kadi nzaidi kwami, vo yayi yina kuntuadila ndalulu, imu ndilu eno yamvutu ye lusadusu luaMpeve aYesu Kilsto,

20. bonso bwena vuvu ye ngunda zami, vo-kina kwami vwa nsoni mu lekwako, kansi bonso mu lumbu biabionsono ibuna bwabu mpe, vo Kilisto una zituswa mu nitu ami mu kibakala kiakionsono kani mu moyo kani mu lufwa.

21. Kadi Kilisto imoyo ami ye mfwilu indandu.

22. Kansi vo mono ivewanga ndandu asalu, bungieti vumuna mu nsuni ami, buna kile-ndi kamba kingina solako.

23. Kadi mambu mole meti kuntatimisa mu ntima ami, kadi ngunda zena yami mu katuka ye kala ye Kilisto kulutidi kwabiza beni.

24. Kansi mu diambu dienokala mu nsuni kulutidi diambu beni.

25. ye bunkwikamene mu moyo ye nzaidi, vo ngina kala ye sikila kwa yeno babonso

mu ndiekono aminu kieno ye kiese,

26. kidi nsikulu eno mu mono yina buka mu Kilisto Yesu mu diambu diangizulu ami yankaka kwa yeno.

27. Kansi lukala kaka, bonso bufweni mu nsamu wambote waKilisto, mpasi yawa mu yeno, kani ngina luaka ye bumina kwa yeno, kani ngina kala nseke, vo yeno lueti telama nakekete mu mpeve yimosi ye mwela umosi, ye lukala yami mu ndwanunu mu diambu diaminu kiansamu wambote,

28. ye kaluna tina lekwa kwa mintantuko, kadi bobo ibwena dimbu kiabungulu kwa yau, kansi idimbu kiantanunu kwa yeno kitukidi mu Nzambi.

29. Kadi yeno luavewa nlemvo mu diambu diaKilisto kamu kunlekila minu kakako kansi mu lungwa mu diambu diandi mpe,

30. kadi yeno luena mpasi zimosi ziluamona mu mono ye ziluawilu bwabu mu mono.

## Kapu 2.

*Ndubudulu mu kala yenge ye fwanana ye Kilisto (1—11) ye mu tomba ndalulu mu vema ye mu diata*

*mu vedila (12—18). Pauli wabasila mu jidisa Timotio (19—24). Epafolodito wafiduswa kwa yau (25—30).*

Nkiangunu vo ndubudulu yena mu Kilisto, vo mbombolo atonda yena, vo mbundulu antuadi ampeve yena, vo nlembami vo kiwuntu biena,

2. buna lulungisa kiese kiami, mpasi luakala lubanzulu lumosi ye luakala tonda kumosi ye diela dimosi ye mabanza mamosi,

3. kamu diambu diazonzako vo mu zinina nzitusu wankatuko, kansi muntu mu kimpombó sika vuminina wankaka beni ye kukivumina safiuma,

4. ye muntu muntu kana tala biandiko, kansi kana mpe tala bizolele wankaka.

5. Lukala diela dimosi mu yeno diakala mu Kilisto Yesu,

6. yandi bukakala nkadulu aNzambi, kabanza mu mapelako mu fwanana ye Nzambi,

7. kansi yandi wakisila nkatu ye wanata nkadulu ananga ye wakituka mpila mosi ye bantu ye wamonwa nkadulu mpila mosi ye muntu.

8. Yandi wakiyina ye watu mama nate ye kuna mfwilu, inga, imfwilu va kulunsi.

9. Nkiangunu Nzambi wambalula va ntandu alekwa ya-



yonsono ye wamvana nkumbu yilutidi nkumbu zazonsono,

10. kidi makungunu mamonso no mana fukama mu nkumbu aYesu, makungunu mabau bena muna dizulu ye va ntoto ye kungsi antoto,

11. ye tudimi tuatonsono tuna kamba, vo Yesu Kilisto iMfumu mu nzitusu aNzambi, ise.

12. Nkiangunu, luzintondolo zami, bonso buluatumamene lumbu biabionsono, lusadila kwenno mu wonga ye zakama mu ndalulu eno, kabungiena yeno kakako, kansi lulutilabo, bun kondolovo.

13. Kadi Nzambi indiena utukisanga mu yeno zola ye vanga mu diambu dialuzolo luandi luabiza.

14. Luvanga yayonsono kamu matingu ye mpakako,

15. kidi luakondwa lusembo ye luavedila, lubana baNzambi bakembo masona mu monakanda diambandu yatekalakana yena bonso bonso, mu yau beno lulemanga nkievo minda mu nza,

16. bulusimba mambu mamoyo mu nsikulu ami mu lumbu kiaKilisto, mpasi yalembwa zaula mu nkatu vo sala mu nkatu.

17. Kansi vo mono ngina tulwa va disalu, bungina nata

nkailu aminu kieno, buna ngiena kiese ye iyangalala ye beno babonsono.

18. Ibobo mpe luyangalala kwenno ye lukala kiese ye monno.

19. Kansi mono nsidi vuvu mu Mfumu Yesu, vo ilenda fidisa Timotio nswalu kwa yeno, kidi mono mpe ngina kala ntima nayaki-yaki, bunzaidi, bonso buluena.

20. Kadi kiena ye muntu ufwanane ye yandiko ulenda kulufwila kiadi nadede.

21. Kadi babonsono batombanga biau bilekwa ye kabina bivwilu kwa Kilisto Yesuko.

22. Kansi yeno luzaidi nkwi-kulu andi, vo yandi wasadila yami mu nsamu wambote nkievo mwana ye sandi.

23. Iyandi ngieti banza mu fidisa nswalu, bungina zaya, bonso bungina siwa.

24. Mono yakwikama mu Mfumu, vo mono mpe ngina luaka nswalu.

25. Kansi mono mbenzi, vo bufweni mu fidisa Epafolodito, impangi ami ye kisadi yami ye kifwiti yami; kansi yandi intumwa eno ye sielo kieno mu nsatu zami;

26. kadi yandi wakala ngunda zamona beno babonsono

ye wakala kiadi, buluawa, vo  
kakala vela.

27. Kadi yandi wakala ye-  
la lukufi ye fwa, kansi Nza-  
mbi wamfwila kiadi, kayandi  
kakako kansi mono mpe, kidi  
yalenbwa kudukulwa kiadi  
mu kiadi.

28. Nkiaungunu mono yamfi-  
disi nswalu beni, kidi buluavu-  
tuka kumona, luna yangalala,  
ye kiadi kiami kina kala kia-  
kike.

29. Nkiangunu luntambula mu Mfumu mu kiese kiakionsono ye luvumina bena bobo.

30 Kadi yandi wakala lukufi ye fwa mu diambu diasalu kiaKilisto, bukayekula moyo andi, kidi kampana nkailu eno adisalu ulualembana beno kibeni.

### Карту 3.

*Ndubudulu mu kenga minlongi miamakutu (1—11) ye mu rukumu-kina Pauli wavema mu yungusa, kidi kafwanana (12—21).*

Mboki luzimpangi zami, luzangalala mu Mfumu. Kwa mono kakwenani mpasi zasonikina yeno mambu mamosiko, kansi kwa yeno kwena ntomono.

2. Lutala zimbwa, lutala  
bisadi biambi, lutala nzengolo  
asutu.

3. Kadi yeto tusadilanga

Nzambi mu Mpeve, yeto tuna ye nzabudulu ye tukukisika mu Kilisto Yesu ye tulembolo sa vwadi mu nsuni.

4. Kansi mono mpe nkutu  
lenda sa -vwadi mu nsuni. Vo  
muntu wankaka weti banza, vo  
kalenda sa vwadi mu nsuni,  
buna mono vele ngina lutila,

5. mono yazabulwa lumbu  
kianani, yabutwa mu Isaleli  
mu kanda diaBeniami, mono  
iEbeleo mu baEbeleo, mu mi-  
na mono imfalisea.

6. mu vema mono yazoma  
dibundu, mu mfonga amina  
mono yakondwa nkanu.

7. Kansi yayonsonoyakala  
ndandu, mono ibanzangayo vo  
imividusu mu diambu diaKili-  
sto.

8. Inga, kedika mono ibanza-  
nga yayonsono nkievo mvidusu  
mu diambu diandutulu anzailu  
aMfumu ami Yesu Kilisto, ka-  
di mu diambu diandi mono ya-  
vidisa yayonsono ye ibanzangayo  
nkievo titi, kidi yabaka Kilisto  
ndandu

9. ye monwa. mu yandi, ki  
beki ami zamim fongako, izina  
zitukidi mu minu, kansi zozo  
zitukidi mu minu mu Kilisto,  
imfonga zaNzambi mu diambu  
diaminu,

10. kidi yazaya yandi ye  
lulendo luamfulukulu andi ye  
mbundulu antuadi atulungulu

tuandi ye fwanana mu mfwilu andi,

11. kidi vo ilenda luaka kuna mfulukulu abafwa.

12. Bwabu kiamanabio bakako ye kiamana lnugako, kansi mono izomangabio, kidi yabakabio, kadi mono mpe yabakwa kwa Kilisto Yesu.

13. Luzimpangi, kibanzanga-ko, vo mono kibeni yamanabio baka.

14. Kansi diambu dimosi: mono ivilakananga yena ku manima ye ilambukilanga yena ku ntuala ye izomanga tezo ye nsendo andungunu mu lubokolo luaNzambi lutukidi mu kayengele mu Kilisto Yesu.

15. Nkiangunu beto babonso-  
no beti mana lunga, bika tua-  
kala diela diodio, kansi vo ye-  
no mu lekwa kiankaka lueti  
banza bwankaka, buna Nzambi  
una kuluzaikisabo mpe.

16. Kansi bonso butuena,  
bika tuavukumukina nkondo  
wowo umosi.

17. Luzimpangi, lumpuku-  
mukina ye lutala badiatanga  
ndiatulu yimosi, bonso bulue-  
na kifwani kiandiatulu eto.

18. Kadi babingi badiata-  
nga, bonso buyavova mpova  
zazingi, ye bwabu mpovele mpe,  
bungietu yengila mansanga, bo-  
nso mintantu miakulunsi dia-  
Kilisto.

19. Nsukulu au imbungulu,  
Nzambi au ivumu kiau, nzitu-  
su au wena mu nsoni zau, ye  
batombanga yina yivwilu kwa  
ntoto.

20. Kadi kimfumu kieto ki-  
ena mu mazulu mutuvingila  
Nlaludi, Mfumu Yesu Kili-  
sto,

21. una vilula zinitu zeto za-  
nginunu, kidi zau zafwanana  
ye nitu andi anzitusu, bonso  
bwena zingolo zikalenda kuki-  
tudila yayonsono kungsi.

#### Kapu 4.

*Ndubudulu mu vibidila ye kala  
yenge ye kiesa ye kala fu bisongele  
(1—9). Pauli wabatonda mu lusa-  
dusu lubamfidisa (10—20). Mpeno  
amalemba (21—23).*

Nkiangunu luzimpangi zami  
zatondwa zimvwidi ngunda, lu-  
kiese kiami ye mpu ami, idiau  
lutelama nakekete mu Mfumu,  
luzintondolo.

2. Mono ilubula Evodia, ye  
Sintike mpe ilubula, vo yau  
bana kala diela dimosi mu  
Mfumu.

3. Inga, Ngeye mpe zinzi-  
ngu, unzika wakedika, mono  
ikuleba: sadisa bakento bobo  
basadilanga yami mu nsamu  
wambote ye Kilemeni ye bisa-  
di yami biankaka biasonukwa  
nkumbu zau mu nkanda amo-  
yo.

4. Lumbu biabionsono luyangalala mu Mfumu, diaka mpo<sup>o</sup> vele: luyangalala kweni.

5. Nlembami eno bika wazayakana kwa bantu babonso. Mfumu wena lukufi.

6. Kalumonani kiadi mu lekwako, kansi mu yayonsono bika luzolo luzayakana kwa Nzambi mu nsambulu ye ndilu mu tonda,

7. ye yenge kiazambi kilutidi madiela mamonsono kina keba nintima mieno ye mabanza meno mu Kilisto Yesu.

8. Mboki, luzimpangi, kionso kiakedika, kionso kiena vumi, kionso kifongele, kionso kivedele, kionso kiazolwa, kionso kibikwanga kiabiza, vo fu kiabiza kiena vo nsikulu yena, lubanza kweni yoyi.

9. Yonso yilualonguka ye luatambula ye luawa ye luamona kwa mono, luvangayo, ye Nzambi ayenge una kala yeno.

10. Mono yayangalala beni mu Mfumu mu diambu diabuluavutuka baka mbongo diaka ye lulenda banza mu bina bikuntomisanga nitu, luateka banzabo, kansi lualembanabosa.

11. Mono kivovele bobo mu diambu diansatu alekwako, kadi mono yalonguka mu zola bonso bonso bungiena.

12. Mono nzaidi yinama, mono nzaidi kala yayingi, mono yayukwa yayonsono bonso bonso, mu yukuta ye mu fwa nsatu, mu baka yayingi ye mu kondwa lekwa.

13. Mono ilenda yayonsono mu ndiena weti kunsiamisa.

14. Kansi yeno luavanga bwambote, buluansadisa mu mpasi zami.

15. Kansi yeno, lubisi Filipo, yeno luzaidi, vo mu mba dukulu ansamu wambote, buyasisa Makedonia, vo dibundu nkutu kadiabanza mu mono mu lekwa biampana ye biampewako kansi yeno kaka.

16. Kadi mu Tesalonika mpe yeno luamfidisa mfidisa mosi ye zole mu diambu diansatu zami.

17. Mono kitombanga nkailuko, kansi mono itombanga mimbutu miamingi mitomuswanga mu diambu dieno.

18. Kansi bwabu mono yabeki yayonsono ye yazedi bilekwa, buyakitambudila nkailu eno kwa Epafolodito, insunga yambote, inkaylu adisalu wabiza watondwa kwa Nzambi.

19. Kansi Nzambi ami una fuluza nsatu zeno mu nzitusu aKilisto Yesu, bonso bwena kinvwama kiandi.

20. Kansi Nzambi, ise dieto, una kala nzitusu mvu mika-

mimani kwele mvu kuvutukidi mvu, Amen.

21. Luvana mavimpi kwa bantu babonsono banlongo mu Kilisto Yesu. Zimpangi zena yami zilufidisi mavimpi.

22. Bantu babonsono banlo-

ngo balufidisi mavimpi, kansi bena mu nzo antinu balutidi.

23. Nlemvo waMfumu Yesu Kilisto bika wakala ye mpeve eno!

## Nkanda waPauli kwa bisi Kolose.

### Kapu 1.

*Mbadukulu (1—2). Matondo kwa Nzambi mu minu ye tonda biabisi Kolose(3—8). Pauli wabadila mvutu (9—15). Mavanga ma Kilisto (16—23). Kiese kiaPauli mu salu ye mu mpasi zandi (24—29).*

Pauli, intumwa aKilisto Yesu, mu luzolo luaNzambi ye Timotio, impangi,

2. kwa bantu banlongo bena mu Kolose ye zimpangi zilekilanga minu mu Kilisto. Nlemvo kwa yeno ye yenge kiaNzambi, iseto.

3. Yeto tutondanga kwa Nzambi ye se diMfumu eto Yesu Kilisto lumbu biabionsono, butukuludilanga mvutu,

4. kadi yeto tuawilu minu kieno mu Kilisto Yesu ye tonda kuna kuluenta kwa bantu babonsono banlongo,

5. mu diambu diavuvu kilukebulwanga mu mazulu kiluateka wa mu mambu makedika mansamu wambote

6. wamana kwiza kwa yeno, bonso buwena mu nza yamvimba, ye ubutanga mimbutu ye umenanga, bonso mu beno tuka mu kina lumbu kiluatekawa wa ye zaya nlemvo aNzambi mu kedika,

7. bonso buluawa kwa Epafala kisadi yami, isielo kiaKilisto kiakwikama kwa yeno.

8. Yandi watukamba mpe tonda kweni mu Mpeve.

9. Nkianguku katulembolo eto mu kuludila mvutuko, tuka mu lumbu kina kituawilowo, ye tulomba, kidi luafuluka mu zaya luzolo luandi mu nduka zazonsono ye nzailu yayonsono yaMpeve,

10. kidi luadiata, bonso bufweni mu Mfumu ye zolwa kwa yandi mu yayonso, bulubuta mimbutu mu mavanga mamonsono mambote ye kula mu nzailu aNzambi,

11. ye siama mu lulendo lualonso, bonso bwena lulendo luanzitusu andi, mu tatamana vibidila mu yayonso,

12. ye mu kiese lutondanga kwa se diatulendisa mu kala ntuadi ye difwa diabantu banlongo mu kia.

13. Yandi watutanina mu lulendo luatombe ye watusa mu kinifumu kiamwana andi watondwa

14. utuenina luvulusu, ingiambudulu amasumu.

15. Yandi ikifwani kiaNzambi yikayimoni ye wasemukunwa kuntuala ayayonso yavangwa.

16. Kadi mu yandi mwavangwa yayonso yena mu mazulu ye va ntoto, yina yimonekene ye yina yilembolo monika, vo biandu biazimfumu vo madingizi vo zimfumu vo tulendo, yayonso yavangwa kwa yandi ye mu yandi.

17. Yandi watekila yayonso, ye yayonso yena mu yandi,

18. ye yandi intu anitu, idibundu, yandi intekidi ye

nsemuki mu bafwa, kidi katekila yayo,

19. kadi Nzambi wazola, vo luzadusu lualonso luna kala mu yandi,

20. ye vo yandi una bwila kodi mu yandi mu yayonso yena va ntoto ye yayonso yena mu mazulu, bukakivangila yenge mu menga mandi makuluni.

21. Yeno mpe luavesuka ntama ye luakala mintantu mu madiela mu mavanga mambi, kansi bwabu yandi walubwila kodi

22. mu nitu ansuni andi mu mfwilu, mpasi kalenda kulusonga va luse luandi vo lubantu banlongo ye bakondolo masona ye nkanu,

23. vo luna kala mu minu ye kala nakekete ye siama mu kiau ye luna lembwa zeza mu vuvu kiansamu wambote uluawilu wakambwa mu yayonso yavangwa kungsi azulu, imono, Pauli, yavangwa sielo kiansamu wowo.

24. Bwabu iyangalalanga mu tulungulu tuami mu diambu dieno ye ilungisanga mu nitu ami yina yikondolo mu tulungulu tuaKilisto mu nitu andi, idibundu,

25. diyasiwa sielo, bonso bwena salu kiaNzambi kiya.

vewa mu diambu dieno mu fuluza mambu maNzambi,

26. imambu maswekwa kasi mbadukulu amithvu ye zimbandu, kansi mazaikuswa bwabu kwa bantu bandi banlongo

27. bazola zaikisa Nzambi bonso bwena nzitusu wowo wakimvwama mu banzenza mu mambu momo maswekwa, iKilisto mu yeno, ivuvu kianzitusu utukambanga,

28. butulubulanga muntu muntu ye tulonganga muntu muntu nduka zazonsono, kidi-tualelenda songa muntu muntu wamana lunga mu Kilisto,

29. ikuma isalanga ye inwananga, bonso bwena ngolo zandi usalanga mu mono mu lulendo.

## Kapu 2.

*Ndubudulu mu kenga minlongi miamakutu (1—15), ye mu tatamana mu minu ye kamu mina miabantuko (16—23).*

Kadi mono nzolele, vo luna zaya, bonso bwena ndwanunu ami yayinene mu diambu dieno ye mu yau bena mu Laodikia ye babonsono balembo-mona zizi kiami mu nsuni,

2. kidi mintima miau miabombwa, bubakutama mu tonda ye kimvwama kiakionso-

no kianzailu akedika mu nzailu amambu maswekwa maNzambi, iKilisto.

3. Mu yandi mwena mbongo zazonsono zanduka ye zanzailu zaswekwa.

4. Mono mpovele bobo, mpasi muntu kana kukipupikako mu mambu mandebolo.

5. Kadi vo ngiena nseke mu nsuni, ngiena yeno mu mpeve, ye iyangalalanga, buimonanga nkubumunu eno ye minu kieno kianakekete kiluena mu Kilisto.

6. Nkiangunu bonso buluatambula Yesu Kilisto mfumu, ludiata mu yandi,

7. lukala nangwi, lutungwa mu yandi, lusiana mu minu, bonso bulualongwa, lubuka mu matondo.

8. Lutala, kaluidi bakwa kwa muntu mu nduka zanza ye mayama mankatu mena mu mina miabantu, bonso bwena ndongolo zabana banza ye kabonso Kilistoko.

9. Kadi mu yandi mwena luzadusu luaNzambi Mpungu mu nitu,

10. ye yeno luafuluzwa mu yandi, initu aminyadi miamionsono ye tulendo.

11. Mu yandi yeno luazabudulwa mpe mu nzabudulu yalembwa vangwa mu moko

mu vula nitu ansuni mu nza-budulu aKilisto,

12. buluadiamuswa ye yandi mu mbotokolo ye mu yandi luafulukuswa mu minu kialulendo luaNzambi wamfulukisa mu bafwa.

13. Yeno mpe buluafwa mu minkanu mieno ye mu masutu mansuni mieno, yeno luavangwa moyo ye yandi, bukakiyambudila beto minkanu miamionsono.

14. Yandi wavinsikisa biso-no biamoko biena mu mina biatukakila ye biatukanikina, yandi wakatulabio ye wakomabio va kulunsi.

15. Bukakizionina biluazu kwa minyadi ye tulendo, mbo-ki yandi wabasonga va yuti ye wayandilabio mu yandi.

16. Nkiangunu muntu kana kulukongudila mu diambu dia-dia ye ndwinuko vo mu lumbu biankembo vo mbikulu angonda vo tuminguko.

17. Kadi biobio ikini kialilekwa bina kwiza, kansi Kilisto initu.

18. Muntu kana kuluziona nsendo andungunuko, vo yandi zolelebo vanga mu luyinunu ye nsambulu azimpofi ye yindula yikamona ye tuta mbaya mu nkatu mu diela diandi,

19. bukalembolo tatamana

ye ntu utukisanga nkudulu a-nitu yamvimba mu nkudulu yaNzambi, nitu buyibundwa ye siamuswa mu mianzi ye mu nluku.

20. Vo yeno luafwa ye Kilisto mu ndongolo yabana banza, nu nkiana lutuikwanga minkondo, nkievo luvumunanga mu nza:

21. kuna simbako, kuna bimbako, kuna valakanako—

22. Yina yayonsono yifukanga, buyisadulwanga—bonso bwena minkondo ye zindongolo zabantu.

23. Biau biena nkumbu yanduka kaka mu nsambulu aNzambi yibakisodila mu luyinunu ye lukwamusu luanitu, kamu lekwa kiandanuko kizolele nsuni.

### Kapu 3.

*Ndubudulu mu tomba biena mu kayengele (1—4). ye bembika masumu (5—11). ye diata mu tonda (12—15). ye mu sadila mambu maNzambi ye vanga yayonsono mu nkumbu aYesu (16—17). Ndubudulu kwa banlumi ye bakento ye mase ye minanga ye zimfumu (18—25).*

Nkiangunu vo luafulukuswa ye Kilisto, lutombanga yina yena mu kayengele muvwandanga Kilisto va lubakala luaNzambi.

2. Lutadisa diela dieno mu



yina yena mu kayengele, ka-  
yina va ntoto.

3. Kadi yeno luafwa, ye  
moyo weno waswekwa ye Ki-  
listo mu Nzambi.

4. Kilisto bukana monika,  
imoyo weto, buna yeno mpe lu-  
na monika yandi mu nzitu-  
su.

5. Nkiangunu luvonda biela  
bieno biena va ntoto, ikintie-  
ngi ye nsobo ye luzinunu ye  
luzolo luambi ye wimi, insa-  
mbulu aminkisi,

6. imasumu matukisanga nga-  
nzi zaNzambi.

7. Ntama yeno luadiata mu  
mau mpe, buluavumuna mu  
mau.

8. Kansi bwabu lubembika  
mpe yayi yayonsono: nganzi  
ye mafuluka ye yambi ye nti-  
akulu ye mambu mansoni mu  
minwa mieno.

9. Kaluvunasananiko beno  
luavula muntu wankulu ye  
mavanga mandi

10. ye luavwata muntu wa-  
mona ukitukanga wamona mu  
nzailu, bonso bwena kifwani  
kiandiena wamvanga,

11. ibuna kakwenaniko elene  
ye nyudayo, nzabudulu ye sutu,  
nzenza, sikiti, nanga, mfumu,  
kansi Kilisto yandi iyaonso-  
no mu yayonsono.

12. Nkiangunu luvwata, bo-  
nso basolwa kwa Nzambi ba-

mfonga ye batondwa: kiwuntu  
kiantima ye nlembami ye lu-  
yinunu ye kimpombo ye mvi-  
budulu.

13. Lukalasana kinkete ki-  
ndezi ye luyambasana, vo mu-  
ntu wenina muntu bungu. Bo-  
nso buluayambudulwa kwa Ki-  
listo, ibuna lusanga kweno  
mpe.

14. Kansi mu yayonsono  
luvwata tonda, insinga andu-  
ngisila,

15. ye yenge kiaNzambi  
kiluabokulwa mu nitu yimosi  
kina yala mintima mieno, ye  
lukala matondo.

16. Bika mambu maKilisto  
makala mu yeno beni, mu  
nduka zazonsono lulongasana  
ye lulubasana mu minkunga  
ye minkunga mianzitusu ye  
miampeve, luyimbila mu nle-  
mvo kwa Nzambi mu ntima  
mieno.

17. Ye yayonsono yiluva-  
nganga mu mambu ye mu  
mavanga, luvangayo yayonsono  
mu nkumbu aMfumu Yesu  
ye lutonda kwa Nzambi, ise,  
mu yandi.

18. Lubakento, lutumama-  
na nlumi mieno, bonso bufwe-  
ni mu Mfumu.

19. Luminlumi, lutonda ba-  
kento beno ye kalubakadilani  
nganziko.

20. Lubana, lutumamana

mase ye zingudi zeno mu yayonsono, kadi yoyo yizolwana kwa Mfumu.

21. Lumase, kalufwemisani bana benoko, kabidi bwa mitima.

22. Luminanga, lutumama-na zimfumu zeno zansuni mu yayonsono, kamu salu biamona mesoko, bonso buvanganga bazolele zolwa kwa bantu, kansi mu kimpombo kiantima mu wonga waNzambi.

23. Yayonsono yiluvanga-na, luvangangayo mu zola kwantima nkievo kwa Mfumu, kakwa bantuko,

24. ye luzaya, vo luna tambula nsendo adifwa kwa Mfumu. Lukala minanga mia-Mfumu Kilisto.

25. Kadi uvanganga yambi una tambula diaka yina yambi yikavanga, ye kakwenani diswaswana mu muntuko.

#### Kapu 4.

*Ndubudulu mu sambila ye dila mvutu (1—4) ye songa ndiatulu yabiza kwa badimbula minu (5—6). Tikiko ye Onesimo (7—9) Mavimpi mafidisa bankaka (10—14) ye mavimpi kwa dibundu ye Alikipo (15—17). Mavimpi maPauli (18).*

Luzimfumu, yonso yisongele ye yifweni luvanga kwa minanga, buluzaidi, vo beno mpe luena Mfumu mu zulu.

2. Lutatamana ye lukaya meso mu sambila mu mato-ndo,

3. ye lutudila mvutu mpe, mpasi Nzambi una kutuzibudila mwelo amambu mu kamba mambu maswekwa maKilisto mayakangulwa,

4. kidi yazaikisamo, bonso bufwanane mu ta.

5. Ludiata yau bena kumbazi mu nduka ye lusumba ntangu.

6. Mambu meno mana kala mazolwa ntangu zazonsono ye mana tuiswa mu mungwa, kidi luazaya, bonso buluna vutula kwa muntu muntu.

7. Bonso bungiena mu lekwa biabionsono luna kambwa kwa Tikiko, mpangi yatondwa ye sielo yami kiakwikama mu Mfumu,

8. ikuma yamfidisila kwa yeno, mpasi luazaya, bonso butuena, ye mpasi kabomba mintima mieno

9. va kimosi ye Onesimo, impangi yatondwa ye yakwikama, wena mu yeno. Yau siba kulukamba, bonso butuenina vava.

10. Alastalako wakangwa yami nkole ulufidisi mavimpi ye Malakosi, ibutu kiaBalanaba, iyandi uluakambwa mambū mu nitu andi—vo yandi una kwiza kwa yeno, luntambula—

11. ye Yesu ubikwanga Yu-

stu. Mu bau bazabulwa yau kaka ibisadi yami mu kimfumu kiaNzambi biambomba.

12. Epafala ulufidisi mavimpi, iyandi watuka mu yeno, inanga waKilisto Yesu, lumba biabionsono yandi ukuluvemina mu tusambulu tuandi, kidi luatelama lualunga ye luzaya luzolo luaNzambi lualonsono.

13. Kadi mono ikuntela kimbangi, vo yandi nkuluvemina beni ye yau bena mu Laodikia ye yau bena mu Yelapoli.

14. Lukasi, imbuki watondwa, ulufidisi mavimpi ye Demasi.

15. Lufidisa mavimpi kwa zimpangi zena mu Laodikia ye kwa Nimfa ye dibundu diena mu nzo au.

16. Bulumeni tanga nkanda, lusawo, vo una tangwa mpe mu dibundu diena mu Laodikia, ye vo yeno mpe luna tanga nkanda una tuka mu Laodikia.

17. Luvova kwa Alakipo: kenga salu kiwatambula mu Mfumu, kidi wamanakio.

18. Mavimpi mu kwami koko, mono Pauli. Lubambuka moyo mu tuvambu tuami. Bika nlemvo wakala yeno!

## Nkanda wantete waPauli kwa bisi Tesalonika.

### Kapu 1.

*Mbadukulu (1). Matondo kwa Nzambi mu minu ye tonda ye vuvu biabisi Tesalonika (2—10).*

Pauli ye Siluvano ye Timotio kwa dibundu diabisi Tesalonika mu Nzambi, ise, ye Mfumu Yesu Kilisto. Bika nlemvo ye yenge biakala yeno!

2. Yeto tutondanga lumbu biabionsono kwa Nzambi mu

diambu diabeno babonsono, butubambukilanga yeno moyo mu tusambulu tueto.

3. Ntangu kantangu tubambukanga moyo va luse luaNzambi ye seto mu mavanga meno maminu ye salu kieno kiatonda ye ntatumunu avuvu kieno kiaMfumu eto Yesu Kilisto.

4. Kadi yeto tuzaidi nsodo-

lo eno, yeno luzimpangi zato-  
ndwa kwa Nzambi,

5. kadi nsamu eto wambote  
kawaluaka kwa yeno mu mambu  
kakako, kansi mu lulendo ye mu  
Mpeve yanlongo ye mu nkwikulu  
yangibonso, buluzaidi, bonso but-  
uayikala yeno mu diambu dieno.

6. Yeno luavukumukina ye-  
to ye Mfumu, buluatambula  
mambu mu mpasi zazingi mu  
kiese kiaMpeve yanlongo,

7. ikuma luakitukila kifwa-  
ni kwa babonso baleka mi-  
nu bena mu Makedonia ye A-  
kaya.

8. Kadi mu yeno mwavaika  
mambu maMfumu kamu Ma-  
kedonia ye Akaya kakako, ka-  
nsi mu muma mwamonsono  
mwalueki minu kieno mu Nza-  
mbi, nkiangunu katuena nsatu  
abikakioko.

9. Kadi yau kibeni baka-  
mbanga mu yeto, bonso butua-  
kota kwa yeno ye bonso bu-  
luabangumuka kwa Nzambi ye  
luafila biteki nima mu diambu  
diakala miuanga miaNzambi  
wamoyo ye wakedika,

10. ye mu diambu diavingila  
mwana 'ndi mu mazulu uka-  
fulukisa mu bafwa, Yesu, uku-  
tutaninanga mu nganzi zina  
kwiza.

## Kapu 2.

*Bonso bwakadila Pauli mu Tesa-  
lonkia (1—12), bonso bwavilula bisi  
Tesalonika madiela mau (13—16).  
Pauli wakala ngunda mu kwenda  
diaka ku Tesalonika (17—20).*

Kadi yeno kibeni, luzimpa-  
ngi, luzaidi, vo nkotolo eto  
mu yeno kayakala yankatu-  
ko,

2. kansi butuateka lungwa  
ye kwamuswa mu Filipo, bo-  
nso buluzaidi, beto tuakala  
kibakala mu Nzambi eto mu  
kulukamba nsamu wambote wa-  
Nzambi mu mpasi zazingi.

3. Kadi ndongolo zeto ka-  
zatukidi mu nzimbusu ye nso-  
bo ye bungubiko,

4. kansi bonso butuatontwa  
ye tuafwana kwa Nzambi mu  
kwikulwa nsamu wambote, i-  
buna tuvovanga kamu diambu  
diazolwa kwa bantuko, kansi  
kwa Nzambi utontanga minti-  
ma mieto.

5. Kadi kasi katuata ma  
mbu mamasikako, bonso bulu-  
zaidi, vo mu disu kansi alu-  
kaya mu wimiko, Nzambi i-  
mbangi eto,

6. ye katutombanga nzitusu  
kwa bantu nkutuko, kakwa  
beno vo muntu wankakako,  
mwanki tuena ndanu tuzintu-  
mwa zaKilisto,

7. kansi yeto tuakadila ye-  
no nlembami. Bonso nkento

uyemikanga ukebanga bana bandi,

8. ibobo tualutondila ye katuzola beni kuluvana nsamu wambote waNzambi kakako kansi mioyo mieto mpe, kadi beto tualutonda beni.

9. Kadi, luzimpangi, yeno lubambukanga moyo mu salu kieto ye mpasi zeto: fuku ye mwini yeto tuasalanga, katuidi kulukwamisa nkutuko, ye tualukambanga nsamu wambote waNzambi.

10. Yeno luzimbangi ye Nzambi, bonso butuakadila yeno lulekele minu mu nlongo ye mfonga ye kondwa kwadiambu,

11. bonso buluzaidi mpe, bonso butualulubula muntu muntu, bonso buvanganga se kwa bana bandi, ye tualuleba,

12. ye tualutatimisa, kidi luadiata, bonso bufweni mu Nzambi ukulubokilanga ku kimfumu kiandi ye nzitusu.

13. Nkiangunu yeto tutondanga kwa Nzambi lumbu kalumbu, buluatambula mambu maNzambi makambwa, yeno luatambulamo kabonso mambu mabantuko, kansi bonso bumena mambu maNzambi masadisa salu mu beno lulekele minu.

14. Kadi yeno, luzimpangi,

lufwanane ye mabundu maNzambi mena mu Kilisto Yesu mu Yudaya, kadi yeno lukwamuswa kwa bantu beno, bonso yau bakwamuswa kwa bayudayo

15. bavonda Mfumu Yesu mpe ye minkambi miao ye batuzoma ye balembolo zolwa kwa Nzambi ye bakanikina-nga bantu babonso

16. ye batukakila mu vo-va kwa banzenza, kabidi lalulwa, kidi bafuluza tezo kiamasumu mau lumbu biabionsono. Kansi nganzi zalueki kwa yau mu nsukulu.

17. Luzimpangi, kansi yeto tuatutukidi ye yeno lumbu bikwa mu zizi, kansi kamu ntimako, nkiangunu tuluta vema-nga mu ngunda zazingi mu mona zizi bieno.

18. Nkiangunu yeto tuazola kwiza kwa yeno, mono Pauli, ngiza mosi ye yanzole, kansi satana watukakila.

19. Kadi nani ivuvu kieto vo kiese ye mpu ansikulu eto? Keti beno mpe luenabo va luse luaMfumu eto Yesu mu ngizulu andi?

20. Kadi yeno inzitusu eto ye kiese kieto.

### Kapu 3.

*Pauli wafidisa Timotio (1—5).  
ye wayangalala, bukavutuka (6—10).*

*Pauli wakala ngunda mu kubamona diaka (11—13).*

Nkiangunu butualembana vibidila diaka, tuazola kweto sala beto kweto kaka mu A-tene

2. ye tuafidisa Timotio, mpa-ngi eto ye sielo kiaNzambi mu nsamu wambote waKilisto, kidi kalusiamisa ye kaluleba mu minu kieno,

3. mpasi muntu kana zeza mu ncita zaziko, kadi yeno kibeni luzaidi, vo tuavangulwa mu diambu diodio.

4. Kadi butuakala yeno, tua-teka kulukamba, vo tuna lungwa kwama, bonso bwavangwa, ye yeno luzaidibo.

5. Nkiangunu buyalembana vibidila mpe, buna mono yamfidisa mu zaya minu kiéno, kanivo nsindisidi walusindisila, ye salu kieto kiakala kianka-tu.

6. Kansi bwabu Timotio bu-kayizidi kwa beto, bukatukidi kwa beno ye waneti nsamu wakiese kwa yeto mu minu kieno ye tonda kweno, ye vo lutoma kutubambukilanga moyo ntangu zazonsono, ye luena ngunda zamona beto, bonso bu-tuena kwa beno,

7. nkiangunu, luzimpangi, bu-na yeto tuabombwa mu nci-ta ye mpasi zeto zazonsono mu diambu diaminu kieno,

8. kadi bwabu tuvumuna kweto, vo lueti telama mu Mfu-mu.

9. Kadi nki amatondo tu-lenda vutula kwa Nzambi mu diambu dieno mu kiese kiakio-nsono kituyangalalanga mu diambu dieno va luse luaNza-mbi eto?

10. Fuku ye mwini tuena lalu dialombila, kidi tuamona zizi bieno ye lungisa yonso yikondolo mu minu kieno.

11. Kansi yandi kibeni Nza-mbi ye seto ye Mfumu eto Yesu kasungika nzila eto kwa yeno.

12. Kansi Mfumu bika kaluvanga kimvwama ye lua-buka mu tondasana ye tonda bantu babonsono, bonso butu-sanga kwa yeno,

13. kidi kasiamisa mintima mieno, mpasi miakondwa dia-mbu mu mfonga va luse lua-Nzambi ye se, Mfumu eto Yesu bukana kwiza ye ban-tu bandi babonsono banlo-ngo. Amen.

#### Kapu 4.

*Pauli wabalubula badiata ndia-tulu yavedila (1—12) ye wabazaikisa ngizulu aKilisto (13—18).*

Mboki, luzimpangi, yeto tu-kululomba ye tukululeba mu Mfumu Yesu, kidi bonso bu-lualongwa kwa yeto, bonso bu-

luna diata ye zolwa kwa Nzambi, bonso buludiatanga mpe, kidi lualutilabo diaka.

2. Kadi yeno luzaidi mina mitualuvana mu Mfumu Yesu.

3. Kadi luzolo luaNzambi ilualu: mpedoso eno, mpasi lualitina yanga,

4. mpasi beno buna luenaluzaya bonga muntu ye wandinkenento mu nlongo ye nzitusu,

5. kamu nzinunu zabikisako, bonso banzenza balembolo zaya Nzambi.

6. Muntu kana pupika ye baba mpangi andi mu kitako, kadi Mfumu una vutula ndinda mu yoyo yayo, bonso butuateka kamba kwa yeno ye tuatona ta kiinbangi.

7. Kadi Nzambi watubokila mu mpedoso, kamu nsoboko.

8. Nkiangunu utungudilanga, katungudilanga bantuko kansi Nzambi waluvana mpe Mpeve andi yanlongo.

9. Kansi yeno kaluena nsatu asonukunwa mu tonda kwazimpangiko, kadi yeno kibeni lualongwa kwa Nzambi mu tondasana,

10. kadi yeno luavangabo mpe kwa zimpangi zazonsono zena mu Makedonia yamvimba. Kansi, luzimpangi, yeto tukuleba, kidi lualutabo sa,

11. ye kidi luasa, vo nzitusu eno wena mu votalala ye

vanga bieno bisalu mu meno moko, bonso butualukamba,

12. kidi luadiata nadede mu yau bena ku mbazi ye lualembwa kala nsatu alekwa.

13. Kansi, luzimpangi, katuzoleleko, vo yeno luna lembwazaya mu yau bamana bondalala, kaluidi kala kiadi, bonso bankaka bakondolo vuvu.

14. Kadi vo tuleka minu, vo Yesu wafwa ye wafuluka, buna mu Yesu mpe Nzambi una vaikisa babondalala ye yandi.

15. Kadi yeto tuvelebo mu mambu maNzambi, vo beto tuvumunanga ye tusidi nate ye ngizulu aMfumu katuna tekila nkutu yau babondalalako,

16. kadi yandi kibeni Mfumu una kulumuka mu dizulu ye nkambulu ye mbokolo angundi ampofi ye mpungi akulumeta yaNzambi ye bafwa mu Kilisto bana teka fuluka.

17. Mboki beto tuvumunanga ye tusidi tuna nangunwa mu matuti ye yau ku mbwabununu aMfumu mu mpeve, buna situa kala ye Mfumu ntangu kantangu.

18. Nkiangunu lubombasana mu mambu momo.

## Kapu 5.

*Ntangu yangizulu aMfumu yena lukufi (1—3), nkiangunu baleka mi-*

nu bana kaya meso (4—11). Ndu-budulu mu vumina minlongi ye diata bufwanane (12—22). Mpeno ayenge ye mavimpi (23—28).

**Luzimpangi**, yeno kaluena nsatuko, vo mono ngina kulusonikina ntangu ye lumbu,

2. kadi yeno kibeni luzaidi, vo lumbu kiaMfumu kina kwiza nkievo mwivi mu fuku.

3. Bubavova: kizika ye yenge biena, buna nswalu mbungulu yina kwiza kubabwila, bonso nsongo ubwilanga nkeno wena ye vumu, ye kabana lenda tabako.

4. **Kansi** beno, luzimpangi, kaluena mu tombeko, kaluidi bwilwa kwa lumbu kiokioko nkievo mwivi.

5. Kadi yeno babonsoo lubana bakia ye bana bamwini. Yeto katuvwilu kwa fuku ye tombeko.

6. Nkiangunu katununginani bonso bankakako, kansi bika tuakaya meso ye tualembwa sansala.

7. Kadi baleka balekanga mu fuku, ye babwa malavu babwangamo mu fuku.

8. **Kansi** yeto tubantu bamwini bika tualembwa sansala, kansi tuavwata nkaku antulu aminu ye tonda ye vuvu kiandalulu inkaku antu.

9. Kadi Nzambi katuvangu-

la mu nganziko kansi mu diambu diabaka ndalulu mu Mfumu eto Yesu Kilisto

10. watufwila, kidi tuavumunina vakimosi ye yandi vo tukaya meso vo tuleka.

11. Idiau lubombasana ye lutungasana, bonso bulusanga mpe.

12. **Kansi**, luzimpangi, yeto tukululeba, kidi luzazaya yau bakulusadilanga ye bena minkengi mieno mu Mfumu ye bakululubulanga.

13. Lubatonda mu kedika kiakinene mu diambu diasalubiau. Lukalasana yenge.

14. Luzimpangi, yeto tukululeba, kidi lualubula yau bena bonso bonso; lubomba babwanga mintima; lukeba bena kindakana; lukadila babonsoo nlembami.

15. Lutala widi muntu nku-tu kana vutula yambi mu yambiko, kansi ntangu zazo luvema mu vangasana yambote muntu ye kwa wayandi.

16. Luyangalala ntangu zazo.

17. Lusambila ye lusambudila.

18. Lutonda mu yayonsoo, kadi bobo bwena luzolo luanzambi kwa yeno mu Kilisto Yesu.

19. Kaluzimani Mpeveko.



20. Kalutungudilani nkambu-lu amambu mana kwizako.

21. Kansi lutonta yayonso-no ye lusimba yonso yambote.

22. Lutina yambi yayonso-no yampila mu mpila.

23. Kansi yandi kibeni Nza-mbi ayenge bika kaluvedisa mu nkadulu eno yamvimba, ye mpe-ve eno yamvimba ye mwela ye nitu bika biakebwa mu ko-ndwa diambu mu ngizulu aMfu-mu eto Yesu Kilisto.

24. Ndienna walubokila wa-kwikama wena, ye yandi sika-bo vanga.

25. Luzimpangi, lutudila mvu-tu.

26. Luvana mavimpi kwa zimpangi zazonsono mu mfibu-lu yamfonga.

27. Mono ikuludikisa ndefi nuu Mfumu, kidi luatanga nka-nda kwa zimpangi zazonsono.

28. Nlemvo aMfumu eto Yesu Kilisto wakala yeno!

## Nkanda wanzole waPauli kwa bisi Tesalonika.

### Kapu 1.

*Mbandukulu (1—2). Matondo kwa Nzambi (3—12).*

Pauli ye Siluvano ye Ti-motio kwa dibundu diabisi Te-salonika mu Nzambi, iseto, ye Mfumu Yesu Kilisto!

2. Bika nlemvo wakala ye-no ye yenge kiaNzambi, iseto, ye Mfumu Yesu Kilisto!

3. Bufweni mu yeto mu to-nda kwa Nzambi mu yeno, luzimpangi, lumbu biabionsono, snboo busongele, kadi minu

kieno kinenivanga, ye tonda kuniekanga mu beno babo kwa babonsono.

4. Nkiangunu yeto kibeni tukukisikanga mu beno mu ma-bundu maNzambi mu diambu diamvibudulu eno ye minu mu nzomono zeno zazonsono ye ncita ziluvibidilanga,

• 5. idimbu kiankongodolo a-Nzambi yisongele, kidi luafwa-nukuswa mu kimfumu kiaNza-mbi kilulungulwanga kwama.

6. Vo busongele nkutu mu

Nzambi mu vutula kwama kwa yau bakulukwamisanga,

7. kansi kwa yeno lukwamuswanga mpongolo ye yeto mu mbonokono aMfumu Yesu mu dizulu ye zimpofi zalulendo luandi,

8. mu nlemo atia mu diambu diavutula ndinda kwayau balembolo zaya Nzambi ye balembolo tumamana nsamu wambote waMfumu eto Yesu.

9. Yau bana vutulwa ndinda, imbungulu yakwele mvu kuvutukidi mvu yina tuka va luse luaMfumu ye mu nzitusu angolo zandi,

10. bukana kwiza mu lumbu kina mu diambu diazituswa mu bantu bandi banlongo ye yindulwa mu yau babonso baleka minu, kadi kimbaningi kieto kwa yeno kialekulwa minu.

11. Nkiangunu yeto tukuludilanga mvutu lumbu kalumbu, kidi luafwanukuswa kwa Nzambi eto mu fwana mu bokulwa ye mu manisa mu zingolo luzolo lualonsono luawote ye salu kiaminu,

12. kidi nkumbu aMfumu eto Yesu Kilisto yina zituswa mu yeno ye yeno mu yandi, bonso bwena nlemvo aNzambi eto ye Mfumu Yesu Kilisto.

## Kapu 2.

*Ngizulu aKilisto ye Antikilisto (1—12). Baleka minu balubulwa mu telama nakekete mu mambu mabatambudi (13—17).*

Kansi, luzimpangi, yeto tukululeba mu diambu diangizulu aMfumu eto Yesu Kilisto ye ngionzokolo eto kwa yandi,

2. kaluidi zeza nswalu mu dielako vo tinuswa kamu mpeveko ye kamu mambuko ye kamu nkandako nkievo kwa beto, vo lumbu kiaMfumu kiena mu luaka.

3. Kaluyambulani muntu kalupupika mu lekwako, kadi luvesokono silua teka kala ye mbonokono ankwa abumpumbulu, imwana wambungulu.

4. Yandi una kakila ye kukibalula mu lekwa biabionsonobiazinzambi ye Nzambi. Yandi una vwanda mu nzo aNzambi ye kukisonga nkievo Nzambi.

5. Kadi kalubambukidi moyokoe, vo yalukamba yoyo, buyakala ye yeno?

6. Bwabu yeno luzaidi yonso yikakilanga, kidi yandi kamonika mu yandi ntangu.

7. Kadi mambu maswekwa mabumpumbulu meti salanga, nate ye ndiena ukakilanga sika vengumunwa.

8. Buna ndiena nkwa

amina una monika ye bungwa kwa Mfumu Yesu mu mpeve anwa andi ye fukuswa mu mbonokono angizulu andi.

9. Ngizulu andi yina kala mu diambu diasalu kiasatana mu tulendo tuatonsono ye bimangu ye bidinhu biamakutu

10. ye kinkita kiakionsono kiabilembolo songa mu yau bana bungwa, kadi yau kabatambula tonda kwakedikako, kidi balalulwa.

11. Nkiangunu Nzambi ukubafidisanga nzimbulu yangolo, mpasi kaka balekila makutu minu,

12. kidi babonsono bana kongudulwa nkanu balembolo lekila kedika minu, kansi bazola kondwa kwamfonga.

13. Kansi yeno, luzimpangi zatondwa kwa Mfumu, yeto tufweni mu tonda kwa Nzambi lumbu yayonsono mu yeno, kadi Nzambi walusola kasi ye mbadukulu mulalulwa mu nlongo waMpeve ye minu mu kedika,

14. ikuma yandi kalubokila mu nsamu wambote, kidi lubaka nzitusu aMfumu eto Yesu Kilisto.

15. Luzimpangi, nkiangunu lutelama nakekete ye lutatamana ndongolo zilualongwa vo mu nkungu zeto vo mu nkand' eto.

16. Kansi yandi kibeni Mfumu eto Yesu Kilisto ye Nzambi, iseto, diatutonda mu nlemvo ye watuvana mbombolo yikayimani ye vuvu kiabiza,

17. yandi una bomba mintima mieno ye kulusiamisa mu salu biabionsono biabiza ye mambu mabiza.

### Kapu 3.

*Pauli wabaleba bakundila muntu ye salu kiandi (1 —5), wabaleba batoma diata (6—15). Mpeno amarimpi (16 —18).*

Mboki, luzimpangi, lutudila mvutu, kidi mambu maMfumu manieka ye mazituswa, bonso bwakala mu yeno mpe,

2. kidi tuatanunwa mu bantu bakimfunia ye bambi, kadi babonsono kabena ye minuko.

3. Kansi Mfumu yena yakuwikama, yandi una kulusiamisa ye kulutabila mu nkwa wambi.

4. Kadi yeto tuakwikama mu yeno mu Mfumu, vo luva nganga ye luna vanga mpe yitukulukamba.

5. Kansi Mfumu bika kuvunga mintima mieno mu tonda kwa Nzambi ye mu mvibudulu aKilisto.

6. Luzimpangi, yeto tukulukamba mu nkumbu aMfumu eto Yesu Kilisto, vo luna va-

mbana ye yonso yonso mpangi yidiatanga, bonso bulembolo songa ye yilembolo nama ndongolo zibatambula kwa yeto,

7. kadi yeno kibeni luzaidi, bonso buluna kutuvukumukina, kadi yeto katuadiata bonso bonso mu yenoko

8. ye katuadia dimpa ye muntu mu kalekwako, kansi yeto tusalanga fuku ye mwini mu mpasi ye nzungu, katuidi kulukwamisa.

9. Katuasabo mu diambu diakondwa lulendoko, kansi kidi tuakisonga kwa yeno nkievo kifwani, kidi luatutanginina.

10. Kadi butuakala yeno mpe, yeto tualukamba mwina wau, vo muntu kazolele sala-ko, kana dia mpeko.

11. Kadi yeto tuawilu, vo bankaka kabadiatanga, bonso busongeleko, ye balembolo sala kansi mu biangana.

12. Kansi bena bobo, yeto

tukubakamba ye tukubalubula mu Mfumu Yesu Kilisto, vo bana sala ye kala napi, kidi badia kwau dia.

13. Kansi, luzimbangi, kalubebani mu vanga yamboteko.

14. Vo kana tumamana mambu metoko mu nkanda wau, buna lunsonika; kalukibani yandiko, mpasi kamona nsoni.

15. Kalunsangani nkievo ntantuko, kansi lunlubula bonso mpangi.

16. Yandi kibeni Mfumu ayenge bika kaluvana yenge bwampila mu mpila ntangu kantangu. Mfumu kakala ye yeno babonsono!

17. Nkambulu amavimpi yasonwa mu kwami koko, mono Pauli. Kiokio idimbu mu minkanda miamionsono; bobo isonikanga.

18. Bika nlemvo aMfumu eto Yesu Kilisto wakala ye beno babonsono!

## Nkanda wantete waPauli kwa Timotio.

### Kapu 1.

*Mbadukulu (1—2). Pauli walugisa mu diambu diandongolo zanzeza (3—11) ye wawutula matondo kwa Nzambi (12—17) ye walubula Timotio, kidi katoma mwana (18—20).*

Pauli, intumwa aKilisto Yesu, bonso bwakamba Nzambi, intanini eto, ye Kilisto Yesu, ivuyu kieto,

2. kwa Timotio mwana ami

beni mu minu. Nlemvo ye kiwuntu ye yenge biaNzambi, ise, ye Kilisto Yesu Mfumu eto!

3. Mono ikuleba bwabu, bonso buyavanga, buyayenda kuna Makedonia, vo una kala mu Efeso, kidi wakamba bankaka, kabidi longa ndongolo zanzeza,

4. vo yindula nsangu zamakutu ye zinkumbu zamase makanda malembolo suka, kadi ziluta tukanga mfiongonono ye kandalulu yaNzambi yena mu minuko.

5. Kansi nsukulu amina itonda mu ntima wavedila ye nzailu yabiza ye minu kikondolo disu kungsi alukaya.

6. Bankaka bafwa diba mu biobio ye babangumuka ku mambu mankatu,

7. bubazola kala minlongi miamina, bubalembolo zaya mabeti vova ye mabeti tela kimbangi kiakinene.

8. Kansi tuzaidi, vo mina miena miabiza, vo misadulwanga, bonso bufweni mu mina.

9. Luzaidi, vo mina kamia-vangwa mu diambu diamuntu wamfongako kansi mu diambu diamimvondi miamina ye minkolami ye balembolo vumina Nzambi ye bankwa miamasumu ye bakondolo mfonga

ye Mpeve ye mimvondi miamase ye zingudi ye bantu

10. ye minyangi ye minleki-si miababakala yau ye minteki miabantu ye mimvuni ye badianga zindefi zamakutu ye yayonsono yankaka yilembolo fwanana ye ndongolo yamavimpi,

11. bonso bwena nsamu wambote waNzambi anzitusu aki-ese, insamu uyakwikulwa.

12. Mono ntondele kwa ndiena wampana zingolo, iKilisto Yesu Mfumu eto, bukambanza, vo yakwikama, bukantula mu salu,

13. imono yateka tiaka ye zoma ye kwamisa, kansi mono yalemvukulwa, kadi yavangabo mu diba mu ndimbulu aminu,

14. kansi nlemvo waMfumu eto wabuka beni mu minu ye tonda biena mu Kilisto Yesu.

15. Diambu diadi diena diakwikama ye difweni mu ntabulu zazonsono, vo Kilisto Yesu wayiza mu lalula bankwa miamasumu, mu miau ndutidi mu nene.

16. Nkiangunu mono yalemvukulwa, kidi Yesu Kilisto walutila mu songa mvibudulu andi yayonsono mu mono mu diambu diasongabo kwa yau bana kunlekila minu mu moyo ukaumani.

17. Kansi bika Mfumu yi-

kayimani ye kwele mvu kuvutukidi mvu, iyandi ulembo-lo fuka ye monika, Nzambi mosi bika kazituswa mvu mikamimani, kwele mvu kuvutukidi mvu! Amen.

18. Mwana ami Timotio, mwina wau mono ikuyekudilawo, bonso bwena nkambulu zateka kambwa mu ngeye, kidi wanwana mvita yabiza, bonso bwena nkambulu zozo,

19. kidi wasimba minu ye nzailu yabiza yibaniokuna banakaka, ikuma bafukisila minu.

20. Mu yau mwena Hime-neo ye Alesandelo bayayekula kwa satana, kidi balonguka lembwa tiaka.

## Kapu 2.

*Pauli wabalubula badila babo mvutu (1—7) ye walongabonso buna sambulwa (8—10), ye bakento kabana lonka mu dibunduko (11—15).*

Nkiangunu mono ilubula mu yayonsono, vo ndombolo ye nsambulu ye ndilu amvutu ye matondo bina tewa mu bantu babonsono,

2. mu zimfumu ye minyadi miamionsono, kidi tuakala nkadulu yena napi ye kimpombo mu vumi kiaNzambi kiakionsono ye ndanu.

3. Yoyo yena yabiza ye yatondwa kwa Nzambi, inlaludi eto,

4. uzolele, vo bantu babonsono bana lalulwa ye kwiza ku nzailu akedikika.

5. Kadi Nzambi mosi kaka yena ye nzonzi mosi kaka va kati ye Nzambi ye bantu, imuntu Kilisto Yesu

6. wakivana mu nkudulu mu babonsono mu kimbangi mu yandi ntangu.

7. Mu diambu diodio mono yavangwa nkambi ye ntumwa — mono mpovele kedika kivuniniko—nlongi mu minu ye kedika kwa banzenza.

8. Nkiangunu nzolele kwami, vo babakala bana sambila mu muma mwamonsono ye zangula moko manlongo kansi kamu nganzi ye matinguko.

9. Bobo bakento mpe bana kukisa ntoko zamvwatu ufwanane ye vumi ye kimpombo, kamu mabese ye wola ye nzimbu ye mivwatu miena ntaluko,

10. kansi bonso bufweni mu bakento bavuminanga Nzambi — mu mavanga mabiza.

11. Nkento una longwa napi mu kimpombo kiakionsono,

12. kansi kiyambulanga nkento kalonga bankaka vo yala babakalako, kansi una kala napi.

13. Kadi Adami wateka vangwa mboki Eva.

14. Adami kakondwako, ka-

nsi nkento wakondwa ye wakusumuka mu minkanu.

15. Kansi yandi ulalulwanga mu diambu diambutulu zabana, vo bana sala mu minu ye tonda ye mpedoso ye kimpombo.

### Kapu 3.

*Nkadulu ankengi adibundu (1—7) ye sielo kiadibundu (8—13). Vumi kiaNzambi, bonso bukiena (14—16)*

Diambu diakwikama, vo muntu una tomba salu kiakenga dibundu, yandi zolele salu kiabiza.

2. Nkiangunu nkengi sika kondwa diambu ye kala nlu-mi ankento mosi kaka, ye sika lembwa sansala ye kala nakekete ye nkadulu yabiza ye dikila. ye toma zaya longa,

3. kankwa akinduvuko ye kikesako, kansi una kala nlembami ye lembwa zola lusobo ye wimi

4. ye toma yala yandi nzo ye vanga bana bandi batumama mu vumi kiakionsono —

5. kansi vo muntu kazaidi yala yandi nzoko, buna bwe sika lenda keba dibundu diaNzambi? —

6. kamuntu walembwa leka minu ye ntamako, kidi kana bwilwa mbumbuluka ye nko-ngodolo asatanako.

7. Yandi sika kala mpe mbikulu yabiza kwa yau bena kumbazi, kidi kabwilwa kwa ntia-kulu ye siongi diasatanako.

8. Ibobo bisielo biamabundu bina kala biandanusu ye kama-ta moleko ye bina lembwa zola vinia kiakingi ye kabina kala tima diandandu yansoniko,

9. kansi bina kala mambu maminu maswekwa mu nzailu yavedila —

10. kansi biau mpe bina teka tontwa mboki sibia sadila, vo bakondolo nkanu.

11. Ye bakento bau mpe siba kala ndandu, kabana kela ye sansalako ye bana kwikama mu yayonsono.

12. Bisielo biamabundu bina kala babakala bakento mosi mosi kaka, bina toma yala bana bau ye zinzo zau.

13. Kadi yau batoma sadila, yau babakanga nkadulu yanzitusu ye kibakala kiakingi mu minu kiena mu Yesu Kilisto.

14. Mono nsonene bobo kwa ngeye ye ibanzanga mu luaka kwa ngeye nswalu,

15. kansi vo ngina zingila, kidi wazaya, bonso buna vangwa mu nzo aNzambi, idibundu diaNzambi amoyo ye tungwa kiakedika ye lufulu.

16. Mambu maswekwa mavumi kiaNzambi mazaiwa vo

mamanene: Yandi wamonika mu nsuni ye wafonguswa mu mpeve ye wamonwa kwa zim-pofi ye wakambwa mu bantuu ye walekulwa minu mu nza ye wabalulwa mu nzitusu.

#### Kapu 4.

*Mpesokono mu minu (1—5). Pauli wahunzika Timotio, kidi kakala sielo kiubiza kiaKilisto (6—10) ye kifwani kwa baleka minu (11—16).*

**Kansi Mpeve yibangula vo-va, vo lumbu bina kwiza, ban-kaka bana katuka mu minu ye bana nama mpeve zanzimbulu ye ndongolo zampeve zambi**

2. mu disu kungsi alukaya luabankwa miamakutu miasiya diambu diatia mu mintima miao

3. ye bakanikina mu kwela ye mu tina dia kwavanga Nzambi mu diambu diatambulwa mu matondo kwa yau baleka minu ye bazaidi kedika.

4. Kadi yayonsono yavanga Nzambi yena yabiza ye lekwa nkutu kakifweni mu tinwako, bukitambulwanga mu matondo.

5. Kadi kiau kiavedoso mu mambu maNzambi ye mu sam-bila.

6. Buuna tuala momo kwa zimpangi, buna ngeye una ka-la sielo kiabiza kiaKilisto Yesu kikukiyundulanga mu manibu

ye ndongolo yabiza yiwatoma nama.

7. Kansi tina nsangu ziko-ndolo mpeve ye zabibunda ye ukukilonga vumi kiaNzambi.

8. Kadi ndongolo anitu ka-yitomene lekwa beniko, vumi kiaNzambi kitomene mu yayon-sono ye kiena ye nsilulu ya-moyo wena bwabu yeuna kwiza.

9. Diambu diodio diena dia-kwikama ye difweni mu nta-mbulu zazonsono,

10. kadi mu diambu diodio yeto tusalanga ye tunwananga, butusila vuvu mu Nzambi amoyo inlaludi abantu babon-sono, kansi yilutidi beni kwa yau baleka minu.

11. Kamba ye longa momo.

12. Muntu kana kutungudila mu diambu diakintwenia kiaku-ko, kansi naka ki kwani kwa baleka minu mu mambu ye nkadulu ye minu ye mpedoso.

13. Tatamana mu tanga kwa yau ye lubula ye longa, nate ye ngina luaka.

14. Kufwani dibako mu nkai-lu wanlemvo wena mu ngeye uwavewa mu nkambulu, buwa-tulwa moko mazingudi zabantu.

15. Kala ye mo ye yindula-mo, kidi nkudulu aku yamo-nika kwa babonsono.

16. Ukikenga ye kenga



ndongolo; tatamana mu diodio, kadi vo unabo sa, siwa kuki-lalula ye lalula bakuwanga.

### Kapu 5.

*Bonso buna lubulwa bantu bampila mu mpila (1—2) ye bonso buna yundulwa ye sonukwa mafwola (3—16) ye bonso buna longwa bangudi zabantu mu dibundu (17—25).*

Kusani ngolo kwa muntu wanunako, kansi unlubula nkievo dise, ye matoko nkievo zimpangi,

2..bakento banuna nkievo zingudi, zindumba nkievo bibusi mu mpedoso zazosono.

3. Zitisa mafwola, imafwola mu kedika.

4. Kansi fwola diena bana, vo bateka longuka vumina nzo au ye vutula bwambote kwa mase mau, kadi bobo bwazolwa kwa Nzambi.

5. Kansi dionso fwola dia-kedika, diena diau kwandi kaka, diena vuvu mu Nzambi ye dieti tatamana lomba ye sambila fuku ye mwini.

6. Kansi dionso ditanga kinduvu, budivumuna diakifwila kwandi.

7. Kamba momo mpe, kidi bakondwa diambu.

8. Kansi vo muntu una lembwa yundula bayandi ye be-na mu nzo andi, yandi wakadila

minu ye lutidi lembolo leka minu mu bi.

9. Difwola dilungidi maku-masambanu mamimvu dilenda sonwa, vo diakala nkento abakala dimosi kaka

10. ye ditelwanga kimbangi mu mavanga mabiza, ye vo diakudisa bana babiza ye diadikila ye diasukula malu mabantu banlongo ye diasadisa bakwamuswanga ye diatatamana mu mavanga mamonsono mabiza.

11. Kansi kutambulani mafwola mantweniako, kadi bu-mana tuta mbaya kwa Kilisto, buna mazolele kwela

12. ye mana tambula nko-ngololo, kadi mau mayambula minu kiau kiantete.

13. Mboki mau mana yukwa lembwa sala mpe ye zieta mu zinzo, kansi kamalembolo sala kakako, kansi mazolele kela ye fwafata mu mambu mangana ye mavovanga mambu malembolo songa.

14. Nkiangunu nzolele, vo mafwola mantwenia mana kwela ye buta bana ye keba nzo ye lembwa vana diambu kwa mintantu mu vweza.

15. Kadi munkaka makibangumukina mu nama satana.

16. Vo nkento vo bakala ulenkanga minu wena ye mafwola, bika kayundulamo, kansi dibundu kadina tatumuswako, kidi diale-

nda yundula mau mafwola make-dika.

17. Zingudi zabantu zitoma salanga salu kiau zina zituswa beni, yau beni basalanga mu mambu ye mu longa.

18. Kadi masonukwa mavovele: Kuna kanga nwa angombe yitutanga mbongoko; ye: Kisadi kifweni mfutu andi.

19. Kutambulani fundu mu ngudi amuntuko, vo bakondolo mhangi zole vo zitatu.

20. Bavola masumu, ubalonga vena babonso, kidi bankaka mpe bana tina.

21. Mono ikutela kimbangi mu Nzambi ye Mfumu Yesu Kilisto ye zimpofi zasolwa, vo una keba yoyo, ye lembwa teka kongudulwa vo vanga lekwa mu diambu diazolwa.

22. Kutulani moko mu muntu nswaluko, kukalani ntuali mu masumu mabankakako. Ukikeba wavedila.

23. Mboki kunwani nlangu kakako, kansi sa vinia kiafiu-ma mu diambu diavumu kiaku ye mu diambu diakindakana kwaku kufutumukanga ntama ntama.

24. Masumu mabantu bankaka mamonikanga ye makubatekila mu nkongodolo; kansi manama bankaka ku manima mpe.

25. Ibobo mpe mavanga ma-

biza mamonika; makamamonika kamalendi swekwako.

## Kapu 6.

*Ndubudulu zampila mu mpila (1—10) ye ndubudulu kwa Timotio ye bamwama (11—21).*

Buna miena minanga bena kinanga bana vumina zau zimfumu mu vumi kiakionsono, kidi nkumbu aNzambi ye ndongolo kabina vwezwo.

2. Kansi yau bena zimfumu zilekanga minu kabana kubavweza mu diambu diakimpangiko, kansi bana lutila zola kubasadila, bubeti leka minu ye tondwa, bubeti tatamana mu vanga yambote. Longa ye lubula momo.

3. Vo muntu una longa bankaka ye lembwa tatamana mambu mamavimpi maMfumu eto Yesu Kilisto ye ndongolo yena mu vumi kiaNzambi,

4. buna yandi wena mbaya ye lembolo zaya lekwa, kansi wena yela kwabiuvu ye mpa-ka zamambu zitukisanga nsoki ye zonga yetiaka ye mabanza mambi

5. ye lusuku luangolo luabantu habungwa mu madiela ye bazionwa kedika, bubabanza, vo vumi kiaNzambi indandu.

6. Kansi ndandu yayinene ivumi kiaNzambi kiena ntongi.

7. Kadi yeto katuatula le-  
kwa mu nzako, nkiangunu ka-  
tuna lenda mpe katula lekwa  
mu nzako,

8. kansi butuena dia ye mvwa-  
tu, buna tunabo tonda.

9. Kansi bazolele kala kimvwa-  
ma bakusumukanga mu nsindusu-  
lu ye siongi ye nzinunu zazingi za-  
buzengi ye zambi zidimisanga ba-  
ntu mu mbungulu ye nkadi ampe-  
mba.

10. Kadi wimi imwanzi wa-  
yayibi yayonso ulambukila-  
nga bankaka, ye mu diambu  
diodio yau bazimbala mu mi-  
nu ye bakikwamisa kwakwingi.

11. Kansi ngeye, umuntu  
waNzambi, tina yoyo, kansi ta-  
tamana mfonga ye vumi kia-  
Nzambi ye minu ye tonda ye  
mvibudulu ye nlembani.

12. Nwana ndwanunu yabi-  
za yaminu, simba moyo uka-  
umani uwabokulwa ye uwaka-  
mba nkambulu yabiza kwa  
mbangi zazingi.

13. Mono ikukamba mu Nza-  
mbi uvanganga yayonso ya-  
moyo, ye mu Kilisto Yesu  
wata kimbangi mu nkambulu  
yabiza kwa Pontio Pilato,

14. vo ngeye una kobamwi-  
na ye kondwa sona ye nkanu  
nate ye mbonokono aMfumu  
eto Yesu Kilisto.

15. Yandi nyadi mosi wa-  
kiese, mfumu azimfumu ye di-  
ngizi diamadingizi, yandi una  
mwesayo mu zandi zintangu,

16. yandi kaka ukondolo kia-  
mfwilu ye wena mu kia kule-  
mbolo kotakana ye kamonika  
kwa muntuko ye kanani mo-  
nika mpeko, bika kazituswa ye  
kala lulendo lukalumani. Amen!

17. Bena kimvwama mu nta-  
ngu zazi, ubakamba balembwa  
tuta mbaya ye sa vuvu mu  
kimvwama kiena bonso bonso,  
kansi bana sa vuvu mu Nza-  
mbi ukutuvananga yayonso  
yayingi beni mu diayo,

18. ye bana vanga yambote  
ye kala kimvwama mu mava-  
nga mabiza ye bana vananga  
mu zola ye kailanga

19. ye kukiyonzikila mbo-  
ngo nkievo lufulu luabiza mu  
lekwa bina kwiza, kidi basi-  
mba moyo wakedika.

20. Timotio, keba kwaku yi-  
na yiwakwika ye fila nina ku  
mambu mankatu makondolo  
Mpeve menampakamabikwanga  
nzailu, kansi inzailu yavuna.

21. Bankaka banamayo ye  
bazimbala mu minu mu dia-  
mbu diodio. Bika nlemvo wakala  
yeno!

# Nkanda wanzole waPauli kwa Timotio.

## Kapu 1.

*Mbadukulu (1—2). Matondo (3—5). Mpeve yakibakala (6—14 Onesifolo wasikwa (15—18).*

Pauli, intumwa aKilisto Yesu mu luzolo luaNzambi, bonso bwena nsilulu amoyo wena mu Kilisto Yesu,

2. kwa Timotio, mwana ami watondwa. Nlemvo ye kiwuntu ye yenge kiaNzambi, idise ye Kilisto Yesu, Mfumu eto!

3. Mono ntondele kwa Nzambi uisadilanga mu uzailu yavedila kasi ye vana mase, bonso buibanzanga ngeye lumbu kalumbu mu nsambulu zami fuku ye mwini,

4. ye ngiena ngunda zamona ngeye, buibanbukanga moyo mu mansanga maku, kidi yafuluka kwa kiese.

5. ye ibambukanga moyo mu minu kikondolo disu kungsi alukaya kiena mfi ngeye ye kiateka kala mu nkaka aku Loidi, ye mu mbuta aku Enike; kansi ntomene zaya, vo minu kiokio kiena mu ngeye mpe.

6. Nkiangunu mono ikubambula moyo, vo wavutuka kwika nkailu anlemvo waNzambi wena mu Ngeye mu diambu diantululu amoko mami

7. Kadi Nzambi katuvana Mpeve yabunkutako kansi Mpeve yalulendo ye tonda ye ndongi.

8. Nkiangunu kukalani nsoni mu kimbangi kiaMfumu etoko vo mu mono, inkole andiko, kansi lungwa kwaku kwama ngeye mpe mu nsamu wambote, bonso bwena lulendo luaNzambi,

9. Yandi watutanina ye watubokila mu mbokolo yanlongo, kamu diambu diamavanga metoko kansi mu diambu diampangulu andi yenlemvo utuavewa mu Kilisto Yesu watuka mu mianvu mikanimani,

10. kansi bwabu wau wazai kuswa mu mbonokono anlaludi eto Kilisto Yesu wafukisa lufwa, kansi watuala moyo nu kia ye kondwa mfwilu mu nsamu wambote,

11. imu diambu diodio mono yavangulwa nkambi ye ntu-mwa ye nlongi,

12. ye mu diambu diodio mono ndungulu kwama mu yayi mpe, kansi kiena ye nsoniko, kadi nzaydi ndiena uyasila vuvu ye yakwikama, vo yandi lenda kuta yina yiyakwikwa nate ye kina lumbu.

13. Tatamana mu minu ye tonda mu Kilisto Yesu mu ki-fwani kiamambu mamavimpi mawawa kwa mono.

14. Keba mu Mpeve yanlongo yina yabiza yiwakwikwa yena mu yeto.

15. Ngeye zaididio, vo babonsono batuka mu Asia bakatuka mu mono, Fingelo ye Helemongene bena yau mpe.

16. Bika Mfumu kavana kiwuntu kwa nzo aOnesifolo, kadi yandi wampongisa mpongisa zazingi ye kamona nsoni mu diambu diatuvambu tuamiko,

17. kansi bukayiza ku Loma, yandi wantomba beni ye wambona.

18. Bika Mfumu kamvana, kidi kamona kiwuntu kwa Mfumu mu kina lumbu. Ngeye lutidi zaya salu kiandi kiakinene mu Efeso.

## Kapu 2.

*Ndubudulu mu siana mu salu kiamfumu (1—13) ye tina mu ndongolo zanzimbusu (14—26).*

Nkiangu, umwana ami, siana kwaku mu nlemvo wena mu Kilisto Yesu,

2. ye yina yiwawilu kwa mono mu mlangi zazingi, tambikayo kwa bantu bakwikama bena nduenga mu longa bankaka.

3. Lungwa kwaku kwama mpe bonso kinwani kiabiza kiam Kilisto Yesu.

4. Muntu wena salu kianwana katatamananga mbakulu ambongoko, mpasi kazolwa kwa ndiena wamvanga kinwani.

5. Kansi ibobo mpe vo muntu una kwenda sinsana ye bankaka, buna kana vwikwa mpuko, vo lembolo sinsana, bonso bweni minako.

6. Mvati uvatanga, una teka tambula ndambu andi yambo-ngo.

7. Yindula yayi yimpovele, kadi Mfumu una kuvana nduka mu yayonsono.

8. Bambuka moyo mu Yesu Kilisto wafulukuswa mu bafwa, watuka mu kanda dia Davidi, bonso bweni nsamu ami wambote,

9. uilungulwanga mu yambi nate ye tuvambu nkievo mvangi ayambi, kansi mambu ma-Nzambi kamakangwako.

10. Nkiangu u mono ivibi dilanga yayonsono mu diambu diabantu basolwa, kidi yau mpe babaka ndalulu yena mu Kilisto mu nzitu ukaumani.

11. Diambu diakwikama diadi, kadi vo tufwa ye yandi, tuna vumuna mpe ye yandi.

12. Vo tukwaminina, situa yala mpe ye yandi; vo tuka-

dila, buna yandi sika kutuka-dila mpe.

13. Vo tudimbula minu, yandi wena wakwikama, kadi kalendi kukikadilako.

14. Bambuka moyo mu mo-mo, ubalubula mu ngolo va luse luaNzambi, kabidi bindasana mpaka mu mambu malembole. tomina nitu, kansi mazimbisanga bawanga.

15. Vema kwaku mu kuisonganga, vo watontwa mu Nzambi kisadi kikondolo nsoni kitomene kabanga mambu makedika.

16. Kansi tina mambu mnkatu makondolo Mpeve, kadi yau bana luta ye luta mu kondwa vumi kiaNzambi,

17. ye mambu mau masandanga nkievo mputa yasanda, mu yau mwena Kimeneo ye Fileto

18. bakizimbalala mu kedika, bubavova, vo mfulukulu yakikadidi, ye bazimbisa minu kiabantu bankaka.

19. Kansi lufulu luaNzambi luangolo luakidi nangwi ye lue-na dimbu kiaki: Mfumu zaidi bayandi, ye wonso ubokila nkumbu aMfumu, bika kasisa yilembolo fonga.

20. Kansi mu nzo yayinene kamwena binzu biawola ye palata kakako, kansi binzu bianti ye bialubumba; biankaka

bianzitusu, biankaka biamvwezo.

21. Nkiangunu vo muntu una kala vedila ye tina bantu bobo, buna yandi una kala kinzu kianzitusu kiavangulwa ye kiasadulwa kwa Mfumu anzo ye kiakubukwa mu diambu diamavanga mabiza mamonso.

22. Kansi tina kwaku nzinunu zabantwenia ye tatamana mfonga ye minu ye tonda ye yenge ye babonso babokilanga Mfumu mu mintima miavedila.

23. Kansi tina biuvu biabuzengi bilembolo songa, bunzaidi, vo bitualanga mpaka.

24. Kansi nanga waMfumu kana bindisa mpakako, kansi una ta nlembami kwa babonso ye toma zaya longa ye vibidila yambi,

25. ye mu nlembami sika longa bakakilanga, ye kani Nzambi una kubavana mpilulu amadiela, kidi bazaya kedika,

26. kidi baluenga mu siongi diasatana, kadi babakama kwa yandi mu vanga luzolu luandi.

### Kapu 3.

*Mbirulu abantu mu ntangu yina zimunina (1—9). Ndubudulu kwa Timotio mu diambu diodio (10—17).*

Kansi zaya kwaku diadi, vo

mu lumbu bina zimunina muna kwiza ntangu zambi.

2. Kadi bantu bana kukitonda ye tonda bivanza ye ta mayama ye tuta nza ye tiaka ye kolamana mase ye tondulula ye kondwa mfonga

3. ye kondwa tonda ye lembwa kwikama, ye bakela, ye bakala siuka ye vema ye bela yambote,

4. badja kalala ye kala bonso bonso ye tuta mbaya ye luta tonda kindiafu ye Nzambi safiuma,

5. ye bena kifwani kiavumi kiaNzambi, kansi bakadila ngolo zandi. Tina baba mpe.

6. Kadi mu yau mwena yau bakotanga mu zinzo ye bakokanga bakento bena mu masumu mamingi ye badiatuswanga kwa nzinunu zamawa mawa,

7. ye balongwanga lumbu kalumbu, kansi kabalendi kwiiza ku nzailu yakedikako.

8. Kansi bonso bwakakila Yanesi ye Yambesi Mose, ibuna babana bakakila kedika mpe, ibantu babungwa mu madiela balendwa minu, bubatontwa.

9. Kansi yau kabana tomaoko, kadi buzengi bwau buna monika kwa babonsono bonso buzengi bwababana.

10. Kansi ngeye watoma nama ndongolo ami ye nkadulu

ami ye makani mami ye minu kiami ye mvibudulu ami ey tonda kwami ye ntatumunu ami,

11. ye nzomono zami ye kwama kwami kwampila yoyo kuyamona mu Antiokia ya mu Ikonja mu Lisitila inzomono zozo ziyavibidila, ye Mfumu wantanina mu zazonsono.

12. Kansi babonsono bazolele vumina mu vumi kiaNzambi mu Kilisto Yesu, bana zomwa.

13. Kansi bantu bambi ye zinganga bana luta mu yambi ye bana zimbisa ye zimbala.

14. Kansi ngeye, tala kwaku mu yina yiwalongwa ye yina yitomene zaya, buuzaidi babana balongayo.

15. Ye kasi ye kimwana ngeye zaidi masonukwa malongo malenda kulukisa mu ndalulu mu minu mu Kilisto Yesu.

16. Masonukwa mamonsono mavewa kwa Nzambi matome ne mpe mu longa ye ndongi ye tedimisa ye longidika mu mfonga,

17. kidi muntu aNzambi una lunga ye zaya mavanga mamonsono mabiza.

### Kapu 4.

*Ndubudulu kwa Timotio mu mana salu kiandi (1—8). Pauli wantumisa ku Loma (9—18). Mpeno amavimpi (19—22).*

Mono idikisa ndefi mu Nza-

mbi ye Kilisto Yesu una kongudila bena moyo ye bafwa ye mu mbonokono andi ye mu kimfunu kiandi.

2. Kamba mambu, telama mu ntangu zabiza ye ntangu zikazifwani, longidika, lubula, longa mu nlembami wawonsono mu ndongolo zazonsono.

3. Kadi ntangu yina kwiza, bubana lembwa zola ndongolo yamavimpi, kansi mu diambu dianzinunu zau bana kukiyo-nzikila makabu maminlongi, bonso bweti fisima mu matu mau.

4. Ye bana banda matu mu kedika ye bangumuka ku nsangu zamakutu.

5. Kansi ngeye, kala kwaku nduenga mu yayonsono, vibidila kwama, vanga salu kianlongi wansamu wambote, toma mana salu kiaku.

6. Kadi yakitudulwa va disalu bonso nkaylu adisalu ye ntangu ankatukulu ami yakiyizidi.

7. Mono yanwana ndwanunu yabiza, mono yameni yungusa, mono yakebele minu.

8. Mboki mono yakebulwa mpu yamfonga yina vana Mfumu, inkongudidi wamfonga, kwa mono mu kina lumbu, kansi kamono kakako, kansi kwa babonsono batonda mbonokono andi.

9. Savula kwiza kwa mono nswalu.

10. Kadi Demasi wansisa, kadi yandi tondele nza yayi ye wayenda kuna Tesalonika ye Kleskene kuna Ngalatia ye Tito kuna Dalamatia.

11. Lukasi kaka wena yami. Nata Malakosi, buuna kwiza, kadi yandi tomene mu salu kwa mono.

12. Kansi mono yafidisi Tikiko ku Efeso.

13. Buuna kwiza, nata yunga kiyasisa kwa Kalapo mu Toloda; nata minkanda, ye mu miau beni mina miasonwa mu minkanda miabibulu.

14. Alesandelo, inganga, wansila yambi yayingi. Mfumu una kumvutula ndinda, bonso bwe-na mavanga mandi.

15. Tina kwaku mpe mu yandi, kadi yandi ukakidilanga bena mambu meto.

16. Buyateka vengumuka mu nkanu miani, buna muntu nkutu kayiza kunsadisako, babonsono bansisa. Engwa, nga vo balembwabo vutudulwa ndinda.

17. Kansi Mfumu watelama yami ye wansiamisa, kidi mu mono nkambulu yalunga ye bannenya babonsono bawayo, ye mono yatanunwa mu nwa anko-si.

18. Mfumu una kuntanina mu mavanga mamonsono mambi



ye kundalula ku kimfunu kiani ndi kiadizulu. Bika kazituswa mvu mikaminani miakwele mvu kuvutukidi mvu! Amen.

19. Kamba Pisikila ye Akila ye nzo aOnesifolo mavimpi.

20. Elasoto wasala mu Kolinto ye Tolomfimo wakala

yela, buyansisa mu Mileto.

21. Savula kwiza ku ntu asivu. Eubulu ye Pudensi ye Lino ye Klaudia ye zimpangi zazonsono zikufidisi mavimpi.

22. Bika Mfumu wakala ye mpeve aku! Nlemvo wakala ye yeno!

## Nkanda waPauli kwa Tito.

### Kapu 1.

*Mbadukulu (1—4). Bonso bukana rangula bangudi zabantu (5—9) ye bonso bukana kadila ye minlongi miamakutu (10—16).*

Pauli, inanga aNzambi ye ntumwa aYesu Kilisto, bonso bwena minu kiabasolwa baNzambi ye luzailu luakedika kiamvumi kiamNzambi.

2. Mu diambu dia vuvu kiamoyo ukaumani wasila Nzambi vana ntu ambadukulu azintangu. Yandi kalendi kamba makutuko—

3. Kansi yandi wazaikisa mambu mandi mu zandi zintangu mu nkambulu yina yiya kwikulwa, bonso bwena luzolo luaNzambi, inlaludi eto—

4. kwa Tito mwana ami beni mu minu kiantuadi. Nlemvo ye kiwuntu ye yenge kiam-

Nzambi, idise, ye Mfumu Yesu Kilisto, nlaludi eto!

5. Mu diambu diodio mono yasisa ngeye mu Keleta, kidi watoma kubika yina yasala ye wavangula zingudi zabantu mu mavata mamonsono, bonso buyakukamba.

6. Vo muntu wena mbikulu yabiza ye wena ye nkento mosi kaka ye wena bana baleka minu balembolo bikwanga kintiengi ye kolama,

7. kansi nkengi adibundu una kondwa mbikulu yambi bonso nkebi alekwa biaNzambi, kana kukitondako, kankwa anganziko, kankwa akinduvuko, kankwa akikesako, kamunzolwa andandu yansoniko.

8. Kansi yandi una dikila ye tonda yina yambote, nkwa

andunga ye mfonga ye nlongo ye lembwa kala siuka,

9. una tatamana mambu makwikama mena bonso bwena ndongolo, kidi kalenda lubula, bonso bwena ndongolo yamavimpi, ye longa yau babangisa.

10. Kadi minkolami ye bankwa miangiala ye mimpupiki miamingi miena kwandi, ye bazabulwa vele baluta.

11. Yau bana batwa nwa ye bazimbisanga nzo zamvimba ye balonganga yina yilembolo songa mu diambu diandandu yansonu.

12. Yau bena nkambi au mosi wavova: Bisi Keleta bakambanga makutu ntangu kantangu, yau ibulu biambi ye bivumu bilembolo toma mu lekwa.

13. Kimbangi kiokio kiakedika kwandi. Nkiangunu ubalonga mu ngolo, kidi batoma nitu mu minu,

14. ye lembwa tatamana nsangu zankatu zabayudayo ye mina miabantu bafila kedika nina.

15. Yayonso yavedila yena kwa bantu bavedila, kansi lekwa nkutu kakiavedila kwa yau bena mvinduko ye badimbula minu, madiela ye ntima miau biena mvindu.

16. Yau bavova, vo bazaidi Nzambi, kansi yau bakadila mu mavanga, bubena bankwa mia-

lukankumusu ye kolama ye banu lembana mavanga mamonso no mabiza.

## Kapu 2.

*Ndubudulu kwa bantu bampila mpila (1—10); nlemvo waNzambi utukanga moyo wanlongo (11—15).*

Kansi ngeye vova kwaku yina yifwanane mu ndongolo yamavimpi.

2. Vo babakala banuna bana lembwa sansala, bana sandanu ye ndunga ye batoma mu minu ye tonda ye mvibudulu.

3. Bobo bakento banuna bana kala bonso bufweni mu bantu bamfonga, kaminkediko, kalanduvuko, minlongi mu yambote,

4. kidi balenda, toma longa bantwenia batonda nlumi miau ye bana bau,

5. kidi batoma luenga ye tina yanga, kala ngudi, keba zinzo ye kala babiza ye tumamana miau nlumi, kidi mambu maNzambi kamavwezwako.

6. Bobo lubula matoko mpe, kidi maluenga mu yayo.

7. Ye ukukisonga bonso kifiwani kiamavanga mamonso mabiza ye songa mu ndongolo diela diavedila ye diandanu

8. ye mambu mamavimpi makondolo mvwezolo, kidi ndiena ukakilanga una mona nsoni

bukakondolo bwambi mu kutu-bikila.

9. Kamba minanga miatumamana zau zimfumu ye zolana ye yau mu yayonsoo ye kamina bangisako

10. ye kamina yelumunako, kansi mina songakionso minu kiabiza, kidi miasa ndongolo a-Nzambi, nlaludi eto ntoko mu yayonsoo.

11. Kadi nlemvo aNzambi wamonika mu ndalulu kwa bantu babonsoo.

12. Ye utulonganga tuayambula yilekwa yambi ye tima dianza, kidi tuavumuna mu ndue-nga ye mfonga ye vumi kia-Nzambi mu nza yayi,

13. butuvinga vuvu kiakiese ye mbonokono anzitusu aNzambi waunene ye nlaludi eto Kilisto Yesu

14. wakivana kwa yeto, kidi katukula mu yambi yayonsoo ye kakivedisa bantu bandi bamvwa bavemiunga mavanga mabiza.

15. Vova. mambu momo ye lubula ye longa mu ngolo zazonsoo. Muntu kana kutu-ngudilako.

### Kapu 3.

*Baleka minu bonso bubana kadila ye minyadi ye balembwa leka minu (1—7), bonso buna tinwa mpaka*

*zankatu (8—11). Mpeno amavimpi (12—15).*

Ubabambula moyo, vo bana tumamana minyadi ye tulendo ye babawa ye bakubana mu mavanga mamonsoo mambote,

2. kabana tiaka muntuko, bana zola yenge, bana ta nlembami ye songa nlembami wawonsoo kwa bantu babonsoo.

3. Kadi yeto mpe ntamu katualuengako ye tuakolama ye tuasadila mawa mawa matima ye nzinunu ye tuavumuna mu yayibi ye nsoki ye tuabelasana.

4. Kansi wote waNzambi, nlaludi eto, ye tonda kwandi kwa bantu bubiamonika,

5. buna yandi watutanina, kamu diambu diamavanga meto mamfongako matuavanga, kansi mu diambu diakiwuntu kiandi mu ngiobolo ambutulu yamona ye mpangulu yamona ya-Mpeve yanlongo,

6. yikatudukula beni mu Yesu Kilisto nlaludi eto,

7. kidi yeto tuafonguswa mu nlemvo andi tuakala mivingidi miamoyo ukaumani mu vuvu.

8. Diambu diodio diakwikama ye mono nzolele vo unadio tela kimbangi beni, kidi yau balekila Nzambi minu bana

tatamana mu vanga mavanga mabiza. Mambu momo mabiza ye matomene mu bantu.

9. Kansi tina biuvu biabu-zengi ye nkumbu zamakanda ye mase ye nzonza ye mpaka mu mina, kadi biau bifubanga ye biena biankatu.

10. Tina muntu utukisanga mpaka bukalubulwa ndubulwa mosi vo zole,

11. kadi ngeye zaydi, vo muntu wampila yoyo weti zim-bala ye vola masumu ye weti kukikongudila nkanu.

12. Bumbeni fidisa Alatema vo Tikiko kwa ngeye, buna

savuka kwiza kwa mono ku N-kopoli, kadi mono yasavuka ntima mu kala vana mu sivu.

13. Toma kubika bilekwa kwa Senasi, inkwa aminu ye Apolo mu diambu dianzila au, kabidi kondwa lekwa.

14. Bika bayeto balonguka mu vanga mavanga mabiza mu diambu diansatu zalekwa, kabi-di kondwa mbutu.

15. Babonsono bena yami bafidisi ngeye mavimpi. Fidisa mavimpi kwa yau batutondele mu minu. Bika nlemvo wakala yeno babonsono.

## Nkanda waPauli kwa Filemoni.

*Mbadukuku (1—3). Kiese hiaPauli mu diambu dia Filemoni (4—7). Wadila Onesimo mwutu (8—20) ye wazola kwiza ku Kolose (21—22). Mpeno amavimpi (23—25).*

Pauli, inkole aKilisto Yesu, ye Timotio, impangi, kwa Filemoni watondwa ye kisadi yeto,

2. ye kwa Apia, busi, ye kwa Alakipo, kimfwiti yeto, ye kwa dibundu diena mu nzo aku.

3. Bika nlemvo wakala yaku ye yenge kiaNzambi, iseto, ye Mfumu Yesu Kilisto.

4. Mono itondanga kwa Nzambi ntangu zazonsono, buibambukanga moyo mu ngeye mu nsambulu zami,

5. buyawilu mu tonda kwa-ku ye nkwikumunu yina yena yaku mu Mfumu Yesu ye mu bantu babonsono banlongo.

6. Mpasi lubundulu luaku yakwikumunu mu nzayilu yina sala mu bilekwa biabionsono biabiza bituena mu diambu dia-Kilisto.

7. Kadi mono yatambula

kiese kiakingi ye mbombolo mu tonda kwaku, kadi ntima mia-bantu banlongo miavonguswa mu ngeye, mpangi.

8. Nkiangunu bungiena ki-bakala kiakingi mu Kilisto, ilenda kutatimisa yina yisongele,

9. kansi mu diambu diatonda mono ndutidi mu kuleba. Bungiena bobo mono iPauli, imuntu wanuna yebwabu inkole aKilisto Yesu mpe, ikulebi,

10. mu mwana ami Onesimo uyabuta mu tuvambu tuami.

11. Ntama yandi walembwa toma mu salu kwa ngeye, kansi bwabu yandi tomene kwa beto yaku. Mono imfidisi kwa ngeye.

12. Yandi intima ami wena.

13. Mono yazola kunkeba vava vangiena, kidi kansadila mu tuvambu tuansamu wamboto,

14. kansi kiazola vanga le-kwa kiwalembwa zayako, kidi wote waku kauna tatumuswako, kansi una kala mu zola.

15. Kadi kani kavambuswa ye ngeye mu fintangu ntangu, mpasi wankeba mimvu mikamimani,

16. kabonso nanga diakako kansi una lutila mu nanga nkievo

mpangi yatondwa mu diambu diami vele, kansi buna kwa ngeye kwingi ye mu nsuni ye mu Mfumu.

17. Nkiangunu vo ngeye weti kunsa nkievo mpangi, buna untambula nkievo mono.

18. Kansi vo yandi wavana ngeye yambi vo wadia mfuka aku, unsa nkievo mono yasangabo.

19. Mono Pauli nsonene mu kwami koko, mono siayo futa, mwanki kiavovako, vo ngeye kibeni vwilu kwa mono.

20. Inga, mpangi, bika yatomuswa kwa ngeye mu mfumu. Vongisa ntima ami mu Kilisto.

21. Bunsidi vuvu mu ntumumunu aku, buna nsonene kwa ngeye, ye nzaidi, vo una lutila yina yimpovele mu vanga.

22. Kansi unkubikila nzo mpe, kadi nsidi vuvu, vo ngina vewa kwa yeno mu diambu diansambulu zeto.

23. Epafala, nkole yami mu Kilisto Yesu, ufidisi mavimpi

24. ye Malakosi ye Alisatalako ye Demasi ye Lukasi bisadi yami.

25. Nlemvo aMfumu Yesu bika wakala ye zimpeve zeno!

# Nkanda kwa baebeleo.

## Kapu 1.

*Kilisto nkwa wauene ye mvingidi ayayonsono (1—4); luvawanu luankulu lutanga bobo (5—14).*

Nzambi bukavova ntama kwa mase meto mu minkambi mpova zazingi zampila mu mpi-la, mboki mu lumbu biabi bi-zimunina yandi wavova kwa ye-to mu mwana

2. ukavanga mvingidi ale-kwa yayonsono ye mu yandi mpe kavanga zinza.

3. Yandi bukena ndekila ya-ntentinia yazitusu andi ye ki-fwani kiankadulu andi, ye na-tanga yayonsono mu mambu mazingolo zandi, buna yandi bu-kakivedisila mu masumu, ka-vwanda va lubakala luankwa waunene mu kayengele,

4. ye yandi waluta zimpofi mu nene, kadi yandi wavigi-la nkumbu yilutidi nkumbu zau mu nene.

5. Kadi kwa nki ampofi ka-vo-vele nkutu: Ngeye umwana ami, lumbu kiaki mono ibuti-di, ye diaka: Mono ngina kala se diandi, ye yandi una kala mwana ami?

6. Kansi bukasonga mwana wasemunwa mu nza, buna ka-vova: Zimpofi zazonsono za Nzambi zina kunsambila.

7. Kansi mu zimpofi kavova: Yandi uvanganga zimpofi zandi nkievo zimpeve zivevumukanga ye bisielo biandi nlemo miatia.

8. Kansi mu mwana vo: Nzambi, kiandu kiaku kisikilanga kwele mvu kuvutukidi mvu, ye nkawa wena ludede inkawa wa-kimfumu kiaku.

9. Ngeye watonda mfonga ye wabela yilembolo songa, nkia-ngunu Nzambi, iNzambi aku wakusa ngeye mu mazi wakiese beni ye zimpangi zaku safiuma.

10. Ye: Ngeye, Mfumu, wa-tudila ntoto lufulu muna mba-dukulu, ye mazulu imavnga ma-mamoko maku.

11. Mau mana fuka, kansi ngeye una sikila, ye mamonso-no mana kituka mankulu nkieu mvwatu,

12. ye bonso yunga ngeye unamo bunda, ye mana kituka, kansi ngeye wena umosi, ye mi-mvu miaku kamina sukako.

13. Kansi mu nki ampofi kavovele nkutu: Vwanda va lubakala luami, nate ye ngina tula mintantu miaku mu mfiduku amalu maku.

14. Kadi zazonsono kazena kwau zimpeve zisalangakoe za-fiduswa mu sadila yau bana vi-ngila ndalulu?

## Kapu 2.

*Ndubudulu mu keba mambu ma-Kilisto (1—4). Nginunu yembaudulu aYesu (5—9). Bila kiakwama kwamfwilu kwa Yesu (10—18).*

Nkiangunu yeto situa luta tatamana yina yituawilu, katuidi vila nkutu.

2. Kadi vo mambu mavovwa kwa zimpofi masiamana, ye nkanu miamionsono ye nkolomono vutudulwa ndindayena nadede,

3. buna bwe tuna lenda taba, vo tuna vunza ndalulu yina yayinene yateka kambwa kwa Mfumu ye yatuka mu yau bawayo ye yatelwa kimbangi kwa yeto,

4. Nzambi bukata kimbangi mpe mu bimangu ye lekwa bianzenza ye tulendo tuatuingi tuampila mu mpila ye mu kabila Mpeve andi yanlongo, bonso bukazolele.

5. Kadi Nzambi kana yadisa zimpofi mu yina kwizako, iyyina yituvovele.

6. Kansi muntu wata kimbangi mwankaka ye wavova: Muntu nki kwandi, vo ngeye ukumbanzanga, ye mwana amuntu, vo ngeye ukunkebanga?

7. Ngeye wamvanga kidi mu fintangu ntangu kalutila zimpofi mu ke, kansi ngeye wamvika mpu anzitusu ye ndanusu.

8. Ngeye wantudila lekwa yayonsono kungsi amalu mandi, kadi bukantudisa yayonsono kungsi, buna kasisa lekwa kikalembolo yalako. Kansi ye mu bwabu yeto katuamweni yayonsono yatudulwa kungsi aya-ndiko.

9. Kansi ndiena walutila zimpofi mu ke mu fintangu ntangu, iYesu, yeto tuamweni, vo yandi mu diambu diakwama kwamfwilu kavwikwampu anzitusu ye ndanusu, kidi yandi mu nlemvo aNzambi kabimbila babonsono lufwa.

10. Yilekwa yayonsono yena mu diambudiandi ye mu yandi, nkiangunu bukatuala bana babingi ku nzitusu, buna hwa-fwanana mu yandi mu lungisa nkuluntu andalulu au mu tulungulu.

11. Kadi ndiena ufongisanga ye yau bafonguswa bena kwau mu umosi, mu diambu dio-dio kavwilo nsoni mu kubabika zimpangiko

12. ye vovele: Mono ngina kamba nkumbu aku kwa mpangi zami; mu monakanda diadibundu ngina kuzitisa.

13. Ye diaka: Mono ngina sa vuvu mu yandi; ye diaka: Tala, mono ye bana bampa na Nzambi.

14. Kansi bana bubena menga mamosi ye nsuni umosi,

buna yandi nkievo bonso bo-bo mpe wabundabio ntuadi, kidi yandi mu mfwilu kafukisa ndiena wakala ngolo zalufwa, isatana kwandi,

15. mpasi kavulusa yau babonsono bakatwa kala minanga lumbu biabionsono mu diambu diawonga walufwa.

16. Kadi yandi katambulanga zimpofi nkutu, kansi baba Abalami katambulanga.

17. Nkiangunu yandi wasa fwanukuswa ye zimpangi mu yayonsono, kidi kakalanlongi waunene ye wanlemvo ye wawikama mu Nzambi mu diambu diabwila kodi mu masumu mabantu.

18. Kadi yandi kibeni bukalungwa ye bukasindusulwa, buna lenda sadisa bantu basindusulwanga.

### Kapu 3.

*Ndubudulu mu tala kwa Yesu (1—6) ye mu lembwa kolama (7—16).*

Nkiangunu luzimpangi zalongo, buluena ntuadi ye mbokolo adizulu, lutonwa kweno ntumwa ye nlongi eto waunene ututanga, Yesu.

2. Yandi wawikama kwa ndiena wamvangudilabo, bonso bwakala Mose mu nzo andi yamvimba.

3. Kadi yandi wafwanana mu zitiswa kwakwingi ye Mose safiuma, bonso bufwanane ndiena wakubika nzo mu zitiswa kwakwingi ye nzo safiuma.

4. Kadi nzo zazonsono zikubukwanga kwa bantu, kansi ndiena wakubika yayonsono, iNzambi,

5 ye Mose wawikama mu nzo andi yamvimba bonso sie-lo mu ta kimbangi mu mambu mana vovwa,

6. kansi Kilisto bonso mwana mu nzo andi, betoinzo andi votuna simba vuvu kiakibakala ye nsikulu nakekete nate ye nsukulu.

7. Nkiangunu bonso buvevele Mpeve yanlongo: lumbu kiaki vo luawilu ndinga andi,

8. kaluvibisani mintima mienoko bonso mu mfwemoso lumbu kiansindusulu mu nsi yankatu,

9. muyasindusulwa ye tontwa kwa mase meno, ye mamonona mavanga mami makumaya mamivu,

10. nkiangunu mono yakankumukina mbandu yoyo ye yavova: Ntangu zazonsono bazimbala mu mintima miau, kansi kabazaya nyila zamiko,

11. bonso buyadia ndefi mu



nganzi zami: Yau kabana kota mu vundulu kiamiko.

12. Luzimpangi, lutala kaluidi kala ye muntu wena nti-ma wambi udimbulanga minu ye una vesuka mu Nzambi amoyo,

13. kansi lulubasana lumbu biabionsono bibikwanga "lumbu ki," kidi buna luena muntu kana vibuswa nti-ma kwa bunkita bwamasumuko.

14. Kadi yeto tuena ntuali mu Kilisto, vo tuna simba vu-vu kieto kiambadukulu nake-kete nate ye nsukulu.

15. Kansi buvovwanga: Lumbu ki, vo luawilu ndinga andi, kaluvibisani mintima mienoko, bonso bwakala mu mfwemoso.

16. Kansi banani, bubamana wa bafwemuswa? Kadi babonsona bavaika ye Mose mu nsi aNgipitikoe?

17. Kwa banani kakankumukina makumaya mamivu? Kadi kayau bavola masumukoe, zinitu zau zabwa mu nsi yan-katu?

18. Kansi kwa banani kadila ndefi, vo kabana kota mu vundulu kiandiko, vo kakwa yau bakolamako?

19. Ye yeto tumweni, vo balembana kota mu diambu diandimbulu aminu.

## Kapu 4.

*Nsilulu mu vundulu kiabiza (1—10)  
ye ndubudulu mu kotakio (11—13)  
ye mu ta Yesu (14—16).*

Nkiangunu nsilulu buyakidi mu kota mu vundulu kiandi bika tuatina, muntu kawidi bakulwa, vo usidi manima.

2. Kadi yeto mpe tuatambula nsamu wambote bonso yau, kansi mambu mabawa kama-batomisa nituko, kadi mau kamabundana ye yau bawamo mu minuko.

3. Kadi yeto tualekele minu tuna kota mu vundulu, bonso bukavova: Bonso buyadia ndefi mu nganzi zami: Yau kabana kota mu vundulu kiamiko, mavanga bumamana vangwa kasi ye vana mpangulu anza.

4. Kadi mwakala yandi wavovila lumbu kiansambodia bwabu: Ye Nzambi wavunda mu mavanga mandi mu lumbu kiansambodia.

5. Mboki vava diaka vo: Yau kabana kota mu vundulu kiamiko.

6. Nkiangunu bumakidi mambu momo, vo bankaka bana kotakio, ye yau bateka samunwa nsamu wambote kabakota mu diambu diandimbulu aminuko,

7. buna yandi wavutukidi vanga lumbu ye wavovele mu Davidi lumbu biobio bubiamana.

na vioka, bonso bwateka vovwa: Lumbu, ki, vo luwilu ndinga andi, kaluvibisani mitima mienoko.

8. Kadi vo Yosua wabakotisa mu vundulu, nga kabika lumbu kiankaka kina landako.

9. Nkiangunu vundulu kialumingu kisidi kwa bana ba-Nzambi.

10. Kadi wakota mu vundulu kiandi, yandi wavunda mpe mu salu biandi, bonso bwavunda Nzambi mu salu biandi.

11. Nkiangunu bika tuatatamana mu kota mu vundulu kiokio, kidi muntu nkutu kana kusumuka mu kifwani kiandimbulu yoyo yaminuko.

12. Kadi mambu maNzambi mena mamoyo ye mangolo ye malutidi sabala kiena yekuyeku meno mu kala meno yemazokamanga, nateye mavambisanga mwela ye mpeve, biela ye nluku, ye mena ngolo mukongudilanga makani ye mabanza mantima,

13. ye lekwa kiavangwa nkutu kakilembolo monika kwa yandiko, kansi yayonsoo yena mpene ye yimonikanga mu meso mandi, ikwa yandi yeto tuna dedisa mambu.

14. Nkiangunu butuena nlongi waunene beni wavioka mu mazulu, iYesu mwana aNzambi, bika tuasimba ntelo nakekete.

15. Kadi yeto katuena yelongi waunene ulembolo lenda fwila kiadi mu kindakana kwetoko, kansi tuena ye mosi wasindusulwa mu lekwa yayonsoo bonso beto, kansi wakondwa masumu.

16. Nkiangunu bika tuendanoye kibakalaku kiandu kianlemvo, kidi tuatambula nlemvo ye tuabaka kiwuntu mu saduswa mu lumbu kifweni.

### Kapu 5.

*Kilisto ingudi anlongi bonso bwe-na Melikisedeki (1—10). Kiadi mu diambu diabaebelo bakidi ku mani-ma mu zaya Nzambi. (11—14).*

Kadi wonso wonso waunene usolwanga mu bantu ye uvangulwanga mu diambu diabantu mu bilekwa biaNzambi, kidi kanata minkailu ye minkailu miadisalu mu masumu,

2. ye ulenda vibidila bantu balembolo zaia lekwa ye bana bazimbala, kadi yandi kibeni wena ye kindakana,

3. ye mu diambu diodio yandi una yoka nkailu mu masumu mu bantu ye bobo mu yandi kibeni mpe.

4. Muntu nkutu kalendi kukibongila nzitusu wowoko, kansi ndiena wabokulwa kwa Nzambi bonso Aloni.

5. Ibobobope Kilisto kakibongila nzitusu mu kakala nlo-

ngi wauneneko, kansi ndiena wavova kwa yandi: Ngeye imwana ami, lumbu ki mono ibutidi.

6. Bonso bukavovele mwankaka: Ngeye una kala nlongi kwele mvu kuvutukidi mvu, bonso bwakala Melekisedeki.

7. Mu lumbu biansuni andi yandi wanata nsambulu ye ndilu mu mbokolo zazinene ye mansanga kwa yandi walenda kunlalula mu lufwa, ye yandi watambudulwa mu diambudia-vumi kiandi kwa Nzambi,

8. ye yandi, buimwana walonguka tumama mu tulungulu tuandi,

9. ye bukamana fwana, bu-na yandi wakituka bila kiandalulu yikayimani kwa yau babonsono batumama yandi,

10. ye wabikwa nlongi wauene kwa Nzambi, bonso bwakala Melekisedeki.

11. Mambu mamingi mena yeto mu kamba mu diambu diandi ye mena zitu mu bangula, kadi yeno luena fuki kingi mu wa.

12. Kadi mu diambu diantangu zazingi yeno lufwiti lenda kala minlongi, kansi yeno luena nsatu diaka vo luna longwa mbadukulu amambu makamba Nzambi; ye luena nsatu amavumina kadia kwangoloko,

13. kadi babonsono batambulanga mamvumina balembolo zaya mambu mu mfonga, kadi yau ibana,

14. kansi yau bamana fwana siba vewa dia kwangolo, iyau bayukwa madiela mau mavambisa ye yabiza ye yambi.

### Kapu 6.

*Ndubudulu mu tatamana mu lun-ga (1—3) ye mu tina katuka mu Nzambi (4—8). Vuvu kiakidi mu baebeleo, vo bana tatamana (9—20).*

Nkiangunu bika tuayanibula mbadukulu amambu maKilisto ye tuatatamana yina yalunga ye tualenbwa sa lufulu diaka mu mpilulu amadiela mu mavanga mafwa ye minu mu Nzambi

2. ye ndongolo ambotokolo ye ntululu amoko ye mfulukulu abantu ye nkongodolo yikimani.

3. Yina situa vanga, vo Nzambi unayo yambula.

4. Kadi yau bakienzudulwa kiamakulu ye babimba nkailu adizulu ye bakala mbundulu yantuadi ye Mpeve yanlongo

5. ye babimba; mambu ma-Nzambi mabiza ye tulendo tuanza yina kwiza,

6. ye mboki bavesuka, yau kabalendi vutuka vangwa bamonu mu mpilulu amadielako,

bubavutuka kukikomina Mwana aNzambi va kulunsi ye bantiaka.

7. Kadi ntoto unwanga mvula zibwanga va wau mbwa zazingi ye umenisanga mbongo zankunzu bwabiza kwa yau batatangawo mpe, wau utambulanga nsakumunu kwa Nzambi,

8. kansi vo umenisanga mpanga ye nsolokoto, buna ulembolo toma ye wafinangene ye ntumbulu yina sukila mu tia.

9. Kansi luzintondolo, yeto tuakwikama mu yeno mu yilekwa yilutidi mu biza ye yina yitualanga ku lalulwa kansi bobo tuvovele.

10. Kadi Nzambi kankwa abiko, nkievo sika vilakana salu kieno ye tonda kuluatondila nkumbu andi, buluasadila bantu banlongo, ye luku basadilanga bwabu mpe.

11. Kansi yeto tuzolele vo buna luena silua singa vema kumosi mu nkwikumunu avuvu nate ye usukulu,

12. kaluidi kala fuki kansi luna tanginina yau bavingila nsilulu mu minu ye mu mvi-budulu.

13. Kadi Nzambi bukasila nsilulu kwa Abalami, buna kakala muntu walutila mu nene mu ndefiko, nkiangunu yandi wakadila ndefi

14. ye wavova: Sakumuna

sia kusakumuna ye niekisa sia kuniekisina.

15. Iboho bukavangila beni, mboki katambula yina yasilwa.

16. Kadi bantu badianga ndefi mu baba lutidi mu nene, ye kimbangi kiandefi kisukisanga mpaka zazonsono.

17. Nkiangunu Nzambi bukazola luta songa kwa mimvingidi miansilulu, vo nsilulu andi kayina vilukako, buna yandi watelama mu monakanda ye wadia ndefi,

18. kidi beto mu bina birole bilembolo viluka bikabilendi kabila Nzambi makutu, kidi tuakala mbombolo yangolo ibeto tuatabo mu simba vuvu kituatambukwa

19. kituena nkievo nzundu amwela yena yangolo ye nakekete ye yilambukanga nate ye yina mu ngudi angumbu,

20. mwakota Yesu intekidi eto kuntu eto ye wakituka nlongi waunene kwele mvu kuvutukidi mvu, bonso bwakala Melekisedeki.

## Kapu 7.

*Melekisedeki bonso bukena ye bonso bukalutidi Abalami ye Levi (1—10) ye bonso bwena kilongi kiaMelekisedeki (11—25). Kilongi kiangudi anlongi mu luwawanu luamona (26—28).*

**Kadi ndiena Melekisedeki**

imfumu aSalemi ye nlongi aNzambi vana kayengele, wayenda bwabana ye Abalami, yandi bukavutuka, bukakibedisila zimfumu, ye yandi wansakumuna,

2. ye Abalami wamvana kunku kiakumi kumi mu bilekwa biabionsono. Mbangidulu yantete ankumbu andi imfumu azimfonga, mboki, imfumu aSalemi mpe, imfumu ayenge.

3. Yandi kondolo se ye ngudi ye mvila yembadukulu alumbu ye nsukulu amoyo. Yandi wafwanukuswa ye mwana aNzambi ye usikilanga mu kilongi lumbu kalumbu.

4. Kansi lutala bonso bukena waunene, bukavewa kunku kiakumi kumi kiabilekwa bialuta mu biza mu bina biabonga Abalami ise diakanda.

5. Bana baLevi batambulasa lu kiakilongi, yau bakambwa mu mina, vo bana tambulanga kunku kiakumi kumi kwa bantu, ibampangi zau zavaika mu nima 'Abalami.

6. Kansi ndiena walembwa kala ye kanda diau yandi watambula kunku kiakumi kumi kwa Abalami ye wasakumuna ndiena wakala ye zinsilulu.

7. Kansi diambu diodio kadilendi banguswako, vo muntu wauke usakumuwanga kwa ndiena wena waunene.

8. Vava bantu bafwanga batambulanga kunku kiakumi kumi, kansi vana vena muntu watelwa kimbangi vo uvumunanga,

9. buna tuvova vo Levi mpe utambulanga kunku kiakumi kumi keti kavana kunku kiakumi kumi mu Abalami.

10. Kadi yandi wakala mu nima asandi Melekisedeki bu kayenda bwabana ye yandi.

11. Kansi vo kialungila kiabakwa mu kilongi kiabana baLevi—kadi mu kiau bantu batambula mina—buna mu nkiana bakala nsatu anlongi wankaka wakala nkievo Melekisedeki kansi kanlongi wakala bonso Leviko?

12. Kadi kilongi bukina vilula, buna mina mpe simia katwa viluka.

13. Kadi ndiena wavovulwa mambu momo watuka mu kanda diankaka dialembwa muntu wankaka vingila disalu.

14. Kadi batomono zaywa vo Mfumu eto watuka mu Yuda, ikanda dialembwa vovila Moso lekwa mu minlongi,

15. ye bulutidi zayakana vo nlongi wankaka una kala bonso bwakala Melekisedeki.

16. Nlongi walembwa vangwa mu mwina wansuni, kansi mu lulendo luamoyo lulembolo fuka.

17. Kadi watelwa kimbangi: vo ngeye inlongi kwele mvu kuvutukidi mvu bonso Meleki-sedeki.

18. Kadi mwina wateka vangwa uvondulwanga mu diamdu diakindakana kwandi ye katomeneko —

19. kadi mina kamialungisi lekwako—kansi vuvu kilutidi mu biza kiatuaswa mu tufinangane ye Nzambi.

20. Kansi yoyo buyavangwa, kayakondwa ndefiko—kadi babana bavangwa minlongi kansi kamu ndefiko,

21. kansi ndiena wavangwa nlongi mu ndefi kwa yandi wavova mu yandi: Mfumu wadia ndefi ye kanabo niongulukilako: Ngeye inlongi kwele mvu kuvutukidi mvu.—

22. Ibuna Yesu wakituka nkwa ansilulu mu luwawanu lulutidi beni mu mbote.

23. Minlongi miankaka miakala kabu, kadi miau miakanukunwa kwa lufwa mu sala.

24. Kansi ndiena bukalanga kwele mvu kuvutukidi mvu wena ye kilongi kilembolo fuka.

25. Nkiangunu sika lenda mana lalula yau bayiza mu yandi kwa Nzambi. Yandi uvumunanga mimvu mikamimani mu kubadila mvutu.

26. Kadi yeto tuakala nsatu anlongi waunene wampila yoyo wena wanlongo ye kondolo yayibi ye lembolo sampukuswa ye wavambana ye bankwa miamasumu ye wena kuntandu amazulu

27. ulembolo kala nsatu mu nata minkailu bonso minlongi miankaka miteka natanga mu mau masumu mboki mu masumu mabantu, kadi yandi wavangabo kiamakulu bukakivana ukailu adisalu.

28. Kadi bantu bavangulwanga ngudizaminlongi kwa mina, ibantu bena kindakana, kansi mambu mandefi yoyo yazi-munina mina mu vewa mavanga mwana nlongi wafwana kwele mvu kuvutukidi mvu.

## Kapu 8.

*Luwawanu luamona ye luankulu (1—13).*

Kansi tezo kiamambu matuvovele kiaki: yeto tuena nlongi waunene uvwandanga va bakala luakiandu kiankwa waunene mu mazulu,

2. bonso sielo va vuma kianlongo ye nzo yakoto yakedika yatunga Mfumu, kamuntu-ko.

3. Kadi ngudi zaminlongi zivangulwanga mu dianbu dianata nkailu ye nkailu miadi-

salu, ikuma yandi mpe una kala kikana nata.

4. Nkiangunu vo yandi wena va ntoto, nga kena nlongi nkutuko, minlongi bumiena vava minatanga minkailu bonso bukambanga mina.

5. Miau misadisanga kifwani ye kini kiabilekwa biadzulu, bonso bwazaikuswa Mose, bukakana vanga nzo yakoto, kadi yandi wavova: Tala, vo una vanga yayonso, bonso bwena kifwani kiwasongwa vana mingo.

6. Kansi bwabu yandi wave-wa sala kilutidi beni mu biza, bukena nzonzi aluwawanu lututidi mu biza luavangwa mu nsilulu zilutidi mu biza.

7. Kadi vo luwawanu luna luantete luakondwa kieta, nga luwawanu luankaka kabato-mbwa yumako.

8. Kadi yandi wavova bukabasemba: Tala, Mfumu vovele vo lumbu bina kwiza, bungina vanga luwawanu lubamona mu nzo aIsaki ye nzo aYuda,

9. kaluwawann luankulu luna luyavanga ye yau kina lumbu kiyabasimba mu moko mu kubavaikisa mu nsi aNgipiti, kadi kabatatamana muluwawanu luamiko, ye kiabayuvu-dilako, buvovele Mfumu.

10. Mfumu vovele: kadi lualu iluwawanu lungina vanga ye nzo

aIsaleli mu bina lumbu, bungina vana mina miami mu madiela mau ye ngina sonamio mu mintima miau, ye mono ngina kala Nzambi au, ye yau bana kala bana bami.

11. Yau kabana vutuka longasana muntu ye ntungi yandiko ye muntu ye nipangi yandiko ye vova: zaia, kwaku Mfumu, kadi babonso siba kunzaia ye diena waunene ye ndiena wauke.

12. Kadi mono ngina lemvukila kondwa kwau kwamfonga ye masumu mau kinamo vutuka bambukila moyoko.

13. Bukavovele luwawanu luamona, buna yandi wavanga luna luantete luankulu, kansi luna luena luankulu ye luanu-na luena lukufi ye lala.

## Kapu 9.

*Bonso kwasambudulwa Nzambi mu luwawanu luankulu (1—10). Nkailu adisalu angudi anlongi Yesu Kili-sto (11—28).*

Nkiangunu luwawunu luantete luakala nsiku miasalu kiaNzambi ye vuma kianlongo va ntoto.

2. Kadi nzo yakoto yakubukwa, yoyo yaseka yakala ke-bolo kiaminda ye meza ye mampa matentukwa yoyo, yabikwa yanlango.

3. Kansi kunima angumbu yanzo kwakalanzo yakoto yabikwa vuma kianlongo ye nlongo,

4. kiakala disalu diawola diafwitisi mwisi ye nkela yaluwawanu yafukwa yeku yeku mu wola; mu yau mwakala foya diawola diakala mana ye nka-wa aAloni wakituka wankunzu, ye matadi maluwawana.

5. Va ntandu ankela vaka-la Kelubimi bianzitusu biafuka kiandu kianlemvo. Mu lekwa biobio mu kimosi kimosi katulendi vova bwabuko.

6. Lekwa biobio bubiavangwa, buna minlongi mikotanga lumbu kalumbu mu nzo yakoto yaseka ye mivanganga salu biau.

7. Kansi mu ngudi nlongi waunene kaka ukotanga nkota mosi mosi mvu mvu; yandi kakondolo ye mengako makantanga mu diambu diayandi kibeni ye mu masumu madiba mabantu.

8. Ikuma Mpeve yanlongo yizaikisanga, vo nzila zavuma kianlongo kayazaikusu nate ye bwabuko, yaseka nzo yakoto buyakidi.

9. Yau yena kifwani kiabiabi lumbu, ye mu diambu diakiau munatwanga minkailu ye minkailu miadisalu milembana tomisa mintima miabasalanga salu kiaNzambi,

10. bubiena bonso dia ye ndwinu ye ngiobolo zampila mu mpila, mina miansuni miavangwa nate ye ntangu yina kubukwa yayonsono.

11. Kansi Kilisto wayiza kala ngudi anlongi mu lekwa biabiza bina kwiza, yandi wakota mu nzo yakoto yayinene beni ye yabiza beni yalembwa vangwa mu moko, ikuma yilembolo vuwa kwa bilekwa biabi biavangwa.

12. Yandi kakota ye menga mazinkombo ye menga mabana bazingombeko, kansi yandi wakota ye mandi menga kiamakulu mu vuma kianlongo, bukakibakila luvulusu luakwele mvu kuvutukidi mvu.

13. Kadi vo menga mazinkombo ye zingombe zambakala ye ntoto ampolo wangombe yankento biamwangwa va yau bena mvindu bivedisanga mu mpedoso ansuni,

14. buna vele menga maKilisto wakivana nkailu adisalu mu Mpeve yikayimani, nkailu ukondolo kieta kwa Nzambi buna vele mau mana vedisa mintima mieno mu mavanga mafwa mu diambu diasadila Nzambi amoyo.

15. Nkiangunu yandi inzonzi aluwawanu luamona, kidi babokulwa batambula nsilulu yadifwa diakwele mvu kuvutukidi



mvu, lufwa buluakifwilwa mu mpulusu mu minkanu miavangwa mu luwawanu luantete.

16. Kadi vena luwawanu, ivana siva kala mfwilu andiena wavanga luwawanu mpe.

17. Kadiluwawanu lueti sia ma mu bafwa, kadi luau kasi kaluenani ngoloko, vo ndine wavangalo weti vumuna.

18. Nkiangunu luwawanu luantete kaluskondwa mengako, buluabiekwa.

19. Kadi mina mianionsono bumiakambwa kwa Mose kwa bantu, bonso bwena mina, buna yandi wabonga menga mabana bazingombe ye zinkombo ye nlangu ye mika miambwaki ye isopi ye wamwanginamo bantu babonso no ye wau kibeni nkanda

20. ye wavova: Momo imenga maluwawanu luakamba Nzambi kwa yeno.

21. Kansi yandi wamwanga menga va nzo yakoto ye binzu biabionsono biasadulwa mu salu kiaNzambi.

22. Fisidi nga biabionsono biveduswanga mu menga, bonso bwena mina; vo kakwenani ntengolo amengako, nga kakwenani ngiambudulu amasumuko.

23. Nkiangunu bifwani biabilekwa biadizulu bina sa veduswa mu momo, kansi biau kibeni biadizulu bina sa veduswa

mu nkailu ulutidi biobio mu biza.

24. Kadi Kilisto mu kakota vuma kianlongo kiakakivangwa mu mokoko, nkievo kifwani kiavuma kianlongo kiakedika, kansi mu diau kibeni zulu mu diambu diakukisonga va luse luaNzambi mu diambu dieto.

25. Kabwena bwabuko, vo sika kukitula va disalu ntula zazingi, bonso bukotanga ngudi anlongi mvu kamvu ye menga mangana.

26. Kadi buna nga kasa lungwa ndungwa zazingi kasi ye nza yibadukulwa vangwa, kansi bwabu yandi wamonika kiamakulu mu ntangu zafweni mu diambu diakatula masumu mu nkailu andi wadisalu.

27. Bonso bwasiwa kwa bantu: fwa kiamakulu ye mboki kongodulwa,

28. ibuna Kilisto mpe watulwa va disalu kiamakulu mu diambu dianata masumu mabantu babingi, una monika mu ngiza andi yanzole ye kondwa masumu mu lalula yau bamvingila.

## Kapu 10

*Nkailu adisalu mu masumu kaulongisangako (1—10), kansi nkailu a Kilisto adisalu (11—18). Ndubudulu mu kwenda kwa Nzambi (19—25). Nkongodolo abadimbula minu (26—*

31), *ndubudulu mu tatamana* (32—39).

Kadi mina miena kini kiablekwa biabiza bina kwiza, kansi nkadulu yakedika yabilekwa-ko, kasi kamilendi mu minkailu miomio minatwanga mvu kamvu ntangu kantangu fwanikisa yau banatangamioko.

2. Vo miau milenda nga balembe tula nkailu va disalu, yau batulanio, bubamana yedila ye kabavutuka kala masumu mu mintimako.

3. Kansi mu minkailu miadisalu mu bambukulwanga moyo mvu kamvu mu masumu.

4. Kadi menga mazingombe zambakala ye ziinkombo kamalendi katula masumuko.

5. Nkiangunu kavovele, bukakotele mu nza: Ngeye kuzolele nkailu ye minkailu miadisaluko, kansi Ngeye wampangila nitu.

6. Ngeye kuzolele minkailu miangioka ye minkailu mu masumuko,

7. buna yavova: Tala, ikwiza kwami, mu mankanda mwasonwa mu mono, diambu diavanga luzolo luaku, ngeye uNzambi.

8. Bukateka vova: minkailu miadisalu ye minkailu miangioka ye minkailu mu masumu kuzoleleboko ye kuzolelemioko, bo-

nso buminatwanga mu fu kiamina,

9. buna mboki kavova: Tala, mono ikwiza mu vanga luzolo luaku. Yandi ukatula yina yatekila, kidi kasiamisa yankaka.

10. Mu luzolo lolu yeto tuavangulwa kiamakulu minkailu anitu aYesu Kilisto.

11. Minlongi miamionsono mitelamanga ye misalanga lumbe kalumbu ye minatanga ntangu zazingi nkailu mimosi milembana masumu katula,

12. kansi ndiena bukanata nkailu mosi adisalu kaka mu masumu, mboki kavwandanga lumbe kalumbu va lubakala luaNzambi.

13. Ye bwabu kavingilanga, nate ye mintantu miandi mina tulwa kansi amalu mandi.

14. Kadi yandi mu nkailu mosi kaka adisalu walungisa kiamakulu bavangulwa.

15. Kansi Mpeve yanlongo yikututelanga kimbangi mpe, kadi mboki buyakivovila:

16. Lualu iluwawanu lungina vanga ye yau, lumbe bina bu-bina vioka, bavovele Mfumu: Mono ngina vana mina miami mu mintima miau ye sonikamio mu madiela,

17. ye masumu mau ye minkanu miau kinamo vutuka bambukila moyoko.

18. Kansi vena ngiambudulu abilekwa biobio ivana vakondolo nkailu adisalu mu masumu.

19. Nkiangunu luzimpangi, butuena kibakala kiankotila mu vuma kianlongo mu menga ma-Yesu,

20. nkotolo yoyo yandi watubiekilayo nzila yamona mu ngumbu, imu nsuni andi,

21. ye butuena ngudi anlongi beni mu nzo aNzambi,

22. biba tuenda mu mintima miakedika mu nzailu yangolo yaminu, tuamwangwa mu mintima mieto mu kondwa yambi ye tusukulwa mu zinitu mu nlangu wavedila.

23. Bika tuasimba ntelo avuvu nakekete, kadi ndiena wavana nsilulu wakwikama wena,

24. ye bika tuatalasana mu kwikama mu tonda ye mavanga mambote,

25. ye lembwa sisa tukutukunu tueto bonso bwena fu kiabantu bankaka, kansi lubasana ye luta mu vangabo, bulumona, vo lumbu kieti finangana.

26. Kadi vo tukana vola masumu, butuakitambudila nzailu akedika, buna katuena diaka ye nkailu mu masumuko,

27. kansi mpingulu yansisi yankengodolo ye vema kwatia kuna mana bakakidilanga.

28. Wonso wavonda minamiaMose wakatwa fwa mu diamambu diamambu mambangi zole vo zitatu.

29. Buna vele luzaidi, vo ndiena una siwa ndinda una lutila beni, vo kadiata mwana aNzambi ye wasa vo menga maluwawanu kamena nlongoko, imenga makavangudulwa, ye wavweza Mpeve yanlemvo.

30. Kadi yeto tuzaidi ndiena wavova: Ndinda wena yami, mono siawo vutula; diaka vo: Mfumu una kongudila bantu bandi.

31. Nsisi beni mu bwa mu moko maNzambi amoyo.

32. Kansi lubambuka moyo mu lumbu biatekila, buluakiwangudulwa, yeno luavibidila kwama kwakwingi,

33. buluasongwa mu talwa mu luvwezo ye mpasi, ye luakala ntuali ye yau basiwa bonso bobo mpe.

34. Kadi yeno luakala kwama kwantuadi ye zinkole, ye mu kiese yeno luavibidila, bubatana mbongo zeno, kadi luazaidi, vo yeno kibeni luena mbongo zilutidi ye zikazimani.

35. Nkiangunu kalulosani kibakala kienoko kiena nsendo waunene.

36. Kadi yeno luena nsatu avibidila, kidi luavanga luzolo

luaNzambi ye luatambula nsi-lulu.

37. Kadi fintangu-ntangu diaka mboki ndiena una kwiza, kanɔ zingilako.

38. Kansi nkwa amfonga ami una vumuna mu minu, kansi vo yandi una tinguna, kana zolana ye mwela amiko.

39. Kansi yeto katuena ye yauko batingunanga ye babungwa, kansi yeto tuena ye yau baleka minu mu diambu diavanga miela mieto ndandu.

### Kaqu 11.

*Minu bonso bukiena (1—2). Bannaka bakala ye minu kiakinene (3—40).*

Kansi minu insimbulu alekwa kitusanga vuvu ye nkwikulu alekwa bilembolo monika.

2. Kadi bakulu batambula kimbangi mu kiokio.

3. Mu minu yeto tuzaidi, vo nza yavangwa mu mambu ma-Nzambi, kidi yina yimonikanga kayatuka mu yina yitumonangako.

4. Mu minu Abeli wanata nkailu waunene adisalu kwa Nzambi ye Kaini wauke, ye mu minu yandi watelwa kimbangi, vo wakala wamfonga, Nzambi bukata kimbangi mu minkailu miandi, ye mu kiau yandi wakidi vova, bukakifwila.

5. Mu minu Enoki waka-

tulwa, kidi kamona lufwako, ye kavutuka monwako, kadi Nzambi wankatula, kadi yandi bukakikatudulwa, wakitelwa mbangi, vo wazolana ye Nzami.

6. Kansi vo katuena ye minuko katulendi zolana ye Nzambiko, kadi wonso uzolele kwiza kwa Nzambi, yandi una leka minu, vo Nzambi wena ye vo kasendanga bakuntombanga.

7. Mu minu Noa wakubika nzaza mu kukivukisa ye nzo andi mu wonga wanlongo, kadi yandi wazaikuswa yina yikayibadikidi monika. Mu kiau yandi wakongudila nza nkanu ye wakala mvingicii amfonga yoyo yitukidi mu minu.

8. Mu minu Abalami watu-mamana, bukabokulwa mu kwen-da kuna nsi yikakana tambula mu difwa, ye yandi waenda ye walem-bwa zaia kukaluakila.

9. Mu minu yandi wakadila kinzenza mu nsi ansilulu nkievo mu nsi yanzenza ye walekanga mu nzo yakoto, ye Isaki ye Yakobi bakala mimvingiili ansilulu yimosi,

10. kadi yandi wavingila divata dina diena lufulu diatunga ye diavanga Nzambi.

11. Mu minu yandi kibeni Sala kabakila ngolo mu yaka, bukakiviokila mimvu mibutulwanga, kadi yandi wabanza,

vo ndiena wasila nsilulu wena wakwikama.

12. Nkiangunu kwa mosi wakala lukufi ye fwa babingi babutwa bafwanane ye zimbwetete zadizulu mu ntalu ye nienge ulembolo tangakaua va nseko ambu.

13. Mu minu yau babonso no bafwa, bubalembwa tambula zinsilulu, kansi bamonazo nseke ye bakadilazo kiese ye bata, vo yau iminkibi ye zinzenza vava ntoto.

14. Kadi bavovabo, yau bata, vo bafwanda nsi amase mau,

15. ye vo yau babanza nsi yina yibavaikila, nga yau bakala ntangu mu vutuka.

16. Kansi bwabu beti lambukila mu nsi yilutidi mu biza, insi adizulu. Nkiangunu Nzambi kabavwila nsoniko mu bikwa Nzambi au, kadi wabakubikila divata.

17. Mu minu Abalami watula Isaki va disalu, bukatontwa, yandi watula mwana andi mosi wabakala va disalu, imwana wasilwa zinsilulu,

18. ye wakambwa: mu Isaki ngeye una bikwa nkuna.

19. Kansi yandi wabanza: Nzambi lenda mpe fulukisa mu bafwa, nkiangunu yandi wantambula mu kifwani.

20. Mu minu Isaki wasaku-

muna Yakobi ye Esau mu bilekwa bina kwiza.

21. Mu minu Yakobi, bukakala mu fwa, kasakumuna bana baYosefi buna bena ye wayinama va nkawa andi ye wasambila.

22. Mu minu Yosefi wavova, bukakala mu fwa, mu mpaiikulu abana baIsaleli ye wabakamba, bonso bubana sa mu visi biandi.

23. Mu minu Mose waswekwa ngonda zitatu kwa se ye ngudi andi, bukabutwa, kadi yau bamona, vo mwana wakala wambote, ye kabatina nsiku amfumuko.

24. Mu minu Mose watina, bukamana kula, mu bikwa mwana wamfumu yankento,

25. ye waluta zola kwamuswa ye bana baNzambi ye kazola kala kiese mu masumu mu lumbu biafiumako,

26. kadi wabanza, vo mvwezolo aKilisto ikimvwama kiatingi ye mbongo zansi aNgipiti zazike, kadi yandi watala nsendo.

27. Mu minu yandi wasisa nsi aNgipiti ye katina nganzi zamfumuko, kadi yandi watatamana nkievo weti mona ndiena ukaumoniki.

28. Mu minu yandi wavana lumingu luampiokolo ye ntengolo amenga, kidi ndiena

wabunga basemuka kabavalakana.

29. Mu minu yau bayenda mu monakanda diambu wa-Mbwaki nkievo ntoto wena nayokoso, kansi bisi Ngipiti bubatonta, badiamusunwa.

30. Mu minu baka biazunga Yeliko biabunduka, bubiazungwa lumbu nsambodia.

31. Mu minu yandi, Lakabi nsuza, kavila ye yau bakolamako, bukatambula baneka nsi mu yenge.

32. Nki sia vutuka vova? Kadi ntangu kayilungidiko mu bika Ngideo ye Balaka ye Samisoni ye Yefata ye Samueli ye minkambi,

33. babedisa zimfumu mu minu, bavanga mfonga, bave-wa zinsilulu, babata minwa miazinkosi,

34. bazima lulendo luatia, bavuka mu meno mabisabala, bubasiamuswa bakala kindakana, bakala ngolo mu mvita, batinisa makabu mabantu bannenzena.

35. Bakento batambula bafwa bau bubafulukwa, bankaka bakwamuswa beni, bubalembwa zola vuluswa, mpasi batambulu mfulukulu yabiza.

36. Bankaka bavwezwa ye babufwa, nate ye nkanda wabunuka, ye mboki basiwa mu mbienga ye bikebolo.

37. Ye batubwa matadi ye batontwa ye bakwakwa mangwengwe ye bavondwa mu bisabala ye bazieta mu minkanda miamameme ye zinkombo ye bafwa nsatu mu lekwa yayonso no ye bakwamuswa ye bamweswa mpasi,

38. ye kabafwanana mu nzako, ye bazenzila mu zinsi zankatu ye miongo ye minluka ye mabulu mantoto.

39. Yau babonso batambula kimbangi mu minu, kansi kabatambula nsiluluko,

40. Nzambi bukatusokila biankaka bilutidi mu biza, kidi kabana lungako, bubakondolo yeto.

## Kapu 12.

*Ndubudulu mu nwana bonso Yesu (1—3). Ndungulu akwama indongi yabiza (4—11). Ndubudulu mu lembwa beba (12—17). Kiese kiabaleka minu (18—24). Ndubudulu mu tina katuka mu Nzambi (25—29).*

Nkiangunu butuena tuti dio dio diadinene diazimbangi zikutuzunganga, bika tuabembika yonso yena zitu ye masumu matutatamananga, ye bika beto mpe tuatatamana mu yungusa mu ngiungusulu.

2. Bika tuatala mbadiki ye manisi aminu, Yesu, bukatala kiese kiena ku ntuala, buna yandi walungwa vana kulunsi

ye wavibidila mvwezolo ye uvwandanga va lubakala lua-kiandu kiaNzambi.

3. Kadi lubanza ndiena walungwa mu mambu mabanguswa kwa bankwa miamasumu, kaluidi beba ye bwisa mintima mieno.

4. Kadi nate ye bwabu ka-luakakudi masumu mu nwanisamo nate ye mengako.

5. Ye luavilakana ndubudulu yavovanga kwa yeno nkievo kwa bana: Mwana ami kutungudilani ndongi zamfumuko ye kubwisani ntimako, buulongwanga ndongi kwa yandi.

6. Kadi mfumu ulongidikanga wonso ukatondele ye ubandanga wonso mwana ukatambudi.

7. Vo lulongudukwanga, buna Nzambi weti sa kwa yena bonso kwa bana, kadi nki amwana ulembolo longudukwa kwa sandi.

8. Kansi vo lulembolo longudukwa, bonso busiwanga bantu babonsono, buna yeno lubana bakindumba, kansi kabanako.

9. Mboki mpe: yeto tuakala mase meto mansuni matulongidika ye tuavuminamo, buna vele situa luta mu tumamana se diazimpeve, kidi tuavumuna.

10. Kadi mau matulongidika lumbu biafiuma, bonso buma

banza, vo bwatoma, kans ndiena ukutulongidikanga bitomanga nitu, kidi tuakala ntuaadi mu utomoso andi.

11. Ndongodo<sup>o</sup>lo zazonsono zimonikanga kiadi, kakieseko, butueti longudukwa, kansi mboki sika kubasenda mbutu miayenge kiamfonga kwa yau bayukwa longwa bobo.

12. Nkiangunu lusiamisa moko meti sima ye makungunu mena kindakana.

13. Lusungika nzila mu malu meno, kidi wonso utembi-langa kana zimbakalo kansi niaka.

14. Lutatamana yenge kwa bantu babonsono ye mpedoso, kadi wonso ukondoloyo, kana mona Mfumuko.

15. Lutala kidi muntu kana zimunina mu nlemvo aNzambi ko, mpasi mwanzi wandudi kauna mena ye kulukakidila ye bana sampukila wau.

16. Lutala kidi muntu kana ta kitokoko ye kondwa mu Nzambi bonso Esau, kadi yandi wateka kikota kiandi kiadikanda mu mbuluku mosi.

17. Kadi yeno luzaidi vo yandi bukazola tambula nsakumunu, kayenduswa, kadi yandi kabaka lumbu mu vilula diela diakako, bukatombayo mu mansanga.

18. Kadi yeno kalualuaka

ku mongo ulenda simbwako ye uyuyanga mu tia ye kuna mwi-si ye tombe ye temboko

19. ye ndinga ampungi aku-lumetako ye ndinga amambu yakala nkadulu amatingu ba-wayo nkutu kabazola vutuka teswa mambu mankakako,

20. kadi kabavibidila mambu makambwako. Vo bulu mpe ki-na valakana mongo, kiau kina vondwa mu matadi.

21. Sulumbi nkutu kiakala nsisi beni, ye Mose wavova: Mono ntinini ye nzakamene.

22. Kansi yeno lualuaka ku mongo waZioni ye divata dia-Nzambi amoyo, iYelusalemi die-na ku dizulu, ye ku lukutukunu luankembo luamafunda mama-kabu mazimpofi,

23. ye ku dibundu diabase-muka basonukwa mu mazulu ye kwa Nzambi ukongudilanga babonsono ye kwa zimpeve zaba-ntu bamfonga bamana fwanana,

24. ye kwa nzonzi aluwawa-nu luamona, iYesu, ye kwa menga mambwangina malutidi menga maAbeli mu toma vova.

25. Lutala kaluidi tinguna ndiena uvovanga, kadi vo ba-nkaka balembana taba, bubati-nguna ndiena wavova vava ntoto, buna katulendi nkutuko, vo tuna fila nima kwa ndiena uvovanga mu mazulu.

26. Lumbu kina ndinga andi

yanikusa ntoto, kansi bwabu yandi wasila ye wavova: Ndi-kunu yankaka diaka ngina vu-tuka nikuna kantoto kakako kansi dizulu mpe.

27. Kansi diambu diodio: ndikunu yankaka diaka, diau dieti kamba mpilulu abilekwa bizakamanga, bonso bubiava-ngwa, kidi biavingila bina bi-lembolo zakama.

28. Nkiangunu butuna ta-mbula kimfumu kikakizakami, bika tuatonda, mpasi tuasadila Nzambi mu zolana ye yandi mu wonga ye zakama.

29. Kadi Nzambi eto wena tia tudianga mpe.

### Kapu 13.

*Ndubudulu zampila mu mpila (1-19). Mpeno amavimpi (20-23).*

**Bika tonda kwazimpangi kwasikila!**

2. Kaluvilakanani dikilako, kadi bankaka badikila zimpofi bubalembwabo zaia.

3. Lubambuka moyo mu yau bakangama, nkievo yeno luake-ngo, ye yau bakwamuswa, bonso buluena nitu yeno kibeni mpe.

4. Nkwedolo bika yazituswa mu babonsono, ye ntanda wa-nkwedi kauna sumunwako, kansi bankwa akitoko ye mimvo-ndi miatongo, Nzambi una kubakongudila.

5. Nkadulu eno kayawimiko,



utonda yina yena yeno kadi ya-  
Indi kibeni wavova: Mono kina  
kuyambula ye kusisa nkutuko.

6. Nkiangunu tulenda vova  
mu kibakala kiabiza: Mfuniu  
insadisi ami, kina kwami tina-  
ko, muntu nki kalenda kumpa-  
nga?

7. Lubambukila mimvungi  
mieno moyo miabalukamba ma-  
mbu maNzambi. Luvukumukina  
minu kiau ye lutala nsukulu  
andalulu au.

8. Yesu Kilisto wena kwa-  
ndi umosi zono ye bwabu ye  
mimvu mikamimani.

9. Kaluvenguswani kwa ndo-  
ngolo zampila mu mpila zia-  
nzenzakoo, kadi bwabiza kwandi,  
vo ntima una kala nakekete  
mu nlemvo, kamu mimbuluku  
miadisaluko, mialembwa tomisa  
basalamio nitu.

10. Yeto tuena disalu dia-  
ngiokila diakanukunwa basala-  
nga mu nzo yakoto dia.

11. Kadi zinitu zabibulu  
biena menga manatanga ngudi  
anlongi mu nzo aNsambi mu  
diambu diamasumu, ziyokwa-  
nga kumbazi avuma valekwa-  
nga.

12. Nkiangunu Yesu mpe  
walungwa kumbazi mwelo  
wadvata, kidi yandi mu mendi  
menga kavedisa bantu.

13. Nkiangunu bika tuava-  
ika kwa yandi kumbazi avuma

valekwanga ye tuanata mvwe-  
zolo andi.

14. Kadi vava katuena di-  
vatako dina zingilako, kansi  
tutombanga dina dina kwiza.

15. Nkiangunu bika tuanata  
minkailu miansikulu kwaNza-  
mbi lumbu biabionsono mu  
yandi, kadi miomio imbutu mia-  
bikoba bisikanga nkumbu andi.

16. Kansi kaluvilakanani va-  
nga yambote ye kabako, kadi  
minkailu miomio mizolanga  
Nzambi.

17. Lutumamana mimvungi  
mieno ye lukiyinika kwa miao,  
kadi miao mikailanga miela  
mieno bonso vo bana dedisa  
mambu, kidi banabo vanga mu  
kiese, kamu vumukako, kadi  
buna yeno kalunabo tomina  
nituko.

18. Lutudila invutu, kadi  
yeto tuakwikama, vo tuena  
mintima miabiza ye tuzolele mu  
yayonsono diata ndiatulu yabi-  
za.

19. Mono ndutidi kululeba  
kidi luasangabo, kidi ngina vu-  
tulwa nswalu kwa yeno.

20. Kansi Nzambi ayenge,  
wakatula mu bafwa ndiena wena  
mvungi amameme mu menga  
maluwawanu luamimvu mika-  
mimani infumu eto Yesu,

21. bika yandi kalutomisa  
mu yayonsono yabiza mu va-  
nga luzolo luandi, ye katusa-

sadisa yonso yikazolele mu Yesu Kilisto una zituswa lumbu ya-yonsono mimvu mikamimani, kwele mvu kuvutukidi mvu. A-meni.

22. Luzimpangi, mono iku-lulubula, lutoma tambula ma-mbu mandubudulu, kadi mono nsonekene nkanda wau kwa yeno mu mankufi.

23. Luzaia, vo mpangi eto

Timotio wakutulwa. Mu yandi, vo sika luaka nswalu, sia kulu-mona.

24. Lubakundi, mavimpi kwa mimvungi mieno miamionsono ye kwa bantu babonsono banlongo. Batukidi muna Italia bakulu-fidisi mavimpi.

25. Bika nlemvo wakala ye-no babonsono.

## Nkanda waPetolo wantete.

### Kapu 1.

*Mbadukulu. Matondo kwa Nzambi. (3—12). Ndubudulu mu diata ndia-tulu yantongo (13—25).*

Petelo, intumwa aYesu Kili-sto, kwa banzena basolwa basansukuswa mu Ponto ye Ngalatia ye Kapadoki ye Asia ye Bitinia,

2. bonso bwena nzailu aNza-mbi, ise, mu bilekwa bina kwi-za mu mpedoso aMpeve, mu ntumumunu ye mbwangunu amenga maYesu Kilisto. Bika nlemvo ye yenge bianeika mu yeno.

3. Bika Nzambi ye se dia-Mfumu eto Yesu Kilisto wasa-kumunwa. Mu kiwuntu kiandi kiakinene yandi watubuta mbu-

ta yamona mu vuvu kiamoyo mu mfulukulu, aYesu Kilisto mu bafwa,

4. mu djambu diadifwa dilembolo fuka ye siwa mvindu ye fuba ye dikebwanga mu dia-mbu dieno mu dizulu,

5. iyeno lukebwanga mu lu-lendo luaNzambi mu kiandalu-lu yakubama mu monika mu lumbu bina zimunina,

6. biluna yangalala, bulua-mana siwa kiadi fintangu-nta-ngu, mu nsindusulu zazingi mpila mu mpila, vo siluabo katwa siwa,

7. kidi minu kieno kiato-ntwa kina zaiwa, vo kilutidi mu ntalu mu wola watontwa mu tia ufukanga, mpasi kiatu-

kisa nsikulu ye vumi ye nzitu-su mu mbonokono aMfumu Yesu Kilisto,

8. ulueti tonda bulualembwa kumona, ulueti lekila minu bwabu, bululembolo mona, ye yeno luna yangalala mu kiese kilembolo vovakana kiena nzi-tusu beni,

9. buluna baka nsukulu aminu, indalulu amiela mieno.

10. Mu ndalulu yoyo minkambi miayuvuzula ye mifiongunina, ye miau miateka kamba nlemvo wowo wavangulwa kwa yeno

11. ye mifiongunina yonso ntangu ye dimbu kiantangu kiasonga Mpeve aKilisto yakala mu miau, Mpeve buyateka ta kimbangi mu ndungulu za-Kilisto ye nzitusu una landa.

12. Miau miazaikuswabo, kamu diambu diakukitomisako, kansi mu diambu dieno mu mambu momo maluzaikuswa bwabu kwa yau balukembi nsamu wambote mu Mpeve yanlongo yafiduswa ku zulu; zimpofi zizolele tonwa mambu momo.

13. Nkiangunu lukanga tuketo tuamadiela meno, lulembwa sansala, lusila vuvu kifweni mu nlemvo, uluna vewa mu mbonokono aYesu Kilisto.

14. Bonso bana batumama, kaluvukumukinani nzinunu yi-

luateka kalako, bululembwa zafia lekwa,

15. kansi luvukumukina nkwa anlongo walubokila, ye lukala beno kibeni banlongo mu nkadulu zazonsono.

16. Kadi kwasonwa: Lukala banlongo, kadi mono ngiena wanlongo.

17. Ye vo yeno lubokilanga ndiena ise, iyandi ulembolo swaswasa muntu ye muntu ye ukongudila bantu babonsono, bonso bwena mavanga mau, buna ludiata mu wonga mu ntangu zeno zakinzenza,

18. buluzaidi, vo kaluakulwa mu nkadulu eno yankulu yiluatambula kwa mase mu bilekwa bifukangako, ipalata ye wola,

19. kansi luakulwa mu mena maKilisto mena mbidi antalu nkievo mwana ameme ukondolo kieta ye kawasiwa mvi-nduko,

20. iyandi wakivangulwa, nza buyalembwa vangwa, kansi wamonika mu diambu dieno mu nsukulu azintangu,

21. ye mu yandi lualeka minu mu Nzambi wamfulukisa mu bafwa ye wamvana; nzitu-su, mpasi luakala minu ye vuvu mu Nzambi.

22. Luvedisa miela mieno mu ntumumunu yakedika mu diambu diatonda zimpangi mu

tonda kukondolo disu kungsi alukaya, lutondasana beni mumintima mu vema kwatatama-na,

23. buluabutwa nibutwa yamona kakwa nkuna ufukanga-ko, kansi kwa nkuna ukaufuki, mu mambu maNzambi mamoyo masikilanga.

24. Kadi nsuni miamionsonomiena nkievo bititi ye nzi-tusu wawonsono wansuni nkievo bifulu biabititi. Bititi biale-ngila ye bifulu biasotuka,

25. kansi mambu maMfumu masikila kwele mvu kuvutuki-di mvu, imambu momo makambwa kwa yeno mu nsamu wambote.

## Kapu 2.

*Ndubudulu mu bembika yambi yayonsono (1--10) ye toma diata ye banzenza (11--12) ye tumamana minyadi ye zimfumu (13--25).*

Lubembika yayibi yayonsonoye bungubi bwabonsono ye disu kungsi alukaya ye nsoki ye kela kwakonsono,

2. ye bonso bana banswa lulambukila mamvumina mamambu manduenga, kidi luakudila mu ndalulu mu mau,

3. vo luabimba nkutu, vo Mfumu wena wabiza.

4. Luenda kwa yandi, itadi diamoyo diasiswa kwa bantu,

kansi dizolana ye Nzambi ye diena ntalu.

5. Yeno mpe nkievo matadi mamoyo lutungwa kweno mu nzo yampeve ye minlongi minlongo mu diambu dianata minkailu miampeve mina tambulwa mu luzolo kwa Nzambi mu Yesu Kilisto.

6. Nkiangunu masonukwa mavovele: Tala, mono yatudidi tadi diakifuma diasolwa diantalu mu Zioni, ye wonso usididio minu kana vwa nsoniko.

7. Nkiangunu tadi diodio diena ntalu kwa yeno lualeka minu, kansi kwa yau badimbulaminu tadi diodio diasisa mintungi diakituka tadi diakifumaye tadi ditelwanga sakuba ye difwemisanga.

8. Bata sakuba, bubalembo lo tumamana mambu, bonso bubavangulwa mpe.

9. Kansi yeno luena mbandu yasolwa ye kimfumu kiaminlongi ye bantu banlongo ye bandandu, kidi luakamba nkadulu zabiza zandiena walubokila mu katuka mu tombe ye kwiza ku kia kwandi kwangitukulu.

10. Ntama yeno kaluakala bantuko, kansi bwabu luena bantu baNzambi, yeno kalualemvukulwako, kansi bwabu lulemvukulu.

11. Luzintondolo, mono ilu-

leba nkievo minkibi ye zinzenza, vo luna tina nzinunu zansuni zinwanisanga mwela.

12. Lukala nkadulu yabiza ye banzenza, kidi yau mu bilekwa bibakulukelanga nkievo mimvangi miayayibi bazitisa Nzambi mu lumbu kiambumunu mu diambu diamavanga meno mabiza mabeti tala.

13. Mu diambu diaMfumu lutumama kweni kwa nsiku miamionsono miabantu vo mfumu, iyandi lutidi mu nene,

14. vo nyadi wafiduswa kwa yandi mu vutula ndinda kwa yau bavanga yambi ye mu kamba yau bavanga yanibote.

15. Kadi bwabu Nzambi zolele, vo luna bata minwa miabuzengi bwabantu balembo lo luenga, buluvanga bwambote.

16. Lukala nkievo bantu bamfumu, ye kalusadilani kimmfumu kieno nkievo yunga mu fuka yayibiko kansi bonso minanga miaNzambi.

17. Luzitisa babonsono, lutonda zimpangi, lukala wonga mu Nzambi, luvumina mfumu.

18. Lubisielo, lutumamana zimfumu zeno mu wonga wawonsono kazimfumu zabiza ye zandlembami kakako kansi zimfumu zanganzi mpe.

19. Kadi wau inlemvo, vo muntu mu diambu diantima

mu Nzambi uvibidilanga kiadi, bukakwamuswa bulembo lo fwana.

20. Kadi nki ansikulu, vo luvibidilanga, bulubandwanga mu diambu diaminkanu mieno? Kansi vo luvibidilanga, bulukwamuswanga mu diambu diamavanga mabiza, buna wowo inlemvo kwa Nzambi.

21. Kadi yeno luabokulwa mu diambu diodio, kadi Kilisto mpe walulungulwa kwama ye walusongisila, kidi luanama mu bitambi biandi.

22. Yandi kavola masumuko, ye bungubi kabwakala mu nwa andiko.

23. Yandi bukafingwa, kavutula mvwezoko, ye bukalungwa, yandi kakanikina nkutuko, kansi wayambulabo kwa ndiena utomene kongudila.

24. Yandi kibeni wanata masumu meto mu nitu andi vanti, kidi tuafwila masumu ye tuavumuna mu diambu diamfonga. Yeno luaniakuswa mu vwa biandi.

25. Kadi yeno luazimbala nkievo mameme, kansi bwabu yeno luabangumuka kwa mvungi ye nkengi amiela mieno.

### Kapu 3.

*Ndubudulu kwa bakwedi (1—7)  
ndubudulu mu nkadulu zifweni (8—*

12) *ye mvibudulu mu ncita* (13—22).

Ibobo mpe lubakento, lutu-mamana mieno minlumi, kidi vo bankaka balembolo tumama-na mambu bavangwa ndandu vakondolo mambu mu diambu diankadulu zabakento,

2. bubatala nkadulu eno ya-vedila mu wonga,

3. iyeno lulembolo kala nto-ko zambazi; zamabese mansu-ki ye mimvwatu ye zintoko za-wola,

4. kansi muntu waswekwa mu ntima intoko yikayimani yampeve yanlembami yena na-pi yena ntalu kwa Nzambi.

5. Kadi vakiakala bakento banlongo bakivwikila bobo nto-ko yoyo ye basa vuvu mu Nza-mbi ye batumama kwa nlumi miau,

6. bonso bwatumama Sala kwa Abalami ye wambikanga mfumu. Yeno luena bana ban-di, vo luvanganga yambote ye lulembolo tina nkutu.

7. Ibobo mpe luminlumi lu-kala mu nduka ye bakento bu-balutidi niu kindakana, ye lu-bavumina mpe, bonso mimvi-ngi yeno mu nlemvo wamoyo, mpasi tusambulu, tueno katuidi kanukunwa.

8. Mboki lukalasana balo-nsono diela dimosi, luvwisasana, kidi lutondasana ye zimpangi,

lukalasana kiwuntu, lukukiyina,

9. kaluvutulani yambi mu yambiko ye mvwezo mu mvwe-zoko, kansi luvutula nsakumu-nu, kadi yeno luabokulwa mu sabo, kidi luavingila nsakumu-nu.

10. Kadi wonso uzolele to-nda moyo ye mona lumbu bia-biza, kadingidika ludimi luandi mu yayibi ye bikoba, kabidi vova bungubi,

11. ye bika kafila yambi nima ye vanga yambote, ye bika katonda yenge ye lambu-kilakio.

12. Kadi meso maMfumu matadisanga bantu bamfonga, ye matu mandi meti dimba tu-sambulu tuau, kansi zizi kia-mfumu kikenganga yau bava-nganga yambi.

13. Nani ndiena ulenda ku-luvanga yambi, vo luveminanga yambote?

14. Kansi vo lina lungwa mu diambu diamfonga mpe kie-se luena. Kalubatinaniko ye kalukalani wongako.

15. Kansi lusa Mfumu Yesu Kilisto wanlongo mu mintima mieno ye lukubama lumbu bia-bionsono kwa wonso uzolele wa bila kiavuvu kiena mu yeno, kansi lusangabo mu nlembami ye wonga.

16. Lukala mintima miabiza, kidi batiaka nkadulu eno ya-

biza mu Kilisto bavwa nsoni mu yoyo yibakulukedilanga.

17. Kadi vo luzolo luaNzambi luenabo, buna bwambote, vo luna kwamuswa, buluvanga yambote, ye bwambi vo luvanga yambi.

18. Kadi Kilisto mpe wakwamuswa kiamakulu mu diambu diamasumu, yandi muntu wamfonga mu bantu balembwa fonga, kadi katutuala kwa Nzambi. Mwanki wavondwa mu nsuni, kansi siwa wavumunu mu Mpeve,

19. yikayenda kambila nsa-mu kwa zimpeve mu kebolo.

20. zakolama ye ntama, Nzambi bukavingila mu mvi-budulu mu lumbu biaNoa, naza buyatungwa yavukila bantu bafiuma mu nlangu inani diamia.

21. Bwabu nlangu ikifwani, imbotokolo yitaninanga yeto kan-kievo nkatulu amvindu ansu-niko kansi ndombolo antina wabiza kwa Nzambi mu mfulukulu aYesu Kilisto

22. wena va lubakala luaNzambi bukakibalukila ku zu-lu, ye zimpofi ye tulendo ye zingolo biatulwa kungsi ayandi.

#### Kapu 4.

*Ndubudulu mu ndiatulu yevedila*  
(1—6) ye mu lembwa sansala kansi

*mu salasana (7—11) ye mu yangala-la mu ncita 12—19).*

Nkiangunu Kilisto bukalu-ngulwa kwama mu nsuni, buna luvwata biluazu biobio biamadie-la mamosi mpe, kadi walungwa mu nsuni yandi wayambula masumu,

2. kidi kalembwa vumuna mu tima diabantu mu lumbu bisidi mu nsuni kansi bonso bwe-na luzolo luaNzambi.

3. Kadi bufwe i kwandi, vo yeno mu lumbu biavioka luvanga luzolo luabanzenza ye luadiata mu kimpumbulu ye ditima ye kinduvu ye makinu ye nkembo amalavu ye nsambulu aminkisi yakanukunwa.

4. Nkiangunu yau bayitukwa ye batiaka, bululembolo yungusa yau ku mwila umosi waki-ntiengi.

5. Kansi yau bana zenga mambu kwa ndiena wakubama mu kongudila bavumuna ye bafwa.

6. Kadi mu diambu diodio bantu bafwa bakambwa nsamu wambote, mpasi bakongudulwa mu diambu diansuni bonso bantu, kansi bonso Nzambi bana vumuna mu diambu diampeve.

7. Kansi nsukulu alekwa yayonsono yeka lukufi, nkiangunu luluenga ye lukaya me-mu sambila,

8. ye va ntandu ayayonso-

no lutondasana mu vema, kadi tonda kufukanga mbidi amasumu.

9. Ludika-ana mu zola.

10. Lusalasana bonso minkebi miabiza mianlemvo waNzambi wampila mu mpila, bonso bwena muntu muntu ye wandi nkailu anlemvo ukavewa.

11. Vo muntu uvovanga, kavova, bonso bwena mambu maNzambi, vo muntu usadilanga, kasadila, bonso bwena lulendo luavana Nzambi, mpasi Nzambi mu Yesu Kilisto wazituswa mu yayonso ikwa mu yandi kwena nzitusu ye ngolo mikamimani kwele mvu kuvutukidi mvu. Amen.

12. Lubatondwa kaluyitukwaniko mu nlemo wena mu yeno luamweswa mu diambu diatontwa nkievo lumweni diambu dianzena,

13. kansi bonso buluena ntuadi mu tulungulu tuaKilisto ibuna luyangalala, kidi luayangalala ye luakala kiese mpe mu mbonokono andi anzitusu.

14. Vo lutiakwanga mu nkumbu aKilisto, buna kiese kiena yeno, kadi Mpeve anzitusu ye yaNzambi yena va yeno.

15. Kadi buna luena, muntu nkutu kayambulani kakwamiswa bonso mvondi ye mwiviko vo mvondi ankanu vo muntu ufwafata mu salu bianganako.

16. Kansi vo muntu una lungwa bonso nkwa aKilisto, kana kala nsoniko, kansi una sika Nzambi mu nkumbu yoyo.

17. Kadi ntangu yalueki nkongodolo buyina badika mu nzo aNzambi, kansi vo yau yina badika mu yeto, buna nsukulu abantu bakolamanga nsamu wambote waNzambi bweyina kala?

18. Vo muntu wamfonga una suta lalulwa, buna muntu ulembolo vumina Nzambi ye nkwa amasumu bwe sika mona?

19. Nkiangunu beti lungwa, bonso buzolele Nzambi, bika bayekula miela miau mu mavanga mabiza kwa yandi imvangi wakwikama.

## Kapu 5.

*Ndubudulu kwa bangudi zabantu (1—4) ye mu yinama ye kaya meso ye tatamana (5—11). Mpeno amarimpi (12—14).*

Nkiangunu ngudi zabantu zena yeno mono ibalubula bonso nkubu yami ye mhangi mu tulungulu tuaKilisto ye ngiena ntuadi mu nzitusu una monika.

2. Lukala mimvungi miakabu diaNzambi diena yeno kamu ntatumusuko kansi mu zola, bonso bwena luzolo luaNzambi kamu ndandu yansoniko kansi mu tonda,

3. kabonso zimfumu mu ma-



bunduko, kansi luna songisila dikabu.

4. Ngudi aminvungi buuna monika, buna silua tambula mpu anzitusu yikayifuki.

5. Ibobo mpe lumatoko lutumamana bamakota, kansi lubabonso lukodisa nginunu muntu kwa wayandi, kadi Nzambi ukakilanga bantu banza, kansi ulemvukilanga bakiyina-nga.

6. Nkianguu lukukiyina kansi akoko kwangolo kwaNzambi, kidi kalubalula mu yandi ntangu.

7. Lutuba kiadi kieno kiationsono mu yandi, kadi yandi ukulu'anzanga.

8. Lulembwa sansala ye lukaya meso, satana imbeni eno uzietanga nkievo nkosi yisambanga ye yitombangi wonso ukana mina.

9. Lunkakila nakekete nakuma mu minu, buluzaidi, vo

zimpangi zeno zimonanga kwama kumosi mu nza.

10. Kansi Nzambi anlemvo wawonsoo walubokila mu nzi-tusu andi ukaumani mu Kili-sto bulukilungulwa fintangu-ntangu, yandi kibeni una kululungisa ye kindisa ye siamisa ye vanga nakekete.

11. Bika kakala ngolo mvu mikamimani kwele mvu kuvutukidi mvu. Amen.

12. Mono yasonekene ye Siluvano, impangi eno wakwikama, bonso bungieti banza, mambu mafiuma kwa beno mu diambu diakululubula ye ta kimbangi, vo wau inlemvo waNzambi wakedika. Lusiaminawo.

13. Basolwa ye yeno mu Babiloni ye mwana ami Malakosi balufidisi mavimpi.

14. Lukambasana mavimpi mu mfibulu yatonda. Bika yenge kiakala ye yeno babonso no bena mu Kilisto.

## Nkanda waPetolo wanzole.

### Kapu 1.

*Mbadukulu (1—2). Ndubudulu mu nkadulu yavedi'a (3—12). Mambu maNzambi makwikamene (13—21).*

Simona Petolo, nanga wa-

Yesu Kilisto ye ntumwa, kwa yau batambula minu kina kiantalu kiena yeto mu mfongazaNzambi ye nlaludi Yesu Kilisto.

2. Bika nlemvo ye yenge bianieka ye yeno mu nzailu

aNzambi ye Mfumu eto Yesu Kilisto.

3. Lulendo luandi luakinza-mbi buluatuvana yayonsoho yifweni mu moyo ye vumi kiaNzambi mu nzailu andiena watubokila mu nzitusu ye nkadulu andi yabiza.

4. mu tuavewa kwa yandi nsilulu zazinene ye yantalu, kidi yeno mu zau luakala ntuali mu' nkadulu yakinzambi ye taba mu mbungulu yena mu nza mu diambu dianzinunu,

5. nkiangunu lusadila kwenovema kwakonsono ye lusonga nkadulu yabiza mu minu kieno, kansi mu nkadulu yabiza luna songa nzailu,

6. kansi mu nzailu luna songa ntinunu ayambi, kansi mu ntinunu ayambi ntatumunu, kansi mu ntatumunu vumi kiaNzambi,

7. kansi mu vumi kiaNzambi tonda kwazimpangi, kansi mu tonda kwazimpangi tonda kwa babonsoho.

8. Kadi vo nkadulu zozo zena ye zeti nicka mu yeno, buna kazina kuluyambula lualembwa salako, ye kaluna kondwa bionso biena mu nzailu zaMfumu eto Yesu Kilistoko.

9. Kadi wonso ukondolo ye zo, yandi wafwa meso ye mbumbuluka ye wawilakana vo waweduswa mu masumu mandi mankulu.

10. Nkiangunu luzimpangi, lutatamana beni mu vanga mbokolo ye nsodolo eno nakekete, kadi vo lusangabo kaluna bwa nkutuko.

11. Kadi ibuna luna vewa nkotolo yabiza beni mu kimefumu kikakimani kiaMfumu ye Nlaludi eto Yesu Kilisto.

12. Nkiangunu mono ngina kulubambula moyo ntangu kantangu mu mambu momo, buluzaidimo mpe ye luasiana mu kedika kialuaka kwa yeno.

13. Kansi mono ibanzanga vo busongele kwandi, vo ngina kulusikimisa mu kulubambula moyo mu lumbu bingiena mu fwokula diadi.

14. Nzaidi kwami vo mu nswalu ngina bembika fwokula diami, bonso bwanzaikisa mpe Mfumu eto Yesu Kilisto.

15. Kansi mono ngina tontasa, vo lunayo bambukila moyo lumbu biabionsoho, bunkatuki-di mpe.

16. Kadi katuanama nsangu zatoma sokwa mu ndukako, butualukamba lulendo ye ngizulu aMfumu eto Yesu Kilisto, kansi yeto kibeni tuzimbangi zamona meso mu nzitusu ankwa waunene.

17. Kadi yandi wavewa nzitusu ye nsikulu kwa Nzambi, ise, ndinga yoyo yatuka mu nzitusu waunene buyayiza kwa

yandi bonso ebu: Ndi ena imwana ami untondele kwami, utuzolana beto yandi.

18. Ndinga yoyo tuawa vo yatuka mu dizulu batuakala yandi va mongo wanlongo.

19. Ye yeto tuena mambu maminkambi nakekete beni, ye lutomene, vo lutalamo nkievo mwinda ulemanga mu vuma kiatombe nate ye kuna kia ye mbwetete yansuka yina tubuka mu mintima mieno.

20. Lutonda zaia mu yayonso, vo mambu mankambi nkutu mu masonukwa kamayiza mu yandi mbanguduluko.

21. Kadi mambu mankambi nkutu kasi kamayizila mu luzolo luamuntuko, kansi bantu baNzambi banlongo bavova, bubatuaduswa kwa Mpeve yanlongo.

## Kapu 2.

*Nduengosolo zatina minlongi miamakutu (1—22).*

Kansi minkambi miamakutu mpe miatelamana bantu bonso buna kala minlongi miamakutu mu yeno, mina tuasa mpesokono ambungulu mu nsueki, ye miau mina kadila mpe Mfumu yina yabasumba ye mina kukituasa mbungulu nswalu.

2. Babingi bana nama mu kimpumbulu kiau, ye mu diaumbu diau nzila yakedika yina vwezwa.

3. Mu wimi miau mina vanga ndandu mu yeno mu mambu mabungubi. Nkongodolo au yabongodolo sadulwa ntama, ye mbungulu au kayilekangako.

4. Kadi vo Nzambi walembwa kuta zimpofi zavola masumu, kansi wababwisa ku nkadi ampemba ye wayekulazo mu tuvambu tuatombe mu kebwa mu kongudulwa,

5. ye vo kalembwa kuta nza ntama, kansi watabila Noa, yandi kibeni imuntu wanani, inkambi wamfonga, bukabukisa mbukila anlangu mu nza yakondwa vumi kiaNzambi,

6. ye vo basa mavata Sodoma ye Ngomola makituka ntoto ampolo ye wakongudilamo mu hungwa ye wasamo kifwani kwa babana bana kala mu kwiza bana kondwa Nzambi.

7. Yandi watanina Loti, inkwa mfonga, wakwamuswa kwa nkadulu abantu babumpumbulu mu kintiengi kiau,

8. kadi muntu wamfonga wakala yau wakwamuswa lumbu kalumbu mu mwel' andi wamfonga kwa mavanga mau mabumpumbulu bukamona ye wa.

9. Mfumu zaidi tanina mu nsindusulu bakumvuminanga kansi vutula ndinda ye lunda bantu bambi, nate ye lumbu kina kongudulwa,

10. iyou vele badiatanga mu nsuni mu tima diakintiengi ye batungudilanga kimfumu kialulendo. Yau ibankwa miamayama bakukizolanga ye kabatina tiakanga minzitusuko.

11. Zimpofi buzilutidi mu ngolo ye lulendo kazilandanga yau nkongodolo yamvwezo kwa Nzambiko.

12. Kansi babana bana bungwa mpe mu mbungulu au bonso bibulu bikondolo makani biabutwa mu nkadulu abakwa ye bungwa, bubavweza bibalembolo zaia.

13. Yau bana tambula nsendo wakonda mfonga, bubasa vo luvu luambote mu sa kindiafu mu lumbu kalumbu ye bena masona mamvindu ye mansoni ye basanga siuka mu bungubi bwau mu dia malambu vakimosi ye yeno.

14. Meso mau mazedzi kwa yanga ye matalanga masumu ntangu kantangu ye bakondanga miela milembolo siana ye bena mintima miayukwa wimi, yau ibana bantumbulu.

15. Bubamana sisa nzila yasungama, bazimbale kwau ye banama mu nzila aBalami, mwana aBosoli, watonda nsendo wakondwa mfonga,

16. kansi yandi wabakuswa minkanu miandi: bulu kiasalu kiakondwa ndinga kiamoka yandi

mu ndinga amuntu ye kiakankina buzengi bwankambi.

17. Yau izinto zikondolo nlangu ye matuti makwenduswanga kwa tembo, yau bakebulwa tombe kiampiuki.

18. Kadi mu mayama ye mambu mau mankatu yau bakondanga mu tima diansuni mu kintiengi yau batebi finseke mu yau bazimbala.

19. Yau babasila mpulusu, bubena minanga miambungulu yau kibeni, kadi vo tuabedoso kwa muntu, buna tuminanga miandi mpe.

20. Kadi vo yau bataba mu mvindu zanza mu nzailu aMfumu ye Nlaludi eto Yesu Kili-sto, kansi bavutuka zingalakanamu zau ye beduswa, buna nsukulu au yambi ye mbadukulu yambote.

21. Kadi yau bakutu toma nitu, vo kabazaidi nzila yamfonga nkutuko, ye bwambi, vo yau bazaidiyo bana fila nima kwa mwina wanlongo ubatambula.

22. Yau bavangwa, bonso buvovele ngana yakedika: mbwa yivutukanga ku lusi biandi ye ngulu yiyobele yikwenda vindumukingi mu nteke.

### Kapu 3.

*Mbungulu anza yayi (1—9) ye ngizulu aKilisto (10—13). Ndubu-*

*dulu mu nkadulu yavedila ye mu kula mu nlemvo (14—18).*

Luzintondolo, nkanda wau wanzole uyasonene kwa yeno. Mu miao mono, builubambudi moyo, isikimisa madiela meno mavedila,

2. kidi luabambuka moyo mu mambu mateka vovwa kwa minkambi mianlongo ye mu mwina uluavewa kwa zintumwa zeno ye kwa Mfumu ye Nlalu-di.

3. Yayi vele luteka zaia, vo mu lumbu bina zimunina muna kwiza mintiaki milevulanga midiatanga mu zau zinzinunu,

4. ye mivovanga: Nsilulu angizulu andi kwe yena? kadi kasi ye mase meto mabondalala ye bwabu bilekwa biabionsono bina kala, bonso bubiaakadidi kasi ye mbadukulu anza?

5. Kadi bonso bubazolele, yau balembole tonwa, vo mazulu matuka vana nsi ankulu ye vo ntoto wabaka nkadulu mu nlangu ye kwa nlangu mu mambu maNzambi.

6. Mu biobio nza yakala ntama yabukila nlangu ye ya-fuka.

7. Kansi mazulu ye ntoto bina bwabu biakutwa mu mambu mamosi, kadi biakebwa mu diambu diatia mu lumbu luankongodolo ye mbungulu

abantu balembole vumina Nzambi.

8. Kansi luzintondolo, diambu diadi dimosi kalunadio fwa dibako, vo lumbu kimosi kiena mu Nzambi nkievo funda diamimvu ye funda diamimvu nkievo lumbu kimosi.

9. Mfumu kana zingisa nsilulu andiko, bonso bubanzanga bankaka vo fuki kwandi, kansi yandi weti vibidila mu diambu dieno, kadi kazolele, vo bankaka bana bungwako, kansi vo babonsono bana luaka ku mpilulu amadiela.

10. Kansi lumbu kiaMfumu kina kwiza nkievo mwivi, buna mazulu mana fuka mu mbandanu, ye bilekwa bina biantete bina nienguswa kwa mbandangazi, ye ntoto ye bilekwa bina va ntoto bina yokwa.

11. Kansi yina yayonsono buyina fuka, buna vele yeno luna kala nkadulu yanlongo ye vumi kiaNzambi,

12. bulueti vingila ye sampukisa ngizulu alumbu kiaNzambi, kadi mu diambu diandi mazulu mana zeza mu tia ye bilekwa biantete bina nienguswa kwa mbandangazi.

13. Kansi yeto tuingilanga mazulu mamona ye ntoto wamona, bonso bwena nsilulu andi, mu biau muna kala mfo-nga.

14. Nkiangunu luzintondolo, buluvingila yoyo, lutonta monika mu kala vedila ye kondwa nkanu mu yandi mu yenge,

15. yelubanza vomvibudulu aMfumu eto indalulu, bonso Pauli mpe, mpangi eto yatondwa, mu zinduka zikavewa kasonika kwa yeno,

16. bonso bukasonika mu minkanda miandi miamionsono bukabikanga lekwa biabi. Mu miao lekwa biankaka biena zitu kavisila, bantu balembwa longwa

ye kala nakekete babilulayo, bonso bubasanga masonukwa mankaka mpe mu mbungulu au.

17. Nkiangunu luzintondolo, buluateka zaia yoyo, lutina kaluidi tuadukuswa kwa nzimbulu abantu babumpumbulu ye zeza mu nsiamunu eno.

18. Kansi lukudila mu nlemvo ye nzailu aMfumu eto ye ntanini Yesu Kilisto. Bika kazituswa ye bwabu ye mimvu mikamimani.

## Nkanda waYoane wantete.

### Kapu 1.

*Mbadukulu (1—4). Ndiatulu eto mu kia (5—10).*

Yina yatuka vana kintete yituawa ye yituamona mu meso meto ye yituaonwa ye tuasimba mu moko meto, imu mambu maNzambi—

2. ye moyo wamonika, ye yeto tuamona ye tuata kimbangi ye tuakamba kwa yeno moyo usalanga kwele mvu kavutukidi mvu, imoyo wakala ye se ye wamonika kwa yeto—

3. yina yituamona ye yituawa, yina tukambanga mpe kwa yeno, kidi luakala mbundulu antuadi

ye yeto, kansi mbundulu eto antuadi yena ye se ye mwana andi Yesu Kilisto.

4. Yoyo tusonene kwa yeno, kidi kiese kieno kina lunga.

5. Wau insamu tuawa kwa yandi ye tukambanga kwa yeno, vo Nzambi ikia, ye tombe nkutu kakiena mu yandiko.

6. Votuvovele, votuena mbundulu antuadi ye yandi, ye tudiatanga mu tombe, buna tukamhanga makutu, ye katuvangannga kedikako.

7. Kansi vo tudiatanga mu kia, bonso yandi wena mu kia, buna tukalasana mbundulu antuadi, ye menga maYesu Ki-

listo, imwana andi, makutuve-disanga mu masumu mamonsono.

8. Vo tuvovanga, vo katuenta ye masumuko, buna tukukupi-kanga ye kedika kakiena mu yetoko.

9. Vo tutanga masumu meto, buna yandi wakwikama ye wamfonga, kidi kayambudila masumu ye katuvedisanga mu yambi yayonsono.

10. Vo tuvovanga, vo katua-vola masumuko, buna yeto tukunsa vo nkwa wamakutu, ye mambu mandi kamena mu yetoko.

## Kapu 2.

*Nzailuyakedika mu Nzambi(1—6), ye mu mwina wamona (7—11). Nduengosolo zatina tonda nza yayi (12—17) ye tina bakadilanga Kilisto (18—23). Ndubudulu mu keba yina yibawili ye sikila mu Kilisto (24—29).*

Lubana bami, yoyo nsonene kwa yeno, kaluidi vola masumu. Vo muntu volele masumu, buna tuena nzonzi wuna wamfonga, iYesu Kilisto wena ye se.

2. Yeyandi ikodi mu masumu meto, kansi kamu masumu meto kakako, kansi mu masumu manza yamvimba.

3. Mu diadi tuzaidi, vo tunzaidi vo tukebanga mina miandi.

4. Wonso uvovele: Monoinzaidi, kansi kakebanga mina miandiko, yandi inkwa wamakutu,

ye kedika kakiena mu yandiko.

5. Kansi ukebanga mambu mandi, mu kedika tonda kwa-Nzambi kwamana lunga mu yandi. Mu diambu diodio tuzaidi, vo tuena mu yandi.

6. Wonso uvovele, vo wakidi mu yandi, yandi sika diata yandi kibeni mpe, bonso yandi wadiata.

7. Luzintondolo, kisonene mwina wamonako, kansi mwina wankulu utuena kasi ye vana kintete. Mwina wankulu imambu maluawilu.

8. Diaka ngina sonika mwina wamona kwa yeno wena mambu makedika mu yandi ye mu yeno, kadi tombe kieti lala, ye kia kwakedika kwabongedele tentinia.

9. Wonso uvovele, vo wena mu kia, kansi ubelanga mpangi andi, yandi wena mu tombe nate ye bwabu.

10. Wonso utondele mpangi andi, yandi usikilanga mu kia ye kena ye mfwemosoko.

11. Kansi ubelanga mpangi andi, yandi wena mu tombe ye udiatanga mu tombe ye kazaidi kukakwendangako, kadi tombe kiavonda meso mandi.

12. Lubana, mono nsonekene kwa yeno, buluayambudulwa masumu mu diambu diankumbu andi.

13. Lumase, mono nsonekene kwa yeno, buluzaidi ndiena watukidi muna mbadukulu. Lu-

matoko, mono nsonekene kwa yeno buluabedisa nkwa wambi.

14. Lubana, mono yasonika kwa yeno, buluzaidi se. Luma-se, mono yasonika kwa yeno, buluzaidi ndiena watukidi muna mbadukulu. Lumatoko, mono yasonika kwa yeno, buluena zingolo, ye mambu maNzambi masikila mu yeno, ye yeno luabedisa nkwa wambi.

15. Kalutondani nzako ye bilekwa biena mu nzako. Vo muntu tondele nza, buna tonda kwa se kakwena mu yandiko.

16. Kadi yonso yena mu nza nzinunu zansuni ye zameso ye nza miakivwama kayitukidi mu seko, kansi mu nza.

17. Nza yina fuka ye nzinunu zandi, kansi uvanganga luzolo luaNzambi una sikila mimu mvu mikamimani.

18. Lubana, bwabu lumbu bina zimunina biena, ye bonso buluawa, vo Antikilisto una kwi-za, ye bwabu baAntikilisto balingi batelamene, nkiangunu tuzaidi, vo lumbu bina zimunina biena.

19. Yau bavaika mu yeto, kansi kabakala yeto ntua-diko, kadi vo yau bakala yeto ntua-dingu basala yeto, kansi bava-ika, kidi bamonika, vo kabena yeto ntua-diko.

20. Yeno luena nkusa ya-

nkwa anlongo ye luena nzailu babonsono.

21. Kiasona kwa yeno, bululembolo zaia kedikako, kansi buluzaidikio ye luzaidi, vo makutu mamonsono kamatukidi mu kedikako.

22. Nani inkwa wamakutu? vo kayandiko ukadilanga, vo Yesu iKilisto. Yandi ukadilanga se ye mwana, yandi iAntikilisto.

23. Wonso ukadilanga mwana, kena kwandi ye seko, wonso utanga mwana, yandi wena ye se mpe.

24. Yina yiluawa muna mbadukulu, bika yina yasikila yeno. Vo yina yiluawa muna mbadukulu yina sikila mu yeno buna yeno luna sikila mu mwana ye mu se.

25. Nsilulu yikatusila yandi kibeni iyayi: Moyo usalanga kwele mvu kuvutukidi mvu.

26. Yoyo yasonekene kwa yeno mu diambu diayau baluzimbisa.

27. Ye beno, vo nkusa yiluatambula kwa yandi yisikilanga mu yeno, ye yeno kaluena nsatu alongwa kwa muntuko, kansi bonso bululongwanga yayonso-  
no kwa yina nkusa, ibuna kedika kwandi, kamakutuko, ye bonso bulualongwa kwa nkusa yoyo, ibuna lusikila mu yau.



28. Lubana, lusikila bwabu mu yandi, kidi tuakala kibakala, bukana monika, ye tualembwa kumwena nsoni mu ngizulu andi.

29. Vo luzaidi, vo yandi wena wamfonga, buna luzai, vo wonso uvanganga mfonga, yandi wabutwa kwa yandi.

### Kapu 3.

*Ndubudulu mu kala bantu baNzambi bavedila (1—6). Diswaswana diana vakati ye bana baNzambi ye basatana (7—13). Tonda kwakedika bonso bukweni (14—17) ye bonso butuna tondasana mu kedika (18—24).*

Lutala tonda kuna kwatuvana Nzambi, kidi tuabikwanga bana baNzambi, ye tuenabo mpe. Nkiangunu nza kayikutuzaidiko, kadi yau kayinzaidiko.

2. Luzintondolo, bwabu yeto tubana baNzambi, ye nate ye bwabu kakwazikuswako, bonso butuna kala. Yeto tuzaidi, vo tuna fwanana yandi, bukana monika, kadi tuna mona yandi, bonso bukena.

3. Wonso wena ye vuvu kio kio mu yandi, yandi ukukive-disanga, bonso ndiena wavedila.

4. Wonso uvanganga masumu, yandi uvondanga mina mpe, ye masumu impondolo amina.

5. Ye yeno luzaidi vo yandi wamonika, kidi kakatula masu-

mu ye masumu kamena mu yandiko.

6. Wonso usikilanga mu yandi, yandi kavolanga masumuko, wonso uvolanga masumu, kamweni yandiko ye kanzaidiko.

7. Lubana, kaluzimbuswani kwa muntuko. Wonso uvanganga mfonga, yandi inkwa wamfonga, bonso ndiena wena wamfonga.

8. Wonso uvanganga masumu, yandi watukidi mu satana bukabongidila vola masumu mu na mbadukulu. Nkiangunu mwana aNzambi wamonika, mpasi kabunga mavanga masatana.

9. Wonso wabutwa kwa Nzambi kavanganga masumuko, kadi ntombo zandi zisikilanga mu yandi ye kalendi vola masumuko, kadi kwa Nzambi kabutwa.

10. Mu diambu diodio bana baNzambi ye bana basatana bamonika: wonso ulembolo vanga mfonga katukidi mu Nzambiko ye wonso ulembolo tonda mpangi andi.

11. Kadi mwina uluawa mu na mbadukulu iwau: tuna tondasana.

12. Kabonso Kainiko watuka mu nkwa wambi ye wabema mpangi andi, ye bila kikumbemina? Kadi mavanga mandi makala mambi, kansi manleke andi mamfonga.

13. Luzimpangi, kaluyitu-kwaniko, vo nza yikulubelanga.

14. Yeto tuzaidi, vo tuatuka mu lufwa ye tualuaka ku moyo, kadi tutondanga zimpangi. Wonso ulembolo tonda usikilanga mu lufwa.

15. Wonso ubelanga mpangi andi, yandi imvondi amuntu. Yeno luzaidi, vo mvondi amuntu nkutu kabakidi moyo ukaumani usikila mu yandiko.

16. Mu diadi tuzaidi tonda, vo watuvena mwela andi. Yeto mpe tuabindamene mu vena zimpangi miela mieto.

17. Kansi wonso wenazimbo-ngo zanza yayi ye mweni mpangi andi, vo mweni nsatu, ye ukodese ntima andi mu yandi, buna tonda kwaNzambi bwe kuna sikila mu yandi?

18. Lubana, bika tualembwa tonda mu mambu ye ludimu kansi mu mavanga ye mu kedika.

19. Mu diodio tuzaidi, vo tona mu kedika, ye tulenda vongi-sa mintima mieto mu yandi.

20. Kadi vo mintima mieto mina kututatimisa nkanu, buna Nzambi lutidi mintima mieto mu nene, ye yandi zaidi yayonso-no.

21. Luzintondolo, vo mintima mieto milembolo kututatimisa nkanu, buna tuena kibakala kwa Nzambi,

22. ye yonso yonso yitulo-

mbanga, situa vewa kwa yandi, kadi tukebanga mina miandi ye tuvanganga yina yikazolele.

23. Mwina andi wau: vo tuna leka minu mu nkumbu amwana andi Yesu Kilisto ye tonda-sana, bonso bwena mwina ukatuvana.

24. Wonso ukebanga mina miandi, yandi una sikila mu yandi ye ndiena mu yandi, ye mu diadi tuzaidi, vo usikilanga yeto mu Mpeve yikatuvana.

#### Kapu 4.

*Nduengosolo zatina minkambi miamakutu (1—6). Ndubudulu mu tonda, kadi Nzambi ukututondanga (7—16). Tonda kwalunga (17—21).*

Luzintondolo, kalulekani minu mu yonso yonso mpeveko, kansi lutonta zimpeve, vo zitukidi mu Nzambi, kadi minkambi miamingi miamakutu miavai-ka mu nza.

2. Mu diadi silua zaia Mpeve aNzambi: yonso mpeve yitanga, vo Yesu Kilisto wayiza mu nsuni, yandi tukidi mu Nzambi.

3. Ye yonso mpeve yikayitanga Yesuko, kayitukidi mu Nzambiko, ye yandi impeve aAntikilisto yiluawa, vo yina kwiza, ye yena mu nza bwabu mpe.

4. Lubana, yeno luatukidi mu Nzambi ye luabedisazo, kadi ndiena wena mu yeno lutidi mu nene ye ndiena wena mu nza.

5. Yau ibankwa mianza, nki-angunu bavovanga yina yanza, ye nza yikubawanga.

6. Yeto tuatukidi mu Nzambi. Wonso uzaidi Nzambi, yandi ukutuwilanga. Wonso katukidi mu Nzambiko, yandi kutuwilangako. Mu diodio tuza-idi Mpeve yakedika ye mpeve yanzimbulu.

7. Luzintondolo, bika tuatondasana, kadi tonda kutukidi mu Nzambi, ye wonso utondanga wabutwa kwa Nzambi ye zaidi Nzambi.

8. Wonso katondeleko kaza-idi Nzambiko, kadi Nzambi into-ndi.

9. Mu diadi tonda kwa Nzambi kwazaikuswa mu yeto, vo Nzambi wafidisa mwana andi mosi ukasemunina mu nza, kidi tuavumuna mu wau.

10. Mu diadi mwena tonda. Vo yeto katuatonda Nzambiko, kansi yandi watutonda ye wafidisa mwana andi mu bwila kodi mu masumu meto.

11. Luzintondolo, vo Nzambi watutonda bobo, buna yeto mpe tubindamene mu tondasana.

12. Muntu kasi kamweni Nzambiko. Vo tutondasana, buna Nzambi una sikila mu yeto, ye tonda kwandi kwena kwalunga mu yeto.

13. Mu diodio tuzaidi, vo tusikilanga mu yandi, ye yandi mu yeto, bukatuvana Mpeve andi,

14. ye yeto tuamona ye tuta-tanga kimbangi, vo se diafidisa mwana andi mu kala nlaludi anza.

15. Wonso utanga, vo Yesu imwana aNzambi, mu yandi musikilanga Nzambi ye yandi mu Nzambi.

16. Ye yeto tuzaidi ye tuleke-le minu mu tonda kwena ye Nzambi kwa beto. Nzambi into-ndi, ye wonso usikilanga mu ntongi, yandi usikilanga mu Nzambi, ye Nzambi usikilanga mu yandi.

17. Tonda kwamana lunga mu yeto mu diodio, kidi tua-kala kibakala mu lumbu bina kongudulwa, kadi bonso bukenina, buna tuenina mpe mu nza yayi.

18. Wonga kawenani mu tondako, kansi tonda kwalunga kukubanga wonga, kadi wonga ukwamisanga, ye wonso wena wonga kamana lunga mu tondako.

19. Yeto tutondanga, kadi yandi wateka kututonda.

20. Vo muntu vovele: Mono ntondele Nzambi, ye yandi ubelanga mpangi andi, buna yandi inkwa wamakutu. Kadi wonso katondele mpangi andi yikamweniko, kalendi tonda Nzambi ukalembolo monako.

21. Mwina wau tuatambula kwa yandi: utondanga Nzambi, yandi una tonda mpangi andi mpe.

### Kapu 5.

*Ndubudulu mu tonda Nzambi ye zimpangi (1—5). Kimbangi kianlongo yemenga ye Mpeve (6—12). Ntambudulu andilu amvutu yena kedika (13—17). Nsukulu ankanda (18—21).*

Wonso ulekele minu, vo Yesu iKilisto, yandi wabutwa kwa Nzambi, ye wonso utondanga ndiena wabuta, yandi tondele mpe ndiena wabutwa kwa yandi.

2. Mu diadi tuzaidi, vo utondanga bana baNzambi, butondele Nzambi ye tuvanga nga mina miandi.

3. Kadi tonda kwa Nzambi kwaku, vo tukebanga mina miandi ye mina miandi kamienda zituko,

4. kadi yonso yabutwa kwa Nzambi yibedisanga nza, ye mbedoso yibedisanga nza iyayi: minu kieto.

5. Nani ubedisanga nza vo kayandiko ulekele minu, vo Yesu imwana aNzambi?

6. Yandi wayiza mu nlangu ye mu menga, iYesu Kilisto, kamu nlangu kakako, kansi mu nlangu ye mu menga, ye Mpeve yitanga kimbangi, kadi Mpeve ikedika.

7. Kadi bitatu biena bitanga kimbangi:

8. Mpeve yenlangu yemenga, ye biau bitatu imosi kwandi.

9. Vo tutambulanga kimbangi kiabantu, buna kimbangi kiaNzambi kilutidi mu nene, kadi kimbangi kiaNzambi kiaki: yandi wata kimbangi mu mwana andi.

10. Wonso ulekele mwana aNzambi minu, yandi wena ye kimbangi mu ngudi. Wonso ulembolo leka minu mu Nzambi yandi wansa vo nkwa wamakutu, kadi kalekele minu mu kimbangi kiata Nzambi mu mwana andiko.

11. Kimbangi ikiaki: Nzambi watuvana moyo ukaumani, ye moyo wowo wena mu mwana andi.

12. Wonso wena ye mwana, yandi wena ye moyo, wonso ukondolo mwana aNzambi, yandi ukondolo moyo.

13. Yoyo nsonekene kwa yeno, kidi luazaia, vo luena moyo ukaumani, iyeno lulekele minu mu nkumbu amwana aNzambi.

14. Vuvu kituenina yandi ikiaki: vo tulombanga lekwa yikazolele, buna sika kutuwila.

15. Ye vo tuzaidi, vo yandi ukutuwilanga yonso yituna lomba, buna tuzaidi, vo yina yitulumbele yena yeto, yina yitulombele kwa yandi.

16. Vo muntu una mona, vo mpangi andi yivolele masumu makamafweni mu fwa, buna

sika dila mvutu, ye yandi sika kumvana moyo, ikwa yau bavola masumu makamafweni mu fwa. Masumu mena mafweni mu fwa, kivoveleko, vo luna dila mvutu mu mana.

17. Yonso yambi imasumu, kansi masumu mena malembolo fwana mu fwa.

18. Yeto tuzaidi, vo babonso babutwa kwa Nzambi kabavolanga masumuko, kansi wonso wabutwa kwa Nzambi, yandi

luengele, ye nkwa wambi kana kumvalakanako.

19. Yeto tuzaidi, vo tuatukidi mu Nzambi, ye tuzaidi, vo nza yamvimba yasimbwa kwa nkwa wambi.

20. Kansi tuzaidi, vo mwana aNzambi wayiza ye watuluengisa, kidi tuazaia nkwa wakedika, ye yeto tuena mu nkwa wakedika mu mwana andi Yesu Kilisto. Yandi iNzambi yakedika ye moyo ukaumani.

21. Lubana, lutina biteki!

## Nkanda waYoane wanzole.

*Mpeno ayenge (1—3). Ndubudulu mu tonda (4—6) ye mu tina minlongi mizimbikisanga (7—11). Nsukulu ankanda(12—13).*

Ngudi amuntu kwa nkento wamfumu wasolwa ye kwa bana bandi bantondele kwami mu kedika, kansi kamono kakako, kansi babonso bazaidi kedika mpe,

2. mu diambu diakedika kisikilanga mu yeto ye kina kala yeto mimvu mikamimani.

3. Nlemvo ye kiwuntu ye yenge kwa Nzambi, ise, ye kwa Yesu Kilisto, imwana ase, bina kala yeto mu kedika ye tonda.

4. Mono yayangalala beni, buyamweni mu bana baku yau badiatanga mu kedika, bonso bwena mwina utuatambula kwa se.

5. Nkento wamfumu, bwabu mono ikulombele, kankievo nsonekene mwina wamona kwa Ngeyeko kansi wuna utuenina kasi ye muna mbadukulu, kidi tuatondasana.

6. Tonda ikwaku: vo tudiatanga, bonso bwena mina miandi; mwina iwau, vo luna diata mu tonda, bonso buluawa muna mbadukulu

7. Kadi minzimbikisi mia mi-

ngi miavaika mu nza, imiau milembolo ta vo Yesu Kilisto wayiza mu nsuni, yandi inzimbikisi ye Antikilisto—

8. buna luluenga, kaluidi vidiisa yina yiluabaka mu salu kieno, kansi kidi luabaka nsendo walunga.

9. Wonso una vita ku ntu ye lembwa sikila mu ndongolo aKilisto, yandi kena ye Nzambiko, Wonso una sikila mu ndongolo, yandi wena ye se ye mwana.

10. Vo muntu una luaka kwa yeno ye lembwa nata ndongolo yoyo, kaluntambulani mu nzo-

ko, ye kalunkambani mavimpiko.

11. Kadi wonso una kunkamba mavimpi, yandi wena ntuali ye yandi mu mavanga mandi mambi.

12. Bungiena mambu mamingi mu sonika kwa yeno, kansi kizolelebo vanga mu papila ye ntintako, kansi ngieti banza mu luaka kwa yeno ye moka yeno mu nwa, kidi kiese kieto kinalunga.

13. Bana bampangiaku yanke-nto yasolwa bakufidisi mavimpi.

## Nkanda waYoane wantatu.

*Mbadukulu (1—2). Yoane wayangalala mu diambu diaNgayo ye wazola, vo sika tambula zimpangi zina kwiza (3—8); wakala kiadi mu diambu diaDiotelefa (9—11), kansi wasika Demetelio (12). Nsukulu ankanda (13—15).*

Ngudi amuntu kwa Ngayo watondwa untondele kwami mu kedika.

2. Untondolo ami, nzolele kwami vo ngeye una toma nitu ye kala mavimpi, bonso butomene mwela aku.

3. Kadi kiese kiakingi kiakala yami, zimpangi buzayiza ye zata kimbangi mu kedika kiena

yaku, bonso buudiatanga mu kedika.

4. Kiese kilutidi mu nene kiena yami ikiaki, buiwanga, vo bana bami badiatanga mu kedika.

5. Untondolo ami, ngeye wena wakwikama mu yonsono yiuva-nganga kwa zimpangi, izinzenza kwandi,

6. ye yau bata kimbangi mu tonda kwaku mu dibundu. Ngeye una vanga bwambote, vo una kubafidisa mfidusulu yifweni mu Nzambi.

7. Kadi mu diambu dianku-

mbu yoyo, yau bayenda ye kabatambula lekwa kwa banzenzako.

8. Nkiangunu yeto tubindamene mu tambula bantu bena bobo, kidi tuakala bisadi yau mu kedika.

9. Mono yasonekene mambu kwa dibundu, kansi Diotelefa, uzolele kala kota beni, katutambulangako.

10. Nkiangunu vo ngina kwi-za sia kumbambula moyo mu mavanga makavanganga, bukakutukelanga mu mambu mambi, kansi kabobo andi kakako, yandi kibeni katambulanga zim pangiko ye ukanikinanga bazolele kubatambulanga ye uku-  
bakubanga mu dibundu.

11. Untondolo ami, kuvuku-

mukinani yambiko, kansi yambote. Wonso uvanganga yambote yandi watukidi mu Nzambi; wonso uvanganga yambi, yandi kamweni Nzambiko.

12. Demetelio utelwanga kimbangi kwa babonsono ye kwa kedika kibeni; yeto mpe tutanga kimbangi, ye uzaidi, vo kimbangi kieto kiena kiakedika.

13. Yayingi yena yami mu sonika kwa ngeye, kansi kizoleleyo sonika kwa ngeye mu papila ye lapiko.

14. Kansi mono ibanzanga, vo ngina kumona nswalu, ye buna tuna moka yaku mu nwa.

15. Yenge kiakala yaku. Bakundi bakufidisi mavimpi. Fidis a bakundi mavimpi muntu muntu.

## Nkanda waYakobi.

### Kapu 1.

*Mbadukulu* (1). *Ndubudulu mu tatamana* (2—11) *ye mu lombu minu* (5—8). *Kiese kiababumputu ye kiadi kiabamrwama* (9—11). *Monso mutukanga nsindusulu* (12—18). *Ndubudulu kwa baleka minu mu vanga mina* (19—27).

Yakobi, inanga waNzambi ye Mfumu Yesu Kilisto, kwa

kumi ye makanda mole masansukuswa. Lukala kiese.

2. Luzimpangi zami, lubanza vo ikiese kiakionsono bulusindusulwanga nsidusulu zampila mu mpila,

3. buluzaidi, vo yayonsono yitontanga minu kieno yitukanga mvibudulu.

4. Kansi mvibudulu bika yakala salu kifweni, kidi lua-fwana ye lualunga ye lembwa sala ku nima.

5. Kansi buna luena, vo muntu kondolo nduka, bika kalombazo kwa Nzambi, uva-nanga kwa babonso mu kimpombo ye katiakangako, ye sikazo vewa.

6. Kansi bika kalomba mu minu, kana kala mabanza moleko, kadi wonso wena mabanza mole ufwana ye mbula yambu yidiatuswanga ye yitubwanga kwa mpeve.

7. Kadi muntu wowo kana banzako, vo sika vewa lekwa kwa Mfumu.

8. Yandi imuntu wena nti-ma miole ye bonso bonso mu zinzila zandi zazonsono.

9. Kansi yonso mpangi ya-yinama, bika kakisika mu yindu diandi.

10. Kansi nkwa akimvwama kakisika mu luyinunu luandi, kadi yandi una lala nkievo bifulu biabititi.

11. Kadi ntangu yatubuka ye mbangazi andi ye yayumisa bititi, ye bifulu biau biasotuka, ye ntoko zau zabiza zalala, ibuna muntu wamvwama una lengila mu zinzila zandi.

12. Kiesa kiena ye muntu uyibidilanga nsindusulu, kadi bukamana tontwa sika tambula

mpu amoyo, yasila Nzambi kwa bakuntondele.

13. Muntu kana vovako, bukana sindusulwa: Mono isidusulwanga kwa Nzambi. Kadi Nzambi kasidusulwanga kwa yayibiko, ye yandi kibeni kasidisilanga muntuko.

14. Kadi wonso muntu usindusulwanga, bukatuntwanga ye lebwanga kwa zandi nzinunu.

15. Nkiangunu nzinunu buya-yaka, yau yibutanga masumu, kansi masumu bumalungidi, buna mau mabutanga mfwilu.

16. Luzimpangi zami zatontwa, kaluzimbalaniko.

17. Minkailu miamionsono miabiza ye minkailu mianlemvo miamionsono mialunga mitukanga mu ntandu ye mikulumukanga kwa se diakia dikadiena mpilulu nkutuko vo kini kimpiluzukako.

18. Mu luzolo luandi yandi watubuta mu mambu makedika, kidi tuakala bonso mintekidi mialekwa biandi biavangwa.

19. Nkiangunu luzaidibo, luzimpangi zami zatondwa, kansi bika bantu babonso bakala nzaki zawila, kansi fuki mu vova ye fuki mu nganzi.

20. Kadi nganzi zamuntu kazivanganga mfonga za Nzambi ko.

21. Nkiangunu lubembika mvindu yayonso ye mbidi aya-



mbi ye lutambula mu kimpombo mambu makunwa malenda tanina miela mieno.

22. Kansi luna vanga mambu, kaluwanganimo kakako, kadi silua kukipupika.

23. Kadi vo muntu uwanga mambu kaka, kansi kavanganamoko, yandi fwanane ye muntu utalanga zizi kianitu andi mu lumweno,

24. kadi yandi wakitala ye wakatuka ye ntumbu vilakana, bonso bukakadidi.

25. Kansi wonso watala mu mina miandungila, imina miampulusu, ye watatamanamio ye kawanga mu dibako, kansi usalanga salu, yandi una kala kiese mu mavanga mandi.

26. Vo muntu weti banza, vo usadilanga Nzambi bukalembolo yala ludimiluandi, kansi upupikanga ntima andi, yandi usadilanga Nzambi mu nkatu.

27. Nsadulu aNzambi yena yavedila ye yikondolo mvindu mu Nzambi ye dise iyayi: bumina kwa bana bakondolo mase ye kwa mafwola mu mpasi zau ye kukikeba, kwidi siwa mvindu kwa nza.

## Kapu 2.

*Muntu kana swaswasa bantuko (1—13). Diwaswana diena ye minu kiyavumuna ye minu kiafwa (14—26).*

**Luzimpangi zami, bululeka**

minu mu Yesu Kilisto, Mfumu eto anzitusu, kaluvuminani ziziko.

2. Kadi vo muntu una kota mu nzo adibundu dieno wena kimpambu kiawola mu koko ye mvwatu wacema, kansi muntu wabumputu mpe una kota wena mvwatu wamvindu,

3. ye lueti tala ndiena uvweti mvwatu wacema, ye luvovele kwa yandi: Ngeye vwanda vava vena vabiza, ye luvovele kwa muntu wena bumputu: Ngeye telama koko vo vwanda vava va mfiduku amalumi,

4. buna vele yeno luswaswana beno kibeni ye lukongudila mu mabanza mambi.

5. Luzimpangi zami zatondwa luwa, kadi Nzambi kasolele bantu babumputu mu nza yayikoe mu kala kimvwama kaminu ye mimvingidi miakimfumu kikasila bakuntondanga?

6. Kansi yeno lutungudilanga bantu bena bumputu. Bakulukwamisanga ye bakuluvwanga mambu, kadi yau kaibankwa kimvwamakoe?

7. Kadi batiakanga nkumbu yabiza yilubikwanga, kadi kaya ukoe?

8. Nkiangunu vo lumana mwina wau waMfumu, bonso bwasonwa: Ngeye una tonda woyaku bonsongeye kibeni, buna luvanga bwambote.

9. Kansi vo luvuminanga zizi, buna luvengi masumu ye lubanguswa kwa mina bonso mimvondi miamina.

10. Kadi ndiena uvanganga mina miamionsono kansi vondele mwina umosi, yandi wena nkanu kwa mina miamionsono.

11. Kadi ndiena wavova: Kuyanganiko, yandi wavova mpe: Kubemaniko, nkianganu vo ulembolo yanga, kansi ubemene, buna ngeye imvondi amina.

12. Luvova ye luvanga, bonso bufweni mu yau bana kongudulwakwamina miampulusu.

13. Kadi yau balembolo sa kiwuntu, bana kongudulwa va kondolo kiwuntu. Kiwuntu kikukisikanga va kongudulwa.

14. Luzimpangi zami, nki andandu vo muntu una bika, vo minu kiena yandi, kansi kondolo mavanga? Kadi minu kina kulalule?

15. Vo mpangi vo busi bena mpene ye bakondolo dia kwalumbu mosi nkutu,

16. kansi mosi mu yeno una vova kwa yau: Luenda mu yenge, luyotila, luyukuta, kansi yeno lulembolo kubavana kibeni na nsatu mu zinitu zau, buna yoyo aki antomono?

17. Ibuna minu kiena kiau mu kiau kibeni, vo kikonkondolo mavanga.

18. Kansi muntu sika vova:

Ngeye wena minu, ye mono ngiena mavanga. Unsonga minu kiaku kikondolo mavanga, ye mono ngina kusonga minu kiami mu mavanga.

19. Ngeye lekele minu, vo Nzambi imosi; buna bwambote usidi. Zimpevezambi zilekilanga-bo minu ye zikamanga nitu.

20. Kansi ngeye umuntu wamavanga mankatu, uzolele kwaku zaye, vo minu kikondolo mavanga kakiena ngoloko?

21. Abalami, iseto, kadi kafonguswa mu diambu diamavangakoe, bukatuala mwana andi Isaki va ntandu adisalu?

22. Ngeye mweni, vo minu kiansadisa mu mavanga mandi, ye minu kialunguswa mu mavanga,

23. ye masonukwa mayenda detila mavovele: Abalami walekila Nzambi minu, ibuna katangulwa mfonga andi, ye yandi wabikwanga nkundi aNzambi.

24. Yeno lumweni, vo muntu wafonguswa mu mavanga ye kamu minu kakako.

25. Kadi ibuna mpe Lakabi nsuza, kadi kafonguswa mu mavangakoe, bukatambula zintumwa ye vaikisazo nzila yankaka?

26. Kadi bonso bwena nitu yikondolo mpeve yifwidi, ibu-

na minu kikondolo mavanga kifwidi mpe.

### Kapu 3.

*Nduengosolo zatina sadila ludimi bonso bonso (1—12) ye mu tina nzonsa ye makabu (13—18).*

Luzimpangi zami, kalukalani minlongi beno babingiko, kadi yeno luzaidi, vo tuna luta kongudulwa nadede.

2. Kadi yeto tukusumukanga mu biampila mu mpila beto habonsono. Vo muntu lembolo kusumuna diambu nkutu, buna yandi imuntu walunga ye lenda yala nitu andi yamvimba.

3. Tala, vo tutulanga luvaumbu mu minwa miabakavalu, kidi batutumamana ye tusungikilanga bobo zinitu zau zamvimba;

4. tala, nzaza mpe zena zazinene ye zidiatuswanga kwa mpeve zangolo zisungukwanga kwa bindukulu kiakike konso konso kuzolele ndiena usimbidi bindukulu;

5. ibobo mpe ludimi ikiela kiakike, ye luau lulenda tutila lekwa biabinene mbaya. Tala, fintia-ntia bonso bufilenda kwiaka mfinda yayinene.

6. Ludimi mpe itia. Bonso nza abilekwa bilembolo songa bwena ludimi mu biela bieto, iluau lusambukisanga nitu ya-

mvimba ye lukwikanga nkadulu amoyo, luau kibeni buluakwikwa kwa nkadi mpemba.

7. Kadi bulu biabionsono ye bulu biamalu maia ye zinu ni ye bindekwa ndekwa biza-nzalanga ye bianlangu bitolulwanga ye biatolulwa mu ngolo zamuntu,

8. kansi muntu nkutu kalandi tolula ludimiko, luau ima kiambi kilembolo dingama ye kizedi kwa nsa mivondanga.

9. Mu ludimi yeto tusakumunanga Mfumu ye dise, ye mu luau tutumbanga bantu bavangwa mu kizumunu kiaNzambi.

10. Mu nwa umosi muvavikanga tusakumunu ye tutumbulu. Luzimpangi, kabuna kalako.

11. Kadi nkelo ulelumunanga nlangu wabiza ye nlangu wandudi mu mwasi umosie?

12. Luzimpangi zami, kadi nti wakuyu ulenda buta bana banti wamazie, ye nti wavinia bana banti wakuyu? Nkelo wena mungwa kaulendi vana nlangu wanzanzako.

13. Buna luena, nani wena waduka ye luengele? Bika kasonga mu ndiatulu andi yabiza mavanga mandi mu nduka zannlembami.

14. Kansi vo luena nsoki miambi ye nzonsa mu mintima

mieno, buna kalukukisikani mu kedikako ye kaluvunaniko.

15. Nduka zozo kazatukidi mu kayengeleko, kansi zitukidi va ntoto ye mu nitu ye mu zimpeve zambi.

16. Kadi vena nsoki ye nzoza, ivana vena bonso bonso ye yambi yayonso.

17. Kansi nduka zitukidi mu kayengele zena zavedila ye yenge ye kimpombo ye nlembami ye zizedi kwa kiwuntu ye mibutu miabiza ye zilembolo kala bonso bonso ye zikondolo disu kansi alukaya.

18. Kansi mibutu miamfonga mikunwanga mu yenge kwa yau bavanganga yenge.

### Kapu 4.

*Ndubudulu mu lembwa vira nsoki ye zonga ye kela (1—12) ye mu lembwa sa vuvu mu kiambazi (13—17).*

Mvita ye nzonga biena yeno, kwe bitukidi? Kadi kamu nzinunu zeno zinwaninanga mu biela bienokoe?

2. Yeno luzinina moyo ye kalubekiko, yeno luvondanga ye luvwisasana nsoki ye kalubeki ndanduko. Yeno lutontanga ye lunwananga, kansi kalutambudi lekwako, kadi kalusambilangako.

3. Yeno lulombanga ye kalutambulanga lekwako, kadi ka-

lutomene lombako, kidi luasabio bumpumbulu mu nzinunu zeno.

4. Yeno luvondanga longo, kadi kaluzaidikoe, vo kikundi kianza ikitantu kia Nzambi? Nkiangu nu wonso uzolele kala nkundi anza, yandi ukisa ntantu a Nzambi.

5. Kani lubanzanga, vo masonukwa mena mankatu, bu-mavovele: Mpeve yena mu yeto yena kwa di ngunda zavema.

6. Kansi nlemvo ukavanganu ulutidi mu nene, nkiangu nu mwasonwa: Nzambi ukakidilanga bankwa miamayama, kansi yandi ulemvukilanga bakiyina.

7. Nkiangu nu lutumama kwa Nzambi. Lukakidila satana, ye yandi una taba mu yeno.

8. Lufinangana ye Nzambi, ye yandi una kulufinangana. Lubankwa miamasumu, luvedisa moko meno ye luvedisa mintima mieno, lubantu bena ntima miole.

9. Luzaia yambi yena yeno ye lukala kiadi. Ludila; yangalala kweno kuna kituka ncita, ye kiese kieno kina kituka mbwisu amoyo.

10. Lukukiyina kwa Mfumu, ye yandi una kulubalula.

11. Luzimpangi, kalukelasaniko, kadi kelele mpangi andi vo kongodele mpangi andi, yandi ukelanga mina ye ukongudila-

nga mina, kansi vo ukongudilanga mina, buna kwena mvangi aminako, kansi nkongudidi.

12. Mveni amina ye nkongudidi iumosi, indiena ulenda lalula ye bunga. Kansi ngeye unani kwaku ukongudilanga wakyaku?

13. Kansi lutala yeno luvovanga: Lumbu ki vo mbazi tuna kwenda ku vata diodio, ye kuna situa kala mvu ye kita ye baka ndandu—

14. yeno kaluzaidi, buna kala mbaziko, kadi mioyo mieno bwe miena? Yeno imwisi umonekene fintangu-ntangu mboki uledi—

15. yeno lukutu vova: Vo Mfumu zolele, tuna vumuna ye sa bwabu ye ebu.

16. Kansi bwabu yeno lukukisikanga mu mayama meno. Neikulu zazonsono zampila yoyo zena zambi.

17. Nkiangunu wonso uzaidi vanga yambote ye lembolo, volele masumu.

### Kapu 5.

*Nsembolo kwa bamvwama (1—6). Ndubudulu mu vibidila (7—11) ye mu tina dia ndefi (12). Bonso buna dilwa mvutu mu bena yela (13—18) ye bonso buna longwa bazimbala (19—20).*

Kansi tala bwabu, luba-nkwa kimvwama, ludila ye lu-

yaula mu ncita zeno ziluna bwanwa.

2. Kimvwama kieno kibolele, ye minlele mieno miadilu kwa zinkinia.

3. Wola ye palata bieno biadiwa kwa nkazu-nkazu, ye nkazu-nkazu zabiazi una kala mu kimbangi kwa yeno ye zina dia nsuni mieno nkievotia. Yeno luayonzেকেle mbongo mu lumbu biazimunina.

4. Tala, nsendo abisadi bina biayonzেকেle mbongo zeno inu mavia, insendo uluabayimina, weti boka ye mbokolo abisadi biambongo yawakane mu matu maMfumu Sebaoti.

5. Beno luasidi kindila vamtoto ye luavumunina mu kindiafu, yeno luavulukisa mintima mieno mu lumbu kiampondolo.

6. Yeno luakongudila nkanu ye luabema nkwa amfonga. Yandi kalukakidilako.

7. Nkiangunu luzimpangi, luvibidila nate ye ngizulu aMfumu. Tala mvati anavia uvingilanga mbongo zabiza zantoto ye weti vekamana nate ye zina wewa mvula zantombo ye mvula zandolo.

8. Yeno mpe luvibidila kwenno, lusiamisa mintima mieno, kadi ngizulu aMfumu yena lukufi.

9. Luzimpangi, kaluvumuki-

nani muntu ye kwa wayandiko, mpasi kaluakongudulwako. Tala, nkongudidi wena va mwelo.

10. Luzimpangi, lutala ye luvukumukina minkambi mu kwama ye mu vibidila, miau miavova mu nkumbu aMfumu.

11. Tala, yeto tusikanga yau bamana vibidila vo bena kiese. Yeno luawilu mu mvi-budulu aYobi, ye nsukulu andi yikavewa kwa Mfumu yeno luamweniyo, kadi Mfumu wena kimvwama kiatonda ye kiwuntu.

12. Luzimpangi zami, mu yayonsoo kaludiani ndefiko, kamu dizuluko, vo mu ntoto, kandefi yankakako, kansi inga diano diakala inga, ye ve diano diakala ve, kaluidi kongudulwa.

13. Vo muntu wena yeno una lungwa mu yambi, bika kasambila. Vo muntu uyangalala, bika kayimbila minkunga.

14. Vo muntu wena yela, bika katedisa ngudi zadibundu mbila, ye yau bana kundila mvutu ye kunkusa mazi mu nkumbu aMfumu.

15. Ndidulu aminu yina vukisa ndiena wena yela, ye Mfumu una kuntedimisa. Vo wavola masumu inpe, sikamo yambudulwa.

16. Nkiangunu lukambasana minkanu mieno ye ludilasana mvutu, kidi luaniaka. Ndidulu amuntu wamfonga yena yangolo, buyeti sala.

17. Elaya wakala muntu, anitu yimosi bonso beto. Yandi walomba mu lusambulu, vo kakuna noka mvulako, ye nivula yalembwa noka va ntoto mvu miutatu ye ngonda zisambanu.

18. Yandi wavutuka lombaa, ye zulu dianokisa mvula, ye ntoto wamenisa mbongo zandi.

19. Luzimpangi zami, vo muntu wena yeno una zimbala mu kedika, ye muntu una kumbangumuna,

20. yandi una zaia, vo wonso una bangumuna nkwa amasumu mu nzila andi yanzimbulu, yandi una tanina mwela mu lufwa ye fuka nkati amasumu.

## Nkanda waYuda.

*Mbadukulu (1—2). Ndubudulu mu sikila mu minu kiakedika (3—4). Nkongodolo za Nzambi mu badimbula minu (5—7). Bonso bwenina minzimbisi 8—16). Ndubudulu mu sikila mu*

*inambu mazintumwa ye mu tonta bangumuna bamana zimbala (17—23). Nsikulu a Nzambi (24—25)*

Yuda, inanga waYesu Kili-

sto kansi mpangi a Yakobi, kwa babokulwa batondwa kwa Nzambi, ise, ye bakutulwa mu Yesu Kilisto.

2. Kiwuntu ye yenge ye to-nda bika bianieka mu yeno!

3. Luzintondolo, bunsavukidi mu sonika kwa yeno mu ndalulu eto yantuadi, buna yakwikama mu sonika kwa yeno mu kululubula, vo luna nwana mu diambu diaminu kiavewa bantu banlongo kiamakulu.

4. Kadi bantu bankaka bayelomokene mu nsweki mu yeno—bakisonukunwa ntama mu nkongodolo yayi—ibantu bakondolo vumi kiaNzambi ye bavilula nlemvo aNzambi mu bimpumbulu, ye bakadilanga nyadi eto umosi kaka ye Mfumu Yesu Kilisto.

5. Kansi mono nzolele kulubambula moyo, iyeno luazaia yayonsono kiamakulu, vo Mfumu bukakivulusila bantu bandi mu nsi aNgipiti, mboki kabunga babana balembwa leka minu.

6. Ye zimpofi zina zalembwa keba kikuluntu kiau, kansi zasisa yau nzo, wabakebisa mu tuvambu tukatamani mu tombe, nate ye lumbu, kiakinene kina kongudulwa.

7. Bonso Sodoma ye Ngomola ye mavata makimfini mata kintengi mpila mosi ye yau ye manama mu nsuni mianzenza, mau me-na kimbangi kwa yau mu mvu-

tulu andinda mu tia tukatuzimi.

8. Bonso bobo buvanganga baba mpe mu ndozi zau: basambukisanga nsuni, batinguna kimfumu, bayweza nzitusu.

9. Kansi Mikaeli, inkuluntu azimpofi, bukazonza ye satana mu nitu aMose, buna watina mu kumbika nkongodolo amvwezolo, kansi wavova: Mfumu kakuvutudila ndinda!

10. Kansi babana bayweza-nga yayonsono yibalembolo zai-ia, kansi yayonsono yibazaidi mu nitu bonso bibulu bikondolo madiela, mu yoyo yau bakibunganga.

11. Engwa yau, kadi badi-ata mu nzila yaKaini, ye mu diambu diansendo yau batatama-na mu nzimbusu zaBalami ye babungana mu nkindu aKole.

12. Yau imasona mansoni mu mbuluku mieno miamatondo, bubadia yeno ye lembwa tina, ye bayukuta, yau imatuti makondolo nlangu makwenduswanga kwa zimpeve, yau iminti mikondolo bana bonso mu sivu, miafwa mfwa zole ye miavuzwa ye mianzi,

13. yau imbula zanganzi zambu zitubanga mafulufulu mansoni zayau kibeni, ye zimbwetete zanzimbulu zalundulwa to-mbe kiampiuki mimvu mikamimani.

14. Enoki, wakala mu mba-

ndu yansambodia zatuka mu Adami, wakamba mu yau ye wavova: Tala, Mfumu wayizidi ye mafunda mamakabu mabantu bandi banlongo,

15. mu kongudila babonsono ye vutula ndinda kwa bobo bakondolo vumi kiaNzambi mu diambu diamavanga mamonsono mambi mabavanga ye mu diambu diamambu mamonsono mangolo mabavova kwa yandi, ibankwa miamasumu bakondolo vumi kiaNzambi.

16. Bantu babana babomanga ye bakukiyaudilanga ye badiatanga mu nzinunu zau, ye minwa miau mivovanga mayama mangolo, ye bakembanga bantu mu baka ndandu.

17. Kansi luzintondolo, lubambuka moyo mu mambu makivovulwa kwa zintumwa za Mfumu eto Yesu Kilisto.

18. Kadi zau zavova kwa yeno: Mu lumbu bina zimuni na muna kwiza mintiaki mina diata, bonso bwena nzinunu zau zambi.

19. Yau ibabana batubanga nzonza ye bankwa miansuni ye bakondolo Mpeve.

20. Luzintondolo, kansi yeno lukukitunga mu minu kieno kianlongo ye nlongo ye lusambila mu Mpeve yanlongo,

21. ye lukukikeba mu tonda kwa Nzambi ye luvingila kiwuntu kiaMfumu eto Yesu Kilisto mu moyo ukaumani.

22. Luleba bankaka bena mananza mole,

23. kansi lutanina bankaka bulukubazamuna mu tia, lufwila bankaka kiwuntu mu wonga, lubela kinkuti kianitu kiasiwa mvindu kwa nsuni.

24. Kansi yandi ulenda kulukeba, kaluidi bwa, ye kulutuala ye kondwa masona ku nzitusu andi mu kiese,

25. yandi kaka Nzambi ye nlaludi eto mu Yesu Kilisto, bika kazituswa ye kala ngolo ye lulendo kuntu alumbu biamionsono ye bwabu ye mu mimvu miamionsono mikamimani. Amen.

## Nzaikusu aYoane.

### Kapu 1.

Mbadukulu (1—3); mpeno ayenge (4—6). Ngizulu aMfumu yasamunwa

(7—8). Yoane wamona Yesu ye wakambwa kasonika (9—20).

Nzaikusu aYesu Kilisto ya-



mvana Nzambi mu songa kwa minanga miandi, yonso yina vanywa nswalu; ye mu mpofi andi yikafidisa, yandi wazaikisayo kwa nanga andi Yoane,

2. wata kimbangi mu mambu maNzambi ye kimbangi kiaYesu Kilisto, yina yayonsono yikamona.

3. Kiese kiena ye muntu utanganga ye uwanga mambu malukambulu luanzaikusu ye ukebanga masonukwa mu luau, kadi ntangu yena lukufi.

4. Yoane kwa mabundu nsambodia mena mu Asia. Bika nlemvo wakala yeno ye yenge kiandiena wena ye wakala ye una kwiza ye yenge kiazimpeve nsambodia zena va kiandu kiandi,

5. ye kiaYesu Kilisto, imbangi yakwikama, wateka butwa mu bafwaye mfumu azimfumu zantoto. Yandi ukututondanga ye watuvulusa mu masumu meto mu menga mandi

6. ye watuvanga kimfumu ye minlongi mu Nzambi ye diandise, bika kazituswa ye kala ngolo mimvu mikamimani kwele mvu kuvutukidi mvu. Amen.

7. Tala, yandi una kwiza mu matuti, ye meso mamonsono mana kuntala, ye yau bansoka dionga ye makanda mamonsono mantoto mana kunyaudila. Inga, amen.

8. Mono ngiena A ye O, buvovele Mfumu Nzambi, iyandi wena ye wakala ye una kwiza, inkwa atulendo tuatonsono.

9. Mono Yoane, impangieno, ye ngiena ntuadi ye yeno mu ncita ye kimfumu ye mvibudulu mu Yesu, mono yakala va sanga kibikwanga Patamo mu diambu diamambu maNzambi ye kimbangi kiaYesu.

10. Mono yakala mu Mpeve mu lumbu kiaMfumu ye yawa ndinga yayinene ku nima, nkievo mpungi akulumeta,

11. yavova: Yonso yiumweni, nasoni kwaku mu nkanda ye fidisawo kwa mabundu nsambodia mena mu Efeso ye Similana ye Pelengamo ye Tiatila ye Salade ye Filadelfia ye Laodikea.

12. Ye mono yabangumuka mu tala ndinga yavova. Buyabangumuka, buna yamona bikebobo nsambodia biawola biaminda.

13. Ye mu monakanda diabikebobo nsambodia biaminda mosi wafwanane ye mwana amuntu wavwata yunga ye wakanga mponda yawola va ntulu andi.

14. Kansi ntu andi ye nsuki zandi biakala biampembe nkievo mika miampembe, nkievo mvula yampembe, ye meso ma-

ndi makala nkievo nlemo atia.

15. Ye malu mandi makala nkievo nsongo yasiwa nanzo kwa tia, ye ndinga andi nkievo ndinga anlangu miamingi.

16. Ye mu koko kwandi kwalubakala yandi wasimba mbwetete nsambodia, ye mu nwa andi mwawaika sabala kiakala meno beni yekuyeku, ye zizi kiandi kiakala, bonso ntangu, buyite-ntinanga mu zingolo zandi.

17. Ye buyamona yandi, mono yabwa va malu mandi nkievo yafwa, ye yandi watula koko kwandi kwalubakala va mono ye wavova: Kutinaniko; mono intekidi ye nzimunini,

18. ye mono ivumunanga ye mono yafwa, ye tala, ivumunanga mimvu mikamimani kwele mvu kuvutukidi mvu, ye mono ngiena ye nsabi zalufwa ye nsi alufwa.

19. Nkianguu sonika yiu-mweni, ye yina yena bwabu, ye yina yina vangwa diaka,

20. imbangudulu yaswekwa yambwetete nsambodia ziumweni mu koko kwami kwalubakala ye bikebolo nsambodia biawola biaminda. Mbwetete nsambodia impofi nsambodia zamabundu, ye bikebolo nsambodia biaminda imabundu nsambodia.

## Kapu 2.

*Nkanda kwa dibundu mu Efeso (1—7), kwa dibundu mu Similana (8—11), kwa dibundu mu Pelengamo (12—17), kwa dibundu mu Tiatila (18—29).*

Sonika kwa mpofi adibundu diena mu Efeso: Edi divovele ndiena usimbidi mbwetete nsambodia mu koko kwandi kwalubakala ye udiatanga va kati abikebolo nsambodia biaminda:

2. Nzaidi kwami mavanga maku ye salu kiaku ye mvibudulu aku, vo ulebana vibidila yambi ye watonta yau bakukivovilanga, vo yau izintumwa, kansi kabenaboko, ye ngeye wamweni, vo yau ibankwa miamakutu.

3. Ye ngeye wena ye mvibudulu ye wavibidila mu diambu diankumbu ami ye kwabebeleko.

4. Kansi diambu diadi diena yami mu nitu aku, vo ngeye wayambudi tonda kwaku kwantete.

5. Nkianguu bambuka moyo mu buma buwasotukina ye vilula diela ye vanga mavanga maku mantete, vo kabwako, ngina luaka nswalu ye katula kebolo kiaku kiamwinda mu vuma kiandi, vo una lembwa vilula diela.

6. Kansi yayi yena yaku, vo ubelanga mavanga maba Nikolaita, maibelanga mpe.

7. Wonso wena matu, bika

kawa yivovele Mpeve kwa ma-bundu. Wonso una vingana va ntandu, sia kumvana kadia bana banti wamoyo wena mu lumbu luaNzambi.

8. Ye sonika kwa mpofi adibundu diena mu Similana: Edi divovele watekila ye wazimunina, iyandi wafwa ye uvumunanga.

9. Nzaidi kwami ncita zaku ye bumputu bwaku— kansi ngeye wena kimvwama— ye mvwezolo yiuwwezulwanga kwa yau bavovele, vo yau ibayudayo, kansi kabenaboko, kansi lukutukunu luasatana.

10. Kutinani yina yiuna lungwako. Tala, satana una tula beno bankaka mu kebolo, kidi luatontwa, ye yeno luna kala kiadi kumi dialumbu. Kwika ma kwaku nate ye mfwilu, ye mono ngina kuvana mpu amoyo.

11. Wonso wena matu, bika kawa yivovele Mpeve kwa ma-bundu. Wonso una vingana va ntandu kana biva nitu kwa lufwa luanzoleko.

12. Ye sonika kwa mpofi adibundu diena mu Pelengamo: Edi divovele ndiena wena ye sabala kiena meno beni yeku-yeku.

13. Nzaidi kwami kuwena, ikwena kiandu kiasatana. Ngeye utatamananga nkumbu ami ye walembolo kala minu kiami mu bina lumbu Antipa, imbangi ami,

nkwikami ami, bukavondwa mu yeno mwena satana.

14. Kansi mambu mafiuma mena yami mu nitu aku, vo ngeye wena ye bankaka batatamana ndongolo aBalami walonga Balaki mu tonta ksumuna bana baIsaleli mu dia minkailu miasalu diabiteki ye yanga.

15. Ibuna ngeye wena ye bankaka batatamana bobo mu ndongolo abaNikolaita mpe.

16. Vilula diela diaku, vo kabwako, sia luaka kwa ngeye nswalu ye kubanwanisa mu sabala kianwa ami.

17. Wonso wena matu, bika kawa yivovele Mpeve kwa ma-bundu. Wonso una vingana va ntandu, sia kumvana mana kiaswekwa, ye mono sia kumvana tadi diampembe ye nkumbu yamona yasonama va tadi diodio. Nkumbu yoyo muntu kanayo zaiako, kansi ndiena unayo vewa.

18. Ye sonika kwa mpofi adibundu diena mu Tiatila: Edi divovele Mwana aNzambi wena meso mandi nkievo nlemo atia ye malu nkievo nsongo.

19. Nzaidi kwami mavanga maku ye tonda kwaku ye minu kiaku ye salu kiaku ye mvibudulu aku ye mavanga maku, mazimunini malutidi mamana mantete.

20. Kansi diambu diadi diena yami mu nitu aku, vo uyambu-langa nkento Yesabeli uvovanga, vo yandi inkambi, ye ulonganga ye usindisilanga minanga miami mu yanga ye mu dia bina biayokwa mu biteki.

21. Ye mono yamveni ntangu, kidi kavilula diela diandi, ye kazolele vilula diela diandi mu yangako.

22. Tala, mono sia kunsava ntanda mu yela ye kwama kwakwingi kwa banyangila, vo kabana vilula madiela mu mavanga mauko.

23. Ye bana bandisia vonda ye mabundu mamonsoo mana zaia, vo mono indiena ubakulanga nsekenia ye mintima, ye mono sia kuluvana muntu ye mandi mavanga, bonso bumenina.

24. Kansi mono mpovele kwa beno bankaka bena mu Tiatila babo balembolo kala ndongolo yoyo ye balembolo zaia mpiinda zasatana, bonso buvovwanga, kina kwami kulutwika zitu kiankakako.

25. Kansilusimba yina yena yeno nakekete, nate ye ngina kwiza.

26. Ye wonso una vingana va ntandu ye vanga mavanga mami nate ye nsukulu, sia kumvana zingolo mu banzenza—

27. ye yandi una kubavunga mu nkawa wasengwa, bonso

bubulwanga binzu biatubumba—bonso buyavewa kwa samji,

28. ye mono sia kumvana mbwetete yansuka.

29. Wonso wena matu, bika kawa yivovele Mpeve kwa mabundu.

### Kapu 3.

*Nkanda kwa dibundu mu Salade (1—6), kwa dibundu mu Filadelfia (7—13), kwa dibundu mu Laodikea (14—22).*

Ye sonika kwa mpofi adibundu diena mu Salade: Edi divovele ndiena wena ye mpeve nsambodia zaNzambi ye mbwetete nsambodia: Nzaidi kwami mavanga maku, vo wena nkumbu, vo weti vumuna, ye wena wafwa.

2. Sikama ye siamisa bankaka bakala mu fwa, kadi kiawweni mavanga maku mafwana kwa Nzambi amiko.

3. Nkiangunu bambuka kwa ku moyo, bonso buwavewa ye wawa. Kebabo ye vilula diela diaku! Nkiangunu vo kwasikameneko, sia kwiza nkievo mwi vi ye kuna zaia ntangu yingina luaka nkutuko.

4. Kansi nkumbu zafiuma zena yaku mu Salade zilembolo finzula mvwatu miao, ye yau bana diata yami mu mvwatu miampeinbe, kadi yau bafwenimio.

5. Wonso una vingana va ntandu, yandi una vwikulwa bo-bo mvwatu miampembe, ye mono kina vinsikisa nkumbu andi mu nkanda wamoyoko, ngina tankumbu andi kwa sami ye kwa zim-pofi zandi.

6. Wonso wena matu, bika kawa yivovele Mpeve kwa ma-bundu.

7. Ye sonika kwa mpofi adibundu diena mu Filadelifia: Edi divovele nkwa wanlongo ye kedika, iyandi wena ye nsabi aDavidi, iyandi uzibulanga ye muntu kana bindikako, ye ubindikanga ye muntu kana zibulako.

8. Nzaidi mavanga maku. Tala, mono yaveni mwelo wazibuka kwa ngeye ulembana muntu bindika, kadi ngeye wena ngolo zafiuma ye wakebele mambu mami ye kwakadidi nkumbu amiko.

9. Tala, mu lukutukunu lusatana sia kuvana bankaka bavova mu yau kibeni vo ibayudayo kwau, ye kabenaboko, kansi bakambanga makutu. Tala, mono ngina sa, vo yau bana luaka ye sambila va malu maku ye bana zaia, vo mono yakutondele.

10. Ngeye buwakebele mambu mami mamvibudulu, buna sia kutabila mpe mu ntangu ansindusulu yina kwiza mu nza yamvimba mu sindisila yau bena va ntoto.

11. Tala, sia kwiza nswalu.

Simba yena yaku nakekete, muntu kidi bonga mpu akuko.

12. Wonso una vingana va ntandu, sia kumvanga tungwa mu nzo aNzambi ami, ye yandi kana vutuka vaika diakako, ye mono ngina sonika va yandi nkumbu aNzambi ami ye nkumbu avata diaNzambiami, iYerusalemi diamona dina kulumuka mu dizulu mu Nzambi ami, ye nkumbu ami yamona.

13. Wonso wena matu, bika kawa yivovele Mpeve kwa ma-bundu.

14. Ye sonika kwa mpofi adibundu diena mu Laodikea: Edi divovele Ameni, imbangi yakwikama ye kedika, imbadukulu alekwa biavanga Nzambi.

15. Nzaidi kwami mavanga maku, vo ulembolo kala kiozi vo mbangazi. Engwa, nga vo wena kiozi vo mbangazi!

16. Nkiangunu buwena kididi ye lembolo kala mbangazi vo kiozi, sia kuluka mu nwa ami.

17. Ngeye buvovele: Mono ngiena kimvwama ye mbeki mbongo zazingi ye kimonanga nsatu alekwako, ye ngeye ulembolo zaia, vo wena wansobo ye mfawa kiadi ye wafwa meso ye mpene,

18. nkiangunu mono ikulugengisa mu sumba kwa mono wola waveduswa mu tia, kidi wakala kimvwama, ye mvwatu miampe-

mbe, kidi wavwata, ye nsoni zam-pene aku zina lembwa monika, ye mazi mameso mu kusa meso maku, kidi wamona.

19. Mono ilonganga ye ilongidikanga babonsono bantondanga, nkiangunu sa nswalu ye vilula diela diaku.

20. Tala mono itelamanga va mwelo ye ikunkutanga, vo muntu wilu ndinga ami ye zibudi mwelo, buna sia kota kwa yandi ye buluka yandi, ye yandi una buluka yami mpe.

21. Wonso una vingana va ntandu, sia kumvwandisa yami va kiandu kiami, bonso buyavingana va ntandu mpe yei-vwandanga ye sami va kiandu kiandi.

22. Wonso wena matu bika kawa yivovele Mpeve kwa mabundu.

#### Kapu 4.

*Yoane watala muna zulu ye wamona kiandu kiaNzambi ye nzitusu wazungakio (1—11).*

Mboki yamona ye tala, mwelo wazibuka mu zulu ye ndinga yantete yiyawa yavova kwa monono nkievo mpungi akulumeta ye yavova: Baluka mwamu, ye monono ngina kusonga yina vangwa ku ntuala.

2. Mono intumbu kala mu mpeve, ye tala, kiandu kiate-lama mu zulu ye muntu wavwanda va kiandu.

3. Ye ndiena wavwanda va kiandu wafwanana mu ntadulu ye tadi diayaspi ye tadi diasalado ye nkiana wazunga kiandu wafwanana mu ntadulu ye samalangido.

4. Ye mono yamona makumole ye biandu bia biasunga kiandu ye makumole ye zingudi zia zabantu zavwanda va biandu biobio ye zavwata mvwatu miampembe ye mpu zawola va ntu miao.

5. Mu kiandu mwavaika mpezomo ye zindinga ye zimbandanu, ye kuluse luakiandu kwalema minda nsambodia, impeve nsambodia zaNzambi.

6. Ku luse luakiandu kwakala nkievo mbu apelwa wafwanana ye matadi mamamoni-moni, ye va tadisi kiandu ye yeku-yeku vakala lekwa bia biavumuna biasala kwa meso ye kuntu ye kunima.

7. Ye lekwa kiantete kiavumuna kiasfwanana ye nkosi, ye kiansole kiavumuna kiasfwanana ye ngombe yambakala, ye kiantatu kiavumuna kiakala zizi nkievo zizi kiamuntu, ye kiania kiavumuna kiasfwanana ye ngo adizulu yeti tilumuka.

8. Ye lekwa bina bia biavumuna biakala maveve masambanu masambanu, yeku-yeku ye kungsi amaveve biau biasala kwa meso, ye biau kabavongako mu fuku

ke mwini, kansi biavova: Wanlongo, wanlongo, wanlongo, Mfumu Nzambi atulendo tuatonsono, iyandi wakala ye wena ye una kwiza.

9. Ye lekwa biavumuna bu-biazitisa ye biavumina ye biatonda ndiena uvwandanga va kiandu ye uvumunanga mimvu mikamimani kwele mvu kuvutukidi mvu,

10. buna makumole ye zingudi zia zabantu zina fukama kwa ndiena uvwandanga va kiandu ye sambila ndiena uvumunanga mimvu mikamimani kwele mvu kuvutukidi mvu ye tuba mpu zau va luse luakia-ndu ye vova:

11. Ngeye Mfumu ye Nzambi eto, fweni mu tambula nzitusu ye vumi ye ngolo, kadi ngeye wavanga yayonso, ye mu diambu dialuzolo luaku yakadila ye yavangwa.

### Kapu 5.

*Yoane wamona nkanda wena dimbu nsambodia (1—5). Mwana wame-me wabongawo mu bengulawo (6—14).*

Ye va koko kwalubakala luandiena wavwanda va kiandu, mono yamona nkanda wasonwa mu ngudi ye ku mbazi ye wasiwa dimbu nsambodia.

2. Ye mono yamona mpofi yangolo yaboka mu ndinga yayinene: Nani fweni mu bengula

nkanda ye bula dimbu biandi?

3. Ye mu zulu ye va ntoto ye ku nsi antoto kamwamonika muntuko, ulenda bengula nkanda ye talawo.

4. Ye mono yadila beni, muntu bukalembwa fwanana mu bengula nkanda ye talawo.

5. Ye ngudi amuntu wavova kwa mono: Kudilaniko! Tala, nkosi yakanda dia Yuda, inwanzizi aDavidi, yavingana va ntandu, nkiangunu sika lenda bengula nkanda ye bula dimbu biandi nsambodia.

6. Ye mono yamona va kati ye kiandu ye lekwa hina bia biavumuna ye zingudi zabantu mwana wameme watelama nkievo wavondwa ye wakala mpoka nsambodia ye meso nsambodia, impeve nsambodia zafiduswa mu ntoto wawonso.

7. Ye wau wayiza ye wabonga nkanda mu koko kwalubakala luandiena wavwanda va kiandu.

8. Ye wau buwabonga nkanda, buna lekwa bina bia biavumuna ye makumole ye zingudi zia zabantu bafukama va luse luamwana wameme, mosi mosi wena ye nsambi ye longa diawola diafuluswa kwa biansunga bifwitisanga mwisi, itusambulu tuabantu banlongo.

9. Ye yau bayimbila nkunga wamona ye bavova: Ngeye fweni

mu tambula nkanda ye bula dimbu biandi, kadi ngeye wavondwa ye wasumbila Nzambi mu menga maku bantu mu makanda mamonso no ye ndinga zazonsonono ye bantu babonso no ye bantu bampila mu mpila.

10. Ye ngeye wabavanga kwa Nzambieto kimfumu ye minlongi, ye bana kala zimfumu va ntoto.

11. Ye monoyamona ye yawa ndinga azimpofizazingi zazunga kiandu ye lekwa biavumuna ye zingudi zabantu ye ntalu au ikumi diamafunda makumi mamafunda ye funda diamafunda.

12. Yau bavova mu ndinga yayinene: Mwana wameme wavondwa ufweni mu tambula lulendo ye kinvwama ye nduka ye ngolo ye nzitusu ye vumi ye nsikulu.

13. Ye bilekwa biabionsono biavangwa biena mu zulu ye va ntoto ye kungsi antoto ye mu mbu ye yayonso no yena mu biau, mono yawa, vo biau biavova: Ndi ena uvwandanga va kiandu ye mwana wameme, bika bazituswa ye basikwa ye badanuswa ye bakala lulendo mimvu mikamimani kwele mvu kuvutukidi mvu.

14. Ye lekwa bia biavumuna biavova: Amen, ye zingudi zabantu bafukama ye basambila.

## Kapu 6.

*Mwana wameme wabula dimbu kiantete (1—2), dimbu kiansole (3—4), dimbu kiantatu (5—6), dimbu kiaia (7—8), dimbu kiantanu (9—11), dimbu kiansambanu (12—17).*

Ye mono yamona mwana wameme, buwabula dimbu kimosi kiadimbu nsambodia, ye mono yawa kimosi kiabina bia biavumuna kiavova nkievo ndinga yambandanu: Wiza!

2. Ye mono yamona ye tala kavalu kwampembe ye ndi ena wavwanda va ntandu akavalu wakala ponza ye wavewa mpu ye wayenda nungi, kidi kabedisala.

3. Ye wau buwabula dimbu kiansole, buna mono yawa lekwa kiansole kiavumuna kiavova: Wiza!

4. Ye kavalu kwankaka kwambwaki kwavaika, ye kwa ndi ena wavwanda va ntandu akavalu wavewa kakatula yenge va ntoto, mpasi bavondasana. Yandi wavewa sabala kiakinene.

5. Ye wau buwabula dimbu kiantatu, buna yawa lekwa kiantatu kiavumuna kiavova: Wiza! Mono yamona ye tala, kavalu kwampiuki ye ndi ena wavwanda va ntandu akavalu wakala balanza mu koko kwandi.

6. Ye mono yawa nkievo ndinga mu monakanda diale-



kwa bia biavumuna kiavova: Tezo kiamasangu mu vanza ye tezo bitatu biamasangu manti di mu vanza kimosi, ye mazi ye vinia kufukisanibioko.

7. Ye wau buwakatula dimbu kiaia, buna yawa lekwa kiaia kiavumuna kiavova: Wiza!

8. Ye mono yamona ye tala, kavalu kwakala nanza, ye ndiena wavwanda va ntandu akavalu ukumbu andi lufwa, ye nsi alufwa yananamana yandi, ye yau bavewa zingolo mu ndambu yaia yantoto mu vonda mu sabala ye mu nsatu ye mu mfwilu ye mu bibulu biansisi biansi.

9. Ye wau buwakatula dimbu kiantanu, buna yamona kungsi adisalu miela miayau bavondwa mu diambu diamambu maNzambi ye kimbangi kiakala yau.

10. Ye yau baboka mu ndinga yayinene ye bavova: Mfumu wanlongo ye wakedika, mvu nkwa siwa vingila mu kongudila ye vutula ndinda kwa bantu bena va ntoto?

11. Ye yau bavewa mvwatu miampembe, muntu ye wandi, ye bakambwa vo bana vonga diaka fintangu-ntangu nate ye ntalu aminanga yau ye zimpangi zau bana vondwa bonso yau kibeni yina fwana.

12. Ye mono yamona wau buwakatula dimbu kiansambanu, ye kwakala ndikunu yantoto yayinene, ye ntangu yakituka yampiuki nkievo kuba diamika, ye ngonda yamvimba yakituka nkievo menga.

13. Ye mbwetete zazulu zasotuka va ntoto bonso nti wakuyu usotunanga bana bandi balembo lo yela, buuna nikunwa kwa tembo.

14. Ye dizulu dialala nkievo nkanda wazingwa, ye miongo miamionsono ye sanga biabionsono biakatuka mu muma mwau.

15. Ye zimfumu zantoto ye madingizi ye bakuluntu ye bamvwama ye bangolo ye minanga miamionsono ye bantu bamfumu baswama mu mabulu mantoto ye mu minluka miamiongo.

16. Ye yau bavova kwamiongo ye matadi: Lutubundikila ye lutusweka mu zizi kiandie na uvwandanga va kiandu ye mu nganzi zamwana wameme.

17. Kadi lumbu kiau kianganzi kizidi, ye nani lenda telama?

## Kapu 7.

*Nkama mosi ye mafunda makumaia ye ia mu bantu baIsaleli bawiwa dimbu (1—8). Yoane wamona kabu dialembana tangwa va kiandu kianaNzambi (9—17).*

Ye mboki yamona mpofi zia

zatelama va fuma bia biantoto ye zasimba mpeve zia zadizulu, mpasi mpeve nkutu kayavevumuka va ntoto ye mu mbu ye mu ntiko.

2. Ye mono yamona mpofi yankaka yabaluka muselukilanga ntangu yakala dimbu kiana Nzambi amoyo, ye yandi waboka mu ndinga yayinene kwa mpofi zia zavewa mu bivisa ntoto ye mbu,

3. ye wavova: Kalusani bu-ma va ntoto ye mu mbu ye mintiko, nate ye tumeni sa dimbu va minanga mia Nzambi eto va mbulu zau.

4. Ye mono yawa ntalu abantu basiwa dimbu: nkama mosi ye mafunda makumaia ye ia masiwa dimbu mu makanda mamonsono mabana baIsaleli.

5. Mu kanda diaYuda masiwa dimbu va kumi ye mafunda mole, mu kanda diaLubeni kumi ye mafunda mole, mu kanda diaNgadi kumi ye mafunda mole,

6. mu kanda diaAseli kumi ye mafunda mole, mu kanda diaNefatali kumi ye mafunda mole, mu kanda diaManase kumi ye mafunda mole,

7. mu kanda diaSimona kumi ye mafunda mole, mu kanda diaLevi kumi ye mafunda mole, mu kanda diaIsaskali kumi ye mafunda mole,

8. mu kanda diaSeboloni kumi ye mafunda mole, mu kanda diaYosefi kumi ye mafunda mole, mu kanda diaBeniami kumi ye mafunda mole basiwa dimbu.

9. Mboki yamona ye tala, kabu diadinene dialembana tangwa ntalu batuka mu bantu bampila mu mpila ye mu makanda mamonsono ye bantu babonsono ye zindinga. Ye batelama va luse luakiandu ye va luse luamwana wameme ye bavwata mvwatu miampembe ye basimba mandala mu moko mau.

10. Ye yau baboka mu ndinga yayinene ye bavova: Ndalulu yena ye Nzambi eto uvwandanga va kiandu ye yena ye mwana wameme.

11. Ye zimpofi zazonsono zazunga kiandu ye zingudi zabantu ye lekwa bia biavumuna bafukama va zizi biau va luse luakiandu ye basambila Nzambi

12. ye bavova: Amen! Bika nsikulu ye nzitusu ye nduka ye tonda ye vumi ye lulendo ye ngolo biakala ye Nzambi mimvu mikamimani kwele mvu kuvutukidi mvu! Amen!

13. Ye mosi mungudi zabantu wavutula ye wavova kwa mono: Baba bavweti mvwatu miampembe, ibanani ye kwe batukidi?

14. Ye mono yavova kwa yandi: Mfumu ami, ngeye zai-

di. Yandi wavova kwa mono: Baba iyau batukidi mu ncita yina yayinene ye basukudi m-mvwatu miao ye bavembolemio mu menga mamwana wameme.

15. Nkiangunu yau bena va luse luakiandu kiaNzambi ye bakunsadilanga mwini ye fuku mu nzo andi yanlongo, ye ndi-ena uvwandanga va kiandu sika kala mu yau.

16. Yau kabana vutuka mona nsatu adia ye nlanguko, ye ntangu ye mbangazi kabina kubabwilako.

17. Kadi mwana wameme wena va tadisi kiandu una kubavunga ye kubatuala ku nto zanlangu wamoyo, ye Nzambi una kunguna mansanga mamonsono mu meso mau.

### Kapu 8.

*Dimbu kiansambodi kiabulwa (1—5). Mpofi yantete yasika mpungi akulumeta (6—7), mpofi yanzole yasika (8—9), mpofi yantatu yasika (10—11), mpofi yata yasika (12—13).*

Ye wau buwabula dimbu kiansambodia, buna mwakala napi mu ndambu alokula mu zulu.

2. Ye mono yamona mpofi zozo nsambodia zitelamanga va luse luaNzambi, ye zau zavewa mpungi nsambodia zakulumeta.

3. Ye mpofi yankaka yayi-

za ye yatelama va disalu ye yakala longa diawola diamwisi, ye yandi wavewa lekwa biabingi biansunga biamwisi, kidi kakudikabio mu tusambulu tuabantu banlongo va disalu diawola diena va luse luakiandu.

4. Ye mwisi wabilekwa biansunga ye tusambulu tuabantu banlongo bialutumuka mu koko kwampofi kwa Nzambi.

5. Ye mpofi yabonga longa diamwisi ye yafuluzadio mu tia tuadisalu ye yatubato va ntoto ye mbandanu ye zindinga ye mpezomo ye ndikunu yantoto biakala.

6. Ye mpofi nsambodia zozo zakala mpungi nsambodia zakulemeta zakubama, kidi zasika mpungi zakulumeta.

7. Ye mpofi yantete yasikayo ye kwakala mala ye tia tuasangwa menga ye biau biatubwa va ntoto ye ndambu yantatu yantoto yavia ye ndambu yantatu yaminti yavia, ye titi biabionsono biankunzu bivia.

8. Ye mpofi yanzole yasika mpungi akulumeta ye kwakala nkievo mongo waunene wayuya watubwa mu mbu, ye ndambu yantatu yambu yakituka menga.

9. Ye ndambu yantatu yabilekwa biavangwa biena mu

mbu ye biena mwela bialwa, ye ndambu yantatu yazinzaza yabungwa.

10. Ye mpofi yantatu yasika mpungi akulumeta, mbwetete yayinene yasotuka mu zulu yalema bonso mwinda ye yasotuka va ndambu yantatu yamila ye nkelo mianlangu.

11. Nkumbu ambwetete nlulukulu, ye ndambu yantatu yantlangu yakituka nlulukulu, ye bantu babingi bafwa mu diambu dianlangu, kadi yau bakala ndudi.

12. Ye mpofi yaia yasika mpungi akulumeta, ye ndambu yantatu yantangu ye ngonda ye zimbwetete yabandwa, kidi ndambu yantatu yaviuta, ye ndambu yantatu yamwini yakala tombe ye bobo mu fuku mpe.

13. Ye mono yamona ye yawa ngo adizulu yatilumuka mu monakanda diazulu yavova mu ndinga yayinene: Engwa, engwa, engwa yau bena va ntoto mu diambu diandinga zampungizakulumeta zisidi ye mpofi zitatuzina sika mpungi!

### Kapu 9.

*Mpofi yantanu yasika (1—12), mpofi yansambanu yasika (13—21).*

Ye mpofi yantanu yasika mpungi akulumeta, ye mono yamona mbwetete yakisotukina

vanototo, ye yau yavewa nsabi anwa abenga.

2. Ye yau yabindula nwa abenga, ye mu nwa mwafwita mwisi nkievo mwisi atia tuatunene, ye ntangu ye mpeve biakituka tombe mu diambu diamwisi wanwa abenga.

3. Ye mu mwisi mwavaika makonko va ntoto, ye mau mavewa zingolo, bonso nkutu zantoto zena ngolo.

4. Ye mau makambwa, vo kamana vanga buma kwa titi biantotoko ye bionso biankunzu ye mintiko, kansi bantu babana kaka bakondolo dimbu kiaNzambi va mbulu zau.

5. Ye mau kamavewa kubavondako, kansi kidi mabakwamisa kaka ngonda zitanu, ye kwama kwamau kwafwanana ye kwama kutukisanga nkutu, buyitatikidi muntu.

6. Mu lumbu bina bantu bana tomba lufwa ye kabanalo mona nkutuko, ye yau bana kala ngunda zafwa, kansi lufwa luna kubatina.

7. Ye lunitu luamakonko luafwanana ye kavalu kwakubama mu nwana, ye va ntu miau vakala nkievo mpu zifwanane ye wola, ye zizi biau bafwanana ye zizi biabantu.

8. Ye mau makala nsuki nkievo nsuki zabakento, ye me-

no mau mafwanana ye meno  
mankosi.

9. Ye mau makala nkaku  
zantulu nkievo nkaku zantulu  
zasengwa, ye zu diamaveve mau  
diakala bonso zu diamakalu ma-  
kavalu mamingi, hubana yungu-  
sa ku mvita.

10. Ye mau makala nkila ye  
ba bonso zinkutu, ye mu nkila  
miau mwakala ngolo zau mu  
kwamisa bantu ngonda zitanu.

11. Ye mau mena mfumu,  
impofi abenga, nkumbu andi mu  
kiebeleo Abadoni ye mu kielene  
nkumbu ang'i Apolioni.

12. Engwa mosi disukidi.  
Tala, mboki engwa mole mana  
kwiza diaka.

13. Ye mpofi yansambanu  
yasika mpungi akulumeta, ye  
moño yawa ndinga mu mpoka  
zia zadisalu diawola diena va  
luse luaNzambi,

14. ye yavova kwa mpofi ya-  
nsanibanu yakala mpungi aku-  
lumeta: Kutula mpofi zia zaka-  
ngwa va mwila wawunene wa-  
Eufalata.

15. Ye mpofi zia zakutulwa  
ye zakubama mu lokula ye lu-  
mbu ye ngonda ye mvu, mpasi  
zavonda ndambu yantatu yaba-  
ntu.

16. Ye ntalu amakabu ma-  
binwani biatentama va kavalu  
yakala kumi, diamafunda ngo-  
nzika -- zole ngionzika kumi

diamafunda. Mono yawa ntalu  
au.

17. Ye boboyamona mu su-  
lumbi bakavalu ye yau bate-  
ntama va bakavalu bakala nka-  
ku zantulu zakala nabididi ye  
zambwaki ye nanza. Ntu mia-  
kavalu miakala nkievo mianko-  
si, ye mu minwa miau mwavai-  
ka tia ye mwisi ye matadi ma-  
tia.

18. Mu vunga bina bitatu  
mwavondwa ndambu yantatu  
yabantu, imu tia ye mwisi ye  
matadi matia biavaika mu mi-  
nwa miau.

19. Kadi ngolo zakavalu za-  
kala mu minwa miau ye mu  
nkila miau, kadi nkila miau  
mifwanana ye zinioka ye mi-  
ena mintu; ye mu miau kwa-  
u kwakwamisa.

20. Ye bantu bankaka ba-  
lembwa vondwa mu vunga bi-  
obio kabavilula madiela mau  
mu mavanga mamoko mauko,  
ye kabalembwa sambila mpeve  
zambiko ye biteki biawola ye  
palata ye nsongo ye matadi ye  
minti bilembolo mona ye wa ye  
diata.

21. Ye yau kabavilula ma-  
diela mau mu vonda ye kilo-  
ka kiauko ye kintjengi ye mwi  
wauko.

Kapu 10.

Yoane wamona mpofi yankakulile

*nkanda mu koko (1—7). Yandi wakanbwa kabonga ye minawo (8—11).*

Ye mono yamona mpofi yanbaka yangolo yakulumuka mu zulu yavwata tuti, ye nkiana wakala va ntu andu, ye zizi kiani kiazwanana ye ntangu ye malu mandi nkievo tungwa bia-tia.

2. Ye yandi wasimba mu koko kwandi finkanda-nkanda fiabengulwa, ye yandi wasa kulu kwandi kwalubakala va mbu ye kulu kwalumoso va nsi.

3. Ye yandi waboka mu ndinga yayinene, bonso busambanga nkosi. Yandi bukaboka, buna mbandanu nsambodia zavova mu zindinga zau.

4. Ye mbandanu nsambodia buzavova buna yazola sonika, ye mono yawa ndinga mu zulu yavova: Sweka yivovele mbandanu nsambodia ye kusonikaniyoko.

5. Ye mpofi yina yiyamona, vo yatelama va mbu ye va nsi, yasangata koko kwandi kwalubakala ku zulu.

6. Ye yandi wadia ndefi mu yandi uvumunanga mimvu mikamimani, kwele mvu kuvutuki-di mvu, iyandi wavanga zulu ye bilekwa biena muna, ye ntoto ye bilekwa biena va ntoto, ye mbu ye bilekwa biena muna, vo ntangu kayina vutuka kalako,

7. kansi mu lumbu bina ndinga ampofo yansambodia, bungina wakana, bukana sika mpungi akulumeta, buna mambu maNzambi maswekwa mana mana, bonso bwena nsamu wambote ukavana minanga miandi, iminkambi.

8. Ye ndinga yina yiyawa mu zulu, mono yavutukayo wa yamoka yami ye yavova: Wenda wabonga finkanda-nkanda fiabengula fiena va koko kwampofo yitelemane va mbu ye va nsi,

9. ye mono yayenda kwa mpofi ye yavova kwa yandi: Umpana finkanda-nkanda. Yandi wavova kwa mono: Bonga wadiafio, fiau fina lema mu vumu, kansi mu nwa aku fiau fina zenza bonso niosi.

10. Ye mono yatambulu finkanda-nkanda mu koko kwampofo ye yadiafio. Fiau fiazenza mu nwa ami, kansi buyadiafio, vumu kialema.

11. Ye yau bavova kwa mono: Ngeye uua vutuka kamba bina vita kwiza kwa bantu ye bantu bampila mu mpila ye zindinga ye zimfumu zazingi,

### Kapu 11.

*Nzo aNzambi yatezwa (1—2). Mbangi zole zalonga, zavondwa, zafuluka, zabaluka ku zulu (3—14). Mpo-fi yansambodia yasika (15—19).*

Ye mone yavewa kolo-kolo diakala bonso nkawa, ye mono yakambwa: Nanguka wateza nzo aNzambi ye disalu ye yau basambilanga momo.

2. Kansi yambula kianzala kiena kumbazi anzo ye kutezanikioko, kadi banzenza havewakio, ye bau bana diatisa nzo yanlongo mu makumaia ye ngonda zole.

3. Ye mono ngina vana kwa mbangi zami zole zavwata makuba ye zina kamba nzaikusu mu funda dimosi ye nkama zole ye makumasambanu malumbu.

4. Yau iminti miole miamaizi ye kebole biole biaminda bitelamanga va luse luaMfumu antoto.

5. Ye vo muntu zolele kubasa buma, buna tia tuna vrika mu minwa miau ye mana mintantu miau. Vo muntu zolele kubasa buma, yandi sika vondulwa bobo.

6. Yau bena ye ngolo zakandila zulu, mpasi mvula kayina nokamu lumbu bialukambulu luauko. Yau bena ngolo mu nlangu mu kitulawo menga ye mu bwisa vunga biabionsono va ntoto yonso ntangu yibazolele.

7. Ye bubana mana kimbangingi kiau, buna bulu kiansisi kieti tombuka mu benga kina

kubanwanisa ye bedisa ye vonda.

8. Ye mvumbi zau zina lambalala va nzila mu vata diadine ne dibikwanga mu kifwani Sodomu ye Ngipiti mwakomunwa Mfumu eto va kulunsi.

9. Ye mu bantu ye makanda ye zindinga ye bantu bampila mu mpila bana monamvumbi zau lumbu bitatu ye ndambu, yekabana yambula mvumbi zau zatulwa mu ndiamuko.

10. Ye yau bena va ntoto siba yangalala mu yau ye kala kiese beni ye filasana minkailu, kadi minkambi miomio miole miakwamisa yau bena vantoto.

11. Ye lumbu bitatu ye ndambu mboki mpeve yamoyo yatuka mu Nzambi yakota mu yau, ye yau batelama va malu mau, ye wonga wawingi wabwila yau babamona.

12. Ye yau bawa ndinga yayinene mu zulu yavova kwa yau: Lubaluka vava! Ye yau babaluka kuna zulu mu tuti ye mintantu miau miabamona.

13. Ye yina ntangu yakala ndikunu yayinene yantoto, ye ndambu yakumi yavata yabwa, ye mu ndikunu yantoto mwavondwa mafunda nsambodia mabantu, ye bankaka batina ye bazitisa Nzambi mu zulu.

14. Engwa dianzole diameni.

Tala, diantatu dina kwiza nswalu.

15. Ye mpofi yansambodia yasika mpungi akulumeta, ye ndinga zangolo zakala mu zulu zavova: Kimfumu kiantoto kiena ye Mfumu eto ye Kilisto andi, ye yandi una kala Mfumu mimvu mikamimani, kwele mvu kuvutukidi mvu.

16. Ye makumole ye zingudi zia zabantu zena va lueka luaNzambi zavwanda va biandu zafukama kwa Nzambi va zizi biau ye zasambila Nzambi

17. ye zavova: Yeto tuto ndele kwa ngeye Mfumu Nzambi, nkwa atulendo tuatonsono, wena ye wakala, kadi Ngeye watambudi tulendo tuaku tuatunene ye wasiwa mfumu.

18. Ye bantu bena nganzi, ye nganzi zaku zalueki ye ntangu yina kongudulwa bafwa, buuna senda minanga miaku, iminkambi, ye bankwa mianlongo ye bavumina nkumbu aku ye babake ye babanene, ye ngeye una bunga yau babunga ntoto.

19. Ye nzo aNzambi yena mu zulu yazibuka, ye nkela andi yaluwawanu yamonika mu nzo andi, ye mpezomo ye zindinga ye zimbandanu ye ndikunu yantoto ye mala mangolo biakala.

## Kapu 12.

Yoane wamona mu zulu mbona zole zameso: nkento wena lukufi ye buta ye dalaka kieti zola mina mwana (1—4). Mwana wabikwa ye wabaluka ku zulu, ye nkento wataba ku nsi yankatu (5—6). Mvita yayinene mu zulu vakati ye Mikaeli ye dalaka (7—12). Dalaka kiazoma nkento ye bana bandi bankaka (13—18).

Ye dimbu kiakinene kiamonika mu zulu, nkento wavwata ntangu, ye ngonda yakala kungsi amalu mandi, ye va ntandu antu andi vakala mpu akumi ye mbwetete zole.

2. Ye yandi wena vumu ye ubokanga ye wena minsongo ye umonanga mpasi zabuta.

3. Ye dimbu kiankaka kiamonika mu zulu ye tala, dalaka kiakinene kiena nanzo kiakala ntu nsambodia ye kumi diampoka ye va ntu miandi binteka nsambodia biamfumu.

4. Ye nkila andi wakala ndambu yantatu yazimbwetete zazulu, ye yatubazo va ntoto. Ye dalaka kiatelama va luse luankento wakala mu buta, kidi kamina mwana andi bukameniwo buta.

5. Ye yandi wabuta mwana, imwana wabakala, una vunga bantu babonsono mu nkawa wasengwa. Ye mwana andi wabalulwa kwa Nzambi ye ku kiandu kiandi.



6. Ye nkento wataba kuna nsi yankatu kukakubukulwa vuma kwa Nzambi, kidi kayundulwa kuna funda dimosi ye nkama zole ye makumasambanu malumbu.

7. Ye mwakala mvita mu zulu: Mikaeli ye mpofi zandi zanwanisa dalaka, ye dalaka ye zimpofi zandi zanwana.

8. Ye zau kazanungako, ye vuma kiau kakiamonika diaka mu zuluko.

9. Ye dalaka kiakinene kiawolumunwa, iyandi nioka yankulu ubikwangankadi ampemba ye satana iyandi uzimbisanga nza yamvimba, yandi watubwa va ntoto, ye zimpofi zandi zatubwa yandi.

10. Ye mono yawa ndinga yayinene mu zulu yavova: Bwabu ndalulu ye ngolo ye kimfumu biena ye Nzambi eto ye lulendo luena ye Kilisto andi, mfundi azimpangi zeto bukaluanzulu, iyandi wabafundanga kwa Nzambi fuku ye mwini.

11. Ye yau bambedisa mu diambu diamenga mamwana wameme ye mu diambu diambu makimbangi kiau, ye yau kabatonda miela miauko nate ye mu fwa.

12. Nkiangunu mazulu, luyangalala kweno ye yeno luena mu mau. Engwa ntoto ye

mbu, kadi satana wakulumuki ni kwa yeno ye nganzi zangolo, bukazaidi, vo fintangu-ntangu kaka fiena yandi.

13. Ye dalaka bukiamaona, vo kiatubwa va ntoto, buna kiazoma nkento wabuta mwana wabakala.

14. Ye nkento wavewa maveve mole mango yadizulu yayinene, kidi katilumuka kuna nsi yankatu ku vuma kiandi kukayundulwa ntangu ye zintangu ye ndambu antangu nseke ye luse luanioka.

15. Ye nioka yalandisa nke nto nlangu mu nwa andi nkievo mwila, kidi kakukumuna nkento mu mwila.

16. Ye ntoto wasadisa nke nto ye wazibula nwa andi ye wamina mwila waniaa dalaka mu nwa andi.

17. Ye dalaka kiakadila nkento nganzi ye kiayenda nwanisa bankaka babutu biandi bikebanga mina mia Nzambi ye biena ye kimbangi kia Yesu.

18. Ye yandi watelama va nseko ambu.

### Kapu 13.

*Yoane wamona bulu kiansisi kiatombuka mu mbu (1—10). Mbeki kamona bulu kiankaka kiansisi kivaika mu ntoto (11—18).*

Ye mono yamona bulu kiansisi kiatombuka mu mbu kiakala

kumi diampoka ye ntu nsa-  
mbodia ye kumi diabinteka  
biamfumu va mpoka zandi ye  
nkumbu zantiakulu va ntu  
miandi.

2. Ye bulu kiansisi kiya-  
mona kiasfwanana ye ngo ye  
malu mandi nkievo malu ma-  
bulu kiansisi ye nwa andi nkie-  
vo nwa ankosi. Dalaka kiavana-  
kio ngolo zandi ye kiandu kia-  
ndi ye lulendo lualunene.

3. Ye mono yamona ntu  
andi mosi wakala nkievo vwa  
kiamfwilu ye vwa kiandi kia-  
mfwilu kianiaka, ye nza yamvi-  
mba yatala bulu kiansisi mu  
ngitukulu.

4. Ye yau basambila dala-  
ka, kadi kiau kiavana ngolo kwa  
bulu kiansisi, ye basambilakio  
ye bavova: Nani fwanane ye  
bulu kiansisi, ye nani lendakio  
nwanisa?

5. Ye kiau kiavewa nwa wa-  
mpovila mambu mangolo ye  
mantiakulu, ye kiau kiavewa  
ngolo zasadila makumaia ye  
ngonda zole.

6. Ye kiau kiabandula nwa  
andi mu tiaka Nzambi ye mu  
tiaka nkumbu andi ye nzo andi  
ye yau bena mu zulu.

7. Ye kiavewa mu nwa-  
nisa bantu banlongo ye kuba-  
bedisa. Kiau kiavewa ngolo mu  
makanda mamonsono ye bantu

ye zindinga ye bantu bampila mu  
mpila.

8. Ye yandi una sambulwa  
kwa babonsono bena va ntoto ba-  
lembolo sonukwa kasi ye vana  
mpangulu anza mu nkanda wa-  
moyo wamwana wameme wavo-  
ndwa.

9. Vo muntu wena matu,  
bika kawa.

10. Vo muntu una tudisa mu  
kebolo, yandi una tulwa mu  
kebolo; vo muntu una vonda  
mu sabala, yandi sika vondwa  
mu sabala. Vava vena mvibu-  
dulu ye minu kiabantu banlo-  
ngo.

11. Ye mono yamona bulu  
kiankaka kiansisi kiavaika mu  
ntoto, ye kiakala mpoka zole  
zafwanana ye mpoka zameme  
diambakala, ye kiau kiavova  
mpovolo adalaka.

12. Ye kiau kiavanga ngolo  
zabulu kiantete kiansisi va luse  
luandi ye kiasa, vo ntoto ye  
bena va ntoto basambila bulu  
kiantete kiansisi kianiakuswa  
vwa kiamfwilu.

13. Ye kiau kivantanga ma-  
ngu biabinene ye kisotunanga  
tia mu zulu va ntoto, bantu  
bubatalanga.

14. Ye kiau kizimbisanga ba-  
ntu bena va ntoto mu diambu dia-  
mangu bikilenda vanga va luse  
luabulu, ye kiau kiavova kwa  
yau bena va ntoto, vo bana va-

nga kifwani kwa bulu kiansisi kiena vwa kiasabala, kansi kiau-vuka.

15. Ye kiau kiavewa mu vana moyo kwa kifwani kiabulu kiansisi, kadi kifwani kiabulu kiavova ye kiavanga, vo babonsono balembwa sambila kifwani kiabulu kiansisi bana vondwa.

16. Ye kiau kina sa, vo babonsono ye babake ye babane ne ye bamvwama ye babumpu tu ye zimfumu ye minanga bana vewa dimbu va moko malu bakala vo va mbulu,

17. kidi muntu nkutu kalendi sumba ye tekako, kansi ndiena kaka wena dimbu, inkumbu abulu kiansisi vo ntalu ankumbu andi.

18. Nduka zena vava. Wena nduka, bika katanga ntalu abulu kiansisi, kadi intalu amuntu kwandi, intalu yayi: nkama sambanu ye makumasambanu ye sambanu.

### Kapu 14.

*Yoane wamona mwana wameme va mongo waSioni (1—5). Mboki kamo na mpofi zankaka zalandasana (6—13). Vazimuni na kamona Mrana amuntu ye mpofi zitatu (14—20).*

Ye Mono yamona ye tala, mwana wameme watelama va mongo waSioni ye nkama mosi ye makumaia ye mafunda maia mabantu batelama ye wau, ye yau basonwa nkumbu

amwana wameme ye nkumbu asandi va mbulu zau.

2. Ye mono yawa ndinga mu zulu nkievo ndinga anlangu miamingi ye ndinga ambandanu zangolo. Ndinga yiya wa yakala bonso minsikidi minansambi bumieti sika va nsambi zau.

3. Ye yau bayimbila nku nga wamona va kiandu ye va lekwa biavumuna ye zingudi zabantu, ye muntu nkutu kalendi longuka nkunga wowoko, kansi yau basumbwa va ntoto, inkama mosi ye maku maia ye mafunda maia.

4. Baba iyau balembwa sumunwa kwa nkento, kadi bena mpumpa, iyau banamanga mwana wameme konso kuukwenda. Yau basumbwa mu bantu mu kala ntekidi kwa Nzambi ye mwana wameme.

5. Ye mu minwa miau kamwamonika makutuko, kadi yau bakondolo nkanu.

6. Ye mono yamona mpofi yankaka yatilumuka mu monakanda diazulu. Ye wakala ye nsamu wambote ukaumani ukana kamba bena va ntoto ye kwa bantu ye bampila mu mpila babo ye makanda ye zindinga ye bantu,

7. ye wavova mu ndinga yayinene: Luvumina Nzambi ye lunzitisa, kadi lokula kiau

nkongodolo andi kizidi ye lusambila ndiena wavanga zulu ye ntoto ye mbu ye nto zaminlangu.

8. Ye mpofi yankaka, iyanzole yanlandila ye yavova: Babeloni diadinene diabwidi, diabwidi, diau diavanga bantu babonsono basansala mu vinia kiakinsuza kiandi kianganzi.

9. Ye mpofi yankaka, iyantatu yabalandila, yavova mu ndinga yayinene: Vo muntu una sambila bulu kiansisi ye kifwani kiandi ye tambula dimbu va mbulu vo va koko,

10. buna yandi mpe una nwa vinia kiazNzambi kianganzi kialembwa sangwa ye vangwa mu kompe kiandi kianganzi, ye yau bana kwamuswa mu tia ye matadi matia vatalanga zimpofi zanlongo ye mwana wameme.

11. Ye mwisi wakwama kwau ufwitanga mimvu miamimvu mikamimani kwele mvu kuvutukidi mvu, ye kabana vonga ye fuku ye mwiniko, iyau basambila bulu kiansisi ye kifwani kiandi ye wonso wonso una tambula dimbu kiankumbu andi.

12. Vava vena mvibudulu abantu banlongo bakeba mina miaNzambi ye minu kiazYesu.

13. Ye Mono yawa ndinga mu zulu yavova: Nasoni! Kie-

se kiena ye bafwa, iyau bana fwanga mu Mfumu. Inga, Mpeve yivovele: Yau bana vunda mu salu kiau, kadi mavanga mau mana kubalanda.

14. Ye Mono yamona ye tala tuti diampembe, ye va tuti vavwanda mosi wafwanana ye mwana wamuntu. Yandi wakala mpu yawola va ntu andi ye sengwa kiakala meno mu koko kwandi kwaluhakala.

15. Ye Mpofi yankaka yavaika mu nzo aNzambi ye yaboka mu ndinga yayinene kwa ndiena wavwanda va tuti: Fidisa sengwa kiaku ye yonzika, kadi vula kina yonzukwa kialueki, ye mbongo yantoto yayumi.

16. Ye ndiena wavwanda va tuti watuba sengwa kiandi va ntoto, ye ntoto wayonzukwa mbongo.

17. Ye Mpofi yankaka yavaika mu nzo aNzambi yena mu zulu ye yandi mpe wakala sengwa kiameno.

18. Ye mpofi yankaka yavaika mu disalu yakala ngolo mu tia, ye yandi waboka mu ndinga yayinene kwa ndiena wakala sengwa kiameno ye wavova: Fidisa sengwa kiaku kiameno, ye vela maketa mabana banti miavinia va ntoto, kadi bana bau bavwidi bwaka.

19. Ye mpofi yatuba sengwa

kiandi va ntoto ye yavela bana bavinia va ntoto ye yatubabo mu lekwa kiakinene kika-munwanga bana bavinia mu nganzi zaNzambi.

20. Bana bavinia bakamunwa kumbazi avata ye menga mavaika mu lekwa kikamunwanga matulama nate ye tuvambu tuakavalu nseke yakala funda dimosi ye nkama zisambanu zastadia.

### Kapu 15.

*Yoane wamona bamana lalulwa ye wawa minkunga miau (1—4). Mboki kamona mpofi nsambodia ye malonga nsambodi manganzi (5—8).*

Ye mono yamona dimbu kiankaka mu zulu kiakala kiakinene ye kiangitukulu: mpofi nsambodia zakala vunga nsambodia biazimunina, kadi mu biau muna mana nganzi zaNzambi.

2. Ye mono yamona nkievo mbu wapelwa wasiwa tia, ye yau babedisa bulu kiansisi ye kifwani kiandi ye ntalu ankumbu andi, yau batelama va ntandu ambu wapelwa ye basimba nsambi zaNzambi.

3. Ye yau bayimbila nkinga waMose, inanga waNzambi, ye nkunga wamwana wameme ye bavova: Mfumu Nzambi, mavanga maku mena mamanene ye mangitukulu, ngeye nkwa atulendo tuatonsono; ngeye uMfu-

mu abantu, nzila zaku zena zamfonga ye zakedika.

4. Nani una lembwa tina ngeye, Mfumu, ye lembwa zitisa nkumbu aku? Kadi Ngeye kaka wanlongo, kadi bantu babonsono bana kwiza ye sambila kwa ngeye, kadi nkongodolo zaku zamfonga zama-na zayakana.

5. Ye mboki mono yamona ye nzo anlongo yena nkela aluwawanu luakimbangi yazibuka mu zulu.

6. Ye mpofinsambodia zakala vunga nsambodia zavaika mu nzo aNzambi ye zavwata minlele miampembe mialezima ye zakanga mponda zawola mu ntulu zau.

7. Ye kimosi kiabina biaviavumuna kiavana kwa mpofi nsambodia malonga nsambodia mawola mazala kwa nganzi zaNzambi, iyandi uvumunanga mimvu mikamimani kwele mvu kuvutukidi mvu.

8. Ye nzo aNzambi yafuluzwa kwa mwisi anzitusu aNzambi ye ngolo zandi, ye muntu nkutu kalendi kota mu nzoko, nate ye vunga nsambodia biazimpofi nsambodia biamana.

### Kapu 16.

*Longa diantete diangazi diatengulwa (1—3), tiantatu (4—7), diaia (8—9), diantanu (10—11), diansambanu (12—16), diansambodia (17—21).*

Ye mono yawa ndiga yayinene mu nzo aNzambi yavova kwa mpofi zina nsambodia: Luenda luatengula malonga manganzi zaNzambi va ntoto!

2. Ye mpofi yantete yayenda tengula longa diandi va ntoto, ye mputa yangolo yambi yabwila bantu bakala dimbu kiabulu kiansisi ye basambila kifwani kiandi.

3. Ye mpofi yanzole yatengula longa diandi mu mbu, ye wau wakituka menga nkievo matukidi mu nkulu, ye bilekwa biabionsono biamoyo biafwa, ibina biakala mu mbu.

4. Ye mpofi yantatu yatengula longa diandi mu mila ye nkelo mianlangu, ye wau wakituka menga.

5. Ye mono yawa mpofi aminlangu yavova: Wena wamfonga, ingeye wena ye wakala, nkwa wanlongo, buwakongudila bobo.

6. Bubatangula menga mabantu banlongo ye minkambi, buna ngeye wabavana menga mu nwa mpe. Yau bafweni bobo.

7. Ye mono yawa disalu diyavova: Inga, Mfumu Nzambi nkwa atulendo tuatonsono, nkongodolo zaku zena kedika ye nadede.

8. Ye mpofi yaia yatengula longa diandi mu ntangu, ye yau yavewa ngolo zayokila bantu mu tia.

9. Ye bantu bavia mu zina

kwangolo, ye batiaka nkumbu aNzambi, iyandi wakala ngolo mu vunga biobio, ye yau balembwa vilula madiela mau, kidi bazitisa Nzambi.

10. Ye mpofi yantau yate-ngula longa diandi va kiandukiabulu kiansisi, ye kimfumu kiandi kiakituka tombe, ye yau bakasa tudimi tuau mu diambu diakwama.

11. Ye yau batiaka Nzambi azulu mu diambu diakwama kwau ye zimputa zau, ye balembwa vilula madiela mau mu mavanga mau.

12. Ye mpofi yansambanu yatengula longa diandi mu mwila waunene waEufata, ye nlangu wamwila wayuma, kidi nzila yakubama kwa zimfumu zansi ziselukilanga ntangu.

13. Ye mono yamona mpeve zitatu zansobo zafwanana ye bimbiti zavaika mu nwa adalaka ye mu bulu kiansisi ye mu nkambi wamakutu—

14. kadi mpevezampeve zambi zena zivanganga mangu— zau zayenda kwa zimfumu mu nsi zazonsono mu kutikisa zau mu nwana kina lumbu kiakinene kiNzambi atulendo tuatonsono.

15. Tala, mono ngina kwiza bonso mwivi. Kiese kiena ye wonso una kaya meso ye keba mvwatu miandi, kidi kana zie-

ta mpeneko ye kabamona nsoni zandiko.

16. Ye zau zabakutikisa va vuma kibikwanga Halamangedo mu kiebeleo.

17. Ye mpofi yansambodia yatengula longa diandi mu mpeve, ye ndinga yayinene yatuka mu nzo aNzambi mu kiandu yau yavova: Yimeni vangwa.

18. Ye kwakala mpezomo ye zindinga ye zimbandanu ye ndikunu yantoto yayinene, nkati andikunu yoyo ye yayinene fwa ni kiandikunu yoyo kakiakedi ko kasi kivangulwa bantu va ntoto.

19. Ye vata dina diadinene diakabwa mu ndambu zitatu, ye mavata mabantu mabwa, ye Babeloni diadinene diabambukulwa moyo kwa Nzambi, kidi kavanadio kompe kiena vinia kianganzi zandi zangolo.

20. Ye sanga biabionsono biataba, ye miongo kamiavutuka monwako.

21. Ye mala makala mananene ye zitu bonso talanta kimosi masotuka mu zulu ye mabwa va bantu. Bantu batiaka Nzambi mu diambu diakwama kwamala, kadi kwama koko kwakala mbidi anene.

### Kapu 17.

Yoane wamona kinsuza kiatenta-

ma va bulu kiansisi (1—6). Mpofi yambangudilakio (7—18).

Ye mpofi mosi ampofi nsambodia zakala malonga nsambodia yayiza moka yami ye yavova: Wiza vava; mono ngina kusonga nkongodolo akinsuza kiakinene kivwandanga va ntandu aminlangu miamingi,

2. kitanga kitoko ye zimfu mu va ntoto, ye bena va ntoto bameni sansala kwa vinia kiakintiengi kiandi.

3. Ye yandi wantuala mu mpeve kuna nsi yankatu, ye mono yamona nkento wavwanda va ntandu abulu kiansisi kiena nabididi kiazala kwa nkumbu zantiakulu ye kiakala ntu nsambodia ye kumi diampoka.

4. Ye nkento wavwata mvwatu wambwaki wa nanzo ye wacema mu wola ye matadi mantalu beni ye nzimbu ye wasimba mu koko kwandi kompe kiawola kiazala kwa nkankumusu ye mvindu zakintiengi kiandi.

5. Ye nkumbu yasonwa va mbulu andi inkumbu yaswekwa: Babeloni diadinene, imbuta abinsuza ye nkankumusu va ntoto.

6. Ye mono yamona nkento wasansala kwa menga mabantu banlongo ye menga mazi mbangi za Yesu, ye mono yayi-

tukwa beni, buyamona nkento.

7. Ye mpofi yavova kwa mono: Mu nki weti yitukwa? Mono ngina kukamba mbangu-dulu mu nkento wowo ye bulu kiansisi kinatanga nkento ye kiena ntu nsambodia ye kumi diampoka.

8. Bulu kiansisi, kiumweni, kiakala ye kakienako ye kina tombuka mu benga ye kina kwenda ku bungwa. Ye yau bena va ntoto balembwa sonu-kwa nkumbu zau mu nkanda wamoyo tuka vana kasi kibadukulwa nza vangwa bana yitukwa, bubana mona, vo bulu kiakala ye kakienako ye kina kwiza.

9. Vava vana kala nduka zakoma. Ntu nsambodia imiongo nsambodia mivwandanga nkento. Miau izimfumu nsambodia mpe.

10. Ye mfumu zitanu zabwa, yimosi yena, ye yankaka kayaluekiko, ye bukana kwiza, kana sikila ntamako.

11. Ye bulu kiansisi kiakala ye kakienako iyandi kibeni wanani, ye utukidi mu zimfumu nsambodia ye una kwenda ku bungwa.

12. Ye kumi diampoka diumweni ikumi diazimfumu zikazikitambudila kimfumu ye bwabu, kansi zina tambula ngolo mu lokula kimosi kaka nkie

vo zimfumu vakimosi ye bulu kiansisi.

13. Zau zena diela dimosi ye zina vana ngolo ye lulendo kwa bulu kiansisi.

14. Zau zina nwanisa mwana wameme, ye mwana wameme ye babokulwa ye basolwa ye bakwikama bena ye wau bana kubabedisa, kadi wau imfumu azimfumu ye ntinu amintinu.

15. Ye yandi wavova kwa mono: Minlangu miumweni mivwandanga kinsuza ibantu ye makabu mabantu ye zindinga.

16. Ye kumi diampoka diumweni ye bulu kiansisi, biau bina bela kinsuza ye bina tanakio ye vangakio mpene ye dia nsuni andi ye yokakio mu tia.

17. Kadi Nzambi wasabo mu mintima miau, kidi bavanga luzolo luandi ye vanga luzolo lolu lumosi ye vana kimfumu kiau kwa bulu kiansisi, nate ye mambu maNzambi mana kwenda detila.

18. Ye nkento umweni ivata diadinene diena lulendo lukimfumu mu zimfumu zantoto.

## Kapu 18.

*Mbwilu yaBabeloni yasamunwa (1—3); banlongo balubulwa mu vai-kiladio (4—8). Zimfumu, mikiti, banikwa mianzara bena kadi mu mbwi*



lu adiau (9—20). *Mpofi yasamuna, vo dina fuka nswalu* (21—24).

**Mboki** mono yamona mpofi yankaka yakulumuka mu zulu yakala ngolo zazingi, ye ntoto wawanguka mu nzitusu andi.

2. Ye yandi waboka mu ndinga yayinene ye wavova: di-abwidi, diabwidi Babeloni diadinene ye diakituka nzo azimpeve zambi ye kebolo kiazimpeve zazonsono zansobo ye kebolo kiazinuni zazonsono zansobo ye zankankumususu,

3. kadi bantu babonsono bamana nwa vinia kianganzi zakintengi kiandi, ye zimfumu zantoto zatela yandi kitoko, ye minkiti miena va ntoto miakituka bamvwama mu lulendo luazimbongo zakimpumbulu kiandi.

4. Ye mono yawa ndinga yankaka mu zulu yavova: Lubantu bami, luvaika mu yandi, kaluidi kala ntuadi ye yandi mu masumu mandi ye kaluidi kala ntuadi mu vunga biandi.

5. Kadi masumu mandi malambuka nate ye ku zulu, ye Nzambi wabambuka moyo mu minkanu miandi.

6. Luvutula ndinda kwa yandi, bonso bukavutula ndinda, luvana yandi miole miole, bonso bwena mavanga mandi. Mu

kompe kikavana lumvana mpana zole zole.

7. Bonso bukakizitisa ye katanganga kindiafu, ibuna lumvana kwama ye kiadi. Kadi yandi vovele mu ntima andi: Mono ikama kiyalanga, kiena fwolako ye kina mona kwami kiadi nkutuko.

8. Nkiangunu vunga kiandi kina kwiza mu lumbu kimosi: mfwilu, kiadi, nsatu, ye yandi una yokwa mu tia, kadi Mfumu Nzambi wankongudila wena ngolo.

9. Ye zimfumu zantoto zantela kitoko ye kindiafu zina dila ye kunga mu yandi, bubana mona mwisi ukayokulwa.

10. Ye zau zina telama nseke mu diambu diawonga wakwama kwandi ye vova: Engwa, engwa vata diadinene, Babeloni ivata diangolo, kadi nkongodolo aku yayizidi mu lokula kimosi kaka!

11. Ye minkiti miena va ntoto midilanga ye miena kiadi mu yandi, kadi muntu kana vutuka sumba bizitu bianzaza zauko,

12. ibizitu biau biawola ye palata ye matadi mantalu beni ye nzimbu ye minlele miabiza miampembe ye miambwaki ye minlele mialezima ye miena nalo ye minti miamionsono miansunga ye bilekwa biabio-

nsono biampungi ye biabionso-  
no bianti biantalu ye bianso-  
ngo ye biasengwa ye biamata-  
di mampembe

13. ye kinamo ye mazi ma-  
nsuki ye nungu ye nkusa ye  
nsunga amwisi ye vinia ye ma-  
zi ye mfumfuta ye masangu ye  
zimpunda ye mameme ye ka-  
valu ye makalu ye minanga  
ye miela miabantu.

14. Mbongo zozo zazola mwe-  
la aku zameni lala mu ngeye,  
ye yonso yena yabiza ye ya-  
ntoko yameni vila mu ngeye,  
ye kasi kayina vutuka monwa-  
ko.

15. Bakitanga lekwa biobio  
ye babaka kimvwama mu yandi  
bana telama nseke mu diambu  
diawonga wakwama kwandi ye  
bana dila ye kala kiadi

16. ye vova: Engwa, engwa,  
ivata diadinene diavwata minle-  
le miampembe miabiza ye mia-  
mbwaki ye mi-na nalo ye di-  
acema mu wola ye matadi ma-  
ntalu beni ye nzimbu,

17. kadi mu lokula kimosi ka-  
ka kimvwama kiokio kiakinene  
kiafukidi. Ye babonsonobabindi-  
kanga nzaza ye bakwendanga  
mu mwau muma ye bisadi bi-  
azinzaza ye bavwidi zinzaza ba-  
telama nseke

18. ye baboka, bubamona  
mwisi wayokulwa vata, ye ba-

vova: Nki kifwanana ye vata  
diodio diadinene?

19. Yau batula mfumfuta va  
ntu miau ye baboka ye badila  
ye bakala kiadi ye bavova:  
Engwa, engwa, vata diadinene  
diena babonsono bavwidi zinza-  
za mu mbu bakituka bamvwama  
mu bilekwa biandi bianta-  
lu, kadi diafukidi mu lokula  
kimosi kaka.

20. Ngeye dizulu, yangalala  
kwaku mu diau. Luyangalala  
kweno, lubantu banlongo ye  
zintumwa ye minkambi, kadi  
Nzambi wavutudi ndinda eno  
kwa diau.

21. Ye mpofi mosi yangolo  
yazangula tadi diafwana ye  
tadi dinikunwanga mfumfuta ye  
yatubadio mu mbu ye yavova:  
Mu nswalu miami Babeloni, vata  
diadinene, dina tubwa ye kasi  
kadina vutuka monwako.

22. Ye ndinga zansambi ye  
minsiki miansambi ye pitul  
ye mpungi akulumeta kasi ka-  
zina vutuka wakana mu nge-  
yeko, ye wonso nkete usanga  
kinkete kana vutuka monwa  
mu ngeyeko, ye mazu mandi-  
kunu amfumfuta kamana vutu-  
ka wakana mu ngeyeko,

23. ye kia kwamwinda ka-  
kuna vutuka wanguka mu nge-  
yeko, ye ndinga atoko dia-  
ndambisa ye ndumba andambisa  
kayina vutuka wakana mu nge-

yeko, kadi minkiti miaku mia-kala madingizi va ntoto, kadi bantu babonsoo bazimbala mu kiloka kiaku.

24. Ye muna diau mwamona munga mabantu banlongo ye minkambi ye munga mabantu babonsoo havondwa va ntoto.

### Kapu 19.

*Yoane wawa nkunga ansikulu mu zulu (1—8). Mpofi yakamba Yoane kasonika (9—10). Yoane wamona mfumu azimfumu kuntu amakabu mandi mu kwenda nwana (11—16). Bulu kiansisi ye nkambi wamaku ye bayau batubwa mu zanga diyuyanga (17—21).*

Mboki yawa nkievo ndinga yangolo yakabu diadinene mu zulu yavova: Haleluya, ndalulu ye nzitusu ye lulendo biena ye Nzambi eto!

2. Kadi nkongodolo zandi zena kedika ye nadede, kadi yandi wakongodele kinsuza kinkinene kiabunga ntoto mu kintengi kiandi, ye yandi wavutula ndinda mu munga maminanga miandi mu moko mkinsuza.

3. Ye yau bavutuka vova: Haleluya! Ye mwisi akiau ufwi-tanga mimvu mikamimani, kwele mvyu kuvutukidi mvyu.

4. Ye makumole ye zingudi zia zabantu ye lekwa bina bia biavumuna bafukama ye basa-

mbila Nzambi wavwanda va kiandu ye bavova: Amen, haleluya!

5. Ye ndinga yavaika mu kiandu yavova: Lusika Nzambi eto, beno luminanga miandi miamionsono mikumvuminanga beno babake ye babanene.

6. Ye mono yawa nkievo ndinga yakabu diadinene diabantu nkievo ndinga anlangu miamingi ye ndinga azimbandanu zangolo yavova: Haleluya! Kadi Mfumu Nzambi eto atulendo tuatonsono wasilu kinfumu.

7. Bika tuayangalala ye takala kiese ye tuanzitisa, kadi ndambisa yamwana wameme yalueki ye nkento andi wakubama.

8. Ye yandi nkento wavewa kavwata minlele miacema miavedila miampembe miabiza, kadi minlele miomio imavanga mamfonga mabantu banlongo.

9. Ye yandi wavova kwa mono: Nasoni! Kiese kiena yau batumuswa ku mbuluku andambisa yamwana wameme. Ye yandi wavova kwa mono: Mambu maNzambi momo make-dika.

10. Ye mono yafukama va malu mandi mu kunsamila. Yandi wavova kwa mono: Tala, kwidibo sa. Mono inanga yaku ye zimpangi zaku zena ye kimbangi kia Yesu, sambila Nzambi, kadi kimbangi kia-

Yesu impeve yalukambulu lualakwa bina kwiza.

11. Ye mono yamona zulu diazibuka. Tala, kavalu kwampe-mbe ye ndiena wavwanda va kavalu ubikwanga nkwa ake-dika ye kwikama ye mu mfo-nga kakongudilanga ye nwan-nga.

12. Kansi meso mandi makalankievo nlemo atia, va ntu andi vakala binteka biabingi biamfumu, ye yandi wakala nkum-bu yasonukwa yalembwa za-ia muntu, kansi yandi kibeni kaka.

13. Yandi wavwata yunga kiamwangwa menga, ye nkum-bu andi mambu maNzambi.

14. Ye makabu mabinwani mena mu zulu manama yandi va ntandu akavalu kwampe-mbe, ye bavwata minlele miampe-mbe miabiza miavedila.

15. Ye mu nwa andi mwa-vaika sabala kiakala meno, kidi kanakio banda bantu. Yandi una kubavunga mu nkawa wasengwa, ye yandi kibeni udiatanga mu lekwa kikamunwan-nga vinia kiaNzambi, nkwa atulendo tuasonsono, ikianganzi zandi zangolo.

16. Yandi wanata va yunga kiandi ye va luketo luandi nkumbu yasonwa: Ntinu amintinu ye mfumu azimfumu.

17. Ye mono yamona mpo-

fi mosi yatelama mu ntangu, ye yandi waboka mu ndinga yayinene ye yavova kwa zinuni zazonsono zatilumuka mu monakanda diazulu: Luiza vava, lukutakana ku lambu diadinene diaNzambi,

18. kidi luadia nsuni miazimfumu ye nsuni miabakuluntu ye nsuni miabantu bangolo ye nsuni akavalu ye batentama va ntandu ye nsuni miababonsono ye zimfumu ye minanga ye babake ye babanene.

19. Ye mono yamona bulu kiansisi ye zimfumu zantoto ye makabu mau mabinwani bakutakana mu nwanisa ndiena wavwanda va ntandu akavalu ye dikabu diandi.

20. Ye bulu kiansisi kiabakwa ye nkambi wamakutu vakimosi wayanga mangu va luse luandi bikazimbikisila yau batambula dimbu kiabulu kiansisi ye basambila kifwani kiandi. Yau batubwa bau bole kimo-yo ku zanga diatia diyuyanga ye matadi matia.

21. Bankaka bavondwa kwa ndiena wavwanda va kavalu mu sabala kiavaika mu nwa andi; ye zinuni zazonsono zayukuta mu nsuni miau.

## Kapu 20.

*Dalaka kiakangwa (1—3). Kimfumu kiasfunda diamimvu (4—6). Sa-*

*tana wakutulwa, wanwana, wabungwa (7—10). Mfulukulu abantu ye nkongodolo (11—15).*

Ye mono yamona mpofi yakulumuka mu dizulu ye yasimba nsabi abenga ye luvambu lualunene mu koko kwandi.

2. Ye yandi wakamata dalaka, inioka yankulu, isatana ye nkadi ampemba, ye yankanga mu funda diamimvu.

3. Ye yandi wantuba mu benga ye wazika ye wantula dimbu va ntandu, kidi kavutuka zimbikisa bantuko, nate ye funda diamimvu dina mana, mboki sika kutulwa mu finta-ngu-ntangu.

4. Ye mono yamona biandu ye bau bavwandabio, ye bau bavewa bakongudila. Mono yamona miela miabazakwa ntu mu diambu diakimangi kiasu ye mambu maNzambi ye yau balembe sambila bulu kiansisi ye kifwani kiandi ye balembe tambula dimbu va mbulu zau ye va moko mau. Yau babaka moyo ye bayala ye Kilisto mu funda dimosi diamimvu.

5. Bafwa bankaka kababaka moyoko, nate ye funda diamimvu dina mana. Mfulukulu yoyo yantete.

6. Kiese ye nlongo biena yandi wena ntuali mu mfulukulu yantete. Lufwa luanzole kaluena ngolo mu yauko, kansi

yau bana kala minlongi miaNzambi ye Kilisto, ye bana yala ye yandi funda diamimvu.

7. Ye funda diamimvu budina mana, mboki satana una kutulwa mu kebolo kiandi.

8. Ye yandi una vaika mu zimbikisa bantu bena mu bifuma bia biantoto Ngongo ye Mangongo mu kutikisa yau mu nwana. Ntalu au yifwanane ye nienge wanzengo ambu.

9. Ye yau babuka mu sadila kwantoto ye bazunga valeka bantu banlongo ye vata diatondwa, ye tia tuasotuka mu zulu ye tuabamana.

10. Ye satana wabazimbikisa watubwa mu zanga dina diatia ye matadi matia diatubwa bulu kiansisi ye nkambi wamakutu. Yau bana kwamuswa fuku ye mwini mvu mikamimani kwele mvu kuvutukidi mvu.

11. Ye mono yamona kiandu kiakinene kiampembe ye ndiena wavwanda va kiau, dizulu ye ntoto biataba mu zizi kiandi, ye biau kabiamona vumako.

12. Ye mono yamona bafwa babake ye babanene batelama va luse luakiandu; ye minkanda miabengulwa; ye nkanda wankaka wabengulwa, inkanda wamoyo; ye bafwa bakongudulwa, bonso bwenina minkanda, bonso bwasonukwa mu minka-

nda, bonso bwenina mavanga mau.

13. Ye mbu wavutula bafwa bakala muna, ye lufwa ye nsi alufwa biavutula bafwa bakala muna, ye bau bakongudulwa, muntu ye mandi mavanga, muntu ye mandi mavanga.

14. Ye lufwa ye nsi alufwa biatubwa ku zanga diyuyanga, lufwa luanzole lolo, izanga diyuyanga.

15. Vo muntu walemhwa monwa, vo kasonukwa mu nka-nda wamoyo, buna yandi watubwa kuna zanga diyuyanga.

### Kapu 21.

*Yoane wamona zulu diamona ye ntoto wamona ye Yelusalemi diamona (1—2). Ndinga yitukidi mu kiandu yasamuna kiese kiabantu balalulwa (3—8). Yelusalemi diamona diakambwa bonso budienina (9—27).*

Ye mono yamona zulu diamona ye ntoto wamona. Kadi zulu diantete ye ntoto wantete biamana katuka, ye mbu kaula vutuka kalako.

2. Ye mono yamona vata dianlongo, iYelusalemi diamona, diakulumuka mu zulu kwa Nzambi, ye diakubama, bonso ndumba andambisa yasiwa ntoko mu diambu diatoko diandi.

3. Ye mono yawa ndinga yangolo mu kiandu yavova: Tala, nzo aNzambi va kati ye

bantu. Yandi una kala yau, ye yau bana kala bantu bandi, ye yandi kibeni Nzambi una kala yau;

4. ye yandi una kunguna mansanga mamonso mu meso mau, ye lufwa kaluna vutuka kalako, ye kiadi ye mbokolo ye mpasi kabina vutuka kala diakako, kadi yina yantete yamana lala.

5. Ye yandi wavwanda va kiandu wavova: Tala, mono ivanganga yayonso yamona. Ye yandi wavova kwa mono: Nasoni, kadi mambu momo mena makwikama ye kedika.

6. Ye yandi wavova kwa mono: Yivengo kwandi. Mono ia ye O, imbadukulu ye nsukulu. Mono ngina vana ufwiidi nsatu anlangu kanwa mu nto anlangu amoyo mu kalekwako.

7. Wonso una vingana va ntandu una vingila yoyo, ye mono ngina kala Nzambiandi, ye yandi una kala mwana ami.

8. Kansi bena bunkuta ye badimbula minu ye bavanga nkankumusu ye mimvondi ye minyangi ye bandoki ye min sambidi miabiteki ye babonso batanga makutu bana tambula kunku kiau mu zanga diyuyanga mu tia ye matadi matia, ilufwa luanzole lolo.

9. Ye mpofi mosi azimpofi nsambodia zakala malonga ma-

zala kwa vunga nsambodia  
biazimunina yayiza ye yamoka  
yami ye yavova: Wiza vava, sia  
kusonga ndumba andambisa, i-  
nkento wamwana wameme.

10. Yandi wantuala mu mpe-  
ve vana mōngo waunene ye  
wanda ye wansonga vata, iYe-  
luselemi dianlongo diakulumu-  
ka mu zulu kwa Nzambi,

11. ye diau diakala nzitusu  
aNzambi. Lezima kwadiau kwa-  
fwanana ye tadi dilutidi ntalu  
nkievo tadi diayaspisi diamamo-  
ni-moni.

12. Ye diau diakala lumbu  
lualunene luantela ye kumi  
ye mielo mielo ye mu mielo  
kumi ye zimpofi zole; ye zi-  
nkumbu zasonama va miao,  
inkumbu zamakanda mabana  
baIsaleli mena kumi ye mole.

13. Mu ntini yaesti mwaka-  
la mielo mintatu ye mu node  
mielo mintatu ye mu sude mielo  
mintatu ye mu westi mielo mi-  
ntatu.

14. Ye lumbu luavata lua-  
kala kumi ye tufulu tole ye va  
tuau kumi ye nkumbu zole,  
nkumbu zazintumwa zamwana  
wameme.

15. Ye ndiena wamoka  
yami wakala ye nti wawola  
wantezila, kidi kateza vata ye  
mielo miandi ye lumbu luandi.

16. Ye vata diena tueka  
tuia tuadetila, ye la ye sadila

biena mpila mosi. Ye yandi  
wateza divata mu nti mu ku-  
mi ye mafunda mole mastadia.  
La ye sadila ye ntela detila  
kwandi.

17. Ye yandi wateza lumbu  
luandi nkama mosi ye maku-  
maia ye nkwinga zia yambo-  
ma, bonso bwena tezo kiamu-  
ntu ye kiampofi mpe.

18. Ye lumbu luavata lua-  
tungwa mu yaspisi, ye divata  
diatungwa mu wola wavedila  
ufwanane ye tombula diavedila.

19. Kansi tufulu tualumbu  
luavata tuasiwa ntoko mu ma-  
tadi mamonsono mantalu beni  
mampila mu mpila: lufulu lua-  
ntete iyaspisi, luanzole isafili,  
luantatu ikalasedoni, luaia sima-  
langidi,

20. luantanu isaladonisi, lua-  
nsambanu isaladeli, luansambo-  
dia ikilisolito, luanani ibelili,  
luavwa itopasi, luakumi ikiliso-  
pasi, luakumi ye mosi iyasinti,  
luakumi ye zole iametisti.

21. Ye kumi ye mielo mio-  
le ikumi ye nzimbu zole, mwe-  
lo mosi mosi, luzimbu lumosi  
lumosi. Ye nzila avata yakala  
wola wavedila ufwanane ye to-  
mbula diawanguka.

22. Ye mono kiamona nzo  
aNzambi munako, kadi Mfumu  
Nzambi nkwa atulendo tuato-  
nsono inzo anlongo avata ye  
mwana wameme.

23. Ye vata kadiena nsatu antangu ye ngondako, mpasi biabawangula, kadi nzitusu a-Nzambi uwangulanga diau, ye mwana wameme ikia kwandi.

24. Ye bantu bana diata mu kia kwadiau, ye zimfumu zantoto zina nata nzitusu au ye ndanusu au mu diau.

25. Ye mielo miandi kami-na zikwa nkutu mu mwiniko, kadi fuku kadina vutuka kala munako.

26. Ye yau bana nata nzitusu ye ndanusu abantu kuna diau.

27. Ye widi lekwa kianso-bonkutu kakina kota mu diauko ye muntu uvanganganankumususu ye makutuko, kansi yau kaka basonukwa mu nkanda amoyo wamwana wameme.

## Kapu 22.

*Mwila amoyo ye nti amoyo (1—2). Kiese kiabantu balaluhwa (3—5). Mambu maNzambi makwikama (6—7). Yoane wafukama ye wasambila (8—11). Kilisto una kwiza nswalu (12—17). Ndubudulu mu keba mambu malukambulu lualakwa bina kwiza (18—19). Mfumu yina kwiza nswalu (20). Mpeno anlemvo (21).*

Ye yandi wansonga mwila anlangu wamoyo wawaika mu kiandu kiaNzambi ye mwana wameme, imwila wacema bonso namoni-moni.

2. Mu monakanda dianzila

adivata ye mwila kuna simu ye kunu simu mwena nti wamoyo ubutanga kumi ye mbuta zole zole, mbuta mosi mosi, ngonda mosi mosi, ye makaya manti mena mu niakisa bantu.

3. Ye widi lekwa nkutu kiatumbwa kakina vutuka kalako, ye kiandu kiaNzambi ye mwana wameme kina kala mu diau, ye minanga miandi mina kunsambila.

4. Ye yau bana tala zizi kiandi, ye nkumbu andi yina kala va mbulu zau.

5. Fuku kadina vutuka kalako, ye yau kabena nsatu akia kwamwindako ye kia kwantanguko, kadi Mfumu Nzambi una kubawangula, ye yau bana yala mimvu miamimvu mikamimani, kwele mvu kuvutukidi mvu.

6. Ye yandi wavova kwa mono: Mambu momo mena makwikama ye kedika, ye Mfumu Nzambi ampeve zaminkambi wafidisa mpofi andi mu songa minanga miandi yina yina vangwa nswalu.

7. Ye tala, mono ngina kwiza nswalu. Kiese kiena yandi una keba mambu malukambulu luankanda wau.

8. Ye mono Yoane indiena wawa ye wamona yoyo, ye buyawa ye yamonayo, mono yafukama mu sambila va malu mapofi yina yansongayo.



9. Ye yandi wavova kwa mono: Tala kwidibo sa! Mono inanga yaku ye zimpangi zaku ye minkambi ye yau bana keba mambu mankanda wau. Sambila Nzambi.

10. Ye yandi wavova kwa mono: Kusani dimbu mu nkanda wau walukambuluko, kadi ntangu yeka lukufi.

11. Uvanganga yambi, katatamana yambi vanga, ye muntu wansobo katatamana mu finsuka, kansi muntu wamfonga katatamana mfonga vanga, ye muntu wanlongo katatamana mu kukifongisa.

12. Tala, ngina kwiza nswalu ye nsendo ami wena yami mu senda muntu muntu, bonso bwena mavanga mandi.

13. Mono iA ye O, wantete ye wazimunina, mbadukulu ye nsukulu.

14. Kiese kiena yau basukula mwatu miau, kidi bakala lulendo mu nti wamoyo ye kota mu mielo miadivata.

15. Kansi kumbazi kuna kala zimbwa ye bandoki ye minyangi ye mimvondi ye minsambidi miabiteki ye babonsono bazolele ye bavanganga makutu.

16. Mono Yesu yafidisi mpo-fi ami mu ta kimbangi kwa yeno mu yoyo mu mabundu. Mono imwanzi waDavidi ye mwana andi, imbwetete yansuka yilezimanga.

17. Ye mpeve ye ndumba andambisa bavovele: Wiza! Ye wonso wilu, kavova: Wiza! Wonso wena nsatu anlangu bika kiza; ye wonso uzolele, bika kabonga nlangu amoyo mu kalekwako.

18. Mono itanga kimbangi kwa wonso una wa mambu malukambulu luankanda wau: Vo muntu una kudika lekwa mu mau, buna Nzambi una kunsa mpe vunga biasonukwa mu nkanda wau,

19. ye vo muntu una katula lekwa mu mambu mena mu nkanda walukambulu lualu, buna Nzambi una katula kunku kiendi mu nti wamoyo ye vata dianlongo biasonukwa mu nkanda wau.

20. Ndiena utanga kimbangi mu yoyo, yandi vovele: Inga, ngina kwiza nswalu. Amen. Mfumu Yesu, wiza!

21. Bika nlemvo waMfumu Yesu wakala ye babonsono!





# MINKUNGA MIADAVIDI

MIASEKULWA MU KIFIOTI

KWA

K. S. WALFRIDSSON

YE

MIASUNGUKWA KWA

R. W—N.



SWEDISH MISSIONARY SOCIETY  
ÉTAT INDÉPEND. DU CONGO.

STOCKHOLM,  
SVENSKA TRYCKERIBOLAGET EKMAN & CO.  
1898.

N

## Minkunga miaDavidi.

NKANDA WANTETE.

### Nkunga 1.

*Kiese kiabankwa miamfonga ye  
mbungulu zabankwa miayayibi.*

Kiese kiena ye ulembolo diata mu nkanunu zabankwa miayayibi ye lembolo kota mu nzila zabankwa miamasumu ye lembolo vwanda, vavwandanga bamindevi,

2. kansi uzolanga mina miamfumu ye uyindulanga mina miandi mwini ye fuku.

3. Ndiona ufwana ne ye nti wakunwa va nseko amila mi-anlangu, ubutanga bana bandi mu yandi ntangu ye lembolo lengila makaya; kansi yayonso no yikavanganga yitomene.

4. Kansi bankwa miayayibi kabena boboko, kansi yau bafwanane ye mavevolo mavevumunwanga kwa mpeve.

5. Nkiangunu bankwa miayayibi kabana vuka mu nkongodoloko, ye bankwa miamasumu kabana sikila mu di-

bundu diabankwa miamfonga mpeko.

6. Kadi Mfumu zaidi nzila zabamfonga, kansi nzila zabankwa miayayibi zina fukuswa.

### Nkunga 2.

*Mfumu aZioni.*

Bakondolo nzailu aNzambi mu nkiam a beti boma, ye bantu mu nkiam a beti banzila mabanza makondolo kiuma?

2. Zimfumu zanza yayi zeti telama kwau, ye bakuluntu beti wawasana kwa Mfumu ye kwa muntu andi waku swa:

3. »Tuadamuneo mbienga zau, ye tualosa minsinga miau!»

4. Wena ku zulu sevele; Mfumu weti kubalevula.

5. Buna yandi weti kubavovisila mu nganzi zandi, ye weti kubatinisa mu mfwemono andi yayinene.

6. »Mono yayadisi mfumu ami ku Zioni, imongo ami wanlongo.»

7. Mono ngina kamba luvawanu lualu; Mfumu wankamba: »Ngeye imwan' ami, lumbu kiaki ibutidi.

8. Lomba kwa mono, ye mono ngina kusiisila bakondolo nzailu aNzambi difwa ye nzuka zantoto mu vwazo.

9. Ngeye una bula yau mu nkawa wasengwa ye una kubakosuna mpila mosi binzu biatubumba.

10. Ikuma luluka, beno zimfumu ye beno, minkongudidi va ntoto, luyambula lualongakana!

11. Lusadila Mfumu mu wonga ye luyangalala mu zakama!

12. Luzitisa mwana kawidi fwema, ye yeno kaluidi zimbala mu nzila; kadi nganzi zandi zilenda futumuka nswalu. Kiese kiena yau babonsono batininanga kwa yandi.

### Nkunga 3.

*Ngiaudulu kwa Nzambi mu nkwasumu.*

Nkunga waDavidi bukataba mu mwan' andi Absalomi.

2. Mfumu, mintantu miami miena miamingi, babingi beti kunkutakanana;

3. babingi beti kuntesa ndevo: »Mu Nzambi kamwenani ndalulu mu yandiko.»

4. Kansi ngeye Mfumu inkaku kwa mono; ngeye inzitusu ami, ye ndiena uvumbulanga ntu ami.

5. Isasula nding' ami ye idila kwa Mfumu, ye yandi utambudila kwa mono mu mongo andi wanlongo.

6. Mono yalambalele ye yabeki tulu; mvutukidi sikama, kadi Mfumu unkebele.

7. Kieti ami tina makabu mamazunda mabantu meti kunzungidilako.

8. Telama Mfumu; undalula, uNzambi ami, kadi ngeye ubandanga mintantu miami miamionsono va mpukunia, ngeye ukosunanga meno mabantu bambi.

9. Kwa Mfumu kwena ndalulu; bika lusakumunu luaku luazakala va bantu baku.

### Nkunga 4.

*Lusambulu luavuru mu ncita.*

Kwa nseki ankunga mu yimbidila mu nsambi; nkunga waDavidi.

2. Buibokanga bika watambudila kwa mono, ngeye uNzambi amfonga zami, ngeye ukunsadisilanga vuma bungiena mu mpasi, unsila nlemvo ye wa lusambulu luami.

3. Lumadingizi, lumbu bi kwa nzitusu ami una kitulwa

mvwezolo, lumbu bikwa luna tonda mambu makondolo kiu-ma ye tomba makutu?

4. Luyindula kweni, vo Mfumu wakisodila kwandi muntu wabumpombo, Mfumu uwanga buikumbokilanga.

5. Lukala kweni nganzi, kansi kaluvolani masumuko; luyindula mu mintima mieno mu mintanda mieno ye ludi-ngalala.

6. Lunata minkailu miamfonga ye lusa vuvu mu Mfumu.

7. Babingi beti vova: »Nani una kutumwesa yina yena yambote?» Utunangunina kia kwazizi kiaku, uMfumu.

8. Ngeye weti kumbukisa kiese kiakingi mu ntima, kiviokele kiese kiabankaka, bu-beti baka mbidi ambongo ye vinia kiakingi mpe.

9. Mu yenge nzolele lambalala, ye mu yenge sia leka tulu, kadi ngeye, uMfumu, ungi-ambudi vatatukidi ye vena mpungumunu.

### Nkunga 5.

*Lusambulu mu bankwa miayayibi.*

1. Kwa nseki ankunga, nkunga waDavidi.

Dimba mambu mami, Mfumu; wa mpumukunu ami!

3. Wangiaudulu ami, uMfumu ami ye Nzambi ami; kadi kwa ngeye nzolele tambika lusambulu luami.

4. Mfumu, nsuka nabu siwa wa nding' ami; nsuka nabu ikutuadilanga nkaylu aku ye ikulangidilanga.

5. Kadi ngeye kaiNzambi yizolanga yambiko; muntu wambi kalendi kala ye ngeyeko.

6. Bantu bamayangala kabalendi sikila va meso makuko, ngeye ubelanga mivangi miayayibi miamionsono.

7. Ngeye ubunganga bakambanga makutu; bau bena vema vema mu vonda, ye bantu bampumpuluvunu Nzambi weti kubakamina nitu.

8. Kansi mono sia kota mu nzo aku mu diambu dianlemvo aku waunene; sia sambila kwami mu wonga waku, kutadisini nzo aku yanlongo.

9. Mfumu, undiatisa mu mfonga zaku mu diambu diaminzomi miami; undengila nzil' aku.

10. Kadi mu minwa miao kamwena kedikako, mu ngudi amintima miao mwena mbungulu, malaka mau izindiamu zamwasi, ye tudimi tuan bavangato ndengo zavovila.

11. Ubakongudila Nzambi; bika nkanunu zau zafuba. Ubakuba mu diambu diaminkanu miau miamingi, kadi kolo bena mu ngeye.

12. Kansi yau babonsono batininanga kwa ngeye bika bakala kiese; bika bayangalala kwele mvu kuvutukidi mvu, kadi ngeye ukubatabilanga. Batondanga nkumbu aku bika bakala kiese mu ngeye.

13. Kadi ngeye usakumnanga wamfonga; ngeye weti kumfuka mu nlemvo keti inkaku.

### Nkunga 6.

*Lusambulu ye mvutulu alusambulu mu nxungu beni.*

1. Kwa nseki ankunga, mu yimbidila mu nsambi, nkunga waDavidi.

Mfumu kundongilani mu nganzi zakuko, ye kumpovisilani mu mfwemono akuko.

3. Unsila nlemvo, Mfumu, kadi lemina dieti kumpomisa, undiakisa Mfumu, kadi ngietimona wonga mu ngudi.

4. Inga, mwel' ami weti mona wonga wawingi; engwa, Mfumu lumbu bikwa?

5. Vutuka, Mfumu, walalula mwel' ami; untanina mu diambu dianlemvo aku.

6. Mu lufwa kamubanzu-lwanga mu ngeyeko; nani una

vutula matondo kwa ngeye mu nsi abafwa?

7. Nitu nkutu kindakana ye vumukanga, fuku kafuku isanga ntand'ami nabututu, ye mu mansanga mami ibodisanga fulu kiami.

8. Zisi kiami kiayikidi nasiotolo mu diambu diakiadi; kimeni nuna mu diambu diamintantu miami miamionsono.

9. Luntatukila beno lumimvangi miayayibi buna luena, kadi Mfumu wawilu ndidulu ami.

10. Mfumu wawilu tusa-mbulu tuami, Mfumu weti tambudila ndombolo ami.

11. Mintantu miami miamionsono mina vwiswa nsoni ye mina bwilwa kwa wonga wawingi; bana vutukisa ku manima ye vwiswa nsoni nswalu.

### Nkunga 7.

*Ndombolo yaludedoso luabungu diamfonga kwa Nxambi.*

1. Nkunga waDavidi, ukayimbila kwa Mfumu mu diambu diamambu maKuzi mu kanda diaBeniami.

Mfumu, kwa ngeye itinina; untabila mu minzomi miami miamionsono ye undalula,

3. kamidi tiasuna mwel'ami nkievo zinkosi ye niukikisa-



wo, bunkondolo una kunsadisa.

4. Mfumu, uNzambi ami, vo mono mpengi bobo, ye vo yilembolo songa yena mu moko mami,

5. vo mono mvutudi yambi kwa utukezi yenge, evo nzionene utukezi kintantu lekwa mu nana,

6. buna yambula ntantu kazoma mwel' ami kabakawo ye kadiata moyo ami va ntoto ye katula nzitusu ami mu fundu fundu diantoto.

7. Nanguka Mfumu mu nganzi zaku wakakila mafuluka mamintantu miami, zikama wansadisa, ngeye wavana nkongodolo.

8. Bika dibundu diabantu diakuzungidila, ye bika wavutuka mu kayengele va ntandu adiau.

9. Mfumu yeti kongudila bantu; undungisa Mfumu, bonso bwena mfonga zami, ye bonso bungienina mu kondwa kwa nkanu.

10. Sukisa kimfunia kiabankwa miayayibi, kansi sikisa nkwa wamfonga mu lulendo, kadi ngeye indiena utalanga mintima ye nguba, uNzambi yamfonga.

11. Nkaku ami yena kwa Nzambi; yandi ulalulanga bankwa miamfonga.

12. Nzambi inkongudidi wamfonga, ye yandi iNzambi yifwemanga lumbu kalumbu.

13. Vo muntu kazolele vilula dielako, buna weti lengusa dionga diandi ye leka ponza kiandi ye wetikio kubika;

14. ye yandi weti kunzungila nzongo wamfwilu, ye bitoto biandi yandi wetibio vemunina ku tia.

15. Tala ndiona wena nzongo wabuta mbungulu, yandi wayeki kimfunia, kanzi una buta kalekwako.

16. Yandi weti tima bulu ye wetidio sinisa, kansi bwidi kwandi mu ndiamu yikatimini.

17. Kiadi kiandi kivutukidi va ntu andi, ye kimfunia kiandi kivutukidi va mbata antu andi.

18. Mono sia tonda kwa Mfumu bonso bwena mfonga zandi ye sika nkumbu amfumu, yandi iyandi lutidi inkwa waunene.

## Nkunga 8.

*Nene ye wote biamvangi.*

1. Kwa nseki ankunga, nkunga waDavidi.

Mfumu uMfumu eto, nkumbu aku mwanki yandanusu beni yena mu ntoto wamvimba, ingeye watula nzitusu akimfumu kiaku ku zulu.

3. Mu minwa miabana ye mu minwa miabana banswa ngeye watula lulendo mu diambu diamintantu miaku mu lumba ntantu ye wena nzaki zavutudila ndinda.

4. Buitala zulu diaku, imavanga mamoko maku ngonda ye mbwetete, ziwavanga,

5. buna muntu inki kwandi, vo ngeye ukumbanzilanga, evo mwana abantu vo ngeye ukunkebanga?

6. Fiuma fisidi nga wamvangila nkievo kiNzambi; ngeye wamvwika nzitusu ye ndanusu.

7. Ngeye wanyadisa mfumu va ntandu amavanga mamoko maku, yilekwa yayonso ngeye wantudilayo kungsi amalu mandi,

8. mameme ye zingombe, biabio, inga, bibulu biatiti mpe,

9. zinuni zena kungsi adizulu ye zimbizi zambu, ye bionso bionso lekwa bidiatanga mu nzila zambu.

10. Mfumu, uMfumu eto, nkumbu aku yena yandanusu mu ntoto wamvimba.

### Nkunga 9.

*Mvutudulu amatondo mu diambu diandungunu mu mintantu.*

1. Kwa nseki ankunga, nkunga waDavidi.

Nzolele tonda kwa Mfumu mu ntim' ami wamvimba; ngina kamba bimangu biaku biabionsono.

3. Nzolele kala kiese ye yangalala mu ngeye, nzolele sika nkumbu aku, ngeye ingeye lutidi inkwa wanzitusu,

4. kadi mintantu miami mieti vutukisa ku manima, mieti bwa kwau ye bungana va zizi kiaku.

5. Ngeye wandungisi ye wandedesele mambu mami; ngeye uzakalanga va kiandu kiaku kianzitusu bonso nko-ngudidi wamfonga.

6. Ngeye sembele bakondolo nzaylu aNzambi ye wabungidi bankwa miayayibi; zinkumbu zau ngeye vinsikisizo kiamakulu ye kwele mvu kuvutukidi mvu.

7. Mintantu mimeni beduswa, mimeni fulwa kiamakulu; ngeye tengole mavata mau, mbambukulu zamioyo miau zavididi.

8. Kanzi Mfumu yena mivu miamionsono. Yandi wakubika kiandu kiandi mu kongo-dila,

9. ye yandi una kongudila sadila kwa ntoto mu mfonga, yandi una dedisa mambu mabantu bonso busongele.

10. Ikuma bika Mfumu kadila muntu ukwamuswanga

nzo yasiama, inzo yasiama mu ntangu zanzungu.

11. Ye buna basaidi ngeye bika bakusilanga vuvu; kadi ngeye Mfumu, kuisanga bakutombangako.

12. Luzitisa Mfumu, uvwandanga mu Zioni, lukamba mavanga mandi kwa bantu.

13. Kadi yandi iyandi utatimisanga mfuka zamenga lomba, yandi ubabambukidi moyo; yandi kavilakene ngiaudulu zabakwamuswangako.

14. Unsila nlemvo, uMfumu; tala bonso buikwamuswanga kwa beti kumbela; ngeye ingeye ukuntombulanga mu mielo mialufwa;

15. mono kidi vo yakamba lusikulu luaku lualonsono, ye kidi yayangalala mu ndalulu aku mu mielo miamwan' ankeno Zioni.

16. Balembolo kuzaya babwidi kwau mu ndiamu yibatimini; malu mau mabakamene mu konde dibatemi.

17. Mfumu wakizaikisi, yandi meni kongudila; yandi ukankidikisanga nkwa wambi mu mavanga mamoko mandi.

18. Bankwa miayayibi bana vutukisa kwau ku manima ye bana sotuka mu nsi abafwa, babonsono balembolo zaya Nzambi, bakumvilakananga.

19. Kadi muntu wamputu vele kana fuwa diba mu lumbu yayonsonoko, ye vuvu kibantu bakwamuswanga kakina kabakana kwele mvu kuvutukidi mvuko.

20. Do telama Mfumu, kutalani bantu bavingana vantanduko; yambula balembolo kuzaya bakongudulwa va zizi kiaku.

21. Bika wonga wababwila Mfumu; bika balembolo kuzaya babakula mu mintima, vo yau ibantu kaka.

## Nkunga 10.

*Ngiaudulu ye lusambulu mu diambu dianza miabankwa miayayibi.*

Mu nkiana utatukidi nseke beni, uMfumu, ye mu nkiana weti swama mu ntangu zanzungu?

2. Muntu wamputu ukatwa lungwanga kwama mu diambu dianza miabankwa miayayibi; ubakamanga kwandi mu nkannunu zau zibankana.

3. Kadi nkwa wambi weti kukisanisina mu luzinunu luamwel' andi, ye nkwa amapela kazolele mu Nzambiko, yandi ukuntungudilanga.

4. Nkwa wambi weti vova mu nza miandi vo: »Yandi ketibo yuvuzulako!» »Kakwenani Nzambiko;» bonso bobo

bwena mabanza mandi mamonsono.

5. Nzila zandi zena mpungumunu mu ntangu zazonso, nkongodolo zaku zeti tatuka beni ku zulu ye meso mandi; mintantu miandi miamionsono yandi wetimio banzila mpila mosi kalekwako.

6. Yandi weti bika mu ntim' andi: Kina kwami zezako, mu mono kamuna bwilwa ncitako kwele mvu kuvutukidi mvu.

7. Nwa andi uzedi kwa ntumbulu ye bungubi ye lukwamusu; kusi aludimi luandi kwena nzungu ye mbungulu.

8. Yandi weti vwanda mu kenga ku mbel' azinzo, mu nsweki kazolele vonda kondolo nkanu; meso mandi meti langidila nkwa akiadi.

9. Yandi weti langa mu vuma kiansweki bonso nkozi kusi avwa diandi, yandi weti langa mu baka nkwa amputu ye weti kuntunta kwa yandi mu konde diandi.

10. Yandi weti batalala ye weti kenga, ye bankwa mianzungu babakamene kwau mu nzala zandi.

11. Yandi weti vova mu ntim' andi: »Nzambi unabo

vilakana, yandi swekele zizi kiandi, kasi kanabo monako.»

12. Telama Mfumu, nanguna koko kwaku Nzambi, kuvilakanani bantu bamputuko.

13. Nkwa wambi mu nkiama sika tungudila Nzambi, ye mu nkiaama sika vova mu ntim' andi: »Ngeye kwetibo yuvuzulako.»

14. Ketu ngeye wamonabo; kadi ngeye utalanga nzungu ye kiadi ye usonikangabio vakandazi kiaku. Muntu wakiadi uyekulanga bungu diandi kwa ngeye; ngeye insadisi akondolo se.

15. Tolula koko kwa nkwa wambi ye vutula ndinda mu masumu mabankwa miayayibi, kidi vo kunamo vutuka monako.

16. Mfumu imfumu lumbu yayonso kwele mvu kuvutukidi mvu; bakondolo luzailu luaNzambi bana katwa fuku swa mu nsi andi.

17. Ngunda zabankwa miabumpombo, ngeye Mfumu, uawangazo; ngeye weti sa mintima miao nakekete; ngeye weti teka matu maku mu diambu dianungisa kondolo se ye ukwamuswanga.

18. Kotalani muntu nkutu kavutuka vumisako, kadi wvangulwa mu ntoto.

**Nkunga 11.**

*Vuvu mu Mfumu inkwa wamfonga.*

1. Kwa nseki ankunga, nkunga waDavidi.

Kwa Mfumu yatinini. Buna bwe lulenda kuntesa vo: »Lutina bonso butinanga nuni ku mongo weno,

2. kadi tala, bankwa miayayibi beti leka ponza, batudidi toto biau mu nsinga mu sika kwa bankwa miamfonga mu tombe.

3. Tufulu butueti vuzwa, buna nkwa wamfonga nki sika lenda vanga?»

4. Mfumu wena mu nzo andi yanlongo, kiandu kiaMfumu kiena ku zulu; meso mandi matalanga, ye ntadulu zandi zisinsanga bana babantu.

5. Mfumu weti tonta nkwa wamfonga; kansi nkwa wambi ye utondanga mafuka bau babelwanga kwa mwel'andi.

6. Bika kanokisina bankwa miayayibi makonde mapezomo; tia ye matadi matia ye mpeve yambangazi, bika biau biakala imbungu au, yibana tambukwa.

7. Kadi Mfumu wena wamfonga; yandi utondanga zimfonga; bankwa miamfonga bana mona zizi kiandi.

**Nkunga 12.**

*Lusambulu mu diambu diamambi maniekanga.*

1. Kwa nseki ankunga, Seminiti, nkunga waDavidi.

Mfumu bika walalula; kadi bankwa miamfonga basukidi kwau, ye bankwa miakwikama bameni vila mu bana babantu.

3. Bakambasananga makutu bau ye bayandi; bavovilanga mu bikoba biena nalengwa lengwa ye mu ntima miampumpuluvunu.

4. Mfumu bika kafula bikoba biabionsono biena nalengwa lengwa ye ludimi kuvovanga mambu mamanene, ye yau bavovanga vo:

5. mu tudimi tueto mwena ngolo zeto, bikoba bieto bikutusadisanga; nani mfumu eto?

6. Mfumu vovele: mu diambu diabankwa 'bumputu beti kwamuswa ye bankwa akiadi beti dila, mu diambu diodio sia telama bwabu, sia bakila ndiena ndalulu wenayo nsatu.

7. Mpovolo aMfumu yavedila bonso palata kiavongumuka va nsi kiamana veduswa mu kingundu mpeduswa nsambodia.

8. Ngeye Mfumu una kubakeba, ngeye una kubatabila mu mbandu yayi kwele mvu kuvutukidi mvu.

9. Kadi bambi beti kuba-zieta ndambu zazonsono, mu diambu diayambi yeti yala mu bana babantu.

### Nkunga 13.

*Mu nzungu xaxingi.*

1. Kwa nseki ankunga, nkunga waDavidi.

Mfumu, lumbu kwa una kumvilakana kiamakulu? Lumbu kwa una kunsweka zizi kiaku?

3. Lumbu kwa ngina kala kingongo mu mwel' ami ye kala wonga mu ntim' ami mu mwini wamvimba? Ntantu ami lumbu kwa kana kukiyana kwa mono?

4. Yinika meso maku ye tambudila kwa mono, Mfumu, Nzambi ami; kiesa meso mami, ngidi leka mu tulu tua-lufwa;

5. mpasi ntantu ami kidi kunteza vo: »mono yamvingisi kungsi», ye mintantu miami kamidi yangalala bungieti zeza.

6. Mono isilanga nlemvo aku vwadi; bika ntim' ami wayangalala mu ndalulu aku. Nzolele yimbila mu sika Mfumu mu diambu diabukampa-ngidi yambote.

### Nkunga 14.

*Ngiaudulu kwa Mfumu mu diambu diamambi mayalanga.*

1. Kwa nseki ankunga, nkunga waDavidi.

Bilau bivovanga mu mintima miau vo: »kakwenani Nzambiko». Mavanga mau mamonsono imfukusu ye nkan-kumusu; kakwenani muntu nkutu uvanganga yamboteko.

2. Nzambi weti tala mu zulu mu bana babantu, kanivo sika mona vo mwena mosi wena wanduka, vo mwena mosi ufwandanga Nzambi.

3. Babonsono bamana vengama, babonsono bamana biva miela; kamwenani muntu uvanganga yamboteko, widi wamosi nkutu.

4. Kadi mimvangi miaya-yibi miami kamilendi visa lekwa-koe, midianga bantu bami nkievo midianga mampa ye milembolo dila kwa Mfumu?

5. Kansi wonga una kuba-bwila, kadi Nzambi yikalanga ye mbandu yabamfonga.

6. Beno mwanki lulenda tonta vunza lukanunu luamuntu wakwamuswa, kansi mwanki Nzambi impengomono andi.

7. Nga vo ndalulu yaIsaleli yiiza mu Zioni, ye Mfumu kavulusa bantu bandi, nga

Yakobi sika mona kiese ye  
Isaleli sika yangalala.

### Nkunga 15.

*Nkwa wadibundu diaMfumu  
usongele.*

#### 1. Nkunga waDavidi.

Mfumu, nani una kala mu  
nzo aku? Nani una vwanda  
mu mongo waku wanlongo?

2. Ndienda ukondolo nkanu  
mu ndiatulu andi ye uvanga-  
nga yina yisongele ye uvova-  
nga kedika mu ntima.

3. Ndienda ulembolo kela  
mu ludimi luandi ye lembolo  
vangila mpangi andi yambi  
nkutu ye lembolo vwezisa  
nzik' andi.

4. Ubanzilanga muntu wa-  
mbi, nkievo kalekwako, kansi  
weti zitisa bau bena vumi  
kiaMfumu, ye lembolo vunza  
ndefi andi, kadiambuko vo  
sikayo mwena mbivusu mu  
nitu andi mpe.

5. Ndienda ulembolo vanga  
mbongo zandi ndandu mu ki-  
mbabu ye lembolo tambula  
mboko, kidi kabwisa kondolo  
nkanu. Usanga bonso bobo  
kana zezako mu mimvu mia-  
ndi miamionso.

### Nkunga 16.

*Kiese kiamuntu wamfonga mu  
Nzambi.*

#### 1. Nkunga waDavidi.

Nsambi, do unkeba, kadi  
kwa ngeye ngiizi tinina.

2. Mono ikamba kwa Mfumu  
vo: »Ngeye kwaku iMfumu». Mu  
mono kamwenani lekwa  
kiabiza nkutuko, kansi ngeye  
kaka.

3. Bankwa miamfonga vava  
ntoto, yau iyau bena nzitusu  
bangieti sa luzolo luami lua-  
mvimba.

4. Kansi yau bakibongila-  
nga nzambi yankaka, yau bana  
mona nzungu zazingi; kizolele  
tula minkailu miau miandwinu  
amengako, ye kizolele nata  
nkumbu zau mu bikoba bia-  
miko.

5. Mfumu ikunku kiami  
kiyavengukulwa ye mbungu  
ami; ngeye indiena usikisanga  
ndambu afwa diami.

6. Kunku kiami yamanakio  
tudulwa mu vuma kiabiza,  
inga, ifwa diami diodio dinto-  
ndeke beni.

7. Nzolele sika Mfumu,  
kadi yandi weti kundubula;  
mu fuku mpe ngieti lebwa mu  
ngudi 'antim' ami, kidi yasabo.

8. Ntangu zazonsono ika-  
langa Mfumu ku tadisi zizi  
kiami, inga, yandi wena ku  
lubanzi luami lualubakala;  
kina kwami zezako.

9. Nkiangunu ntin' ami  
weti yangalala ye mwel' ami  
weti mona kiese; nsuni wami

mpe una vunda vena mpungumunu.

10. Kadi ngeye kuna ye-kula mwel' ami mu nsi abafwako, ye kuna yambula muntu aku wamfonga kamona mpetoko.

11. Ngeye una kunzaikisa nzila yamoyo; kwa ngeye kwena kiese kialunga, mbidi ayangalala mu koko kwaku kwalubakala kwele mvu kuvutukidi mvu.

### Nkunga 17.

*Mpengomono amuntu waxomwa kondolo nkanu.*

1. Lusambulu luaDavidi.

Mfumu, do wa bungu diadi diena diamfonga, yindula lubokolo luami, wadimba lusambulu luami, luau kalutukanga mu bikoba biapupikako.

2. Bika lukongodolo luami luatuka kwa ngeye; meso maku mafwiti lenda tala bina bisongele.

3. Ngeye usinsanga ntim' ami, ye mu fuku ngeye utonwangawo, ngeye ukumfionguninanga, kansi kulendi mona lekwako, dibanza dimosi diambi diakadivayka mu nwa ami.

4. Kani bantu bonso beti vanga, nga mono isikilanga

kwami mu mambu mabikoba biaku ye iluenganga mu nzila zabankwa miamafuluka.

5. Malu mami masiamanga nakekete mu nzila zaku, ye malu mami kameti zekakanako.

6. Nkiangunu ikulomba bwabu, kadi ngeye Nzambi una kuntambudila; untambila kutu kwaku, wadimba mpovolo ami.

7. Songa nlemvo aku wazenza, ingeye kwaku ulalulanga mu koko kwaku kwalubakala batininanga kwa ngeye mu mintantu miau.

8. Unkeba bonso ngengele adisu, untanina ku mpevo amaveve maku

9. mu bankwa miayayibi bazolele kumfukisa, ye mu mintantu miami mialufwa mieti kunzungidila.

10. Mintima miau betimio badisa, mu minwa miau beti vova mambu mamanene.

11. Konso kaka kutukwenda yau intumbu kutuzungidila, meso mau meti saka mu kutulumba va nsi.

12. Nkwa wambi udedukuswa ye nkosi yena ngunda mu bwila bulu, bonso nkosi yantuenia yilanganga.

13. Nanguka, Mfumu, do telama kwa yandi wambwisa, lalula mwel' ami mu sabala kiankwa wambi,



14. ye mu koko kwaku, Mfumu, mu bantu, mu bantu banza yayi bena kunku kiau mu moyo wau bafuluzilanga vumu mu minkailu miaku. Yau bena bana babingi babakala ye beti sisila bana bau kiaba, kiambongo.

15. Kansi mono sia tala zizi kiaku mu mfonga; bu-ngina temunasia yukuta kwami mu mbenokono aku.

### Nkunga 18.

*Ngolo za Nzambi xambedisila.*

1. Kwa nseki nkunga wa-Davidi, sielo kiaMfumu, wavova kwa Mfumu mambu mankunga wau mu yina ntangu, yikatanunwa kwa Mfumu mu moko mamintantu miandi miamionsono ye mu nganzi zaSauli.

2. Yandi wavova: ntondele kwakwingi mu ngeye, Mfumu, insiamunu ami,

3. Mfumu, ngeye imongo wami, inzo ami yangolo, ye ntanini ami, Nzambi ami, tadi diami diitininanga, mpengomono ami, nkaku ami ye mpoka andalulu ami, ntabidi ami.

4. Mfumu yilutidi mu sikwa, kwa ngeye ididilanga ye ntumbu lalulwa mu mintantu miami.

5. Minsinga mialufwa mianzingalakana ye mila mianbulugulu miasa kumbwisa wonga.

6. Minsinga miansi abafwa mianzingalakana, makonde malufwa mantulukila.

7. Kansi mono yadila kwa Mfumu mu ncita zami, ye yayaula kwa Nzambi ami. Yandi wawa nding' ami mu nzo andi, ye ngiaudulu ami kwa yandi yaluaka mu matu mandi.

8. Buna ntoto weti tita ye zakama, ye tufulu tuamiongo tuanikuka; tuau tuanikuzunwa, kadi nganzi zandi zifunduka.

9. Mwisi wafwita mu mbo-mbo zandi, ye tia tuansukisila tuavayka mu nwa andi; makala matia malakumuka mu yandi.

10. Yandi wabetika zulu ye wakulumuka, ye mbungi wakala kungsi amalu mandi.

11. Yandi wayendila mu Celubi ye watilumuka, yandi wavevila mu maveve matembo.

12. Yandi wakifuka tombe, inzo andi yoyo yanzunga; minlangu nkutu napiu, nkati amatuti.

13. Matuti mavambana mu diambu diatentinia kwavita vantu; mvula yambalu yapasumuka ye makala matia masotuka.

14. Ye Mfumu yaduma mu zulu, nkwa akayengele wawisa nding' andi; mvula yambalu yapasumuka ye makala matia masotuka.

15. Yandi wasika totolo biandi ye wabamwangisa, zimpezomo zazingi ye wabasakisa meso.

16. Tubulu tuaminlangu tuamonika, ye tufulu tuantoto tuasensa mu lusembo luaku, Mfumu, mu kimbongila kianganzi zaku.

17. Yandi walambula koko kwandi mu zulu ye wansimba, yandi wantombula mu minlangu miomio miaminene.

18. Yandi wantanina mu ntantu ami wangolo ye mu yau basa kumbela, kadi yau bampingisi kungsi.

19. Yau bambwila mu lumbu kiami kianzungu, kansi Mfumu yakala insiamunu ami.

20. Yandi wampaikisi mu vuma vasadidi; yandi wantanina kadi wanzola.

21. Mfumu wansenda bonso bwena mfonga zami; yandi wamvutudila bonso bwena moko mami mu vedila.

22. Kadi mono ikebanga nzila zaMfumu ye kiavengane mu Nzambi ami mu vanga yambiko;

23. inga, nsiku miandi miamionsono mono yakala ye mio

ku tadisi zizi, ye mina miandi kiayambulamio miavengana mu monoko.

24. Mono yakondwa nkanu mu meso mandi ye yakikenga mu yambi.

25. Nkiangunu Mfumu wansenda, bonso bwena mfonga zami, bonso bwena moko mami mu vedila mu meso mandi.

26. Muntu wabiza ngeye weti kukisonga wabiza kwa yandi, ye kondolo nkanu ngeye weti kukisonga mpe, vo kondolo nkanu.

27. Muntu vavedila ngeye weti kukisonga vo vedele mpe, kansi kwa muntu wakimbangi ngeye weti kukisonga mu bumbangi mpe.

28. Kadi ngeye ulalulanga bantu beti kwamuswa, kansi meso manza wetimo yinisa.

29. Ngeye ukiesanga mwind' ami nakienzi kienzi; Mfumu iNzambi ami, yikienzulanga tombe kiani.

30. Kedika, bungiena yaku ilenda bwisa makabu, ye bungiena ye Nzambi ami ilenda nunguna baka.

31. Nzila' Nzambi yikondolo kieta; mpovolo yaNzambi yena yavedila. Yandi inkaku kwa yau bakuntinanga.

32. Kadi nani iNzambi, vo kaMfumuko, ye nani itadi, vo kaNzambi etoko.

33. Nzambi, ingeye wasa kunzunga ngolo ye wansila nzil' ami miolo miolo,

34. wasa malu mami keti imalu mambangi ye wantu-ngika ku mbata,

35. walonga moko mami manwana ye moko mami mu tukuna ponza kiansongo.

36. Ngeye wampana nkaku andalulu aku, ye koko kwaku kwalubakala kwankindisa, ye luyinunu luaku luandenivisa.

37. Ngeye wasadisila malu mami mbuka mu yayendila, ye malu mami kamazezako.

38. Mono yazoma mintantu miami ye yababakila; kiavutuka ku manimako, nate yamana kubasukisa nampia.

39. Yababwisa nate ye balembana telama; babwa kungsi amalu mami.

40. Ngeye wanzunga ngolo mu mvita; ngeye wandambidikila minkakidi miami kungsi.

41. Ngeye wantabisila mintantu miami, ye mono yafukisa yau, basa kumbela.

42. Yau baboka, kansi una kubalalula mpia; kwa Mfumu baboka, kansi yandi kabatambudilako.

43. Mono yabakosikisa bonso mfumfuta mu tembo; yabalosa bonso titi bianzila.

44. Ngeye wantanina mu nzonza miabantu, ye wansa

kikuluntu mu balembwa kuzaya, bantu bayalembwa zaya bayika bisielo biami.

45. Bubawa nsangu kaka intumbu kuntumamana, bannenzena bansonga nginunu zau.

46. Banzenza bakala nazebele; basisa zinzo zau zangolo mu wonga.

47. Mfumu wena wavumuna; bika tadi diami diasikwa, ye bika Nzambi andalulu ami kazangulwa;

48. iNzambi wamvutusila ndinda ye wantudisa bantu kungsi;

49. ingeye wampulusa mu mintantu miami ye wandangika va ntandu aminkakidi miami ye wandalula mu bankwa miamafuluka.

50. Nkiangunu nzolele vutula matondo kwa ngeye, Mfumu, va kati diabalembwa kuzaya ye sika nkumbu aku.

51. Ngeye weti vana mfumu aku mbedosolo yayingi ye weti sila muntu aku wakuswa nlemvo, iDavidi, ye nkun' andi wakwele mvu kuvutukidi mvu.

## Nkunga 19.

*Mbonokono aNzambi mu nxa yayi yavangua ye mu mambu.*

1. Kwa nseki ankunga; nkunga waDavidi.

Mazulu meti kamba nzitusu aNzambi, ye sadila kwazulu kweti zaikisa mavanga mamoko mandi;

3. lumbu kimosi kietibo ta kwa kiankaka, ye fuku dimosi dietibo kamba kwa diankaka.

4. Biobio kaimpovolo ye ntelo yilembolo wakana ndingako.

5. Bieti lambuka mu ntoto wamvimba, ye mambu mau maluakanga nate ye kwasukila nza. Yandi wavangilabio nzo antangu.

6. Yau yifwanane bonso toko diandambisa dieti vaika mu nzo andi; yau yeti yangalala bonso kinwani kieti sinsa yungusa mu nzil' andi.

7. Kuna nsuk' azulu ikuna kukavaikilanga, ye nzungununu andi yeti luaka kuna kudiasukila, ye widi lekwa kimosi nkutu kakiafukwa mu mbangazi andiko.

8. Mina miaNzambi mikonolo vela ye mivovikanga ntima; kimbangi kiaMfumu kiena nasiekete ye kilukisanga bankwa abundima.

9. Ntumunu zaMfumu zisongele ye ziyangidikanga ntima; mwina waMfumu wena nasavu savu ye uwangulanga meso.

10. Vunda kiaMfumu kiena kiavedila ye kisikilanga kwele

mvu kuvutukidi mvu; minkondo miandi miena kedika, buna miena miena miamfonga.

11. Miau milutidi wola mu ntalu iwola wawingi wabiza; miau miviokele niosi mu zenza, inga, niosi yilutidi zenza mpe.

12. Sielo kiaku kietimio kiesulwa mpe; wonso usimbangamio una baka nsendo wau-nene.

13. Nani lenda zaya nkusumukunu zandi zazonsono zikakusumukinanga? Ungiambu-dila masumu mami mansweki.

14. Bika wakeba sielo kiaku mu masumu mankana mpe, kamidi kumpingisa kunsiko; buna sia kondwa nkanu ye sia lembwa kala masumu mamamene.

15. Ntelo zanwa ami bika zazolwa kwa ngeye ye mabanza mantim' ami, uMfumu, itadi diami ye mvulusi ami.

## Nkunga 20.

*Lusambulu mu ntangu amrita.*

1. Kwa nseki ankunga, nkunga waDavidi.

Bika Mfumu kawa ngeye mu lumbu kianzungu, ye nkumbu yaNzambi aYakobi yakkeba ngeye.

3. Kafidisa kwandi lusadusu mu nzo yanlongo, ye kasiamisa kwandi mu Zioni.

4. Bika kabanzila nkailu miaku miamionsono miandila, ye nkailu aku wangioka katabulawo kwandi mu kiese.

5. Ye kavanina ngeye bonso buzolele ntim' aku ye katundisa nkanunu zaku zazonsono.

6. Tuyangalala kweto mu ndungunu aku, ye tumanika kweto dimbu mu nkumbu aNzambi eto. Bika Mfumu kalungisa tusambulu tuaku tuatonsono.

7. Bwabu nzaidi, vo Mfumu uvananga ndungunu kwa muntu andi wakuswa; yandi weti kuntambudila mu zulu diani dianlongo mu ngolo zandi zambedisila zakoko kwandi kwalubakala.

8. Bankaka balenda yana makalu, bankaka kavalu, kansi beto tuyananga nkumbu aMfumu, iNzambi eto.

9. Babana beti dokama ye bwa, kansi beto tuvumbukanga ye tutelamanga nanswi.

10. Mfumu, navani kwaku ndungunu; bika Mfumu katutambudila, butulombanga.

### Nkunga 21.

*Ngolo xamfumu xambedisila.*

1. Kwa nseki ankunga, nkunga waDavidi.

Mfumu, beni kwandi mfumu weti yangalala mu diambu diangolo zena yaku; kiese kia-

kingi kena mu diambu diandungunu aku.

3. Yonso yazola ntim' andi ngeye wamvanayo, ye kwanymina lulombolo luabikoba biandiko.

4. Kadi ngeye weti kunkika mu tusakumunu tuabilekwa biaku biabiza; ngeye utulanga mpu yawola va ntu andi.

5. Yandi wayuvula moyo kwa ngeye, ye ngeye wamvanawo moyo wanda mu ntangu zazonsono kwele mvu kuvutukidi mvu.

6. Lusikulu luandi luena lualunene mu diambu diandungunu aku, ngeye ukumvanga kimfumu ye ndanu.

7. Kadi ngeye ukumvanga kakala ntukisi alusakumunu kwele mvu kuvutukidi mvu; ngeye weti kunsakidika va luse luaku.

8. Kadi mfumu weti sila Nzambi vwadi, ye mu nlemvo wankwa akayengele kana zezako.

9. Koko kwaku kuna baka mintantu miaku miamionsono; koko kwaku kwalubakala kuna simba babonsono bakubelanga.

10. Yau bana mona nkievo batululu mweti kelana ye mbangazi atia, buuna mwesa zizi kiaku. Mfumu una kubamina mu nganzi zandi; tia tuna kubamanisa mu yoka.

11. Bana ba mu mingongo miau, ngeye unabo fula va ntoto, ye batekolo bau mu bana babantu.

12. Kadi yau bazolele tuadikisa yambi mu ngeye; beti kana kwau nkanunu zau, kansi kabana lenda lekwako.

13. Kadi ngeye una kubavutula ku manima; ngeye weti kubasunga ponza kiaku mu zizi biau.

14. Bika ngeye, Mfumu, wazangulwa mu ngolo zaku; beto tuzolele yimbila ye sika ngolo zaku zakinwani.

## Nkunga 22.

*Ndungulu xankwa wamfonga ye  
nzitusu.*

1. Kwa nseki ankunga, nkunga waDavidi.

Nzambi ami, Nzambi ami, mu nkiamu unisidi mono kwami kaka? Ikunganga, kansi ndalulu ami yitatukidi.

3. Nzambi ami, mu mwini ibokanga, kansi ngeye kuntambudila, ye mu fuku mpe, mono kibaki mpongoso.

4. Mwanki wanlongo kwaku ngeye, ingeye uzakalanga mu nkati aminkunga miaIsaleli mialuzitusu.

5. Mase meto masa vuvu mu ngeye; yau basa vuvu, ye ngeye wabayamunina.

6. Kwa ngeye bakoba, ye basaduswa kwau; basa vuvu mu ngeye, ye kabasiwa nsoniko.

7. Kansi mono insalu ye kaimuntuko, indevulwa mu bantu, ntungudulu kwami kwa babo.

8. Babonsono bambona beti kundeva; beti kungiasila nwa miau ye kundikusina ntu yekuntesa vo:

9. »Kenda kukiye kula kwa Nzambi; kansadisa kwandi ye kanlalula bukakunzolang.»

10. Inga, ngeye wantunta mu moyo wambut' ami, ngeye wangiambula yavunda mu yenge mu ntuluambut' ami.

11. Kwa ngeye yafilwa kasi nkadila mu mabunda mambut' ami; ngeye iNzambi ami kasi nkadila mu moyo wambut' ami.

12. Kutatukani ye monoko, kadi nzungu zifinangene, ye nsadisi mpia.

13. Ngombe zambakala zazingi zeti kunzungudila, ngombe zaBasani zeti kunkambidila.

14. Beti kungiasila nwa miau nkievo nkosi zena mankabila ye zeti kwinka.

15. Mono mfwana keti inlangu uyitikanga, bivisi biabionsono bimeni vambana; ntim' ami keti babila, wau weti nienga mu ngudi.

16. Ngolo zami zamana suka, zena nkievo veso kialubu-

mba; ludimi luami lueti bamba-mana kungsi alaka. Ngeye weti kuntula mu mfumfuta za lufwa.

17. Kadi bambwa beti kunzungidila, ye kabu diabantu bambi bameni kunkambidila; moko mami ye malu mami bazokolemo.

18. Mono lenda tanga bivisi biami biabionsono; yau betibo tonwa ye beti kungiandila mu tala.

19. Beti kabana mvwatu ami, ye beti tela yunga kiami wadi.

20. Kansi ngeye, Mfumu, kutatukaniko; ngeye, ungolo zami, sa nswalu mu kundalula.

21. Vulusa mwel' ami mu sabala ye moyo ami mu nkesi zabambwa.

22. Undalula mu nwa ankosi. Inga, ngeye una tambudila kwa mono ye una kumvukisa mu mpoka zangombe zatiti.

23. Ngina ta nkumbu aku kwa zimpangi zami, mu nkati abundu nzolele kusika.

24. Yeno luena vumi kia-Mfumu, lunsika, ye yeno lun-kuna wamvimba wa Yakobi lunzitisa, ye yeno lun-kuna wamvimba wa Isaleli, luzakamana yandi.

25. Kadi kavibididi nzungu zamuntu wakwamuswako, kakaminazo nituko; kamvenge-kele zizi kiandiko, kansi bukaloomba, tambudididi kwandi.

26. Ngeye una wakasa nkung' ami waluzitusu mu kabu diadinene. Ngina futa nsilulu zami vena yau, beti vumina yandi.

27. Bankwa mianlembami bana dia ye yukuta; beti tomba Mfumu bana kunsika; ntima mieno mina vuka kwele mvu kuvutukidi mvu.

28. Nsuka zazonsono zantoto zinabo banzila ye zina bangumuka kwa Mfumu. Makanda mamonsono mabantu malembolo zaya, mana sambila va luse luaku.

29. Kadi nsi insi aMfumu, ye yandi uyalanga bakondolo luzailu.

30. Inga, bamadingizi mamonsono va ntoto bana dia ye sambila; ye bafinangene ye fwa bana kunfukamana babo, ye yau balembana vukisa mioyo miao.

31. Batekolo bana kunsadila, mbandu yankaka yina kambwa mu Mfumu.

32. Bana kwiza ta mfonga zandi ye bana samunina bantu, bana zimunina mu butwa, vo yandi wavangabo.

## Nkunga 23.

*Mvungi wabixa.*

1. Nkunga wa Davidi.

Mfumu mvungi ami, kina kondwa lekwako.

2. Yandi ukumvundisanga mu mayinza mampwenia, yandi ukuntualanga ku minlangu kuilenda vovama.

3. Yandi uvongisanga mwel' ami, yandi ukuntuadisanga mu nzila zasungama mu diambu diankumbu andi.

4. Vo idiata mu ndimba akini kialufwa mpe, kin' ami tina lekwa kiambiko, kadi ngeye wena yami; nti aku ye nkaw' aku biau bikumbo-mbanga.

5. Ngeye ukunkubikilanga meza ku tadisi zizi biamintantu miami; ngeye ukusangantu ami mu mazi, ye upasumunanga mbungu ami.

6. Wote kaka ye nlemvo bina kundanda mu lumbu biami biabionsono, ye mono ngina vwanda mu nzo aMfumu kwele mvu kuvutukidi mvu.

### Nkunga 24.

*Nkototo aMfumu ukaumani mu nzo andi yanlongo.*

1. Nkunga waDavidi.

Ntoto uvwilu kwa Mfumu ye yayonsono yena mu wau, sadila kwantoto ye bavwandilangawo.

2. Kadi yandi watudilawo lufulu va ntandu amimbu, ye wasiamisawo va ntandu amila.

3. Nani una baluka mu mongo waMfumu, ye nani una kota mu nzo andi yanlongo?

4. Wonso wena moko makondolo nkanu ye wavedila mu ntima; ulembolo vengumuna mwel' andi mu mampunu, ye ulembolo dia ndefi zamakutu.

5. Iyandi una tambula lusakumunu kwa Mfumu ye mfonga kwa Nzambiandaluluandi.

6. Yayi imbandu abakunyu-vudilanga; batombanga zizi kiaku iyau ibana baYakobi.

7. Yeno lumielo, ludongika mintu mieno, ye yeno lubielo bikabimani, ludongalala, Mfumu yanzitusu kidi kakota.

8. Mfumu yoyo yanzitusu mwanki inani kwandi? IMfumu yangolo ye lulendo, Mfumu yalulendo mu mvita.

9. Yeno lumielo ludongika mintu mieno, ye yeno lubielo bikabimani ludongikamio, Mfumu yanzitusu kidi kakota.

10. Mfumu yoyo yanzitusu mwanki inani kwandi? IMfumu Sebaoti; yandi iMfumu yanzitusu.

### Nkunga 25.

*Ndombolo alusadusu ye lutuadusu kwa Mfumu.*

1. WaDavidi.

Kwa ngeye, Mfumu, ibalula mwel' ami.



2. Nzambi ami, ikusilanga vuvu; kuyambulani yasiwa nsoniko, kwidi tala mintantu miami miansakatalako.

3. Kedika, kamuntuko utadidilanga ngeye una siwa nsoni; kansi yau basadilanga bonso bonso ye pupika, iyau bana siwa nsoni.

4. Mfumu unsaikisa nzila zaku, ye wandonga mavambu maku.

5. Untuadisa mu kedika kiaku ye undongidika, kadi ngeye iNzambi andalulu ami, kwa ngeye itadidilanga ntangu zazonsono.

6. Nabanzi kwaku, Mfumu, mu nlemvo aku ye mu kiwuntu kiaku, kadi biau biatuka mu kwele mvu kuvutukidi mvu.

7. Kuyindulani mu masumu mami mayavanga mu nkudulu amiko ye mu minkanu miamiko, kansi siungindudila mu nlemvo aku mu diambu diawote waku, Mfumu.

8. Mfumu wambote wena ye wamfonga, nkiangunu kalonganga bankwa miamasumu nzila.

9. Yandi utuadisanga bankwa mianlembami nanswi, ye ulonganga bankwa mianlembami nzil' andi.

10. Nzila zazonsono zaMfumu inlemvo ye kedika kwa

yau, bakebanga nkambununu andi ye kimbangi kiandi.

11. Mu diambu diankumbu aku Mfumu, do ungiambudileti nkanu ami, kadi waunene unene wena.

12. Mwanki nani imuntu wena vumi kiaMfumu? Iyandi una ukalonganga nzila, yikana sana.

13. Mwel' andi una zakala mu yambote, ye batekolo bandi bana vingana nsi.

14. Mfumu wena nkalasani ye bakumvuminanga, ye nkambununu andi zoleleyo zaikisa kwa yau.

15. Meso mami matadisanga kwa Mfumu ntangu zazonsono, kadi yandi usionunanga malu mami mu konde.

16. Umbangumukina wansila nlemvo; kadi kinsona ngiena ye yakwamuswa.

17. Wonga wantim' ami waunene unene wena; umpaikiseti mu mpasi zami.

18. Sinantadidila mu ndungulu ami ye mu ncita zami, ye ungiambudila masumu mami mamonsono.

19. Natadi kwaku, vo mintantu miami miamingi miena, ye vo bakumbelanga mu nana.

20. Keba mwel' ami wandalula; kwidi tala yasiwa nso-

niko, kadi kwa ngeye ikwiza vungamananga.

21. Kondwa kwa nkanu ye nkala kinkete bika biankeba, kadi kwa ngeye itadidilanga.

22. Vulusa Isaleli, uNzambi, mu nzungu zau zazo.

### Nkunga 26.

*Vuru mu Mfumu kiakola kiakondolo nkanu.*

1. Nkunga waDavidi.

Undungisa Mfumu, kadi idiatanga mu kondwa kwa nkanu, ye isilanga Mfumu vwadi ye lembwa zeza.

2. Untonta, Mfumu, ye unsi-nsa; fiongunina nsekinia zami ye ntim' ami.

3. Kadi nlemvo aku wena ku ntadisi meso mami, idiatanga mu kedika kiaku.

4. Kivwandanga ye bantu bamakutuko, ye kikalasananga ye bankwa miameso kungsi alukaiako.

5. Ibelanga bundu diabantu bambi, ye kivwandanga ye bankwa miayayibiko.

6. Isukulanga moko mami mu kinkete, ye salu diaku, Mfumu, nzoleledio bamangana,

7. kidi yasasula ndinga yamvutudulu amatondo, ye yasamuna bimangu biaku biabi-onso.

8. Mfumu, ntondele nzo aku ye vuma vena nzitusu aku.

9. Kuziokumunani mwel' ami va kimosi ye bankwa miamasumuko ye moyo ami ye bena siuka diatengudila mengako,

10. bena moko mau mavanga mansonu ye nsoni, ye moko mau malubakala mafuluka kwa ndilu amboko.

11. Kansi mono idiatanga mu kondwa kwa nkanu; umvulusa wansila nlemvo.

12. Inga, kulu kwami kute-  
lamene vena nalengwa lengwa; nzolele sika Mfumu mu dibundu.

### Nkunga 27.

*Ngunda zakalasana ye Mfumu.*

1. Nkunga waDavidi.

Mfumu ikia kwami ye ndalulu ami; nani ilenda tina? Mfumu inkaku amoyo ami; nani ilenda kadila wonga?

2. Bantu bambi bubeti lualua kwa mono mu kumbina, iyau minkakidi ye mintantu miami, buna babindakene ye ntumbu bwa.

3. Mwanki kabu nga vo diiza kwa mono, ntim' ami wakautini; mvita mpe vo yivangamene, ngiena kwami mpungumunu.

4. Diambu dimosi yasa lombila Mfumu, diaituka tadi-dila; mwanki vo ngina vwan-da mu nzo aMfumu mu lum-bu biami biabionsono, kidi yamona kiese kiaMfumu ye yayindula mu nzo andi ya-nlongo.

5. Kadi yandi ukundaki-kanga mu nzo andi mu lumbu kianzungu, yandi ukunkeba-nga mu nzo andi ye ukumbalulanga va tadi.

6. Bwabu mpe ntu ami una viokidila mintantu miami miena ndambu ye ndambu, ye mono ngina nata nkailu miayangalala mu nzo andi, nzolele yimbidila nzitusu aMfumu ye kunsika.

7. Nandimbi Mfumu; ibobo ngieti sasula nding' ami ye iboka, unsila nlemvo wantambudila.

8. Ntim' ami weti kubambula moyo mu mambu maku; »lutomba zizi kiami». Inga, Mfumu, zizi kiaku kiangieti tomba.

9. Kunswekani zizi kiakuko, kukubani sielo kiaku mu nganziko. Ngeye insadisi ami, kunkubaniko, kumbembikaniko, ngeye uNzambi andalulu ami.

10. Sami ye mbut' ami beti kumbembika, kansi Mfumu umbonga.

11. Unsonga nzil' aku, Mfumu, ye tuadisa mono mu vambu diena nalengwa lengwa mu diambu diaminzomi miami.

12. Kundiokunani mu luzolo luamintantu miamiko; kadi zimbangi zamakutu zeti kunkutakanana, ye bantu bakananga yambi.

13. Kansi ndekele kwami minu, vo ngina mona yambote yaMfumu mu nsi abavumuna.

14. Natadidileti Mfumu, ye nakadi kwaku nakekete ye kibakala mu ntim' aku; inga, natadidileti Mfumu.

## Nkunga 28.

*Ndombolo alusembo mu bankwa miayayibi.*

1. Nkunga waDavidi

Kwa ngeye Mfumu, ilomba; tadi diami, kundingamananiko, ngiidi fwanana ye yau bakulumuka mu ndiamu, buudingalala.

2. Bika wawa nding' atusambulu tuami buikubokilanga, buizangula moko mami kwenina kwanlongo ye nlongo mu nzo aku yanlongo.

3. Kunkatulani va kimosi ye bantu bamasumu ye bankwa miayayibiko beti lengumuna bayau, kansi bena ngan-zi mu nsi antima.

4. Ubavutudila bonso bwena mavanga mau ye tukadulu

tuau tuambi; ubavutudila bonso bwena mavanga mamoko mau, ubasenda bonso bubavanganga.

5. Kadi kababanzilanga mavanga maMfumuko ye bisalu biamoko mandiko; idiau sika kubatulula ye lembwa kubatungudila diaka.

6. Bika Mfumu kazituswa, bukawilu nding' atusambulu tuami.

7. Mfumu ingolo zami ye nkaku ami; ntim' ami wansila vwadi, ye monoyasaduswa. Mu dina ntim' ami weti yangalala, ye mu ngiimbudulu ami nzolele vutula matondo kwa yandi.

8. Mfumu izingolo zabantu bandi; yandi inkaku andalulu kwa muntu andi wakuswa.

9. Lalula bantu baku ye sakumuna fwa diaku. Kala mvungi au ye wabanata kwele mvu kuvutukidi mvu.

### Nkunga 29.

*Nxitusu aMfumu umonikanga mu mbandanu.*

1. Nkunga waDavidi.

Yeno lubana baNzambi, luvana kwa Mfumu, luvana nzitusu ye lulendo kwa Mfumu;

2. Luvana kwa Mfumu nzitusu wuna waukumbu andi, lusambila Mfumu mu mvwatu wanlongo.

3. Nding' aMfumu yilueki va ntandu aminlangu; Nzambi anzitusu yeti duma, Mfumu yeti duma va ntandu aminlangu miaminene.

4. Nding' aMfumu yeti wakanu mu ngolo beni, nding' aMfumu mu zu diantoko.

5. Nding' aMfumu yeti kwe vamuni minti miaLibanoni, Mfumu yeti vamuna minti miaLibanoni.

6. Yandi wetimio dumuzuna bonso bana bangombe, Libanoni ye Siliyoni bonso ngombe zatiti zantuenia.

7. Nding' aMfumu yeti kenda mu nlemo miatia.

8. Nding' aMfumu yeti zakimisa nsi yankatu, Mfumu weti zakimisa nsi yankatu yaKadesi.

9. Nding' aMfumu yeti butisa bansungu, yau yeti vula mimvwatu miamfinda. Mu nzo andi mutanga biabionsono kimbangi mu nzitusu andi.

10. Mfumu va kiandu kiani katumini mbukulu aminlangu. Mfumu uzakalanga bonso Mfumu kwele mvu kuvutukidi mvu.

11. Mfumu una vana ngolo kwa bantu bandi, Mfumu una sakumunina bantu bandi yenge.

**Nkunga 30.**

*Mvutudulu amatondo mu  
mrukulu.*

1. Nkunga waDavidi mu mbiekolo anzo andi.

Nzolele zangula ngeye, Mfumu, kadi ngeye wantombula vena nsina ye kwayambula mintantu miami miayangalala mu nitu amiko.

3. Mfumu, Nzambi ami, mono yabokila ngeye, ye ngeye wandiakisa.

4. Ngeye Mfumu watombula mwel' ami mu nsi abafwa, ngeye wamvukisa ye wantatula ye yau, bakulumuka mu mpeto.

5. Lusika Mfumu, yeno lubankwa miamfonga miandi, luazitisa nkumbu andi yanlongo.

6. Kadi nganzi zandi zena mu mbwetolo ameso kaka, kansi nlemvo andi mu lumbu biabio; mu mpimpa mukwizanga ndidulu, kansi mu nsuka mukwizanga kiesa.

7. Buyatoma nitu, buna mono yavova vo: »Kina ami zeza mu ntangu zazonsonoko».

8. Mfumu, mu nlemvo aku ngeye wasiamisa mongo ami; kansi ngeye wasweka zizi kiaku, ye yakala wonga.

9. Kwa ngeye, Mfumu, yabokila, ye kwa Mfumu yasambila:

10. »Menga mami nki andandu unamo bakila evo ikulumuka mu mpeto? Kadi mfumfuta zantoto zilenda kusike? Kadi zau buna zilenda ta kedika kiakue?

11. Ungwila Mfumu wansila nlemvo; Mfumu, kala kwaku nsadisi ami.»

12. Buna ngeye wakitula ndidulu ami ndumuzukunu zakiese; ngeye wamvula mvwatu wakiadi ye wamvwika wakiese,

13. kidi vo ntim' ami una sika ngeye ye lembwa dingalala. Mfumu, iNzambi ami, nzolele kutonda kwele mvu kuvutukidi mvu.

**Nkunga 31.**

*Ndombolo amvukulu mu nzomono.*

1. Kwa nseki ankunga, nkunga waDavidi.

Kwa ngeye, Mfumu, ngiizi vungamana, kutalani yasiwa nsoniko, umpulusa mu mfonga zaku.

3. Teka kutu kwaku wasa nswalu mu kundalula; unkadila bonso tadi diasiana ye bonso nzo yangolo, kidi yalalulwa.

4. Kadi ngeye imongo ami ye nzo ami yangolo, ngeye una kundiatisa ye kuntuadisa mu diambu diankumbu aku.

5. Ngeye una kunsionuna mu konde dibantambila, kadi ngeye inkebi amoyo ami.

6. Mu koko kwaku inio-kuna mwel' ami; ngeye ukumpulusanga, ngeye uNzambi yakwikama.

7. Ibelanga batatamananga mu biteki biafuba, kansi isilanga Mfumu vwadi.

8. Nzolele yangalala ye kala kiese mu diambu dianlemvo aku, buukunkenganga mundu-ngulu zami, ye buukebanga mwel' ami mu nzungu.

9. Kukundiokunanga mu moko mamintantuko, kansi utulanga malu mami vasa-didi.

10. Mfumu, unsila nlemvo, kadi mu mpasi ngiena, zizi kiami kiameni wonuka mu kiadi kiami, inga, mwel' ami ye nitu ami.

11. Kadi moyo ami wasukidi mu kiadi ye mimvu mi-ami mu mpumukunu; ngolo zami zameni mu diambu diankanu ami, ye visi bianitu ami biena nalebangani beni.

12. Mono ngiena kwami mvwezolo mu diambu diamintantu miami miamionsono, inga mvwezolo yayinene kwa mfinangani zami ye wonga kwa batuakedi nzayasani; bakumbona mu nzila beti kumbendumuka.

13. Mfwilu diba mu ntima 'nkievo yafwidi; ngiena bonso kinzu kiabudika.

14. Kadi iwanga makela kwa babingi, ye nsisi ndambu ye ndambu; beti kungwawanana ye beti kana bonga moyo ami.

15. Kansi mu ngeye, Mfumu, isanga vuvu; nkiena ita vo: »Ngeye iNzambi ami.»

16. Ntangu zami zitululu mu moko maku; undalula mu moko mamintantu miami ye mu yau bakunzoma.

17. Kiesila sielo kiaku zizi kiaku; undalula mu nlemvo aku.

18. Mfumu, kungiambulani yasiwa nsoniko, kadi ngeye isambilanga; bika bankwa miayayibi basiwa nsoni ye badingudukwa mu nsi abafwa.

19. Ye bikoba biampumpuluvunu bika biafietwa bivovanga mambu mamayangala kwa muntu wamfonga mu nza ye mu ntungudulu.

20. Mwanki Mfumu nlemvo aku waunene unene wena, una uukebilanga bakuvuminanga, ye uusonganga kwa yau, batininanga kwa ngeye ku tadisi zizi biabana babantu.

21. Ngeye ukubavungikanga mu mpungukulu azizi kiaku, bantu bubeti kutakana;

ngeye ukubalakikanga mu nzo aku mu tudimi tuanzonza.

22. Bika Mfumu kasikwa! Yandi wansongele nlemvo andi wanzenza ye wanipengekele vuma kiasiana.

23. Kadi mu wonga wami yavova: »Mbeni kubwa mu meso maku!» Kiongo wawilu ndinga atusambulu tuami, buyakubokila.

24. Lutonda Mfumu, beno bamfonga bandi. Mfumu ukebanga bamfonga, kansi uvutudilanga usadilanga nza tezo kialunga.

25. Lukala kibakala nakekete mu ntima mieno, yeno babonsono lutulanga vuvu kieno mu Mfumu.

## Nkunga 32.

*Ntelo ankanu ye ngiambudulu.*

1. WaDavidi; nkunga.

Kiese kiena ye ndiena uyambudulu nkanu andi ye fukulu sumu diandi.

2. Kiese kiena ye muntu ndiena ulembolo tadukulwa nkanu kwa Mfumu ye kondolo bungubi mu mwel'andi.

3. Buyakala dingalalanga, buna bivisi biami biakindakananga mu ndingi ami ukau-suki.

4. Kadi mwini ye fuku koko kwaku kwakala zitu mu mono; menga mamoyo ami mayuma, bonso buyumusunwanga mu mwini ambangala.

5. Buna yakamba sumu diami ye kiafikika nkanu amiko. Mono yavova vo: »nzolele kamba Mfumu minkanu mi-ami;» buna ngeye wasa kungiambudila nkanu asumu diani.

6. Idiau bamfonga bana kulomba mu ntangu yiulenda fwandwa; kedika mwanki mila miaminene nga vo miiza, kamina kubabakilako.

7. Ngeye impungunu ami; ngeye ukunkebanga mu ncita; ngeye ukunzunganga kiese kialulalulu.

8. Mono ngina kulonga ye zaikisa nzila yiuna kwendila; mono ngina kuvana ndubudulu ye kukabukila meso.

9. Kalukalani bonso kavalu ye mpundako, bikondolo nduenga bikatwa tulwa nsinga ye tuvambu kidi biatolulwa, konga bilembunwanga.

10. Nkwa wambi wena nsongo miamingi; kansi usanga vuvu mu Mfumu nzungwanga nlemvo.

11. Lukala kiese mu Mfumu, luyangalala beno bamfonga; luyangala beno babonsono luena bunkete.

**Nkunga 33.**

*Tulendo tuatonsono ye nlemvo bia-Mfumu.*

Luyangalala mu Mfumu be-no bamfonga; ngimbudulu alusikulu yilungidi kwa bantu basonga.

2. Lusika Mfumu mu nsambi, luyimbila kwa yandi mu nsambi akumi diaminsinga.

3. Luyimbila nkunga wamona kwa yandi, lunsika mu ntoko mu zu diakiese.

4. Kadi mambu maNzambi mena makedika, ye yonso yikavanganga uvangangayo mu kwikama.

5. Yandi utondanga mfonga ye kedika; ntoto wazala kwa nlemvo andi.

6. Zulu diavangwa mu mambu maMfumu, ye kabu diazulu diadionsono mu mpeve anwa andi.

7. Yandi ukutikisanga nlangu miambu nkievo mu zunzika kimosi; yandi utulanga zinsina mu bilundulu biau.

8. Bika ntoto wamvimba wavumina Mfumu, ye babonsono bavwandanga va sadila kwa ntoto banzakamana kwau.

9. Kadi wavova ye bwakala, watuma ye bwasiwa.

10. Mfumu uvunzanga nkununu zabalembolo kunzaya, yandi ukabikisanga mabanza mabantu.

11. Kansi nkanunu zaMfumu zitungukanga kwele mvu kuvutukidi mvu ye mabanza mantim' andi mu mbandu kambandu.

12. Kiese kiena ye bantu baba, buMfumu iNzambi au, bana bakakisanina fwa diandi.

13. Mfumu ku zulu kata-dila va nsi ye usungamanagera bana babonsono babantu.

14. Mu nzo andi kayinikanga meso mu babonsono bavwandanga mu ntoto,

15. iyandi wavanga ntima miau miamionsono ye uken-ganga mavanga mau mamonsono.

16. Nkwa akimfumu kanunganga mu ngolo zandi zazingiko, ye kinwani kakitanunwanga mu kikesa kiandi kiakingiko.

17. Bakavalu kabasadisanga mu nungisako, ye mu ngolo zau zazonsono kabatabilanga auko.

18. Tala, disu diaMfumu diasietuka kwa bakumvuminanga, iyau basanga vuvu mu nlemvo andi.

19. Yandi zolele tanina miela miau mu lufwa ye kubavukisa mu ntangu zama-  
lema.

20. Miela mieto mitadidilanga Mfumu; yandi insadisi eto ye nkaku eto.



21. Kadi mu yandi muya-  
ngalalanga ntima mieto, tusa-  
nga vuvu mu nkumbu andi  
yanlongo.

22. Mfumu, bika nlemvo  
aku wakala mu yeto, bonso  
butukusilanga vwadi.

### Nkunga 34.

*Wote waMfumu ye lusadusu lua-  
ndi imvukulu.*

1. WaDavidi bukavuna la-  
uka kwa Abimeleki, ye ndi-  
eyu wantinisa, ye yandi waka-  
tuka.

Nzolele sika Mfumu nta-  
ngu zazonsono; nsikulu andi  
yikayimani mu nw' ami.

3. Mwel' ami una kukisa-  
nisina mu Mfumu, bankwa  
mianlembami banawo wa ye  
yangalala.

4. Tuzitisa Mfumu, beto  
yeno, ye tuzangiseno nkumbu  
andi va kimosi.

5. Mono yafwanda Mfumu,  
ye yandi watambudila kwa  
mono ye wandalula mu wo-  
nga wami wawonsono.

6. Batalanga kwa yandi  
bana kala nacemi cemi mu  
kiese, ye zizi biau kabina yi-  
ndama mu zinsoniko.

7. Kuku kwasa boka mu-  
ntu wakwamuswa, ye Mfumu  
wanwa ye wansadisa mu ncita  
zandi zazonsono.

8. Mpofi aMfumu yeti zu-  
nganga tuti diandi mu baku-  
mvuminanga ye yeti kuba-  
vulusa.

9. Lubimba luatala, vo Mfu-  
mu wambote wena; kiese kie-  
na ye muntu ndiena ukumvu-  
ngamananga.

10. Luvumina Mfumu, beno  
banlongo bandi, kadi baku-  
mvuminanga kabakondwanga  
au lekwako.

11. Nkosi zantuenia zimo-  
nanga mpasi ye ziyaulanga  
nsatu, kansi batombanga Mfu-  
mu kabakondwanga au lekwa  
kimosi kiabizako.

12. Lubana, luizano luandi-  
mba, mono ngina kululonga  
vumi kiaMfumu.

13. Kani nki amuntu uto-  
ndeleyo moyo andi ye zolele  
mona lumbu biandi biabiza?

14. Buna vengumuna ludimi  
luaku mu yonso yena yambi  
ye bikoba biaku kabidi ta bu-  
ngubi.

15. Vengumuka mu yonso  
yena yambi, wavanga kwaku  
yina yambote, tomba yenge  
ye tabukilakio moyo.

16. Meso maMfumu masi-  
etuka kwa bamfonga, ye matu  
mandi kwa tubokolo tuau.

17. Kansi zizi kiaMfumu  
kikakilanga bavanganga ya-  
mbi, kidi kasukisa mbambu-  
kulu zamioyo miao mu ntoto.

18. Bamfonga bubeti boka, buna weti kubawila ye kuba-lalula mu ncita zau zazo-nsono.

19. Mfumu ufinamananga kwa bena ntima mifibala, ye ulalulanga bena kiadi mu ntima.

20. Muntu wamfonga una lungwa kwakwingi, kansi Mfumu ukunlalula mu yayo.

21. Yandi ukutanga visi biandi biabionsono, widi kimosi nkutu kakina tiabu-lwako.

22. Nkwa wambi una bungwa kwa yambi, ye babelanga muntu wamfonga bana kongudulwa nkanu.

23. Kansi Mfumu uvulusanga miela miabisielo biandi, ye kaumosi nkutuko uvunga-mananga kwa yandi una kongudulwa nkanu.

### Nkunga 35.

*Mu baminzomi ye bakundi bantonduxi.*

1. WaDavidi.

Mfumu, sa vwa mambu kwa yau bakumvwanga mambu; nwanisa yau, bakundwanisanga.

2. Bonga nkaku ye luta-bulu, wananguka mu kunta-bila;

3. vola dionga wakakila minzomi miami nzila. Vova kwa mwel' ami: »Mono indalulu aku.»

4. Bika batombanga moyo ami basiwa nsoni ye bakala nayembele, bika bakunkaninanga yambi bavutuka ku manima ye bamweswa nsoni.

5. Bakala kwau bonso mavewolo mu mpeve, ye bika mpofi aMfumu kabakuba.

6. Bika nzila zau zakala tombe ye ndelo, ye bika mpofi aMfumu kabazoma.

7. Mu nana bantimini kintoko mu nsweki ye batudidikiro konde diau; mu nana bampangidi mpeto mu moyo ami.

8. Bika mfukulu antantu ami yabwila yandi nabiu, ye konde dikatemi bika dianzingalakana, yandi kabwa yedio mu mfukulu andi.

9. Kansi mwel' ami una yangalala mu Mfumu, una kala kiesa mu ndalulu andi.

10. Visi biabionsono biena mu nitu ami bina vova yo: »Mfumu, nani fwanane yaku, ngeye ingeye utabilanga wakwamuswa mu wanlutidila ngolo ye wakwamuswa ye wamputu mu wantana.

11. Mbangi zamampunu zitelamene, yau bangiuvuzula bindembolo zaya,

12. Yau beti kumvutudila yambi mu yambote, mwel' ami umeni niangwa.

13. Kansi yau, bubakala bela, buna mono yavwata kuba, yamina nsoki mu ntim' ami ye yasambidila kiamando-kama.

14. Mono yabasila nkievo nkundi evo mpangi, yavwata mvwatu wakiadi ye yayenda dokamingi, bonso muntu wena fwidi kiambut' andi.

15. Kansi yau beti kunyangalala mu diambu diankumukunu ami ye bankutakanana; bantu bambi bandembolo zaya, beti kunkutakanana; nana kiakunduekila bena;

16. babana bena kimfunia balenda ta matiku mu diambu diabaka dimpa dimosi; beti kunkeninikina meno.

17. Mfumu, lumbu kwa zolelebo tadila? Ziokuna mwel' ami mu nsisi yoyo yibansidi ye moyo ami mu nkosi zantuenia.

18. Buna ngina kusika mu bundu diadinene, ye mu nkati abantu babingi ngina kuzitisa.

19. Kuyambulani bakalanga kitantu kianana mu mono banyangalalako, evo bakumbelanga bela kwankatu bambwatila mbwatila ndabu zauko.

20. Kadi kaiyenge andiko bibeti vova, kansi mambu mamampiaka betimo futumunanga kwa bena kindima kiovovila mu ntoto.

21. Bakungiasilanga nwa; nkiena beti ta ndevo: bufwanane, bufvanane, lelo tumenibo mona mu meso meto.

22. Ngeye Mfumu, wetibo mona; kudingalalaniko. Mfumu kuntatukilaniko.

23. Temuna kwaku watalama mu kundungisa ye mu kundedisila mambu, ngeye uNzambi ami ye Mfumu ami.

24. Undungisa bonso bwenamfonga zaku, Mfumu Nzambi ami, kutalani bayangalala mu nitu amiko.

25. Kutalaniko, vo bakambasana mu ntima miauko vo: bufwanane kwandi, buvanganamene bonso butuakedi zolanga. Kabavovaniko vo: beto tumeni ku'mina.

26. Bika babonsono bayangalalanga mu bi wami basiwa nsoni ye bakala naye mbele. Bakukizangisanga mu mono, bika batulwa nsoni ye nayembembe.

27. Kansi yau bakunzodilanga nunga, bayangalala kwau ye bakala kiesa, ye bika balenda vova ntangu zazonsono vo: »Bika Mfumu kazituswa,

yandi uzodilanga sielo kiandi yabiza.

28. Buna ludimi luami luna vovanga mu mfonga zaku ye mwini wamvimba, kidi luatanga nsikulu aku.

### Nkunga 36.

*Kimfunia kiankwa wambi. Wote waMfumu.*

1. Kwa nseki ankunga; wasielo kiaMfumu iDavidi.

Bitanga masumu kwa nkwa wambi iyindulangabio mu ntim' ami. Widi vumi nkutu mu Nzambi kakiena mu meso mandiko.

3. Kadi yandi weti kukisanisina mu kiandi vumi, nkanu andi kawidi monika ye belwa.

4. Mambu manw' andi imfukulu ye mampiaka; kazolele sadila mu nduengako ye vanga yabizako.

5. Ufundukanga yambi mu ntand' andi ye ukwenda telamingi mu nzila yikondolo mbote; keti andi mwena wonga mu lekwa kimosi kiambi nkutuko.

6. Mfumu, nlemvo aku walakumuka nate ye kuna zulu, ye kwikama kwaku nate ye mu matuti.

7. Mfonga zaku zena bonso nkulu amiongo, ye nkondo miaku bonso nsina ambu yayi-

nene; ye bantu ye bibulu ngeye, Mfumu, usadisangabio.

8. Nzambi, mwanki nlemvo aku ntalu wena, bana babantu balenda kwiza vungamana kungsi ampozi amaveve maku.

9. Yau bayukutuswanga mu kiaba kiaminkailu mianzo aku, ye ukubanwikanga mu mwila wabiese biaku.

10. Kadi kwa ngeye kwenanto amoyo, ye mu kia kwaku beto tueti mona kia.

11. Yambula nlemvo aku wasikila mu yau bazaidi, ye mfonga zaku mu bamfonga.

12. Kutalani malu mabankwa mianza matula mu monoko, evo moko mabankwa miayayibi mankubako.

13. Tala, eku kulambalele bankwa miayayibi; babwisulu, ye kabalendi sikamako.

### Nkunga 37.

*Kunku kiadiswaswana kiabankwa miayayibi ye kiabamfonga.*

1. WaDavidi.

Kusukilani bantu bambi ntimako, ye kuvwani bavanganga yambi nsokiko.

2. Kadi bavita kakwa bonso titi biansi ye yuma bonso fulu biankunzu.

3. Nasila vuvu mu Mfumu, nakubika yonso yena yambote, buna una zinga mu nsi ye baka mpungumunu.

4. Sa luzolo luaku mu Mfumu; yandi una tambika yizolanga ntim' aku.

5. Lundisa nzil' aku kwa Mfumu ye sa vuvu mu yandi; yandi unabo sa.

6. Yandi una mwesa mfonga zaku bonso kia ye ndungunu aku bonso tentinia kwa ntub' ambata.

7. Nakadi nansui kwa Mfumu ye vingila yandi, kufutiani ntima mu weti kwenda miolo mioloko, indiena ufundukanga nkanunu zabunkita.

8. Vengumuka mu nganzi ye tuba mfwemona; kusukani ntimako, kadi buwetibo vanga, buna bwambi kaka siuvanga.

9. Kadi bantu bambi bana fulwa, kansi batadidilanga Mfumu bana vingila nsi.

10. Finkala nkala kaka buna nkwa wambi kavutuki kalako; ye buweti fwanda mbuk' andi, buna kasidivoko.

11. Kansi bankwa mianlembami bana vingila nsi, ye bana wombudulwa mu yenge kiakinene.

12. Nkwa wambi ukananga kwa nkwa wamfonga, ye ukunikeninikina meno.

13. Kansi Mfumu weti kunseva, kadi mweni, vo lumbu kiandi kiekia mu kwiza.

14. Bankwa miayayibi bavo-  
langu madinga, ye balebika-

nga ponza mu bwisa wakwamu-  
swa ye wamputu ye mu zenga  
yau, badiatanga mu bunkete.

15. Kansimadionga mau mana  
kubavutukila zokama mu nti-  
ma, ye ponza biâu bina damuka.

16. Biafuma biena ye nkwa  
wamfonga bilutidi mbongo  
zazingi zabankwa miamingi  
miayayibi.

17. Kadi moko mabankwa  
miayayibi mana bembwa, kan-  
si Mfumu ukodisanga bam-  
fonga.

18. Mfumu zaidi lumbu  
biabankwa miamfonga, ye fwa  
diau dina sikila kwele mvu  
kuvutukidi mvu.

19. Yau kabana siwa nsoni  
mu ntangu yambiko, ye mu  
lumbu biansatu bana yuku-  
tuswa.

20. Kadi bankwa miayayibi  
bana fukuswa, mintantu mia-  
Mfumu mifwanane ye fonga  
kwamayinza; milalanga bonso  
mwisi, inga, milalanga.

21. Nkwa wambi usompanga  
ye kalendi futako, kansi nkwa  
wamfonga wena nlemvo ye  
lenda kabila.

22. Kadi basakumunwa ba-  
Mfumu bana vingila nsi, kansi  
batumbwa kwa yandi bana  
fulwa.

23. Mfumu ukodisanga nta-  
mbi zamuntu ndiena, ukato-  
ndanga nzila.

24 Vo bendalele kana bwa mu nkandako, kadi Mfumu unsimbididi mu koko.

25. Mono yakala wantue-  
nia, ye bwabu yanuna, kansi  
kiamona muntu wamfonga  
kaniangwako, evo nkun'andi  
walomba diako.

26. Yandi inkwa wanlemvo  
ntangu zazonsono ye ulenda  
sompisa, ye nkun'andi weti  
sakumunwa.

27. Tumana mu yonso yena  
yambiye vanga yena yambote,  
buna una zinga va nsi kwele  
mvu kuvutukidi mvu.

28. Kadi Mfumu utonda-  
nga yonso yisongele ye kale-  
ndi nianga bena mfonga za-  
ndiko; bana kutwa kwau  
kwele mvu kuvutukidi mvu,  
kansi nkuna miabankwa mia-  
yayibi mina fulwa.

29. Bankwa miamfonga ba-  
na vingila nsi, ye banayo  
kala kwele mvu kuvutukidi  
mvu.

30. Nwa wamuntu wamfo-  
nga uvovanga mu nduenga,  
ye ludimi luandi lueti ta bi-  
fwanane.

31. Mina miaNzambi andi  
miena mu ntim'andi, nta-  
mbi zandi kazizezangako.

32. Nkwa wambi ulanga-  
nga wamfonga mu kuntata-  
mana, kidi kamvonda.

33. Kansi Mfumu kana  
kunyekula mu koko kwa-  
ndiko, ye kana kunkongudila  
nkanu mu lumbu kikana ko-  
ngudulwako.

34. Tadidila Mfumu ye ke-  
ba nzil'andi, buna mpe sika  
kuzangisa mu vingila nsi;  
ngeye una mona bonso buna  
fudulwa bankwa miayayibi.

35. Mono yamona muntu  
wambi wakiyana mu ngolo  
zazandi; yandi wakiyala bo-  
nso mpongo anti utomene  
mena mianzi kungsi.

36. Kansi bukwaviokwa  
tala, buna kasidikoko, yanto-  
mba, kansi kiamonakoko.

37. Sungamanakwakunkwa  
wamfonga ye tonwa nkwa  
abunkete, kadi nkwa ayenge  
walundulu lumbu biandi ku  
ntuala.

38. Kansi mintuludi mia-  
mina mina fukuswa buna mi-  
ena; bilumbu biabankwa mia-  
yayibi bibena ku ntuala, bina  
kufukwa.

39. Kwa bamfonga kulu-  
akanga ndalulu kwa Mfumu;  
yandi inkaku au mu lumbu  
bianzungu.

40. Mfumu weti kubasa-  
disa ye ukubavulusanga, ya-  
ndi weti kubavulusa mu ba-  
nkwa miayayibi ye ukubala-  
lulanga, kadi beti kumvu-  
ngamana.

**Nkunga 38.**

*Nionguluka ye ndombolo anlemvo.*

1. Nkunga mosi waDavidi, mu mbambukulu amoyo.

Mfumu, kundongani mu nganzi zakuko, ye kunsembani mu nkesi zakuko.

3. Kadi toto biaku bimeni kuntelwa, ye koko kwaku kweti kundieminina.

4. Mu nitu ami kamwena vanievako mu diambu dianganzi zaku, widi kola nkutu mu visi biami mu diambu diamasumu mami.

5. Kadi minkanu miami miviokele nsunsu; ngietimio lembana bonso, zitu kiena nandundu.

6. Mputa zami zena mfuku beni, ye ziswenanga mu diambu diakizengi kiami.

7. Ikwe dokamingi ye yinama, mwini wamvimba imonanga kwami kiadi.

8. Kadi zinkoto zami zizedi kwa mbangazi, ye kamwena vanieva mu nito amiko.

9. Nalenzangani ngiena ye manieta beni; isambanga mu kiadi kiantim' ami.

10. Mfumu, ngeye zaidi nsatu zami zazonsono, ye mpumukunu zami kazazwekwa kwa ngeyeko.

11. Ntim' ami wena madi- kitila ngolo beni, ngolo zami

zansisidi; kia kwameso mami kwaledi mpe.

12. Bakundi bami ye butu biami bantatukidi mu nzungu zami, ye bayami beti telama nseke.

13. Batombanga moyo ami batembi konde, ye bazolanga bi wami, beti vova mbivusu.

14. Kansi nkatidi kala bonso wafwa matu, yandi kawe, ye bonso baba dikadivovi;

15. inga, mfwanane ye muntu ukauwe ye ukaubaki diambu, dikana vutudila mu nw' andiko.

16. Kadi mu ngeye isanga vuvu, Mfumu, ngeye una vutula kwa mono, Mfumu, iNzambi ami.

17. Nkiena ita ndevo: »Kabayangalalani mu nitu amiko, baba bakiyananga mu mono, kulu kwami bukweti zeza.

18. Kadi ngiena lukufi ye bwa, ye nzungu zami zena kuntadisi ntangu zazonsono.

19. Ntambudidi kwami mu nkanu ami ye ngiena mu sumu diami kiadi.

20. Kansi mintantu miami miakidi ye miena ngolo, ye babingi kwau bakumbelanga mu mpavala,

21. iyau bavutulanga yambi mu yambote ye beti kunkakidila, mu diambu diabuzolanga yina yambote.

22. Kunsisaniko, Mfumu, Nzambi ami, kuntatukilaniko.

23. Sa nswalu mu kunsadisa, Mfumu, undalulu ami.

### Nkunga 39.

*Lusambulu mu nxungu xaxingi.  
Mfubulu amoyo wau.*

1. Kwa nseki ankunga, nkunga waDavidi.

Mono yavova vo: »nzolele kukitala, mpasi vo kina vola masumu mu ludimi luamiko; sia simbidila ludimi luami mu luvambu, muntu wambi bukena vangiena».

3. Yadingama kwami ye yakala napi, ye kiabula mbe-mbo mu kiadi kiamiko; kansi mpasi zami zakola.

4. Buna ntim' ami walema mu ngudi; buyayindula buna yakala nkievo ndungulu tia mu ngudi, ye yavova mu ludimi luami.

5. Mfumu ungingdusa, vo sia fwa, ye bonso bwena tezo kialumbu biami kidi yavisa, bonso bungiena fizingu.

6. Tala, ngeye wasa nsuk' akandazi tezo kialumbu biami, ye lambuka kwavumunu kiamiki kwena bonso kakium' andiko mu meso maku; bantu babonsono bena ku fuba kaka, kani batelamene nakekete.

7. Bonso kini kiandozi baviokanga kaka, kingongo kiau

kiena kiampavala; beti yonzika kwau, kansi kabazaidi unabio vingilako.

8. Ye bwabu, Mfumu, nki ngieti vinga? Mu ngeye mwenavuvu kiami.

9. Untanina mu nkanu mi-ami miamionsono, kutalaniko yakala mvwezolo kwa mazengi.

10. Ndingalele kwami, monokinikuni nw' ami, kadi ngeye iwasabo.

11. Umpungudila kwamisa kwaku; mu lubandu luakoko kwaku luau ngieti memina.

12. Ngeye buweti semba muntu, ye buukumbamina mu nkanu andi, buna siuladisa mfonga zandi bonso zinkinia, bantu babonsono imfubulu au.

13. Sawe lusambulu luami, Mfumu, sadimbi lubokolo luami, kudingamani mu mansanga mamiko; kadi inzenza kwami mono mu nkebulwa aku, inkibi mono bonso mase mami mamonsono.

14. Umpengisila meso maku, kidi yakivongila, kadi sia katuka vava, mono kikadi diaka.

### Nkunga 40.

*Mvutudulu amatondo ye lusambulu.  
Minkailu misongele.*

1. Kwa nseki ankunga, nkunga waDavidi.



Yakala nasietete mu vinga Mfumu, ye yandi wangina-mana ye wawa lubokolo lu-ami.

3. Yandi wantombula mu bulu diambungulu, mu nteke yansina, ye watula malu mami mu tadi diadinene, yandi wakodisa ntambi zami.

4. Yandi wasa nkunga wamona mu nw' ami, nkunga wanzitusu kwa Nzambi eto. Babingi banawo mona, ye bana yitukwa, ye bana sa vuvu mu Mfumu.

5. Kiese kiena ye muntu usilanga Mfumu vwadi, ulembolo sietuka kwa bankwa mianza ye kwa yau, bavengumukanga mu makutu.

6. Mfumu, uNzambi ami, mwanki mangu biaku biabinene binene biena, ye mabanza maku maukutumwesanga; widi lekwa kimosi nkutu kafifwanane ye ngeyeko; yazolabio samuna ye mokinabio, kansi kabitanganangako.

7. Ngeye kuzolele nkailu miampondako ye miandilako, kansi ngeye wanzibudi matu; nkailu miangioka ye miamasumu kwetimio tombako.

8. Nkiangunu ita ndevo: »Tala, singiiza kwami; mu nkanda musonono kingina sa.

9. Mu sa luzolo luaku, Nzambi ami, bwena bwakiese kwa

mono, ye mina miaku mlena mu ntim' ami.»

10. Mono isamuna kintumwa kiakiese kiamfonga mu bundu diadinene; tala kibundikanga bikoba biamiko, Ngeye Mfumu zaidibo.

11. Kiswekanga mfonga zaku mu ntimako, kansi imokinanga mu nkwikulu aku ye ndalulu aku; kivengikilanga bundu diadinene nlemvo aku ye kedika kiakuko.

12. Nkiangunu mpe ngeye, Mfumu, kuna kunzikila kiwuntu kiakuko; nlemvo aku ye kedika kiaku bina kunkeba ntangu zazonsono.

13. Kadi ndungulu zeti kunzungidila zindutidi, ye kazilendi tangakanako; minkanu miami mimbeki, miailembwa mwenanga; milutidi nsuki zantu ami ntalu, ntim' ami wandiengi.

14. Do wantabila, uMfumu, sa nswalu mu kunsadisa.

15. Yau babonsono batombanga moyo ami mu bungawo, bika basiwa nsoni ye bakala nayembele; ye bazolanga bi wami, bika bavutulwa manima ye bamona nsoni.

16. Bavovanga kwa mono: bufweni kwandi, bufweni kwandi, bika bayitukwa mu nsoni zau.

17. Kansi bau babonsono batombanga ngeye, bika bayangalala ye bakala kiese, ye bazolanga ndalulu aku bavova kwau ntangu zazonsono: »Bika Mfumu kazituswa».

18. Ikwamuswanga ye ngiena bumputu, kansi Mfumu una kungiundula; nsadisi ami ye mvulusi ami ingeye kwaku, Nzambi ami, kusutani kwi-zako.

### Nkunga 41.

*Ngiaudulu mu nxungu ye nxomono.*

1. Kwa nseki ankunga, nkunga waDavidi.

Kiese kiena ye muntu utalanga wamputu mu kunsadisa; yandi una saduswa kwa Mfumu mu lumbu kiancita.

3. Mfumu una kunkuta ye una kunlundila moyo; yandi una banzulwa vo ukwa aki-ese mu nsi, ye ngeye kuna kuniokuna mu luzolo luamintantu miandiko.

4. Mfumu una kunsadisa mu ntand' andi ukabedilanga; bukena yela, buna ngeye ukitungana vakalekilanga.

5. Mono ivova: Mfumu, unsila nlemvo; niakisa mwel' ami, kadi kwa ngeye yavolele nkanu.

6. Mintantu miami mieti kumpovila yambi: »Nki alu-

mbu kana fwa, ye nkumbu andi nki alumbu yina vila?»

7. Vo mosi ukwiza bumina kwa mono, buna kana ta mambabuzuka; mu ntim 'andi kana yonzika mfukusu, mboki kana vaika ye tabo.

8. Bau babonsono baku-mbelanga, beti kungwawanana ye beti kumbanzila yina, yilenda kumbivisa nitu.

9. »Mbungulu yimbwididi ye lambalele kwakuna, kana vutuka sikamako.»

10. Nkundi ami mpe, uyakala lekilanga minu wadia dia kwami, yandi mpe weti kundangunina kinkoso kiatambi.

11. Kansi ngeye, Mfumu, unsila nlemvo ye untedimisa yabavutula nlandu.

12. Mu diadi nzaidi kwami, vo ngeye ukunzolanga, kadi kuyambulanga ntantu ami kayangalala mu nitu amiko.

13. Ngeye ukunkebanga mu diambu diabunkondolo minkanu, ye ukungiambulanga yatelama va luse luaku kwele mvu kuvutukidi mvu.

14. Bika Mfumu, Nzambi abaIsaleli, kazituswa kwele mvu kuvutukidi mvu! Amen, Amen.

## NKANDA WANZOLE.

**Nkunga 42.**

*Ngunda xamu nzo aNzambi xawa-  
kwamuswa ye waxomwa.*

1. Kwa nseki ankunga, nkunga wabana bababakala baKola.

Bonso bumomanga nsungu mpwil' anlangu, ibuna bumomanga mwel' ami kwa ngeye, uNzambi.

3. Mwel' ami wena mpwil' aNzambi, aNzambi amoyo, Mwanki nki alumbu ngina yambulwa ngiiza luaka va luse luaNzambi.

4. Mansanga mami idia kwami kwamwini ye fuku, bubakuntezanga ntangu zazonsono vo: Nzambi aku kwe yena bwabu?

5. Nzolele tengula mwel' ami ye yindula, bonso bubutuakala kwenda kabu, ye bonso butuayendilanga va kimosi ku nzo aNzambi mu yangalala ye matondo mu kabu diakembo.

6. Mwel' ami, mu nkia ma wenina ncita zozo ye kingongo kiampila yoyo? Nase vuvu mu Nzambi; kadi mono sia vutuka kunsika mu ndalulu yoyo, yatuka ku luse luandi.

7. Nzambi ami, mwel' ami wena nkita, idiau ibanzanga

ngeye kuku nsi yayi ya Yolodani ye ku masenda ma-Helemoni ye mu miongo mia-Mizali.

8. Nsina yeti bokila nsina yankaka veti kuluzuka kwa ntadi zaku; mbula zaku zazonsono zatulama zeti kumfuka.

9. Mu mwini Mfumu fwiti tambika nlemvo andi, ye mu fuku ngina yimbila kwa yandi ye sambila kwa Nzambi amoyo ami.

10. Nzolele vova kwa Nzambi, itadi diami, vo: »Mu nkia ma unzimbakanene, mu nkia ma nkatulu kwendila ye kiadi ye finunguswa kwa ntantu?

11. Mu nitu ami mwena nkievo visi biabembwa, ntantu miami bubeti kumvweza tesa ntangu zazonsono vo: Nzambi aku kwe yena bwabu?

12. Mwel' ami, mu nkia ma wenina ncita zozo, ye mu nkia ma wenina kingongo kiampila yoyo? Nase vuvu mu Nzambi; kadi mono sia vutuka kunsika, ndalulu azizi kiami ye Nzambi ami.

**Nkunga 43.**

*Mfudulu ankunga utekele.*

Umpanga kidi yanunga, uNzambi, ye wawasa mambu mami mu bantu bakondolo

mfonga; untanina mu bankwa miambabuzuka ye mu bankwa miayayibi.

2. Kadi ngeye kwaku iNzambi yoyo yena nkebi kwa mono; mu nkiamu wandiengi? Mu nkiamu nkatulu kwendila ye kiadi ye finunguswa kwa mintantu?

3. Fidisa kia kwaku ye kedika kiaku; bika biau biandiatisa ye biantuadisa ku mongo waku wanlongo ye ku zinzo zaku,

4. mono kidi vo yakota kwena salu diaku, kwa Nzambi, ikiese kiamu ye yangalala kwami, kidi yasika ngeye mu nsambi, Nzambi, iNzambi ami.

5. Mwel' ami, mu nkiamu wenina ncita zozo ye mu nkiamu wenina kingongo kiampila yoyo? Nase vuvu mu Nzambi, kadi mono sia vutuka kunsika, ndalulu azizi kiamu ye Nzambi ami.

### Nkunga 44.

*Tusambulu tuabantu baNzambi  
bakiwika mu ntangu anzu-  
ngu xamvita.*

1. Kwa nseki ankunga, wabana bababakala baKola.

Nzambi, tuawilu mu matu meto, ye tuatelowo kwa mase meto mu vanga dina diwanga mu lumbu biau, bina biateka kala.

3. Ngeye wafula bakondwa luzailu luaku mu koko kwaku, kansi mau ngeye watuikamo; ngeye wabunga bantu, kansi mau ngeye wayalamo.

4. Kadi kamu sabala biau ko babongilayo nsi, kamoko mauko mababakila ndungunu, kansi fuka diaku dialubakala ye koko kwaku ye kia kwazizi kiaku; kadi ngeye wasa kubatonda.

5. Ngeye, ingeye kwaku iMfumu ami, uNzambi; navingi bwabu Yakobi, kidi kanunga.

6. Mu ngeye tulenda bwisa mintantu mieto ye niema minkakidi mieto munkumbu aku.

7. Mono kieti tula minu kiamu mu ponzako, ye sabala kiamu kakilenda kundungisako

8. inga, ngeye watunungisini mintantu ye wavwisidi bakutubelanga nsoni.

9. Nzambi, tusikanga ntangu zazonsono, ye nkumbu aku tuzoleleyo zitisa kwele mvu kuvutukidi mvu.

10. Kadi bwabu ngeye utuniengi ye utuyambudi tuasiwa nsoni, ye kukwizanga ndala mu buka bietoko.

11. Weti kututala tuavutudulwa ku manima kwa mintantu, ye bakutubelanga bawwidi bonga, bibameni tana.

12. Ngeye utalanga tuadiwa bonso mameme, ye watucamuni mu bakondolo luzailu.

13. Ngeye weti teka bantu baku mu ntalu yanzio, kweti kubasa banga diadingiko.

14. Ngeye ukututudisanga mvwezolo kwa mfinangani zeto, ye ndevolo ye ntiakulu kwa bavwandanga yeto ndambu kandambu.

15. Ngeye weti kutusa kinteswanga kwa bakondolo luzailu, ye utalanga tuanikununwa ntu.

16. Mwini wamvimba mvwezolo ami yena ku tadisi meso mami, ye nsoni zimfukidi zizi, 17. bungieti wa ntelo zamvwezi ye ndevi, ye bungieti mona ntantu ye wena nzolwa mvutulu anlandu.

18. Yayi yayonsono yitubwididi, kansi katuvilakene ngeyeko, ye katuyambudi luwawanu luabeto yakuko.

19. Mintima mieto kamituminiko, ye ntambi zeto kazizekakene mu nzil' akuko.

20. Kansi ngeye watuniukikisa vena bambulu, ye watufuka mu kini kialufwa.

21. Nga vo tuazimbakene nkumbu aNzambi eto, evo tu lambudi moko meto kwa nzambi yanzenza,

22. nga Nzambi kakutubo yuvuzulakoe, yandi uzaidi swelokolo biamintima mieto.

23. Aa, mu diambu diaku tuvondwanga lumbu kiamvimba, tubanzulwanga vo tumameme mamponda.

24. Nasikami kwaku, mu nkiana lele, Mfumu? Nasikami, kutuniangani kiamakuluko.

25. Mu nkiana weti kutuswekila zizi kiaku ye vilakene nzungu zeto ye mpasi zeto?

26. Miela mieto miyinamene mu fundu fundu diantoto, zinitu zeto zibambamene vansi.

27. Nanguka watusadisa ye utuvulusa mu diambu dianlemvo aku.

## Nkunga 45.

*Mfumu ye ndumb' andi yandambisa.*

1. Kwa nseki ankunga, wabana bababakala baKola; nkunga wansokolo alutondolo.

Ntim' ami weti sampa mu diambu diamambu mampwenia; nkung' ami, ngietibo kamba, usokolo mfumu, ludimi luami ilapi kiansoniki wambote.

3. Ngeye lutidi wampuenia mu bana babantu; yambote kaka yicamukanga mu bikoba biaku; ibuna Nzambi kana kusakumunina kwele mvu kuvutukidi mvu.

4. Nakangi sabala kiaku mu luketo, ukinwani, ye kimfumu kiaku ye, nzitusu aku.

5. Londuka kwaku mu nzi-tusu aku miolo miolo, wenda mu nungisa kedika ye nlembami ye mfonga, ye bika koko kwaku kwalubakala kwalonga ngeye mavanga mazenzena.

6. Mwanki toto biaku biena ndwedwe abwisila bantu kungsi; biau bitelwanga mu mintima miamintantu miamfumu.

7. Nzambi, kiandu kiaku kina kala kwele mvu kuvutukidi mvu; mvwal' akimfumu kiaku imvwal' azimfonga.

8. Ngeye watonda mfonga ye wabela yambi, nkiangunu Nzambi, iNzambi aku walutisila mu kusa mazi makiese, kansi mpangi zaku mafiuma.

9. Mimvwatu miaku mieti dukana nsunga, ye nsikulwa ansambi mu zinzo zazinene zawangwa mu mpungi yeti kuyangidika.

10. Mu makangu maku mwena ndumba zamfumu, ye nkam' aku utelamene ku lubakala luaku vweti mvwatu wawola.

11. Mwan' ankento, sadi-mbi, satadi watamba kutu kwaku mu diadi; zimbakana kwaku bayaku ye nzo asaku,

12. ye bika mfumu kaya-ngalala mu ntoko zaku, kadi yandi inyadi aku, ye una kumfukamana.

13. Mwan' ankento wakisi Tilo una nata minkailu miandi, ye bonso balutidi mu kimvwama mu bantu banakwiza tombi kindiku kwa ngeye.

14. Mwan' amfumu wanekento weka kwandi mbidi antoko mu nzo andi. Dizwele diandi diabwangulwa mu wola,

15. mu nlele wena namanga manga kele' fidulwa kwa mfumu; zindumba, ibankubu yandi, beti kwenda yandi; beti kwe filwa kwa ngeye.

16. Beti kwe tuadulwa mu yangalala ye kiese, beti kota kwau mu nzo yayinene yamfumu.

17. Bana baku bababakala bana vingana mu mase maku; ngeye una kubayadisa zimfumu mu nza yamvimba.

18. Nzolele vanga vo nkuumbu aku yina zituswa kwa mbandu zazonsono zina zimunina; idiau bantu bana kusika ntangu zazonsono kwele mvu kuvutukidi mvu.

### Nkunga 46.

*Nzambi impengomono ye nzo' eto.*

1. Kwa nseki ankunga, wabana bababakala baKola; nkunga mosi.

Nzambi impengomono eto ye ngolo zeto, yandi insadisi mu ntangu zanzungu watoma tontwa.

3. Nkiangunu beto katuna tinako, vo ntoto una nenguka, ye miongo mina nikuzuka ye dimina mu nsin' ambu;

4. ovo wau una tudika zimbula ye kumba kwandikuzunina miongo mu diambu diankesi.

5. Mwena mwila ucilumukanga wena mpasumukunu yangiangidikila vata dia Nzambi, inzo yanlongo yankwa 'kayengele.

6. Nzambi ukalanga momo; diau kadiavungilako; Nzambi utabilangadio kasi kukielanga bwisi.

7. Bakondolo luzailu lua Nzambi babomanga, ye bimfumu bieti zeza; yandi weti wakasa nding' andi, ye ntoto nienganga.

8. Mfumu Zebaoti wena yeto, Nzambi aYakobi inzo eto yasiama.

9. Luiza luatonwa mavanga maMfumu, yandi uvanganga mavanga manzenza mu ntoto.

10. Yandi usimanga nzingu nate ye kwasukila ntoto, yandi weti damuna ponza ye tolula dionga, ye makalu wetimo yoka ku mbombe.

11. Ludingalala luayindula, vo imono kwami iNzambi; mono ngina kala wazangama mu bakondolo luzailu, mono yazangama ngiena va ntoto.

12. Mfumu Zebaoti wena yeto, Nzambi aYakobi inzo eto yasiama.

## Nkunga 47.

*Nkunga wandungunu.*

1. Kwa nseki ankunga, wabana bababakala baKola; nkunga mosi.

Lusakila beno lubantu babonsono, luzangula zu diayangalala kwa Nzambi mu mbokolo zakiese.

3. Kadi Mfumu yandi iyandi lutidi wanene, yandi nsisi kena, yandi imfumu yayinene mu ntoto wamvimba.

4. Yandi ukutuvingsilanga bantu kungsi ye makanda kungsi amalu meto.

5. Yandi weti kutusanina fwa dieto, inzitusu aYakobi, intondolo andi.

6. Nzambi wabalukidi ye zu diayangalala ye nding' ampungi zakulumeta.

7. Lusika Nzambi, lusika Nzambi, lusika mfumu eto, lusika!

8. Kadi Nzambi imfumu mu ntoto wamvimba, lunsika mu nkunga!

9. Nzambi uyalanga bako-ndolo luzailu, Nzambi uzakalanga va kiandu kiandi kialongo.

10. Bamadingizi mabantu meti kutakana, kidi makala bantu baNzambi aAbalami. Kadi bena nkaku va ntoto bavwilu kwa Nzambi; yandi wazangama beni wena.

### Nkunga 48.

*Lulendo luaNzambi luasongwa mu lutanumu luaYehusalemi.*

1. Nkunga wabana bababakala baKola.

Mfumu waunene wena ye wazituswa beni mu vata dia-Nzambi eto, mu mongo andi wanlongo.

3. Ekuna kuna ntandu kwe-ti kula mongo waZioni mu ntoko beni, ikiese kiantoto wamvimba, ivata diamfumu yayinene.

4. Nzambi yazabwa yena mu zinzo zazinene zamfumu mu vata dina, yandi wazabwa nkievo nkaku.

5. Kadi tala, zimfumu baktakana ye baluakila va kimosi.

6. Bubamonabo, buna bayi-tukwa, bakala wonga ye bataba.

7. Yau babwilwa kwa bunkuta ye wonga; bonso

nkento ubakamene kwa nzo-ngo.

8. Ibuna ubulanga maku-mbi maTalisi mu mpeve, yitukanga kuselukilanga ntangu.

9. Bonso butuakala wanga, ibobo tuamweni mu vata dia-Mfumu Zebaoti, ivata dia-Nzambi eto, Nzambi utundisangadio kwele mvu kuvutukidi mvu.

10. Tubanzanga, Nzambi, mu nlemvo aku, bututelamene mu nzo aku yanlongo.

11. Bonso bwena nkumbu aku uNzambi, ibuna buna luakila nzitusu aku nate ye kwasukila nsi; koko kwaku kwalubakala kuzedi ye mfo-nga.

12. Bika mongo waZioni wayangalala, ye bana babakento baYuda bakala kiese mu nkongodolo zaku.

13. Luzunga Zioni luazitikadio, lutangadio mayongi;

14. lutanwa tumbu tuantabidiladio, lukotadio mu zinzo zazinene zamfumu, kidi vo lulendabo kamba kwa mbandu yina zimunina.

15. Kadi bobo ibobo kena Nzambi iNzambi eto ntangu zazonsono kwele mvu kuvutukidi mvu, nate ye kuna mfwilu sika kututuala.



**Nkunga 49.**

*Mfubulu akunku kiabankwa mia-yayibi.*

1. Kwa nseki ankunga, nkunga wabana bababakala baKola.

Luwa diadi, beno lubantu babonsono, ludimba, beno babonsono lueti yumuna mu nza,

3. ye babazio ye babanene, ye bamvwama ye bamputu.

4. Nw' ami una vova mu nduenga, ye mabanza mantim' ami mana kala manduka.

5. Nzolele tamba kutu kwami mu ntelo zandongi, nzolele zaikisila mambu mansweki mu nsambi.

6. Bila nkiama yakutu kadila wonga mu lumbu biambi, buizungwanga kwa nkesi zamintantu miami?

7. Yau beti tula vuvu kiau mu bilekwa biau ye beti kukisanisina mu mbongo zau zazingi.

8. Kansi widi wamosi nkutu kalendi kula mpangi andiko, evo kumvana nkudulu kwa Nzambiko.

9. Kadi nkudulu amwel' andi yena mbidi abanga, ye kayilendi futwako kwele mvu kuvutukidi mvu,

10. vo una yambulwa kavumuna ye lembwa mona mpeto.

11. Kabwako, kansi buna monika kwandi, vo bena nduenga bana fwa kwau, ye bena buzengi ye buzoba bana vidila buma bumosi; bakatwa sisila mbongo zau kwa bankaka.

12. Babanzanga kwau vo nzo zau zina kala kwele mvu kuvutukidi mvu, ye mavula mau mu mbandu kambandu; beti luka mavia mau ndusi.

13. Kansi muntu kena zinguko, kani nzitusu kena; yandi fwanane ye bibulu bifukanga.

14. Nzila yampila yoyo mu buzengi bwau kwandi beti kwendila, ye bankaka bavingane beti zola ntelo zau.

15. Beti nungunwa ku nsi abafwa bonso kamba diamameme; lufwa luna kala mvungi au, ye bamfonga bana kubayala, bukuna kia bwisi. Zinitu zau zina manwa mu nsi abafwa, ye kazina vutuka baka va zina kalako.

16. Kansi Nzambi una kula mwel' ami mu nkesi zansi abafwa, kadi yandi una kumbalula.

17. Kutinaniko, muntu buketi baka kimvwama, ye nzo andi buyeti mena nzitusu,

18. kadi bukana fwa kana nata lekwako, ye nzitusu andi

kauna kulumuka yandi ko-koko.

19. Vo weti kukibanzila, vo wasakumunwa, bukena vumuna, ye weti sikwa, buketi kukimwena lumbu biabiza,

20. nga mwel' andi siwa katwa londuka ku mbandu amase mandi, kwa yau bana lembwa mona kia diaka.

21. Muntu mu nzitusu andi, vo kondolo nduenga, fwanane ye bibulu bifukanga.

### Nkunga 50.

*Lusambudulu luaNzambi luasonga ye luapupika.*

1. Nkunga waAsafi.

Nzambi, Mfumu Nzambi weti vova, yandi weti bokila ntoto, kuselukilanga ntangu nate ye kudimininanga ntangu.

2. Mu Zioni mwalungusu mfonga, Nzambi weti vaika mu kia.

3. Nzambi eto weti kwiza, ye kana dingamako. Tia tuambanisina tueti kuntekila, ye yeku yeku kuvevumunwanga mpeve mu ngolo beni.

4. Yandi weti bokila zulu dia ku ntandu ye ntoto mu diambu diakidi kakongudila bantu bandi.

5. »Lungionsikila bankwa anafonga zami, bawawana yami mu minkailu.»

6. Mazulu meti kamba mfo-nga zandi, kadi Nzambi indiena ukongudilanga.

7. Luwa lubantu bami, mono nzolele ta; ngeye Isaleli, mono ngina kulonga. Mono Nzambi, iNzambi aku ngiena.

8. Kina kusembako mu diambu diankailu miaku miamponda, ye nkailu miaku miangioka mwanki mikalanga ku tadisi zizi kiami ntangu zazonsono.

9. Kizolele tambula ngo-mbe zambakala mu nzo aku-ko evo nkombo mu mpaka zakuko.

10. Kadi bulu biabionsono biena mu mfinda, mono mvwidibio, ye makamba mena va mazunda mamiongo.

11. Mono nzaidi zinuni zazonsono va miongo, ye nki alekwa kizanzalanga va nsi kiami kaka.

12. Vo nsatu yena yami, mono kikambi ngeyeko; kadi sadila kwansi mono mvwidi, ye yonso yena mu yau.

13. Kadi mono mbizi angombe idiance, evo menga mankombo inwange?

14. Ve, kansi nata kwa Nzambi, minkailu miansikulu ye futa nsilulu zaku kwa nkwa 'kayengele.

15. Umbokila mu mpasi

ye mono ngina kusadisa, ye ngeye una kunzitisia.

16. Kansi kwa nkwa wambi Nzambi weti vova vo: bwe ulenda mokina nkondo miami ye nata luwawanu lumi mu nw' aku,

17. ngeye buubelanga vovuswa ye losele mambu mami ku nim' aku.

18. Buumona mwivi ngeye ntumbu kuntela, ye ngeye wena nkalasani ye mimvunzi miatongo.

19. Ngeye weti kutula nw' aku mu yonso yena yambi, ye ludimi luaku luzingidiki-sanga bungubi.

20. Ngeye weti vwanda mu kela mpangi aku imwana wabakala, uluabutwa ngudi mosi ubelanga.

21. Ibobo uvanganga ngeye, kansi mono dingalala idingalalanga, idiau weti banzila vo beto yaku mpila mosi, kansi mono ngina kulonga, ye nginabo tula ku tadisi meso maku.

22. Diadi lubanzangadio, beno luvilakananga Nzambi, kidi vo kina kulukasunako ye mu lembwa vuka.

23. Ndiena uvutulanga nka-ilu miansikulu. Yandi ukunzitisanga, ye wonso ukikenganga mu nzil' andi iyandi wuna, ungina mwesa ndalulu ami.

## Nkunga 51.

*Lusambulu luanionguluka.*

1. Kwa nseki ankunga, nku-nge wa Davidi,

2. nkambi Natani bukaye-nda kwa yandi, bukakota mu Bataseba.

Nzambi unsila nlemvo, bonso bwena wote waku, vinsikisa minkanu miami, bonso bwena kiwuntu kiaku kiakinene.

4. Utoma kunsukudila nkanu ami, wampedisa mu disumu diami.

5. Kadi nzaidi minkanu miami, ye sumu diami dikalanga ku tadisi zizi kiamintangu zazonsono.

6. Kwa ngeye kwandi kaka yavolele nkanu, ye yina yena yambi mu meso maku mono yavengiyo; kidi vo una monika vo fongele mu mambu maku ye vo vedele mu nkongodolo zaku.

7. Tala, mu masumu yabutwa, ye mbut' ami mu masumu kangiakila.

8. Tala, ngeye uzolanga kedika mu nkati antima, idiau undonga nduenga mu ngudi.

9. Umpedisa mu isopi, kidi yavedila; unsukula kidi yalutila vembuka mu mvula zampembe.

10. Ungiambula yabimba kiese ye yangalala, kidi vo visi biabi biwabemba bina yangalala.

11. Vengula zizi kiaku mu masumu mami ye vinsikisa minkanu miami miamionsono.

12. Nzambi, umpanga nti-ma wavedila ye umpana mpeve yamona yakikesa.

13. Kundiangani va zizi kiakuko, ye kunkatulani mpeve aku yanlongoko.

14. Yambula yavutuka yangalala mu ndalulu aku, ye bika wansiamisa mu diela dialuzolo.

15. Buna ngina longa mivangi miayayibi nzila zaku, ye bankwa miamasumu bana bangumuka kwa ngeye.

16. Unkula mu mfuka zamenga, Nzambi, iNzambi andalulu ami, buna ludimi luami luna yangalala mu diambu diamfonga zaku.

17. Mfumu, unzibudila bikoba, kidi vo nw' ami una tanga nsikulu aku.

18. Kadi ngeye kuzolanga nkailuko, nkianguu nga yavanawo, nkailu miangioka ngeye kutondelemioko.

19. Nkailu uzolwanga kwa Nzambi, impeve yandiongulukila; ngeye Nzambi kuna tungudila nti-ma wandiongulukila ye wafibalako.

20. Vangila Sioni bwambo-te mu nlemvo aku; tungudila bibaka bia Yelusalemi.

21. Buna una vewa nkailu miazimfonga mina miuzolanga, nkailu miangioka ye nkailu miamvimba; buna ngombe zambakala zina yokwa va disalu diaku.

## Nkunga 52.

*Mbombolo mu diambu dialudimi tuambi.*

1. Kwa nseki ankunga, nkunga wa Davidi,

2. Doegi, imwisi Edomi, bu-kayiza mu samuna kwa Sauli ye wankamba vo: Davidi kotele mu nzo aAbimeleki.

Mu nkiana weti kukisani-sinanga mu biena biambi, unkwa angolo? Mwanki nlemvo wa Nzambi usikilanga kwele mvu kuvutukidi mvu.

4. Ludimi luaku lueti kwendanga mu mbivusu, luau lufwanane ye mbele yena meno, ngeye umbabusuki.

5. Ngeye utondanga yambi beni kansi yambote zafiuma, makutu beni kansi mu vova bisongele zafiuma.

6. Ngeye uzolanga mpovolo zazonsono. zambivusulu, uludimi luampumpuluvunu.

7. Mu diau Nzambi una kulukula kiamakulu. Yandi

una kukatula ye tukuna mu nzo aku ye kusukisa nampia mu nsi abavumuna.

8. Bamfonga banabo mona, ye bana kala wonga, bana kunseva ye vova vo:

9. tala, ndieu imuntu walembwa banzila Nzambi, vo inkebi andi, kansi wasa vuvu mu mbongo zandi zazingi ye wakala ntingu mu luzinunu luandi.

10. Kansi mono ngina kala bonso nti wamazi wena mpongo amakaya mu nzo aNzambi; mu nlemvo waNzambi isanga kwami vwadi ntangu zazonsono kwele mvu kuvutukidi mvu.

11. Kwele mvu kuvutukidi mvu sia tonda mu diambu diabuwansila bobo; ngina vingila nkumbu aku va tadisi bantu baku banlongo, kadi yau yambote yena.

### Nkunga 53.

*Ngiaudulu kwa Nzambi mu diambu diamambi mayalanga.*

1. Kwa nseki ankunga, nkunga waDavidi.

Bilauki bivovanga mu mintima miau vo: »Kakwenani Nzambiko». Mbivulu ye nakumusu imavanga mau mambi, kakwenani uvanganga yamboteko.

3. Nzambi weti tala mu zulu mu barra babantu, kanivo sika mona, vo mwena umosi wena wanduka, vo umosi uto mbanga Nzambi.

4. Babonsono bavwa ve-ngama, babonsono bavwa biva miela; kamwenani uvanganga yamboteko, widi wamosi nkutu.

5. Kadi mimvangi miaya-yibi miami kamivisangandi lekwakoe, midianga bantu bani nkievo midianga mampa, ye milembolo dila kwa Nzambi.

6. Kansi wonga una kubabwila vakondolo widi nsisi nkutu; kadi Nzambi una mwangisa bivisi biabantu bobo beti kunzunga dituti. Ngeye una kubavwisa ozoni, inga Nzambi una kubanianga.

7. Nga vo ndalulu aIsaleli yiiza mu Sioni, ye Mfumu kavulusa bantu bandi, nga Yakobi sika mona kiese, ye Isaleli sika yangalala.

### Nkunga 54.

*Ndombolo amvukulu mu mintantu.*

1. Kwa nseki ankunga, nkunga waDavidi,

2. bubayiza kamba kwa Sauli vo: tala, Davidi wizi lakama kwa yeto.

Nzambi, undalula mu nkumbu aku, wandungisa mu lulendo luaku.

4. Nzambi, wa lusambulu luami ye dimba mpovolo anw' ami.

5. Kadi zinzenza zeti kumtelamananga, ye bankwa miamafuluka beti lakukila moyo ami ntima; kabakalanga Nzambi ku tadisi mesoko.

6. Tala, Nzambi insadisi ami; Mfumu usiamisanga mwel' ami.

7. Bika yambi yavutukila kwa minzomi miami, ubafukisa mu nkwikulu aku.

8. Buna ngina kuvana nka-ilu mu ntima wamvimba, ngina sika nkumbu aku, kadi yau yena yambote.

9. Kadi yandi ukundalulanga mu ncita zazonsono, ye meso mami mana sakalala mu tala mintantu miami mu kiese kialunga.

### Nkunga 55.

*Ngiaudulu mu diambu diabakundi bantandu ameso.*

1. Kwa nseki ankunga mu yimbidila mu nsambi, nkunga waDavidi.

Nzambi, dimba lusambulu luami, ye kuswamani mu ndombolo amiko.

3. Untala ye tambudila kwa mono. Kibakanga mpongoso nkutuko mu kingongo kiami,

nkatulu yaula beni mu lubokolo luantantu,

4. ye mu ngolo zankwa wambi; kadi yau bazolele tuala mbivulu kwa mono, ye mu nganzi beti kuntatimisa.

5. Ntim' ami wena kingongo mu ngudi, ye nzungu zalufwa zintulukidi.

6. Wonga ye zakama bieti kumbwila, ye nsisi yimfukidi.

7. Idiau sia vova vo: »Mwanki nga vo ngiena ye maveve bonso bembe, nga nkutu tilumuka nseke ye fwanda zanza diami.

8. Tala, nga nseke beni nkutu tilumuka nga mu nsi yankatu mfwendu mbuk' ami.

9. Nga nswalu ntombe mpungumunu mu mpeke mpeke ye tembo.

10. Ubafukisa, Mfumu; zonzikisa tudimi tuau, kadi ngieti mona mafuluka ye nkinu mu vata.

11. Mwini ye fuku betidio zungidila va bibaka, bimfunia ye nzungu biena momo.

12. Mbivusu yena momo; nkwasusu ye mampiaka kabilendi vengana mu mavambuko.

13. Tala, weti kumfinga kaintantu nkutuko, nga ilenda tungudila, ye ukukiyana mu mono kaimbeni nkutuko, nga ilenda kwe swama kwa yandi.

14. Inga, kansi ingeye kwa-ku wetibo sa, ngeye utuakala nkubu yami ye kikundi ye nkalani beto yaku.

15. Mwanki vakiakedi tuakala nkalasani yampuenia, ye tuadiatana ku nzo aNzambi beto yaku mu kabu diankembo.

16. Bika lufwa luababwila nabiu, bika bakulumuka bavumuna mu nsi abafwa, kadi mu nzo zau mwena kimfunia ye mu ntima miao.

17. Nzolele boka kwa Nzambi; Mfumu una kuntanina.

18. Mpimpa ye nsuka ye nsinza nzolele samuna kiadi kiami ye kunga, ye yandi sika wa nding' ami.

19. Yandi ukulanga mwel' ami ye ubakisangawo mpongoso, mpasi kabana kunzimbako, kani babingi beni beti kunkakilanga.

20. Nzambi unabo wa ye una kubavutudila, yandi uvwandanga va kiandu kiandi ye ntama, kadi kabazolele au vilukako, ye kabavuminanga Nzambiko.

21. Yandi (nkundi wowo wampumpuluvunu) utulanga moko mu yau bakunsanga yenge ye ukabikisanga nkambununu andi.

22. Mambu mena mu nw' audi mena nalengwa lengwa bouso mazi mangombe, kansi

ubanzilanga mvita mu ntima, mambu mandi malutidi ndelo mu mazi, kansi mau nkievo sabala biavolwa.

23. Yomba zitu kiaku kwa Mfumu, yandi una kusiamisa; yandi kana yambula wamfonga kazezako kwele mvu kuvutukidi mvu.

24. Nzambi, ngeye una kubawolumuna mu mpind' ampeto; bena siuka diatengudila menga ye mimbabuzuki kabana lunga ndambu amvu mi-auko. Kansi mono isanga vuvu mu ngeye.

## Nkunga 56.

*Lusambulu luavuvu mu nxomono.*

1. Kwa nseki ankunga, nkunga wa Davidi, baFilistea bubamvikitina mu Ngati.

Unsila nlemvo, uNzambi, kadi bantu bazolele kungsiudika; ntangu zazonsono beti kumbambimisa mu siuka diau diakundwanisina.

3. Baminzomi miami bazolele kungsiudika ntangu zazonsono, kadi babingi kwau bakundwanisanga mu minza miao.

4. Kansi bungieti bwilwa kwa bunkuta, ntumbu sa minu mu ngeye.

5. Mu lulendo luaNzambi ilenda sika mambu mandi, mu

Nzambi isanga vuvu ye mono kitini, kadi bena nsuni, nki balenda kumpanga?

6. Ntangu zazonsono beti vengidikisa mambu mami, ye mabanza mau meka mu kumbivisa nitu.

7. Beti kutakana kwau, beti kungiadila kambu. Bake nganga tamba biami, inga, beti lakukila moyo ami vumunu.

8. Kadi buna bufwanane, vo bana vuka mu kimfunia kiau kiokio kiakionsonoe? Wababwisa Nzambi, mu ngazi zaku!

9. Ngeye wamana tanga lumbu biantabulu ami; sa yonzika mansanga mami mu mbungu aku; keti mañonwa mena mu nkand' aku.

10. Lelo buibokanga, mintantu miami mikatulu vutuka ku manima; diadi nzaidi, vo Nzambi ukuntabilanga.

11. Mu lulendo luaNzambi ilenda sika mambu mandi, mu lulendo luaMfumu ilenda sika mambu.

12. Mu Nzambi isanga vuvu ye mono kitini; kadi bantu, nki balenda kumpanga?

13. Tusilulu tuami kwa ngeye tueti mema yami, Nzambi, sia kufuta kwaku mu nkailu miatonda.

14. Kadi ngeye ulalulanga mwel' ami mu lufwa, inga ye malu mami mu bwa, kidi ya-

lenda diata va luse luaNzambi mu kia kwabavumuna.

## Nkunga 57.

*Lusambulu ye nkunga walusikulu mu nzungu.*

1. Kwa nseki ankunga, nku nga waDavidi, bukataba mu Sauli, ye bukakala mu nluka.

Unsila nlemvo, uNzambi, unsila nlemvo, kadi mwel' ami ukwiza vungamaningi kwa ngeye, inga, nzolele vungamana va mpevo amaveve maku, nate ye nsisi buyimeni vioka.

3. Ibokanga kwa Nzambi, iyandi lutidi mu nene, kwa Nzambi ukuntunguninanga salu kiandi.

4. Mono ngina vitukuswa ndalulu andi ku zulu, buitakwanga kwa bantu, bazolele kungsiudika. Nzambi una fidisa nlemvo andi ye kedika kiandi.

5. Mwel' ami uzungudulu kwa zinkosi, nkatulu lambalala va kimosi ye baniasangatia, ye bantu bena meno keti madionga ye totolo, ye bena tudini tuau keti sabala biameno.

6. Bika ngeye Nzambi wazangama va ntandu azulu, ye nzitusu aku bika walambuka mu ntoto wamvimba.



7. Beti tamba konde mu tambi biami, ye mwel' ami uyindamene. Beti kuntimina bulu, kansi babwadio bau kibeni.

8. Ntim' ami wena kibakala, uNzambi; ntim' ami wena kibakala, nzolele yimbila ye sika.

9. Mwel' ami, satelameti; nkunga ye nsambi, lusikameti! Nzolele sikimisa nkala mpumbu.

10. Nzolele tonda ngeye, Mfumu, mu monakanda diabantu, nzolele sika ngeye va kati azimbandu zabantu.

11. Kadi nlemvo aku wau-nene unene wena nate ye kuna zulu, ye kedika kiaku nate ye kuna matuti.

12. Bika ngeye, Nzambi, wazangama va ntandu azulu; ye nzitusu aku bika walam-buka mu ntoto wamvimba.

### Nkunga 58.

*Lusambulu mu bankwa miayayibi.*

1. Kwa nseki ankunga, nkunga waDavidi.

Kadi bina bilueti vova, buna bisongelie? Lukongudilanga busongelie, beno lubana babantu.

3. Aa, kansi mu mintima mieno lukananga nkanunu zam-bi, ye lutezanga mafuluka mamoko meno mu nsi.

4. Bankwa miayayibi bena mu nzila yilembolo songa, kasi bakadila mu mabunda mabam-buta zau; bankwa miamavunu bavidisanga nzila kasi ye vumu biabambuta zau.

5. Nsa miena mu yau nki-evo nsa mianioka; bafwanane ye nioka yambalu yafwa matu, yibeti kutu,

6. kayidi wa nding' ankwa akayengelele evo wena mbiki afiedila.

7. Nzambi, kosikisa meno mu minwa miao; bika Mfumu wabula matandi mankosi zantuenia.

8. Yambula bafukuswa bonso nlangu ukwe yitikanga. Nkwa wambi bukana sika toto biandi, bika biakala biandufu.

9. Bika kakala bonso nko-dia yinienganga ye yilalanga, ye bonso wasululwa kwa nken-to ukamoni ntangu kwele mvu kuvutukidi mvu.

10. Bika binzu bieno bubi-lembolo kukibimbila tia tuampanga, mpeve kakiosuna biabio, vo biankunzu vo biavia.

11. Wamfonga una sakalala bukana mona mvutudulu andinda; yandi una sukula malu mandi mu menga mankwa wambi.

12. Buna bantu siba ta vo: lelo muntu wamfonga sendolo

kwandi! Kiongolo Nzambi, yikongudilanga ntoto, yena kwandi!

### Nkunga 59.

*Lusambulu mu bankva miayayibi.*

1. Kwa nseki ankunga, nkunga waDavidi, Sauli bukafidisa muntu mu langidila nzo, kidi kamvonda.

Undalula, uNzambi, mu bantantu bami, untabila mu minkakididi miami.

3. Untabila, mu mimvangi miayayibi, ye undalula mu bena siuka diamenga.

4. Kadi tala, bangiadilanga kambu; bakabuka meso bankutakanananga, bunkondolo kani bila nkutu evo masumu nkutu.

5. Bunkondolo kani nkanu nkutu, beti kungiungusila ye kubama. Sikama, wiza kunkiki, wabanzadio!

6. Inga, ngeye Mfumu Nzambi Zebaoti, Nzambi aIsaleli, sikama wavutula ndinda kwa babonsono balembolo kuzai. Kukutani wamosi nkutuko mu mimvangi miayayibi miami miambabuzuka.

7. Mu mpimpa beti kwiza vutukingi ye lola bonso mbwa ye viongusuka mu nkati avata.

8. Tala, minwa miau mieti camuna, bisabala biena mu

bikoba biau, kadi: »Nani kutubo wa?»

9. Kansi ngeye, Nzambi, ukubasevanga, ngeye ulevulanga babonsono balembolo kuzai.

10. Nzolele tatamana kwa ngeye mu diambu diangolo zena yau, kadi Nzambi inzo ami yasiam.

11. Bika Nzambi ami kakisisa nlemvo, bika Nzambi kansakidika mu tala baminzomi miami.

12. Kubavondaniko, mpasi bantu bami kabidibo fwa diba; mu lulendo luaku Nzambi bika wabasa nayedi yedi ye mboki bwisa, ngeye inkaku eto, uNzambi.

13. Dionso kadiambu mu bikoba biau imasumu mu minwa miau. Bika babwilwa mu nza miau mu diambu diatutumbulu ye mampunu mau mabatubanga.

14. Ubasukisa mu nganzi zaku, ubasukisa, kidi vo kabana kala diakako. Bika bazi za kwau, vo Nzambi iyandi uyalanga mu Yakobi nate ye kwasukila ntoto.

15. Inga, mu mpimpa bakwiza vutukingi ye lola bonso mbwa ye vionguzuka mu vata.

16. Baniatukanga mu tomba kibana bwila; bubale

mbolo yukuta, buna kieludulwa kwau.

17. Kansi mono nzolele yimbidila lulendo luaku ye yangalala mu nsuka mu nlemvo aku; kadi ngeye wankadila keti inzo yasiama ye keti impungumunu ami, buyakala mu mpasi.

18. Ngeye ungolo zami, ngeye inzolele zitisa, kadi Nzambi inzo ami yasiama, iNzambi ami anlemvo walunga.

### Nkunga 60.

*Ndekolo aminu mu nunga mu diambu dialusadusu luaNzambi.*

1. Kwa nseki ankunga; nkunga waDavidi wandonga,

2. bukakala nwanisanga bisi Mesopotamia ye wavutuka va kimosi ye bantu baAlami-Soba ye Yoabi ye wabedisa bisi Edomi, kumi ye mazunda mole mu ndimb' amungwa.

Nzambi ngeye watuniengi ye watumwangisi; ngeye wakedi kalanga nganzi; bika watutedimisa.

4. Ngeye wazakimisi ntoto ye wabesiwo; londawo miamvu, kadi weti nikuka.

5. Ngeye wamonese bantubaku lekwa yambalu, ye

watubukudidi vinia kisansasanga.

6. Kansi kwa yau bakuvuminanga, ngeye wavana dinbu kiambanika mu diambu dia-kedika.

7. Vana ndungunu mu koko kwaku kwalubakala, ye utuwila, kidi vo bakundi baku bana vuka.

8. Nzambi meni vova mu mfonga zandi, nkiangunu nzolele kwami yangalala: »Mono ngina kabila Sikemi, ye ngina teza ndimba waSukoti.

9. Ngileadi mono mwidi ye Manase iyami mpe, Efalimi inkaku ami antu, Yuda imvwal' ami yakimfumu.

10. Moabi ibola diami diansukudila, ye Edomi itubanga nsampatu ami; zanguleti tubokolo tuayangalala mu kunzitisa, ngeye, unsi abaFili-stea.

11. Nani una kuntuasa ku vata diasiamu, nani una kuntuadikisa ku Edomi?

12. Kadi kutuniengikoe, ngeye, Nzambi, mu lembwa kwisa ndala mu buka bieto?

13. Utuvana lusadusu mu batantu; kadi lusadusu lubantu luena luafuba.

14. Butuena ye Nzambi, tulenda kweto mavanga mangolo, yandi una fotikisa batantu beto kuni.

**Nkunga 61.**

*Ndombolo alusakumunu va mfumu.*

1. Kwa nseki ankunga mu yimbidila mu nsambi, nkunga waDavidi.

Lubokolo luami walo, Nzambi, tala ndombolo ami.

3. Kwasukila ntoto ngieti kubokidila, kadi ntim' ami weti lemina; unzangula va tadi, kadi diau dimpiokedele mu la.

4. Kadi ngeye impungumunu ami, iyongi diakola mu ntantu.

5. Ungiambula yakala kwami mu nzo aku kwele mvu kuvutukidi mvu; nzolele vungamana mu lutabulu luamaveve maku.

6. Kadi, ngeye Nzambi, uwanga nsilulu zami, ye bavuminanga nkumbu aku, ngeye ukubavananga fwa diau.

7. Ngeye una namingisa lumbu biamfumu; mvu miandi mina kala mu mbandu kambandu.

8. Bika kavwanda va kiandu kiandi kiena va luse lua-Nzambi kwele mvu kuvutukidi mvu; fidisa nlemvo ye kedika biankeba.

9. Buna sia sika nkumbu aku kwele mvu kuvutukidi mvu ye futa nsilulu zami lumbu kalumbu.

**Nkunga 62.**

*Kwa Nzambi kaka kwena ndalulu.*

1. Kwa nseki ankunga, nkunga waDavidi.

Kwa Nzambi kaka mwel' ami utombanga mpongosolo; mu yandi mutukanga ndalulu ami.

3. Yandi kwandi kaka imongo ami ye ndalulu ami: yandi inzo ami yakola, ye mono kizezi.

4. Lumbu bikwa luzolele laukila diaka wena kinsona mu kumbwisa, beno babonsono, nkievo baka kitengamene, ye nkievo baka kiate ndusuka?

5. Mu diadi kaka bawawananga, kani bonso bubana kunsotuna ku mbat' andi. Bazolanga kwau mavunu. Mu minwa miau basakumunanga, kansi mu ntima miau batumbanga.

6. Mu Nzambi kaka kala mpongosolo, nge mwel' ami, kadi mu yandi mutukanga vuvu kiami.

7. Yandi kwandi kaka imongo ami ye ndalulu ami; yandi inzo ami yakola, ye mono kizezi.

8. Kwa Nzambi kwena ndalulu ami ye nzitusu ami, tadi diami diangolo, mpungumunu ami, ngienayo mu Nzambi.

9. Beno bantu, lusa vuvu mu yandi lumbu yayonso; luntengudila mintima mieno. Nzambi impungumunu eto.

10. Bana babantu ibifubila kaka, ye bamfumu zangiana mpila mosi kalekwako; mu balanza balutidi mu vevuka, yau ibifubila buna bena.

11. Kalukiyanani mu ndandu yambabako, ye kalusilani lekwa biatanwa minu kiafubako; kani kimvwama kieno kieti nieka, kalusampukani-kioko.

12. Dimosi kaka diata Nzambi, mono yawa ye yauwudiladio, vo ngolo zena Nzambi.

13. Kwa ngeye, Mfumu, kwena ulemvo, kadi ngeye uvutudilanga wonso kamuntu, bonso bwena mavanga mändi.

### Nkunga 63.

*Nsatu aNzambi ye vuvu mu yandi.*

1. Nkunga waDavidi, bukakala mu nsi aYuda yankatu.

Nzambi, ngeye iNzambi ami, nsuka nale ikufwandanga, mwel ami wena mpwil' angeye mu nsi yena nayokoso, mwena mpwil' anlangu ye waukaukadi.

3. Nkiangunu ikukenganga mu nzo yanlongo, kidi yamona lulendo luaku ye nzitusu aku.

4. Kadi nlemvo aku ulutidi moyo; bikoba biami bina kuzangisa.

5. Nkiangunu ngina sika ngeye nate ye kuna kungina vumuna; mu nkumbu aku ngina zangula moko mami.

6. Mwel' ami uyukutuswanga nkievo mu nzulu ye mazi, ye nwa ami weti kusikanga mu bikoba biayangalala,

7. buikubambukilanga moyo va ntand' ami, ye ibanzanga ngeye ntuba zazonsono zama-fuku.

8. Kadi ngeye insadisi ami, ye va mpevo amaveve maku mono iyangalalanga.

9. Mwel' ami unanamana ngeye ngeye, koko kwaku kwalubakala kukunsimbidilanga.

10. Kansi baba batombanga moyo ami ye bazolelewo bunga, mu dina bana dimina mu mpind' antoto.

11. Bana niokunwa mu sabala ye bakama kwa bulu biakiamama.

12. Kansi mfumu una yangalala mu Nzambi; wonso wonso udia ndefi mu yandi una lenda kukiyana, kadi nwa miabampumpuluvunu mina batwa.

### Nkunga 64.

*Ndombolo alusadusu mu batantu.*

1. Kwa nseki ankunga, nkunga waDavidi.

Wa nding' ami, uNzambi, bungieti kunga. Keba moyo ami, kadi ntantu weti kuntula wonga.

3. Umpengika mu nkanunu zaswekwa zabankwa ayambi, ye mu kabu diyomanga diamimvangi miayayibi,

4. kadi yau beti lengusa tudimi tuau bonso sabala, ye balekanga mambu mandudi bonso bitoto,

5. mu diambu diasika kondolo nkanu mu nsweki; beti kunsika natua, ye kabalendi tina bumako.

6. Yau beti tundisa nkanunu au yambi nakekete ye bawawasananga, bonso bubana tula masiongi; nkiena beti ta ndevo: nani una kutumona?

7. Yau bafundulanga nkanunu zambi: »Bwabu tumeni kubika nkanunu yoyo yitua-kedi kananga; inga mabanza mantim' amuntu mpinda mena».

8. Buna Nzambi weti kubakanda nzongo, toto kiandi kieti kubatelwa nanga.

9. Babwiswanga kwa yau, babateka lengusila tudimi tuau. Wonso ukubamona intumbu nikusina ntu,

10. ye bantu babonsono beti bakwa kwa wonga; ma-

vanga maNzambi meti tewa, ye salu biandi bieti viswa.

11. Wamfonga una yangalala mu Mfumu ye vungamana kwa yandi, ye buna bena bamfonga bana kuki-yana.

## Nkunga 65.

*Kimwama kiawote waNzambi.*

1. Kwa nseki ankunga, nku-nga waDavidi.

Ngeye, Nzambi, usikwanga napi mu Zioni ye ufutwanga nsilulu.

3. Ngeye uwanga lusambu-lu, kwa ngeye kukwizanga nsuni miamionsono.

4. Nkanu miami mikundembikisanga, kansi ngeye ukutuyambudilanga mpondolo zamina miaku.

5. Kiese kiena ye muntu uusananga kiiza kwa ngeye, kidi kakalanga kwandi mu tumbu tuaku. Tuna yukuta kweto mu yambote yena mu nzo aku, mu vuma kianlongo ye nlongo mu nzo aku yanlongo.

6. Ngeye ukutuwanga mu mfonga ye mu mavanga manzenza, ngeye, uNzambi andalulu eto, ingeye kwaku wampungumunu kwa nsuka zazonsono zantoto ye kwa mbu wanseke.

7. Ingeye usiamisanga mi-ongo mu ngolo zaku, kadi ngeye uzingulu tulendo.

8. Ngeye usimanga kumbu kiambu, kumbu kiambula zau ye yoma kwa bantu.

9. Balekanga kwasukila nsi beti yitukwa bimangu biaku; mielo miansuka ye miampimpa ngeye ulungisangamio kiese.

10. Ngeye ukukiyambulanga mu keba ntoto ye ukodikisilangawo mbongo zazingi, ye uvanangawo kimvwama mu tezo kiakinene. Nto aNzambi yena nlangu walunga. Ngeye uyonsikilanga bantu mbongo, buweti kubika ntoto bonso bobo.

11. Ngeye ubukulangawo nlangu mu mazala ye ulenganga vakundalele; ngeye uzezisangawo mu mvula, ye bimenanga mu wau ngeye insakumuni abio.

12. Ngeye umanisinanga mvu mu yambote yaku, ye tambi biaku biswenanga mazi.

13. Kulu biandila biena mu nsi yankatu biswenanga, ye masenda makukizinganga kiese.

14. Mayinza mazedzi kwa mameme, ye mindimba miafukama kwa mbongo; tubokolo tuakiese tuzanguswanga ye kweti yimbulwa.

## Nkunga 66.

*Nkunga wansikulu.*

1. Kwa nseki ankunga, nkunga mosi.

Luzinsi zazonsono, luzangisa tuyangululu kwa Nzambi; luyimbidila nzitusu ankumbu andi, lumvana nzitusu ye nsikulu.

3. Luvova kwa Nzambi: Mavanga maku mwanki manzenza beni mena! Mintantu miaku mikatwa kukiyina kwa ngeye mu diambu diatulendo tuaku tuatuingi.

4. Zinsi zazonsono zina sambila ngeye ye kusika, nkumbu aku sizayo sika.

5. Luiza luamoneti mavanga maNzambi; kinzenza kena mu bikavangilanga bana babantu.

6. Yandi wakitula mbu nayokoso; yau basabukila nzadi mu malu; buna tuayangalala mu yandi.

7. Yandi uyalanga mu ngolo zandi kwele mvu kuvutukidi mvu, meso mandi makenganga bakondolo luzailu luaNzambi, minkolami bika balembwa kukiyana.

8. Beno bantu, luzitisa Nzambi eto, ye bika nsikulu andi yawakana kumu beni,

9. kadi yandi wavukisa miela mieto ye kaya-

mbula malu meto madanza-kanako.

10. UNzambi, ngeye watu-tonta kwandi, ngeye wative-disa, bonso buvedusulwanga palata.

11. Ngeye watutudisa mu kebolo ye watuika nima zeto zitu biademo,

12. ngeye wayambula bantu batucabata mu ntu, tuakatulu kwenda mu tia ye mu nlan-gu, kansi watuvaikisi ye watu vongese.

13. Nkiangunu nzolele kota mu nzo aku ye nkailu miangioka, nzolele kufuta nsi-lulu zozo

14. zavaika mu bikoba bi-ami, zavova nwa ami mu mpazi zami.

15. Nkailu miangioka imame-meme mavuluka nzolele kutuadila ye nsunga zamameme mambakala; nzolele kaila ngombe zambakala ye nkombo zambakala.

16. Luiza luawa beno babonsono, luvuminanga Nzambi, kidi yalukamba yikave-ngi mu mwel' ami.

17. Kwa yandi yabokila mu nwa ami, ye nkunga wansikulu watekila mu ludimi luami.

18. Vo mono yakeni lekwa kiambi mu ntim' ami, ngala Mfumu nga kangwilako.

19. Kansi Nzambi vele wangwila ye watala lubokolo luami.

20. Bika Nzambi kazituswa, bukalembwa niokunanga lusambulu luami, ye kunkatudila nlemvo andiko.

## Nkunga 67.

### *Lusakumunu luaNzambi.*

1. Kwa nseki ankunga, nkunga mosi.

Bika Nzambi katulemvukila ye katusakumuna, bika katukienzudila zizi kiandi ye katu-tuadisa,

3. kidi nzil' aku yina zaywa va ntoto, ye ndalulu aku va kati ye balembolo kuzaya.

4. Kwa ngeye, Nzambi, bika bantu batonda, bika bantu babonsono batonda kwa ngeye.

5. Makanda mabantu bika bayangalala ye bakala kiesa, kadi ngeye ukongudilanga bantu nadede ye utuadisanga makanda mabantu va ntoto.

6. Kwa ngeye Nzambi bika bantu batonda, bika bantu babonsono batonda kwa ngeye.

7. Ntoto umeni vana mbingo zandi, Nzambi, uNzambi eto, bika watusakumuna.

8. Bika Nzambi katusakumuna, ye bika nsuka zazonsono zantoto zavumina yandi.



**Nkunga 68.**

*Mvita zaNzambi mu bantu bandi  
zamuanga.*

1. Kwa nseki ankunga, nku-  
nga waDavidi.

Bika Nzambi katelama, bika  
mintantu miandi miamwanga-  
na ye bakumbelanga, bika  
batina mu zizi kiandi.

3. Bonso bukatulwanga mwi-  
si, ibobo bika wabakatudila;  
bonso buniengusunwanga ma-  
ka ku tia, ibobo bika bantu  
bambi basukusulwabo va luse  
luaNzambi.

4. Kansi bamfonga bika ba-  
yangalala ye bakala kiese va  
luse luaNzambi, bika basaka-  
lala mu kiese.

5. Luyimbidila nzitusu a-  
Nzambi, lusika nkumbu andi.  
Lunkubikila nzila, buketi kwe  
vioki mu nsi zankatu; Mfumu  
nkumbu andi, luyangalaleno  
va luse luandi,

6. yandi ise diabakondolo  
mase ye ntabidi amafwola,  
yandi iNzambi mu nzo andi  
yanlongo,

7. yandi iNzambi yibakisa-  
nga bansonu nzo ye yivaikisa-  
nga bakangama mu ntomwa ni-  
tu, kansi yiyambulanga minko-  
lami mu nsi yayika nayokoso.

8. Nzambi buwatekila ku-  
ntu abantu baku ye wayiza  
viokingi mu nsi zamakanga  
ye makanga,

9. buna ntoto wazakama ye  
zulu diapasumuna mvula za-  
zinene va zizi kiaNzambi, inga  
Sinai diazakama va zizi kia-  
Nzambi, iNzambi aIsaleli.

10. Ngeye Nzambi wano-  
kisa mvula yanlemvo beni;  
fwa diaku diakala lemina, nge-  
ye wavongisadio.

11. Kabu diaku diayambu-  
lwa diakala mu nsi; mu wote  
waku, uNzambi, wakubikilabo  
mu bakwamuswa.

12. Mfumu weti wakasa  
mpovolo andi, kabu diabake-  
nto beti nata nsamu wakiese  
diadingi diena.

13. »Mfumu zabuka biabi-  
nwani, taba beti taba, ye ba-  
kento beti kabana biatanwa  
mu nzo».

14. Buluakala vwandanga  
yeku yeku lumbu, buna bwa-  
kala nkievo maveve mabembe  
diafukama kwa palata, dilezi-  
manga nsala bonso wola.

15. Nkwa atulendo tuato-  
nsono bukatengula mfumu za-  
nsi, buna bwakala keti buno-  
kinanga mvula zampembe mu  
Salmoni.

16. Mongo waBasani imo-  
ngo waNzambi, mongo wa-  
Basani imongo wamayongi ma-  
malakasanga.

17. Beno bamiongo mianda,  
mu nkiana lueti tadila mongo

wasana Nzambi mu kiandu kiandi kiamvwanda mu nsukulu antima? Vovo ikana vwandanga yandi Mfumu kwele mvu kuvutukidi mvu.

18. Makalu maNzambi kumi diamazunda, mazunda ye mazunda, Mfumu wayizila yemo. Sinai diakota mu nzo yanlongo ye nlongo.

19. Ngeye wabaluka va kanyengele ye wavanga zinkole zakala zinkole diaka ye watabula nkailu kwa bantu, inga, kwa minkolami mpe; kadi Mfumu Nzambi ivovo kazola vakala nzo andi.

20. Bika Nzambi katondwa! Lumbu kalumbu natanga kwandi zitu bieto; Nzambi indalulu eto.

21. Nzambi iNzambi kwandi kwa yeto yilalulanga, ye mu Mfumu, Mfumu mwena kwandi mvukulu mu lufwa.

22. Inga, Nzambi ubulanga mintu miamintantu miandi ye mbat' antu andiena yena nsuki utatamananga mu mfuk' andi yamasumu.

23. Mfumu vovele: ku Basani ngina kubalandisa, ku nsin' ambu ngina kubalandisa,

24. kidi vo una kubafotikisa ye lombakulu kwaku mu menga ye bakisa tudimi tuambwa zaku ndambu abatantu.

25. UNzambi, nlong' aku wankembo umonikanga mu nzo yanlongo, inlongo ankembo waNzambi, Mfumu ami.

26. Minyimbidi miankunga mitekele ye minsiki miansambi mieti kwiza landi, va kati izindumba zibabilanga simbala.

27. Lusika Nzambi mu dibundu, beno banto aIsaleli, lusika Mfumu.

28. Eku kuviokele Beniami, nleke, weti kubanata; nkuluntu miaYuda ye diau kabu, nkuluntu miaSebuloni ye nkuluntu miaNaftali.

29. Nzambi aku wakuyambudidi ngolo; nkianguu Nzambi, bika mpe watundisa yiwatuvangidi.

30. Bika zimfumu zakutadila minkailu mu nzo aku yanlongo ku Yelusalemi.

31. Bulu kiamatutu manzadi sembakio, kamba diangombe zambakala ye bana bau ibantu; bika bazitisa ngeye mu luyinunu mu vanza biau biapalata. Kadi ngeye mwanki ubunganga bantu bena nsatu anwana.

32. Madingizi bana tuka mu Ngipiti, Etiopia dina lam-bula moko mandi mu nswalu kwa Nzambi.

33. Luzinsi zantoto, luyimbidila nzitusu aNzambi, lusika Mfumu,

34. ivandi ukwiza luakanga mu zulu diamazulu mena tasi. Tala, yandi wakasanga nding' andi indinga yangolo.

35. Luyambudila Nzambi ngolo; nzitusu andi wena va ntandu aIsaleli ye lulendo luandi mu matuti.

36. Nsisi beni wena ngeye, Nzambi, mu nzo aku yalnongo; Nzambi aIsaleli uvananga lulendo ye ngolo kwa bantu bandi. Bika Nzambi kazituswa.

### Nkunga 69.

*Wamfonga ulungwanga kwama.*

1. Kwa nseki ankunga, nku-nga waDavidi.

Undalula, Nzambi, kadi nlangu weti kwiza yizi nate ye mu mwel' ami.

3. Nsidi mana diminina mu nteke yavwama, mulembolo kala va kindidi; nsidi vinda mu nlangu miampinda, ye ngambula zizolele kundimisina.

4. Bumbeni boka ikandakana, kungsi ami laka kweti yaya; meso mami nkutu meti kwenda lenga ye tadidilanga Nzambi ami.

5. Bakumbelanga mu nana baviokele nsuki zantu ami mu ntalu, bana bazolanga kumfukisa babingi bena, beti kunkadila kitantu kikondolo bila.

Yiyalembwa tana yakatuluyo futa.

6. Nzambi, ngeye zaidi buzengi bwami, ye mfuka zami kazaswekwa kwa ngeveko.

7. Kuyambulani bavingilanga ngeye Mfumu, Mfumu Zebaoti, bavwiswa nsoni mu diambu diamiko ye batombanga ngeye, Nzambi aIsaleli, kuyambulani basiwa naye-mbele mu diambu diamiko.

8. Kadi mu diambi diaku ikwe natingi mvwezolo, ye mu diambu diaku zizi kiami ki-yindamene kwa nsoni.

9. Yayikidi kinzenza mu zimpangi zami, ye kinzenza ngiena mpe mu bana batua-butwa ngudi mosi.

10. Kadi vema kwanzo aku kwambana, ye mvwezolo zabau bavwezanga ngeye zamaana kuntulukila.

11. Yadila ye yamina nsoki mu mwel' ami, kansi ivwezu-lwangabo.

12. Yavwata mvwatu wakiadi, kansi yasiwa kinteswanga.

13. Bubeti vwanda mu mi-elo mu mono kaka beti tela mfundu; mu tukutukunu tuau tuandwinu amalavu mwendo kunsokingi mu nkunga.

14. Kansi kwa ngeye, Mfumu, iluaka ye nsambulu ami mu ntangu yabiza mu dia-

mbu dianlemvo aku waunene. UNzambi, untambudila mu nkwikulu aku yandaludila.

15. Undalula mu nteke ngidi vinda, yambula yatabulwa kwami mu bakumbelanga ye mu minlangu miawwama.

16. Kuyambulani ngambula zampindisako evo nsina yambinako, ye kuyambulani bulu diambatikila nwa andiko.

17. Mfumu untambudila, kadi nlemvo aku wabiza wena; unsietukila mu kiwuntu kiaku kiakinene.

18. Kuswekani sielo kiaku zizi kiakuko, kadi mu mpasi ngiena; sa nswalu mu kunta mbudila.

19. Wiza kwa mwel' ami wavulusawo; untabila mu diambu diamintantu miami.

20. Ngeye zaidi mvwezolo ami ye nsoni ye yembembe diami; ngeye mweni mintantu miami miamionsono.

21. Mvwezolo yameni vonda ntim' ami ye yayikidi kindakana; yavingila lufwilulu luakiadi kansi kwankatu, ye mimbombi kansi kiamona mioko.

22. Yau bampana ndumbu andudi, kidi yadia, ye mu mpwilu ami yanlangu bampana vinia kiandeki, kidi yanwa.

23. Bika meza mau mabakadila nkievo siongi ye ntambu mu bena nakekete,

24. ye meso mau bika makala mbunbuluka, kabidi mona; kanzikisa tuketo tuau ntangu zazonsono.

25. Ubabukudila mfwemono aku, ye bika mbangazi anganzi zaku yababwila.

26. Bika tumbu tuau tuakala tuampavala, ye kamukalani una vwanda mu zinzo zauko.

27. Kadi yau beti zoma bawabanda ye beti mokina ndungulu akwama kwa bau bawalueka.

28. Bika bazambuzuka mu minkanu ye minkanu, ye kuyambulani bakota mu mfonga zakuko.

29. Bavinsukuswa kwau mu nkand' abavumuna, ye kabasonwa 'ndi ye bamfongako.

30. Kansi mu kwamuswa ye mpasi ngiena; uNzambi, bika wandalula ye wantabila,

31. ye mono sia sika nkuumbu aNzambi mu ngimbudulu ankunga ye zangisa yandi mu mvutudulu amatondo.

32. Bobo sibwa luta zolwa kwa Mfumu, kansi mu ngombe yambakala ibulu kiamponda kiena ye mpoka zandi ye biodia biandi, kabwako.

33. Bankwa abumpombo, bubanabo mona, siba yangalala; beno lufwandanga Nzambi, mintima mieno simia vuka.

34. Kadi Mfumu uwanga bena kimputu ye katungudilanga babandi bakangamako.

35. Bika zulu ye ntoto biansika ye mbu ye bionso bizi-etanga mu wau.

36. Kadi Nzambi una lalula Sioni; yandi una tungulula mavata maYuda; momo muna zakulwa kwa bantu bana vwa nsi.

37. Ye nkun' abisielo biandi unayo sisulwa fwa, ye batondanga nkumbu andi banamo kala mu zinzo zau.

### Nkunga 70.

*Nsambulu alusadusu luanswalu.*

1. Kwa nseki ankunga; nkunga wa Davidi wambambukulu amoyo.

Nzambi untanina; Mfumu, sa nswalu mu kunsadisa.

3. Batombanga moyo ami, bika basiwa nsoni ye bakala nayembembe; bika bakunzodilanga mbivusu, bavutuka ku manima ye bakala nsoni.

4. Bavovanga ndevo: bufwanane kwandi, bufwanane kwandi; bika bavutuka ku manima mu nsoni zau.

5. Kansi babonsono bafwandanga ngeye, bayangalala kwau ye bakala kiese mu ngeye, ye bena nsatu andalulu aku, bika bavova ntangu zazonsono vo: Nzambi kazituswa!

6. Mono mu kwamuswa ye bumputu ngiena; Nzambi, sa nswalu kwa mono. Nsadisi ami ye mvulusi ami, ingeye kwaku. Mfumu, kusani fukiko.

### Nkunga 71.

*Lusambulu ye vuvu mu Nzambi.*

Kwa ngeye, Mfumu, ikwiza vungamananga; kuyambulatingani yasiwa nsoniko.

2. Untanina ye vulusa mu mfonga zaku; untambila kutu kwaku wandalula.

3. Unkadila nkievo mongo uikwe zakalanga ye ikwenda-ngawo ntangu zazonsono. Ngeye vele wangiambudila ndalulu, kadi umongo wami wakinda ye nzo ami yakola.

4. Nzambi ami, untabila mu nkesi zankwa wambi ye mu moko mamuntu wanibi ye inyamisi.

5. Kadi ngeye ivuvu kiami, Mfumu, Mfumu, ngeye iminu kiami kasi nkadila wantuenia.

6. Ngeye ukalanga nkindulu ami kasi nkadila mu moyo

wambut' ami, inga, ngeye wamvukisa mu moyo wambut' ami; kwa ngeye kukwenda-nga masika mami ntangu zazonsono.

7. Mono yayikidi kwa balingi nkievo ma kianzenza; kadi ngeye intinunu ami yasiamama.

8. Nw' ami bika wazala kwa masika maku ye kwa nzitusu aku mwini wamvimba.

9. Mu ntangu zandununu ami kundianganiko, ye ngolozami buzina mana suka, buna kundiokunani mpeko.

10. Kadi mintantu miami mikumbangisanga ye bakenganga mwel' ami, bawawasana-nga ye bavovanga ndevo:

11. »Nzambi wameni kunianga; lunuzoma ye baka, kadi nlaludi mpia.»

12. Nzambi kuntatukilani-ko; Nzambi ami, sa nswalu mu kunsadisa.

13. Bakakilanga mwel' ami, bika basiwa nsoni ye bungana; bakunzodilanga mbivusu bika bafukama kwa mvwezolo ye nsoni.

14. Kansi mono ngina sa vuvu ntangu zazonsono, ye ngina luta kusika.

15. Nw' ami una ta mfonga zaku ye ndalulu aku mwini wamvimba, kadi kiza-iyio tezoko.

16. Ngina samuna mavanga maMfumu, mavanga matule-ndo tuaMfumu. Ngina sika mfonga zaku, inga, zazaku kaka.

17. Nzambi, ngeye wakala kundonganga kasi nkadila wamtuenia; nate ye bwabu ngieti kamba binangu biaku.

18. Nkiangunu Nzambi, kunsisani mu ndununu amiko, bungina kala mvu nate ye ngina mana kukisamunina koko kwaku mu mbandu yankaka, ye lulendo luaku kwa babonsono bana landila.

19. Kadi mfonga zaku zazingama zena, uNzambi, ingeye wavanga mavanga mamaunene, uNzambi, nani fwana-ye yaku?

20. Ngeye watumwesa mpasi zazingi ye ncita, kansi una kutuvanga tuavumuna diaka ye kututombula mu mpind' antoto.

21. Ungiambula yaneniva ye neniva, ye bika wambo-мба diaka.

22. Ye mono sia tonda mu ngimbudulu ankunga mu diambu diankwikulu aku, uNzambi ami. Ngina kuzitisa mu nsambi, ngeye unkwa wanlongo waIsaleli.

23. Bikoba biami bina sakalala, kadi ngina kusika, inga,

ibobo buna sa mwel' ami uwa-vulusa.

24. Ludimi luami luna vo-vila mu mfonga zaku mwini wamvimba, kadi batomba mbi-vusu ami bameni siwa nsoni ye bayikidi nayembembe.

## Nkunga 72.

*Lusambulu lualusakumumu va mfumu abantu baNzambi.*

1. Nkunga waSalomoni.

Nzambi, bika wavana nko-ngodolo zaku kwa mfumu ye mfonga zaku kwa mwana wamfumu.

2. Bika kakongudila bantu baku mu mfonga ye babaku bakwamuswa, bonso buso-ngele.

3. Miongo bika mianatina bantu yenge, ye masenda mpe mu mfonga.

4. Bika kanungisa bakwamuswanga mu bantu ye kala-lula bana babena bumputu ye kabula uyamisanga.

5. Bika ngeye wavumunwa nate ye ntangu buyakidi kadi, ye ngonda buyakidi cemani mu mbandu kambandu.

6. Bika kakala bonso mvula zibwanga mu yinza, ye bonso mbukulu amvula yibodisanga ntoto.

7. Mu lumbu biandi bika muntu wamfonga kafula, ye

yenge kiakinene kiakala nate ye kuna, kuna lembwa vutuka kala ngonda.

8. Bika kayala mbu mu mbu ye va mwila nate ye kwa-sukila nsi.

9. Bantu bena mu nsi yan-  
katu, bika bayinama kwa  
yandi, ye mintantu miandi  
bika miavenda fundu fundu  
diantoto.

10. Zimfumu zaTalasi ye  
zinsi zamimbu bika zanata  
minkailu, zimfumu zaSaba ye  
zaSeba bika batuala minkailu.

11. Inga, bika zimfumu za-  
zonsono zamfukamana, ye bu-  
na bena bakondolo luzailu lua-  
Nzambi bika basadila yandi.

12. Kadi yandi una lalula  
wena bumputu, ukumbokila-  
nga, ye wena mu kwamuswa  
ukondolo nsadisi.

13. Yandi una kuta waki-  
adi ye wena bumputu. Ya-  
ndi una vukisa miela mia-  
bena bumputu.

14. Yandi una kula miela  
miau mu kwama ye nkesi, ye  
menga mau yandi unamo ba-  
nzila vo mantalu mu meso  
mandi.

15. Bika kazinga; bika ka-  
vewa wola waSaba, bika ka-  
dilwa mvutu ye kasakumu-  
nwa ntangu zazonsono.

16. Bika mbongo zantoto  
zameni kwakwingi nate ye

va mbat' amiongo; ye buta kwantoto bika kwavekita bonso infinda va Libanoni, ye bantu banieka mu mavata bonso bifulu biansi.

17. Bika nkumbu andi yasikila kwele mvu kuvutukidi mvu, nkumbu andi bika yanzukuswa nate ye ntangu buyakidi cemana; mu yandi bika mwakisakumunina bantu, buna bena bakondolo luzailu luaNzambi, bika bambanzila vo inkwa wakiese.

18. Bika Mfumu Nzambi kazituswa, iNzambi alsaleli, kadi yandi kaka imvangi abimangu.

19 Bika nkumbu andi yandanu yazituswa kwele mvu kuvutukiki mvu, ye bika ntoto wamvimba wazala kwa nzi-tusu andi! Amen, Amen.

20. Nsukulu atusambulu tuaDavidi, imwan' alsai.

## NKANDA WANTATU.

### Nkunga 73.

*Mbombolo amuntu wamfonga buketi mona kiese kiabankwa miayayibi.*

1. Nkunga waAsafi.

Kedika Nzambi wambote wena kwa Isaleli ye kwa yau, bena ntima miavedila.

2. Fiuma fiasala nga ya-zeza mu malu mami, tambi biami biakala lukufi ye sie-lumuka,

3. kadi beni yakwikwa mu kubata nsoki, bau bena mu minza, buyamona vo balanda ntomo mu yambi yau.

4. Kadi bakondwanga mu mpasi nate ye bubafwa, ye manitu mamingi bena.

5. Kababwilwanga kwa nci-ta bonso mimfwe miankakako, ye kabakwamuswanga bonso bantu bankakako.

6. Nkiangunu minza intoko zamalaka mau, ye nkesi imvwatu ubafukilanga.

7. Meso mau tusuka nkutu mu diambu diamvulukulu au, ye mabanza mau mantima malembana tezwa.

8. Yau bavwezanga ye bavovanga lukwamusu mu kimpfunia kiau. Yabakana beni mu vova bena.

9. Kadi mu minwa miau ibamakinanga ku zulu, ye tudi-mi tuau tukwe ziatingi mu nsi.

10. Nkiangunu bantu bau bakubasietukilanga, ye nlangu ulungidi mu nwa babakangawo.

11. Nkiena batanga ndevo: »Nzambi, bwe kakutubo zaila, kadi buna nzailu yampila yoyo yikutu kala ye Nkwa akayengeli?»



12. Tala, ibobo bwena ye bankwa miayayibi, yau batomuswanga nitu ntangu zazonsono, ye baniekunwanga lulendo.

13. Mu kedika keba kwankatu ngieti keba ntim' ami wavedila ye sukula moko mami mu lembwa kala nkanu,

14. kadi ikwamuswanga mwini wamwimba, ye nsuka kansuka lusembo luaku lua-lueki kwa mono.

15. Kansi vo nkiena yata ndevo: »ebu ngina ta», nga nkutu kala nkwa alumpumpuluvunu kwa mbandu yabana baku.

16. Nkiangunu yakala nsatu ayindula mu diambu diodio beni, kidi yavisadio, kansi yasadio lembana,

17. nate ye yamana kota mu nzo aNzambi yanlongo, ye yayindula bonso bubamwena nsukulu.

18. Mu kedika ngeye ukubatulanga mu vuma kiena ndelo ye ukubanengunanga mu mbungulu.

19. Mu mbwetolo ameso beka nkievo kalekwako. Babungana kwau ye ndadusu zau zawonga bena zena.

20. Bonso bwena ndotolo andozi yisikumunwanga, ibobo,

Nzambi, ngeye una kubamwena nkievo kalekwako, ye buuna sikama, buna yau nkievo bini biandozi.

21. Ntim' ami vo udukana ye luala mu ngudi,

22. buna kiena nduengako ye kivisidi lekwako. Buna bonso bulu kikondolo mwela nkutu kala mu meso maku.

23. Kansi bwabu isikilanga kwa ngeye ntangu zazonsono; ngeye ukunsimbidilanga mu koko kwami kwalubakala.

24. Ngeye una kuntuadisa mu nduengosolo zaku, ye mboki una kuntambula mu nzitusu.

25. Nani ngiena ku zulu vo kangeyeko? Bungfena ngeye, kivitukidi ami zola lekwa va ntotoko.

26. Nitu ye mwel' ami vo biasuka suka, kansi Nzambi itadi diantim' ami ye kunku kiami kikakimani.

27. Kadi tala, bamana vengama mu ngeye bana fuku-swa; ngeye ubunganga wonso wonso uvesukanga mu ngeye mu ndimbulu aminu.

28. Kansi ngiena kiese kiamu kiantatamanana ye Nzambi; ifwandanga kwami mpungumunu kwa Mfumu, Mfumu, ye nzolele samuna mavanga maku mamonsono.

**Nkunga 74.**

*Ngiaudulu ye lusambulu mu dia-  
mbu diansumununu anxo aNza-  
mbi yanlongo.*

## 1. Nkunga waAsafi.

Nzambi, bila nkiamu watu-  
niangini kiamakulu, ye nga-  
nzi zaku bila nkiamu zeti le-  
mina kwa kabu diamameme  
maku.

2. Banza mu bundu diaku  
diwakisodila ye ntama ye di-  
wakula, kidi diakala kanda  
diakwa diaku; banza mu mo-  
ngo waSioni, ukalanga nzo aku.

3. Bangumuna tambi biaku  
mu vuma kiaki kikalanga  
kiambivusu ntangu zazonsono.  
Zimbeni zimbeni bunga yayon-  
sono mu nzo yanlongo.

4. Mintantu miaku miaba-  
ma mu nzo aku yatukutukunu,  
ye miazangisa teki biau bo-  
nso dimbu.

5. Mbweni yoyo yakala  
bonso ndangununu abiubi,  
bina kendulwa mfinda yena  
nkobo.

6. Kadi tala, buna biena  
bilekwa biau biawalwa, yau ba-  
menibio bula mu biubi ye tanzi.

7. Nzo aku yanlongo ba-  
meniyi kwika; batoma su-  
muna nzo ankumbu aku nate  
ye va fulu.

8. Yau bavova mu mintima  
miau vo: »tuzolele, vo buna  
bena tuna kubatekisa kungsi.»

Bameni yoka nzo zazonsono  
zaNzambi zatukutukunu zena  
mu nsi.

9. Dimbu bieto katuvutu-  
kibio monako; widi nkambi  
nkutuko uvutukidi kala, ye  
mu yeto kamwena wamosi  
nkutuko zaidi lumbu bikwako.

10. Nzambi, ntantu lumbu  
bikwa kana tiaka, ye mbeni  
lumbu bikwa kana lembwa  
nkutu mu tungudila nkumbu  
aku?

11. Mu nkiamu weti di-  
ngidika koko kwaku, ikoko  
kwaku kwalubakala? Katu-  
lako va ntulu aku ye uba-  
bunga.

12. Kadi Nzambi vele i-  
Mfumu ami ye ntama, yandi  
utualanga lululu va nsi.

13. Ingeye kwaku wava-  
mbisa mbu mu ngolo zaku;  
ngeye wabula mintu miaba-  
dalaka va ntandu anlangu.

14. Ngeye wabula ntu a-  
Leviatani ye wanyekula ka-  
diwa kwa bibulu mu nsi ya-  
nkatu.

15. Ingeye wasa cilumuna  
nto ye nkelo; ngeye mpe  
wasu yumisa kwandi mila mi-  
angolo.

16. Mwini iwaku, ye fuku  
idiaku; ngeye wavanga kia  
ye ntangu.

17. Ingeye watula nzaku  
zazonsono zantoto; nsungi

antombo ye sivu ingeye wawangazo.

18. Nkiangunu bwabu, banzeti kwaku bonso buvweza-nga bantu Mfumu, ye bonso butungidilanga bantu bama-zeni nkumbu aku.

19. Kuniokunani mwela wakiduka kiaku mu kabu dia-uko; kuvilakanani kabu diababaku bakwamuswa ntangu zazonsonoko.

20. Banza mu luwawanu; kadi biswekolo biansi biayikidi zinzo zamafuluka.

21. Kuyambulani ukwamuwanga kayutukisa manima ye nsoniko. Bika bena kiadi ye kimputu basika nkumbu aku.

22. Nanguka, uNzambi; nungisa bungu diaku; banza kwaku bonso buuvwezulwanga kwa bilauki mwini wamvimba.

23. Kuvilakanani tubokolo tuamintantu miakuko ye boma kwa minkakidi miakuko, kubalukanga ntangu zazonsono.

## Nkunga 75.

*Nkongodolo aNzambi yandaludila ye mbungu anganxi zandi.*

1. Kwa nseki ankunga, nkunga waAsafi.

Tutondele kwa ngeye, uNzambi, tutondele kwa ngeye, kadi nkumbu aku yena ki-

mfini ye yeto; bimangu biaku bisamunwanga.

3. »Ngina tala yonso ntangu yifwanane, ye sia kongudila nadede.

4. Ntoto weka mu tenguka ye babonsono bavwandangawo; kansi imono kwami isimbanga bitungwa biandi nasietete.»

5. Nkiena ngieti ta kwa bamayama ndevo: Kalukalani nzako; ye kwa bankwa miayayibi ndevo: Kalunangunani mpokako.

6. Kalunangunani mpoka ku zulu bonso boboko, ye kaluvovani mayama ye nsingu zambaluko.

7. Kadi kakuselukilanga ntangu ye kakuyidimininangako ye kaku nsi yankatu yamiongoko kuna tuka lusa-dusu lueno.

8. Kansi kedika, Nzambi, iyandi ukongudilanga; umosi kakululanga, umosi kabalulanga.

9. Kadi mbungu yena mu koko kwaMfumu yeti fuba kwa vinia. Yafuluka yena mu ndwinu yangolo. Yandi ubukulangayo; mu kedika buna bena bankwa miayayibi banayo katwa nwa nate ye bo diena va taku.

10. Kansi mono nginabo samuna kwele mvu kuvu-

tukidi mvu, ngina sika Nzambi a Yakobi.

11. Mpoka zabankwa mia-yayibi buna miena nginazo kenda; kansi mpoka zamuntu wamfonga zina balulwa.

### Nkunga 76.

*Ndungunu aNzambi aIsaleli mu mintantu miandi.*

1. Kwa nseki ankunga, nkunga wa Asafi.

Nzambi yazaiwa yena mu Yuda, ye nkumbu andi yena yavinene mu Isaleli.

3. Mu Salemi mwatungwa nzo andi yanlongo, ye vula diandi mu Sioni.

4. Muna katolula mpezo-mo zaponza; nkaku ye di-nga ye bionso binatwanga mu mvita.

5. Ngeye wafuluka kwa kia ye viokele miongo miamintani mu nzitusu.

6. Batutanga mbaya bameni zionwa biluazu, babadikidi leka ye bavitidi tulu; binwani biabionsono bikatulu zembidika moko.

7. Ye muntu ye kavalu balalukidi vumunu mu diambu diansembolo aku, uNzambi a Yakobi.

8. Kadi ngeye wena nsisi; nani lenda sikila va zizi kiaku, buwena nganzi?

9. Ngeye ku zulu wawisila nkongodolo; buna ntoto wabakama kwa wonga ye wadingalala,

10. Nzambi bukatelama mu kongudila ye mu lalula buna bena bankwa bumpombo va nsi.

11. Kadi nganzi zabantu zitundisanga nzitusu aku; ngeye nganzi zaku zasala, zankaka ziulenda kukizinga.

12. Luvanga nsilulu ye lututazo kwa Mfumu, iNzambi eno; buna bena bakunzungidilanga bika batuala minkailu kwa Nkwa avumi.

13. Kadi yandi ukululanga minza miazimfumu; vumi kena kwa zimfumu zantoto.

### Nkunga 77.

*Mbombolo mu ntangu zanzungu mu banza mu bimangu biaNzambi biakala ye ntama.*

1. Kwa nseki ankunga, wa-Asafi.

Nding' ami yeti sasuka kwa Nzambi, ye nzolele boka; nding' ami yeti sasuka kwa Nzambi, ye yandi sika kungwa.

3. Mu ntangu zanzungu zami ifwandanga Mfumu; koko kwami kwalambuka mu fuku, ye kwakakusimi; mwel' ami ulembunwanga bombwa.

4. Nzolele banza mu Nzambi ye kunga; nzolele tengula kiadi kiami, kadi mwel' ami weti suka suka.

5. Ngeye weti kunkayisa meso; nzedi kwa wonga ye kilendi vovako.

6. Bwakadila lumbu biakala ye ntama, itukabo banzanga ye mimvu miamana vioka ntama.

7. Mu fuku ikalanga nsatu abambukila nsambi ami moyo; mu ntim' ami nzolele tengula kiadi kiami, ye mpeve ami yina yindula.

8. Mfumu buna sika nianga kiamakulue, ye kana vutuka songa nlemvokoe?

9. Wote wandi usukidi nampie, ye mambu mandi mayikidi nkievo kakium' andikoe mu ntangu zazonsono?

10. Nzambi vilakene nlemvo tule, evo zibikidi kiwuntu kiandi mu nganzie?

11. Kansi keti ivovanga vo: intangu ami yampasi yayi, imimvu miafidisa koko kwalubakala kwa Nkwa akayegele.

12. Nzolele sika mavanga maMfumu, inga, nzolele yindula mu bimangu biaku biakala ye ntama.

13. Nzolele yindula mavanga maku mamonsono ye banza mu salu biaku biabionsono.

14. Nzambi, nzil' aku yena mu mfonga; nki anzambi inenevene bonso Nzambi?

15. Ngeye iNzambi yivanganga bimangu; ngeye wasonga ngolo zaku va kati diabantu.

16. Mu koko kwatulendo ngeye wavulusila bantu baku, ibana baYakobi ye Yosefi.

17. UNzambi, minlangu mona miamona ngeye, ye miabakama kwa wonga, nkati ansina zazeza.

18. Matuti mapasumuna nkuk' aminlangu, ye mazulu mawisa mbembo zau, ye toto biaku biakwe vionguzuki.

19. Ndumu aku wawakana mu mpeke mpeke, mpezomo zakiesa sadila kwantoto, ye ntoto wazakama ye wakala wonga.

20. Nzil' aku yayenda mu mbu ye mpambu aku mu minlangu miaminene, ye tambi biaku biakabimoni muntu.

21. Ibobo watualanga bantu baku bonso kabu mu moko maMose ye Aloni.

## Nkunga 78.

*Ndongolo yabakwa mu nsamu mu baIsaleli.*

1. Nkunga waAsafi.

Lubantu bami, ludimba ndongolo ami; luteka matu

meno mu mambu manw' ani.

2. Nzolele bandula nw' ani mu mpovolo yandongolo; nzolele zaikisa lekwa biaswekwa biakala ye ntama.

3. Yituawa ye yituazaia ye yituakambwa kwa mase meto,

4. katuzoleleyo sweka kwa bana bauko; tuzolele kweto samuna masika maMfumu kwa mbandu yina kwiza, ye ngolo zandi ye bimangu bikavanga.

5. Kadi yandi watula kimbangi mu Yakobi ye wavanga mwina mu Isaleli; yandi watuma mase meto, vo banawo kamba kwa bana bau.

6. Kidi vo bonso bobo buna zaikusulwa mbanduyina kwiza, ye bana bana zimunina butwa, mboki yau, kidi vo batelama ye basamunawo kwa bana bau.

7. Buna bafwiti sa vuvu kiau mu Nzambi ye lembwa vilakana mavanga maNzambi, kansi sungamana mina miandi.

8. Ye buna kabwakutwa kala bonso bwakala mase mauko, imbandu yakolama ye ntingu, imbandu yalembwa simba mintima miau nakekete, ye yalembwa kala mpeve yakwikama kwa Nzambi.

9. Bana baEfalimi bakala biluazu ye bauata ponza, kansi basa vutukisa manima mu lumbu kiamvita.

10. Kabakeba luwawanu luaNzambiko, ye kabazola diata mu mina miandiko.

11. Bavalakana mavanga mandi ye bimangu bikabamwesa.

12. Inga, bukavanga bimanngu mu Ngipiti ye mu Soani, buna mase mau meti tala bubu.

13. Yandi wavambisa mbu ye wabayambula basabukawo ye watedimisa nlangu bonso baka.

14. Mu mwini kabadiatisa mu dituti ye mu fuku mu wanguka kwatia.

15. Yandi wabasa matadi mu nsi yankatu, ye wabavana ulungidi mu nwa bonso mu mbu miampinda.

16. Yandi wayizisa nkelo miacilumuka mu tadi, ye wapasumuna nlangu nkievo inila.

17. Kansi yau bavutukila masumu mau vola kwa yandi ye kolama kwa Nkwa akayengele mu nsi yankatu.

18. Basinsa Nzambi mu mintima miau ye balomba dia mu kindiafu kiau.

19. Bau babangisa Nzambi ye bavova vo: »Kadi Nzambi buna sika lenda poya meza mu nsi yankatue?

20. Tala, yandi wabanda kwandi tadi, ye nlangu wapasumuka, ye mila miabuka,

kadi sika lenda kwandi mpe vana mampa ye bakila bantu bandi mbizie?»

21. Nkiangunu Mfumu, bukawabo, wakala nganzi; Yakobi wakwikwa tia, ye Isaleli wabwilwa nganzi.

22. Kadi kabalekila Nzambi minuko, ye kabasa vuvu mu ndalulu andiko.

23. Yandi watuma matuti ku zulu, ye wazibula mavitu madizulu.

24. Mana kabanokisina ikiandia, ye ntombo zaku zulu wabavanazo.

25. Imampa kwandi mazi-mpofi madia bantu; yandi wabayambudila dia kwalunga.

26. Yandi watedinisa ku zulu mpevolo yatuka ku selukilanga ntangu, ye mu lulendo luandi katuadisa mpevolo yabanda.

27. Yandi wabanokisina mbizi bonso mfusi mfusi, inuni zena maveve mau nkievo nie-nge wambu;

28. va kati va bena kaso-tunazo va mbazi azinzo zau.

29. Buna badia ye bayukuta mu kindiafu; yandi wabayambudila bina bibazinina moyo mu kindiafu.

30. Kansi kabakimanina nkutuko mu vongisa nzinunu zau, ye dia bukwakidi mu minwa miau,

31. buna nganzi zaNzambi intumbu kubabwila, ye yandi wafidisa lufwa kwa madingizi mau ye wabwisa matoko ma-Isaleli.

32. Kansi bakudikila maaumu mau vola, ye kabalekila bimangu biandi minuko.

33. Nkiangunu yandi wabazimbisa bilumbu biau mu mfulu ye mimvu miao imbulu nabiu.

34. Kansi vana vakababumisa lufwa, buna bau intumbu kunyuvula ye sietuka ye fwanda Nzambi mu vema beni.

35. Buna intumbu banza, vo Nzambi itadi diau, ye vo Nzambi, Nkwa akayengele, imvulusi au.

36. Kansi yau banlengumuna mu minwa miao ye bavuna kwa yandi mu tudimi tau.

37. Mintima miao kamia-kala nakekete kwa yandiko, ye kabakwikama muluwawanu luandiko.

38. Kansi yandi wena nlemvo, yandi uyambudilanga minkanu, ye kazolele bunga nkutuko. Idiau kabavengumunipa nganzi zandi ntangu zazingi, ye kayambula mfwe-mono andi yayonsono yavai-kako.

39. Kadi mu diadi kabanza, vo yau iminsuni, impevolo

kaka, yikwe yendingi ye yika-yivutuki manima.

40. Kadi kantangu zazingi-koe bankolamana mu nsi yankatu, ye bansa kiadi mu nsi amakanga ye makanga?

41. Bau bavutuka sindisila Nzambi diaka ye fwemisa Nkwa wanlongo mu Isaleli.

42. Bau bakababanzieti yavanga koko kwandi mu yina ntangu, yikabavulusila mu ntantu,

43. bukavanga bimangu biandi mu Ngipiti ye mavanga mandi manzenza mu nsi aSoni;

44. bukakitula mila miau menga, ye yau balembana nwa nlangu miau miacilumuka;

45. bukafidisa sama biamavekwa mampopo mu monakanda diau, mabadia, ye biula biababunga;

46. bukavana mbongo zau zankunzu kwa bimpiatu ye ndandu abisalu biau kwa makonko;

47. bukabwisa minti miau miavinia mu mvula zabaduswa, ye minti miau miakuyu mu matadi mamvula zabaduswa,

48. ye wayekula ngombe zau kwa mvula zabaduswa ye bibulu biau kwa mpezomo;

49. bukabafidisa mbangazi anganzi zandi, mfwemono ye

kitantu, ye nzungu, ibuka kiazimpofi zakiadi,

50. bukalembwa kakila nganzi zandi nkutu, ye kakuta miela miau mu lufwako, kansi waniokuna mioyo miau mu vunga,

51. ye wavonda kionso kiateka semukunwa mu Ngipiti, mintekidi miazingolo mu nzo zaHami.

52. Yandi wayambula bantu bandi bananguka bonso kabu diamameme, ye wabatuadisa bonso kabu diabibulu mu nsi yankatu.

53. Yandi wabatuadila mu kintona, kabidi kala wonga nkutu; kansi mintantu miau mifukama mu mbu.

54. Yandi wabaluakisa ku nsi andi yanlongo, imongo wowo wabaka koko kwandi kwalubakala.

55. Yandi wabatinisina bakondwa luzailu luaNzambi, ye wabavana nsi zau mafwa, ye wavwandisa baIsaleli mu zinzo zau.

56. Kansi Nzambi, inkwa akayengele, bansinsa ye bankolamana ye kabakeba kimbangi kiandiko,

57. kansi bavutukisa manima mu udimbulu aminu bonso mase mau; bavutuka ye bakala bonso ponza kiavunzana.



58. Yau bamfwemisina mu miongo miau miangiokila minkailu, ye bakwikisa vema kwandi mu teki biau.

59. Nzambi bukawabo, wakala nganzi ye wanianga baIsaleli mu mfutusu antima.

60. Nzo andi mu Silo nkutu wasisayo, inzo andi yakoto yikatunga mu monakanda diabantu.

61. Yandi wayekula lulendo luandi mu kebolo ye nzitusu andi mu moko maminiantu.

62. Bantu bandi wabanio-kuna mu bisabala, kadi wafwemina fwa diandi.

63. Matoko mau mavia kutia, ye ndumba zau zafulwa nkunga miandambisa.

64. Nganga zau zabwiswa kwa bisabala, ye kamwakala mafwola malenda wanga diziko.

65. Mfumu buna wasikama nkievo ku tulu, yandi wananguka bonso kinwani kiyanngudukulu kwa vinia.

66. Zimbeni zandi wavutulazo manima, ye wavwisazonsoni zakwele mvu kuvutukidi mvu.

67. Kansi wanianga mpe nzo aYosefi, ye kasola kanda diaEfaliniko,

68. kansi wasola kanda diaYuda, imongo waSioni, ukazola.

69. Yongi beni bonso zulu katunga nzo andi yanlongo ye wasiamisayo nakekete bonso ntoto, ukatudila lufulu ye kwele mvu kuvutukidi mvu.

70. Yandi wasola sielo kiandi Davidi, ye wankatula va mpaka zamameme.

71. Yandi wantumisa wakala mameme, ye wantula mvungi mu Yakobi, ibantu bandi, ye mu Isaleli ifwa diandi.

72. Buna yandi wabavungilanga mu ntima wabunkete, ye wabatuadisila mu koko kwanduka.

### Nkunga 79.

*Ndombolo mu ntangu anzungu zantuadi ye mu ncita yayinene.*

#### 1. Nkunga waAsafi.

Nzambi, balembolo kuzaiabameni kakalala mu fwa diaku; basumuni nzo aku yanlongo, ye basidi Yelusalemi yunzika diamatadi.

2. Zinitu zabisielo biaku bavenizo kwa zinuni zadizulu zadiazo, ye minsuni miababaku bamfonga kwa bibulu biansi.

3. Batengole menga mau bonso nlangu mu nseko aYelusami, ye kamwakedi una kubazikako.

4. Tuayika mvwezolo kwa nzika mioto, ntiakulu ye nke-nonokono kwa bavwandanga yeto yeku yeku.

5. Ngeye, Mfumu, lumbu bika kwa una tatamana mu nganzi, ye vema kwaku lumbu bikwa kuna lemina keti tia?

6. Tula nganzi zaku va balembolo kuzaiya ye va zinsi zozo, zilembolo bokila nku-mbu aku.

7. Kadi yau badidi Yakobi, ye nzo andi bavwidiyo bunga.

8. Kututangilani minkanu miabakuluko, bika nlemvo aku tuabwabwana yewo nswalu, kadi mu mpasi zazingi tuena.

9. Ngeye, Nzambi alulalulu lueto, utusadisa mu diambu dianzitusu ankumbu aku; ututabila, ye watuyambudila masumu meto mu diambu diankumbu aku.

10. Balembolo zaia ngeye mu nkiaama siba tela vo: »Nzambi au ikwe yena bwabu?» Nkiangunu zaikisabo ku tadisi meso meto mu monakanda diabalembolo kuzaiya, bonso buuvutudilanga ndinda mu menga mabisielo biaku matengulwa.

11. Yambula ngiaudulu zazingi zinkole zaluaka va luse luaku, ye yambula bana balufwa bavuka, bonso bwena lulendo luakoko kwaku.

12. Ngeye, Mfumu, bika wavutudila bazika beto mvutudila nsambodia mu mabunda mau mvwezolo yoyo, yibaku-vwezila.

13. Kansi beto butuena bantubaku ye tumameme mu kabu diaku, beto tuzolele tonda kwa ngeye kwele mvu kuvutukidi mvu, tuzolele samuna masika maku mu mbandu kambandu.

### Nkunga 80.

*Ndombolo alulalulu luaIsaleli, inti wavinia waMfumu, Nzambi Sebaoti.*

1. Kwa nseki ankunga; kimbangi kiaAsafi, nkunga.

Umvungi aIsaleli, dimba kwaku, ngeye utuadisanga Yosefi nkievo kabu, ngeye uvwandanga va Celubimi, vaikila kwaku mu tentina.

3. Katumuna lulendo luaku ku tadisi Beniami ye Manase, ye wiza watusadisa.

4. Nzambi bika watutedimisa ye kiesa zizi kiaku, buna tusadusu kweto.

5. Mfumu Nzambi Sebaoti, lumbu bikwa una fwemina lusambulu luabantu baku?

6. Ngeye wabadisa mampa mamansanga, ye wabasa banywa mansanga tezo kiazala.

7. Ngeye ukutuvanganga tuakala diambu dianzonzila kwa

bazika beto, ye mintantu mieto mikututiakanga.

8. Nzambi Sebaoti, bika watutedimisa ye kiesa zizi kiaku, buna tusadusu kweto.

9. Nti wavinia wakala mu Ngipiti, ngeye wanatukisawo, ye wazoma balembolo kuzaia, ye mboki wakunawo.

10. Wasadisilawo mbuka, ye wau wavuluka mianzi ye wayalangana nsi yayonso.

11. Miongo nkutu miafukama mu diambu diampongo andi; mavala mandi makala keti iminti miaNzambi miena ku Libanoni.

12. Wau wayala tala biandi nate ye ku mbu, ye nsoko miandi nate ye kuna mwila.

13. Mwanki nkiaama watuludidiwo nkuzu, kidi vo babonso bana viokila nzila yoyo banawo vela?

14. Ngulu amfinda yetiwo bakunanga, ye bibulu biansi bisawo dilanga.

15. Nzambi Sebaoti, vutuka, sa meso mu nsi wakenga nti wowo, kidi wakebawo.

16. Kadila nti wowo ntabi, wakuna koko kwaku kwalubakala, ye mwana wowo wabakala uwakisanina.

17. Wau wamana zina ku tia, ye umeni kendwa lueka ye lueka; bau beti mana bu-

ngana mu diambu dialusembolo luazizi kiaku.

18. Bika koko kwaku kwakala va muntu akoko kwaku kwalubakala, va mwana wowo wamuntu, uwakisanina.

19. Kidi vo beto buna katuna vengama kwa ngeyeko; utuvukisa, kidi tuabokila nkumbu aku.

20. Mfumu, Nzambi Sebaoti, bika watutedimisa; kiesa zizi kiaku, buna tusadusu kweto.

## Nkunga 81.

*Kwa baIsaleli nkunga waPaska.*

1. Kwa nseki ankunga; waAsafi.

Luzangula tubokolo tueno kwa Nzambi tualuyangululu, yandi ingolo zeto, luyangalala kwa Nzambi aYakobi.

3. Lubonga nkunga wamasika, luavovisa bipuka izinsambi zisikulwanga ye nsambi zantoko ye saltali va kimosi.

4. Ngonda bukabikidi, lusi-ka mpungi akulumeta, ye bukalungidi, mu lumbu kieto kiankembo.

5. Kadi wowo inkondo mu Isaleli ye mwina waNzambi aYakobi.

6. Yandi wasawo, vo ikimbangi kwa Yosefi, bukayiza

yizi ku nsi aNgipiti, kuyawa mpovolo, yiyalembwa zaia.

7. Mono yankatudila zitu va vembo, ye moko mandi mavundusuwa mu mpidi.

8. Mu mpasi zaku ngeye wabokila, ye mono yalalula; mono yatambudila buna kumsi ambandanu, mono yasinsa ngeye ku nlangu aMeliba.

9. Lubantu bami, luweti, nzolele ta kinbangi kwa yeno. Ngeye Isaleli, engwa vo zolele kungwila.

10. Mu ngeye kamuna kala nzambi yankakako, ye nzambi yanzenza ngeye kunayo sambilako.

11. Imono kwami iMfumu, iNzambi aku yakuvaikisa mu nsi aNgipiti; yasa nwa aku beni, ye mono siawo zadisa.

12. Kansi bantu bami kabawa nding' amiko, ye Isaleli kavanga luzolo luamiko.

13. Nkiangunu mono yabanyakula mu nkodulu antima miau, kidi badiata mu tukanutu tuabau kibeni.

14. Bantu bami engwa vo bangwila, ye Isaleli vo sika diata mu nzila zami!

15. Nga mono mu nswalu nkutu bedisa mintantu miau ye zekula koko kwami kwa zimbeni zau.

16. Nga babelanga Mfumu nga bakutu kunsonga tuyinu-

nu tuau, kansi lumbu biabantu bandi biakutu kala kwele mvu kuvutukidi mvu.

17. Kedika, yandi nga kutu kubadikila mu mbongo zilutidi mu biza. Inga, mono nga ikutu kuyukutisa mu niosi ya mu tadi.

## Nkunga 82.

*Nkongodolo aNxambi mu minkongudidi mikamisongi ye minkuluntu mikavanga vo i »inxambi».*

1. Nkunga waAsafi.

Nzambi telamene mu lukutukunu luazinzambi; yandi weti sa nkongodolo mu monakanda diazinzambi.

2. »Lumbu bikwa luna kongudila nkongodolo yikayisongi ye vumina zizi biabankwa miayayibi?

3. Lunungisa wena bumputu ye kembo se, ye luvana ndungunu kwa ukwamuswanga ye wena bumputu.

4. Lutabila wena kiadi ye bumputu, ye lumvulusa mu koko kwa muntu wambi.»

5. Kansi yau bakabazaingi lekwa ye visa, kansi badiatanga mu tombe; tufulu tuatonsono tuansi tueti zeza.

6. Bonso buyakedi tanga, ibobo kwandi: »Beno lubanza-mbi, ye buna luena lubana bankwa akayengele.»

7. Kansi silua katwa fwa bonso bantu ye bwa, bubwilinga mfumu.

8. UNzambi, telama kwaku; kongudila ntoto, kadi ngeye una vewa bantu babonsono ifwa diaku.

### Nkunga 83.

*Ndombolo alusadusu mu mintantu miabundane.*

1. Nkunga waAsafi.

Nzambi, kukalani napi ye dingamako, uNzambi, kudi ngalalaniko.

3. Kadi tala, mintantu mia-ku mieti yoma, ye bakubelanga beti sekisa zizi biau.

4. Bakananga bantu baku nkanunu zamakani mambi, ye bawawasananga mu bautabilanga.

5. Ebu batanga vo: »Lu-iza tuabasukiseno, kidi vo kabana vutuka kala nkievo ibantuko, ye nkumbu aIsaleli kidi vo kayina vutuka banzwako.

6. Beti wawana ngwawununu yakikundi, ye kwa ngeye beti sa bundu:

7. nzo zabisi Edomi ye baIsmaeli, Moabi ye baHangali,

8. Ngebali ye Amoni ye Amaleki, ye baFilistea ye bavwandanga mu Tilo mpe;

9. Asuli mpe wizi bundana ye yau ye usompese koko kwandi kwa bana baLoti.

10. Ubavanga bonso buwawangila Midiani, ye bonso buwawangila Sisela ye Yabini ku mwila waKisoni,

11. babungwa ku Endoli, ye bakituka tuvi va nsi.

12. Madingizi mau bika mawangwa, bonso bwawangwa Olebi ye Zebi, ye buna zena zimfumu zau, bika zawangwa, bonso bwawangwa Seba ye Salumuna,

13. mu diambu dia nkiena beti tanga vo: beto tuzolele kakalala zinzo zaNzambi.

14. Nzambi ami, bika bakala bonso mvuku mvuku yeti kwe zinguluki ye bonso titi mu mpevolu.

15. Tia bonso butuyokanga mfinda ye minlaku, bonso bumizinisanga mongo,

16. ibobo Nzambi ubazomina mu mpeke mpeke aku, ye ubasisisa mu tembo kiaku.

17. Vwisa zizi biau nsoni zazingi, kidi batomba zizi kia-ku, uMfumu.

18. Bika bakala nsoni ye wonga kwele mvu kuvutu-kidi mvu, bika bakala nsoni ye bungana.

19. Ye bika bazaia, vo ngeye kwaku kaka wena nkumbu

Mfumu, inkwa akayengele mu nza yamvimba.

### Nkunga 84.

*Ngunda zamuntu wamfonga ku tumbu tuaMfumu Nzambi Sebaoti.*

1. Kwa nseki ankunga, nkunga wabana baKola.

Mfumu Sebaoti, nzo zaku mwanki zamfonga zena!

3. Mwel' ami wena nsatu ye ngunda ku tumbu tuaMfumu, ntim' ami ye nitu sakalala nkutu kwa Nzambi amoyo.

4. Kadi nzokuza lelo beki nzo andi, ye mbende mbende beki zanza dikana sa bana bandi, isalu diaku, Mfumu Sebaoti, mfumu ami ye Nzambi ami.

5. Kiese kiena ye bavwandanga mu nzo aku; beti kusi-kanga ntangu zazonsono.

6. Kiese kiena ye bantu babana, bena ngolo zau mu ngeye ye bena nzolwa nzila zaku.

7. Bubeti kangalanga mu ndimba wamanzanga, yau betiwo sa kimvwama kianto, ye mvula zantombo zetiwo fuka mu tusakumunu.

8. Bazambukanga mu ngolo ye ngolo, nate ye bamana telama kwa Nzambi mu Sioni.

9. Mfumu Nzambi Sebaoti, wa lusambulu luami, ngeye uNzambi aYakobi, dimba kwaku.

10. Nzambi, unkaku eto, banzabo ye tala zizi kiamuntu aku wakuswa.

11. Kadi lumbu kimosi mu tumbu tuaku vele kiviokele mu mazunda mankaka. Ndu-tidi zola kenga vitu diano aNzambi ami ye mu kala mu zinzo zamimvangi miayayibi.

12. Kadi Mfumu Nzambi intangu ye nkaku; Mfumu uvananga nlemvo ye nzituzu; kayiminanga bau badiatanga mu kondwa kwa nkanu widi lekwa kiamosi kiabiza nku-tuko.

13. Mfumu Sebaoti, kiese kiena ye muntu ndiena, utulanga vuvu kiandi mu ngeye.

### Nkunga 85.

*Ndombolo alukudukulu luanlemvo va bantu baIsaleli.*

1. Kwa nseki ankunga, nkunga wabana baKola.

Mfumu, ngeye wateka tudila nsi aku nlemvo vana kintete, ngeye watedimisa nzo aYakobi.

3. Ngeye wayambudila bantubaku mpodolo zaminkanu, ye wafuka masumu mau mamonsono.

4. Ngeye wayambula mfwe-mono aku yayonsono ye wafila mbangazi anganzi zaku nima.

5. Mu dina, Nzambi alulalulu lueto, bika watubangumu kina diaka ye lembwa kutu fwemina.

6. Kadi nganzi zolele kutukadila kwele mvu kuvutukidi mvue, vo zolele kwaku nganzi zaku zakala mu mbandu kambandue?

7. Kadi kuzolele aku kutuvumusa diakakoe, kidi vo bantu baku bayangalala mu ngeye?

8. Mfumu, utusonga nlemvo aku ye utuvana ndalulu aku.

9. Nzolele wa yitanga Nzambi Mfumu, kadi yandi uvo-vanga yenge kwa bantu bandi ye kwa babandi bamfonga; kansi buna kabavutukani mu kizengiko.

10. Inga, ndalulu andi yena mbaki mbaki mu baku-mvuminanga, ye nzitusu una vwanda mu nsi eto.

11. Nlemvo ye kedika binamo bwabwana, mfonga ye yenge bina fibana;

12. kedika kina mena mu ntoto, ye mfonga zina za ku zulu zina tala va nsi.

13. Mfumu una kutuvana yina yambote, ye nsi eto yina mena mbongo zandi.

14. Mfonga zina kumvitila va ntu ye zina kwiza kunlandi bati bati mu bitambi.

## Nkunga 86.

*Nsambulu amuntu wamfonga mu nxomono.*

1. Nsambulu aDavidi.

Mfumu, untambila kutu kwaku, kidi wantambudila, kadi lukwamusu ngiena ye bumputu.

2. Keba mwel' ami, kadi mono mpe mwilu mu babaku bamfonga.

3. Mfumu, unsila nlemvo, kadi mwini wamvimba ituka bokanga kwa ngeye.

4. Yangidika mwela wasi-elo kiaku, kadi kwa ngeye Mfumu, ngieti zangula mwel' ami.

5. Kadi ngeye Mfumu iwambote ye wena ye ngiambudulu amasumu, ye wena mbidi anlemvo kwa babonsoo bakubokilanga.

6. Mfumu, dimba nsambulu ami ye wa nding' atubokolo tuami.

7. Mu ntangu ziimonanga nzungu ikubokilanga, kadi ukuntambudilanga.

8. Zinzambi buna zena, kakwenani fwanane ye ngeye Mfumuko, ye kakwenani bonso bwena mavanga makuko.

9. Balembolo kuzaiia, bawa-vanga, bana kwiza sambila va luse luaku, uMfumu, ye bana yumina nkumbu aku,

10. Kadi ngeye waunene wena ye uvanganga bimangu; ngeye kwaku kaka iNzambi.

11. Mfumu, unsonga nzil' aku; nzolele diata mu kedika kiaku. Tatimisa ntim' ami mu diadi kaka, vo ngina vumina nkumbu aku.

12. Buna Mfumu, Nzambi ami, sia tonda kwa ngeye mu ntim' ami wamvimba ye zitisa nkumbu aku kwele mvu kuvutukidi mvu.

13 Kadi nlemvo aku wau-nene mu mono wena, ye ngeye ulalulanga mwel' ami mu sina kwansi abafwa.

14. Nzambi, bantu bama-yama bameni kuntelamana, ye kabu diamakesa dieti sukila moyo ami ntim; kabeti au tadisa kwena Nzambiko.

15. Kansi ngeye Mfumu, iNzambi akiwuntu ye nlemvo, vibidila kwena yaku ye nlebami wawingi ye kwikama.

16. Umbangumukina wansila nlemvo, vana sielo kiaku lulendo luaku ye lalula mwana wabakala wasielo kiaku kiankento.

17. Unsa dimbu, ye yambula yatoma nitu. Bakumbelanga bika bamona mu nsoni zau, vo ngeye Mfumu weti kunsadisa ye bomba.

## Nkunga 87.

*Sioni ingudi avata kwa bantu babonsono.*

1. Nkunga wabana baKola.

Vata dikasa lufulu diatensukwa va ntandu amiongo mi-  
nlongo;

2. nzo zaYakobi buna zena Mfumu lutidi zola bielo bia-Sioni.

3. Uvata diaNzambi, ngeye wabikulwa mabiza.

4. »Mu banzaidi ngina bika Lakabi ye Babeli; tala, Fili-stea ye Tilo ye Kusi mpe, yau muna babutulwa.»

5. Inga Sioni dina bikulwa vo: »Ye endu ye endu muna babutulwa»; Nkwa akayengele yandi kibeni unadio tundisa.

6. Mfumu bukana sonika bantu, buna bonso bwabu sika tanga vo: »Baba muna babutulwa.»

7. Ye mu ngimbudulu ye makinu buna buna vovwa vo: »nto zami zazonsono mu ngeye zena».

## Nkunga 88.

*Nkunga wangiandulu mu ndungulu xaluta mu ngolo.*

1. Nkunga mabana baKola, nkunga waHemani.

Mfumu, Nzambi andalulu ami, mwini ye fuku ibokanga va wena,



3. Bika nsambulu ami yaluka va luse luaku, tamba kutu kwaku mu lubokolo luami.

4. Kadi mwel' ami uyukutusu mu mpasi, ye moyo ami weka lukufi ye nsi abafwa.

5. Idedukuswanga bonso bau bazikwanga mu mpeto, ngiena bonso muntu kembo kiela kiavumunina.

6. Mono nsisulu mono kwami kaka mu monakandadiabafwa, mpila mosi bamana vondwa, balambalalanga mu zimpeto bakabavutuki banzulwa kwa ngeye, batatulwa vena koko kwaku.

7. Ngeye wandimisini ku nkati ansi ampeto, kwena nkati atombe, nkati ansina.

8. Nganzi zaku zeti mema yami, ngambula zambula zaku zazonsono ngeye wetizo yambula ziiza kundietama.

9. Bazaianasana yami buna bena, ngeye wantatudilabo; ngeye wampanga yabakadila nkanikumukunu; mono inkangami, kilendi vaikako.

10. Zizi kiami kieti wonuka mu lungwanga ye kwama; Mfumu, lumbu kalumbu ikubokilanga, ye ikulambudilanga moko.

11. Kadi buna ikwa bafwa uvangilanga bimangue? Bini biabafwa buna sibia fuluka ye yutula matondo kwa ngeye?

12. Mu mpeto mutelwanga nlemvo akue, evo nkwikulu aku mu ngudi abenge?

13. Bimangu biaku buna bizaiakananga mu tombie, evo mfonga zaku mu nsi aluvilukunue?

14. Kansi kwa ngeye, Mfumi, ibokilanga, ye nsuka nabu lusambulu luami lukikidi.

15. Mfumu, mu nkiana weti niangina mwel' ami, mu nkiana weti kunswekila zizi kiaku.

16. Lukwamusu ngiena ye lukufi ye fwa, kasi nkadila wantuenia; nkatidi nata nsisi zaku zazonsono, ye mono ki-bombakani.

17. Minlaku mianganzi zaku mieti kundabukila, ye nsisi zaku zeti kunsukisa.

18. Lumbu kalumbu zikunzungidilanga nkievo nlangu, zungidila zeti kunzungidila buna zena.

19. Ngeye wantatudila nku-ndi ye nzika nseke ye mono; langa tombe kaka tuzaiane.

## Nkunga 89.

*Ndombolo alusadusu mu bambula  
Mfumu moyo mu tusilulu  
tukasila Davidi.*

1. Nkunga wa Etani.

Nzolele yimbidila mavanga  
maMfumu manlemvo kwele

mvu kuvutukidi mvu; nzolele nwa ami wasamuna nkwikulu aku mu mbandu kambandu.

3. Kadi ebu itanga vo: Nlemvo aku watunguka kwele mvu kuvutukidi mvu; ngeye ku zulu usiamisanga nkwi-kulu aku nakekete.

4. Mono ye uyasola tuawawane luwawanu; mu ndefi yasila sielo kiami Davidi vo:

5. Ngina tundisa nkun' aku kwele mvu kuvutukidi mvu ye tunga kiandu kiaku mu mbandu kambandu.

6. Bimangu biaku, Mfumu, bisikwanga kwa mazulu ye nkwikulu aku mu bundu diabanlongo.

7. Kadi nani ku zulu una fwanukuswa ye Mfumu, ye bana baNzambi bababakala buna bena, nani una bansulwa vo fwanane ye Mfumu?

8. Yandi iNzambi kwandi, pamu kiakinene beni kena mu bundu diabanlongo, ye vunda kena kilutidi babonsono bameni kunzungudila.

9. Mfumu Nzambi abuka biabinwani, nani, uMfumu, fwanane yaku mu ngolo? Nkwikulu aku yeti kuzungalakana.

10. Ngeye uyalanga kikesa kiambu; mbula zandi buzeti kukitulamana, ngeye intumbu-zo dingidika.

11. Ngeye wabula Lakabi ye lambalele nkievo muntu wavondwa, ngeye wasansikisa mintantu miaku mu koko kwalulendo luaku.

12. Zulu ngeye vwididio, ye ntoto iwaku mpe; ngeye wasawo sadila ye yonso yena mu wau.

13. Ngeye wavanga ku ntandu ye ku banda; Taboli ye Helemoni bieti yangalala mu nkumbu aku.

14. Ngeye wena koko kwamafuka makinwani, koko kwaku kwalulendo kwena, koko kwaku kwalubakala kwena kwakulakasanga.

15. Mfonga ye songa insiamusunu akiandu kiaku, nlemvo ye kedika bitelamanga va luse luaku.

16. Kiese kiena ye bantu bazaidi yangalala mu mfonga, Mfumu, mu kia kwazizi kiaku siba diata.

17. Mu nkumbu aku siba yangalala ntangu zazonsono ye zangulwa mu mfonga zaku.

18. Kadi ngeye ingolo zau ye ntoko zau, ye mu nlemvo aku unangunanga mpok' eto.

19. Kadi nkaku eto Mfumu vwiidiyo, mfumu eto wwilu kwa nkwa anlongo waIsaleli.

20. Va kiakala ngeye mu mbweno wavova kwa bantu baku bamfonga, nkiena wata vo

»Mono yavana kinwani lusa-dusu; yazangisa toko diatuka mu kabu diabantu.

21. Mono yasolula sielo kiami Davidi, ye yankusa mazi mami manlongo.

22. Kandazi kiami kina kala yandi nakekete, ye koko kwami kuna kunsiamisa.

23. Widi ntantu nkutu kaula kumbwila nabiuko, ye widi mwana wamasumu nkutu kaula kunkwamisako,

24. kansi mintantu miandi mono nginamio bula va zizi kiandi, ye ngina vutula ndinda kwa bakumbelanga.

25. Nkwikulu ami ye nlemvo ami bina kala yandi, ye mu nkumbu ami muna nangu-nwa mpok' andi.

26. Mono ngina tula mbu kungsi akoko kwandi ye mila kungsi akoko kwandi kwalubakala.

27. Yandi una kumbika: ngeye usami, Nzambi ami ye tadi diami diandalulu.

28. Mono ngina kunsu nkievo wateka semukunwa, ye nkievo lutidi zimfumu zazonsono va ntoto.

29. Ngina kunlundila nlemvo ami kwele mvu kuvutukidi mvu, ye luwawanu luabeto yandi luna siama nakekete.

30. Mono ngina kunzingisila nkun' andi kwele mvu

kuvutukidi mvu, ye kiandu kiandi nate ye kuna kala dizulu.

31. Kansi bana bandi, vo bana tungudila mina miami ye lembwa diata mu nkondo miami,

32. ye vo bana vonda nsiku miami ye lembwa keba mina miami,

33. buna ngina kubavutudila minkanu miao mu kubabanda ye mpodolo zau zaminikanu mu kwama kwakwingi,

34. kansi yandi kina ami kunkatudila nlemvo amiko, ye kina vunza mu nkwikuluko.

35. Luwawanu kina amilo kabikisako, ye monso mavova bikoba biami kinamo vilula nkutuko.

36. Dimosi kaka yadila ndefi mu mfonga zami, ye Davidi kilendi kumvunako:

37. Nkun' andi siwa zingila kwele mvu kuvutukidi mvu ye kiandu kiandi va luse luami nate ye kuna kala ntangu;

38. ye bonso ngonda ibuna kiau kina sikila kwele mvu kuvutukidi mvu. Mbangi yena ku zulu yakwikama yena.»

39. Kansi bwabu ngeye meni nianga ye kuba muntu aku wakuswa ye wansidi mu nganzi.

40. Ngeye wacamuni luwawanu luaku ye sielo kiaku,

ngeye wasumuni mpu andi yanzitusu ye tubidiyo va nsi.

41. Ngeye watuludi baka biandi biabionsono, ye wawengi bitabulu biandi keti nzo zatuluka.

42. Babonsono baviokila nzila yoyo beti kuntana; yandi wayika mvwezolo kwa bazika bandi.

43. Ngeye wabaludi koko kwalubakalakwamintantumiandi, ye yambudi mbeni zandi zazonsono zayangalala.

44. Ngeye wabambudi meno masabala kiandi ye kwamveni ngolo mu mvitako.

45. Ngeye wasukisi kia kwandi ye tuludi kiandu kiandi va nsi.

46. Ngeye wakufikidi bilumbu biantuenia andi ye wamfukidi kwa nsoni.

47. Mfumu, lumbu bikwa una swama nampia? Nganzi zaku lumbu bikwa zina yukumina nkievo tia?

48. Banza kwaku bonso bwena moyo wami wankufi, ye bonso buwawangila bana babonsono babantu lufwakazi.

49. Kadi nki amuntu sika yambulwa kenda vuki ye kutwa mu lufwa. Nani lenda kukitabidila mwela mu nkesi zansi abafwa?

50. Mfumu, mavanga maku manlemvo mateka kala, kwe

mena, mawasila sielo kiaku Davidi mu ndefi mu nkwikulu aku?

51. Mfumu, tala mvwezolo abisielo biaku, ye yina yayonsono yinkatidi vibidila kwa bantu babingi.

52. Mfumu, bika wabanza bonso buvwezilanga mintantu miaku, bonso bubavwezilanga bitambi biamuntu aku waku-swa.

53. Bika Mfumu kasikwa kwele mvu kuvutukidi mvu. Amen, Amen.

## NKANDA WAIA.

### Nkunga 90.

*Zingu kiaNzambi kikakimani ye lufwakazi luabantu.*

1. Nsambulu aMose, imuntu waNzambi.

Mfumu, ngeye intinunu eto yambandu kambandu.

2. Miongo bumialembwa kukikadila, ye ntoto ye nza buwalembwabio kukivangila, buna kedika ngeye wena kwaku Nzambi.

3. Ngeye uvutulanga bantu mu fundu fundu diantoto, nkiena utanga vo: Beno bana babantu, luvutuka kweno.

4. Kadi zunda diamimvu diena mu meso maku bonso

lumbu kiakedi zono; inga, miau miena bonso filokula fiafuku kaka.

5. Ngeye ukukumunangamio; miau mikalanga bonso tulu. Mu nsuka mifwanane bonso titi bieti vekita;

6. bisasanga fulu biau mu nsuka, kansi mbatu mpimpa bizeko kwandi ye lengila.

7. Kadi tueti mana fukila mu diambu dianganzi zaku, ye mu diambu diamfwemona aku tueti mana kiosunwa naku.

8. Ngeye utulanga minkanu mieto va luse luaku ye masumu meto mansweki mu kia kwazizi kiaku.

9. Inga, bilumbu bieto biabionsono bilalanga mu diambu diankesi zingi zena yaku; tusukisanga mimvu mieto bonso luvumuku.

10. Mioyo mieto miena zingmu mu lusambodia luamimvu, vo tusiemi buna lunani; bululutidi kala bwambote mpe, keti buna impasi mpe ye ku fuba, kadi fintama sempia kwandi nkievo tutilumukini.

11. Kadi nani uyindulanga lulendo luanganzi zaku ye mfwe mono aku, kidi kavumi na?

12. Utuyindusa bonso bwenalumbu bieto bialiuma,

mwanki kidi tuabaka mintima mianduka.

13. Mfumu, vutuka kwaku. Kadi lumbu bikwa una zingila? Sila bisielo biaku nlemvo.

14. Utuyukutisa nlemvo aku bukukiele, buna situa yangalala ye kala kiese mu lumbu bieto biabionsono.

15. Utuvana kiese kina kala bonso lumbu biwatukwamisi na, ye bonso mimvu mituakadila kiadi.

16. Bika mavanga maku mazaiwa kwa bisielo biaku ye nzitusu aku mu bana bau.

17. Ye bika kiese kiaMfumu iNzambi eto kialuaka va yeto. Ututomisina bisalu biamoko meto; inga bisalu biamoko meto bika ngeye watomisabio.

### Nkunga 91.

*Ungumunu kiena mu lutabulu  
luaNkwa akayengele.*

Ukalanga mu lutabulu luaNkwa akayengele ye uvundanga mu mpevo aNkwa atulendo tuatonsono,

2. yandi uvovanga kwa Mfumu vo: »Ngeye intinunu ami ye nzo ami yakola, Nzambi ami yiisilanga vwadi.»

3. Kadi yandi una kusionuna mu dinsinga diantambi azinuni ye mu vunga kibunganga.

4. Yandi una kufuka mu nsala zandi, ye kungsi amaveve mandi una baka ntinunu; nkwikulu andi inkaku ye tabulu.

5. Kuna kala nsatu atina nsisi zamafukuko, ye toto ki kwiza siukingi mu mwini,

6. ye vunga kikwiza luakingi mu tombe, evo kiana kifulanga mu nkati amwiniko.

7. Mafunda vo makwiza bwila va lueka luaku, inga, kumi diamafunda va lueka luaku lualubakala, ngeye kunabo bwilako.

8. Meso maku manabo mwena kiese kaka, ye una mona nsendo abankwa miayayibi.

9. Kadi keti ebu wata vo: »Mfumu ivuvu kiami»; mu Nkwa akayengele ngeye wavanga ntinunu aku.

10. Nzungu nkutu kazina luaka kwa ngeyeko, ye kwama nkutu kakuna finama nzo akuko.

11. Kadi yandi una tuma zimpofi zandi mu ngeye, kidi vo zau zina kukeba mu nzila zaku zazonsono.

12. Zau zina kunata mu moko mau, kwidi ta nsakuba mu kulu kwaku va tadi.

13. Ngeye una diata nkosi ye nioka zambalu, ye una cabata nkosi zantuenia ye bidalaka,

14. »Yandi unanamananga ye mono, ikuma sia kumvulusa; mono ngina kuntabila, kadi zaidi nkumbu ami.

15. Yandi ukumbokilanga, nkiangunu sia kuntambudila; mono ngiena yandi mu mpasi, mono ngina kuntanina ye kunyambula kaluaka ku nzitusu.

16. Ngina kunyukutisa moyo wanda ye mwesa ndalulu ami.»

## Nkunga 92.

*Nkunga walumbu kialumingu.*

Mbote kwandi mu tonda kwa Mfumu ye sika nkumbu aku, uNkwa akayengele,

3. mu samuna nlemvo aku ye nsuka, ye nkwikulu aku fuku budilueki;

4. mu nsikulu ansambi yakumi diansinga, mu saltali ye zu diansambi.

5. Kadi ngeye Mfumu ukungiangidikanga mu mavanga maku; nzolele yangalala mu diambu diampangulu zamoko maku.

6. Mavanga mangeye, Mfumu, mwanki mamanene mena; inga, mabanza maku mena nkati ansina.

7. Muntu wakifutu kayi ndulangaboko, ye kilau kaki visangaboko,

8. Bankwa miayayibi vo mieti vekita bonso titi, ye mimvangi miayayibi miamionsono vo mieti fula bifulu, buna sibwa kala mfudulu au yakwele mvu ye kuvutukidi mvu.

9. Kansi ngeye Mfumu wazangama kwele mvu ku vutukidi mvu.

10. Kadi Mfumu, tala, mintantu miaku, tala, mintantu miaku mina fukila, ye mimvangi miayayibi buna miena mina camunguswa.

11. Ngeye uluta zangula mpok' ami mu mpok' angombe atiti; ibukudulwanga mazi manswa.

12. Meso mami sima yangalala mu mona minzomi miami; matu mami sima yangalala mu wa mu bankwa miayayibi, beti kuntelamana.

13. Bankwa miamfonga bana yeya bonso maba, bana mena bonso minti miaLibanoni.

14. Yau bameni tuikwa mu nzo aMfumu; bana yeya mu tumbu tuaNzambi eto.

15. Nate ye bamana nuna, buna mpe bana banda nsoko, bana vekita ye yeya;

16. kidi vo bana samuna, vo Mfumu wamfonga wena, bukena yandi itadi diami, ye vo yambi nkutu kayena mu yandiko.

## Nkunga 93.

*Lusiamunu luakimfumu  
kiaNzambi.*

Nzambi imfumu, yandi vwetiti nzitusu; Nfumu vwata kavweti, yandi ukizingidi lulendo, nkiangunu sadila kwa ntoto kutelamanga nakekete ye lembwa zeza.

2. Kiandu kiaku kiatelama nakekete ye ntama, ngeye wena kwele mvu kuvutukidi mvu.

3. Mfumu, mila misasulanga, mila misasulanga ndinga, inga, mila misasulanga kumbu kiau.

4. Kansi Mfumu ku zulu lutidi mu ngolo mu zindinga zaminlangu miaminene ye miangolo, ye mu mbula zambu.

5. Kimbangi kiaku kiena nakekete; mfonga zifwiti kala mu nzo aku, Mfumu, kwele mvu kuvutukidi mvu.

## Nkunga 94.

*Lusambulu ye mavumisa mu diambu diamintantu miabantu  
baNzambi.*

UMfumu, Nzambi andinda, uNzambi andinda, wizila mu kia.

2. Nanguka, unkongudidi antoto, vutudila bankwa mianza yina yibavengi.

3. Mfumu, kadi bankwa miayayibi lumbu bikwa bikwa bana yangalala?

4. Minwa miau mieti camuna mpovolo zamayama; beti kukiyana, buna miena mimvangi miayayibi miami.

5. Mfumu, beti kosa bantu baku ye kwamisa fwa diaku.

6. Mafwola ye banzenza beti kubabema, ye vonda bakondolo mase.

7. Nkiena batanga vo: Mfumu keti andibo monako, Nzambi aYakobi ketibo kukimwenako.

8. Beno mu bantu lukondolo nduenga, luzaiya beno kibeni; beno lubilau, nki alumbu luna luenga?

9. Ndienna wamenisa kutu, kana wakoe, ye wakubika disu, kana monakoe?

10. Ulongidikanga bakondolo nzailu aNzambi kana sembakoe, iyandi ulonganga bantu nduenga.

11. Mfumu zaidi mabanza mabantu, yandi zaidi, vo bantu ibifubila.

12. Kiese kiena ye muntu ndienna uulonganga ngeye, Mfumu, ye uuzakizanga mina miaku,

13. mu kumbakila mpogoso mu lumbu biancita, nate ye muntu wambi umeni timunwa mpeto.

14. Kadi Mfumu kanianganga bantu bandiko, ye kasisanga fwa diandiko.

15. Kansi mfonga zina vutuka nunguswa kwandi, ye bamfonga babonsoo banazo tatamana.

16. Nani sika telama mu kuntela kimbangi kwa bantu bambi; nani sika telama mu kuntela kimbangi kwa mimvangi miayayibi?

17. Vo kaMfumu insadisi amiko, nga mwel' ami ntama ulambalele mwena nadingidingi.

18. Bunkatulu ta vo: »kulu kwami kweti zeza», buna nlemvo aku, Mfumu, ukunsiamisanga.

19. Bungiena kingongo kiatingi mu ntima, buna lulo mbolo luaku luyangidikanga mwel' ami.

20. Kadi buna kiandu kiambungulu kilenda kala ntua-di ye ngeye, kiandu kiokio kisadulwanga mu vanga kikesa mu nkumbu amina.

21. Yau batatimisanga mwela wamuntu wamfonga, ye bakongudilanga menga makondolo nkanu.

22. Kansi Mfumu wakidi kadi kwandi nzo yakola kwa mono, Nzambi ami wakidi kwandi tadi diantinunu ami.



23. Yandi ukubavutudilanga kimfunia kiau, ye mu diambu diayambi yau sika kubabunga, inga, Mfumu Nzambi eto, ukubabunganga.

### Nkunga 95.

*Ndebolo abaisaleli mu sika Mfumu ye kuntumamana.*

Luiza kweni tuasasuleno tubokolo tualuyangululu kwa Mfumu, tuasuleno luyangululu kwa tadi dieto diandalulu.

2. Tuluakileno va luse luandi mu mvutudulu amatondo, ye tuasasuleno luyangululu kwa yandi mu minkunga minsikulu.

3. Kadi Mfumu iNzambi yayinene, imfumu yayinene mu zinzambi zazonsono.

4. Yandi usimbanga nsina zantoto mu koko kwandi, ye mu mbata zamiongo yandi vwidimo,

5. mbu iwandi, kadi wawangawo, ye vena nayokoso, mo-ko mandi mau makubikavo.

6. Sayiziyo tuasambila ye tuayinama, bika tuafukama kwa Mfumu watuvanga.

7. Kadi yandi iNzambi eto ye beto ibantu baba bakakibikila, vo ikabu diandi; beto imameme mavungwanga kwa koko kwandi.

Engwa, vo beno ludimba nding' andi mu lumbu kiaki!

8. Kaluvibisani mintima mienoko, bonso bwakala ku Meliba mu lumbu kiaMasa mu nsi yankatu,

9. mwasa kunsindisila mase meno ye kuntonta, kansi kiongo bamweni kwau mavanga mami.

10. Mu makumaia mami-mvu yakamina mbandu yayina nitu ye yavova vo: Yau ibantu bakukizimbisanga mu mintima miau ye ibakabazayi nzila zami.

11. Nkiangunu buna ndefi ami yayi yadia mu nkesi zami vo: »Kabana kota mu vundulu kiamiko.»

### Nkunga 96.

*Ndebolo abantu babonsono va ntoto mu sika Mfumu.*

Beno luzinsi zazonsono, luyimbila nkunga wamona mu nzitusu aMfumu, luyimbila mu nzitusu aMfumu.

2. Luyimbila mu nzitusu aMfumu, lusika nkumbu andi, lusamunanga nsamu wakiese mu ndalulu andi lumbu kalumbu.

3. Luvova nzitusu andi mu monakanda diabalembolo kunzaia ye bimangu biandi mu bantu babonsono.

4. Kadi Mfumu waunene wena ye mbidi andanu, ye luti-di nzambi zazonsono mu nsisi.

5. Kadi nzambi zabantu babonsono ibiteki kwandi, kansi Mfumu, yandi iyandi wavanga dizulu.

6. Kimfumu ye nzitusu biena va luse luandi; lulendo ye kia mu nzo andi yanlongo.

7. Beno lumakanda mabantu, luvana kwa Mfumu, luvana nzitusu ye lulendo kwa Mfumu;

8. nzitusu ankumbu andi luvana kwa Mfumu, lutuala minkailu ye kwiza mu tumbu tuandi.

9. Lusambila Mfumu mu mimvwatu mianlongo. Nsi zazonsono bika zazakamana zizi kiandi.

10. Mu monakanda diabalembolo zaia Nzambi luta vo: »Nzambi iMfumu; nkiangunu sadila kwantoto kweti telama nakekete ye lembwa zeza; yandi ukongudilanga bantu mu mfonga.»

11. Bika zulu diayangalala ye ntoto wakala kiesee; bika mbu wakumba ye bionso biena mu wau.

12. Ntoto bika wasakalala ye bionso biena mu wau, inga, minti miamionsono miena mu mfinda, buna bika miayangalala va luse luaMfumu,

13. kadi kwiza kana kwiza mu kongudila ntoto. Yandi una kongudila sadila kwa

ntoto mu mfonga ye bantu mu nkwikulu andi.

## Nkunga 97.

*Mbonokono aMfumu mu kimfumu ye lulendo luandi.*

Nzambi imfumu, nkiangunu bika ntoto wayangalala; buna zena zinsi zena va nseko ambu bika zakala kiesee.

2. Matuti ye mbungi bieti kunzunga, mfonga ye kedika insiamunu akiandu kiandi.

3. Tia tueti kuntekila kuntu tumana yokanga mintantu miandi yeku yeku.

4. Mpezomo zandi zikiesanga sadila kwa ntoto; ntoto wetibo mona ye zakama.

5. Miongo minienganga bonso maka va luse luaMfumu, iMfumu antoto wamvimba.

6. Mazulu matanga mfonga zandi, ye bantu babonsono bamonanga nzitusu andi.

7. Buna bena basadilanga biteki bana vwiswa nsoni, buna bena bakiyananga mu minkisi. Nzambi zazonsono zina kunsambila.

8. Sioni wetibo wa ye yangalele, ye bana baYuda babakento beti yangalala mu diambu diankongodolo zaku, Mfumu.

9. Kadi ngeye Mfumu inkwa akayengele va ntandu

antoto wamvimba; ngeye wazangama beni va zinzambi zazonsono.

10. Beno lutondanga Mfumu, lubela kweni yayibi. Yandi ukebanga miela miababandi bamfonga ye ukubalalulanga mu moko mabankwa miayayibi.

11. Muntu wamfonga wakununwa kia, ye bantu batondanga kedika bakununwa kiese.

12. Beno lubamfonga, luyangalala mu Mfumu, lusika nkumbu andi yanlongo.

### Nkunga 98.

*Yangalala kwa ntoto wamvimba mu ndungunu aMfumu.*

1. Nkunga.

Luyimbila nkunga wamona mu zitisa Mfumu, kadi yandi wavanga bimangu. Yandi wabakidi ndungunu mu koko kwandi kwalubakala ye mu koko kwandi kwanlongo.

2. Mfumu wazaikisi ndalulu andi; yandi wamonese mifonga zandi mu meso mabantu babonsono balembolekunzaya.

3. Yandi wabenzi mu nlemvo andi ye nkwikulu andi mu nzo aIsaleli; nsuka zazonsono zantoto zimeni mona, bonso bulaludilanga Nzambi eto.

4. Beno, luzinsi zazonsono, luzangula yangalala kwa Mfumu; luboka mbokolo zakiese ye luyimbila.

5. Luyimbila kwa Mfumu mu nsambi, mu nsambi ye mu zu diaminkunga miamasika.

6. Luzangula yangalala va luse luaMfumu Nzambi mu mpungi zakulumeta ye zu diamakonki.

7. Bika mbu wakumba ye bionso biena mu wau, sadila kwa ntoto ye bonso bazakalangawo.

8. Bika mila miasakila ye miongo miakala yangalala kumosi

9. va luse luaMfumu, kadi yandi una kwiza mu kongudila ntoto. Yandi una kongudila sadila kwa ntoto mu mfonga ye bantu mu kedika.

### Nkunga 99.

*Nkwa wanlongo.*

Nzambi imfumu, nkiangunu bantu beti zakama; yandi uvwandanga va celubimi, nkiangunu ntoto weti nikuka.

2. Mfumu ku Sioni waunene wena ye wazangama va ntandu abantu babonsono.

3. Yau basikanga nkumbu aku yena yayinene ye nsisi. Yandi wanlongo wena.

4. Mfumu mu lulendo lua ndi utondanga yina yisongele.

Inga, ngeye usikisanga kedika, ye usalanga mu toma ye mfonga mu Yakobi.

5. Luzangisa Mfumu, Nzambi eto, ye lunsambila va mbel' amfiduku amalu mandi.

6. Mose ye Aloni bakala mu bangudi zaminlongi miandi, Samueli wakala mu bau babokilanga nkumbu andi; yau baboka kwa Mfumu, ye yandi wabatambudila.

7. Yandi wabula mbembo kwa yau mu tuti. Yau bakeba kimbangi kiandi ye mina miamina mikabavana.

8. Mfumu, uNzambi eto, ngeye wabatambudila; ngeye wakala Nzambi angiambudulu kwa yau, kansi mpe umvutudi andinda mu mavanga mau.

9. Luzangisa Mfumu, Nzambi eto, ye lusambila vana mongo andi wanlongo. Kadi Mfumu Nzambi eto wanlongo wena.

### Nkunga 100.

*Ndebolo mu sika Mfumu.*

1. Nkunga wamvutudulu amatondo.

Beno luzinsi zazonsono, luzangula yangalala kwa Mfumu. Lusadila Mfumu mu kiese, luiza va luse luandi mu mbokolo zayangalala.

3. Lubakula vo Mfumu iNzambi. Yandi watuvanga,

kabeto kibeniko, kidi tuakala bantu bandi ye mameme mu kabu diandi.

4. Lukota mu mielo miandi mu mvutudulu amatondo ye mu tumbu tuandi mu masika; lutonda kwa yandi ye sika nkumbu andi.

5. Kadi Mfumu wena wabiza, nlemvo andi usalanga kwele mvu kuvutukidi mvu ye nkwikulu andi mu mbandu kambandu.

### Nkunga 101.

*Diela diena ye mfumu yamfonga*

1. Nkunga waDavidi.

Mu nlemvo ye mfonga nzolele yimbila, ngeye Mfumu nzolele sika.

2. Nzolele yindula nzila yikondolo nkanu, — nki alumbu una kwiza kwa mono? Nzolele diata mu kondwa kwa nkanu mu ntim' ami mwamu nzo ami.

3. Yina yena yambi kinayo yambula yiiza kala va meso mamiko; mavanga malembolo songa mono ibelangamo; biampila yoyo kabina kundanamanako.

4. Bika ntima wakolo wantatukila nseke; wonso wena wambi imono kinzayi.

5. Ndienna ukelanga nzik' andi mu nsweki, iyande nzo-

lele bunga; wena meso manza ye ntima wamayangala imono kinzodi.

6. Meso mami matombanga bena nkwikulu va nsi, mpasi vo bana kala ye mono; ndiena udiatanga mu nzila yikondolo nkanu, iyandi una kala sielo kiami.

7. Ndienna usadilanga mu kinkita, mu nzo ami kakadiko; ndienna utanga makutu, mu meso mami kasikilanimoko.

8. Buna miena bankwa miayayibi va nsi bunga kaka ngina kubabunga nsuka kansuka, kidi yafula mimvangi miayayibi miamionsono mu vata diaMfumu.

### Nkunga 102.

*Ngiaudulu amuntu mu kwama ye vuvu kiandi mu Mfumu.*

1. Ndombolo amuntu wena mu kwama, bukasuka suka vumunu ye watengula kiandi kiandi va luse luaMfumu.

Mfumu, wa ndombolo ami, ye lubokolo luami bika lua luaka va wena.

3. Kunswekani zizi kiakuko, bungiena mu mpasi. Untambila kutu kwaku; buikubokilanga, sa nswalu mu kuntambudila.

4. Kadi lumbu biami biviokele bonso mwisi, ye visi

biena mu nitu ami bikwemi nkievo tia.

5. Ntim' ami uzeko nkievo nianga ye ulengele; zimbakana nkutu ngieti zimbakana mu dia mampa mami.

6. Visi biami bibambamene ye nsuni mu diambu diampumukunu ami yayinene.

7. Mfwanane ye lembe dienna mu nsi yankatu, ye ngiena bonso kimfutu vena zinzo zatuluka.

8. Ikatwa kayanga meso, ye ngiena bonso nuni yansona va ntandu anludi.

9. Mintantu miami mikun tiakanga lumbu kiamvimba; bau bakunkadilanga kikesa basadilanga nkumbu ami mu ntumbulu.

10. Kadi idianga bombe nkievo mampa, ye isanganga ndwinu ami ye mansanga,

11. mu diambu dianganzi zaku ye mfwemona aku, kadinge ye wamvikinia ye wandosa.

12. Lumbu biami biena bonso kini buketi kwe lambuki, ye mono kibeni ngieti mana lengila bonso titi.

13. Kansi ngeye, uMfumu, uyalanga kwele mvu kuvutukidi mvu, ye mbambukulu aku moyo yikalanga mu mbandu kambandu.

14. Ngeye una nanguka mu sila Sioni nlemvo; ntangu yi-

fweni kwandi mu lemvukila ye ntuba yilueki.

15. Kadi bisielo biaku bi-zolanga beni matadi mena mu-na, ye bena kiadi mu diambu diamatadi mameni kosakana.

16. Balembolo zaya Nza-mbi bana vumina nkumbu aMfumu, ye mfumu zazonso-no va ntoto nzitusu aku,

17. kadi Mfumu meni tu-ngudila Sioni ye meni zaikisa nzitusu andi;

18. yandi bangumukini kwa ndombolo zabansona ye kawidikidi ndombolo zauko.

19. Diadi dina sonukwa kwandi mu diambu diambandu yina landa, ye bantu bana vangwa bana sika Mfumu.

20. Kadi ku mbata andi yanlongo katale va nsi, Mfumu ku zulu katale va ntoto

21. mu diambu diawa ngi-audulu zabakangama ye vulusa bana balufwa,

22. kidi vo mu Sioni mu-na tewa nkumbu aMfumu ye nsikulu andi mu Yelusalemi,

23. bantu babonsono bubana yonzama va mosi ye zinsi zazonsono mu sadila Mfumu.

24. Kansi yandi tuludi ngolo zami mu nzila, yandi kufikidi lumbu biami.

25. Nkiena itanga vo: Nzambi ami, kunkatulani mu nda-

nibu alumbu biamiko, ngeye wena mimvu miaku misikilanga mu mbandu kambandu.

26. Kadi ntama ngeye wata lufulu luantoto, ye mazulu imavanga mamoko maku.

27. Mau mana fukila, kansi ngeye una sikila, mau mamonsono mana nuna bonso mvwatu; ngeye unamo kitula bonso buvilulwanga mvwatu, ye mau mana kituka.

28. Kansi ngeye ibumosi kwandi, ye mimvu miaku kamiena mbanunuko.

29. Bana babisielo biaku bana kalanga mu nsi, ye nkuna miau mina sikila va luse luaku.

### Nkunga 103.

*Nkunga wansikulu kwa Mfumu mu nlemvo andi waunene.*

1. WaDavidi.

Mwel' ami, sika Mfumu, ye yonso yena mu mono bika yasika nkumbu andi yanlongo.

2. Mwel' ami, sika Mfumu ye kuvilakanani yina yambote yikavengi,

3. yandi ukuyambudilanga minkanu miaku miamionsono ye uniakisanga bieta biaku biabionsono.

4. Yandi uvulusanga moyo aku mu mpeto ye ukutudilanga nlemvo ye kiwuntu.

5. Yandi uyukutisanga nzo-dolo aku mu yambote yandi, vo weka wantuenia diaka bonso. ngo adizulu.

6. Mfumu usadilanga mu mfonga ye unungisanga babonsono bakwamuswanga.

7. Yandi wasonga Mose nzila zandi ye bana baIsaleli mavanga mandi.

8. Kiwuntu ye nlemvo bina ye Mfumu, ye vibidila ye mbidi anlembami.

9. Yandi katatimisanga ntangu zazonsonoko, ye kakebanga nganzi zandi kwele mvu kuvutukidi mvuko.

10. Yandi kakutusadilanga bonso bwena masumu metoko, ye kakutuvutudilanga bonso bwena minkanu mietoko.

11. Kadi bonso bwalambuka zulu va ntandu antoto, ibuna bwenina nlemvo andi ngolo kwa bau bakumvuminanga.

12. Bonso bwatatuka kuselukilanga ntangu ye kudiminanga ntangu, ibobo kakututudilanga minkanu mieto nseke ye beto.

13. Bonso bulemvukilanga se bana bandi, ibuna Mfumu kalemvukilanga bau bakumvuminanga.

14. Kadi yandi zaidi mpangulu yituenia, yandi ubanza ngadio, vo beto imfumfuta zantoto.

15. Lumbu biamuntu biena bonso titi, yandi ufulanga bonso fulu biansi.

16. Ye mpeve buketibio vionila, sempia kwandi, ye mbuk' andi kayivutukibio zayako.

17. Kansi nlemvo aMfumu usalanga kwele mvu kuvutukidi mvu kwa bau bakumvuminanga, ye mfonga zandi nate ye batekolo,

18. kwa bau bakebanga luvawanu luandi ye babanzanga mu ntumunu zandi mu vangingazo.

19. Mfumu ku zulu kasa kiandu kiandi, ye mu lulendo luakimfumu kayalanga biabionsono.

20. Beno luzimpofi zandi, lusika Mfumu, lubinwani bivangolo bivanganga ntumunu andi, buluwanga mbembo amambu mandi.

21. Beno lumakabu mandi mamonsono, lusika Mfumu, lubisielo biandi bivanganga luzolo luandi.

22. Beno lumavanga mandi mamonsono, lusika Mfumu, konso konso kukalanga ngiadulu andi. Mwel' ami, sika Mfumu.

### Nkunga 104.

*Nkunga wamasika kwa wavanga nxa.*

Mwel' ami, sika Mfumu.  
Mfumu Nzambi ami, ngeye

wazangama ye waunene wena; kimfumu ye nzitusu wawata.

2. Ngeye wafukama kwa kia nkievo vunga, ngeye uyalumunanga zulu bonso nzo yakoto;

3. ngeye uvanganga nlangu izinzo zaku, ye matuti ikalu diaku, ye ukwendilanga mu maveve mampevolo.

4. Ngeye uvanganga zimpeve intumwa zaku, ye minlaku miatia ibisielo biaku.

5. Ngeye watudila ntoto lufulu, mpasi wau kawidi zezako kwele mvu kuvutukidi mvu.

6. Ngeye wafukawo mu nsina bonso mvwatu; minlangu miavioka miongo.

7. Miau miatina mu diambu dialusembolo luaku, ye mu diambu diazu kwandumu aku miakatukila.

8. Miongo miatulama ye mindimba miabetumuka, ye minlangu miasa nswalu ku mbuka zau ziwasilamio.

9. Ngeye wasa nzaku yikayisumbukwa, kamidi fuka nto-to diaka.

10. Mu mindimba ngeye wacilumuna minkelo miayiza fwandi nzila mu monakanda diamiongo.

11. Miau minwanga bibulu biabionsono biansi, ye misi-

manga lemina diazimpunda zena mu nsi yankatu.

12. Va lueka luamiau vakalanga zinuni zadizulu, zisasulanga ndinga va mavala manti.

13. Ngeye ku zinzo zaku ubukudilanga miongo nlangu, ntoto uyukutuswanga mu nibongo zozo ziukubikanga.

• 14. Ngeye udukisanga titi kwa bibulu ye mbongo mu nsadulu abantu, kidi biandia bina mena mu ntoto,

15. mpasi vo una yangidika ntim' amuntu mu vinia ye lezimisa zizi kiandi mu mazi ye kindisa ntim' amuntu mu mampa.

16. Minti miaMfumu mpe miyukutuswanga iminti miaLibanoni mikakuna.

17. Zinuni zitunganganio mazanga mau, ngongo utunganga nzo andi mu minti miasipelisi.

18. Zinkombo zamiongo zavangulwa miongo mianda, ye tubulu tuamiongo intinunu kwa bakalumba.

19. Ngeye wasa ngonda mu teza bilumbu; ntangu zaidi kwandi ntub' andimununu andi.

20. Ngeye uvanganga to-mbe, buna fuku dibwidi; buna bulu biabionsono biamfinda bibadikidi zieta,



21. nkosi zantuenia zeti yaudila kibana bwila, ye beti kwiza tombingi dia kwau kwa Nzambi.

22. Ntangu yitubukidi; biau intumbu kwenda vutuki ye lambalala mu mavwa mau.

23. Kansi muntu buna lo-ndole ku bikana vanga ye ku salu kiandi nate ye kuna yila.

24. Mwanki, Mfumu, mavanga maku mamingi mingi! Mu nduenga ngeye wavangilamo mamu; ntoto uzedi kwa yiwakubika.

25. Tala mbu wauna wau-nene ye wayalumuka! Tanzala tanzala bilembukunwanga tanga bikwe zietingi momo, bibulu biabinene ye mbangi biabizio.

26. Momo mpe mukwendilanga zinzaza, momo mukalanga Leviatani uwavanga mu kwenda sakananangamo.

27. Kwa ngeye batalanga buna biena, kidi wabavana dia kwau mu ntangu buyifweni.

28. Ngeye ukubavananga ye bau intumbu yonzika; ngeye uyalumunanga koko kwaku, ye bau beti yukuta mu nkailu miaku miabiza.

29. Ngeye uswekanga zizi kiaku, ye bau beka wonga; ngeye ukatulanga miela miau,

buna bafukidi ye bavutukidi mfumfuta diaka.

30. Ngeye ufilanga mpeve aku, buna bavangamene, ye ngeye uvilulanga luse luantoto luamona.

31. Bika nzitusu aMfumu wakala kwele mvu kuvutukidi mvu; bika Mfumu kayangalala mu mavanga mandi,

32. iyandi utalanga ntoto, ye wau weti zakama; iyandi uvalakananga miongo, ye miau mieti fwita mwisi.

33. Nzolele yimbila mu nzitusu aMfumu, nate ye bungiena wavumuna; nzolele sika Nzambi ami, nate ye buyakidi kwami moyo.

34. Bika mpovolo zami zazolwa kwa yandi; bika yayanlalala mu Mfumu.

35. Kansi bantu bamasumu bika balala va ntoto, ye bankwa miayayibi balembwa kala diaka. Mwel' ami, sika Mfumu. Haleluya.

## Nkunga 105.

*Nkunga wamasika kwaMfumu mu diambu diakinkete kwa bantu bandi.*

Lutonda kwa Mfumu, lubokila nkumbu andi, luzaikisa mavanga mandi mu monakanda diabantu.

2. Luyimbila mu nzitusu andi ye lunsika, lumokina bi-mangu biandi biabionsono.

3. Lukisanisina mu nkumbu andi yanlongo; bau batombanga Mfumu, bika bayangalala ntima.

4. Luyuvula Mfumu'ye lulendo luandi, lufwanda zizi kiandi ntangu zazonsono.

5. Lubanza mu mavanga momo manzenza makavanga, mu bimangu biandi ye nkongodolo zanwa andi,

6. beno lunkun' aAbalami, isielo kiandi, beno lubana ba-Yakobi, bakasola.

7. Yandi iMfumu, Nzambi eto; nkongodolo zandi zikwendanga mu nza yamvimba.

8. Yandi ubanzanga mu luwawanu luandi kwele mvu kuvutukidi mvu, idiambu dikasa kwa zunda diazimbandu,

9. ye mu luwawanu lubawawane ye Abalami, ye mu ndefi yikadia kwa Isaki.

10. Yandi wasilabo vo imwina kwa Yakobi, ye kwa Isaleli iluwawanu luakwele mvu kuvutukidi mvu, bukayova vo:

11. »Kwa ngeye ngina vana nsi aKanana, yau yina kala vo ikunku kiafwa dieno.

12. Buna bakidi fikabu ye ntalu yafiuma ye banzenza muna.

13. Yau bakwenda kibingi mu bantu kabantu ye nsi kansi.

14. Yandi kayambula muntu mosi nkutuko kabasa diambu; yandi wavovisa zimfumu mu diambu diau:

15. »Kaluvalakanani babami bakuswako, ye kalusani minkambi miami diambuko».

16. Ye yandi watuasa maledema va nsi, ye wabunga biabionsono bibakutu vukila.

17. Kansi yandi wabatekisila muntu kuntu, iYosefi watekwa mu kinanga.

18. Yau bayamisa malu mandu mu mbienga, va sengwa ikakatwa lekanga kwandi nate ye ntangu yina

19. yayendila mambu mandu detila ye mwazailwa mu mpovololo aNzambi, vo kondolo kwandi nkanu.

20. Buna mfumu wantuma, kidi kakutulwa, inyadi wabantu wamvulusa.

21. Yandi wansa mfumu mu nzo andi ye nkebi ambongo zandi zazonsono;

22. yandi walenda kanga mfumuzandi, bonsobukazolele, ye longa bamakota nduenga.

23. Ibonso bobo bwayizila Isaleli mu Ngipiti, Yakobi wayika nzenza mu nsi aHami.

24. Nzambi wavanga bantu bandi banieka kwakwingi ye balutila mintantu miao ngolo.

25. Yandi wasekula ntima miao mu bela bantu bandi ye bawawanana bisielo biandi.

26. Buna wafidisa Mose, isi-elo kiandi, ye Aloni, bakasola.

27. Bau bavanga bimangu biandi mu monakanda diau ye bimpangula mu nsi aHami.

28. Yandi wafidisa tombe ye wayambula yayonsoho yakala nabokongo; yau kabasa ntingu mu mambu mandiko.

29. Yandi wakitula nlangau menga ye wayambula mbi-zi zau zanlangu, kidi zafwa.

30. Yandi wasa nsi au yafuluka kwa biula nate ye mu zingudi zanzo zazimfumu zau.

31. Yandi watuma, ye sama biamavekwa mampopo intumbu kwiza, ye bambu mu nsi au yayonsoho.

32. Yandi wabanokisina mvula zabala, minlaku miatia kafidisa mu nsi au.

33. Yandi wabwisa nti miau miavinia ye miakuyu ye watolula minti mu nsi au.

34. Yandi watuma, ye mako-nko ntumbu kwiza ye bimpia-tu bialembukunwanga tanga.

35. Biau biamana dia bifulu biabionsono mu nsi au, ye kwenia mbongo va nsi.

36. Yandi wavonda bionso biasemukunwa mu nsi au, imi-ntekidi miangolo zau zazonsono.

37. Ye Yandi wabavaiki-sila mu palata ye wola, ye mu makanda mandi kamwakala wamosi nkutuko wazeza.

38. Bisi Ngipiti bayangalala, bubavaika, kadi wonga wakala yau mu diambu dia-baIsaleli.

39. Yandi wayalumuna tuti inkaku, ye tia mu wangula mu fuku.

40. Yau balomba, ye yandi wabaluakisila zinuni ye wabayukutisila mu mampa mazulu.

41. Yandi wazibula tadi, ye nlangu wacilumuka; wau wanyendila mu nsi yankatu bonso mwila.

42. Yandi wabanza mu mambu mandi manlongo ye mu sielo kiandi Abalami.

43. Buna yandi wavaiki-sila bantu bandi mu kiese ye babandi basolwa mu yangalala.

44. Ye wabavana nsi zabalembolo zaya Nzambi, ye ndandu zabantu yau bavingilazo.

45. Mpasi bakeba minkondo miandi ye vanga mina miandi. Haleluya.

## Nkunga 106.

*Ndimbulu aminu yabaIsaleli ye nkwikulu aMfumu.*

Haleluya! Lutonda kwa Mfumu, kadi wambote wena

ye nlemvo andi usalanga kwele mvu kuvutukidi mvu.

2. Nani unamo lenda ta, mavanga maMfumu mena mbidi angolo, ye samuna masika mandi mamonsono?

3. Kiese kiena yau bava-nganga yina yasonga, ye basadilanga mu mfonga ntangu zazonsono.

4. Mfumu, umbanzila bonso bwena nlemvo aku mu bantu baku, wiza wangiambudila ndalulu aku,

5 kidi yamona kiese kiokio kiababaku basolwa ye yangalala ye bantu baku yangalala kumosi, ye yakisanisina ye fwa diaku va kimosi.

6. Beto tuamana vola masumu bonso mase meto, tuavanga yayibi ye tuakondwa vumi kiaNzambi.

7. Mase meto mu Ngipiti kabayindula bimangu biakuko; yau kababanza mu mavanga maku mamingi manlemvoko, kansi bakala ntingu ku mbu, ku Mbu wambwaki.

8. Kansi yandi wabalalula mu diambu diankumbu andi mu zaikisa ngolo zandi.

9. Yandi wasemba Mbu wambwaki, ye wau weka nayo-koso, ye wabatuadila mu monakanda diansina bonso mu nsi yankatu.

10. Yandi wabavukisa mu moko mabasa kubabela, ye wabavulusa mu moko mamin-tantu.

11. Nlangu wafuka mintantu miau, widi wamosi nkutu kasalako.

12. Buna yau balekila mambu mandi minu, ye bayi-mbila mu nsikulu andi.

13. Kansi fintama ntama bavalakana mavanga mandi diaka, ye kabavingila ndue-ngosolo andiko.

14. Yau basimbudulwa kwa luzinunu mu nsi yankatu, ye batonta Nzambi mu nsi amakanga ye makanga.

15. Buna yandi wabavana yina yibalomba, kansi mpe wabafidisa yela kwantela.

16. Yau bata Mose nsoki vabakala ye Aloni, imuntu wanlongo waMfumu.

17. Buna ntoto watenduka ye wamina Datani ye wafuka kabu diaAbilami.

18. Tia tuamana yoka kabu diau, ye bankwa miayayibi bavia nlaku.

19. Yau bavanga kingombe ngombe ku Olebi ye basambila teki kiayitulwa.

20. Nzitusu au babudisawo mu kifwani kiangombe yikasanga titi.

21. Bavalakana Nzambi, imvulusi au wavanga mava-

nga momo mamanene mu Ngi-piti,

22. ye lekwa yanzenza mu nsi aHami ye mavanga mansisi beni ku Mbu wambwaki.

23. Buna yandi wabavumisa mu bunga. Kansi Mose, imuntu ukasola, wabatelamana mu kinzonzi vena Nzambi mu vengumuna nganzi zandi, kazidi kubafukisa.

24. Yau batungudila nsi akiese ye kabalekila mambu mandi minuko.

25. Bavunguta mu zinzo zau zakoto, ye nding' aMfumu nkutu kabawayoko.

26. Buna yandi wabanangu-nina koko kwandi ye wadia ndefi mu kubabwisa mu nsi yankatu,

27. ye mu bwisa bana bau mu monakanda diabalembolo kunzaya ye kubamwangisa mu zinsi.

28. Yau babundana ye Bali Peoli ye badia biayekulwa mu diambu diabafwa.

29. Yau Bafwemisa Nzambi mu mavanga mau ye ntangu alubu mununu yababwila.

30. Buna Pineasi watelama ye wakongudila, ye lubunu-mununu silukatikidi;

31. ibobo kasiwa mfonga mu mbandu kambandu kwele mvu kuvutukidi mvu.

32. Ye yau bafwemisa Mfumu ku nlangu waMeliba, ye Mose wabiva nitu mu diambu diau.

33. Kadi bubakadila mpeve andi ntingu, buna yandi wavova mu koba biandi, bukalembwa kukibanzila.

34. Yau kababunga bantu batuma Nzambiko vo, lubabunga,

35. kansi bamwangana ye balembwa zaya Nzambi ye bavukumukina mavanga mau.

36. Yau basadila biteki biau, ye biau imasiongi mau.

37. Ye bayoka bana bau bababakala ye bana bau babakento nkailu kwa zimpeve zambi.

38. Batengula menga makondolo nkanu, imenga mabana bau bababakala ye babakento ye wabayekula kwa biteki bika-Kanana, nate ye nsi yamana sumununwa mu minkanu mia-menga.

39. Bonso bobo basumunwa mu mavanga mau ye basambukulwa mu luyangulu.

40. Buna nganzi zaMfumu mu bantu bandi zafunduka, ye fwa diandi nkutu wakaminadio nitu.

41. Yandi wabaniokuna mu moko mabalembwa zaya Nzambi, ye wabayambula bayalwa kwa bababela.

42. Mintantu miau miabafiningisa, ye babeduswa kungsi amoko mau.

43. Ntabila zazingi yandi wabatabila, kansi yau bakala ntingu mu tuzolo tuabau kibeni, nkiangunu babungana mu minkanu miau.

44. Kansi wabatala mu mpasi zau, bukawa mbokolo zau.

45. Ye mu kiwuntu kiandi kabanza mu luwawanu luandi, ye wadikama ntima, bonso bwakala nlemvo andi waunene.

46. Ye yandi wabavanina nlemvo mu yau babonsono bama kubanata zinkole.

47. Mfumu, Nzambi eto, utulalula ye utuyonzika mu balembo kuzaya, kidi tuasika nkumbu aku yanlongo ye kukisanisina mu nsikulu aku.

48. Bika Mfumu Nzambi aIsaleli kazituswa kwele mvu kuvutukidi mvu! Ye bika bantu babonsono bavova vo: Amen, Haleluya!

## NKANDA WANTANU.

### Nkunga 107.

*Mrutudulu amatondo yabaIsaleli bubavuluswa kwa Mfumu.*

Lutonda kwa Mfumu, kadi yandi wena wambote, ye nle-

mvo andi usalanga kwele mvu kuvutukidi mvu.

2. Bika bavuluswa kwa Mfumu bavova bobo, ibakavulusa mu mpasi,

3. ibakayonzika ku zinsi, kuselukilanga ntangu ye kudinininga ntangu ye kunda ndu ye kubanda.

4. Yau bazenzila mu nsi yankatu mu zimpambu zakondwa bantu, ye kabamona vata dibana zakalako;

5. bamona nsatu adia ye mpwin' anlangu, ye miela miau miasuka suka.

6. Kansi baboka kwa Mfumu mu mpasi zau, ye yandi wabasadisa mu ncita zau.

7. Yandi wabatuasa mu nzila yisongele, kidi baluaka ku vata dibafwiti kala.

8. Yau siba tonda kwa Mfumu mu diambu dianlemvo andi ye mu diambu diamangu biandi mu bana babantu,

9. kadi yandi wayukutisa mwela wakala suka suka, ye mwela wakala nsatu wafuluzawo mu lekwa biandi biambote.

10. Yau bavwanda mu tomba ye mu kini kialufwa, bakangulwa mu mpasi ye mu sengwa,

11. mu diambu diabakala matingu mu mambu maNza-

mbi, ye batungudila nduengo-solo ankwa akayengele.

12. Yandi wasimbila mintima miao mu ncita; yau bazeza, ye kamwakala ubasadi-sako.

13. Kansi mu mpasi zau babokila Mfumu, ye yandi wabasadisa mu ncita zau;

14. yandi wabavaikisa mu tombe ye mu kini kialufwa, ye mbienga zau wadamunazo.

15. Yau siba tonda kwa Mfumu mu diambu dianlemvo andi ye mu diambu diabimangu biandi mu bana babantu,

16. kadi bielo biansongo yandi wakosikisabio, ye wadamuna mbindukwa zasengwa.

17. Yau bakala mazoba ye bakala diatanga mu mpodolo zaminkanu, nkiangunu bwabu bakwamuswanga mu diambu diaminkanu miao.

18. Miela miao miakankumukina dia kwakonsono, ye bakala bafinama ye mielo mialufwa.

19. Kansi mu ncita zau babokila kwa Mfumu, ye yandi wabasadisa mu mpasi zau.

20. Yandi wafidisa mambu mandi ye wabaniakisa ye wabayukisa mu mpeto.

21. Yau bana tonda kwa Mfumu mu diambu dianlemvo andi ye mu diambu diabi-

mangu biandi mu bana babantu;

22. yau bana nata minkailu mialusikulu ye samuna mavanga mandi mu kiese.

23. Mu zinzaza bazietila mu mbu ye bakitila mu minlangu miaminene;

24. imomo basongulwa mavanga maMfumu ye bimangu biandi mu nsin' ambu;

25. mu mambu mandi katedimisina tembo, ye kiau kiatudika zimbula.

26. Yau batombuka ku mbata ye bawolumuka ku nkati ansina; miela miao mizeza mu wonga.

27. Yau basansala ye badanzakana bonso bwe kiamalavu, ye nduenga zau zazonsono zeka zanana.

28. Kansi mu ncita zau babokila Mfumu, ye yandi wabavaikisa mu mpasi zau.

29. Yandi wasa tembo napi, ye zimbula zakala yeku yeku zivongele kwandi.

30. Ye yau bayangalala, bukwakala napi, ye yandi wabatuala ku ntombokolo yibazola.

31. Yau siba tonda kwa Mfumu mu diambu dianlemvo andi ye mu bimangu biandi mu bana babantu;

32. yau bana kunzangisa mu bundu diabantu ye ku-

nsika kuvwendi bangudi zabantu.

33. Yandi wakitula mila nsi yankatu ye minkelo intoto wena nayokoso, ye ntoto wavududu ikanga diamungwa,

34. mu diambu diayayibi yabantu bakalangavo.

35. Yandi wasa nsi yankatu zinga kianlangu wawingi, ye vena nayokoso inkelo kwandi.

36. Ivovo kavwandisa bakala nsatu adia, ye yau baltunga vata dibafwiti kala.

37. Yau bakuna mavia ye batuika mayinza mavinia, ye dia kwamena koko batambu-lako.

38. Yandi wabasakumuna banieka beni, ye kayambula makabu mabibulu biau maziotako.

39. Kansi bavutuka kala diaka bafiuma ye bakindakana, kadi nzungu ye kiadi biabaniema.

40. Yandi usonganga lutungudulu kwa zimfumu ye ubazenzisanga mu nsi amakanga ye makanga mukondolo nzila nkutu,

41. yandi buna wazangisa wena kimputu ye waniekisa makanda mabantu bonso makabu mamamene.

42. Bamfonga sibabo mona ye yangalala, ye yayibi yayo-  
nsono yina zika nwa.

43. Wena nduenga bika kayindulabo ye kabanza mu mavanga maMfumu manlemvo.

### Nkunga 108.

*Nkunga wansikulu kwa Mfumu ye ndombolo alumungunu mu mintantu.*

1. Nkunga waDavidi.

UNzambi, ntim' ami uvovamene, nzolele yimbila ye sika; inga, bobo bwena luzolo luamwel' ami wawo.

3. Nanguka, ngeye usaltali ye ngeye unsambi; nzolele sikimisa nkala mpumbu.

4. Nzolele tonda kwa ngeye Mfumu mu kati diabantu ye sika ngeye mu kati diazimbandu zabantu.

5. Kadi nlemvo aku wau-nene wena ye uviokele zulu, ye kedika kiaku nate ye mu matuti.

6. Bika ngeye, Nzambi, wazangukwa va ntandu azulu, ye nzitusu aku bika wayalumuka mu ntoto wawo.

7. Vana lunungunu mu koko kwaku kwalubakala ye ungwila, kidi vo bakundi baku bana lalulwa.

8. Idiau nzolele yangalala, kadi Nzambi mu mfonga zandi wavova vo: »Mono ngina kaba Sikemi ye teza ndimba waSukoti.



9. Ngileadi iyami, ye Manase mono mvwidi, Efalemi itabulu kiantu ami, Yuda inkawa wami wakimfumu.

10. Moabi ibola diami diangiobidila, ye va Edomi itubanga nsampatu ami; mu nsi abaFilisteia isasulanga mbo-kolo zayangalala.»

11. Nani una kuntuala ku vata diasiamu, nani una kuntuala ku Edomi?

12. Kadi ngeye, Mfumu, keti watuniange, buulembolo vutuka kwiza ndala kwa makabu meto, uNzambi?

13. Utuvana lusadusu mu mintantu, kadi lusadusu lubantu iluankatu.

14. Butuena ye Nzambi tulendanga mavanga mangolo, yandi una diata mintantu mieto.

### Nkunga 109.

*Mu diambu diamintantu miambabuzuka.*

1. Nkunga waDavidi.

UNzambi ankung' ami wansikulu, kudingamaniko. Kadi bangiasidi minwa miau miambi ye miampumpuluvunu, ye bampovele mu tudini tuamavunu.

3. Yau banzungidi mambu mandudi ye bandwanisi buyakondolo bila nkutu.

4. Mu kunkakila kaka imomo bakunsendilanga mu tonda kwami, kansi mono isambilanga kwami.

5. Yau bamvutudidi yambi mu yambote ye mbedolo mu tonda.

6. Unyadisa kwa mfumu yambi, ye bika mfundisi katelama va lueka luandi lubakala.

7. Bukana natwa mu kongudulwa, buna bika kako-ngudulwa nkanu, ye lusambulu luandi luakala nkievo masumu.

8. Bika lumbu biandi biakala biankufi, ye salu kiandi kiabonga wanka.

9. Bika bana bandi balembwa kala se, ye nkento andi kaviluka ifwola.

10. Bika bana bandi bakondwa nzo ntangu zazonsono ye benda lombingi, bika batomba dia kwau nseke ye zinzau zankatu.

11. Mbabi bika kanziona zina zena yandi, ye banzenza batana mbongo zandi.

12. Widi muntu nkutu kamfwilani kiadiko, ye muntu nkutu kalemvukilani bana bandi bakondolo seko.

13. Bika lumbu biandi biena kuntuala biakufukwa, ye nkumbu andi yasukila mu ntekolo andi wantete.

14. Minkanu miamase mandoni bika miabambukulwa moyo kwa Mfumu, ye masumu mambut' andi kamavinsukuswaniko;

15. kansi bika makala kutadisi meso maMfumu ntangu kantangu, ye bika kasukisa mbambukulu amoyo andi vansi.

16. Kadi kabanza nkutuko mu sadila nlemvo; kansi wazoma ukwamuswa ye wena bumputu ye kiadi mu ntima mu kumvonda.

17. Lutumbulu kaka kato-nda, ye luau luanluakila; kazola lusakumunuko, nkiangu- nu luankatukila nseke beni.

18. Lutumbulu wasalo nkievo imvwatu, ye luau luankota mu moyo bonso nangu ye bonso mazi mu visi biandi.

19. Bika luau luankadila keti ivunga dikafukilanga ye keti imponda yikakizinganga mu luketo ntangu kantangu.

20. Bika bobo bwakadila nsendo kwa Mfumu mu minkakidi miami, ye mu yau bavovanga bwambi kwa mwel' ami.

21. Kansi ngeye Mfumu, Mfumu, bika wansadisa mu diambu diankumbu aku; kadi mwanki keti nlemvo aku wabiza wena, do undalula.

22. Kadi lukwamusu ngiena ye bumputu, ye ntim' ami uzokutwanga mu ngudi.

23. Bonso bwenà kini bukieti kwe lambuki, ibuna ikatukilanga; izomwanga bonso makonko.

24. Makungunu mami nkutu meka doka doka mu minanga nsoki, ye nitu ami yividisanga vuluka.

25. Yayika mvwezolo kwa yau; bubambona bandikusina ntu.

26. Mfumu, Nzambi ami, do unsadisa; undalula mu diambu dianlemvo aku.

27. Ye bika bazaya, vo iko kwaku, ye vo ingeye uMfumu wavanga bobo.

28. Vo yau beti tumba, buna ngeye nasakumuningi kwandi; vo yau beti telama, buna ngeye nabaseti nsoni, kansi sielo kiaku kina yangalala.

29. Bika minkakididi miami miakala nayembembe, ye miafukwa mu nsoni zau nkievo ivunga.

30. Nwa ami una tonda kwa Mfumu beni, va kati diababingi ngina kunsika.

31. Kadi yandi utelamanga va lubakala luawena bumputu, kidi kamvulusa mu yau bakongudilanga mwel' andi.

**Nkunga 110.**

*Mfumu aSioni ingudi anlongi bonso bwakala Melkisedeki.*

**1. Nkunga waDavidi.**

Mfumu wavova kwa mfumu ami vo: »Vwanda va lubakala luami, nate ye ngina mana kutudila mintantu miaku mu mfiduku amulu maku.»

2. Nkawa walulendo luaku Mfumu unawo tidika ku Sioni; nayadi kwaku va kati diamintantu miaku.

3. Ngeye buweti wonzika kabu diaku, buna bantu baku mu kiese beti kukituala; kabu diaku diantuenia dieti kwiza kwa ngeye mu mvwatu mianlongo, bonso dime dieti kwiza mu mabunda mankala mpuumbu.

4. Mfumu wamana dia ndefi ye kanayo vunzako vo: »Ngeye ingudi anlongi kwele mvu kuvutukidi mvu, bonso bwakala Melkisedeki.»

5. Mfumu wena yaku va lubakala luaku; yandi una kosikisa zimfumu mu lumbu kianganzi zandi.

6. Yandi una kongudila mu monakanda diabalembolo kunzaya; mwamonsono muna lambalala mvumbi; yandi una kosa mintu monso mwayenda nsi.

7. Yandi una nwa mwila mu nzila; nkiangunu sika do-ngidika ntu andi.

**Nkunga 111.**

*Kinkete kiaMfumu kiakingi kwa bantu baluwawanu luandi.*

Haleluya! Nzolele tonda kwa Mfumu mu ntim' ami wamvimba mu bundu diabamfonga ye mu lukutukunu luau.

2. Mavanga maMfumu manene mena, ye mafweni mayindulwa kwa bau babonsono betimo kadilanga kiese.

3. Yikavanganga ikimfumu ye nzitusu, ye mfonga zandi zisikilanga kwele mvu kuvutukidi mvu.

4. Yandi wavanga, kidi bi-mangu biandi biabambukulwa moyo; Mfumu nlemvo ye kiwuntu kena.

5. Yandi uvananga dia kwa bakumvuminanga, yandi ubanzanga mu luwawanu luandi kwele mvu kuvutukidi mvu.

6. Yandi wazaikisa bantu bandi ngolo zamavanga mandi, bukabasisila balembolo kunzaya difwa.

7. Mavanga mamoko mandi ikedika ye toma, ye mpangulu zandi zazonsono zilembunwannga vunza.

8. Zau zitundanga kaka ntangu zazonsono ye kwele mvu ye kuvutukidi mvu; zivangwanga mu kedika ye mu mfonga.

9. Yandi wafidisa bantu bandi luvulusu, yandi watundisa luwawanu luandi lua-kwele mvu ye kuvutukidi mvu; nkumbu andi yena nlongo ye nsisi.

10. Vumi kiaMfumu imbadukulu aluenga; buna bena banamanga mina bena ndue-nga zazingi. Nsikulu andi yisalanga kwele mvu kuvutukidi mvu.

### Nkunga 112.

*Kiese kiamuntu wamfonga.*

Haleluya! Kiese kiena ye muntu ndiena uvuminanga Mfumu ye ukadilanga mina miandi kiese kiakingi.

2. Nkun' andi una kala ngolo ya ntoto; mbandu abamfonga yina sakumunwa.

3. Kimvwama kiambongo kina kala mu nzo andi, ye mfonga zandi zina kala kwele mvu kuvutukidi mvu.

4. Bamfonga beti tubudulwa kia mu tombe; kadi yandi wena nlemvo ye kiwuntu ye mfonga.

5. Mbote kwandi kwa ndiena usanga nlemvo ye usompi-

sanga, ye utenzikanga bungu diandi va kedika!

6. Kadi yandi kana zezako kwele mvu kuvutukidi mvu; muntu wamfonga una bambukulwa moyo kwele mvu kuvutukidi mvu.

7. Yandi katinanga nsamu wambiko; ntim' andi wena kibakala ye usanga vuvu mu Mfumu.

8. Ntim' andi wena nakekete ye wau kautinangako, nate ye meso mandi bumana yangalala mu mona mintantu miandi.

9. Yandi umwangasanga, yandi uvananga kwa bena bumputu, mfonga zandi zisi-kilanga kwele mvu kuvutukidi mvu; mpok' andi yina zangulwa mu nzitusu.

10. Muntu wambi unabona mona ye fwema; yandi una venia meno mandi ye kala natandila. Luzinunu luabankwa miayayibi luna suka.

### Nkunga 113.

*Masika kwa Mfumu mu diambu diankebulu andi yabiza kwa wena bumputu.*

Haleluya! Lubisielo biaMfumu, lusika nkumbu aMfumu.

2. Bika nkumbu aMfumu yasakumunwa kwele mvu kuvutukidi mvu.

3. Kuselukilanga ntangu nate ye kuyidiminanga bika nkumbu aMfumu yadanuswa.

4. Mfumu wazangama wena mu bantu babonsono, nzitusu andi uviokele zulu.

5. Nani wena bonso Mfumu, Nzambi eto? Yandi wazangama beni,

6. yandi uyinikanga meso mandi mu nsina beni ku zulu ye va nsi;

7. yandi utedimisanga wena nginunu mu mvuku mvuku, ye utombulanga wena bumputu mu nteke

8. mu kumvwandisa va lueka luazimfumu, inga, va lueka luazimfumu zabantu bandi;

9. iyandi uyambulanga sita kavwanda mu nzo mu kiese bonso ngudi va kati diabana bandi.

### Nkunga 114.

*Bimangu biaMfumu bukavaikisa bantu bandi mu Ngipiti.*

Isaleli bukavaika mu Ngipiti, ye nzo aYakobi buyavaika mu bantu bavovilanga mu tudimi tuanzenza,

2. buna Yuda wayika nzo andi yanlongo ye Isaleli ikimfumu kiandi.

3. Mbu wamonabo ye wataba, ye Yolodani wavutukisa manima.

4. Miongo miadumuzuka bonso zinkombo, ye minzanza bonso bana bamameme.

5. Ngeye umbu, mu nkiamaweti tinina? Ngeye uYolodani, mu nkiamaweti vutukisa manima?

6. Lumiongo, mu nkiamalueti dumuzuka bonso zinkombo, ye beno luminzanza bonso bana bamameme?

7. Untoto, bufweni vo una zakamana Mfumu ye zizi kiana Nzambi aYakobi,

8. iyandi ukitulanga mongozinga kianlangu wawingi, ye tadi diambalu into anlangu.

### Nkunga 115.

*Mfumu kaka fiweni mu zituswa.*

Mfumu, kakwabetoko, kakwabetoko, kansi vana nzitusu kwa nkumbu aku mu diambu dianlemvo akuye kedika kiaku.

2. Kadi bakondolo luzailu luaNzambi bila nki bana telanga vo: »Kadi Nzambi au kwe kena bwabu?»

3. Nzambi eto mwanki ku zulu kena, yandi lenda vanga yonso yikazolele.

4. Kansi biteki biau ipalata ye wola, impangulu zamoko mabantu.

5. Biau biena minwa, kansi kababulanga mbemboko, biena meso, kansi kabamona-ngako,

6. biena matu, kansi kabawangako, biena mbombo, kansi kabawanga mfukuko.

7. Mu moko mau kabasi-mbilangamo lekwako, ye malu mau kabadiatilangamoko; malaka mau kamena fimbembo nkutuko.

8. Bavangabio bana dedakana ye biau, inga ye babonsoo basilangabio vuvu.

9. LubaIsaleli, lusa vuvu mu Mfumu. Inga, yandi insadisi au ye nkaku au.

10. Beno lubanzo aAloni, lusa vuvu mu Mfumu. Inga, yandi insadisi au ye nkaku au.

11. Beno luvuminanga Mfumu, lusa vuvu mu Mfumu. Inga, yandi insadisi au ye nkaku au.

12. Mfumu watubanzila, sakumuna sika sakumuna nzo aIsaleli, ye nzo aAloni, sakumuna sikayo sakumuna.

13. Yandi una sakumuna bavuminanga Mfumu, ye babake ye babanene.

14. Bika Mfumu kalunieki-sa beno ye bana beno.

15. Bika luasakumunwa kwa Mfumu, iyandi wavanga zulu ye ntoto.

16. Dizulu izulu diaMfumu, ye ntoto ikavana kwa bantu.

17. Bafwa kabasikanga Mfumuko, ye mpe kababonso-noko bakulumukanga mwena napi.

18. Kansi beto, ibeto tuna sika Mfumu kwele mvyu kuvutukidi mvyu. Haleluya!

## Nkunga 116.

*Nkailu wansikulu wamuntu ulalulu.*

Mono itondanga Mfumu, kadi yandi uwanga nding'ami ye tusambulu tuami.

2. Yandi wantambidi kutu kwandi, nkiangunu nzolele kumbokila mu lumbu biami biabionsono biyakidi vumuna.

3. Minsinga mialufwa mianzingalakana, ye wonga wansi abafwa wambwila; mu neita ye kiadi yakala kwami.

4. Kansi yabokila nkumbu aMfumu: »UMfumu, do lalula mwel' ami.»

5. Mfumu nlemvo ye mfunga kena, Nzambi eto kiwuntu kena.

6. Mfumu ukebanga ban kwa miabumpombo; mono mu nzungu yakala, kansi yandi wandalula.

7. Nkiangunu, umwel' ami, senavutuki vongi, kadi Mfumu ukuvangilanga yambote.

8. Inga, ngeye walalula mwel' ami mu lufwa ye meso mami mu mansanga ye malu mami mu bwa,

9. ngina diata vena Mfumu mu nsi abavumuna.

10. Ndekele kwami minu, nkiangunu ngieti vova. Kansi mu kwama kwangolo yakala,

11. ye mu wonga wami yata vo: »Bantu babo bena mavuna.»

12. Bwe ngina vutudila kwa Mfumu mu mavanga mandi mamonsoho manlemvo?

13. Nzolele bonga kompe kiandalulu ye bokila nkumbu aMfumu.

14. Nzolele futa nsilulu zami kwa Mfumu, inga, va nkati azizi biabantu bandi.

15. Mfwilu zabantu bandi bamfonga ntalu zena mu meso maMfumu.

16. UMfumu, kadi keti mono isielo kiaku, mono isielo kiaku, imwana wabakala wasielo kiaku kiantento; ngeye wankutudi nsinga miami.

17. Nzolele kunatina minkailu miamasika ye bokila nkumbu aMfumu.

18. Nzolele futa nsilulu zami kwa Mfumu, inga, va nkati azizi biabantu bandi,

19. ye mu tumbu tuanzo aMfumu, mu nkati angeye, uYelusalemi. Haleluya!

## Nkunga 117.

*Bantu babonsoho beti kambwa basika Mfumu.*

Buna luena, beno lukondolo luzailu lua Nzambi, lusika Mfumu, lunsika beno lubantu babonsoho.

2. Kadi nlemvo andi ngolo wena mu yeto, ye kedika kiaMfumu kisikilanga kwele mvu kuvutukidi mvu. Haleluya.

## Nkunga 118.

*Mvutudulu amatondo ye ngimbudulu ankembo.*

Lutonda kwa Mfumu, kadi wambote wena, ye nlemvo andi usalanga kwele mvu kuvutukidi mvu.

2. Bika baIsaleli bata bobo, kadi nlemvo andi usalanga kwele mvu kuvutukidi mvu.

3. Bika bena mu nzo aAloni bata bobo, kadi nlemvo andi usalanga kwele mvu kuvutukidi mvu.

4. Bika bavuminanga Mfumu bata bobo, kadi nlemvo andi usalanga kwele mvu kuvutukidi mvu.

5. Buyakala mu mpasi, buna yabokila Mfumu, ye Mfumu wantambudila ye wantula vasadidi.

6. Mfumu ukuntabilanga ye mono kitini; kadi bantu nki balenda kunsu?

7. Mfumu ukuntabilanga, ye yandi insadisi ami, ye mono ngina yangalala mu mona bakumbelanga.

8. Mu tinina kwa Mfumu mulutidi ye mu sa vuvu kwa bantu.

9. Mu tinina kwa Mfumu mulutidi ye mu sa vuvu kwa zinfumu.

10. Buna bena bakondolo luzailu luaNzambi beti kunzunga, kansi mu nkumbu aMfumu ngina kubafukisa.

11. Beti kunzungidila yeku yeku, kansi mu nkumbu aMfumu ngina kubafukisa.

12. Yau beti kunkutakana bonso niumbula, kansi beti zima bonso mbombe va kati diampanga; mu nkumbu aMfumu ngina kubabunga.

13. Inukunwanga mu diambu kidi yabwa, kansi Mfumu weti kunsadisa.

14. Mfumu ingolo zami ye nkunga wami walusikulu, ye yandi wankadila lulalulu.

15. Mbokolo zakiese mu diambu dialalulwa zeti wakana mu zinzo zabamfonga; koko kwaMfumu kwalubakala kuvanganga mavanga matulendo.

16. Koko kwaMfumu kwalubakala kwazangama kwena, koko kwaMfumu kwalubakala kuvanganga mavanga matulendo.

17. Kina ami fwako, kansi ngina vuka ye samuna mavanga maMfumu.

18. Mfumu mu ngolo beni kandongidikila, kansi mu lufwa kangiambulako.

19. Lunzibudila bielo biamfonga; nzolelemo kota ye tonda kwa Mfumu.

20. Wau imwelo waMfumu; bantu bamfonga banawo kota.

21. Ntondele kwa ngeye, buwantambudila ye buwankadila lulalulu.

22. Tadi diodio dianiangwa kwa mintungi, diayika tadi diafuma.

23. Kwa Mfumu kayikilabo, bobo bwena bwanzenza mu meso meto.

24. Kiaki ilumbu kiavanga Mfumu, bika tuayangalalakio ye kala kiese.

25. UMfumu, lalula! UMfumu, bika bwatoma.

26. Ukwiza mu nkumbu aMfumu, bika kasakumunwa. Beto tukulusakumuna ku nzo aMfumu.

27. Mfumu iNzambi, yandi watuvana kia. Lukanga minkailu miangioka mu nsinga nate ye ku mpoka zadisalu.

28. Ngeye iNzambi ami, ye nzolele kutonda; Nzambi ami, nzolele kuzangisa.

29. Lutonda kwa Mfumu, kadi yandi wambote wena,



kadi nlemvo andi usalanga  
kwele mvu kuvutukidi mvu.

### Nkunga 119.

*Mbombolo yayingi yena mu mambu  
maNxambi kwa muntu  
wamfonga.*

Kiese kiena yau bena zinzi-  
la zikondolo nkanu, iyau ba-  
diatilanga mu mina nuaMfu-  
mu.

2. Kiese kiena yau bake-  
banga kimbangi kiandi ye  
bakuntombanga mu ntima  
wamvimba,

3. balembolo vanga bwa-  
mbi, kansi badiatanga mu  
nzila zandi.

4. Ngeye watuma ntumunu  
zaku, kidi zakebwa nakekete.

5. Engwa, vo nzila zami  
zikala zamfonga, kidi yakeba  
minkondo miaku.

6. Nga kiakutu siwa nso-  
niko, buyakedi sungamananga  
mina miaku miamionsono.

7. Nzolele tonda kwa nge-  
ye mu ntim' ami wamvimba,  
bungina longwa minsiku mi-  
amfonga zaku.

8. Minkondo miaku nzole-  
lemio keba; kunsisani nampi-  
ako.

9. Toko bwe kana kebila  
nzil' andi yalebwa sumuka?  
Buketi tatamana mu mambu  
maku.

10. Ikutombanga mu ntim'  
ami wamvimba; kungiambu-  
lani yavengumuka mu mina  
miakuko.

11. Mpovolo zaku isweka-  
ngazo mu ntim' ami, kidi ya-  
lebmbwa vola masumu kwa  
ngeye.

12. Mfumu, bika ngeye wa-  
sikwa! Undonga nkondo mi-  
aku!

13. Mu bikoba biami isa-  
muninanga nsiku miamionso-  
no mianwa aku.

14. Iyangalalanga mu nzil'  
akimbangi kiaku bonso mu  
mbongo zazingi zampila mu  
mpila.

15. Nzolele banza mu ntu-  
munu zaku ye sungamana  
mpambu zaku.

16. Ngiena kiese kiami mu  
nkondo miaku, ye kivilakana-  
nga mpovolo zakuko.

17. Sanga bwambote kwa  
mono isielo kiaku, kidi ya-  
vuka, buna mpe mono sia  
keba mambu maku.

18. Unzibudila matu, kidi  
yabakula bimangu mu mina  
miaku.

19. Mono inzenza ngiena va  
nsi; kunswekani mina mia-  
kuko.

20. Mwel' ami waniukuku-  
swa mu diambu diakadila  
nsiku miaku ngunda zantangu  
kantangu.

21. Ngeye uvovisanga bena mayama ye batumbwa ye bavengumukanga mu mina miaku.

22. Unkatudila mvwezolo ye ntungudulu, kadi ikebanga kimbangi kiaku.

23. Zimfumu zeti vwanda mu kungwawanana, kansi sielo kiaku kiyindulanga nkondo miaku;

24. inga, kimbangi kiaku ikiese kiami, kiau inluengisi ami.

25. Mwel' ami uvwembamene mu fundu fundu diantoto; unkebila moyo bonso bwenina mambu maku.

26. Ikambanga nzila zami kwa ngeye ye ukuntambudilanga; undonga nkondo miaku.

27. Undonga yavisa nzil' antumunu zaku, buna ngina yindula mu bimangu biaku.

28. Mwel' ami weti didila mu kiadi; untedimisa mu mambu maku.

29. Bika nzil' amavunu yan kadila nseke beni, ye bika wangiambudila ndongolo zaku.

30. Nzila yakedika mono yaseniyo, ye nsiku miaku yamenimio tula va tadisi zizi kiami.

31. Ngieti tatamana mu kimbangi kiaku; Mfumu, kungiambulani yasiwa nsoniko.

32. Nzolele yungusa mu nzil' amina miaku, kadi ubombanga mwel' ami.

33. Mfumu, unsonga nzil' ankondo miaku, buna nginayo diata nate ye ku nsukulu.

34. Umpana nduenga, buna ngina. tala mina miaku ye kebamio mu ntim' ami wamvimba.

35. Untuala mu mpambu amina miaku, kadi iyau inzolele.

36. Zodisa ntim' ami mu kimbangi kiaku ye kuyambulaniwo wenda mu ndandu akimbabuko.

37. Unsietula meso kamidi tala ku bifubila; unkebila moyo mu nzila zaku.

38. Yendis a mpovolo aku detila mu sielo kiaku, kadi yau yituasanga vumi kiaku.

39. Unkatudila mvwezolo, yoyo yitininga, kadi nsiku miaku miabiza miena.

40. Tala, imonanga ngunda zantumunu zaku; unkebila moyo mu mfonga zaku.

41. Mfumu, bika nlemvo aku waluaka va mono, ye ndalulu aku bonso bwena mpovolo aku;

42. buna sia baka mangina vutudila kwa ukumvwezanga; kadi isilanga mambu maku vwadi,

43. Kunzionani mambu makedika mu nwa ami kiamakuluko, kadi ngiena vuvu mu nkongodolo zaku.

44. Nzolele keba mina miaku ntangu kantangu, kwele mvu kuvutukidi mvu.

45. Ungiambula yadiata vasadidi, kadi ifwandanga ntumunu zaku.

46. Nzolele vova kimbangi kiaku va zimfumu, ye kina ami fwa zinsoniko.

47. Ngina mona ngunda zami beni mu mina miaku, kadi mau izolanga;

48. Ngina zangula moko mami ku mina miaku, kadi miau izolanga, ye nzolele yindula nkondo miaku.

49. Banza mawakamba kwa sielo kiaku, kadi mu mau ngeye wantudisi vwadi.

50. Yiyi imbombolo ami mu ndungulu zami, mambu maku bumeti kunkebila moyo.

51. Bantu bamayama beti kuntiaka bulembolo fwana, kansi mono kikatuki mu mina miakuko.

52. Mfumu, mono ibanza nga nkongodolo zaku zakala ye ntama, ye mono intumbu bombwa.

53. Nganzi zayama zeti kumbaka, mu diambu diabankwa miayayibi beti sisa mina miaku.

54. Nkondo miaku iminkunga miami miamasika mu nzo yoyo, yingienina kinzenza.

55. Mfumu, mu fuku ibanzanga nkumbu aku ye ikebanga mina miaku.

56. Mu keba ntumunu zaku ibubu yavangulwa.

57. Mfumu ikunku kiami; mono bobo ikambanga, vo nzolele keba mambu maku.

58. Mono ikulomba mu ntim' ami wamvimba; unsila nlemvo bonso bwena mpovolo aku.

59. Mono iyindulanga nzila zami ye ibangumunanga malu mami mu kimbangi kiaku.

60. Ngieti sa nswalu, ye kieti sa fuki mu keba mina miakuko.

61. Minsinga miabankwa miayayibi mieti kunzingama, kansi kilendi vilakana mina miakuko.

62. Mu nkati afuku itelamanga mu vutula matondo kwa ngeye mu diambu diansiku miamfonga zaku.

63. Bakuvuminanga ye bakebanga ntumunu zaku, ibau baibundananga.

64. Ntoto uzedi mu nlemvo aku, uMfumu; undonga nkondo miaku.

65. Mfumu, ngeye usanga bwambote kwa sielo kiaku, bonso bwena mambu maku.

66. Undonga nduenga zabiza ye luzailu, kadi ilekilanga mina miaku minu.

67. Buyalembwa kala mu lungwa kwa kwama, buna yazimbala yakala, kansi bwabu ngieti nama mu mpovolo aku.

68. Ngeye wena wambote ye uvanganga bwambote; undonga nkondo miaku.

69. Bantu bamayama bakungikilanga mavuna, kansi mono nzolele keba ntumunu zaku mu ntim'ami wamvimba.

70. Mintima miau miayika miativa bonso mazi, kansi mono ngieti tula ngunda zami mu mina miaku.

71. Mbote kwandi kwa mono, buyalongodokolo mu ngolo, mpasi kaka kidi yalonguka mina miaku.

72. Mina mianwa aku milutidi kwa mono mu mazunda mabuku biawola ye palata.

73. Moko maku mampanga ye mankubika; umpana nduenga zavisila mina miaku.

74. Bakuvuminanga bana kumbona ye yangalala, kadi isanga vuvu mu mambu maku.

75. Mfumu, nzaidi kwami, vo nkongodolo zaku zena zamfonga, ye vo mu nkwikulu ngeye wandongidikila.

76. Bika nlemvo aku wakala mbombolo kwa mono,

bonso buwakamba kwa sielo kiaku.

77. Bika kiwuntu kiaku kialuaka mu mono, kidi yavuka; kadi mina miaku ngieninamio ngunda.

78. Bika bamayama basiwansoni, kadi bampengi yambi, bunkondolo bila nkutu; kansi mono nzolele yindula ntumunu zaku.

79. Bika bavuminanga ngeye babangumuka kwa mono ye bazaidi kimbangi kiaku.

80. Bika ntim'ami wakondwa nkanu mu nkondo miaku, kidi yalembwa fwa nsoni.

81. Mwel'ami weti zina moyo mu ndalulu aku, isanga vuvu mu mambu maku.

82. Meso mami meti zina moyo mu mambu maku, ye ivovanga vo: nki antangu una kumbomba?

83. Kadi mono ngiena bonso kuba va mwisi, kansi kivilakananga nkondo miakuko.

84. Kadi lumbu biasielo biaku keti biafiuma biena! Nki alumbu una kongudila minzomi miami?

85. Bantu bamayama beti kuntimina mabulu, iyau balembolo vukumukina mina miaku.

86. Mina miaku miamionsono imiakedika; mono ngieti

zomwa mu kondwa kwabila nkutu; unsadisa.

87. Fiuma fisidi nga bamfukisa va nsi, kansi mono kisi-sanga ntumunu zakuko.

88. Unkebila moyo, bonso bweni nlemvo aku, buna mpe mono sia keba kimbangi kianwa aku.

89. Mfumu, mambu maku matundanga ku zulu kwele mvu kuvutukidi mvu.

90. Nkwikulu aku yena mu mbandu kambandu; ngeye wakubika ntoto, ye wau ukalanga.

91. Biabionsono biakidi nate ye bwabu mu diambu diavanga nkondo miaku, kadi biabio bina kusadila.

92. Vo yalembwa kadila mina miaku ngunda, nga yakutwa mana bungana mu nzungu zami.

93. Kasi kina ami vilakana ntumunu zakuko, kadi mu zau ngeye unkebilanga moyo.

94. Mono iwaku; do undalula; kadi ntumunu zaku ngietizo fwanda.

95. Bankwa miayayibi beti kunkenga mu kumfukisa, kansi mono ikebanga kimbangi kiaku.

96. Mfonga zazonsono mono yamonazo nsukulu, kansi mina miaku mbidi ayalanganana.

97. Mwanki beni izolanga mina miaku! Mwini wamvimba yindula ye yindulamio kaka.

98. Mina miaku mikunsanga yalutula mintantu miami mu kala nduenga, kadi miau imbongo zami zakwele mvu kuvutukidi mvu.

99. Mono ndutidi minlongi miami miamionsono mu nduenga, kadi iyindulanga kimbangi kiaku.

100. Ndutidi bangudi zabantu mu zinduka, kadi ikebanga ntumunu zaku.

101. Mono ivengumunanga malu mami mu nzila zazousono zambi, kidi yakeba mambu maku.

102. Kivengumukanga mu nsiku miakuko, kadi ngeye ukundonganga.

103. Mambu maku mwanki nazekezeke beni mena mu nwa ami! Mau malutidi niosi mu kala nazekezeke mu nwa ami.

104. Ntumunu zaku zikumbakisanga zinduka, idiau tinanga mu zinzila zazonsono zamakutu.

105. Mambu maku imwinda mu malu mami ye kia mu mpambu ami.

106. Mono yadia ndefi ye yakebayo mu vanga minkondo miamfonga zaku.

107. Mono ikwamuswanga beni; Mfumu, unkebila moyo, bonso bwena mambu maku.

108. Yambula minkailu mi-anwa ami mingieti yekula kwa ngeye, Mfumu, miazolwa kwa ngeye, ye longa mono nsiku miaku.

109. Ntangu zazonsono inatanga mwel' ami mu koko kwami, kansi kivilakananga mina miakuko.

110. Bankwa miayayibi bakuntambilanga masiongi, kansi kizimbakananga mu utumunu zakuko.

111. Kimbangi kiaku ifwa diani diakwele mvu kuvutukidi mvu, kadi kiau ikiese kiantim' ami.

112. Mono yayinimisi ntim' ami mu vanga, bonso bwena nkondo miaku ntangu zazonsono ye nate ye ku nsukulu.

113. Mono ibelanga bena sanza sanza, kansi mina miaku izolangamio.

114. Ngeye itabulu kiami ye nkaku ami; isilanga mambu maku vwadi.

115. Beno lubambi, lunkatukila kweni; mono nzolele keba mina miaNzambi ami.

116. Unsiamisa bonso bwena mambu maku, kidi yavuka, ye kungiambulani yasiwa nsoni ye minu kiamiko.

117. Unsimbidila yalalulwa, buna sia tonwa nkondo miaku mu kiese ntangu zazonsono.

118. Ngeye ubanzanga babonsono bazimbakananga mu nkondo miaku, vo kalekwako, kadi bungubi bwau ibwankatu kwandi.

119. Ngeye unianganga buna bena bankwa miayayibi va ntoto nkievo titi; idiau izodilanga kimbangi kiaku beni.

120. Nsuni ami uzakamanga mu diambu diawonga waku, ye nkongodolo zaku ngienazo vumi beni.

121. Mono isadilanga mu songa ye mfonga; kuna kundiokuna kwa minyamisi mi-amiko.

122. Talanga bungu diasielo kiaku ye yambula katoma nitu; kuyambulani bantu bamayama bangiamisako.

123. Meso mani mena ngunda zalulalulu luaku ye mambu mamfonga zaku.

124. Vanga kwa sielo kiaku, bonso bwena nlemvo aku, ye undonga nkondo miaku.

125. Mono isielo kiaku; umpama nduka zavisila kimbangi kiaku.

126. Ntangu yifweni Mfumu, kidi kasa buma, kadi yau bameni fubisa mina miaku.

127. Idiau iluta zodilanga mina miaku mu wola, inga, mu wola wabiza.

128. Idiau ibanzilanga ntu-munu zaku zazonsono, vo zena zamfonga mu yayo, kansi nzila zazonsono zamakutu mono ibelangazo.

129. Kimbangi kiaku mwan-ki kianza kiena, idiau mwel' ami utomakio kebanga.

130. Mambu maku bumeti zibulwa, buna makiesanga ye mavananga nduka kwa babu-mpombo.

131. Iyasanga nwa ami ye ivumukanga mu lemina, kadi ngiena ngunda zazingi mu mina miaku.

132. Umbangumukina wansila nlemvo, bonso bufwanane kwa yau bazolanga nku-ambu aku.

133. Siamisanga tamba bi-ami mu mambu maku, ye kuyambulani yavinguswa kwa yambi nkutu kunsiko.

134. Umpulusa mu kwamuswa kwa bantu, buna sia keba ntumunu zaku.

135. Bika zizi kiaku kiasia sielo kiaku ye longa mono nkondo miaku.

136. Mila mianlangu mivai-kanga mu meso mami mu diambu diamina miaku, milembwa kebwanga.

137. Mfumu, ngéye wena wamfonga, ye nkongodolo zaku zisongele kwandi.

138. Ngeye wata kimbangi kiaku mu mfonga ye mu nkwi-kulu yayinene.

139. Ngieti manwanga kwa vema mu diambu diamintantu miaku, mivilakananga mambu maku.

140. Mambu maku mave-dila mena, ye sielo kiaku kizolangamo beni.

141. Mono nginunu ngiena ye itungudulwanga, kansi kivilakananga ntumunu zakuko.

142. Mfonga zaku imfonga zakwele mvu kuvutukidi mvu, ye mina miaku miena mia-kedika.

143. Nzungu ye neita bi-nduakidi, kansi mina miaku ikiese kwa mono.

144. Kimbangi kiaku kiena kiamfonga kwele mvu kuvutukidi mvu; umpana nduka, kidi yavuka.

145. Ibokanga mu ntim' ami wamvimba; Mfumu, bika wantambudila.

146. Kwa ngeye ibokanga, bika wandalula, buna sia keba kimbangi kiaku.

147. Nsuka ikwizanga bukubadikidi kia bwisi, ye ibokanga; isilanga mambu maku vwadi.

148. Meso mami meti te-kila mu bilo biafuku mu yindula mambu maku.

149. Wa nding' ami, bonso bwena nlemvo aku; Mfumu, unkebila moyo, bonso bwena nsiku miaku.

150. Balandanga yambi beka lukufi, iyau batatukidi ye mina miaku nseke beni.

151. Ngeye mpe, Mfumu, weka lukufi, ye mina miaku miamionsono miena miakedika.

152. Ntama beni yabakula mu kimbangi kiaku, vo ngeye wasiamisakio mu mimvu mikamimani.

153. Untalanga mu ndungulu ami ye undalula, kadi kivilakananga mina miakuko.

154. Dedisa mambu mami ye umpulusa; unkebila moyo, bonso bwenina mambu maku.

155. Lulalulu lutatukidi beni ye bankwa miayayibi, kadi kabayuvulanga nkondo miakuko.

156. Mfumu, kiwuntu kiaku kiena kiakinene; unkebila moyo, bonso bwena nsiku miaku.

157. Minzomi miami ye mintantu babingi bena, kansi kivengalakananga mu kimbangi kiakuko.

158. Bungieti mona bantu bampumpuluvunu, ngieti kubakamina nitu, mu diambu

diabalembolo nama mu mambu maku.

159. Banza kwaku, vo mono izolanga ntumunu zaku beni; Mfumu, unkebila moyo, bonso bwena nlemvo aku.

160. Tezo kiamambu maku kiena kiakedika, ye nsiku miamionsono miamfonga zaku misikilanga kwele mvu kuvutukidi mvu.

161. Bazimfumu bakunzomanga mu nana, kansi ntim' ami wena vumi kiamambu maku.

162. Iyangalalanga mu diambu diamambu maku, bonso buyangalalanga ndiena vengi ndandu yayingi.

163. Makutu mono ibelangamo, mau sima kala nkan-kumusua kwa mono; kansi mina miaku izolangamio beni.

164. Lumbu kalumbu mono ikusikanga nsika nsambodia nsambodia mu diambu diansiku miamfonga zaku.

165. Yenge kiakinene kiena yau batondanga mina miaku, ye kakwenani kilenda kubabwisako.

166. Mfumu ivingilanga ndalulu aku, ye bonso bwena mina miaku, mono ivangan-gabo.

167. Mwel' ami ukebanga kimbangi kiaku, ye izolanga kio beni.



168. Ikebanga ntumunu zaku ye kimbangi kiaku, kadi ngeye zaidi nzila zami zazonsono.

169. Mfumu, bika lubokolo luami lualuaka va luse luaku; umpana nduka, bonso bwena mambu maku.

170. Bika lusambulu luami lualuaka va luse luaku, untabila bonso bwena mambu maku.

171. Bika bikoba biami biacamuna masika kwa ngeye, kadi ngeye ukundonganga nko-ndo miaku.

172. Ludimi luami bika lu-ayimbidila mambu maku, kadi mina miaku miamionsono mi-ena miamfonga.

173. Bika koko kwaku kwansadisa, kadi ntumunu za-ku mono yamenizo sola.

174. Mfumu, ngienina lulalulu luaku ngunda, ye mina miaku ikiese kwa mono.

175. Vukisa mwel' ami, buna wau siwa kusika; ye bika nsiku miaku miansadisa.

176. Vo mono ngina zimba-kana, bika wafwanda sielo kiaku bonso meme diazimbala, kadi kivilakananga mina mi-akuko.

### Nkunga 120.

*Ngiaudulu mu diambu diabungubi bwamintantu.*

1. Nkunga wambalukulu ku nzo aNzambi.

Kwa Mfumu ngieti boka-nga mu nzungu zami, ye ya-ndi weti kuntambudilanga.

2. Mfumu, do lalula mwel' ami mu bikoba biamakutu ye mu ludimi luampumpuluvunu.

3. Ngeye uludimi luampu-mpuluvunu, nki kana kusa mu ntangu yayi ye mboki mu yina kwisa?

4. Tala, toto biakinwani biansongi ye makala mansende mayuya.

5. Engwa, mono buikatwa kala nzenza mu nsi aMeseki ye vwanda va zinzo zaKedali.

6. Ntama beni mwel' ami watukididi kala ye bau babe-langa yenge.

7. Mono ikebanga yenge, kansi bonso bonso ita kwami, bau mpaka kaka.

### Nkunga 121.

*Vuvu mu lusadusu luaMfumu.*

1. Nkunga wambalukulu ku nzo aNzambi.

Isendulanga meso ku mio-ngo; lusadusu luami kwe luna tuka?

2. Lusadusu luami lutuka-nga kwa Mfumu, wavanga di-zulu ye ntoto.

3. Yandi kana yambula kulu kwaku kwazezako; ndie-na ukebanga ngeye, yandi ka-vitanga tuluko.

4. Tala, ndiena ukebanga Isaleli yandi kavitanga tuluko, ye yandi kalekangako.

5. IMfuma kwandi ukebanga ngeye, Mfumu kwandi intabidi aku va lubakala luaku.

6. Ntangu kayina kuyamisa mu mwiniko, ye kangonda mpe mu fukuko.

7. Mfumu una kutabila mu yambi yayonsono, yandi una tabila mwel' aku.

8. Yandi una tabila mpai-kulu aku ye nkotolo aku bwa-bu ye kwele mvu kuvutukidi mvu.

### Nkunga 122.

*Nxodulu ayambote kwa Yelusalemi.*

1. Nkunga wambalukulu ku nzo aNzambi; waDavidi.

Mono yayangalala, bubankamba vo: ntuendino ku nzo aNzambi.

2. Malu meto mayambulwa mu telama va mielo miaku, uYelusalemi, Yelusalemi,

3. ngeye uvata watoma tungwa, uvata diena nzo kimfini kimfini

4. dibalukilanga makanda, imakanda maMfumu, bonso bwena mina kwa baIsaleli, mu sika nkumbu aMfumu.

5. Kadi muna mwena biandu bialukongodolo, ibiandu bianza aDavidi.

6. Zodila Yelusalemi yenge; inga, bika batondanga ngeye batoma nitu.

7. Bika yenge kiakala momo bibaka biaku, ye lutomo lukala mu nzo zaku zazimfumu.

8. Mu diambu diampangi zami ye bakundi bami ngina kubikila yenge.

9. Mu diambu dianzo aMfumu, Nzambi eto ngina kuto-mbila yina, yina kutomisa nitu.

### Nkunga 123.

*Ndombolo alusadusu mu mintu-ngudidi.*

1. Mkunga wambalukulu ku nzo aNzambi.

Isendulanga meso mami kwa ngeye, uvwandanga mu dizulu.

2. Bonso butadilanga meso mabisielo koko kwa bamfumu zau, ye meso masielo kiankento koko kwa mfumu andi yankento, ibobo butadilanga meso meto Mfumu, Nzambi eto, nate ye kana kutulemvukila.

3. Mfumu, utulemvukila, utulemvukila, kadi tuayukutidi beni mu mvwezolo.

4. Miela mieto miayukutidi beni mu ntiakulu zabankwa miamayama ye mu ntungudulu zabankwa mianza.

**Nkunga 124.**

*Mvutudulu amatondo mu rukila  
mu nsisi yayingi.*

1. Nkunga wambalukulu ku nzo aNzambi.

Vo Mfumu kakezi yetoko — bika baIsaleli bata bobo — vo Mfumu kakezi yetoko, bantutu bubakezi kutukutakanana,

3. nga bakutu kutumina kimoyo, nganzi zau buzikezi vema kwa yeto;

4. nga minlangu mikutu kutudimisina, ye mila mikutu kwiza va miela mieto;

5. nga mikutu kwiza va miela mieto minlangu miomio mieti kumba.

6. Bika Mfumu katondwa, bukalembwa kutuyekula mu meno mau!

7. Miela mieto mivukidi bonso nuni mu dinsinga diantambi azinuni; dinsinga dikwanzukini, ye beto tuvukidi kweto.

8. Lusadusu luetu luena mu nkumbu aMfumu, yandi wavanga dizulu ye ntoto.

**Nkunga 125.**

*Mfumu utabilanga Isaleli.*

1. Nkunga wambalukulu ku nzo aNzambi.

Basanga vuvu mu Mfumu, bafwanane ye mongo waSioni

ulembolo nikuka, kansi usikilanga kwele mvu kuvutukidimvu.

2. Miongo mieti zungidila Yelusalemi, ye Mfumu weti zungidila bantu bandi bwabu ye kwele mvu kuvutukidi mvu.

3. Ngiadulu ayambi kayilendi zingila va fwa diabamfongako, bamfonga kabidi lambula moko mau mu yilembolo songa.

4. Mfumu, bika wavanga yambote kwa bambote ye bona mintima misongele.

5. Kansi bavengalakananga mu nzila zambi, bika Mfumu kabakuba ye mimvangi miayayibi va kimosi. Bika yenge kiakala kwa baIsaleli!

**Nkunga 126.**

*Nkununu yadilu, kansi ngionzokolo yakiese.*

1. Nkunga wambalukulu ku nzo aNzambi.

Mfumu bukatungudila Sioni, buna tuena nkievo. beto tulotolo ndozi.

2. Minwa mieto miafuluka kwa kiesa ye tudimi tueto kwa yangalala; buna mu monakanda diabakondolo luzailu luaNzambi bwatewavo: »Mfumu wabavangidi yilekwa yayinene.

3. Inga, Mfumu watuva-ngidi yilekwa yayinene; idiau tueti yangalala.

4. Mfumu, bika wavutula bayeto banatwa, bonso buuvutulanga mila miamvula ku nsi abanda.

5. Bakunanga mu mansanga bana yonzika mu kiese.

6. Beti kwenda didi ye nata mbongo zau zankuna; beti kwiza vutukila ye kiese ye nata mita miau.

### Nkunga 127.

*Iusakumunu lualonsoo kwa Mfumu lutukidi.*

1. Nkunga wambalukulu ku nzo aNzambi; waSalomoni.

Vo Mfumu keti tunga nzoko, buna betiyo tunga bana tungila mu nkatu. Vo Mfumu keti kenga vatako, buna nke-ngei weti kaila meso mu nkatu.

2. Buna imu nkatu keti lutelamanga ye nsuka ye lusuta kwenda lekingi, ye ludiana dia kweni mu mpasi; kadi yandi uvananga ko kwa bakundi bandi, bubeti leka.

3. Tala, bana inkailu kwa Mfumu, ye bana mu vuma batambulwanga nsendo.

4. Bonso totolo mu koko kwakinwani ibobo bwena ba-

na bababakala babutidi muntu mu kintuenia kiandi.

5. Kiese kienaye ndiena ufuzangabio mu kebolo kiandi kiatotolo. Yau kabana kala nsoniko, bubana dedisa mabungu mau ye mintantu va mwelo avata.

### Nkunga 128.

*Kiese kianzo kiamuntu wamfonga*

1. Nkunga wambalukulu ku nzo aNzambi.

Kiese kiena ye ndiena uvuminanga Mfumu, ndiena udia-tanga mu nzila zandi.

2. Ngeye una dia bina sala moko maku; kiese kiena yaku ye lutomo.

3. Nkento aku mu nzo aku una kala bonso nti wavinia, ubutanga bana babingi, ye bana baku va meza maku bakuzungidilanga bonso nsasila mianti wamazi.

4. Tala, ibobo buna saku-munwa muntu uvuminanga Mfumu.

5. Bika Mfumu kakusakumuna ku Sioni; bika ngeye wayambulwa wamona lutomo luaYelusalemi mu lumbu bi-amoyo aku biabionsono,

6. ye bika wayambulwa wamona bana babana baku. Yenge kiakala mu baIsaleli.

### Nkunga 129.

*Lembana kwa mintantu miaSioni.*

1. Nkunga wambalukulu ku nzo aNzambi.

Bampengi mpasi kasi nkadila ntuenia — bika baIsaleli bata bobo — bampengi mpasi kasi nkadila ntuenia, kansi kabampingisa kunsiko.

3. Mintimi batimini minkala va nim' ami ye misidiwo nki-nkita miamila.

4. Kansi Mfumu wena wamfonga; yandi zengele nsinga miabankwa miayayibi.

5. Yau bana siwa nsoni ye vutukisa manima, buna bena babelanga Sioni.

6. Yau bana kala bonso titi biena va minludi bikilenge-dele, bubilembolo kula nkutu;

7. nyonziki nkutu kalendibio fuluzila koko kwandiko, ye nkangi amita nkutu kalendibio vambakana va ntulu andiko,

8. ye beti kwenda vioki kabalendi tako vo: »Bika lusakumunu luaMfumu luakala kwa yeno; beto tukulusakumuna mu nkumbu aMfumu.»

### Nkunga 130.

*Ndombolo mu mpinda mu ngiambudulu amasumu ye luvulusu.*

1. Nkunga wambalukulu ku nzo aNzambi.

Mfumu, mu mpinda ikubokilanga.

2. Mfumu, wa nding' ami, ye bika matu maku mawila mbembo atusambulu tuami.

3. Vo ngeye, Mfumu, una kututangila minkanu, buna nani sika lenda sikila.

4. Kwa ngeye vele kwena ngiambudulu amasumu, kidi una vumunwanga.

5. Ilangidilanga Mfumu, mwel' ami ulangidilanga, ye isanga vuvu mu mambu mandi.

6. Mwel' ami ulutidi langidilanga Mfumu ye minlangididi mu langidila bwisi bwakula kia nkutu kuke.

7. Beno lubaIsaleli, lusa vuvu mu Mfumu; kwa Mfumu kwena nlemvo, ye mvulusu yayingi yena yandi.

8. Yandi una vulusa Isaleli mu minkanu miamionsono.

### Nkunga 131.

*Bumpombo bwantima.*

1. Nkunga wambalukulu ku nzo aNzambi; waDavidi.

Mfumu, ntim' ami kauzinanga moyo mu biabineneko, ye kieti sa meso mu biazangamako ye kiyindulanga yilekwa yanzenzako, yina yinde-mbolo visa.

2. Kedika, mono mbeni si-ma mwel' ami ye dingidikawo;

bonso bwena mwana wayemuka va ntulu ambut' andi, inga, bonso mwana wayemuka, ibobo bwenina mwel' ami mu mono.

3. UIsaleli, sa vuvu mu Mfumu bwabu ye kwele mvu kuvutukidi mvu.

### Nkunga 132.

*Nsilulu aDavidi kwa Mfumu ye nsilulu aMfumu kwa Davidi.*

1. Nkunga wambalukulu ku nzo aNzambi.

Mfumu, banza mu Davidi mu diambu diandungulu andi yayonsoo yakwama,

2. iyandi ndiena wadia ndefi kwa Mfumu ye wasila nsilulu kwa Nkwa wangolo mu Yakobi, vo:

3. »Kina ami kota mu nzo yikalangako, ye kina ami lambalala mu ntand' amiko,

4. kina yambula meso mami mabaka tuluko evo nkanda miami miameso miavita tuluko,

5. nate ye bumbeni bakila Mfumu nzo, nzo kwa Nkwa wangolo mu Yakobi.»

6. Tala, beto tuawa vo yau inkela yaluwawanu yena mu Efata, tuayizayo bwana mu nsi aYali.

7. Tukotano mu nzo andi tuasambila va mbel' amfiduku amalu mandi.

8. Nanguka Mfumu wayiza ku vuma kiaku kiamvundila, ngeye ye nkela alulendo luaku.

9. Bika bangudi zaminlongi miaku bavwata mfonga, ye bika bantu baku bamfonga bayangalala.

10. Mu diambu diasielo kiaku Davidi kuvutulani waku wakuswako.

11. Mfumu wadila Davidi ndefi yakedika, yikana lembwa kabikisa: »Mu bana bana tu ka mu moyo aku ngina yadisa zimfumu va kiandu kiaku.

12. Vo bana baku bana keba luwawanu luami ye kimbangi kiami, bingina kubalonga, buna bana bau mpe bana vwanda va kiandu kiaku kwele mvu kuvutukidi mvu.

13. Kadi Mfumu wasola Sioni ye zolele muna mwakala nzo andi.

14. Vava ivangina vundila kwele mvu kuvutukidi mvu; vava ngina kala kwami, kadi vava nzolelevo.

15. Bionso biena vava nginabio toma sakumuna, ye kwa bena bumputu ngina vana dia kwalunga.

16. Bangudi zaminlongi ngina vwika ndalulu, ye bamfonga bana yangalala mu kiesa.

17. Vava ngina kudisila Davidi mpoka; vava mpe ya-

kubikila wami wakuswa mwinda.

18. Mintantu miandi ngina-mio vrika zinsoni, kansi va yandi vana cema inpu andi.»

### Nkunga 133.

*Lusakumunu lutukanga mu kimpangi kiabamfonga.*

1. Nkunga wambalukulu ku nzo aNzambi; waDavidi.

Tala, bonso bwena bwakiese ye bwamfonga zimpangi buzi-bundananga va mosi mu yenge.

2. Bwena kwandi bonso mazi mantalu maswenanga kuntu ye mu yedo, iyedo kia-Aloni ye makulumukanga nate ye mu nsuk' amvwatu andi.

3. Bwena kwandi bonso dinoko diaHelomoni dibwanga va mongo waSioni, kadi vana ivavangudi Nzambi lusakumunu imoyo ukaumani.

### Nkunga 134.

*Lusakumunu luaMfumu va bakusakumunanga.*

1. Nkunga wambalukulu ku nzo aNzambi.

Tala, beno buna luena lubisielo biaMfumu, lusakumuna Mfumu, beno lutelamanga mu fuku mu nzo aMfumu.

2. Luzangulanga moko meno ku nzo yanlongo luasakumuna Mfumu.

3. Bika Mfumu kakusakumuna ku Sioni, iyandi wavana zulu ye ntoto.

### Nkunga 135.

*Masika kwa Mfumu mu bimangu biandi biabinene.*

Haleluya! Lusika nkumbu aMfumu, lubisielo biandi lusika.

2. Beno lutelamanga mu nzo aMfumu, mu tumbu tuanzozo aNzambi eto.

3. Lusika Mfumu, kadi yandi wena wabiza, luyimbidila nkumbu andi, kadi yau yena yamfonga.

4. Kadi Mfumu wakisodila Yakobi ye Isaleli, kidi kamvwa.

5. Kadi nzaidi, vo Mfumu wena waunene, ye Mfumu eto vo kalutidi zinzambi zazonsono.

6. Mfumu lenda vanga yonso yikazolele mu zulu ye vansi, mu mbu ye mu mpinda zazonsono;

7. iyandi utombukisanga matuti mamvula va nsuka zantoto, ye usotukisanga mpezomo mu mvula ye uvaikisanga mpevolo mu lundulu kiani;

8. iyandi wabwisa bateka semukunwa mu nsi aNgipiti, ye bantu ye bulu;

9. iyandi wafidisa bimpangula ye bimangu va ngeye, uNgipiti, va Falao ye va bisielo biandi biabionsono;

10. iyandi wabwisa bantu bangolo ye wayonda zimfumu zazinene;

11. Sihoni imfumu abaAmolea ye Ongi imfumu mu Basani ye zinsi zazonsono za-Kanana,

12. ye wavana zinsi zau difwa kwa bantu bandi ba-Isaleli.

13. Mfumu, nkumbu aku yisikilanga kwele mvu kuvutukidi mvu, uMfumu, ye mbanbukulu amoyo aku mu mbandu kambandu.

14. Kadi Mfumu unungisanga bantu bandi ye ulemvukilanga bisielo biandi.

15. Biteki biabakondolo luzailu luaNzambi ipalata ye wola, impangulu zamoko mabantu.

16. Biau biena nwa, kansi kabavovangako, biena meso, kansi kabamonangako.

17. Biena matu, kansi kabadimbangako, ye mwela nkutu kamwena mu minwa miauko.

18. Bavangabio siba dedakana ye biau, inga, babonsoo basilangabio vuvu.

19. Beno lunzo aIsaleli, lusika Mfumu; beno lunzo aAlo-ni lusika Mfumu;

20. beno lunzo aLevi lusika Mfumu, beno luvuminanga Mfumu, lusika Mfumu.

21. Bika Mfumu kasikwa ku Sioni, yandi uvwandanga mu Yelusalemi! Haleluya!

### Nkunga 136.

*Mvutudulu amatondo kwa Mfumu mu bimangu biandi biabinene ye nlemvo andi ukaumani.*

Lutonda kwa Mfumu, kadi yandi wena wambote, ye nlemvo andi usalanga kwele mvu kuvutukidi mvu.

2. Lutonda kwa Nzambi azinzambi, kadi nlemvo andi usalanga kwele mvu kuvutukidi mvu.

3. Lutonda kwa Mfumu azimfumu, kadi nlemvo andi usalanga kwele mvu kuvutukidi mvu;

4. iyandi kaka uvanganga bimangu, kadi nlemvo andi usalanga kwele mvu kuvutukidi mvu;

5. iyandi wavanga dizulu mu nduenga, kadi nlemvo andi usalanga kwele mvu kuvutukidi mvu.

6. iyandi wayalumuna ntoto va ntandu aminlangu, kadi nlemvo andi usalanga kwele mvu kuvutukidi mvu;

7. iyandi wavanga minda miaminene, kadi nlemvo andi



usalanga kwele mvu kuvutukidi mvu:

8. ntangu mu yala mu mwi-ni, kadi nlemvo andi usalanga kwele mvu kuvutukidi mvu,

9. ngonda ye mbwetete mu yala mu fuku, kadi nlemvo andi usalanga kwele mvu kuvutukidi mvu;

10. iyandi wavonda bateka semukunwa mu Ngipiti, kadi nlemvo andi usalanga kwele mvu kuvutukidi mvu,

11. ye wawaikisa baIsaleli muna, kadi nlemvo andi usalanga kwele mvu kuvutukidi mvu,

12. mu kandazi kiangolo ye mu koko kwalambuka, kadi nlemvo andi usalanga kwele mvu kuvutukidi mvu;

13. iyandi wavambisa mbu mu ndambu zole, kadi nlemvo andi usalanga kwele mvu kuvutukidi mvu,

14. ye wayendisira baIsaleli mu ukati, kadi nlemvo andi usalanga kwele mvu kuvutukidi mvu,

15. ye wamwangisa Falao ye kabu diandi mu Mbu wambwaki, kadi nlemvo andi usalanga kwele mvu kuvutukidi mvu;

16. iyandi wanata bantu bandi mu nsi yankatu, kadi nlemvo andi usalanga kwele mvu kuvutukidi mvu;

17. iyandi wabwisa zimfumu zazinene, kadi nlemvo andi usalanga kwele mvu kuvutukidi mvu,

18. ye wavonda zimfumu zangolo, kadi nlemvo andi usalanga kwele mvu kuvutukidi mvu:

19. Sihoni imfumu aba-Amolea, kadi nlemvo andi usalanga kwele mvu kuvutukidi mvu;

20. ye Ongi, imfumu mu Basani, kadi nlemvo andi usalanga kwele mvu kuvutukidi mvu,

21. ye wavana nsi au idifwa, kadi nlemvo andi usalanga kwele mvu kuvutukidi mvu,

22. ifwa diasielo kiandi Isaleli, kadi nlemvo andi usalanga kwele mvu kuvutukidi mvu;

23. iyandi watubanzila mu ntungudulu zeto, kadi nlemvo andi usalanga kwele mvu kuvutukidi mvu,

24. ye watukiosuna mu kikesa kiamintantu mieto, kadi nlemvo andi usalanga kwele mvu kuvutukidi mvu;

25. iyandi uvananga dia kwa nsuni miamionsono, kadi nlemvo andi usalanga kwele mvu kuvutukidi mvu.

26. Lutonda kwa Nzambi azulu, kadi nlemvo andi usa-

langu kwele mvu kuvutukidi mvu.

### Nkunga 137.

*Ku mila miaBabeli.*

Ku mila miaBabeli, kutuasa vwandila ye kutuadidila mu banza Sioni.

2. Mu nti miakala kuna tuasa manika nsambi zeto.

3. Basa kutukeba nkole batuleba tuayimbila, ye minyami miatukamba tuayangalala:

»Lutuyimbidila nkunga mosi waSioni».

4. Bwe tuakutwa yimbidila nkunga waNzambi mu nsi yazenza?

5. Vo mono ngina vilakana ngeye uYelusalemi, buna bika mpe koko kwami kwalubakala kwamvilakana.

6. Bika ludimi luami luananamana va laka, vo kina kubanzilako, ye vo kina kadila Yelusalemi kiese kiami kilutidiko.

7. Mfumu, banza mu lumbu kiaYelusalemi ye semba bana baEdomi bakala boka vo: »lutulula, lutulula nate ye kulufulu».

8. Umwana wankento Babeli, uvata diankatu, kiese kina kala ndiena una kuvutudila ndinda mu yina yayonsono yiwatuvangidi.

9. Kiese kina kala ndiena una vikitina bana baku banswa ye kubabula va tadi.

### Nkunga 138.

*Mvutudulu amatondo kwa Mfumumu nlemvo andi ye kedika kiandi.*

1. WaDavidi.

Nzolele tonda kwa ngeye mu ntim' ami wamvimba; vena zinzambi nzolele kusika.

2. Nzolele sambila va tadisizi nzo aku yanlongo ye sika nkumbu aku mu diambu dianlemvo aku ye kedika kiaku, kadi ngeye watula lusilulu luaku lualutila mu nene mu yayonsono yavanga nkumbu aku.

3. Buyaboka buna ngeye wantambudila; ngeye wansa kibakala, ye mwel' ami wasiama.

4. Mfumu, zimfumu zazonsono va ntoto bana tonda kwa ngeye, bubana wa ntelo zanwa aku.

5. Yau bana yimbidila nzila zaMfumu, kadi nzitusu aMfumu wena waunene.

6. Kadi Mfumu wazangama wena, kansi utalanga kiena kiakike ye zaidi nkwa amayama nseke.

7. Vo ndieti va nkati anzungu ngeye weti kunkebila moyo; ngeye ukakilanga ki-

kesa kiamintantu miami mu koko kwaku, ye ukundalulanga mu koko kwaku kwalubakala.

8. Mfumu una mana salu kiandi mu mono. Mfumu, nlemvo aku usalanga kwele mvu kuvutukidi mvu. Kusisani mpangulu amoko makuko.

### Nkunga 139.

*Mfumu inkwa aluzailu lualonsono ye muma micamonsono.*

1. Kwa nseki ankunga. Nkunga waDavidi.

Mfumu, ngeye ukumfionguninanga, ye unzaidi.

2. Vo mvwendi, vo ntelamene, ngeye zaidibo; ngeye zaidi mabanza mami, bumakidi nseke.

3. Evo ngieti diata, evo ndambalele, ngeye wetibo bakula, ye zaidi nzila zami zazonsono.

4. Diambu nkutu bukadi-kiluakidi va ludimi luamiko, tala, buna ngeye Mfumu menidio kukizaila nadede.

5. Ngeye, Mfumu, ukumpa-mbakananga yeku yeku, ye ukebanga koko kwaku va mono.

6. Luzailu luampila yoyo ngietilo lembana; ndaku yingi, kilendilo visako.

7. Kwe ngina tinina mu mpeve aku, ye kwe ngina taba mu zizi kiaku?

8. Vo ngina baluka ku zulu, buna ngeye ikoko wena, ye vo ngina vanga ntand' ami mu nsi abafwa, tala, buna imomo mpe ngeye wena.

9. Vo ngina bonga maveve mankal' ampumbu ye tunga nzo ami ku nsuk' ambu,

10. buna mpe kuna koko kwaku kundiatisi, ye koko kwaku kwalubakala kunsimbidi.

11. Ye vo ngina vova vo: »Bika tombe kiamfuka ye kia kwakala fuku yeku yeku va mono»,

12. buna mpe tombe kakikutu andi kala tombe kwa ngeyeko; fuku dikutu wanguka bonso mwini, ye tombe kikutu fwanana keti kia.

13. Kadi ngeye wavanga nsekinia zami, ngeye wambwanga mu vumu kiambut' ami.

14. Mono ikutondele buwampanga bwanzenza beni; inga, mpangulu zaku zena zanzenza, ntim' ami zaidibo beni.

15. Bivisi biena mu nitu ami kabiaswekwa kwa ngeyeko, buyavangwa mu nsweki, buyakubukwa mu nsin' antoto.

16. Meso maku mambona, buyakidi fimwana kaka mu vumu; lumbu biami biabio-

nsono biamonukwa mu nkand' aku ye biamana tezwa, ye kimo-si nkutu bukakiakiluakidiko.

17. Mabanza maku uNzambi mena mbidi akindembi-kisa beni kwa mono, ye mena mamingi mingi.

18. Vo nginamo tanga ntalu, buna nienge nkutu uke; bunsikameneyakidi kwami ye ngeye.

19. UNzambi, nga vo zolele vonda bankwa miayayibi! Bena siuka diatengudila me-nga bika bankatukila,

20. babikanga ngeye mu bungubi, imintantu kwa ngeye, basadilanga nkumbu aku mu makutu.

21. Babelanga ngeye Mfumu, kadi kina kubabelakoe, ye bakakilanga ngeye, kadi kina kubakamina nitukoe?

22. Bela kwangolo ikubabedilanga; ikubabanzilanga vo imintantu.

23. UNzambi, bika wamfi-ongunina ye zaia ntim' ami, untontaye zaia mabanza mami,

24. tala, kani ngiena mu nzila yambi, untuadila mu nzila yikayimani.

### Nkunga 140.

*Ndombolo alutabulu mu bantu bakikesa ye bena tudimi tuambi.*

1. Kwa nseki ankunga, nkunga waDavidi.

Mfumu, undalula mu bantu bambi, unkeba mu bankwa miakikesa,

3. mu yau bakananga yambi mu ntima, ye bakutakananga mu nwana mvita lumbu kalumbu.

4. Yau balengusanga tudimi tuau kidi tuakala bonso zinioka; nsa mianioka zambalu miena mu bikoba biau.

5. Mfumu, unkeba mu moko mabankwa miayayibi, untabila mu bantu bakikesa, bakanaganu mu kumbwisa.

6. Mu nza miau beti kuntambila masiongi ye minsi-nga; beti yala makonde mu mbel' anzila ye kuntudila ntambu.

7. Iyovanga kwa Mfumu vo: »Ngeye iNzambi ami»; Mfumu, dimba nding' atusambulu tuani.

8. Mfumu, Mfumu, insadisi ami wangolo, ngeye utabilanga ntu ami, buikwendanga mu mvita.

9. Mfumu, kuyambulani bwakala bonso bulombanga bankwa miayayibiko; kuyambulani nkanunu zau zambi zatungukako, kabidibo tutila mbaya.

10. Bakunkutakanananga bana luakisa va miau mintu yambi yoyo, yibavengi mu bikoba biau.

11. Mbangazi atia yina ku-basotukina; bana tubwa ku tia ye mu minlangu miampinda, mibana lembana tombuka.

12. Nkwa aludimi luambi kauna sikila va ntotoke; nkwa akikesa una zomwa mu yambi yandi, nate ye kana bwa.

13. Nzaidi kwami, vo Mfumu una dedisa inambu mamuntu wakwamuswa ye nungisa bena bumputu.

14. Inga, bankwa miamfonga bana sika nkumbu aku, ye basonga bana kala va luse luaku.

### Nkunga 141.

*Ndombolo alusadusu mu nsindusulu ye ntantu.*

1. Nkunga waDavidi.

Mfumu, ngieti kubokilanga, sa nswalu kwa mono; dimba nding' ami, buikubokilanga.

2. Bika lusambulu luami luabanzulwa kwa ngeye bonso nkailu amwisi, ye nzangudulu amoko mami bonso nkailu ampimpa.

3. UMfumu, do wasa nkenge va nwa ami, bika wake nga mwelo wabikoba biami.

4. Kuyambulani ntim' ami wavengalakana mu yonso yonso yambiko mu sadila mavanga malembolo songa va kimosi ye bantu bavanganga

yambi; kizolele bimba madia mau mabizako.

5. Bika muntu wamfonga kambufila mu tonda ye kandongidika; mazi mampila yoyo ku ntu kamalendi bela ntu amiko. Kadi yakidi kwami kakila kimfunia kiau mu sambila.

6. Bakuluntu bau bubeti nungunwa mu benga, buna mambu mami sima wilwa, vo meka nalebelebe.

7. Bonso buvatulwanganoto ye bangumunawo, ibobo bwamana mwanguswa bivisi bieto va mbel' ansi abafwa.

8. Kansi Mfumu Mfumu, meso mami meti talanga ngeye; kwa ngeye ikwiza tininanga, kuniangani mwel' amiko.

9. Untabila mu masiongi momo mabantambidi mu nzila, ye mu mintambu miabavanganga yayibi.

10. Bika bankwa miayayibi babwa mu minsinga miabau kibeni, kansi mono ungiambula yaviokamo nakidikiti.

### Nkunga 142.

*Mbokolo alutabulu mu kikesa kiaminxomi.*

1. Nkunga waDavidi; lusambulu luaDavidi mu nluka.

Ngieti sasula nding' ami ye ngieti boka kwa Mfumu,

ngieti sasula nding' ami ye ngieti dila kwa Mfumu.

3. Ngieti kuntengudila kiadi kiami ye kamba nzungu zami.

4. Mwel' ami buweti suka suka mu mono, buna ngeye zaidi mpambu ami; mu nzila yikwendilanga bakuntambilanga masiongi.

5. Tala, ku lubakala luami, mweni, kakwenani muntu zaidi monoko; kamusidi ntinunu mu monoko, kamwenani ubanzilanga mwel' amiko.

6. Mfumu, ngeye ngieti bokilanga; ivovanga vo: »Ngeye intinunu ami ye kunku kiami mu nsi abavumuna.»

7. Talanga lubokolo luami, kadi mu mpasi ngiena, untabila mu minzomi miami, kadi ngietimio lembana.

8. Vaikisa mwel' ami mu kebolo, kidi yasika nkumbu aku. Bamfonga bana kuki-sika mu diambu diami, ngeye buweti kuntomisa nitu.

### Nkunga 143.

*Ngiaudulu ye ludidulu.*

1. Nkunga waDavidi.

Mfumu, wa lusambulu luami ye dimba ludidulu luami, untambudila mu mfonga zaku mu diambu diankwikulu aku.

2. Kukongudilani sielo kia-kuko, kadi mu meso maku widi wamoyo nkutu kawena walungako.

3. Kadi ntantu weti zoma mwel' ami, yandi ufotikisanga moyo ami ye ulumbangawo va nsi; yandi ukuntulanga mu tombe bonso bafwa nta-ma.

4. Mwel' ami weti suka suka mu mono, ntini' ami wena wonga mu ngudi.

5. Ibanzilanga bilumbu biantama, ye iyindulanga mavanga maku mamonso, mavanga maku mamoko maku inono iyindulangamo.

6. Kwa ngeye ngieti lambulanga moko mami; mwel' ami wena ngunda mu ngeye, bonso nsi yena mpwil' anlangu.

7. Mfumu, sa nswalu mu kuntambudila, kadi mwel' ami weti fukila; kunswekani zizi kiakuko, mpasi vo kina dedakana ye yau bakulumukanga mu mpetoko.

8. Umbakusanga nlemvo aku ye nsuka, kadi isanga vuvu mu ngeye. Unzaikisa nzila yingina diatila, kadi kwa ngeye ngieti balulanga mwel' ami.

9. Untabilanga mu mintantu miami, uMfumu; kwa ngeye ikwiza tombingi ntinunu.

10. Undonga yavanga luzolo luaku, kadi ngeye iNzambi ami; bika mpeve aku yabiza yantuadisa vena nalengwa lengwa.

11. Mfumu, unkebila moyo mu diambu diankumbu aku; vaikisa mwel' ami mu mpasi mu diambu diamfonga zaku.

12. Fula mintantu miami mu diambu dianlemvo aku, ye bunga babonsoo batualanga mwel' ami mu mpasi; kadi mono isielo kiaku.

### Nkunga 144.

*Mrutudulu amatondo ye ndombolo amvukulu ye ntomo anitu.*

1. WaDavidi.

Bika Mfumu kazituswa, yandi itadi diami, yandi walonga moko mami nwana ye kandazi biami mu nwana mvita;

2. yandi iNzambi ami yanlemvo wawingi ye nzo ami yakola, tabulu kiami ye nsadisi ami, nkaku ami ye ndiena uikwenda tininanga; yandi ukumpingisilanga bantu bami kusi.

3. Mfumu, muntu inki kwandi, vo ngeye ukunkebanga, ye mwan' abantu vo ngeye ukumbanzilanga?

4. Muntu fwanane ye mpeve, bilumbu biandi biena bonso kini kieti kwe ladi.

5. Mfumu, kulula zulu diaku wakulumuka, valakana miongo, kidi mifawitisa mwisi.

6. Yambula mpezomo zavezima ye wabamwangisa, sika toto biaku wabasa mangidi mangidi.

7. Lambula moko maku vansi, undalula ye untabila mu minlangu miaminene ye mu moko maziinzenza,

8. batanga makutu mu minwa miau ye bena moko mau malubakala imoko makimbabu.

9. Nzambi, nzolele yimbila nkunga wamona kwa ngeye, nzolele kusika mu nsambi akumi diaminsinga,

10. ngeye uvananga ndungunu kwa zimfumu, ngeye walalula sielo kiaku Davidi mu sabala kiambi.

11. Undalula ye untabila mu moko maziinzenza, batanga makutu mu minwa miau ye bena moko mau malubakala imoko makimbabu.

12. Bana beto bababakala, bubana telama nansui bonso nti miantela, ye bana beto babakento bonso bitungwa bialfuma biakwangwa mu diambu diazinzo zabamfumu;

13. ye lundulu bieto bubina zala kwa lekwa biamvukila biampila mu mpila; ye mameme meto bumana niekisa

mazunda, inga, kumi diama-zunda mu zintini zeto;

14. ye ngombe zeto buzina butana kwakwingi; ye baka bukina lembwa kala mwamvu nkutu, ye kamuna kala uta-bangako, ye ngiaudulu nkutu kayina wakana mu mpambu zetoko —

15. kiese kiena ye bantu bana siwa bobo; inga, kiese kiena ye bantu, buNzambi iMfumu au.

### Nkunga 145.

*Nene kwaNzambi ye wote.*

1. Nkunga waDavidi wa-nsikulu.

Nzolele zangisa ngeye Nza-mbi ami, ngeye iMfumu, ye sika nkumbu aku ntangu zazonsono kwele mvu kuvutukidi mvu.

2. Nzolele sika ngeye lumbu kalumbu ye zitisa nkumbu aku kwele mvu kuvutukidi mvu.

3. Mfumu waunene wena ye lutidi mu sikwa, inga, nene kwandi kulembukunwanga vi-sakana.

4. Mbandu yimosi yeti sika mpangulu zaku kwa mbandu yankaka, yau beti samuna mavanga maku matulendo.

5. Ndanu ye nzitusu bia-kimfumu kiaku nzolelebio yi-ndula ye mpangulu zaku za-nzenza.

6. Mavanga maku mangolo

ye nsisi mana mokunwanga; nzolele samuna mpangulu zaku zazinene.

7. Wote waku una kwenda kumu, ye mfonga zaku zina yangululwa.

8. Mfumu wena nlemvo ye kiwuntu, vibidila ye mbidi anlembami.

9. Mfumu wena wambote kwa babonsono, ye ulemvu-kilanga mpangulu zandi za-zonsono.

10. Mfumu, mpangulu zaku zazonsono zina tonda, ye ba-nlongo baku bana kusika.

11. Yau bana mokina nzi-tusu akimfumu kiaku, ye lu-lendo luaku banalo samuna, 12. kidi bata mavanga maku mangolo kwa bana babantu ye nzitusu akimfumu kiaku ye ndanu.

13. Kimfumu kiaku ikimfu-mu kiakwele mvu kuvutukidi mvu, ye luyadulu luaku luenamandu kambandu.

14. Mfumu usimbidilanga babonsono babwanga ye uvu-mbulanga bavwembamanga.

15. Meso mababonsono ma-kutadidilanga, ye ngeye uku-bavananga dia kwau mu nta-ngu yisongele.

16. Ngeye uyalumunanga koko kwaku, ye uyukutisa-nga biabionsono biena moyo mu yibazolele.



17. Mfumu usongele mu nzila zandi zazonsono, ye nle-mvo kena mu mpangulu zandi zazonsono.

18. Mfumu wena lukufi ye yau bakumbokilanga, iyau babonsono bakumbokilanga mu kedika.

19. Yandi uvanganga yilombanga bamfonga, yandi uvanganga mbokolo zau ye ukubalalulanga.

20. Mfumu ukebanga buna bena bakuntondanga, kansi buna bena bankwa miayayibi bana bungwa.

21. Nwa ami una vova nsikulu aMfumu, ye nsuni miamionsono mina zitisa nkumbu andi yanlongo ntangu zazonsono kwele mvu kuvutukidi mvu.

### Nkunga 146.

*Nkunga ansikulu kwa Mfumu, insadisi usongele.*

**Haleluya!** Mwel' ami sika Mfumu.

2. Nzolele sika Mfumu, nate ye bungiena wavumuna; nzolele zitisa Nzambi ami, nate ye buyakidi kwami moyo.

3. Kalusani vuvu mu zimfumuko, ye kamu mwan' abantuko, yandi kalendi sadisako.

4. Mwel' andi wakatwa katuka, ye yandi una katwa vutuka mu ntoto mukavwilu;

buna tukanunu tuandi tuka-bakene.

5. Kiese kiena ye ndiena wena Nzambi aYakobi insadisi andi, ye wena vuvu kiandi mu Mfumu iNzambi andi,

6. iyandi wavanga dizulu ye ntoto ye mbu, ye bionso biena mu wau, iyandi ukwikamanga mu mimvu mikamamani,

7. unungisanga bakwamuwanga, ye uvananga dia kwa bena nsatu. Mfumu ukutulanga zinkole.

8. Mfumu utemusanga bafwa meso, Mfumu uvumbulanga bavwembamanga, Mfumu utondanga bamfonga.

9. Mfumu ukebanga banzenza, yandi usiamisanga bakondolo mase ye mafwola; kansi nzila zabankwa miayayibi yandi usekulangazo mu kiadi.

10. Mfumu uyalanga kwele mvu kuvutukidi mvu, iNzambi aku, uSioni, mu mbandu kambandu. Haleluya!

### Nkunga 147.

*Nkunga wansikulu kwa Nkwa atulendo tuatonsono ye wote wawonsono.*

**Haleluya!** Bwambote bwena mu sika Nzambi eto, inga, bwambote kwandi; nkunga wansikulu ufwanane kwa yeto.

2. Mfumu indiena weti tuna Yelusalemi, yandi uyonzikanga bakubwa mu baIsaleli.

3. Yandi uniakisanga bena mintima miandiongolokolo, ye uviakanga mputa zau.

4. Yandi zaidi ntalu azimbwetete ye ubikangazo nkumbu nkumbu.

5. Mfumu eto waunene kena, ye ngolo zandi zena zazingi ye nduka zandi zilembukunwanga tezakana.

6. Mfumu usiamisanga babumpombo, kansi ubwisanga bankwa miayayibi mu nsi.

7. Luzangula luyimbudulu kwa Mfumu mu mvutudulu amatondo, luyimbidila Nzambi eto mu nsambi,

8. iyandi ufukanga zulu mu matuti ye ukubikilanga ntoto zimvula ye udukisanga titi va miongo.

9. Yandi uvananga dia kwa bibulu ye kwa bana bamayimbi, bayaulanga.

10. Yandi kena kiese mu ngolo zakavaluko, ye kena luzolo mu ntinu zamuntuko.

11. Mfumu uzolanga baku-mvuminanga ye basanga vuvu mu nlemvo andi!

12. Ngeye uYelusalemi, sika Mfumu! Ngeye uSioni, sika Nzambi aku!

13. Kadi yandi wasa bielo biaku mbindukwa zangolo;

yandi wasakumuni bana baku mu ngeye.

14. Yandi ukusilanga nza-ku zaku zayenge, ye ukuyukutisanga mu ntombo zilutidi mu biza.

15. Yandi uluakisanga ntelo zandi mu ntoto, mambu mandini makwizanga ntinu.

16. Yandi unokisanga mvula zampembe bonso mafuku, yandi ubwisanga dinoko diabaduswa bonso bombe.

17. Yandi utubanga mvula zandi zabaduswa bonso bipeso mpeso; nani lenda sikila mu kiozi kiandi?

18. Yandi ufidisanga mambu mandi, ye ukubaniengisanga; yandi uvevumunanga mpevolo andi, ye minlangu mieti kumba.

19. Yandi usamunanga mambu mandi kwa Yakobi, ye minkondo miandi ye nsiku miandi kwa Isaleli.

20. Bobo kasabo kwa bantu bankakako; ye nkondo miandi yau kabazaidimioko.

### Nkunga 148.

*Zulu ye ntoto beti kambwa basika Mfumu.*

**Haleluya!** Lusika Mfumu mu dizulu, lunsika mu kayengele.

2. Luzimpofi zandi zazonsono, lunsika kweni, lubuka biandi biabionsono, lunsika kweni.

3. Ntangu ye ngonda lunsika kweni, buna luena luzimbwetete zicemanga, lunsika kweni.

4. Lumazulu mamazulu lunsika kweni, ye beno lumilingu va ntandu amazulu.

5. Inga, bana sika nkumbu aMfumu, kadi yandi watuma ye biavangamene.

6. Yandi wabavana mbuka zau zantangu kantangu kwele mvu kuvutukidi mvu; yandi wabatudila mwina, ukauvondi muntu.

7. Lusika Mfumu vava ntoto, beno lubibulu biambu ye luzimpinda zazonsono,

8. tia ye mvula zabaduswa, mvula zampembe ye mbungi, ye ngeye utembo uvanganga ntumunu zandi,

9. lumiongo ye minzanza miamionsono, luminti mibutanga bana ye buna luena luminti mia Libanoni,

10. lubibulu biansisi ye biatoluka, lubindekwa ndekwa bizanzalanga ye zinuni zena maveve,

11. luzimfumu zantoto ye bantu babonsono, lumadingizi ye minkongudidi miamionsono va ntoto,

12. lumatoko ye zindumba mpe, lubanuna ye bantuenia va kimosi.

13. Inga, yau bana sika nkumbu aMfumu, kadi nkuumbu andi kaka yena yayinene, ye kimfumu kiandi kiviokele ntoto ye dizulu.

14. Yandi wazangisidi bantutu bandi mpoka mu nsikulu ababandi babonsono bamfonga ye mu nsikulu aba Isaleli, ibantu babana bakumfinanganga. Haleluya!

## Nkunga 149.

*Ndebolo mu sika Mfumu.*

Haleluya! Luyimbila nkunga wamona mu nzitusu aMfumu ye nsikulu andi mu bundu diabamfonga.

2. Bika Isaleli kayangalala mu mvangi andi, ye bana basoni bakala kiese mu mfumu au.

3. Bika basika nkumbu andi mu makinu, bika bansika mu puka ye nsambi.

4. Kadi Mfumu wenina bantutu bandi luzolo, yandi ufangisanga babumpombo mu ndalulu.

5. Bika bamfonga bayangalala mu nzitusu ye bakala kiese va mintanda miao.

6. Nsikulu aNzambi yina kala mu minwa miao ye sa-

bala kiena yeku yeku meno  
mu moko mau,

7. mu vutula ndinda kwa  
bakondolo luzailu lua.Nzambi  
ye mu luakisila bantu luse-  
mbolo,

8. mu kanga bazimfumu zau  
mu mbienga, ye madingizi  
mau mu tuvambu tuasengwa,

9. ye mu kwendisa detila  
mu yau lukongodolo luna lua-  
sonukwa. Nzitusu wowo una  
kala mu bandi babonsono ba-  
mfonga. Haleluya!

### **Nkunga 150.**

*Nsikulu aNzambi.*

**Haleluya!** Lusika Nzambi  
mu nzo andi yanlongo, lunsika

mu nsiamunu alulendo lu-  
andi.

2. Lunsika mu diambu dia-  
mavanga mandi mangolo, lu-  
nsika bonso bwena nzitusu  
andi waunene.

3. Lunsika mu zu diampu-  
ngi akulumeta, lunsika mu  
saltali ye nsambi.

4. Lunsika mu puka ye  
makinu, lunsika mu nsambi  
aminsinga ye mu konki.

5. Lunsika mu simbala zi-  
wunganga ye mu simbala zi-  
ninganga.

6. Bika biabionsono biena  
mwela biasika Mfumu. Hale-  
luya!





This book should be returned to  
the Library on or before the last date  
stamped below.

A fine of five cents a day is incurred  
by retaining it beyond the specified  
time.

Please return promptly.